

..X.. || البارت الثامن والأربعون || X..

جالس بإسترخاء على كرسي الجلد لمكتبه وبأيده ملف يقلبه بهدوء ..
قفله وسرح شوي بخياله يفكر ..
مهما أعاد قراءة هذه القضية فما يقدر يطلع منها أي شيء جديد ..
لهنا وقفت تحقيقاته ولا قدر يتقدم ولا خطوه وحده ..
حس بالباب حق مكتبه يفتح بهدوء فتنهد وهو يتسائل من هالشرطي اللي دخل من دون إستئذان ..
ما حس إلا بولده يطلع بوجهه يصرخ: بابا ..!!
اعتدل بجلسته متفاجئ وهو يشوف ياسر والإبتسامه الكبيره على وجهه ..
ياسر: متفاجئ بابا صح ..؟! متفاجئ صح صح ..?!
إنحنى مشعل له يقول: ياسر إنت كيف جيت هنا ..?!
ياسر وهو يأشر على الباب: عمو فراس جابني ..
رفع مشعل عينه للباب فشاف فراس توه داخل يقول: مساء الخير مشعل ..
مشعل بتعجب: فراس ..! هلا هلا .. غريبه جاي ..?!
تقدم فراس وجلس عالكرسي اللي قدام مكتبه يقول: أم ياسر بتروح مع أهلها لزواج يمنع الأطفال فقالت لي
أهتم بياسر بما إني فاضي .. هههههه حب يشوف مكان شغلك فما رديته ..
ياسر وهو يقلب بالأغراض فوق المكتب: بابا عندك حاجات كثيره هنا .. واهاهه هذه حاجه مكتوب فيها إسمك
كامل .. بابا عندك ملفات وأوراق كثيره ..
نزل بجسمه وبدأ يفتح الأدراج وهو بيدي إعجابه بأي شيء يشوفه ..
رفع راسه لأبوه يقول: واه بابا عندك هنا مُسدس ثاني غير اللي بالبيت ..!!
إبتسم له مشعل فاعتدل ياسر بوقفته يقول بحماس: تعرف بابا ..!! أنا لما أكبر بأصير مثلك .. شرطي يمस्क
الحراميه ..
ضحك مشعل وعبث بشعره يقول: إنت أول شيء إجتهد بدراستك وبعدها صير اللي تبغى تصيره ..
فراس: لا حرام عليك .. ياسر مُجتهد ..
مشعل: مجتهد إيه .. بس مو نفس الإجتهد اللي أنا أبغاه ..
ياسر بحماس: خلاص بابا بأجتهد كثير ..!
لف على فراس يقول: عمر تعال خلنا نشوف كل الشرطه ..
فراس: الموضوع شوي صعب .. مو أي أحد يقدر يلف بالمكان مثل ما بيغى ..
ميل ياسر شفته بعدم رضى وطالع بأبوه يقول: بابا عمو فراس محد يعتمد عليه .. تعال إنت وريني كل الشرطه
إندهش فراس فضحك مشعل يقول: هههههههه بس فراس معاه حق .. ما بيسمحوا لأي واحد يلف على راحته ..
ياسر بإبتسامه: بس بابا أنا مو أي واحد .. أنا بابا يشتغل بمنصب كبير هنا ..
مشعل: ما عليك .. المركز مافيه شيء يجذب عشان تلفه ..
ياسر: إلا .. السجن .. فيه سلاسل ومويه حاره وكذا تضربوا الحراميه عشان يعترفوا ..
إبتسم فراس ورفع راسه لمشعل يقول: مشعل .. إيش نوع الأفلام اللي توريتها ولدك ..?!
مشعل بدهشه: لا لا .. يعني ...
طالع بولده يقول: ياسر وين تشوف هالشيء ..?!
ياسر: بالسووني ..
تنهد مشعل يقول: لما نرجع البيت توريني الشرط ماشي ..?!
ياسر بتعجب: ليش ..?!

مشعل: أشوف نوعه .. ما أذكر عندك شريط كذا ..
تنهد وكمل: مو كل شيء تشوفه بالتلفزيون معناه صح .. إسألني وأنا أقول لك إن كان هالشيء صحيح ولا
خطأ خلاص ..؟!

ياسر: طيب ..

دق باب المكتب فقال مشعل: أدخل ..

دخل ضابط .. قرب من مشعل وهمس بإذنه ف عقد حواجبه بعدها قال: طيب ماشي .. اللحين جاي ..

هز الضابط راسه ورمى له سلام عسكري بعدها طلع ..

قام فراس يقول: ياللا رايحين إحنا وياسر .. شكك مشغول اللحين ..

هز مشعل راسه فقال ياسر: لا لا بابا بروح معك .. وين بتروح ..؟!

مشعل: أحقق لي مع واحد ..

ياسر بحماس: يعني تسأله أسئلته وهو يجاوبك وكذا !!! بابا بروح معك ..

مشعل: ما ينفع حبيبي .. روح مع عمو فراس يمشيك وين ما تبغى خلاص ..؟! بيوديك الملاهي لو تبغى أو

المطعم و..

قاطع فراس: مشعل مشعل تكفى ..! إحنا بنهاية الشهر فلا تفلسني ..

ضحك مشعل فقال فراس: لا أمزح .. ياسر يفديه كل شيء ..

إستانس ياسر فراح لعند فراس يقول: عمو فيه مكان أبغى أروح له ..

مسك فراس بإيده وطلعه معه يقول: وين هالمكان ..؟!

وكملا كلامهم برى فطالع مشعل بالملف اللي كان معه وطاحت عينه على جملة *وقت الوفاة الساعة التاسعة

مساءً بتاريخ ثمانية يونيو *

تنهد وقفل الملف وهو يهمس: قضيتك يا يمه راح تطول ..

لف وخرج متجه لغرفة التحقيق ..

فتح الباب فشاف حُسام جالس بهدوء فتهد ودخل ..

جلس قدامه يقول: المفروض أبدأ أحقق معك العصر .. غريبه طالب تشوفني وهو لسي ما جاء وقت التحقيق

..؟!

طالع حُسام فيه بعدها قال: خلاص .. بأعترف ..

إندهش مشعل للحضات بعدها إبتسم يقول: شيء حلو ..

بدأ يطقق باللاب يقول: تفضل ..

حسام: طيب أولاً ملك .. حققتوا معها ..؟!

مشعل: قلت لك من قبل ما بنقدر من دون دليل ملموس يا حُسام ..

طالعه شوي بعدها إتكأ على الطاولة يقول: حُسام .. شنوع علاقتك بملك هذه..؟! قلت لي إنها زوجة أبوك ..

معناته كنت عايش معها صحيح ..؟!

حُسام بإستنكار: ما أتخيل نفسي معها تحت نفس السقف ..!

مشعل بتعجب: طيب كيف تعرفها ..؟! تتكلم عنها بحقد وهذا شيء طبيعي الواحد يكره زوجة أبوه بما إنها حلت

محل أمه و...

قاطع حُسام: لعلمك .. أمي كانت آخر زوجات أبوي .. ما قدر بعدها يتزوج وحده ثانيه .. أمي محد يقدر يحل

محلها وذيك الملك هي زوجه قديمه ..

شد على أسنانه وهمس: وحده حقوده ..

طالعه مشعل وبعدها قال: طيب ياللا .. إشرح لي كل اللي صار بذيك الليلة .. ما أبغى كالعاده تقول ملك هي

السبب و و .. فاهمني صح ..؟!

سكت حُسام شوي وكأنه متردد ..

ومع هذا راح يتكلم ..

فكر بهالموضوع طوال الليل ..

دامه خلاص الشرطه عارفه أغلب الأمور فالسكوت ما بيفيد أبد ..

راح يجرب .. بيقول له كل شيء وبيشوف إن كان صدق بيساعده ولا لا ..

ما عنده حل غير كذا أصلاً ..

وأصلاً عارف إن هالشيء ما بيغيده ..

لأنه حتى لو إعترف فمافي شيء راح يبرنه ..

بالعكس بتثبت عليه جرائم ثانيه ..

تردد مره ثانيه ..

ذيك الليلة كانوا ناويين يورطوا حميدان بقضيه..

معناته كن يصلح شيء غلط .. والشرطه ما بتسكت عن هذا الشيء ..

راح يتعاقب بكل الحالتين ..

بس ... هو خلاص يبغى يطلع من هنا ..

أخته موعد قصاصها صار قريب لدرجه كبيره ..

يبغى يطلع وللمره الأخيره يتكلم مع بدر ..

لو بتموت فما بيدري وش ممكن يصير فيه !!

قاطع تفكيره مشعل يقول: حُسام شفيك ؟!

طالعه حُسام شوي بعدها قال: لو إعترفت فمتى بأطلع ؟!

مشعل: على حسب الكلام اللي بتقوله ..

حُسام: وإذا طلعت متورط بالموضوع ؟!

مشعل: يعتمد الأمر على مدى تورطك يا حُسام ..

مط حُسام شفته بعدها قال: من الآخر فيه طريقه أقدر أطلع فيها قبل لا يمر أسبوع ..؟!

عقد مشعل حاجبه يقول: والسبب ..؟!

حُسام: أمور شخصيه ..

تنهد مشعل وقال: قول اللي عندك وبأشوف ..

حُسام: أبغى أعرف ..

مشعل: لازم أسمع الموضوع كامل حتى أعطيك إجابته واضحه ..

مط حُسام شفته بعدم رضى بعدها قال: طيب لو ظليت ساكت راح أطلع ..؟!

مشعل: أكيد لا ..

حُسام: والسبب ..؟! ما عندكم دليل و..

قاطعته مشعل: لا تنسى الشاهد ..

حُسام بانزعاج: والشاهد الكلب المنافق هذا وش قال بالضبط ..؟!

ضرب مشعل الطاولة بالقلم يقول: حُسام إنتبه للألفاظك .. الشاهد لو سمعك فيقدر يرفع عليك قضية قذف ..

همس حُسام ببعض الألفاظ بعدها تنهد وطالع بمشعل يقول: طيب هالشاهد وش شهد علي بالضبط ..؟!

مشعل: إغذرنى .. سلم لي إعترافك الكامل وأقولك وقتها وش قال .. يكفي تعرف إنه شهد إنك اللي قتل حميدان ..

حُسام بهمس: ملك الحقيره هذه !!!..

رفع مشعل حاجبه وقال: حُسام .. إنتبه للألفاظ .. في التحقيق لازم تكون حاسب حساب كل كلمه تقولها ..

طالعه حُسام شوي بعدها قال: خالي جواد .. شذراك إنه بعد متورط ..؟!

مشعل: كان فيه كاميرا هناك صورته وهو يهرب وصورت كم شخص من اللي معه ..

حُسام: كاميرا فين ..؟!

مشعل: إجابتي ما بتفيدك بشيء .. حُسام تـ...

قاطعته حُسام: أنا ما طلعت بالكاميرا ذي صح ..؟! معناته ...

بعد وقف عن الكلام ..

خلاص .. مل من كثر الإنكار ..

هو فعلاً كان ذاك اليوم موجود ..

بس حكاية هالقتل فملك مورطته .. أكيد هي اللي خلت ذاك يشهد ضده ..

يعني خلاص مهما أنكر فمافي فايده ..

إذا .. مثل ما فكر طول ليلة أمس ..

راح يقول كل شيء ويترك الباقي عليه ..

يحيى كمان قال له أفضل خيار هو إنك تعترف والشرطه بتساعدك ..

ضاقت عيونه بهدوء ..

أول ما طرى بباله يحيى حتى تذكر كلامه هو وبنان ..

نصيحتهم له .. كذا مره كرروها له ..

" سلم نفسك " !!!..

لو سمع لهم !!! لو كان وضعه أفضل ..

دخل السجن .. وبعد مرور كم يوم عرف إن كلامهم له ... كان الصح ..

لو سلم نفسه لو سلم نفسه وإعترف عن كل شيء بيبكون وضعه أفضل صح ..؟!

إيه .. هو متأكد ..

بس كان مغرور كثير في نفسه ..

تجاهل التفكير في هالموضوع .. لأنه لو إستمر يفكر فيه فراح يعرف إنه كان غلطان ميه بالميه ..
هو مهما كان ما يحب على الأقل يظهر قدام نفسه بمظهر الغلطان ..
تكفيه فكرة إنه فقط إختار شيء غلط وبس ..
صحي من جديد على صوت مشعل يقول: حُسام ..
طالع فيه فقال مشعل: لنا ربع ساعه من جلسنا ومافي شيء جديد ..
طالعه حُسام لفتره بعدها قال: جواد وش تهمته بالضبط ..؟!
مشعل: تهمته لحد اللحين مو واضحه .. لكن هو شوهد وصُور في المكان نفسه اللي حصلت فيه جريمة قتل
بالأضامه لصفقه مشبوهه بين شركة حميدان وبين شركة تركيه .. فأحنا نحتاج نسمع التفاصيل عنه كامله ..
فهو واحد من إثنين .. يا شريك في جريمة قتل حميدان .. أو شريك لحميدان في هذه الصفقه مع الشركه التركيه

حُسام: وإذا كان لا كذا ولا كذا ...!! يعني واحد عادي مر وتورط أو ...
قاطعه مشعل: إنت ما تعرف نوع التصوير اللي عندنا ..
حُسام: ليه وش نوعه ..؟!
تنهد مشعل وقال: أنا اللحين أحقق معك إنت شخصياً مو أحقق معك بخصوص جواد ..! حُسام خلنا نخلص ..
التحقيق في موضوع جواد ببصير معك لكن مو اللحين ..
طالعه حُسام شوي بعدها تردد لفتره ..
تنهد وقال: جواد كان يعرف حميدان ..
إبتسم مشعل لأنه كان واضح إنه وأخيراً يقول كل شيء ..
حُسام: كانت بينهم شغل ما أعرف تفاصيلها .. قرروا يتقابلوا هناك .. جواد طلب مني أنا وموسى اللي مسكتوه
و وكمان عثمان .. طلب منا نجي معه ..
سكت شوي بعدها كمل: يعني مدري شالسبب بالضبط .. لما تمسكوه إسألوه .. المهم طلب منا نكون معه .. كان
شاييل هم إن حميدان ينقلب عليه أو شيء زي كذا .. أو مدري وش بالضبط .. ما خبرني بالتفاصيل .. فكنا معه
.. سمعنا صوت الشرطه وطبيعي كل واحد فينا هرب لمكان .. أنا ركبت بالسياره اللي جينا فيها وهربت و ...
ببس ..

مشعل: بس ..؟!
حُسام بتعجب: إيه ..
تنهد مشعل وقال: حُسام .. كان واضح .. واضح إنك حاولت تغطي على بعض الأمور .. مُستحيل تكون مو
عارف إيش نوع علاقة جواد بحميدان .. وإيش السبب اللي خلاكم تجوا معه .. يعني هو خالك .. إنت أقرب
واحد له فلا تقنعني إنك ما تعرف شيء عنه ..
حُسام: مو قلت لي إنك تحقق معي بموضوعي مو موضوع جواد ..؟! خلاص قلت الموضوع من جانبي ..
إمسكوا جواد وإسمعوا الموضوع من جانبه ..
مشعل بقله حيله: حُسام يا حبيبي كذا ما شفت أنا أي شيء جديد .. الموضوع مُبهم جداً .. تقول جواد بيغى
يقابل حميدان وأخذنا معه وجت الشرطه وهربنا ...!! وش اللي أستفيده أنا من هذا الكلام ..؟! هذه قصه ما راح
تكون مُعتمده .. يتخللها كثير من الهفوات والتفاصيل .. قصتك راح تؤخذ كقصه كاذبه تحاول فيها تبرئة نفسك


حُسام: أنا أقول الحقيقه ..
مشعل: عارف إنك صادق بس نحتاج التفاصيل .. لا تحاول تخفي بعض الأمور بالشكل هذا لأنه ما بيفيدك والله

طالعه حُسام لفتره بعدها لف عيونه بهمس بداخل نفسه: "شفيه ودي كذا ..؟! يحسبني مو شرطي .. صابر
كأنه مُحامي يحاول يبرنني .. وضعه غريب .. بس مع هذا مو قادر أعطيه التفاصيل .. جواد هو اللي لعب على
حميدان وهو اللي عقد الصفقه مع الشركه التركيه عن طريق مكتب حميدان تحت إسم مُزيّف وهو اللي إتصل
بالشرطه وهو اللي دبر كل هذا .. كل اللي سواه هو إحتيال وإنتحال شخصيه وصفقات غير قانونيه .. بيتورط
كثير" ..

مشعل: حُسام .. الحقيقه مصيرها تنكشف .. قول اللي عندك لأن التأخير راح يعقد الأمور أكثر ..
تنهد وقال بهدوء: فمثلاً لو إعترفت لي بكل شيء من أول جلسه كان بينكتب في ملفك إنك تعاونت مع الشرطه
وإعترفت بجرائمك مُباشرة .. هذا كان ببساعدك في الحكم عليك وبيخفض من عقوبتك .. لكن اللي عندنا كله
إتهامات وعناد وقصص مُبهمه و لا تستمر كذا أكثر .. إنت تورط نفسك لدرجه راح توصلك للندم بعدين ..
حُسام: طيب والله ما قتلته ...!! كم مره أكررها ذي ..!!

مشعل: قلت لك عارف إنك ما قتلتته .. فإذا عطنا دليل يؤكد كلامك .. في وقت الحادثه إنت وين كنت وإيش تسوي
!؟!! إذا كان الشاهد كاذب فليه كذب ..!؟ عطنا شيء يفيدنا .. الإتكاف هذا بنظر القانون هو كذب .. فطبيعي كل
مجرم قاتل يكرر جملة ما قتلت أحد بدون أي دليل برانه .. إنت جالس تثبت للقانون إنك قاتل فعلاً ..!!
تردد حُسام كثير ..

كلامه ... مُقنع .. مقنع بشكل كبير ..
بس ... هذا خاله .. اللي إعتنى فيه بعد موت أمه ..
حتى لو كان هو السبب في إنه يدخل عالم الإجرام فهو بنظره أبوه الوحيد !!
مو قادر يعطيه التفاصيل لأن هالتفاصيل بتورط خاله كثير ..
مشعل: خايف على خالك صح ..!؟
طالعه حُسام فكمل مشعل: أفهمك .. طبيعي الواحد يشيل هم الناس القريبين لقلبهم .. حُسام .. إذا تحبه ... فهذا
أفضل شيء تسويه له .. طالع من العالم السيء اللي يعيشه .. صدقني .. بعض اللي مثل حالته يهرب من
الشرطه وبداخله يتمنى تمسكه حتى ينتقل لمرحلة جديده بحياته بعيدة تماماً عن حياته القديمه ..
بعد حُسام عينه وهو يتذكر ياما كرر جواد جملة إنه بس بيغى ينتقم من حميدان وبعدها ما بيهتم إذا مسكوه
الشرطه أو لا ..
ما يدري .. دخل بفوضى كبيره وعقله يلف بيه بكل مكان ..
مُشوش .. مُشوش كثير ..
همس له بهدوء: أبغى أرجع الحجز ..
تنهد مشعل بعدها قال: ماشي .. أتمنى تفكر عدل .. أبغى الجلسة الجايه تكون الأخيره ..
طالعه شوي بعدها كمل بهدوء: إذا كنت محتاج تستشير أحد ... فبعيداً عن التحقيق فراح أجلس معك وأفيدك
بكل شيء .. لا تتردد في طلب المُساعده ..
طالعه حُسام لفتره وكلام هالشخص يزيد مره عن مره غرابه ..



الساعه خمسهِ العصر تقريباً ..
جالسه بالصاله وبأيدها فصفص وتتابع لها فيلم تاريخي عالتلفزيون ..
هاليوم فاضيه بشكل فقررت تتابع لها شيء ..
شوي دخل أخواها للصاله ولما شافها قَرَب وجلس على الكنبه المُقابله يقول: غريبه بنان .. بالعاده تكوني
مشغوله على شغلِك ..!؟
بنان: يعني فضيت .. ما بظل مشغوله طول أيامي ..
هز راسه بعدها طالع بالقلم يقول: هذا وش قصته ..!؟
بنان: واحد كان ينتمي للجيش بس شاف تصرف غلط منهم وما سكت عنه .. قاموا ضده وتهامشوا بعدها قدر
يهرب بجروح طفيفه .. هرب للجبال وصلح لنفسه عصابه من ناس خبلان مثله يسرقون القوافل و ..
يحيى بتعجب: مو شاف تصرف غلط من الجيش ..!؟ وش اللي يخليه يسرق ..!؟
بنان: ههههههه يسرق من قوافل الجيش .. وتقريباً لحد هنا واصل الفيلم .. بس يا شيخ كوميدي بشكل ومُمتع
وأجوانهم ساموراي وكذا ..
إبتسم يحيى يقول: فرق بينك وبين ترف .. لو أسألها شقصة الفلم تتأفف وتقول لا تشوشوني ومو مشكلتي مو
جاي من أول و و و ..
سكت شوي بعدها كمل: على طاري ترف .. هالأيام ما أشوفها كثير وخصوصاً قدام التلفزيون كالعادة ..!؟
بنان: قبل شوي مريت غرفتها وشفتها على كتبها ..
يحيى: أووه تقدم جميل منها ..
جاء فاصل فلفت بنان عليه تقول: يحيى شصار على موضوع حُسام ..!؟
يحيى: كلمته .. فبإذن الله يتعاون مع الشرطه .. فكرت أزوره بكره كمان ..
تنهدت بنان تقول: الله يهديه بس .. لو إعترف من أول بنفسه لكان أفضل ..
يحيى: خلاص يا بنان اللي صار صار .. يمكن خيرهِ محد يدري ..
هزت راسها وقالت: والنعم بالله ..
يحيى: أمي وينها ..!؟
بنان: نايمه ..

هز راسه يقول: حادر ..
ابتسمت تقول: لو ما علمت أحد وقدرت أنا أوصل لهم فراح أكافنك بفلوس واجد فعشان كذا إنتبه تغفل أو
تخطي ..

ظهر الفرخ في صوته يقول: أكيد ماما أكيد ماما ..
تنهدت وقالت: ياللا باي ..
قفلت الجوال وبعدها قامت وراحت للشباك ..
طالعت في ساحة قصرهم لفتره بعدها ضاقت عيونها تهمس: منعوني مره .. بس المره الجايه صدقوني ما
بتقدرون ..

لفت نظرها بغرفتها .. عناد فيهم من وقتها حابسه نفسها بغرفتها وما تفتح لأي شخص يدق الباب عليها ..
عندها بالثلاجه الصغيره اللي يكفيها من الأكل مع إن أغلبه شوكلاتات وأيس كريم ومشروبات ..
حالياً هي ماشيه عليه .. لو حسبت بالجوع فتقدر تدبر نفسها بسهولة ..
دق باب جناحها فتجاهلت الموضوع كالعادة ..
إتجهت لباب غرفتها وقفلته حتى لا يوصل لها صوت الدق ويزعجها ..
إنسدحت على السرير وبدأت تقلب بجوالها ..
دقايق حتى عقدت حاجبها لما شافت جهاد رسل رساله في قروب عيلتهم ..
فتحتها وقرأت محتواها ..

- جهاد ٥:٢٨ pm :

رفعت حاجبها تقول: يستهبل حضرته !!! وش تعني هالنقاط ..؟!
ميلت شفتها وهي للحين منقهرة من تدخله اللي ما كان في مكانه ..
* جهاد أرسل صورته *
إنتظرت الصورة تتحمل ولما فتحتها إندشت من إنها صورته لعيلتهم كلها قبل تقريباً عشر سنوات ..

- جهاد ٥:٣٠ pm : آنجي طالع شكلها غبي ☺

إندشت من رسالته وجلست تقرأها من جديد وقالت: ذا من جده ولا يستهبل ..!!!
رجعت تطالع بالصورة فإندشت لما شافت نفسها كانت أحلى وحده فيهم كلهم !!
لا واضح إنه يستعبط ..

- جهاد ٥:٣١ pm : كِرار إنت قرأت الرساله ، عطني رايك !

- جهاد ٥:٣١ pm : عادي لا تخاف منها تراك أكبر منها بسنه يمكن
مطت شفتها وهمست: بعد اللي سواه فيني بكل وقاحه يستهبل وكأئو ما صار شيء !!! شبحس فيه ..؟!

- جهاد ٥:٣٢ pm : ليه ما ترد ؟ عادي لا تخاف منها ، أنا بأحميك لو بتأذيك ●
آنجي: هو أكيد شايف إني بعد قرأت رسالته ومع هذا ما علق !! وش هدفه بالضبط ..؟! وش معنى بأحميك
ذي ..؟! حسسني إني وحش !!

إنسدحت من جديد وطالعت بالسقف تقول: من وين له هالصوره ..؟! أكيد مام أعطته ..
سرحت شوي بعدها سمعت صوت الدردشه فرفعت الجوال تطالع وش فيه ..

- جهاد ٥:٤١ pm : جريده مطويه ، جريده مفتوحه 📰

رفعت حاجبها فأرسل مره ثانيه ..

- جهاد ٥:٤٢ pm : 📺 اللحين وش نوع هالبنزين ؟ لونه أحمر معناته ٩٥ ؟ بس كاتبين G ؟ شكله نوع

جديد لسي ما نزل في الأسواق

ضحكت غصب عنها تقول: شففيه هستر هذا ..؟! نوع جديد ما نزل بالسوق !!! ههههههههه

- جهاد ٥:٤٢ pm : 📺 مسبحتنا !!!! لقيت مسبحتنا بين الفيسات !!! شدراهم هالغرب عنها !!
ردت عليه آنجي ..

- آنجي ٥:٤٣ pm : حتى الغرب عندهم مسابح إذا م تدري ، أشوفها في الجماعات الدينيه عندهم ب الأفلام
تفاجأت من رده عليها ..


- جهاد ٥:٤٤ pm : معناته صاحيه ، إفتحي لي الباب 🚪

رفعت حاجبها وهمست: هذا النذل !!! وش هالأسلوب الغريب اللي عنده .. للحضات نسيت إنها متترفره منه
بسبب هسترته اللي طلعت فجأه ..

رفعت عينها لباب غرفتها تقول: معناته هو اللي كان يدق الباب قبل فتره ..

طنشت الموضوع ومسكت لحافها وتلحفت فيه حتى تنام ..


من الجبهه الثانيه كان جهاد جالس ومتكي بظهره على بابها ..
 إنتظرها عشر دقائق بعدها تنهد يقول: عنيده ..
 شوي شاف حلا جايه لجهته ..
 جلست قدامه على ركبته تقول: راكان ليه إنت هنا ؟!
 جهاد: بس بغيت أتكلم مع أنجي ..
 حلا: أووه ما بتقدر .. حاولت ماما من قبل وبابا كمان بس طنشت الكُل .. حتى جامعته ما راحت لها ..
 تنهد جهاد فقالت: هيه راكان ..
 جهاد: هلا ..
 حلا: صلّحت اللي قلت لي عليه ..
 عقد حاجبه يقول: وشو ؟!
 حلا: مو قلت لي لو حصل وطفشتي وتبعين تسولفين مع أحد فروحي لكرار وجربي تسولفين معه .. جربت فعلاً
 ورحت له ..
 إبتسم وقال: ها وش صار ؟!
 حلا: كانت يطنشنني بالبدايه بعدها قال لي إنه بيتكلم معي بعد ما يخلص من بحثه .. وaaaa لما قالها لي إنصدمت
 بقووه !!!
 إبتسم وقال: وسولفتوا بعدها صح ؟!
 حلا بتفكير: يعني ..
 عقد حاجبه فقالت: تسعين بالميه أنا أتكلم وهو عشره بالميه .. بس يا يهز راسه أو كتفه ونادر يفتح فمه يتكلم
 .. ما طولنا .. كذا بس وبع ساعه وبعدها طلعت ..
 جهاد: ليه !!!
 حلا: بس .. يعني كذا .. بس خلصت سواليفي فطلعت ..
 تنهد بعدها قال: بس تصدقي .. حركتك تُشكرين عليها .. إستمري وراح تشوفي بنفسك إن كِرار واحد طيب
 عكس ما تتخيله ..
 حلا: إنسان غثيث ومغرور ومتكبر .. كنت أشوفه كذا .. يعني لما تكلمت معه بديت أحس إنو مو كذا .. كُل
 كلامك وقتها كان صح ميه بالميه ..
 إبتسم وقال: إستمري على هالحال خلاص ..
 حلا بحماس: طيب ..
 حركت يدها تقول: باي بروح لغرفتي ..
 بعدها قامت وتركته فإبتسم يقول: هالطفله مزاجيه فعلاً .. ساعات تطلع ملاك وطيو به وساعات عنيده ومزعجه
 ..
 عقد حاجبه لما وصلت رساله على الواتس ..
 فتحتها بسرعه لعلها تكون أنجي أو كِرار ..
 - أسامه ٥:٥٩ pm : مريض
 رفع جهاد حاجبه ..
 وبصراحه .. ما عرف بإيش يرد ..



الساعه عشره ليلاً وعلى سفرة العشاء ..
 تنهد وقال بملل: وش ذا ؟! طفش ..
 طالعه أخته تقول: طفش في إيش ؟!
 ثائر: يعني .. جالسين تاكلوا بدون صوت .. ملّيت ..
 الأمر: ثائر كُل وإنت ساكت .. بطل إزعاج ..
 تنهد وهمس: أنا بس كنت أفرغ طفشي ..
 طالعت الأم بطيف تقول: الهنوف ما إتصلت ؟!
 طيف: لا ليه ؟!

الأم: لا بس مستغريه من زمان ما جت للبيت ..
حور: فعلاً .. وحشتني الدبا ..
ثائر: إيه والله حتى أنا وحشتني الهواش معها ..
رفعت أمه حاجبها تطالعه فقالت طيف: ليه يمه بغيتي منها شيء ..؟! أقدر أتصل عليها وأقول لها تجي ..
الأم: لا لا مو لازم .. خلوها براحتها مع زوجها ..
سكتت شوي بعدها قالت وهي تطالع بحور وثائر: ما بغيت أتكلم إلا وهي موجوده حتى تكون مره وحده ..
حور: ما فهمت ..
تنهدت الأم وقالت: أبوكم ..
ميل ثائر شفته من هالطاوي وقال: وشو بعد ..؟! متزوج وحده كمان ..؟!
حور بهمس: ثائر بطل ..
الأم: قلت لكم من قبل عن زوجته ..
سكتت شوي بعدها كملت: بالقضيه اللي الله يفكنا منها واللي تورطت فيها طيف ... كان واحد من المتورطين
هو أخوكم من أبوكم ..
ثائر يصطنع الدهشه: يا سُبْحان الله ...!! هالأخ تورط معنا بقضيه من باب الصدفة ..!
حور وهي تطالع أمها: جد يمه ...!!! كيف ..؟!
تنهدت الأم وقالت: وشو اللي كيف ..؟! شيء مُعقد ما عرفته ..
طالعت بثائر وقالت: هالأخ تحمس كثير يقابلكم ويتعرف عليكم .. باين إنه ط..
قاطعها ثائر: لا مابي .. خله عند أمه .. يلعن أم اللقافه يجي يتعرف ..!! سلامات ..
مطت حور شفتها بعدها طالعت بأمها تقول: وهو كم عمره وإيش اسمه ..؟!
ثائر بيانز عاج: حور لا تتحمسي له ...!!! خليه يوآي ..!
تجاهلته وقالت: ها يمه ..
الأم: أكبر منك .. اسمه أسامه ..
ثائر بسخريه: أسامه ...!!! وش هالاسم ..؟! يضحك ..
رفعت حور حاجبها وطالعه تقول: وما لقيت إلا الاسم سبيل لك عشان تسبه .. لعلمك أسامه إسم من أسماء الأسد ..
ثائر: ما علينا منه .. يمه لا عاد تتكلمن معه .. يمه من جد لا تتكلمين معه .. خله يجلس مع أبوه ويشبع منه ..
ما نبيه يجي يتشمت فينا ..
حور: وإنت على طول قايم عليه كذا ...!!! شسوالك حتى تكرهه وإنت ما شفته ..؟! ترى إنه يكون لك أخ فهذه
نعمه لازم تشكر ربك عليها ..
طنشها ثائر فطلت الأم تطالعه لفته بعدها قالت: أخو أسامه من الأم واحد إنتم تعرفونه ..
طالعه ثائر في حين قالت حور: وش تقصدين ..؟!
عقدت طيف حاجبها وهي ما تذكر إن أسامه بالشرطه عرفها على أسماء أخوانه .. وش تقصد عمتها ..؟!
بدأت تاكل وهي تقول: جهاد .. جارنا اللي تبناه الإمام .. عيلته الحقيقيه هي عيلة أسامه ..
طالعتهم وكملت: معناته أبوه هو أبوكم ..
إنصدموا من كلامها فوقف ثائر يقول بعدم تصديق: يمه وش تقولين إنتي ..؟! شتقصدين ..؟! أنا ما فهمت ...!!
جلس من جديد وكمل: كيف يعني إن جهاد أهله هم أهل هذا اللي اسمه أسامه ..!
حور بدهشه: يمه إنتي تقصدي ... إنه أخونا من الأب ...!!! كيف ..؟!
حرك ثائر إيداه يقول: لا لا يمه .. حلوه مزحتك مره ..
الأم بهدوء: جهاد بنفسه قال لي هذا ..
ظل ثائر يطالعها بصدمه بعدها قال: يمه شفيك ..؟! أقولك مُستحيل .. جهاد من أول يكره أبوي لأنه تاركنا فكيف يصير أبوه ..؟! جهاد تقريباً يروح كل يوم لأهله .. لأبوه .. كيف يكون أبوه هو نفسه الأب اللي كان يكرهه ..!
يمه والله هالمره مزحتك قويه ..
طالعه الأم تقول: روح .. روح إسألته إذا مو مصدقني .. ياللا روح ..
لف بعيونه يقول: يمه أسف ..
تركت ملعقتها ولفت وجهها بضيق تقول: قال لي من أول بس ترددت أقولكم .. فكرت كثير .. علاقتي مع عزام مُستحيل ترجع مثل قبل .. بس إنتم مالكم دخل حتى أحرمكم منه .. جهاد ينوي يخلي عزام يجي لعندكم البيت .. أنا .. وافقت ..
إنصدموا من كلامها فطالعتهم تقول: إنسوا كُل اللي صار .. خطوا لأبوكم بدل العذر مية عذر .. سامحوه .. هو أكيد بيعوضكم عن اللي راح .. عادي .. غلط .. أبوكم غلط .. مافي بشري معصوم من الغلط .. سامحوه .. أنا مو دايمة لكم حتى ...

قاطعتها حور: لا يمه بسم الله عليك لا تقولين كذا ..
 كملت الأم: المُستقبل قدامي مجهول .. بس ما بيكون أحسن حال من الحاله السيئه اللي إحنا فيها .. الأم مهمه
 في حياة أي شخص .. بس هذا ما يعني إن الأب مو مهم .. هو كمان مهم .. بوجوده يكون مستقبلكم مضمون ..
 أعرف .. تخلى عنكم .. فيه بداخلكم حقد له .. أعتذر منكم .. اللحين عرفت سبب هالحقد ..
 أخذت لها نفس عميق وقالت: أنا السبب .. عمري ما حبيتكم بأبوكم .. عايشه حياتي وكأنه مو موجود ..
 وخليتكم تعيشوا حياتكم وكأنه مو موجود .. أسفه غلطت بحقكم كثير ..
 طيف: أمي لا تقولي هالكلام عن نفسك .. أنا متأكده إنهم لو كانوا يعيشوا مع أبوهم لكان ما قدر يربيههم زي
 هالترييه اللي نشوفها .. إنتي إنسانه عظيمه وكم ضحيتي عشانهم ..
 لفت طيف تطالع بحور اللي كانت تطالع الأرض بهدوء وثائر لاف وجهه للجهه الثانيه ..
 تنهدت طيف وكملت: إنتي ما غلطتي بحقهم .. إنتي ...
 قامت الأم تقول بهدوء: طيف حبيبتي خلاص ..
 إتجهت لغرفتها وكملت: ثائر لما تشوف جهاد بلغه إني وافقت إن عزام يجي يزوركم ..
 دخلت غرفتها وقلبت الباب على نفسها ..
 لفت طيف تطالعهم بعدها قالت: لا تخلوا أمكم تحس بالذنب كذا .. لا تعقدوا الموضوع .. قابلو أبوكم وإجلسوا
 معه جلسه طويله .. حاولوا تحلوا مشاكلكم فيها ..
 طالعت بثائر وكملت: فهمت عليّ ثائر ..؟!
 قام وقال لها: لا تتدخليني .. إنتي مو حاسه باللي نحسه فلا تتدخليني ...!!!
 راح للمجلس وصفق الباب وراه ..
 ظلت طيف تطالع بالباب لفته طويله بهدوء ..
 مو حاسه باللي نحسه ..!!
 لا ... هي حاسه ..
 من طفولتها وأمها تاركتها ولا سألت عنها للحين فكيف يقول مو حاسه باللي نحسه ..؟!
 كلامه ... كان شوي قاسي ..



•••X قبل عدة سنوات X•••

يوم الجمعة الساعة ثمانيه وعشر الليل ..
 واقفه بالمطبخ تعمل عشاء لزوجها اللي بييجي بعد ساعتين على حسب كلامه ..
 حسّت بأحد يسحب ملابسها فتنهدت وهي تقول: حبيب ألبى خسام .. خلني أخلص العشاء وأشوف وش تبي ..
 خسام واللي كان في الخامسة من عمره قال بنبرة بكاء: سبيستون .. رغد ما تقلب على سبيستون ..
 تنهدت ورفعت صوتها تقول: رغوذه حبيبتي إقربي لأخوك اللي يبغى ..
 جاها صوت رغد تقول: ماما من زمان سبيستون .. أبغى أشوف هذا البرنامج ..
 تنهدت وقالت: برنامج المسابقات هذا أعرف إنه ينعاد بكره العصر .. طالعي إعادته ..

شوي دخلت رغد المطبخ واللي كانت في ١١ من عمرها تقول: ماما إيش هذا ...!! كل شيء حُسام حُسام حُسام
...!! حتى أنا أبغى أطالع يعني ..

تنهدت وتركت السكين اللي كان تقطع فيها الباذنجان وجلست على الأرض بطول بنتها تقول: حبيبتي هذا أخوك
الصغير .. اللحين وبُكره وبعده مالكم غير بعض .. دام البرنامج له إعاده فقول لي حبيبتي إنت تطالع اللحين
وبُكره العصر أنا .. تفاهمي معه ووقتها بيسمع لك .. كوني قدوه حلوه له عشان يحبك مو يكرهك ..
نفخت رغد خدودها بعدم رضى بعدها تنهدت وقالت: حاضر ماما ..

طالعت بحُسام وقالت: حُسام إنت تطالع اللحين سبيستون خلاص .. بس بُكره أنا أطالع أوكي ..؟!
حُسام بفرح: إيه ..

رغد: طيب تعال أقلب لك التلفزيون ..

وبعدها طلعا من عندها فابتسمت وهمست: الله يحفضهم ويخليهم ليا ..

قامت ولما مسكت السكين بتكمل تقطيع رن جوالها ..

راحت لطاولة المطبخ فعقدت حاجبها لما شافت رقم غريب ..

مسحت إيدها بالمنشفه وردت على الرقم تقول: ألو ..

جاها صوت وحده تقول: جواهر ..؟!!

حست جواهر إن صوتها مو غريب فقالت: إيه جواهر .. مين إنتي ..؟!!

الصوت بهدوء: جواهر ... أنا أبغى .. مُساعده .. منك ..

جلست جواهر على الكرسي وقالت: من عيوني بس أولاً أعرف مين إنتي ..!

ظل الصوت ساكت لفترة بعدها قالت: أنا .. زوجة ... عزام ... الثاني ..

جواهر بسرعه: أم يحيى صح ..؟! وااه كنت حاسه من طريقتك المُكسره بالكلام ..

شوي إعتدلت بجلستها تقول: قابلتك بس مره وحده وتمنيت صدق نتقابل كثير ..

حست بشوية تورت بما إنها ما كانت متوقعه هالاتصال وقالت: أه كيفك وإيش أخبارك ..؟! كيف يحيى وبنان

وترف ..؟! وسمعت بانك حامل صح ..؟!!

ما جاها رد فقالت: ألو أم يحيى ..؟!!

جاها صوتها تقول بهدوء: أنا ... أبغى أشوفك ... بدون لا .. يعرف .. عزام ..

تعجبت جواهر وقالت: من عيوني .. متى تبغي نتقابل ..؟! ووين ..؟!!

عقدت حاجبها لما إنقطع الإتصال ..

طالعت بالرقم بعدها رجعت تتصل عليها بس جاها إن الجوال مُغلق ..

قامت تقول: شكله طفى من الشحن ..

راحت تكمل تصلح العشاء وهي مُبتسمه غصب عنه ..

تمنت .. تكون علاقتها مع زوجات عزام كويسه ..

هذه قابلتها قبل فتره .. بعد ما علمها عزام وطلبت تشوفها ..

ما توقعت إن وحده من زوجات عزام تتمنى تشوفها فعشان كذا راحت لها وقتها هي وعزام وكانت حيل

مبسوطه ..

تنهدت وهمست: صوتها ما كان عادي .. شكلها بمُشكله ..

رفعت عينها للتقويم وقالت: أووه ثمانية يونيو .. ميلاد حُسام قريب .. شوي ويخلص خمس سنوات ..

دخلت رغد تقول: ماما ..

لفت عيها تقول: هلا بعيونها ..

رغد: حُسام نام بالصاله ..

جواهر بدهشه: والعشاء ..؟!!

تنهدت وقالت: هالولد نومه ثقيل .. إن شاء الله ما ستمر كذا لحد ما يكبر ..

غسلت إيدها وراحت للصاله حتى تشيله لسريره ..

عارفته .. لو غفى فمُستحيل يصحى إلا بالقوه ..

نزمته على السرير ولما لفت إنداشت من رغد اللي إنسدت على سريرها فقالت جواهر: رغد العشاء شفيك

حبيبتي ..؟!!

تلحفت رغد تقول: ماما بس بنام شويه .. إذا جاء بابا هو بيصحني للعشاء .. ماما والله بس شوي .. معاي نوم

..


تنهد جواهر وقالت: مثل ما تبغي حبيبتي .. دام نومك خفيف فخذني راحتك ..

خرجت وطففت اللمبه عليهم وبعدها قفلت الباب ..

راحت للمطبخ وكملت تقطيع وما الى ذلك وبالنهاره دخلت الصينيه بالفرن ..

خرجت واتجهت لغرفتها تأخذ لها شاور وتبدل ملابسها اللي كُلها ريحة بصل وكشنه وغيره ..


تروشت وبدلت ملابسها وبالنهايه طلعت من الغرفه متجهه للمطبخ حتى تشغل الفرن على الأكل حتى ينضج ..
وقفت بمكانها لما رن جرس البيت ..
عقدت حاجبها وطالعت بالساعه فشافت إنها تسعه إلا عشر ..
أوه شكل عزام جاء بدري بساعه ..
إبتسمت وعدلت لبسها وراحت للباب ..
فتحتة تقول: هلا حبيبي ..
وفتحها للباب .. من دون لا تسأل مين وراه ..
كانت غلطتها اللي دفعت حياتها ثمن لها ..
فبعد عشر دقائق بس .. هوت على الأرض مقتوله ..
مقتوله لسبب ... ما كان مُقنع ..
أبدأ ..




في صباح يوم الجمعة ..
وعلى طاولة الإفطار في صالة جناحهم ..
إبتسمت تقول: ياه تصدق نادر .. من زمان كذا ما أكلنا مع بعض .. كم مر تقريباً ..؟!
رفع عيونه لها بعدها رجع يكمل ياكل ..
إختفت إبتسامتها تقول: شفيك ..؟! تطالعني وكني قلت شيء غلط ..
إبتسم يقول بهدوء: ما قلتي .. سويتي شيء غلط ..
الهنوف بدشه: نادر وش سويت ...!! شصار ..؟! والله كنت حاسه إنه فيه شيء .. من أمس الليل ونظراتك
غريبه .. أنا وش سويت ..؟!
تنهد وطالع فيها يقول: إنتي تفضلي وقولي لي وش سويتي ..
الهنوف بشيء من الإستنكار: أنا ...!! أنا أسوي شيء ..؟! حرام عليك .. محد بالعالم مُسالم قدي ..
نادر: وعشان كذا إدارة المدرسة متصلة تشتكي لي منك ..
إنصدمت الهنوف وقالت: إحلف ..!!
رفع حاجبه فميلت شفرتها تقول بهمس: يعني كانوا جادين ...!! صدق ما عندهم تفاهم ذولا ..
نادر: إيوه .. واللحين تقدري تقولي لي وش سبب هروبك من حصّة التوحيد ..؟!
ضحكت الهنوف بترقيع تقول: ههه ههه الله يهديك بس .. يعني تصدق كلام حريم ما عندهم سالفه ..؟! وليس
أهرب ..؟!
رفع حاجبه فتنهدت تقول: طيب بأقولك .. يعني .. توني متعرفه على شله .. وهربوا فهربت معهم حتى كذا
تتوطد العلاقات بيننا .. فاهمني صح ..؟!
نادر: اللحين من بين كل البنات ما لقيتي غير ذي الشله تصاحبينها ..؟!
الهنوف: تراهم مو سيئين يعني .. بس وأصلاً الحصة كانت إحتياط لأن أبلة الدين غاييه .. والله طفش يا نادر ..
بس ترى كان وناسه .. وذيك المشرفه لما عرفت إنني متزوجه قالت لي بشيء من الإستنكار متزوجه وتهربي
...!! والله جديده علي .. ذي الخبله تضن المتزوجات ما يهربون .. المشكلة لما طلبت مني رقمك قلت لها لا أنا

بعدها كمل: **وبعدين وش هالأشياء الغريبه اللي ودك تزوريها..؟! مجنونه والله ..**

الهنوف بحماس: ياخي مغامرة .. نجرب شيء جديد بحياتنا ..
 طالعتها شوي بعدها إبتسم وقال: تدري ما ندمت إني تزوجت وحده مثلك ..
 انفجر وجهها من الخجل ونزلت نظرها للأكل تاكل ..
 مو متعوده منه يقول كلام رومانسي غير نادراً مثل إسمه تماماً ..
 إبتسم وهمس لنفسه: ههه عرفت كيف أسكتها شوي ..
 رفعت راسها له تقول: ليه يا غشاش !!..
 إندهش إنها سمعته فقال: والله موضوعك صاير مريب من زمان .. أمنيات غريبه وأهداف مو طبيعيه وبعدين
 سمعك ما شاء الله ..
 الهنوف: نادر تدري التناين ذول .. اللي يطلعون في الأفلام بعض الأحيان ..
 كالعاده عندها قدره خارق في فتح موضوع جديد وسط موضوع قديم فقال: شفيها ..؟!
 الهنوف بإحباط: ما طلعت حقيقه .. يعني العالم حالياً مؤمن بوجود الديناصورات اللي أنقرضت من زمان .. أنا
 توقعت إن التناين فعلاً كانت موجوده وإنقرضت من زمان .. قرئت إن التناين كانت حيوانات جديده من إبتكار
 الصينين وأساطيرهم وهي ماهي موجوده بالواقع .. يعني في الحقيقه ما كان فيه تنين حقيقي ينفت نار
 وحركات وكذا ..
 نادر: طيب هالشيء معروف ..
 الهنوف: أول مره أدري عنه .. سبب لي إحباط .. هذا وأنا اللي كنت ناويه أروح لوحده من المتاحف الشهيره
 أشوف بقايا عظامه مثل الديناصورات ..
 تنهد نادر يقول: وهاهي أمنيات الهنوف الغريبه ..
 الهنوف: والله يا نادر مقهوره .. حبيت التناين من بعد مولان .. كنت أبغى أشوفها على الحقيقه .. على الأقل
 عظامها ..
 قام نادر بعد ما شبع وقال: والله مدري بإيش أواسيك لكن ...
 قاطعته بحماس: بس دامه من أساطير الصينين فأكيد بنلاقي حاجات حلوه عن التناين لما نساfer الصين صح
 ..؟! يعني نحوت حجره أو ... الصينين عندهم مهرجان يكون فيه تنين منفوخ يمشي معهم و .. مدري كيف
 أشرح ... بس الوضع حماس عندهم .. نيغى نروح له لما نساfer الصين خلاص ..؟! ها نادر خلاص ..؟!
 نادر بقله حيله: خلاص خلاص ..
 إبتسمت برضى وهمست لنفسها: واه متى نساfer بس ..؟! متحمسه ..
 قامت ونزلت تنادي سيلا تساعدنا برفع الفطور ..
 لما مرت من جنب غرفة نومهم لاحظت نادر يأخذ له ملابس فتذكرت موضوع ملابس اللي لقيت فيها آثار دم ..
 لما سألتة إندهش شوي بعدها قال إنه خرج يشوف مكان عملهم ووقتها كان ظهر وحر وهو طبيعي مع الحراره
 والعرق الشديد تجيه حساسيه بظهره وتطلع حبوب و وو ...
 المهم أقنعها بكلامه .. وهي
 صدقته ..



وبداخل المُستشفى الخصوصي ..
ماشيه بالمرمر بشوية ملل ..
حالياً ما عندها شيء .. ومايا نايمه .. وأمجاد مشغوله بمرضاها ..
ما تدري تجلس مع مين وفين ..
إشتريت لها حليب المراعي وبدأت تشربه وهي تفكر بشيء تشغل نفسها فيه بس لنص ساعه ..
عقدت حاجبها لما شافت من بعيد الدكتور ثامر مستند عالجدار وبايده دونات ياكله وسرحان يطالع بمكتب
إستقبال طلبات تغيير المواعيد وغيره ..
غريبه .. شكله حتى هو فاضي مع إنه دكتور ..
تنهدت وكملت تمشي بطريقها ولما مرت من قدامه قال: هيه حليب المراعي ..
رفعت حاجبها ولفت عليه .. رمى المنديل الورقي اللي كان ماسك فيه الدونات بالزباله بعدها تقدم من بنان
يقول: كيف حالك مع الدكتور الجديد ..؟!
بنان: تمام ..
لفت ومشيت فتنهد وبدأ يمشي بجنبها يقول: متأكده تمام ..؟!
تجاهلته فقال بإبتسامه: صحيه ما شاء الله عليك ..
عرفت إنه يقصد حليب المراعي اللي تشربه فتجاهلته كمان ..
تنهد وقال: شوفي بأعرض عليك العرض للمره الأخيره .. شرايك أشيل الدكتور وليد وأصير أنا المسؤول عن
فريقكم الطبي ..؟!
رفعت حاجبها وما رادت عليه فقال: ترى حتكونوا إنتم الخسرانين .. أنا دكتور لي سنوات بذا المُستشفى مو
شهر أو شهرين ...!
بنان: إذا عندك شيء مهم تقوله فقله .. وإذا ما عندك فلا تلاحقني ..
د.ثامر: واه شخصيتك صعبه ..
إبتسم وكمل: للحين عملتوا معه عمليتين .. وكلها بسيطه وناجحه .. صحيح ..؟!
بنان بشيء من السُخريه: مراقب ما شاء الله ..
د.ثامر: بكرة بتكون أول عمليه صعبه معه .. تجهزتي ولا لا ..؟!
وقفت ولفت عليه تقول: ما أضن الموضوع يعنيك ..
طالعها شوي بعدها قال: خليك معه ... حتى بعد ما تنتهي العمليه ..
وبعدها لف وتركها ..
عقدت حاجبها .. اللحين وش قال بالضبط ..؟!
خليك معه حتى بعد ما تنتهي العمليه ...!!
وش يعني بكلامه هذا ..؟!
هو قاله كسُخريه ولا كطلب ..؟!
مو فاهمه ..
لف فشافته ينزل من الدرج فضاقت عيونها وبعدها لفت وكملت طريقها وهي مو فاهمه ..
لكن ما بتخسر شيء ..
حتكون معه .. حتى بعد ما يخلص عمليته ..
وبعدها يمكن تفهم وش كان يقصد الدكتور ثامر ..



جالس بهدوء في الحجز وسرحان بكل شيء قال له مشعل أمس ..
تقريباً ... هو إقتنع ..
بس للحين مو قادر يتخيل نفسه يبلغ عن خاله كذا ..!
مُستحيل يسويها .. مو قادر ..
ضاقت عيونه لما تذكر رعد ..
وحشته .. يبغى يشوفها ..
ما يدري كم مر على آخر لقاء بينه وبينها ..
يبغى يجلس معها .. يبغى يحس بإيدها اللي كانت دوم معنى الحنان بالنسبة له ..
قصاصها قَرَب .. هالمره قَرَب كثير ..
يبغى يطلع منها بسرعه ..
يبغى يصلح شيء عشائها ..
بدر هذا يبغى يكلمه مره كمان .. وكمان وكمان حتى آخر يوم قبل القصاص ..
حتى آخر ساعات يوم قصاصها ..
ما راح يقدر يسامح نفسه لو ماتت ..
هو السبب .. لو ما صلح اللي صلحه لكانت اللحين تعيش حياه سعيدة مع بنتها وزوجها ..
ما يبغى يحرمها من بنتها .. ولا يحرم بنتها من أمها ..
مشاعره تلخبط وحس بضيقه شديده بسببها ..
لو ظل في هالمكان أكثر فما راح يقدر يصلح أي شيء عشائها ..
يبغى يطلع .. يبغى يطلع من هنا ..
تقدم شرطي من الباب يقول: حُسام الواصلي ... زياره ..
رفع راسه له ..
زياره ..؟! أكيد يحيى ..
قام ففتح له الشرطي الباب ..
طلع ومشى معه .. هالمره .. راح يقول له ..
على الأقل بيطلب من يحيى يتصرف بموضوع بدر ..
مع إنه ما تمنى أحد يتدخل بس ...
ماله غير هالشيء ..
طالع بالشرطي وقال: بعد الزياره قول للضابط مشعل يحقق معي ..
الشرطي وهو يفتح الباب: الضابط ما بيحي اللحين ..
تنهد حُسام ودخل معاه للغرفه ..
طالع بالكُرسي لجهة يحيى ولما بغى يتكلم وقف ..
هذا ... مو يحيى ..
قام الرجال وطالع بحسام فسأله حُسام: عفواً .. مين إنت ..؟!
إندهش للحضات وهو يقول في نفسه: "شخص أرسله جواد أكيد صح ..؟!"
إبتسم غصب عنه وقَرَب منه يهمس: إنت من طرف خالي جواد صح ..؟!
طالعه الرجال شوي بعدها حط إيده على كتف حُسام وقال بهدوء: ما ضنيت حالتك بتوصل لهالسوء يا حُسام
!؟..
حُسام بهمس: ما عليك مني .. شخبار جواد ..؟! قال لك شيء ..؟!
ظهر الحزن لثواني على ملامحه بعدها قال: حتى إنت فيك شبه من أمك ..
عقد حُسام حواجبه فكمل: أنا أبوك يا حُسام ..

لها ننهي البارت ..

ومثل م وعدتكم حظيت قفله كذا من النوع الثقيل شوي :p
نلتقي على خير وبركه بالأسبوع الجاي يوم الأحد ببارت جديد وأحداث جديده ..

أشوفكم عَ خير بحفظ المولى سُبْحانه ()

..X || part end || X..

..X || البَارَت التاسع والأربعون || X..

كانت السياره تمشي بسرعه معقوله على الخط السريع بشارع التحليه ..
نَزَل نظره لساعه السياره بعدها تنهد وكمل: وللحين يحققوا وياه .. ما طلع منه أي إعتراف موثق ..
هز راسه بهدوء وقال: إتجه لمركز الشرطه والغى موعدي مع الرجال ..
ذياب: تامر يا عم ..
وبعدها مع أول مفترق طرق لف وإتجه مُباشرةً للمركز ..
شوي حتى وصل له صوت عمه يقول: إبحث له عن مُحامي كويس ..
ذياب: إن شاء الله ..
عزام: ما يهم الفلوس اللي تدفعها .. المُهم يجي واحد ميه بالميه بيقدر يطلعه من هذه القضيه ..
ذياب: لا تشيل هم ..
دقايق مرت وبعدها وقف عند المركز ففتح عزام الباب يقول: إنتظرنى هنا ..
هز ذياب راسه فنزل عزام ودخل المركز ..
تنهد ذياب وإسترخى على المقعد وبأيده جواله يشوف لأفضل المُحامين وأنسبهم ..
وقف عن البحث وهو يطالع بضابط نزل من سيارته ودخل للمركز ..
ذياب بهدوء: هذا مشعل صحيح ..؟! ياء اليوم مبجر ..

ظل عزام جالس بهدوء في الإنتظار ينتظر حُسام وهو يفكر بالجمله المُناسبه كأول لقاء معه من بعد ما كان
طفل ..
هو عارف .. ومتأكد إن ردة فعله .. ما راح تكون عاديه ..
راح تكون قاسيه وشرسه وهذا من حقه ..
رفع راسه للباب لما سمعه ينفتح فشافه يدخل وهو يلف نظره لجهته بشيء من اللهفه ..
شكله كان متوقع واحد يجي وهذا الشخص أكيد قريب منه ..
وقف لما شاف نظرات الخيبه والتساؤل على وجهه فسأله بعدها: عفواً .. مين إنت ..؟!
ظل عزام يطالع بولده بشيء من الحنين ..
هذا .. ولدها .. ولد جواهر الإنسانه الوحيه اللي حبها ..
هو ... جزء منها .. شيء من جواهر موجود في هذا الولد ..
إبتسم له حُسام وقرب منه يهمس: إنت من طرف خالي جواد صح ..؟!
طالعه عزام شوي بعدها حط إيداه على كتف حُسام وقال بهدوء: ما ضنيت حالتك بتوصل لهالسوء يا حُسام ..؟!
حُسام بهمس: ما عليك مني .. شخبار جواد ..؟! قال لك شيء ..؟!
ظهر الحزن لثواني على ملامحه بعدها قال: حتى إنت فيك شبه من أمك ..
عقد حُسام حواجبه فكمل: أنا أبوك يا حُسام ..
ظلت حواجبه معقوده لثواني بعدها بدأت حدقة عينه تتسع تدريجياً فتنهد عزام وشد بإيده على كتف حُسام
وكمل: أدري .. وجهي يمكن يكون آخر وجه تتمنى تشوفه .. خلنا نأجل كلامنا لبعد ما تطلع من هنا .. راح
أعين لك مُـ..
قطع كلامه رجوع حُسام على وري بطريقه حاده وعيونه المصدومه معلقه بأبوه ونظرات الإستنكار واضحه
بوجهه ..
هز حُسام راسه بلا يقول: مو فاهم .. أنا مو فاهم ..

عزام بهدوء: حُسام .. راح أفهمك كل شي ..
قاطعه صوت حُسام الحاد يقول: مو فاهم كيف تطلع بوجهي بعد كل اللي صار ...!! مو فاهم كيف إنت قدامي اللحين ...!! مو فاهم كيف إن كلمة أب الوهميه اللي عشتها طول حياتي تتجسد فجأه على أرض الواقع ...!!


عزام بهدوء: حُسام .. صوتك مرتفع ..
هز حُسام راسه يقول بصوت خافت: إنت ... المفروض ... تكون ميت .. تكون مختفي ..
حرك يده وكمل: المفروض ترسل أي أحد لي يوصل خبر موتك من سنين عشان أسامحك ..
حط عزام إيداه على كتف حُسام يقول: قیل كـ...
دف حُسام إيداه يقول برجفه: لا تلمسني ...!!
وقف شوي بعدها كمل بنفس الرجفه: مـ مـ ما كان المفروض تجي .. مالك .. فايداه اللحين .. ضيعتنا خلاص
رغد ... خلاص ضاعت أنا كمان ضعت ... أي قلب هذا اللي تحمله بصدرك ..؟! والله مافيك شيء من الأبوه اللي أشوفها في الناس أو أقرأها بالكتب ..
حس بحرقة بعينه وكأنه شوي ويبكي بأي لحضه ..
إرتجفت شفته مره ثانيه وكمل: عشنا حياة ... والله ما يحسدنا عليها أي حاقه .. متشتتين من طفولتنا ..
ضايعين بين عالم خالي المظلم وبين فقداننا للحنان الأبوي .. من ورغد صغيره تحملت شيء أكبر من عمرها ..
حاولت قد ما تقدر تكون لي الأب والأم ..
شد على أسنانه وكمل: وهي فعلاً أبوي وأمي .. مالي أهل غيرها .. أنا مو قادر .. مو قادر أشوفك كأب ..
حس بغصه بقلقه وصدرة كل ماله يضيق عليه ..
يحس الهواء قليل حوله من شدة ما هو قلبه وصدرة مقبوضين ..
مو مستوعب .. أو ما يبغى يستوعب إن اللي قدامه فعلاً يكون أبوه .. وأبو رغد .. وجد مايا .. وزوج أمه ..
هو ... مو قادر يحس بتجاه غير ...
بخيبة الأمل لدرجة الكره ..
مهما سبه من قبل .. ومهما أظهر إنه يكرهه ..
كان بداخله شيء صغير يقول يمكن تكون غلطان ..
لأنه مافي بالدنيا أب يتخلي عن أهله بالطريقه هذه ..
هالشيء الصغير تلاشى ...!

لاحظ عزام على ولده يطالعه باستنكار وخيبه وعيونه بدت تتجمع فيها الدموع ..
حس عليه إنه مُمكِن ينفجر بس يحاول يحافظ على ما هو عليه اللحين ..
عزام بهدوء: أعرف يا حُسام .. أنا أخطيت بحقكم كثير بس ...
قاطعه حُسام بشيء من الإنفعال: بس بس ...!! لا تتكلم ...!! قلت لك ... خلاص أنا ما أحتاجك .. لأن عيلتنا كلها صارت بضياح مُستحيل يكون بعده ضياح أشد ...!!
هز راسه بلا وبلع ريقه يقول: لا تقابلها .. رغد لا تقابلها خلك مختفي بنظرها مو إنسان
سكت شوي بشيء من التردد بس كمل بعدها بجده: حقير وأناشي ...!!
إنفتح الباب بهالوقت ودخل مشعل وطالع بعزام لفتره ..
مشعل بهدوء: الزياره ... صارت ممنوعه ..
لف على الشرطي وكمل: خذ حُسام عالجز ..
إتجه الضابط لحُسام ومسكه بإيده ياخذه للجز ..
ظلت عيون حُسام مُعلقة بأبوه حتى طلعه الضابط من الغرفه ..
لف مشعل ولما كان بيخرج ظل بمكانه لفتره بعدها لف وراح لعزام ..
وقف قدامه يقول: عزام الواصلي .. أتمنى تقطع علاقتك بحُسام نهائياً ..
عقد عزام حاجبه فكمّل مشعل: أنا حالياً أسعى أكون الوصي القانوني له وراح أكون ولي أمره قانونياً فأتمنى ما تسبب مشاكل بتدخلك بحياته بعد ما ضيعتها بنفسك ..
طالعه شوي بعدها كمل: روح لزوجتك مك وكمل حياتك معها ..
وبعدها طلع من الغرفه وعزام يطالعه بهدوء شديد ..
هذا الضابط مين يكون ...!؟

إتجه مشعل للجز ووقف يطالع بحُسام اللي كان منسرح ووجهه العالدار ..
ظل يطالعه شوي بعدها لف على الحارس اللي عند غرفة الجز وهمس له: لبوا له أي طلب يطلبه ..
طالعه الحارس بشيء من الإستنكار فراح مشعل وهو يكمل: هذا أمر ..

//


وعلى طريق الخط السريع ..
كان الوضع هادي بعد ما ركب السيارة ولحد اللحين ..
قطع الهدوء يقول: ذياب .. إعرف لي وش علاقة المُحقق مشعل بخُسام ..
عقد ذياب حاجبه وعرف اللحين سبب هدوء عزام من دخل ..
شكله إحتك بمشعل وأكد دار حوار بينهم ..
تنهد وقرر يرمي القنبله فقال بهدوء: أعرِف منو يكون مشعل ..
عقد عزام حاجبه ولف عليه يقول: تعرفه ..؟! ومين يكون ..؟!
ذياب وبمنتهى الهدوء: ولد زوجتك جواهر اللي مات بحادث مع أبوه ..
إتسعت عيون عزام من الصدمه وهو مو مصدق ..
معقوله ... هذا ولد زوجته ..!!!
ولد جواهر ..!!



إنتهت صلاة العصر وبدأوا المُصلين يطلعوا من المسجد واحد وري الثاني ..
جهاد ظل شوي بمكانه ..
ذكر الأذكار وسبح لله وبعدها سرح شوي بخياله ..
قلّوا المُصلين حتى طلّعوا كُلهم وما باقي إلا هو لسي بسرّحانه ولا حس بالوقت وبانه ظل على حاله فوق النص
ساعه ..
وعند الباب كان ثائر واقف بهدوء يراقب جهاد فهمس له محسن: روح كلمه .. يمكن سرحان ولا إنتبه إن
المسجد فاضي ..
هز ثائر راسه بلا فتنهد محسن وهمس: بكيفك .. بس ترى ما بتغير شيء لو ظليت كذا ..
أسند ثائر ظهره على عابر الباب وقال: والله يا محسن إني للحين مو مصدق إنه أخوي مثل ما قالت أُمي ..! كل
ما أشوفه مدري وش يصير .. أحس عادي كأنه جهاد اللي أعرّفه مو جهاد أخوي ..!! والله صعبه ..
محسن: طيب إسألّه بنفسك ..
ثائر بيانز عاج: تقصد مثلاً إن أُمي كذبت علي ..!!
محسن بسرّعه: لا لا مو قصدي .. بس يعني بما إنك مو قادر تستوعب فيمكن تستوعب لما تتكلم معه ..
ثائر: مدري .. محسن والله أحس رجليّني مشلوله .. مو قادر أروح لجهته أكلمه .. متردد لدرجة الخوف مدري
ليه ..


محسن يستفزه: لأنك جبان ..
ثائر بنرفزه: موت لأذبحك ..
محسن: ههههه طيب شسوي فيك ؟!..أوه أوه شف يتلفت حوله .. شكله صحي من سرحانه ..
لف ثائر ولما شافه وقف يللم السجادات وغيرها إعتدل ثائر بوقفته يقول: تعال نروح ..
ولما كانوا بيروحوا نادى عليهم جهاد: محسن ثائر ... تعالوا تعالوا ..
لف محسن عليه وظل ثائر واقف بمكانه فأشتر لهم جهاد يقربوا ..
راح له محسن وهو ماسك ثائر معه ..
تنهد جهاد وأشر على المسجد يقول: رتبوا معي .. قوارير المويه والمناديل لموها وعالزباله برى خلاص ؟!
محسن: أففف كالعاده تشغلنا ..
رفع جهاد حاجبه يقول: عندك اعتراض ؟!
راح محسن يلم وهو يهمس: وفيه أحد يقدر يعترض على قراراتك ؟!
لحقه ثائر وبدأ يلم معه فهمس جهاد في نفسه: مو كان ثائر يتجنب يشوفني مع إنه أمس تقريباً كان الوضع إيزي ؟!
عقد حاجبه شوي .. معقوله تكون أم ثائر وأخيراً قالت لهم ؟!
أكيد .. هذا التخمين الوحيد ..
من الفجر وهو يتجنب يحط عينه بعينه ..
تنهد وهمس: مدري ليه كنت أضنه ببصارخ عليّ .. شكل عقله كبر من بعد كل المشاكل اللي مر فيها ..
كمل يلم السجادات وبعد ما خلصوا طلّعوا فقفّل جهاد باب المسجد وراه ..
قرر يكسر الحاجز وقال: هيه ثائر وقف شوي ..
وقف ثائر واللي كان هو محسن توهم بيروحوا للملعب فتقدم جهاد منهم يقول: شفيك هاليوم تتهرب مني ؟!
أزعجتك بشيء ؟!
طالع محسن في ثائر فتردد ثائر شوي بعدها قال: لا .. إنت تتخيل ..
جهاد: أجل ليه تكلمي وإنت لاف وجهك ؟! طالعي وقول إنت تتخيل ياللا ..
لف ثائر وطالعه وبعد فتره قال: أ أمي ... قالت لي ..
إختفت الإبتسامه من على وجه جهاد وقال بهدوء: أها ..
سكت شوي بعدها قال: تبي تقول شيء ... قوله ..
ثائر بهدوء: المفروض تكرهه طيب ليه تروح تزوره دايماً ؟!
طالع بجهاد وكمل: المفروض ما تزوره .. المفروض تتركه لحاله مثل ما تركنا لحالنا .. المفروض تقطع علاقتك فيه مثل ما قطع علاقته فينا ليه تزوره ؟! ليه كل يوم تروح تشوفه ؟!
تنهد جهاد وقال: هناك .. مو بس أبوي .. فيه إخواني وأخواتي وأمي .. وغير كذا أنا ما يكون مثله ..
بأكون أحسن منه .. وبدل لأقاطع جزءاً باللي سواه فيكم فراح أغيره وأعلمه أخطائه خطأ خطأ .. الإنسان ..
اللي تغلب عليه عواطفه فراح يتعذب كثير .. ربنا مثل ما خلق القلب فهو خلق العقل .. نقدر نميز بين الصح والغلط بواسطة عقلنا .. قطع صلتنا بأبونا بعيد عن وش صلح فينا- هل هو تصرف صحيح أو غلط ؟!
رسولنا الكريم صل الله عليه وسلم أوصانا بالألم ثلاث ثم الأب .. فهما كان إنت ... ما كنت بتتولد بهالدنيا وتقابل هالأصحاب والأقارب من دون أب صح ؟!
شد ثائر على أسنانه وهمس: بس هو ما إعرف فينا ؟! رمانا مثل الكلاب بدون أكل أو فلوس !!... هذا مو أب يا جهاد .. والله مو أب !!!!
جهاد: ثائر خلك أحسن منه ولا تجازي السيئه بالسيئه .. هو أبونا .. وحق علينا إحترامه وتقديره ..
ما قدر ثائر يرد ..
كلام جهاد مُقنع ميه بالميه بس مو قادر .. مو قادر يسامحه أو يعمله بإحترام أو حتى يعتبره أبوه ..
مُستحيل .. بنظره هذا واحد ماله وجود بحياته ..
مهما قال جهاد من كلام مقنع ... فهو مو قادر يأخذ فيه أبد ..
ظل جهاد يطالعه وهو متأكد ميه بالميه إن شخصية ثائر ما راح تخليه يستمع لهالكلام ..
راح يظل على موقفه ..
تنهد وقال: ياللا أشوفك على خير عند الوالده موعد بالمُستشفى وبأرواح أوديتها ..
محسن بفضول: أي أم ؟!
رفع جهاد حاجبه وبعدها مر من جنبه وهو يضرب راسه يقول: أم جود ..
مسك محسن راسه بألم فلف ثائر على جهاد وقال قبل لا يروح: أمي قالت لي أوصل لك هالكلام مع إني مو موافق عليه .. هي .. أمي موافقه إنك تجيب ذاك الرجال لبينا ..
وبعدها لف وراح فقال محسن: أوه ثائر انتظرنى ..

ولحقه .. تنهد جهاد وبعدها كمل طريقه للبيت ..



وعلى طاولة العشاء ..
كان الوضع هادي بشكل غريب ..
هو كان سرحان بموضوع راجح .. وأمه سرحانه بشيء ثاني ..
لاحظت سرحان ولدها فسألت: بدر شفيك ..؟!
صحي من سرحانه وطالع بأمه شوي بعدها قال: لا مافي شيء ..
وكمل ياكل والأم تطالعه لفتره ..
تنهدت وقالت: بدر تدري مين جانا اليوم ..؟!
بدر: مين ..؟!
الأم: ولد خالتك عبدالله ..
بدر بتعجب: غريبه .. مو كان بالديره ..؟!
الأم: إيه .. يقول والحمد لله إنه لقي بمكة شغل حلو بيروح يشتغل فيه .. راتبه كويس .. ست آلاف وثمان ميه ..
جاء يسلم عليّ و ... يطلب خدمه ..
بدر: خدمه ..؟! منك يا يمه ..؟! وش ممكن تكون ..؟!
تنهدت أمه وقالت: تعرف .. نهاية هالسنة بيدخل الثلاثين من عمره والرجال للحين ما كَوّن نفسه .. بالبنك عنده
أقل من خمس آلاف ولو جمع راتبه فراح يظل سنين على مايجمع المبلغ الكافي للزواج .. والقرض ما يقدر
ياخذ ما أعرف ليش .. أتوقع قد أخذ وللحين ما سدد أو شيء زي كذا .. أنا ما أفهم بذي الأمور .. والولد ... وده
يتزوج .. وخصوصاً إن البنيت اللي يبغى يتزوجها هي بنت عمك سعود وخلص ذي السنه بتتخرج من الجامعه
وشايل هم إنه تنخطب ..
بدر: طيب يكلم أبوها ويخطبها خطبه مقدمه و...
قاطعت أمه: مافي أي علاقة قرابه بين عبد الله وعمك سعود حتى يثق فيه أو يسمع له .. وعمك ما بيرضى
بواحد مستقبليه المادي غير مُستقر .. تعرفه شوي عنيد ..
بدر: وأجل ..؟!
تنهدت أمه زقالت: طلب يتسلف مني مية ألف وراح يرجع لي كل سنه عشرين ألف على مدى خمس سنوات ..
ظل يطالعه شوي وقال بهدوء: وهالفلوس بيغها من الديه صح ..؟!
الأم بتعجب: شدارك ..؟!
كمل ياكل وهو يقول: خمنت ..
رفع عيونه لها وسأل: ورايك ..؟!
حطت راسها بين يديها وهمست: ما أعرف .. ما أعرف يا بدر والله ما أعرف .. هذا دم أبوك .. والبنيت ما برتاح
إلا لما تموت مثل ما مات أبوك .. بس ما أدري .. عبد الله والله عزيز على قلبي كثير ويم فرحه بيكون من أجمل
أيامي السعيده وودي أساعده بس مدري .. خلاص ملخبطه .. ليه كل هذا يصير لما ما بقي على القصاص شيء
..؟!
ظل بدر يطالعه بعدها قال بهدوء: يمه .. راجح كلمني بعد ..

رفعت عينها له فكمل: طلب مساعدتي .. المديونين لأبوه طالبيه بفلوسهم والمهله بتخلص وأبوه بيدخل السجن .. ثلاث مية ألف ما هو مبلغ بسيط ..
غمضت الأم عيونها وهمست: ليه ..؟! ليه يضغطون علينا كذا ..؟! هم عارفين وش خيارنا من سنوات فليه يصلحون كذا ..؟!
سكتت لفتره بعدها رفعت عينها لبدر وقالت: القاتله تعرف في أي سجن مسجوننه ..؟!
بدر بتعجب: وليه ..؟!
الأم بهدوء: احتاج أتكلم معها ..
هز بدر راسه يقول: إيه أعرف ..
الأم: أجل بكرة ودني لها ..
بدر: طيب ..



ففي صباح يوم السبت ..
الساعة ثمانية ونصف ..
جالسه بهدوء ماسكه ملف المريض تقرأه بكل دقة وإهتمام ..
طالعتها نوره تقول: بنان خلاص صميتي معلومات ومرض المريض من كثر ما تقري ..
طالعتها بنان بعدها رجعت لها الملف تقول: لا بس يعني أخذ لي فكره عامه عن المريض ..
أخذت نوره الملف تقول: قصدك فكره دقيقه مو عامه ..
تنهدت بنان تقول: العمليه عالساعة تسعه ونص ..
أخذت نفس عميق وبدأت تستعد نفسياً للعمليه ..
هالمره حاسه بخوف .. يمكن كلام ثامر أمس كان السبب ..
إيه هو السبب .. كلامه تأكيد وجزم كامل إنه بيصير شيء ..
قامت من مكانها فقالت أمجاد: على وين ..؟!
بنان: بروح لمايا ..
وبعدها راحت .. بتحاول تتجاهل التفكير بالموضوع بالجلوس مع مايا شوي ..


من جهة ثانيه ..
كان الدكتور ثامر واقف عند سرير أحد المرضى وماسك ملفه يقرأه بهدوء تام ..
بشايير بهمس: دكتور ..
ما إنتبه لها فقالت: هيه دكتور ..
برضوا ما إنتبه لها فصحى على صوت واحد يقول بدهشه: دكتور ثامر ..!!!
رفع ثامر راسه فتنهد لما شافه الطبيب تركي ..
ترك الملف فقال هالطبيب: دكتور ثامر شكنت تسوي قبل شوي ..؟!
أشر عالمريض يقول: هالمريض تحت رعايتي أنا فكيف تتدخل وتقرأ ملفه بدون أي حق ..!!! يعني الإشاعات اللي تتكلم عن تدخلك بمرضى الآخرين كانت صحيحة ..؟!
ابتسم الدكتور ثامر واتجه له ..
ربت على كتفه يقول: يب .. صحيحة ..
وبعدها طلع تحت دهشه هالطبيب من وقاحته ذي ..
لف عليه وقال بصوت مرتفع: راح أشتكي عليك صدقتي ..

كمل ثامر مشيه متجه للمصعد فتنهدت بشايير تقول: دكتور متى بتبطل ..؟! صدقتي بتنطرد لو ظليت على هالحال ..
الطبيب راند: معها حق .. ما سمعته يقول إنه بيشتكي عليك ..
الدكتور ثامر بتعجب: بس لأنني قرئت الملف ..؟! أجل لو تدخلت وصححت له أخطائه وطالبت بعملية وش كان صلح ..؟!!

راند بتعجب: صححت أخطائه ؟! وش تقصد ؟!..
د.ثامر: لا تشيل هم .. اللحين بفحصه هذا بيعرف خطأه ..
بشاير: وأنت تطالع بملفه ليش من الأساس ؟! الله يهديك دكتور ..
إكتفى الدكتور بإبتسامه بعدها تنهد وقال: خلونا نشرب لنا شيء .. بعد ساعتين عندنا عملية صعبه ..
لف وكمل: وبين البقيه ؟!
راند: يجهزوا للعملية ..
د.ثامر: أوف .. من اللحين ؟! إجتهاد ما شاء الله هههههه ..
راند: وإنت مستانس على إهمالك هذا ؟!
ضحك الدكتور ثامر يقول: إهمال ؟! لا ما توصل لهالدرجه ..
وقف من الضحك لما لاحظ من الجبهه الثانيه الدكتور وليد يمشي وهو يقلب بملف معه فطل يراقبه حتى إختفى عن نظره ..
راند: دكتور .. شعلاقتك بالدكتور وليد ؟!
تعجب الدكتور ثامر يقول: وليه يكون بيننا علاقه ؟!
راند: دكتور لاحظت كذا مره .. إذا مر تطالعه واللي أكد هالشيء إن المريض اللي قبل شوي دخلت غرفته بس لأنك شفت الدكتور وليد طالع منها صح ؟!
ظل ساكت الدكتور ثامر شوي بعدها قال: تتخيل .. ياللا خلونا نروح الكافتيريا نشرب لنا شيء ..
تنهد راند فلحقه للكافتيريا ..

بعد ساعه ..
كانت بنان مع أمجاد ونوره ومحمد وسعد وبعض الممرضات يجهزوا غرفة العمليات تجهيز كامل ..
شوي دخل الدكتور وليد بعد ما عقم نفسه ولبس رداء الجراحه والفقازات ..
تقدم من المريض اللي يعاني من نزيف بالصدر وقال: كل واحد بسرعه على مكانه ..
تقدم كل واحد فيهم ووقف بمكانه ..
بدأ الدكتور في الجراح لوقف النزيف الموجود بالشريان التاجي ..
كانت بنان هالمره غير .. تجاهلت التفكير باللي قاله ثامر وباللي هي بنفسها تفكر فيه وركزت على العملية وعلى كل شيء فيها ..
إنتهى كل شيء بتراجع الدكتور وليد لورى يطالع بسعد هو يخطط العملية وبعد ما إنتهى إبتسم الدكتور وليد يقول: أحسنت ..
إبتسم سعد غصب عنه فلف الدكتور على البقيه يقول: أحسنتم كلكم ..
وبعدا لف وطلع فتنهدت بنان وطلعت وراه ..
شافته يغسل إيده فجت جنبه تغسل إيدها تقول: ما شاء الله عليك يا دكتور .. يعني بعد ما حددنا مكان الأوعيه بالتصوير الصوتي إن طالعتة بس بظره وحفضت المكان بسرعه وبديت الجراحه .. وصارت كأنها سهله ..
أتمنى بس أصير مثلك ..
ضحك ضحكه قصيره وقال: إذا بالممارسه .. بالبيت لا تشغلي نفسك بشغلك .. شوفي فيديوهات لجراحات شهيره وهذا ببساعذك تكوني دقيقة الملاحظة وسريعة البديهه وتكون جراحه أفضل مني كمان ..
بنان: هههههه أما عاد ؟!
د.وليد: أووه شاكه بنغسك لهالدرجه ؟! الثقة لها دور ترى ..
إبتسمت تقول: إن شاء الله بأتلع نصائحك وأكون جراحه أشهر منك ..
ضحك وبعدها لف فقالت بنان: لحضه دكتور ..
لف عليها فقالت: مشغول .. بغيت منك نصيحه ببعض الأمور ..
عقد الدكتور وليد حاجبه يقول: أجليها لبكره إذا تقدرى .. أنا جيت بس عشان الجراحه وبروح لأن عندي شغلته خارج المستشفى ..
تنهدت بنان تقول: آه أعتذر .. خلاص بكره إن شاء الله ..
د.وليد: إن شاء الله ..
لف وراح فتنهدت مره ثانيه تقول: مافي شيء صار يا حضرت الدكتور ثامر ..
خرجت فأنفجعت لما شافته طالع من المصعد ..
توها تذكره وطلع بوجهها فجأه ..
طالعها شوي وطلع بلبسها فقال: توكم خلصتوا العملية ؟!


رفعت حاجبها تقول: إيه .. والدكتور طلع لأن عنده شغل برى ..
إبتسم يقول: معناته ما صار شيء اليوم .. خلاص يمكن بالعملية الجايله ..
بنان بيانز عاج: تلخبطني بكلامك بعدها تقول ببرود مو اليوم !!!
لوح لها بمع السلامة وكممل طريقه فتنهدت وقالت بهمس: الله يعين بس ..



الساعة أربع العصر ..
دخل للبيت وما شاف أحد قدامه كأغلب الأحيان ..
تنهد وجلس على الكنب وقلب له على قناه يشغل وقته فيها لحد ما يجي أبوه ..
فحسب كلام السواق اللي كان برى فأبوه بيرجع العصر ..
رفع عيونه عالبااب لما سمعه يفتح فشاف أمه داخله وبأيدها كيس متوسط الحجم وواضح إنه هديه ..
إبتسمت لما شافته وقالت: هلا راکان ..
قام جهاد يقول: أهلين أمي .. هذه الهدية .. لمين ؟!
الأم: لأصيل ولد خالك ..
عقد جهاد حاجبه فقالت: لسي ما قابلته .. خلاص بكرة يوم ميلاده وبأذن الله تقابله هناك ..
لفت ونادت الخدامه تشيل الهدية لفوق وجهاد يطالع بأمه فتره ..
جت الخدامه وأخذ عباءة ملك والهدية وطلعت لفوق ..
مشيت ملك وجلست على الكنب فجلس جهاد عالكنبه المقابله يقول: يمه تقصدي إن هذه هديه ليوم ميلاد أصيل ؟!
هزت الأم راسها فقال جهاد: بمعنى إنكم بكرة بتروحوا لعنده وأكيد فيه حفله ؟!
هزت ملك راسها فتنهد جهاد وقال: يمه يا يمه .. وربى كنت متوقع ذا الشيء .. يمه هذا حرام ..
تنهدت ملك وقالت: يا حبيبي إحنا ما نسوي شيء غلط ..
جهاد: بس حفلات أعياد الميلاد ذي حرمها الشرع .. يا يمه كلنا عارفين إنه مافي لنا غير عيدين وغير كذا ما يجوز .. عيد الميلاد وعيد الأم والحب والشله الباقيه هذي جايله من الغرب .. حرام ..
ملك: جهاد تعرف .. صارت عادته عندنا وبالإحتفال هذا ما نظر أحد ولا فيه شيء غلط .. ولو ما حببت هالكلمه فراح أقولك نحتفل بذكرى ميلاده .. إعتبرها ذكرى الجنادرية أو ذكرى تولي الملك للحكم ومن هالأشياء ..
جهاد: يعني أضحك على نفسي ؟!
ملك: الله يهديك بس .. المهم بغيت أسألك هالشيء من أول ..
تنهدت لما غيرت الموضوع فقال: وشو ؟!
ملك: طبعاً إنت حر باللي تبغى تسويه بس جاتي فضول .. الحساب اللي فتحتك لك .. نهاية كل أسبوع تسحب منه مبلغ كبير .. مثل خمسين ألف أو أربعين وشيء زي كذا .. فيه شيء ؟! مديون لأحد ؟! ولا كيف ؟!
جهاد: يمه المبلغ اللي حاطته لي بالحساب يفوق إحتياجاتي بمية ضعف .. والله يا يمه إنه مبلغ بيكفيني لمية سنه قدام .. فدامني مو بحاجته فكرت أتصدق به .. أول مره أعطيت خمسين ألف لدار الأيتام اللي كنت فيها يرمموا المبنى لأنه قديم ويعطوا من الأيتام .. ثاني مره كفلت ثلاث أيتام لسنه .. والأسبوع هذا ساعدت فيها المديونين اللي بالحي اللي أنا فيه واللي عندهم ضائقه ماليه ..

تتهددت ملك تقول: يعني في النهايه ما إستفدت من أي فلس منها ..؟!
جهد: لا يمه مين قال ..؟! إستفدت كثير .. أجر كبير من عند الله .. تيسير بالحياه .. راحه كبيره .. و و والله
أشياء كثيره .. يمه جربي إنتي بعد .. راح تشوفي إن الله بيعوضك بدل اللي أنفقتيه أضعاف .. يا تتجحي
بشركتك أو ترتاحي نفسياً وكل شيء بحياتك يتيسر .. و يمه بس جربي .. كذا ولا كذا فلوسك ما شاء الله كثيره
وما بينقص هالشيء منك شيء ..
ملك: ماشي ماشي أشوف بعدين ..
تذكر شيء فقال: يمه العامل اللي اسمه قُصي .. وينه ..؟! لي أيام ما أشوفه ..
ملك بيرود: طردته .. ويبجي يوم الثلاثاء يأخذ مُستحقاقه ..
جهد بدهشه: ليه طردتية ..؟! ما صلح شيء غلط و...
قاطعته: راكان .. أنا ما أطرده أحد بدون سبب ..
طالعها شوي بعدها تنهد وقرر يسكت ..
هي المسؤوله عن البيت وهي تعرف وش الصبح من الغلط ..
ملك: المُهم من متى جيت ..؟!
جهد: مالي وقت .. ربع ساعه أو عشر دقائق تقريباً .. أبغى أقابل أبوي فعشان كذا كنت أنتظره ..
ملك: ليه بايش بغيتيه ..؟!
طالعها جهد بشيء من التردد بعدها قال: يمه ما بتزعلي صح ..؟!
ملك بتعجب: وأزعل من إيش ..؟!
جهد: أمم يعني إنتي تعرفي إن أبوي متزوج قبلك ثنتين تقريباً .. هو قال لي .. وحده ماتت والثانيه لا ..
إنقلب مود ملك فقالت: شكك بالثنتين اللي تقصدهم هم جواهر وأم حور ..
جهد: جواهر ..؟! مدري .. بس أم حور إيه وشكل حواهر ذي هي أم حُسام صح ..؟!
إندهشت ملك وقالت: حُسام ..؟! كيف تعرفه ..؟! قالك ..؟!
جهد: لا لا .. سمعت عنه من كذا ضابط ..
تتهددت ملك براحه وبعدها قالت: المُهم بس لعلمك .. جواهر هذه بعدي .. وقبل فيه ثنتين .. وحده هي أم حور
والثانيه كانت خدامه ..
ظل جهد يطالعها لفتره بعدها تنهد وقال: يعني هالكلام صحيح ..؟! إنه تزوج خدامه .. سمعت أُمي أم جود
حكّت لي بعد ما عرفت إن أم حور تكون عمتي ..
طالع بأمه وقال: المُهم أم حور هذه تسكن بنفس الحاره اللي أنا فيها .. أعرفها وأعرف أولادها من زمان ..
فد يمه ..
سكت شوي متردد بعدها قال: أبغى أبوي يجي معي يقابلهم ..
إتسعت عيون ملك للحضه فقال جهد: يمه يعني ... في النهايه ذي عيلته مثل ما إحنا عيلته .. اللي يسويه فيهم
حرام .. إقنعيه معي .. ما أبغى يموت هو مقاطعهم كذا ..
لفت ملك وجهها تقول: لهالدرجه تهمك ذيك العيله ..؟!
جهد: اللي أقصده ...
قامت وإتجهت للدرج تقول: ماشي خذ أبوك وروح لهم ..
ضرب جهد راسه يهمس: كنت حاس إنها بتزعل ..
قام وطلع وراها يقول: يمه لا تزعلي .. يعني .. إنتي الزوجه الثالثه .. معناته يحبك كثير فلا تغاري كذا .. يمه
هو أبغاه يزورهم عشان أولاده .. عنده ثلاث من ذيك الحرمة .. هم أولاده مثل أسامه وكرار وأنجي وحلا ..
المفروض يعدل بينهم يا يمه .. زوجته قالت لي إنه ما يهمها يجي ولا تبغاه أصلاً يجي بس تراعت بعدين ..
أكيد وواضح إنه عشان أولادها .. يووه يمه أحسنني ألخبط بالكلام وأدخله ببعض .. بس يمه لا تزعلي كذا ..
مشي جنبها وكمل: هو ليه تركهم كلهم وظل عندك ..؟! لأنه يحبك إنتي .. فليه تزعلي ..؟!
وقفت وطالعت بجهد بعدها قالت بابتسامه: يحبني ..؟! لا يا حبيبي .. جلس عشان الفلوس ..
وبعدها كملت طلوع لفوق وجهد بمكانه ..
تنهد ورفع صوته يقول: يمه إذا مو راضيه فراح أأجل الموضوع .. ما أبغى أزعلك ..
وقفت بنهاية الدرج بعدها لفت عيله تقول: تبغى رضاي ..؟!
هز راسه بإيه فقالت: إنسى موضوع ذيك العيله ..
تنهد وطلع لها يقول: بس يمه قلت لك إنه ..
قاطعته: هذا اللي عندي ..
وبعدها راحت لغرفتها ..
جلس على الدرج يقول: ياالله ما توقعت الموضوع بيتعقد كذا .. شلون اللحين أعدله ..؟!
عقدت حاجبه ورفع راسه فشاف أنجي متجه للمصعد وبأيدها كيس وبرضوا واضح إنه هديه ..

نزل من الدرج بسرعه وراح لها ..
 وقف قدامها يقول: مساء الورد أنجي ..
 رفعت حاجبها تطالعه بعدها لفت حتى تتعداه بس لف معها يقول بإبتسامه: مافي مساء الفل يا أخوي ..
 أنجي بشيء من السُحريه: بالله ..؟! إحلف ..
 بعدها لفت من الجبهه الثانيه فجاء قدامها يقول بدهشه: أفا وش اللي مزعلك ..؟! لا يكون أنا ..؟!
 شدت على أسنانها وفيها مزيج من قلة الصبر والما تدري وش بعد ..
 عليه تصرفات ما تدري وش تسميها ..!
 هزت راسها تقول: لا كذا أوفر .. مره أوفر .. إبعد عني ..
 جهاد: وش تعني أوفر ذي ..؟!
 أنجي: تعني إقلب وجهك ..
 جهاد بإستهبال: على صفحه كم ..؟!
 غطت وجهها بإيدها تهمس: يا ربي بطلوها والله بطلوها ..
 جهاد: المهم أنجي طفشان .. أبي أتكلم معك ..
 طالعه تقول: وأنا ما بي .. مدري كيف لك وجه بعد اللي سويته ..
 جهاد ببراءه: وش سويت ..؟!
 أنجي: إحلف .. لا جد جد إحلف ..
 تنهد جهاد وقال: وإنتي على كل شيء تطلبين مني أحلف ..؟!
 أشرت براسها تقول: إبعد من قدامي ..
 جهاد: أنجي .. لسي زعلانه صح ..؟!
 أنجي: قلت إبعد ..
 جهاد: يا بنت والله لأنني أحبك ما قدرت أخليك تروحي وحالتك كذا .. وش صار معك حتى تنزلين بالشكل هذا ..؟! خبريني إذا كنتي بمشكله وصدقيني ما راح أقصر معك أبداً حتى لو كانت المُشكله خاصه أو يعني شيء مو كويس وخايفه أحد يدري .. أنجي والله إني بأساعدك .. حتى شوفيني حلفت بما إنك تحبي الحلف ..
 طالعه شوي بعدها لفت من جنبه وراحت للمصعد ..
 تنهد ولف يطالعه وهي تروح ..
 ياللا .. يتمنى تفكر شوي بكلامه يمكن تقتنع ..



منسدحه بهدوء على السرير وهالمره كانت مختلفه كثير ..
 جسمها صار أخف وزن .. وحده بالعشرينيات ووزنها ٤٠ كيلو ..!
 صارت أهدأ بكثير .. كثيره سرحان .. والإبتسامه بالقوه تطلع ..
 خلاص .. أيام تنعد عالاصابع وراح تفارق هالعالم ..
 وتفارق كل عزيز على قلبها كمان ..
 بنتها واللي هي قطعه منها ... وأخوها اللي كان كل شيء بالنسبه لها ..
 أخوها اللي ... وعدا يزورها بس أخلف بوعد ..

ما عاد شافته .. أو سمعت عنه شيء ..
خايفه تموت وهي ما شافته ..
لو نظره وحده بس له ولبنتها .. تبغى بس نظره وحده لهم ..
أو على الأقل خبر عنهم ..
هي مو عارفه وش يصير معهم ..
هم بخير ..؟! يعيشون تمام ..؟! ياكلون كويس ..؟!
ولا لا ..؟!
زيارة حُسام لها آخر مره ما كانت مُريحه ..
في شيء صار معه بس ما علمها ..
واللحين .. لما قطع زيارته تأكدت إن هالشيء كبر لدرجه مو عاديه ..
ودها تفرح .. لو بخير بسيط عنهم ..
لفت بهدوء عن يمينها لما حسبت بأحد جلس على سريرها فشافتها إسراء ..
رمت لها إسراء تفاحه تقول: خذي .. أكلك صار قليل .. هههه اللي يشوفك بالجسم هذا ما يصدق إن عندك بنت
جلست رغد بهدوء وأسندت ظهرها عالمخده بعد ما عدلتها وطالعت بالتفاحه شوي بعدها قالت: كيف جيتيها
..؟!
إسراء: سرقتها ..
رغد بدهشه: ويكل برود تقولها ..؟! سرقه بداخل السجن ..!!
سكتت شوي بعدها قالت: تدري .. إنتي تدهشيني بشكل كبير ..
إبتسمت إسراء وأكلت التفاحه الثانيه اللي كانت معها تقول: المُهم ملينا من سرحانك .. حركي السجن شوي ..
تدري بعد ما طلعت وحده من الثنتين اللي بس هواش هدا المكان ..
إبتسمت رغد وطالعت بسرير هديل تقول: فقدتها .. وفقدت مناجرتها مع وجود بشكل دائم ..
إسراء: المُهم شفيك كذا حالتك هالأيام ..؟! عشان أخوك بطل يزورك ..؟!
هزت رغد راسها بهدوء تقول: إيه .. شاغلني موضوع إختفائه كذا .. حاسه إنه بمشكله كبيره .. وأنا أعرفه ..
صحيح طيب لكنه متهور وعنيد وما يمشي إلا اللي براسه .. وهذا راح يودي به مشاكل ..
إسراء: تفانلي خير وقولي يمكن ربي أنعم عليه وإهتم فيه مثلاً أبوه وصار يدرس يعني بالرياض مثلاً
وعشان كذا ما تسمعين له خبر ..
رغد: هذا أخوي وأعرفه عدل .. ما يغيب عني إلا لسببين .. يا إنه طاح بمشكله وما يقدر يقابلني .. يا صار
شيء وحسسه بالذنب وعشان كذا ما يقدر يشوفني .. فمثلاً من سنين ما جاء يشوفني بس لأنه حاس بالذنب
لأني داخله السجن بسببه .. أخوي من هذا النوع ..
طالعتها إسراء لفتره بعدها تنهدت تقول: الحمد لله ما عندي أحد أقلق عليه مثلك .. أحس إنني بأكون بعداب
نفسي فعلاً لو فيه أحد ..
طالعتها رغد تقول: ما عندك إخوان ..؟! أم وأب ..؟!
طغت ملامح الهدوء على إسراء وقالت: إيه ... كان عندي أم ..
تذكرت رغد موضوع أم إسراء اللي حكّت لها نص السالفه ووقفت ..
رغد: إعذريني .. نسيت إنك قلتي لي هالشيء من قبل ..
ضاقت عيون إسراء تقول بشيء من الحقد: أناني جشع .. همه الفلوس وبس .. همه يكون ثروه تريحه بقيه
حياته حتى لو كان هذا على حساب حياة وراحة مرضاه ..
رغد: مرضاه ..؟! قصدك ...
إسراء بهدوء: إيه .. الدكتور وليد .. اللي كان السبب الرئيسي بموت أمي ..
سكتت شوي بعدها قالت: مو قتلها .. بس تصرفه هو اللي قتلها .. الغبي الاتاني الجشع ..
رغد: ما فهمت عليك ..
سرحت إسراء شوي بالتفاحه وكملت بهدوء: أمي كانت تعاني من ضعف في الكلى .. لسي ما وصل هالضعف
إلى الفشل الكلوي .. كانت تحت مُراقبة هذا الدكتور ويعطيها الأدوية حتى قال بعدها إن عندها فشل كلوي ..
ماهو فشل كامل .. يعني بوحده من الكلى .. قلت على طول إنني بأتبرع بكليتي بس أمي رفضت تقول إنها بتقدر
تعيش بكليه وحده .. يعني الناس كثير اللي يعيشوا بكليه .. ماهو شيء خطير أبد .. الدكتور النذل هذا هو اللي
عمل لها العمليه وإنتهت على خير .. صحيت أمي بعدها وطبعاً كانت تعبانه بعد العمليه وهذا شيء طبيعي ..
أيام وبتصير بخير لما تخففي الأعراض الجانبيه ..
سكتت لفتره بعدها كملت بهدوء: وبيوم .. جيت أزورها يومها ماتت قدام عيني .. بكيت وما صدقت
الموضوع أبداً .. لدرجة لو أقولك إنني ظليت يوم كامل بالمُستشفى وقتها ما بتصدقيني .. ما قدرت أصدق .. هي

كُل حياتي فكيف أصدق إنها ماتت .. خبرتني وحده إنها للأسف كانت تعني من فشل كلوي في كُل الكليتين ...
وهذا السبب اللي خلاها تموت قبل ما نكتشف الموضوع بدري ..
رغد بهدوء: معاناته الدكتور ما كان دقيق بفحصه .. كان يظن إن الفشل بكلية وحده بس طلعت ثنتين .. هذا ...
خطأ طبي قوي ..

هزت إسراء رأسها تقول: فعلاً .. خطأ طبي ما أقدر أسامحه عليه .. ذاك الوقت رحت لمكتبته حتى أنفجر بوجهه
وألومه على موت أمي هناك .. كان مع وحده من الممرضات يتكلم معها ..
وضحت الرجفه بصوتها تقول: أمي من البدايه ما كانت تعاني من فشل كلوي بأي كلية .. كذب علي وصلح
العملية حتى يأخذ وحده من الكليتين .. الضعف الكلوي اللي كانت تعاني فيه أمي كان في كليتها اللي بقت .. زاد
الضغط على هالكليه حتى جاء الفشل المفاجئ وماتت أمي بسببه .. النذل .. الحقير ذاك كان يتاجر بالأعضاء
!!!..

إتسعت عيون رغد من الصدمه فبلعت إسراء ريقها تمنع دموعها تنزل وكملت بنفس الرجفه: إستغل وضعنا
وكذب علينا بموضوع الفشل الكلوي حتى يقدر يأخذ عضو منها .. والأتاني بسبب جشعه ما أخذ بباله يشوف
إن كانت الكلية الثانيه بتتحمل ولا لا .. قتلها .. قتل أمي وباع كليتها ببرود .. إستغل وضيافته بقذاره .. ما
صدقت هالكلام وأنا أسمعه يتكلم فيه مع الممرضه .. دخلت عليه الغرفه وصارخت بوجهه .. بكيت من القهر
والغبنه .. ما كنت بوعيي أبد .. الممرضه طلعت تنادي الأمن وأنا تهجمت عليه .. مشرط كان بالأرفف أخذته
دون وعي وهاجمته .. جرحته جرح بليغ وأخذوني الأمن وقتها .. صرخت بالشرطه بالتحقيقات أقولهم إنه قتل
أمي بس محد فيهم صدقني .. الحض السيء إن كُل هذا صار في اليوم اللي ماتت فيه أمي فطبيعي أي أحد
بمكاني يكون مو بوعيه ويتهم أي أحد يشوفه قدامي .. ومع هذا أخذوا بكلامي حتى يتأكدوا وحققوا بالموضوع
.. وصلوا لنتيجة إنه خطأ طبي وإنه بدل لا يستأصل الكلى المتضرره إستأصل بدالها الكلى السليمه .. وكُل شيء
في النهايه طاح على راس الممرضه اللي قال الدكتور إنها هي غلطت بكاتبه التقرير .. وهو ... طلع منها
بسهوله ... وكعقاب فقط على إهماله من التأكد نقلوه من المستشفى الحكومي .. وببساطه راح يقدر يدخل
لمستشفى خاص ويكمل مسيرته الطبيه القذره هناك!

سكتت شوي بعدها كملت بهدوء: رحت له مره ثانيه لبيته .. حسيت بظلم فضيع .. أمي ماتت بسببه وهو ما
صار له شيء .. هذا ظلم .. هذا مو عدل .. قلبي كان لسي محروق وكانت الدنيا بعيوني ظلمه .. عواطفي
سيطرت علي .. ما كنت متخيله ياني راح أقدر أكمل حياتي بالشكل هذا .. كنت بس أبيغي أرتاح .. فتح لي الباب
فرميته بقوه على وجهه بالقاروره القزاز اللي كانت معي .. إنجرح بوجهه فأخذت بقية القزاز وحاولت أطعنه
كذا مره .. وقتها ما كاني إسراء هذه .. قدر يقلت مني وإستدعى الشرطه وبكذا إتهموني بمحاولة قتل ..
وبعدها سكتت فضلت تطالعها رغد بهدوء وخزن ..

حالتها ... صعبه كثير ..

إسراء بهمس: اللحين .. أنا ندمانه .. لو إني فكرت كان قشرت أجيب دليل بنفسي على تورطه بهالتجاره ..
بتجارة الأعضاء .. لكن تهوري وصلني لهنأ وهو برى عايش حياته مبسوط ..
رغد بهدوء: ما عليه حبيبي .. لا تلومي نفسك .. تعرفي .. الشر ما بيدوم .. وهو بيجي اليوم اللي يا ينكشف
فيه أو ربي يبلاه بمرض أو مصيبه تخليه يتندم طول حياته .. بياخذ جزاءه صدقيني ..

غمضت إسراء عيونها لما حسنت حالها بتبكي ..

كانت محتاجه تشتكي لأحد يصدقها فعلاً ..

وقفت وطلعت على سريرها حتى لا تبكي قدامها ..

طالعتها رغد وهي تطلع بعدها تنهدت وطالعت بالتفاحه حقتها وهمست: فعلاً ... اللي يسمع لمصيبة غيره ..
تهون عليه مُصيبته .. الله يكون بعونها ..

غمضت عيونها وكملت: وإنت يا حُسام .. أدعو الله إنك تكون إنت ومايا بحفضه .. فمافي أأمن من إنكم تكون
بحماية أحد غير بحفظ الله وحده ..

إنفجعت من الصوت الجهوري اللي يقول: رغد عزام ... زياره ..

عقدت رغد حاجبها بعدها قامت بسرعه وهي مو مصدقه ..

هذا حُسام .. هي مُتأكده إنه حُسام مافيه شك ..

أخذتها الموضفه لداخل وكلها خمس دقائق حتى دخلت رغد الغرفه بوجه مبتسم بس إختفت إبتسامتها لما
شافت وحده أول مره تشوفها ..

وهذه ... كانت أم بدر ..


طالعتها أم بدر وحست بالكره يرجع من جديد لصدرها ..

هذه البنت .. الحراميه كانت السبب بموت زوجها ..

رغد: أه .. عفواً .. مين ..؟! ..

أم بدر بهدوء: زوجته .. زوجة اللي دخلتي السجن بتهمة قتله ..

إتسعت عيون رعد من الصدمه ..
 م ... ما كانت أبد تتوقع إنها بتزورها ..
 مصدومه لدرجة مو عارفه وش تصلح للحين ..
 تهرب عنها .. أو تطلب منها تسامحها .. أو تعتذر أو
 لحضه .. هي ليه جت ؟!
 لفت أم بدر وجهها تقول: حتى نظره لوجهك مو قادره .. الله لا يسامحك بس ..
 ما عرفت رعد وش تقول فضلت ساكته ..
 أم بدر: وينه ؟! لك أخ صح ودوم يزعجنا بزياراته .. وينه ؟!
 رعد: حسام ؟!
 أم بدر: ويعني عندك أخوان غيره ؟!
 رعد: ما أعرف ..
 طالعتها أم بدر تقول: لا عارفه .. أكيد عارفه .. كل شيء يصير من وري راسه هو أنا متأكده .. هدد ولدي بمره
 من المرات بأنه راح يطلع رعد بأي طريقه والحين يلتجئ لحيل سخيغه مثله ..
 حركت إيدها تقول: راح يستغل كل شخص محتاج بأقاربي حتى يجي يتسلف من عندنا .. صار الكل يتمنى إننا
 نطلب ديه حتى تتسدد ديونهم .. قام بضغط علينا من الجانب العاطفي ..!!!!!! أي حقاره هذه ؟! وينه .. بسرعه
 قولي لي أخوك النذل وينه ؟!
 رعد بدهشه: إنتي شقاعده تقولي ؟! حسام ما يسويها .. أو يعني ..
 قاطعتها أم بدر: أو يعني ؟!!! مو هذا دليل إنك مو مقتنعه ؟! ها ؟!
 ما عرفت رعد وش تقول .. هي مو عارفه السالفه فما تدري هل تدافع أو تعترف بالشيء هذا ..
 ضربت أم بدر صدرها تقول: مثل ما زوجي غالي على قلبي .. فحتى أخوي المديون غالي .. حتى ولد أختي
 غالي بعد ... الله لا يسامحك على مثل هالطريقه القذره الحقيره ..
 حركت إيدها بتهديد تقول: بس صدقيني .. مرادكم دامكم جيتوه بالحيله فما راح أسمح لكم توصلوه .. راح يتم
 القصاص .. راح يتم صدقيني ومافي تراجع .. وقولي لأخوك لما يجي يزورك إنه يوقف لأن محاولاته ذي ما
 بتفيد ..
 وبعدها إتجهت للباب فقالت رعد بسرعه: لحضه يا أم بدر ..
 وقفت أم بدر فقالت رعد: الحمد لله إنك جيتي تزوريني .. تمنيت أشوفك حتى أعتذر .. أنا آسفه .. وأعرف إن
 الأسف ما بيرجع لك زوجك للحياة .. بس تكفين طلبتك .. سامحيني .. عادي .. أطلبني القصاص ما بقول لك لا
 بس سامحيني .. الله يخليك لا تخليني أموت وأنتي مو مسامحتني .. القصاص بيكون عذابي بالدنيا .. ما أبغى
 أتعذب بالآخره كمان ..
 إرتجفت شفة رعد تقول: كان قتل خطأ .. لو قتلته متعمده كان ما طلبت منك تسامحيني بهالوقاحه .. بنتي
 مو قادره أشوفها بالدنيا عندي أمل بالله إننا نلتقي بالجنه .. والله خايفه خايفه إن اللي يفصل
 بيني وبين الجنه يكون غضبك علي .. تكفيني .. إزري فيني هالأمل .. أمل إنني أشوفها بالجنه ..
 بلعت ريقها وكملت بصوت مرتجف: والله إنني تقبلت القصاص بشكل نهائي .. تقبلته ولا أتخيل إن مصيري
 يكون شيء غيره ... صدقيني إنني ما أطلب منك تعفي عني .. أبغاك بس تسامحيني ... أبغى بدر كمان يسامحني
 سلبت منكم شيء مهم بحياتكم تكفين سامحيني تكفين .. وتكفين قولي لبدر يسامحني ...
 ظلت أم بدر واقفه بمكانها لفتره بعدها خرجت وقفلت الباب وراها ..
 شهقت رعد غصب عنها وجلست على الأرض تبكي ..
 كانت تتمنى على الأقل ... تسمع جملة
 خلاص سامحتك ..



الساعة ست قرب المغرب ..
وبأحدى المولات المشهوره بمدينة جده ..
لابسه عباتها ولافه الطرحه على راسها وواقفه بالدرج المتحرك بهدوء تطالع لفوق ..
بداخلها شيء من الخوف .. بس هي قررت وما راح تتراجع عن قرارها في آخر لحضه ..
أخذت نفس عميق وإبتسمت تهدي من نفسها ..
سمعت واحد يصفر فلفت على اليمين فشافته شاب والدرج المتحرك حقه ينزله لتحت ..
طالعه باستحقار فضحك وسمعته يقول: البنت مُره ..
وبعدها خلاص بعد وهي وصلت لفوق ..
مشبت تقول: وهالكلاّب ما بطلوا مغازله عالرايح والجاي ..
لفت عالدرج تقول: حتى إنه ما رقم .. معناته حتى لو ما بيعخوا يرقموا ما عندهم مُشكله يتحرشوا بالرايح
والجاي ..
تجاهلت الموضوع وبدأت تمشي من بين المحلات فجذبها شوز مدرسي من نوعها اللي تحبه ..
كانت بتروح له بس هزت راسها وهمست لنفسها: إنتي مو جايه تشتري ..
أخذت لها نفس عميق مره ثانيه لما رجع لها الخوف من جديد ..
كملت تمشي حتى وصلت للكافتيريا فلفت على اليمين وفعلاً شافت مدخل للمُصلى ..
معناته هذا المكان المقصود ..
جلست على وحده من الطاولات بعد ما إشترت لها بيبسي بارد تشربه ..
طلعت لساعة معصمها فشافتها ست وربع تقريباً ..
لفت نظرها في المكان تقول: المفروض نتقابل هنا عالساعة سته .. يعني حتى لو تأخرت شوي فطبيعي يكون
موجود من أول ينتظر .. وينه ..؟!
رن جوالها فطلعته .. تنهدت لما شافت المتصل أختها ..
ردت عليها برسالة إنها عند صاحببتها وبعدها رجعت الجوال لشنطتها ..
جاها صوت من وراها يقول: مساء الورد ..
ضاقت عيونها بعد ما عرفت إنه وصل ..
المُهكر الغبي اللي إتفقت إنها تقابله هنا خلاص وصل ..

..X || part end || X..

..X... || البآرت الخمسون || X....


قبل أربع ساعات ..
كانت جالسه بغرفتها عالسريير واللاب حقها قدامها ..
أخذت قرارها وأخيراً مع هالمهكر الغبي ..
فعشان كذا دخلت النت تدور على رقمهم ..
تذكر جتها رساله بالواتس عن هالموضوع بس بما إن جوالها قد إنسرق بإندونيسيا فذاك المقطع خلاص طار ..
فعشان كذا بتدور عليه بالنت ..
وقفت عن البحث بعد ما لقيت الموضوع المناسب بإحدى المنتديات ..
تكتفت وظلّت تقرأ الكلام وتتأكد إنه مثل ما قالوا عنه ..
سحبت جوالها .. ترددت شوي بعدها دقت على الرقم ..
حطت الجوال على أذنها وانتظرت الرد ..
وفعلاً جاها الرد من شاب تكلم بالبدايه برسميه ..
ترددت مره ثانيه وقالت: أممم .. لقيت رقمكم ... بأنكم يعني تساعدوا أي بنت متعرضه لإبتزاز وبسريه ..
رد عليها: إيوه أختي مثل ما قلتي .. إنتياعرضي علينا مُشكلك وراح نحلها لك بسريه تامه بعيداً عن الأهل
حتى ما نتسبب لك بمشاكل .. أي نوع كان من المشاكل .. إبتزاز أو تحرش أو غيرها .. وش مشكلك أختي ..؟!
ترف: أممم فيه مهكر قبل فتره هكر كل حساباتي في مواقع التواصل الاجتماعي .. بدأ يهددني فيهم .. و ...
تجاهلته .. حتى إني حظرت رقمه وبعدها حذفته فصار يتواصل معي برقم ثاني ... طلب مني من قبل أقابله
بإستراحه وحدد لي المكان والزمان بس ما رحت ... بعدها بفترة سبب لزميلتي مُشكلة مع أهلها طلب مني
مره ثانيه أقابله وبرضوا ما رحت وهالمره سبب لجار عندنا بفصله من عمله واليوم الصبح أرسل لي
رساله بانه يبغى يقابلني بوحده من المجمعات التجاريه بالمغرب فـ... كنت خايفه أرفض وهالمره يتأذي أهلي
... فمدري وش أسوي .. يعني ...
وبعدها سكتت .. ظل الرجال ساكت شوي ولما حس إنها أنهت كلامها قال: ماشي .. تعرفي شيء عنه ..؟! غير
عن إنه مهكر ..؟!
ترف: لا ..
الرجال: يعني ما تملكي غير رقمه ورسايله ..؟!
ترف: إيه ..
الرجال: طيب هذا كويس .. عطيني الرقم ..
ترف: طيب دقيقه ياللا خذ .. ٥٤٢ ***** ..
الرجال: ماشي ماشي .. لا تحذفي الرسايل من جهازك .. وعطيني العنوان اللي طلب منك إنك تقابليه فيه اليوم
المغرب ..
ترف: مركز عزيز مول بالكافيتيريا بالدور الثاني .. الساعه ست ..
الرجال: طيب .. هو هددك بصور كانت بحسابك أو ...
قاطعت ترف: لا بس يهددني باني لو ما سمعت كلامه بياذي أحد من أقاربي وكذا يعني وهذا فعلاً اللي صار
.. وغير كذا مالي صور واضحه بالمواقع .. وحتى لو لقي صورته وفربكها وأرسلها لأهلي فبقادر أشرح لهم
الوضع وبيتفهموني بغيت كمان أخبرهم عن هالمُشكلة بس ترددت .. مدري مو قادره أتخيل ردة فعلهم
وخصوصاً إن الموضوع له أكثر من شهر ونص تقريباً وغير كذا ما أضن يقدرُوا يصلحوا شيء معه
هالمهكر شخص مُستفز وذكي ونذل ..
الرجال: ماشي .. طيب مُمكن تعطينا إسمك ..؟!
ترف: ترف عزام الواصلي ..
الرجال: طيب يا أخت ترف .. دقايق ونرجع نتواصل معك مره ثانيه .. على نفس هذا الرقم صحيح ..؟!
ترف: إيوه ..
الرجال: طيب طيب .. في أمان الله ..
ترف: باي ..
وقفلت الجوال ..
أخذت نفس عميق وبعدها قالت: إن شاء الله يوصلوا لحل مع الحقير هذا !!
إنسدحت على ظهرها وطالعت بالسقف لفته ..

أخذت نص ساعه سرحانه بأفكارها وبعدها جلست بسرعه لما دق جوالها ..
معقوله بيردوا عليها بذي السرعه ..؟!
ردت تقول: ألو ..
الرجال: أخت ترف الواصلي ..؟!
ترف: إيه إيه أنا ..
إبتسم بعدها بدأ يكلمها ..

//

الساعه ست المغرب ..
جالسه بهدوء على الكرسي بعد ما طلبت لها ببيسي بارد تنتظر هالمهكر يجي ..
هو أرسل لها الصباح إنه بيغى يشوفها .. حتى إنها إستغربت بإنه ما إختار إستراحه كالعاده ..
لفت حولها وهمست: يقولوا روجي قابليه ووقتها راح نمسكه ونعرضه للتحقيق .. مدري ليه حاسه بتوتر ..
عندي إحساس إنه ما بيصير شيء مدري ليه ..
جاها صوت من وراها يقول: مساء الورد ..
إبتسمت .. هذا هو ..
كوبس إن مخاوفها ما تحققت ..
لفت بعيونها عليه وكانت ذي المره الأولى اللي تشوفه فيها ..
شكلياً ما كان مثل ما رسمته بخيالها ..
طالعت بهدوء وقالت: الساعه ست ونص وإنت قلت نتقابل ست ..
طالعها شوي بعدها إبتسم وجلس عالكروسي قدامها يقول: أووه .. يعني تنتظري أحد ..؟! يصير أسليك حتى
يجي صاحبك ..؟!
عقدت ترف حاجبها .. مو كان كلامه يعني إنه مو ذاك المهكر الغبي ...!!
ترف: عفواً .. مين إنت ..؟!
إبتسم لها يقول: مبدأياً خلينا نقول إسمي طلال ..
مطت شفرتها تقول: إنت مو مهكر صح ..؟!
إستغرب من سؤالها وقال: مهكر ..؟! لا ... المهم شتحي أشتري لك مُقدماً ..؟!
تترفت ترف منه .. إعطاها أمل ن ذاك المهكر جاء وهو ما جاء أصلاً ..
ترف: لو سمحت تقدر تقلب وجهك ..؟!
إبتسم وغمز لها: صديقي بأمتك أكثر من اللي تنتظرينه ..
رفعت ترف صوتها تقول: بتقلب وجهك ولا ألم الناس عليك ..؟!
رفع حاجبه وبعدها إحنى بجسده شوي لقدام يقول بهمس: راح زمن اللي بنت تصارخ ويجوا كلهم يساعدها
... أضنك تشوفي المقاطع بالإنستا والتويتر كيف ..! نادر يتدخلوا وخصوصاً لو كان بمجمع تجاري واللي أغلبه
شباب مثلي ... ومثلك ..
إبتسمت ترف تقول: يا حليلك بس ..
وبعدها طشت الببيسي بوجهه فوقف لا إيرادياً وهو مو مستوعب هالحركة المفاجئه ..
إنصدم لدرجة وده يقلب عليها بس مو عارف كيف ..!
ما أمداه يتخذ أي خطوه إلا وجاء رجال في الثلاثينات يقول: خير ممكن أعرف شسالفه ..؟!
لف عليه الشاب بحده يقول: ما أضن الموضوع يعنيك ...!!!
تنهد الرجال ودخل إيده بجيبه وطلع محفضته يقول: لا الموضوع يعني .. وراح نتخذ إجراء إتجاه الغلطان
الأول في هالموضوع و....
بعدها وقف عن كلامه لما إنسحب الشاب وراح فقفل الرجال محفضته وهمس: ما عندي أي بطاقة مُمكن يخاف
منها .. هالطريقه تنفع لأمثاله ..
لف طالع بترف وسأل: مو هو صحيح ..؟!
هزت ترف راسها بلا فطال بالطاوله اللي أنكب عليها بعض الببيسي بعدها لف وراح ..
ميلت ترف شفرتها ولفت حولها فشافت البعض كان يصور .. يا حبههم لللقافه ..

طالعت بساعتها .. مر كثير عالساعه سته ..
 معقوله بيسحب عليها ..؟!
 ليه ..؟!
 يمكن ينتقم من حركتها لما تسحب على كل مواعيده اللي طلبتها ..!
 ويمكن بس تأخر .. أو جاه ضرف طاري ء ..
 مشيت وجلست على كُرسى ثاني وظَلت تنتظره ..
 جت الساعه سبعه وهي ما تزال تنتظره بس مافي فايده ..
 طلّعت جوالها وأرسلت لها رساله تخبره إنه تنتظره من ساعه تقريباً ولا جاء ..
 عشر دقائق مرت حتى رد عليها برساله ثانيه ففتحتها بسرعه ..
 " شكلك نسييتي إني مهكر يعني حتى إتصالاتك أقدر أعرف لفين رايحه "
 إتعست عيونها من الصدمه وهي تقرأ هالكلام ..!
 هذا ... هذا يعني إنه عارف ..
 عارف بحكاية إتصالها وإتفاقها وكل شيء !!!..
 مُستحيل !!!..
 تركت الجوال وهي حاسه بورطه كبيره ..!
 تحس إنه بيننقم هالمره إنتقام أقوى من قبل ..
 وإنه المرات الجايه بيكون حذر كثير وما بتقدر تتخلص منه !!!..
 إيش هذه المعمه الكبيره اللي دخلت فيها من جديد ..!؟!




كان جالس بهدوء وعيونه بالفراغ سرحانه ..
 كان الضياع واضح بنظراته ..
 ليته ما جاء ..
 يا ليته ما طلع بهالوقت أبد ..!
 ليته ظل مختفي ما يعرف عنه أي شيء ..
 !...
 !
 لحضه وقف فيها تفكيره شوي ..
 بعدها رجع لوعيه مره ثانيه ..
 فيه تشوش كبير براسه ..
 ما يدري وشهو سببه ..
 أو ... ما فكر يعرف السبب ..
 فتفكيره معظمه .. بأبوه اللي جاء يزوره ..

طالعه واحد من السُجناء وقال بشيء من السخريه وهو يأشر على صحن قدامهم: ما تبي تاكل بعد ..!؟!

ميل شفته لما شافه على نفسه وضعيته وسرحان ..
صار عنده شك إن هالآدمي ميت وهو جالس ..
تجاهله وكمل ياكل العشاء ..
رجع رفع السجين راسه لما سمع صوت أحد جاي فشافه نفسه المُحقق اللي تقريباً هذه المره الثالثه اليوم يجي
لهدنا يطالع ..
برضوا تجاهل الموضوع وكمل ياكل ..
أما مشعل فظل واقف شوي يطالع بحسام وبعدها لف على الشرطي الي يحرس غرفة الحجز وسأل: شففيه ..؟!
الشرطي: ما عندي علم .. اللي أعرفه إنه على نفس وضعيته ورفض ياكل أي وجبه حتى الآن .. مافيه أي
تواصل له مع أي أحد ..
رجع مشعل يطالع بحسام بعدها لف وهو يقول للشرطي: جيبه لمكتبي ..
تنهد الشرطي يقول: المكتب ..؟؟!
راح مشعل وإتجه لمكتبه فدق جواله ولما شاف الرقم تنهد ورد يقول: أميره معلش .. ما بجي عالغشاء اليوم
..
أميره بشيء من التأفف: مشعل مو كائنك صاير تطول بالشغل ...!! صرت تجلس حتى الليل ..!
مشعل: فتره وبتعدي .. المهم لا تنسي نومي ياسر بدري وتأكدي إنه نايم .. آخر مره دخلت عليه الغرفه بعد
نص الليل وشفته عالأيباد .. إسحبيه منه قبل لا ينام ..
تنهدت وقالت: الله يصبرني بس طيب طيب مع السلامه ..
قفل جواله وجلس على كرسيه لما دخل المكتب ..
حط الجوال على جنب وظل ينتظر حُسام ..
دقيقه .. ثنتين .. خمس ..
طالع بشاشة جواله وهمس: كانه تأخر .. ما بياخذ منه إخطاره دقيقه ...!!
يمكن رفض حُسام أو عاند كعادته ..
ذاك العزام ...!! لو كان عنده شك لو واحد بالميه بيانه راح يجي كان بلغهم إنهم يمنعوه من مقابلة حُسام ..
جيبته قلبت نفسية حُسام ويس ..!
رفع عيونه للباب فشاف الشرطي مدخل حُسام وبعدها جلس على الكرسي اللي قدام المكتب ..
لف الشرطي وراح لمشعل ..
إنحنى وهمس بإذنه: لما إستدعيتهم مسكت بإيده فقد وعيه لثواني واضطريت أكب عليه شوية مويه .. واللحين
بالقوه يمشي وشكل السبب هو رفضه للأكل ..
عقد مشعل حاجبه وطالع بالشرطي لفتره بعدها قال: طيب خلاص ... تقدر تروح ..
وقف له وقفه عسكريه وبعدها طلع من الغرفه ..
قام مشعل وجلس بالكرسي اللي قدام حُسام وطالع فيه وهو سرحان بالأرض ..
مشعل: حُسام ..
ما رد عليه ..
حط إيده على أيادي حُسام المكبلشه وقال: حُسام إنت معي ..؟!
حُسام بهدوء وعيونه لسي على الأرض: أنا ... قلت لك من قبل صبح ..؟!
عقد مشعل حاجبه فكمل حُسام بنفس الهدوء: إني ضايع بسبب تخلي أبوي عني ... وأكيد إنت بحثت وعرفت
هالشيء طيب ليش
إرتجف صوته وكمل: ليش خليته يقابلني ..؟! أنا ما كنت أبغى أشوفه أنا صاير بالسجن ورغد
بالسجن بسببه هو ..
ضاقت عيونه مشعل بهدوء لما حس برجفة إيدي حُسام فرفع إيده وحطها على كتفه يقول: حُسام إعذرني
لو كنت أدري
قاطعه حُسام بحده وعينه بعين مشعل: وش يفيدني إعتذارك ...!!!
طالعه مشعل شوي وبنظراته الحاده واللي ... كانت على وشك البكاء ..
عض حُسام على شفته بعدها رفع إيده وتكى براسه عليها يطالع بالأرض وقال بصوت واضح فيه عدم الإتران:
خلاص أعترف أنا قتلت حميدان حقدت عليه وقتلته وأسبابي ماهي معقوله ... بمعنى إذا عصبت أو
حقدت ممكن أقتل أي أحد ... صرت مجرم رسمي بمعنى مو لازم أظل بالحجز .. ودني عالسجن حتى يحاكموني
..... أتمنى كل شيء يكون بسرعه حتى يكون يوم قصاصي بيوم قصاص رغد خلاص إعترفت بكل شيء ..
إنصدم مشعل من كلامه الجنوني هذا ...!!!
حُسام مو بوعيه أبد ...!! وش يفكر فيه بالضبط ...!!!
مشعل: حُسام لأيش بالضبط تبغى توصل لما تعترف بهالإعتراف الكاذب ...!!!

الساعة ثمانيه بصباح يوم الأحد ..
شاغله نفسها تقرأ الأجزاء اللي لسي ما قرأتها بقصة بنت خالها طيف ..
محد بالبيت غيرها .. أمها طلعت تزور الحريم وثائر بالمدرسه وطيف بجامعة ..
أول ما خلصت تنهدت وتركت الدفتر تقول: واااه ما لقيت توقف إلا عند هالنقطه .. هالمجهول اللي يساعد كاسر مين يكون ..؟! لما بتكشف هويته توقف ..!! الله يهيدها هذه طيف .. لازم أخليها تكمل المشهد اليوم .. مافيني صبر ..
إنسدت على بطانيته المبعثره وهمست: ملل .. لو إني كملت دراستي ... كان أنا اللحين بالجامعه .. أو يمكن خلصتها .. مدري مافيني أفكر .. لكن علأقل مدري مدري ..
ظلت ساكته فتره بعدها إبتسمت تقول: والهنوف الصبح مشيت مع زوجها للصين .. عجيبه هالبننت .. مدري كيف هو مسترسل مع أفكارها .. وصلوا ولا لسي بالطياره ..؟!
عقدت حاجبها لما سمعت زي الدق ولفت نظرها عالشبك ..
كانه هوا أو شيء زي كذا ..
جلست مفجوعه لما دق مره ثانيه وكان واضح إنه دق بشري ..
لا مو معقوله ..؟!
ذاك المجهول من زمان وقف رسايل .. مو معقوله يكون هو نفسه مرسل رساله ...!!
قامت وفتحت الشباك وبالقوه إنفتح جزء منه ..
عقدت حاجبها لما شافت أي ظرف ..
إنسعت عيونها من الصدمه لما شافت طرف شماغ يبين إنه ساند ظهره على جدار بيتهم بجانب الشباك ..
حاولت تقفل الشباك بس هالزفت المصدي ما رضي يمشي ..
ما طولت تحول وعلى طول بعتت عن الشباك جلست تحته لما سمعته ولأول مره يتكلم يقول: أهلين أختي ..
حست بخوف كبير ..
مو حكاية رجال غريب يكلمها لأنها بشغلها تعودت على كذا ..
لأنه .. هالشاب الغريب واللي صار مسيطر على أفكارها كان يكلمها ..
شاب ما تعرف وش هي أهدافه .. هي تلقائياً تتوقع إنها أهداف سيئه ..
يمكن سلسلة التجارب اللي مرت بيها خلقتها تضن إن أي شاب يتقرب معناته سيء جذبياً ..!
ما ردت عليه فقال: أنا .. هو نفسه اللي يرسل لكم الظروف .. بأقول كلمتين وبراحتك لا تردين .. بس أنا محتاج تسمعيني ..
سكت شوي وقال: ما رديتي على آخر شيء أرسلته لك .. ولا رديتي حتى على فرصة العمل اللي وفرتها لك ..
بغيت بس أبين لك إني ما أضمر أي سوء أو أذى .. الله يشهد إن نيتي هي أساعدكم والله ..
تشجعت وسألت: والسبب ..؟! مافي مساعده بدون مُقابل ..!
ما سمعت رده لفتره خلقتها تندم إنها سألت ..
بس إرتاحت لما سمعته يقول: ما أطلب مُقابل ..
شدت على أسنانها .. خلاص وضع الأمر ..
مافي أحد يساعد بدون سبب وهو بكل وضوح قال إنه ما يحتاج مُقابل ..
شوي جاها صوته يقول: المُقابل الوحيد اللي أطلبه هو مسامحتكم ..
عقدت حاجبها من جملة الغريبه اللي قالها قبل شوي ..
غريبه .. ما فهمتها ..
يمكن حتى تكون ما سمعتها عدل ..
الشاب بهدوء: فيعني ... خلني أساعدكم .. بما إنك العاطله الوحيدة قلت أدبر لك فرصة عمل .. إذا مو راضيه عن كل فرص عملي فخلاص راح أعطيك أفكار لمشاريع بسيطه تبديها بنفسك حتى تكوني مطمئنه داخلياً ..
حست بورقه طاحت على راسها فأخذتها وكمل هو: هنا بعض الأفكار البسيطه اللي ما تحتاج رأس مال كبير ..
هذه مجرد أفكار فيعني مُستحيل أكون ناوي فيها شر لكم ..

فتحت الورقة تقرأ اللي فيها بعدها قالت بهدوء: ما وضحت لي سببك ..
ما سمعت رده لدرجة ضنت إنه خلاص راح ..
وقفت بحذر فلاحظت لسي طرف شماغه موجود فرجعت جلست وانتظرت ..
شوي جاها صوته يقول: السبب الرئيسي بتشتتكم كذا ... واحد من عيلتي .. فعشان كذا أحس بالذنب إتجاهكم
ولو كنت أعرف عنكم من بدري كان ما قصرت لو تسائلتي ليه ما أجي من الباب بشكل واضح وصريح ...
هو لأنني ما أملك الشجاعة أواجهكم
سكت شوي بعدها قال: والحمد لله على سلامة ثائر من عصابة البنقاله اللي كانوا خاطفينه .. زرتة مره
بالمستشفى بس كان نايم ولما شفته قررت إني أظل كذا ... أساعدكم لما تحتاجوا .. لو واجهتكم بتلوموني
كثير ولا أضن إني بأتحمل ملامتكم .. الله معك ..
وبعدها سمعت خطواته يبتعد فوقفت وفقلت الشباك بالقوه بعدها رمت نفسها على بطانيته ..
مشوشه .. مشوشه كثير ..
مو فاهمه أي شيء ..
وش يقصد هذا بكلامه ..؟! وعن أي لوم يتكلم ..؟!
كيف يعني و السبب أو عيلته السبب ..!
السبب بتشتتكم هو أبوها مافي غيره فكيف يقول إنه واحد من عيلته ..؟!
مو فاهمه أبداً .. أبداً مو فاهمه شيء ..



الساعة خمس العصر ..
جالس بهدوء مع أهله بحوش بيتهم وقدامهم شاي وفشار وأنواع السواليف ..
وهو عقله ... عند طفلة وحبيبه ..
تردد لكن في النهايه فتح الموضوع يقول بدوء: يمه تدري ..
طالعه أمه فكمل: رغد .. قصاصها يوم الجمعة الجاي ..
عقدت أمه حاجبها شوي ولما تذكرت من رغد قالت بانزعاج: ماجد لا تفتح لي سيرة هالحقيه مره ثانيه ..
ماجد بهدوء: قصاصها جاء وأنا ولا حاولت أوقف بجنبها ..
الأم بحده: ماجد ..!!!!
سكت فطالعه بشيء من الحقد وقالت: لا تجيب طاريها .. ماجد لا تجيب طاريها أبداً قدامي ..!! شوهت سمعتنا
هالمجرمه ...
ماجد بهدوء: يمه ... بنتي بتطلع بعد فتره من المستشفى أبغى أجيبها عندي ..
إنصدمت أمه من قراره وطالعه أخته بهدوء وتنهدت وهي منتظره الحرب والمشاكل اللي بتبدأ اللحين ..
قامت بهدوء وتسحبت حتى تبعد عن المشاكل قد ما تقدر ..
الأم بعصبيه: ماجد وش هالخرابيط اللي جالس تقولها ..!! ماجد وين كلامنا قبل ..!! تبغاني أعيده لك من جديد
..!!؟ ماجد والله العظيم ..!! والله العظيم لو صلحت اللي براسك إني لأغضب عليك ليوم الدين ..!!
ماجد بهدوء: ما قدرت .. ووقتها عرفت إنه حتى إنتي ما بتقدر ..

طالع بأمه يقول: لما شفتها واستشعرت معنى الأبوه من جديد حبيتها بشكل كبير ... بشكل يخليني أوصل لدرجة إني أقارنها معك .. إني أخير نفسي بينك وبينها ... هذا يعني إن حب الأب لطفله شيء كبير وعظيم فكيف عاد بالأم واللي قلبها أحسن من الأب بملايين المرات ..؟! يمه ... عرفت وقتها إنك ما بتقدرني تغضبني علي مافي أحد يتمنى غضب أهله عليه وخصوصاً لو كانت أمه يمه ... إنتي أحسن من كذا ... إبتسم لها يقول: مثل ما إنتي تحبيني ومتألمه عشائي -مثل ما تقولين- تزوجت وحده طلعت قاتله فأنا كمان أحب بنتي وما أقدر أخليها وراح أتألم لأي شيء يصيبها .. بقدر ما تحبيني وتحبين رشا وباقي إخواني فأنا أحب بنتي بنفس القدر ..

حطت أمه راسها بين يديها وهي تهمس: مو معقوله ...!! ماجد صابك شيء ...!! البنت صلحت فيك شيء أكيد ...!!

ماجد بهدوء: لسي طفله يا يمه ..!

الأم بحده: أقصد الحقيره المسجونه ...!! أكيد عملت لك عمل حتى تصير مجنون ببنتها كذا ..!

ماجد: يمه وش دخلها اللحين ..؟! هي من وقتها مسجونه و....

قاطعتة: يعني ما عندها ذاك الأخو ...!! تحسب إنها ما تقدر تطلب منه يصلح كذا عشائها ...!!

ماجد: يمه الله يسعدك ترى

قاطعتة تضرب بإيدها ويقوه على المتكى تقول: الطفله ما تدخل حياتك وأنا عايشه سامعني ...!!

ماجد بهدوء: وهي هالطفله شذنبها ..!؟

الأم بحده: ذنبها إنها بنتها بتطلع مثل أمها العرق دساس يا ماجد صدقني إنت ما تعرف مصلحتك وين تبغى لهالدرجة تصير أب ؟ تزوج أكثر من مره نصحتك تتزوج بس إنت اللي رفضت تزوج وجيب لك بدل هالطفله عشره لكن هالطفله ما بتدخل لحياتك دامي عايشه سامعني ؟ وهذا آخر كلام عندي مافي مجال لأي نقاش فسكر عالموضوع ..

ظل ماجد يطالعها بهدوء بعدها قال بشيء من الإنكسار: يمه لا تخليني أتمنى موتك ..

إتسعت عيونها من الصدمه فوقف وراح من عندها وجلس بهدوء بمكان يقدر يشوفها منه ولا تشوفه ..

هو عارف إنه قسى بكلمته لكنها كبنت عليه كثير ..

سنوات وهي مو معطيته أي حريه تحت تهديد إنها بتغضب عليه ..

وهو مترابي على إن الأم ورضاها أهم شيء بالدنيا وهذا اللي خلاها تتحكم فيه وفقاً لرغباتها اللي مو قادر يلاقي لها أي تفسير

ظل يراقبها بهدوء يعرف إن عندها مرض وخايف تتعب بسبب كلامه ..

أما هي فكانت على نفس جلستها تستوعب كلام ابنها البار والمطيع لها قبل شوي ..


معقوله هالكلمه تطلع منه ..!؟

معقوله ...!!

ضربت بإيدها على فخذها .. شوي ضربتها مره ثانيه ..

تكرر ضربها وهي تحس بالألم بصدرها من كلمه ولدها لها ..

تألمت كثير ..



الساعه ست المغرب ..

نزلت من الدرج وهي بكامل زينتها ولايسه عباتها ووراها خدامه شايله كيس هدايا ..

إبتسمت لما شافت ولدها راكان جالس بالصاله .. معناته بطل عناده وقرر يجي الحفله ..

نزلت له ولفت عاليمين وشافت حلا جالساه وتعدل صندلها ..

إبتسمت وقالت: أهلين ركوني ..

طالعها جهاد .. تنهد وبعدها إبتسم ..

قام ووقف جنبها يقول: أمي حبيبتي ..

تنهد وكمل: بتروحين ..!؟

[illegible]

قاطعته ملك: راكان لا تدخل...!!

تنهد جهاد وسكت .. كان واضح إن أمه معصبه ..

ملك: ويعني ... وش تبغى أقول لخالك لما يسأل وين كرار ..؟! كافي إنك سودت وجهه قدام زوج خالتك لما فسخت الخطويه بدون أي أسباب وخليتها مسكينه متدهوره نفسياً لدرجة زوج خالتك أخذها يمسيها برى وما رجعوا من السفر إلا أمس .. واللحين ..؟! زوج خالتك بيحضر الحفل ... وبينتظر منك تشرح أسبابك أو حتى تعتذر ...!! وخالك هذه أول حفله يسويها بعد رجوعه من السفر وما تبغى تجيها ...!! كرار عمري ما منعك عن أي شيء تسويه .. عمري ما قلت لك غصب عنك تسوي كذا أو غصب عنك ما تصلح كذا .. هالمره بس راح أغصبك حتى لا تسبب المشاكل أكثر ...!! سامعني كرار ...!

سكتت شوي بعدها كملت: لو إنك ما تسببت بالمشاكل ذي كان خليتك على راحتك وقلت لخالك إنك تعبان أو أي عذر .. لكن اللحين أي عذر أقوله ب يكون واضح إنه ملفق ..

طالع جهاد بكرار شوي بعدها قال: كرار أمني معها حق .. إعتذر لأبو البنت .. بنته أكيد غاليه عنده وما

بيسامحك لو ما قدمت سبب أو عذر ..

كرار بهدوء: لا تتدخل ..

طالعه جهاد شوي بعدها تنهد .. أخوه لا زال بعيد عنه ..

ملك: أنا عارفه ليش ما تبغى تروح ..

رفع كرار عيونه بهدوء لأمه فكملت: البيت ذاك أعرف إنك ما تبغى تدخله من بعد اللي صار ..! حتى إني كنت راح أصلح الحفله مع خالتك ببيتها .. عشانك .. بس خالك كان مجهز للوضع من أول ورفض تكون الحفله خارج بيته ..

كملت وهي تخذ عالكلمات: كرار إنت ما سويت شيء غلط ...!! كان ... دفاع عن النفس ..

عقد جهاد حاجبه وطالع بأمه بعدم فهم فأشرت ملك براسها تقول: ياللا .. تعال ..

لف كرار وجهه بهدوء وظل تقريباً نص دقيقه بعدها لف وخرج لبرى فتنهدت ملك ولفت على جهاد تقول: ياللا مع السلامه حبيبي ..

لوحت بإيدها وطلعت لبرى وجهاد ظل بمكانه لفته ..

جهاد بهدوء: فيه أشياء .. أنا للحين ما أعرف عنها ..

//

الساعة سبعة وربع ..

وبقصر أبو أصيل ..

كان القصر مجهز بالكامل من فوق ولحتى الحديقه الخارجيه ..

كل من مر بالشارع يعرف إنه فيه مناسبة كبيره تصير داخل ..

وبالقاعه الداخليه الواسعه واللي أساس الحفله ب يكون فيها ..

كانت أم أصيل بقامتها الطويله وبفستانها النيلي ماخذه كل الأضواء وهي تمشي بين مجموعه ومجموعه

تسولف معهم شوي ..

نووها من البدايه تكون حفله عائليه .. لكنها بالنهايه قفر أبو أصيل إنها تكون كبيره وينادي جميع أصدقائه وأقاربه ..

الحريم بهالقاعه .. والرجال بالحديقه الخارجيه للقصر ..

دمجها .. حفلة ميلاد ولده .. وحفلة رجوعه وإستقراره أخيراً بالسعوديه مع إنها شوي متأخره بس شاف إنه

لازم يصلح حفله كبيره ..

إبتسمت وتقدمت منهم لما دخلوا تقول: أهلين حبيبتي منوله كيفك ..؟! ..

منال وهي تسلم عليها: بخير .. ههههههه ولا كأننا أمس كنا هنا ..

أم أصيل: ههههههه لازم من هالحركات ..

لفت على اليمين تقول: عيوني كلها رودي .. أخبارك يا بنت ..؟! واه متغيره من بعد السفر ..

رودي بحماس: جد ...!! للأحلى صح ..؟! ..

أم أصيل وهي تسلم عليها: أكيد للأحلى ..

رودي: واه يا خاله .. تسلمي كثير ...!!

لفت نظرها بالمكان وبعدها همست: خاله دول هما كل الناس اللي بييجوا ولا فيه باقي كثير ..؟!
أم أصيل: إيوه باقي .. بس مو كثير .. نصهم أقاريبي .. ونص الثاني عائلات أصدقاء خالك ..
هزت رودى راسها وقال: نيجو ما جت ..?!
أم أصيل: لا لسى ..
عقد حاجبها ولفت نظرها تقول: وين أمك ..?!
رودي: هههههههه ماما على طول تدخل بالجو .. تلاقيها راحت تسلم وتتعرف عالحریم وكذا يعني ههههههه
..
أم أصيل: ههههههههه الحرمة ذي فيها كمية طاقة وحب تعرف ..!
رودي: ويارا طيب .. وينها ..?!
أم أصيل: بغرفتها تتجهز .. دقائق وتنزل ..
بعدها ابتسمت لما جت أختها وراحت تسلم عليها ..
مشيت رودى وأخذت لها حبة كوكيز من طاولة التقديم ولفت بنظرها بالمكان تدور أحد تعرفه ..
إبتسمت لما شافت يارا داخلها وطالعه غريبه شوي ..
تعودت على ستايلها واللحين لابسه لها فستان أسود لنص الفخذ على بوت كعب للركبه وكمان أسود وشعرها
كالعادة مسرمك على بعض الخصل باللون الوردي ..
رودي: هههههه برضوا ما بعدت كثير على ستايلها ..
ظلت بمكانها تنتظرها وهي تسلم على الحضور وبعد ما خلصت جت لها تسلم عليها ..
رودي: يوووو يارا وحشتيني ..
يارا: الحمد لله على سلامة وصولك ..
رودي: الله يسلمك ..
يارا: كيف كان سفرك ..?!
رودي بحماس: وااااو يهبل يارا ..
هزت يارا راسها بهدوء وبعدها سألت: عمتي ملك ما جت ..?!
رودي: لا .. بس راح يجوا بعد شوي .. قالت لي أنجي إنهم بييجوا كلهم ما عدا أخوها راكان لأنولسى ما تعود
وما قد قابلكم فما يبغى على طول يقابلكم بحفله وكذا يعني ..
طالعته يارا شوي بعدها لفت نظرها تطالع في الناس ..
رودي: أمم يارا ..
طالعته يارا فابتسمت رودى تقول: إبتسمي .. يعني من نزلتني ما إبتسمتي مو حلوه وإنتي بحفلة أخوك
صح ..?!
طالعته يارا شوي بعدها إبتسمت إبتسامه صفراء ورجعت تطالع في الناس ..
تنهدت رودى بقلة حيلة .. تعرف بنت خالها .. نادر تبتسم ..
إبتسمت وقالت: هاي ..
لفت رودى بعدها قالت بحماس: نيجو ..!!
ونطت بحماس تسلم عليها في حين سلمت يارا على حلا وبعدها سلمت على أنجي اللي تقول: ياالله ما يارا .. ما
ضنيت ب يكون فيه تجمع كبير كذا !!
يارا: أقارب أمي وتعرفيهم .. البقية عائلات أصحاب أبوي ..
أنجي: وتعرفيهم ..?!
يارا: بعضهم اللي كنا نقابلهم بسفرنا لكن البعض الثاني ما أعرفهم ..
حلا: ليش ما نكون لحالننا مع خالو ..?!
طالعته يارا تقول: التجمع كبير فعشان كذا فصلوا الحريم عن الرجال .. بنهاية الحفله لما يروحوا الناس
حيدخلوا أصيل والبقية لهنأ ..
حلا: إيوه كذا كويس ..
ظَلَّتْ يارا تطالعها شوي بعدها لفت على أنجي اللي تسولف مع رودى وسألَت: كُلُّكُمْ جِيتُوا ..?!
أنجي: بقي أسماه بيخلص شغلّه ويجي .. وراكان ما ببجي ..
هز يارا راسها بهدوء بعدها قالت: إعدروني أنا رايحه ..
أنجي: على وين ..?! خليك معي حتى تعرفيني على بنات أصحاب أبوك ..
يارا: بروح أسلم على عمتي ملك وأرجع ..
وبعدها راحت لعمتها ملك اللي كانت تسلم على أقارب أم أصيل وتتعرف على عوائل أصحاب أخوها ..

دخل كِرار بهدوء ولف بعيونه على الرجال الموجودين ..
كانوا كثير .. يجي عددهم حول الخمسين ما بين رجال وشباب ..
شاف خاله من بعيد فأتجه له ..
وقف بنص الطريق لما لاحظ أصيل واقف ويسولف مع إثنين من أصحابه ..
لف وجهه بعدها قرر يرجع للسياره ..
وقفه صوت واحد من أصحاب أصيل يقول: أوف !!.. مو هذا كِرار ..؟!
لف أصيل وصاحبه الثاني لجهة كِرار فقال الثاني: إيه والله هو .. يوووه من زمان ما شفناه ..
راح له وحاول كتفه بإيده يقول: يا هلا بكِرار !!.. وينك ما تنشاف ..؟!
لف كِرار عيونه بعيد شوي فكمل الشاب: أنا غدي .. يا رجال كنا بالثانويه مع بعض سنه كامله فكيف تنساني
!!! نلتقي كثير بالفُسحه ..
تقدم أصيل مع صاحبه يقول: أهلاً كِرار .. يا مرحباك هنا ..
الشاب: أووه كِرار يا زمان .. يمكن لنا أربع سنوات ما شفتك .. تذكرني صح ..؟! ناصر أنا ..
عقد غدي حاجبه وقرب شوي يشم بعدها قال: أووه ريحة عطر جديده ..! شهالماركة ..؟! أعجبتني ..
بعد كِرار إيده عن كتفه وبعدها لف عشان يروح فقال أصيل: كِرار عيب عليك يا رجال ..!! عيد ميلادي هذا
وأصحابي هنا .. يعني لا تفشلني كذا .. يا زينك أيام الثانويه .. ما كنت وقح ..!
غمز يقول: أقلها عطني تهننه ..
ناصر: كِرار إنت اللحين ثاني جامعه صح ..؟! بأي جامعه .. يمكن أطلع أنا وياك بنفس الجامعه مع إن الفرق
سنتين .. بس أقلها ببيكون حلو لو نفس التخصص وترتب جدولك وتلتحق بماده تكون فيها معي .. تواسيني
شوي بما إن اللي جنبني سحبوا على الجامعه من البدايه ..
إبتسم أصيل يقول وعينه على كِرار: يا رجال مين يتحمل الجامعه من دون مُعاذ ..!
غدي وهو يضرب على صدره: آآخ يا مُعاذ ..!! إنقتل حبيب قلبنا والنذل اللي قتله هارب للحين .. لو بس أمسكه
أخخ بس ..!!
لف كِرار بعيونه وطالع بأصيل اللي من تكلم عن مُعاذ ما شال عينه عنه ..
إبتسم أصيل يكون: ما تذكره ..؟! كان صديق لنا .. مات ببيتنا وانت وقتها كنت مريض مثل ما يقولوا ولا
حظرت العزاء ..
ضاقت عيونه وكمل: المفروض تذكره فهو على عكس هالاثنتين .. قد شفته بعد ما تخرج كذا مره ..
طالعه كِرار شوي بعدها رفع عيونه وشاف خاله قريب فلف عنهم وراح لخاله ..
ضاقت عيون أصيل وطالع بكاسة الشراب اللي بإيده بهدوء ..
ناصر: يا رجال ليش كذا ..؟! ما تدري إني أكثر واحد يتضايق من تجيب طاري مُعاذ ..؟!
أصيل بهدوء: أنا ... شاك بشيء ويغيت أتأكد ..
غدي بإستغراب: بايش شاك بالضبط ..؟!
لف أصيل عيونه بهدوء على كِرار يقول: راح أتأكد اليوم ... وبكره أخبركم ..

بالجبه الثانيه ..
أبو أصيل: لا تبرر .. إعتذر وبس لأنني متأكد إن تبريراتك راح تسود الوجه .. إعتذر له وبشكل جاد يا كِرار
فاهم ..؟!
هز كِرار راسه بهدوء وشوي إلا جاء أبو رودي ..
تقدم كِرار منه يقول: أسف عمي ..
طالعه شوي بعدها قال: أسف على إيش بالضبط ..؟!
ظل كِرار فتره ساكت وكأنه ما أعجبتة الأسئله الواضحه إجابتها ..
شوي ورد: على فسخي لخطبة بننكم ..
أبو رودي: أها ... طيب والسبب ..؟!
ظل ساكت كِرار لفتره بعدها قال: أسف ..
طالعه أبو رودي والإجابيه هذه ما فادته أبد ..
شوي قال: إذا سامحتك بنتي ... فيمكن أسامحك ..

إبتسمت أم أصيل وبدت تشرح لها من فين جايبيته وأما أسامه إنشغل يتكلم مع خاله وأمه ويارا واقفه بهدوء
وحلا جنبها تقلب بالسديدهات تدور أغنيه حلوه تشغلها ..
طالع أصيل بكرار يقول: كِرار تقدر تجي معي .. أبغى أتكلم معك بمكان فاضي ..
طالعه كِرار فابيتسم أصيل يقول: ياللا .. كلمه صغيره ..
ورفع صوته يقول: أبوي أمي إعذروني .. ضيف شرف وأساس هالحفله بيغيب شوي مع ولد عمته .. موافقين
!!..

أم أصيل: هههههه خذ راحتك حبيبي ..
قام أصيل يقول: ياللا كِرار ..
طالع كِرار فيهم وشافهم كلهم يطالعوه ..
ما كان له خيار غير يقوم معه ..
طلع الدرج لفوق وطلع كِرار وراه فابيتسم أسامه بشيء من السخرية في حين ظَلَّت يارا تتابعهم بنظراتها حتى
إختفوا ..
وشوي شغلت حلا زر التشغيل وصدح صوت مايا بالمكان ..

دخل أصيل بالصاله الصغيره بالدور الثاني ومسك ريموت المكيف وشغله بينما تعمد يخلي اللمبات طافيه ..
ظل كِرار واقف بمكانه عند المدخل ولا تقدم ..
يمكن يرجع السبب لأنه ما بيغى .. ويمكن لأنه مو قادر يشوف شيء أبد ..
لف أصيل على كِرار يقول: شفيك واقف ..؟! أدخل ..
أدخل ..!؟

إستهزائه واضح ..!
جلس أصيل على الكنبه يقول: بتطول وإنك هناك ..؟! تعال إجلس أبغى أتكلم معك ..
إبتسم بسخرية وهو يشوف كِرار واقف وعيونه تلف بالمكان بهدوء وبشكل متشبت ..
أصيل: أه صح نسيت .. دامك لسي واقف فبتلقى على يمينك على طول زر اللمبه .. شغله معك ..
رفع كِرار إيده ومدده للجهه اللي يقصدها أصيل ..
لمس سطح مسطح فضغط عليه يدور زر اللمبه إلا وتطلع التحفه على الأرض ويعلى صوت إنكسارها وتناثر
شظاياها بكل مكان ..
كتم أصيل ضحكته بالعافيه وبعدها قال: يالله يا كِرار إيش سويت ..؟! ما تشوف يعني ..! هالتحفه ماخذينها
من هولندا ..! تراها غاليه والله ..


نزل كِرار إيده بهدوء وحطها بجيبه وظل هادي لفتره وأصيل متكي على إيده يطالعه ..
شوي إبتسم يقول: وش شعورك لما أتغابي قدامك وأعمل حالي ما أدري عن مرضك ..؟!
رفع كِرار عيونه بهدوء وطالع باتجاه الصوت فإختفت إبتسامه أصيل يقول: نفس شعوري لما تستغبي قدامي
وتعمل حالك بريء من قتل واحد من أعز أصحابي ..
لف كِرار وجهه للجهه الثانيه بسرعه دليل الدهشه أو اللا إستيعاب ..
أصيل بهدوء: يعني فعلاً إنت ..

قام له بطريقه حاده ومسكه من ياقة قميصه يقول بحده: إنت هو صح ..!!!!
مسك كِرار إيد أصيل وحاول يفكه بدون لا يرد عليه فتترفز أصيل ولفه بقوه ناحية الأرض وطичه ..
جلس فوق وطوق رقبتة بإيديه يقول: طيب شرايك ..!!!! رايك تموت اللحين بهالمكان نفسه على إيدي أنا ..!!
ها ها ..!! رد علي ..!

شوي شد على أسنانه وكمل: لا نسيت هو مات بطعنة قلم برقبتة .. ما مات مخنوق يا كِرار ..
شد أكثر على رقبتة بحقد يقول: ليش ..!! جاوبني ليش قتلته ها ..!!!!
شوي سمع صوت أمه جايه تقول: أصيل شهالصوت اللي قبل شوي ..?!
شد على أسنانه وبعد عن كِرار اللي جلس بهدوء ..
دخلت أمه وشغلت اللمبه فشبهقت لما شافت التحفه مكسوره ..
رفعت عيونها لهم فشافتهم جالسين بالأرض فقال أصيل: معليش يمه .. هذا كِرار ما إنتبه .. روعي وإحنا بنلمه
اللحين ..

تنهدت الأم وهي تطالع بالتحفه بحسره بعدها طالعت بأصيل وبكرار اللي كان معطيها ظهره وقالت: خلاص لا
تشيل هم .. إنزلوا معنا ووبخلي الخدامه تلمه ..
أصيل: لا يمه إحنا بنلمه .. روعي إنتي ..
الأم: أصيل قلت لك خلاص ..! ياللا إنزل ..

شد أصيل على أسنانه وقال: طيب .. بس باقي ما خلصنا كلامنا ..
 الأم بهدوء: أصيل تعرف إنه مو وقته .. كل اللي تحت جابين عشانك .. خلها وقت ثاني ..
 وقف كِرار وإتجه للبَاب فعصب أصيل يقول: إنت وقف !!!
 لف كِرار وطالعه بجّده فإندم أصيل وحس إنه راح ينجن من نظراته الوقحه ذي ..
 لف كِرار وطلع فقام أصيل بسرعه وقبل لا يخرج مسكته أمه تقول: لحضه أصيل شسالفه بينكم !!؟!
 سحب أصيل يده يقول: يمه مالك شغل ..
 ولما كان بيروح مسكته مره ثانيه تقول: وشو مالي شغل !!!! أصيل وش فيه بالضبط !!؟!
 عصب وقال حتى يسكت أمه: مشكله شخصيه يمه .. بنحلها بنفسنا ..
 وبعدها خرج وإتجه للدرج ..
 نزل وراح دايركت عالقاعه ولما دخل لف بعيونه بالمكان وما شافه ..
 خرج برى القصر فشاف السيّاره تطلع من ساحة بينهم فتتفرز يقول: النذل الحقيّر هذا !!!.. فعلاً كان هو !!!..
 ويني عنه من زمان !!!.. جايك .. أنا جايك وين ما تكون صدقتي !!
 شوي جاه صوت أبوه يقول: مين تقصد أصيل !!؟!
 لف أصيل وري بعدها همس: محد ..
 ودخل لداخل ..
 ظل أبو أصيل لفتره عند الباب بعدها دخل وقفل الباب وراه ..



وبوقت متأخر من الليل ..
 الوقت اللي المفروض الكل يكون نايم فيه ..
 كان منسدح بغرفته المظلمه والبارده يطالع بالظلام يسرحان ..
 كلامها يتردد بمُخه .. وهي عاد ما قصرت .. بشكل يومي تردد هالشئ عليه ..
 مع إنه في آخر تجربه له رفض هالشئ رفضاً قاطعاً ..
 رفضه مع إنه في أعماقه يبغى هذا ..
 يبغى يتزوج ..
 لكن الرفض التام أفضل من إنه تتكرر عليه نفس تجربه الفاشله كذا مره ..
 بس
 مع إنه رفض ... بس كلامها جالس يقتعه حبه حبه ..
 كلامها عن إنها بنت لوحدها ... وأبوها شخص غريب ..
 شخص خايف عليها لدرجة حبسها .. وإنه بزواجه منها راح يخلصها ..
 بيأنها عاقله وكبيره بتفكيرها .. وما بتهتم لشئ كالجنسيه وغيره ..
 بانه الأب لو وافق فالبنت مُستحيل ترفض ..
 وراح يعيش حياته بسعاده لأن هالبنت بتشوفه كل شئ بحياتها ..
 متردد .. متردد كثير ..
 بداخله خوف من فشل هالتجربه ..

فشل كذا مره .. وبآخر مره كان فشله قاسي عليه ..
قاسي لدرجة منع نفسه يفكر بهالموضوع مره ثانيه ..!
تذكرها .. يا ترى كيفها اللحين ..؟!
أمل واللي كانت زوجته لفتره قصيره ..
يتمنى إنها تعيش حياتها بسعاده ... فهي على الأقل رفضته بلطف وبندم ..
غمض عيونه وبطل يفكر فيها ..
فرجع عقله من جديد يفكر بذي اللي إسمها ضحى ..
حاول يشيل التفكير من راسه وينام ..
لأنه .. لو طول دقايق قليله بس بالتفكير فراح يقرر يجرب يخطبها لآخر مره ..
فعشان كذا قرر ينام ولا يفكر زياده حتى لا تدخل الفكره براسه تماماً ..
لكن ...
ما قدر ينام ... وطال تفكيره بالموضوع ..

وانتهى البارت هالمره على خير وبدون قفله مثل ما قلت لكم كثرن لتأجيل البارت ..
تمنيته أطول من كذا .. بس على الأقل أطول من السابق ..
هذا البارت الخمسون .. ومثل ما ذكرت فأضن باني مُمكِن أنهي الروايه بحدود البارت الستون ..
الأحداث من بعد هالبارت بتكون شوي دسمه ويتكون البارتات أطول ..
فأسعدوني بتعليقاتكم وإن شاء الله هالمره أسعدكم بالرد عليها ..
نلتقي على خير بالبارت القادم يوم الأحد ..
محبّكم / صرخة المُشتاقه ()
> من زماااان ما كتبت هالنك !!... حسيتني قديمه xd

..×× || part end || ××..

..×× || البارت الحادي والخمسون || ××..


وبعد فجر يوم الإثنين ..
الساعه سته ونص الصباح ..
نزل من سيارته اللي وقفها بهالمنطقه السكنيه ورفع راسه يطالع بالبيت المُكون من طابقين مع كراج وحوش
بمساحة سته بسبعه متر ..
طلّع مذكرته وبدأ يسجل بعض الملاحظات بعدها لف عن يمينه لما سمع صوت بوري سياره ..
شاف باص لطالبات الابتدائي واقف ويدق البوري ..
شوي إنفتح باب البيت وخرجت طالبيه بمريولها الوردي وياين إنها برابع أو خامس ابتدائي ..
لوحث بإيدها تقول: باي بابا ..
وراحت للباص فطلع أبوها من البيت وظل واقف يشوفها وهي تركب الباص وراقبها حتى إختفى الباص من
أنظاره ..
لف بيدخل بس وقف متعجب من الرجال الغريب الواقف ..

عقد حاجبه يقول: كأني شفتك من قبل ..؟!
تقدم منه يقول: مشعل .. مُحقق بقضية حميدان ..
الرجال: أووه صح صح ..
بعدها كمل بحذر: بس ليه جاي ..؟!
إبتسم مشعل يقول: لهالدرجه وجود محقق يسبب الشؤم ..؟!
تنهد الرجال يقول: الصراحه ما نقدر نتخيل غير كذا ..
مشعل: جيت آخذ منك بعض المعلومات .. معلومات بسيطه ما تحتاج لإستدعاء رسمي ..
الرجال: أنا قلت كل شيء أعرفه بجلسة التحقيق .. قلت أكثر من مره مالي علاقه بأي شيء صار .. أنا موصف عادي بمكتب حميدان وهو طلب ذيك الليله أرافقه .. ما توقعت إن الموضوع خطير كذا !! أثبت لكم برائتي من الموضوع وحتى إني شهدت لكم بكل اللي شفته بالليله ذيك .. يا حظرة المحقق ما أضن بقي شيء أقوله لكم .. سمعت إنكم مسكتم بالقاتل !! خلاص كل شيء عندكم فايش محتاجين مني كمان ..؟!
مشعل: قلت لك شوية أسئلته ما بتأخذ منك دقائق ..
تنهد الرجال يقول: تفضل ..
مشعل: أبو سلمان إنت للحين تشتغل ولا لا ..؟!
أبو سلمان: كنت أشتغل بالمكتب بس بعد ما مات ووضحت صفتته مع الشركه التركيه قفلوا المكتب للتحقيق والحين أدور لي شغل ..
لف مشعل نظره بالمكان وسأل: زوجتك تشتغل ..؟!
عقد حاجبه مستغرب من السؤال فجواب: لا ..
طالع فيه مشعل يقول: أكبر أولادك سلمان كم عمره ..؟!
أبو سلمان: ثالث متوسط ..
لف مشعل وطالع بالسياره اللي داخل الكراج وهو يسأل: وإنت تشتغل مع حميدان ... ما كان عندك عمل ثاني بالليل أو بأوقات الإجازة ..؟!
أبو سلمان: لا ..
طالعه مشعل لفتره بعدها سأل: أبوك ..؟! أخوانك ..؟! أعطني نبذه بسيطه عنهم ..
تعجب منه أكثر ومن أسئلته اللي مو قادر يلاقي لها سبب ..
بس دامه محقق فماله غير يجاوب ..
أبو سلمان: أبوي كبير بالسن ويعيش للحين مع أخوي الكبير في القصيم .. عندي أخ ثاني صغير يدرس بأرامكو في الدمام ..
مشعل: كم كان راتبك لما كنت تشتغل بمكتب حميدان ..؟!
أبو سلمان: سبع آلاف وست ميه ..
إبتسم مشعل ورجع يلف نظره بالبيت يقول: دخلك وراتبك ما يكفوا يشتروا لك مثل هالبيت بمنطقه منظمه مثل ذي المنطقه ..
عقد أبو سلمان حاجبه فكمل مشعل: وسيارتك موديلها جديد .. زوجتك ما تشتغل .. ومالك مصدر دخل ثاني غير شغلك بالمكتب وما عندك أولاد كبار يشتغلوا .. أهلك بعيد عنك وواضح إنهم يصرفوا على أنفسهم ..
طالع فيه وكمل: من فين لك هالفلوس كلها ..؟!
إتسعت عيونه من الصدمه وهو يطالعه ...!!
هذا ...!! هذا ..؟!
شد على أسنانه يقول: إيش تقصد ..!!
مشعل بهدوء: إنت تدري أنا وش أقصد ..
إبتسم بشيء من السخرية وكمل: اللي شهدت الزور عشانه شكله غني ..
زادت صدمته وقال بشيء من الإنفعال: للحين إنت تتهمني إني شهدت زور بذيك الليله ...!!! وليه ..؟! وش مصلحتي ..؟! وش أصلأ اللي يخليك تتهمني هالإتهام ..؟!
طالعه مشعل شوي بعدها أشر على البيت يقول: البيت هذا لك شهر مشتريه .. ثمنه التقديري هو ست مية ألف .. السياره بحدود الثمانين ألف .. هالأموال كلها تقدر تقول لي كيف دبرتها ..؟!
أبو سلمان بحده: من مصروفي الإحتياطي اللي جمعته من سنوات عملي .. هذا ...
قاطعه مشعل: أكبر أولادك بعمر ١٥ سنه .. ماشي خلنا نقول إنك من ١٥ سنه تشتغل بهالشغل وراتبك سبع آلاف وعليها مع إنه مُستحيل لأنه بالعاده الكل ببداية شغلهم يكونوا بمناصب ضعيفه وراتب قليل خلنا نتخيل إنك كل شهر تدخر لك ألفين .. بالسنة يطلع لك ٢٤ ألف .. يعني بـ ١٥ سنه تقدر تجمع ٣٦٠ ألف ريال ...

أشرف عالييت والسياره يقول: وهالمبلغ ما يغطي ثمن البيت والسياره ... طبعاً هذا بعد ما تجاهلت حساب القروض وغيرها لأن طبعي كُل واحد ببداية زواجه يكون مديون وعلى راسه قرض أو قرضين .. وما حسبت المواقف اللي ممكن تكون فيها محتاج الفلوس وخصوصاً بمواسم الأعياد أو أوقات الضيقه الماليه ..! توتر أبو سلمان بعدها قال بشيء من الهجوم: قد مرت عليّ فتره إشتغلت فيها بشغل مُحترم وراتبه كبير وهذا ساعدني .. غير كذا أبوي ما يقصر معي .. إتهامك هذا أتوقع إني أقدر أقاضيك عليه ... قاطعه مشعل بابتسامه: قاضني .. إرفع عليّ قضيه .. مره وحده حتى نعرف وش مصدر هالفلوس .. بلع أبو سلمان ريقه من كلام مشعل الأخير اللي زاد من توتره أكثر .. شئت نظره بالمكان وعرقه يصب من شدة هالتوتر اللي ما كان حاسب له حساب أبد .. ظل مشعل يطالعه لفتره بعدها قال: بديت بشهادة الزور بتقوم محاكمه وراح تجي تشهد وتحلف اليمين إن القاتل كان حُسام .. ما أعرف كيف بتقدر تتحمل هالذنوب كُلها .. أبو سلمان بحده: أرجع أقولك إتهامك هذا لا تسمعي إياه مره ثانيه .. قلت اللي عندي ولقائنا الجاي بالمحكمه

وبعدھا لف ودخل لبيته ..

مشي مشعل ووقف جنب سيارته يطالع بالبيت .. طقطق بمذكرته الصغيره على سيارته وهو يهمس: لو بديت التحقيق معه بمصدر هالفلوس ففيه إحتماليه إني أخسر .. اللي ساعده وعطاه الفلوس ... بيقدر يساعده ويطلعاه من التحقيق ببساطه .. طيب والحل ..؟! أجرب ولا أفكر لي بطريقه ثانيه ..! تنهد بعدها فتح باب سيارته ودخل فيها .. شغلها وإنطلق بها لمركز الشرطه ..




وبقبو القصر ..

بالمكان اللي عدلوه وخصصوه يكون مرسوم له .. واقف قدام وحده من لوحاته وبأيده فرشاة التلوين يلون بهدوء بهذه الرسمه العشوائيه .. وقريب منه واحد من أصحابه جالس على الكرسي بالمقلوب ومتكي دقنه على ظهر الكرسي يطالعه بهدوء وصاحبهم الثاني مسترخي على كرسي ثاني والهدوء كان هو سيد الموقف .. من بعد كلامه وهم لهم حول العشر دقائق بصمت كبير .. تكلم الأول يقول بهدوء: معناته مُعاذ إنقتل بإيد ولد عمك كرار ..! سكت شوي بعدها كمل بنفس الهدوء: ما أعرف بإيش أعلق ..! تكلم الثاني واللي كان مسترخي عالكرسي يقول بشويه حقد: النذل ..!! وعشان كذا ما وصلت الشرطه للي قتله طالع بأصيل وكمل: لأن اللي جاب المُحامي ووقف معكم بالتحقيقات هو أبو القاتل ..!! غطى على ولده قد ما يقدر ..!

أصيل ببرود: يمكن ..

تنهد الأول وقال بهدوء: ناصر لا ترفع صوتك .. سامعينك ..

ناصر بحقد: ويعني ليه ماخذ الموضوع بهدوء يا أستاذ عديّ !!!
عديّ: مو ماخذ بهدوء .. بس أحتاج فتره أستوعب .. لأن ذاك البزر اللي نعرفه والي بيان من وجهه بأنه
مُسلم من الدرجة الأولى يطلع قاتل !! قتل .. ولا إعترف على نفسه وعاش حياته بشكل طبيعي جداً !!!
الموضوع بكبره مو داخل مخي !!
طالع بأصيل وقال: إنت شدراك إنه هو !!؟؟
أصيل وعيونه على لوحته: شكيت بس .. كنت عارف إن أختي تعرف مين .. ومتستره عليه لأسباب مدري وش
هي .. وبمره خطر على بالي كِرار .. مع إني واثق إنه مو هو لأن مثل ما تقول ذاك الشخص أجبن من إنه يقتل
واحد ببرود ولا يعترف .. لاحظت على ملامحها البارده إنها تتغير وتهتم إذا جينا طاري كِرار .. قلت في نفسي
يمكن تكون تحبه ووقتها طلع لي السبب .. السبب اللي يخليها تتستر على القاتل هو إنها يمكن تحبه !!
كلمتها بمره عن مُعاذ وجبت طاري كِرار .. تغير وجهها تماماً وظهر الخوف .. هنا تأكدت إنه هو بس يبالغلي
أقطع أي مجال للشك وهذا اللي صار أمس .. طلع هو نفسه الحقير ..
ناصر بحقد: أختك الغلطانه .. ليه ما إعترفت من أول !!؟؟
أصيل ببرود: ناصر لهاالدرجة جبان وتحط الغلط على بنت !!! كِرار هو الغلطان الأول والأخير !!
عديّ: يا رجال مو قادر أصدق !!
وكمل باستنكار: كِرار !!! مستحيل ..
ما رد عليه أصيل وكمل تلوين وهدي الوضع بينهم لدقايق حتى قطع الصمت ناصر يقول: ولما عرفت إنه هو
وش سويت !!؟؟
أصيل: سألته عن السبب والكيفيه بس ما رد علي .. وصلت أعلى مراحل الغضب .. كنت بأخنقه بإيدي .. كويس
إني كنت بوعيي التام وإلا كنت قتلته ..
ناصر بحقد: لو أنا منك كان ذبحته مثل ما ذبح مُعاذ !!!
أصيل ببرود: لا تقول كلام إنت مو قده ..
ناصر بحدده: إلا قده !! القاتل محد يشفق عليه ..
عديّ: أصيل وش بتسوي !!؟؟ مُعاذ كان أقرب واحد لك .. كان خويك .. كيف بتنتقم له !!؟؟
ناصر: أصيل لا تكون جبان وتقول إنك بتسلمه للشرطه !!!
ظل أصيل هادي شوي بعدها لف عليهم وقال: لا .. خل تسليمه للشرطه آخر شيء نسويه ..
حط الألوان والفرشه على جنب وجلس على الكرسي ..
ثواني ظل فيها هادي بعدها قال بهدوء: أولاً بأعرف منه وش صار بالضبط في ذيك الليله .. يا منه يا من يارا
وبعدها
ضاقت عيونه شوي يفكر بعدها إبتسم إبتسامه مُريبه ..
إبتسامه تحمل معاني قدره وإنتقام قاسي !!
مسك الفرشاه وبلوحته اللي كانت عشوانيه ودمويه بدأ يرسم ظلال سوداء تتماشى مع الإنتقام الحقير اللي
جرى بمُخه ..



إستأذن من مدرسته بدري وخصوصاً إن آخر حصه كانت الخامسة وبعدها ما عنده حصص يدرّسها ..
فعشان كذا إستأذن وجاء للمُستشفى يشوفها قبل لا يرجع البيت ..

دق باب الغرفه وبعدها فتحه بهدوء ..

رفعت راسها للباب ولما شافته يطل منه إبتسمت إبتسامه واسعه وهي تقول بفرح: حارس مايا !!!..!!

إبتسم لها فنزلت من السرير بسرعه وراحت له ..

حضنته على طول تقول بفرح: واااا حارس مايا جاء يشوفها !!!..!!

جلس على ركبته وضمها لصدره فشددت عليه تقول: مايا إشتاقت لك كثير ..

ظل على نفس إبتسامته وذاك الأذرع الصغيره اللي تحاوطه بكل قوه تركت شعور غريب بداخله ..

شعور يقول إبي أظل كذا ..

مابي أفقد هالشئ الصغير اللي يحضني بقوه ..

بعدت عنه تقول بحماس: كنت أعرف إنك بتجي !!!..!! وااااا تعال تعال ..

ومسكته بإيده وسحبته لسريرها ..

مشي معها طواعيه لحد ما طلعت فوق سريرها وأعطته كتاب مصور للأطفال ..

عقد حاجبه فقالت: خاله أعطتني هذا عشان أتفرج بالصور وكذا يعني ..

ضمت يدها لصدرها تقول: بعدين جاء خالو وشافه وقال تبغين أقرأ لك قصه !!!..!! قلت له بعدين ..

أشرت عالكتاب وقالت: أبغى حارس مايا يقرأ لي القصه ..

طالعها بعيون تحمل معاني دفينه ..

معاني حُب .. معاني ندم .. معاني شعور بالذنب ..

والكثير من المعاني الغريبه المُختلطة ..

مايا: ياللا إقرأ لي .. أبغى أعرف ..

إبتسم لها وهز راسه يقول: طيب ..

فتح على أول صفحه وبعدها قال بأسلوب قصصي يناسب الأطفال: في قديم الزمان كانت هُناك أميره لديها كُره ذهبيه تُحب أن تلعب بها قُرب بحيره في الحديقَه .. وفي أحد الأيام تدرجت الكُره و...

قاطعتها مايا: تدرجت !!!..!!

إبتسم وقال: يعني تزلقت ..

مايا: آه ..

كمل: تدرجت الكُره الى البُحيره وغاصت الى الأسفل وصارت الأميره تبكي ..

إبتسم وهو يشوف ملاحها الحزينه اللي تأثرت مع القصه فكمل: فجاء سمعت صوتاً يُناديها لماذا تبكين أيتها

الأميره ؟ فالتفتت للأميره لتجد أن الذي يُخاطبها لم يكن إلا ضُفدعاً قبيحاً ..

تقدمت مايا بجسمها عنده وأشرت على صورة الضفدع بالصفحه تقول: يعني هذا هو ضُفدع !!!..!!

ضحك على طريقة نطقها للضفدع وقال: إيه ..

هزت راسها بتفهم فكمل: روت .. بمعنى قالت الأميره للضفدع سبب حُزنها فقال لها الضفدع أنه سيحضر لها

الكُره إن هي حققت له أمنيته .. ماذا تريد مني ؟ سألت الأميره هل تريد مجوهراتي ؟ أجاب الضفدع لا أيتها

الأميره .. كُل ما أريده هو أن تدعيني أكل معك وأن أنام في غرفتكَ .. ضنت ... يعني كانت تحسب الأميره إن

الضفدع يمزح معها فأجابته: نعم أعدك بذلك .. غطس .. يعني قفز الضفدع في البُحيره وسُرعان ما عاد بالكُره

الذهبيه .. أخذت الأميره الكُره وإنطلقت هاربه .. صاح الضُفدع: إنتظري خذيني معك ولكنها لم تلتفت الى

الوراء ..

مايا بدهشه: كانت كذابه !!!..!!

هز راسه يقول: هي ما هي مستوعبه إنها بتاكل مع ضفدع أو تنام معه فعشان كذا هربت ..

مايا بعدم رضى: اللي يوعد المفروض ما يكذب ..

طالعها شوي بعدها قال: المُهم .. في ذلك المساء عندما كانت تتناول العشاء مع والدها سمعت طرَقاً على الباب

.. ففتحت الباب وإذا بها تجد الضفدع !!!..!!

ضحكت مايا تقول: أحسن ..

إبتسم عليها .. واقفه بصف الضفدع مع إن بالعهاده الأطفال يحبوا الأميرات أكثر فكمل لها: أغلقت الأميره الباب

بسرعه ولكن والدها الملك تساءل عن الضيف فاضطرت لإخباره بما حدث لها .. قال لها والدها: عليك أن

تُحافظي على وعدك . أدخليه الى القصر ..

مايا: أحسن .. عشان بعدين ما تكذب كذا ..

كمل لها: تبعها الضفدع الى غرفة الطعام وأكل من طبقها .. يعني أكل من نفس صحنها اللي تاكل منه .. وما إن

أخذته الى حُجرتها حتى تحول الضفدع القبيح الى أمير وسيم الشكل وأخبرها أن ساحراً قد سحره على هيئة

ضفدع وأنه يمكن لأبنة الملك فقط أن تُعيده الى حالته إن حققت له أمنيته ..

ظلت مايا مندهشه تطالعه بعدها قالت: واااه يعني فيه شرير خلاه يصير ضفدع !!! يعني هو أمير حلو ...!!
أشرت على الأمير الجالس على السرير تقول: هذا هو نفسه الضفدع !!!
هز راسه فقالت: وأنا أقول من فين طلع هذا الرجال فجاء !!!
قلب على الصفحه الأخيره يقول: طلب منها الأمير أن تتزوجه فوافقت وعاشا في سعادة وهناء ... وإنتهت
القصة ..

مايا بحماس: وااااو مرره حلوه .. مره القصة تجنن ..
عقدت حاجبها وتساءلت: والشرير اللي خلى الأمير يصير ضفدع إيش صار عليه ..؟!
سكت شوي يفكر بعدها قال: ما نجح سحره ف نقول إنه مات ..
مايا: أحسن لأنه شرير ..
بعدها قالت بحماس: تعرف وش اللي خلى القصة تصير نهايتها سعيدة ..؟!
عقد ماجد حاجبها شوي بعدها قال: اممم ما فهمت عليك ..
مايا: شوف .. الأميره وعدت الضفدع بس بعدين كذبت عليه ... وحتى لما زارها الضفدع قفلت الباب بوجهه ...
بس لأن أبوها طيب علمها إن هذا غلط وإنها لازم ما تكذب ففتحت الباب وبكذا تحول الضفدع الى أمير وصارت
النهاية سعيدة .. الأب هو الطيب ... صارت حياة البنت سعيدة لأن أبوها موجود ..
ظل يطالعه ماجد بشيء من الدهشه فسألته: كلامي صح ..؟!
إبتسم لها يقول: يعني ..

تقدمت بجسمها لقدام تقول: يعني حياة مايا بتكون سعيدة إذا أبوها كان موجود صح ..؟!
إندهش من سؤالها وما عرف كيف يجاوب فسألته مره ثانيه بشيء من اللهفه: ياللا جاوبني .. لو بابا موجود
بتكون حياة مايا سعيدة صح ..؟! صح ..؟!
ماجد بدون لا يطالع بعيونها: مدري ..
إعتدلت بجلستها وظلت تطالعه والحزن مرسوم على ملامحها ..
رفع عيونه للساعه بعدها قال: ياللا تأخر الوقت .. أنا رايح ..
طالعهما بإبتسامه يقول: ياللا باي ..
إختفت إبتسامته لما شاف ملامح الحزن على وجهها ..
تنهد ورجع القصة بالدولاب اللي جنب السرير فسألته مايا: طيب ... بتجي تزورني كمان ..؟!
طالعهما يقول: مدري ..

مايا: تعال كل يوم .. إنت حارس مايا .. لازم تكون معي دائماً صح ..؟! في التلفزيون يكون الحارس مع اللي
يحرسه دائماً دائماً ..
طالعهما شوي بعدها قال: بأحاول ..
وقف وقال: ياللا مع السلامه ..
وبعدها طلع من الغرفه ..
أخذ له نفس عميق .. كل ما زارها حس بضغط كبير ..
مشي بهدوء متجه للمصعد ..

تنهد لما شاف مجموعة ممرضين وأطباء ينتظرونه فلف وراح للدرج وبدأ ينزل لتحت وتفكيره كله فيها ..
كل ما زارها حبها أكثر .. وكل ما زارها ندم على اللي صار من قبل ..
مشي بالممر بعد ما نزل من الدرج فتعب من مراجع يمشي من جنبه وهو يطالعه بنظرات غريبه ..
شوي إلا وحده تطقطق بجوالها وعيونها عليه ..
تجاهلهم وطلع جواله من جيبه لما دق فشافه واحد من المدرسين اللي معه بالمدرسه ..
رد عليه وظل يكلمه وهو عاقد حاجبه .. هالمره كل ما مر أحد يطالعه وأغلبهم مراجعين ..
خلص مكالمته وطالع في نفسه بعد ما شككوه من نظراتهم ..
لف على وري فأندهش لما شاف مايا واقفه وراه ..
ماجد بدهشه: وش تسوين هنا !!!
ضمت يدها لورى بارتباك وطالعت بالأرض تقول: أممم أنا
تنهد وقال: مايا هذا غلط ..! ليه تجي وراي ..؟!
بدأت تلف برجلها نصف دوائر على الأرض وهي تقول بشوية إرتباك: لأنه إيه لأنه الحارس ما يقدر يقعد
مع مايا ..

طالعه وكملت: أنا صرت بخير .. مايا هي اللي بتقعد مع الحارس .. بروح معك ..
إنصدم من كلامها فكملت بترجي: أمانه بروح معك ..! أنا والله بخير .. ما أحس بشيء .. مافي وجع .. أنا بخير

ما عرف وش يقول .. كلامها أثر عليه كثيره ..

وده فعلاً ياخذها معه للبيت ويعيش معها دايماً ..

بس ...

جلس قدامها يقول: مايا هذا غلط!.. بعدين ... إيه خالو اللي يزورك دايماً بيحزن لما تروحين وتخليينه .. حتى خاله اللي تشتغل هنا بتحزن عليك!..

مايا: عادي .. أنا بعدين بأقولهم .. هُما ما بيز علوا لما أقولهم .. هُما يحبوا مايا كثير وراح يصلحوا أي حاجه عشان مايا تصير سعيدة ..

ماجد: برضوا هذا غلط .. أ...

قاطعته: طيب خلاص .. بأقعد اليوم ولما أشوفهم بأقولهم وإذا وافقوا بتخليني أروح معك صح ..؟!..

ما عرف بإيش يرد .. هو مُدرس ومُربي أجيال ومع هذا يلقي صعوبه كبيره في التعامل معها ..

يلقي صعوبه في الرد على أسئلتها اللي تستنزفه مشاعر ..!

بلع ريقه وقال: حبيبتي لا .. أنا مشغول .. ما أقدر أخذك معي و...

قاطعته: لا مو مشغول!..!!

عقد حاجبه فترددت شوي بعدها قالت: إنت ... تعيش وحدك صح ..؟!.. ما عندك بنت ... ما عندك أحد .. مايا

تعرف إنه ما عندك أحد ..

طالعتها لفتره وما يعرف ليه لكنه حس

حس إنها تعرف ... أو على الأقل شاكه ..

بأنه في الحقيقه أبوها ..

جت ممرضه بهالوقت تقول لمايا: إيس هذا ..!

طالعت بماجد وكملت: نونو هذا لازم يكون في غرفه ..!!.. إنتا ما يصير ياخذ هذا بدون ...

قاطعتها ماجد: أعتذر .. هي لحقتني بدون لا أدري .. رجعيها لغرفتها ..

همست الممرضه بكلمات مُتخلطمه ومسكت بإيد مايا تقول: تعال إنتا ..


مايا: هيه ... تعال زورني بُكره خلاص ..؟!..

طالعتها فكملت: تعال زورني .. أنا أستناك ..

إبتسم لها حتى إختفوا داخل المصعد ..

إختفت إبتسامته وتنفس بعمق ..

ظل واقف بمكانه لفتره بعدها إتجه لبوابة الخروج ..



الساعه أربع ونص العصر ..

فتح باب القصر ودخل فشاف وحده من الخدم ..

نادى عليها وسأل: بابا عزام موجود ..؟!..

الخدامه: إيوه .. بابا يطلع غرفه فوق ..

هز راسه يقول: أوكي شكراً ..

تنهد ومشى يقول: وأخيراً جيت وهو موجود .. بالعاده دايماً برى وأظل أنتظره لين يجي وبعض الأحيان أطفش وأروح ..

وقبل لا يطلع الدرج وقف وطالع بأسامه اللي كان مسترخي على الكنبه يطالع بالآيباد حقه ..

ظل يطالعه شوي بعدها تقدم منه يقول: أسامه ..

ظهرت علامات التأفف على وجهه وما رد عليه ..

ما يدري متى بيفتك من العله هذا اللي مزعجهم بكُل شيء ..

طالعه جهاد لفتره بعدها جلس على الكنبه المقابله يقول: أسامه أنا أكلّمك ..

تجاهله أسامه فقال جهاد: وش صار على موضوع الطفل ..؟!.. للحين متجاهله ولا كأنك سويت شيء ..؟!..

ما رد عليه فقال جهاد: ليه تتصرف بهالطريقه وكأنك ما سويت شيء غلط ..؟!.. اللي إرتكبته إسمه زنا ..

وأضنك درست إنه من كبائر الذنوب ..؟!.. فليه مافي أي علامه ندم عليك وكأن الموضوع مثل شرب المويه ..!!..

وبرضوا تجاهله ولا كأن فيه أحد عنده ..
ضاقت عيون جهاد بعدها قال: يعني إنت موافق إني أنا أتصرف بموضوعه وأوديه للشرطه ...!!
رفع أسامه عيونه بهدوء ناحية جهاد وهمس: إعرف كيف تلتزم حدودك وإنت تتكلم معي ..
جهاد: حدود ..؟! وإنت يعني حتى إخوانك بنيت بينك وبينهم حدود ..؟! ليه ..؟! وش السبب ..?!
أسامه: جهاد ...

هز راسه وكمل: إنت .. تزعجني .. واللي يزعجني ما يسلم ..
جهاد: ويعني شيء طبيعي عندك تستعمل التهديد ضد إخوانك ..؟! إذا كنت باتي حدود بينك وبين إخوانك ومن حولك وأي واحد فيهم يهتم لك تعتيره إزعاج وتهدهه فإذا إنت كيف عايش ووين ..؟!
أشر بعيونه على الآبياد يقول: عايش بالعالم هذا ..؟! وكيف هو هذا العالم ..؟! مُمْتع ..؟! مُسلي ..؟! وبذا العالم إنت كمان حاط حدود ولا لا ..؟!
وضح الإنزعاج الشديد على وجه أسامه وحاس بنرفزه كبيره ..
أي واحد يعامله بالطريقة ذي ينرفز منه ..
يعامله كشخص مُخطئ دون أي إحترام أو خوف حتى ..
المفروض ما يكلمه كذا ..
هذا غلط ..

المفروض يخاف منه .. يحترمه .. يسمع لكلامه ..
ويحسب له ألف حساب ..
هو أسامه .. مو أي شخص عادي ..!
ظل جهاد يطالعه لفتره بعدها قال: لنا كلام بعدين .. وراي شغله ..
وبعدا قام وطلع الدرج وأسامه يراقبه بهدوء تام ..
تنهد جهاد وبعدها دق على جناح أمه وأبوه ..
ثواني حتى فتح أبوه الباب ولما شافه قال: أهلاً جهاد ..
طالعه جهاد لفتره وللحين الكلام بينهم رمي بعد ما عرف إن أبوهم تخلص عن أهله بالطريقة ذي وبدون سبب واضح ..
جهاد: أعطني عنوانه .. أبغى أقابله ..
عقد عزام حاجبه يقول: مين ..؟!
جهاد: ذياب ..

إندهش عزام لفتره بعدها ضاقت عيونه يقول: وإيش تبغى بعنوانه ..؟!
جهاد: واضح إنه هو اللي يعرف عنك كل شيء .. أبغى أسمع منه .. عنك .. وعن زوجاتك وعن أماكنهم .. في النهايه هم عماتي وأولادهم يكونوا أخواني ..
ظل عزام يطالعه لفتره فقال جهاد لنفسه: "وش بأقول .. لو رفض فكيف أقنعه ..؟! أكيد ما بيوافق .. طيب بذى الحاله وش أقول حتى أقنعه ..؟!!"
عزام بهدوء: طيب .. راح أرسل العنوان لرقمك ..
إندهش جهاد للحضه بعدها قال: ط ط طيب .. راح أنتظر الرساله ..
وبعدا لف وراح وعزام يراقب ولده بهدوء شديد ..
أخذ نفس عميق بعدها دخل ..

نزل جهاد وإتجه للباب بس وقف وطالع بأسامه ..
تقدم منه ووقف وراه حتى يكلمه ..
عقد حاجبه وهو يشوف حاجات غريبه بجهازه ما يفهم فيه ..
جذب إنتباهه إسم فقال بهدوء: ومين ترف هذه ..؟! أم الولد ..؟!
لف أسامه على وري ببرود بعدها قال بسخرية: وأهلك ربوك على التجسس ..؟!
طالعه جهاد لفتره بعدها لف متجه للباب يقول: أهلي ربوني أحسن تربيته .. وعلى العموم الليله راجع لك فلا تكون برى البيت ..
أسامه بشيء من السخرية: لا .. الليله عندي موعد مهم كثير ..
وقف جهاد شوي بعدها خرج من الباب ..
طلع جواله من جيبه بعد ما سمع صوت الرساله وشاف العنوان مكتوب فيها ..
ركب سيارته وإتجه مباشرة الى العنوان ..
لف بنظره على اليمين وهو طالع من البوابه يطالع بالسياره اللي كانت داخله ..
كان فيها شاب أول مره يشوفه ..

تجاهل الأمر .. يمكن يكون قريب لهم أو واحد من أصحاب أسامه ..
خرج من هنا ودخل أصيل من هنا ..
وقف سيارته وبعدها دخل للبيت واتجه للدرج ..
صعد عليه ولف بيروح لجناح كرار فشاف قدامه حلا اللي قالت بتعجب: أصيل ..
إبتسم لها يقول: أهلين حلا .. على وين كنتي رايعه ..؟!
حلا: لغرفة ماما .. فيه عامل كان عندنا وماما طردته .. سمعت من جهاد إن ماما قالت له بإنه راح يجي بس
يأخذ مستحقاته ويروح .. أبغى أعرف السبب اللي خلاها تطرده .. وأبغى أعرف في أي يوم بيجي يأخذ
مُستحقاته عشان أدوعه على الأقل ..
ظهرت الدهشه على وجه أصيل يقول: إنتي قلتي عامل صح ..؟! وش اللي يخليك مهتمه بموضوع عامل !!!
حلا: هو مو عامل بنقالي .. هو سعودي .. ويعني تعودت عليه .. كان يتحمل صراخي لما أعصب من ماما أو
من أي أحد هنا وكذا يعني ..
ظهر الإستنكار على وجه أصيل للحضات بعدها قال بلا مُبالاه: إنتي حُرّه ..
حلا: وإنت وين رايع ..؟!
أصيل: بمر على كرار أسولف معه شوي ..
حلا بدشه: أما !!! واه بيفرح جهاد لما سمع هذا .. دايم يقول لي سولفي معه ويعني يبغى الكُل يروح
يسولف معه ..
أصيل: وهذا الجهاد هو نفس ركان صح ..؟!
حلا: يب ..
أصيل: اها .. ووينه ما أشوفه ..؟! هو بالبيت ..؟!
حلا: لا .. يجي هنا بعض الأحيان .. دايم يكون عند أبوه اللي رباه .. يقول حتى يتعود وكذا ..
أصيل: من كلامك واضح إنه يهتم لكرار كثير ..
حلا: بقوه !!! مع إن كرار بس يطنشيه وبعض الأحيان يسكته بس جهاد ما يعرف شيء اسمه إستسلام !!!
واه يدهشني كثير ..
ضحكت وكملت: وعشان كذا هو مُمتع وأحب أسولف معه .. ياللا باي بروح لماما ..
وراحت من قدامه ..
إبتسم أصيل بشيء من السُخريه وبعدها إتجه لجناح كرار ..
فتح الباب بدون لايدق ومن حسن حضه إنه ما كان مقفل بالمفتاح ..

//

بنفس هالوقت وبالجهه الثانيه ..
وبمكان مو بعيد عن القصر .. في وحده من العمارات للشقق ..
وصل جهاد للعنوان يقول لنفسه: مو بعيد ..
رن الجرس وانتظر شوي بس محد فتح ..
رن الجرس مره ثانيه وشوي إنفتح الباب وطلع ذياب اللي عقد حواجبه لما شاف إن جهاد كان الطارق ..
جهاد: أقدر أدخل ..؟!
طالعه ذياب لفتره ويتسائل عن كيفية وصوله لهننا ..
فتح الباب كُلّه يقول: أكيد .. تفضل الله يحييك ..
دخل جهاد وجلس بالكنبه اللي بالصاله ففقل ذياب الباب يقول: دقيقه أييب لك شيء تشربه ..
جهاد: إذا مافي شيء جاهز فمو لازم ..
تنهد ولف بنظره على الصاله يطالعها وجذب إنتباهه المكتبه اللي تحت البلازما ..
كانت مليانه كُتب ..
شكله واحد مثقف ويحب يقرأ ..
حتى إن أغلب الكتب واضح إنها قانونيه ومن توابعها ..
شوي جاء ذياب بكوبين ..
حط واحد قدام جهاد يقول: القهوه بتأخذ وقت على ما تنجح .. تشرب النسكافيه صح ..؟!

جهاد: إيه أشريها ..
جلس ذياب وحط كوبه قدامه يقول: يا هلا بجهاد .. زيارتك ما كانت متوقعة ..
إبتسم جهاد وقال: أتمنى ما أكون قاطعت عليك شيء مهم ..؟!
ذياب: لا أبد .. حياك الله ..
شرب جهاد شوي من كوبه بعدها طالع بذياب وقال: طلبت عنوانك من أبوي وأعطاني .. جاي أبغاك تجاوبني
على الأسئلة اللي أدور عن إجابتها ..
عقد ذياب حاجبه يقول: عمي أعطاك العنوان ..؟!
جهاد بتعجب: عمك ..؟! يعني أبوي له أخ ..؟!
ذياب: آه .. لا .. صلة قرابة بعيدة شوية ..
هز جهاد راسه بعدها قال: دامه عطاني بنفسه عنوانك معناته ما عندك سبب يخليك ترفض تجاوبني .. أبوي
أعطاني عنوانك وهو عارف إني أبغى أسألك وهذا يعني إنه ما عنده مانع إنك تجاوبني ..
طالعه ذياب بهدوء ولا رد عليه فقال جهاد: عرفت إن أبوي كان متزوج ثلاث حريم غير أمي .. وكمان سمعت
إن له زوجة إندونيسية .. وزوجته الثانية هي أتم حور .. وأمي .. وفيه وحده رابعه صح ..؟! مدري .. أسمع
شيء هنا وشيء هنا ولا قادر أجمع معلوماتي عدل .. يعني صدق أبوي متزوج أربع ..؟! كيف ..؟! ومين
يكونون ..؟! وأمي أي زوجة فيهم .. أبغى الأمور تتوضح بنظري ..
ظل ذياب يطالعه لفتره بعدها قال: إيه صحيح .. وأمك الثالثة ..
جهاد: إذا أم حور هي الرابعة ..
ذياب: لا .. هي الأولى ..
جهاد بدهشه: أما ..! بس أسامه أكبر من حور .. وغير كذا أمي ماهي حابتهم .. ضنيت إنها تكون الرابعة ..
لحظه لحظه ..
سكت شوي يفكر .. ما يدري يحس حاله قد سمع من قبل إن أم حور الأولى بس نسي ..
مو عارف .. نسيانه كثير فلخبط ..
طالع بذياب يقول: يعني أم حور الثانية ..؟! طيب والثالثة مين ..؟!
هز راسه وكمل: أقصد أم حور الأولى .. مين الثانية ..؟!
ذياب: وحده إندونيسية ..
جهاد: إيه صح صح تذكرت .. قال لي أمي أم جود .. إن أبوي تزوج خدامة عمتي أم حور عليها ..
طالع بذياب وقال: الإندونيسية كانت خدامه عند أم حور صح ..؟!
ذياب: صحيح ..
جهاد: أمي الثالثة .. والرابعة مين ..؟!
ذياب: جواهر .. بس ماتت من زمان ..
إندهش جهاد للحضه بعدها عقد حواجبه شوي يقول: ماتت ..؟! إيه كأي سمعت مره هالكلام .. ما أذكر ..
طالع بذياب وسأله: والسبب ..؟! يعني كانت تعاني من مرض ولا كان موتها كذا مفاجئ ..؟! يعني بما إنها
الزوجه الرابعة فيمكن تكون أصغر من أمي .. أكيد فيه سبب ..
طالعه ذياب لفتره بعدها تنهد وقال: لا .. ماماتت من مرض أو موت مفاجئ .. ماتت مخنوقه .. فيه أحد قتلها ..
إتسعت عيون جهاد من الصدمه يقول: لا مستحيل ..!
هز راسه وكمل: كيف يعني ..؟! كيف إنقتلت ..! يعني الموضوع .. مدري بس صعب ...
وظل على حاله فتره مو مصدق ويحاول يستوعب ..
قتل ...!!
القتل شيء مو هين ويحس إنه نادر ببلاهم فكيف تكون وحده قريبه منه ماتت مقتوله ..؟!
صعب عليه يستوعب ..
أخذ له فتره على ما قدر يرتب الوضع براسه ويحاول يستوعبه بعدها طالع بذياب يقول: كيف ..؟! يعني مين
..؟!
ذياب: محد يعرف .. ما قدروا يوصلوا للقاتل ..
جهاد بإستنكار: كيف ما قدروا يوصلوا له ..؟! هي من متى ماتت ..؟!
ذياب: لها اللحين ١٣ سنه تقريبا ..
إندهش جهاد وقال: معناته ماتت وكم غمرها ..؟!
ذياب: ببداية الثلاثين .. ما أعرف جم بالضبط ..
أخذ جهاد نفس عميق يقول: لا حول ولا قوة إلا بالله .. لها فوق عشر سنوات وللحين محد عرف مين ..؟! كيف
..؟! لهالدرجه ما قدروا يعرفون مين هو ..؟! لهالدرجه كان صعب عليهم ..!
هز ذياب كتفه يقول: ظلت القضيه مفتوحه سننين بعدين أغلقوها لعدم وجود أدله أو شهود ..

جهاد: والقاتل من وقتها عايش حياته ولا كأنه قتل ها ...!!!؟
تنهد ذياب يقول: يمكن ..
لف جهاد نظره للمكتبه شوي بعدها طالع بذياب يقول: إنت مُحقق صح ...!!؟
ذياب: لا .. مُحامي ..
جهاد: إذا ... يعني ما تقدر تصلح شيء .. تحقق بالموضوع .. يعني ...
قاطعته ذياب: لا ما أقدر .. ما أملك أي صلاحيات تخليني أفتح القضية من يديد .. والقضية المُغلقة مُستحيل
تتفتح إلا لما يظهر دليل يديد أو إعراف القاتل وغير جذي فلا ..
لف جهاد وجهه والوضع مو عاجبه ..
مو عاجبه أبد ..
أخذ له نفس وشرب شوي من كوبه وطالع بذياب يقول: وذِي .. عندها أولاد ...!!؟
ذياب: إثنين ..
حس جهاد بحزن لوضعهم فسأل: وكيف هم اللحين ...!!؟ مع مين عايشين ...!!؟
طالعه ذياب لفتره وما عرف بإيش يرد ..
عقد جهاد حاجبه يقول: ذياب .. وش فيه ...!!؟ هالاثنتين فيهم شيء ...!!؟
تنهد ذياب بعمق وقال: البنت الكبيره ببداية العشرين قصاصها بيكون يوم اليمعه هذا ..
إتسعت عيون جهاد من الصدمه وهو يقول: وش يعني ...!!؟ وش يعني قصاصها هالأسبوع ...!!؟ وش يعني
قصاص ...!!؟ هي كلمه عندكم بالخليج صح ...!!؟ كلمه ماهي نفس معنى الكلمه اللي عندنا صح ...!!؟
ذياب: لا نفسها ..
جهاد بعدم تصديق: كيف يعني ...!!! وليه قصاص ...!!؟ هي وش سوت ...!!؟ لا إنت ما تقصد إنها قتلت لها أحد
وبتنقص لهذا السبب صح ...!!؟
ما رد عليه ذياب وهنا تأكد جهاد إن هالشيء صح ..
بس مُستحيل ...!!!
وحده .. من المفروض تكون أخته فكيف ...!!؟
فكيف تكون قاتله وبتنقص عشان جريمه سوتها ...!!!
ذياب بهدوء: بس جهاد ... صحيح قتلته بس بدون قصد .. هاجمته بنية إيدانه وهذا سبب موته ..
جهاد وكأنه لقي أمل قال بسرعه: يعني قتل خطأ صح ...!!! معناته المفروض ...
قاطعته ذياب: مو قتل خطأ لأنها هاجته هي .. لا تتسرع وفكر عدل .. أكيد إنت عارف الحُكم .. هاجمته بسلاح
وهذا كافي يخليها تأخذ يزها .. هو ما كان ييموت لو ما هاجمته هي وبسلاح كمان .. ماهو سلاح بالمعنى
الحقيقي .. كان مزهرية ..
تنهد وكمل: وهالمزهرية قتلتها .. دشت السجن لفتره لحتى يبلغ ولده السن القانوني .. وهو إختار القصاص
على الدية أو العفو .. وما باجي غير أربع أيام غير هاليوم ..
حط جهاد راسه بين إيداه وهو يحس بصدايح بدأ يتسلل له ..
مو معقوله .. اللي يسمعه مو معقول ..
لف على ذياب يقول: طيب الولد هذا ما قدرتوا تقتعونه ...!!؟ لا يعني وش اللي يخليها تهاجم الرجال
بمزهرية ...!!؟ وش السبب ...!!؟
ذياب: على حسب التحقيقات فهي تسلفت للبيت عشان تسرق ومن سوء حضها كان مويود فتشابكت معه
ووقتها مات ..
جهاد باستنكار: تسرق ...!!؟ وشو اللي يحددها عالسرقه ...!!! لحضه هم كيف كانوا عايشين ووين ...!!؟
ذياب: كانوا عايشين بشكل شوي غريب .. بالبدايه عند خالهم بعدها هي تزوجت وعاشت بشقه وأخوها كان
عند خاله فترات وفترات معها وبعد ما إنسجنت إستقر بالشقه لفتره طويله بعدها إنتقل لخاله بذِي السنه ..
جهاد: هي متزوجه ...!!؟
ذياب: وعندها بنت كمان ..
أخذ جهاد نفس عميق وهو يردد: لا حول ولا قوة إلا بالله .. لا حول ولا قوة إلا بالله ...!!!
سكت شوي بعدها كمل: كانت متزوجه ...!!! وش اللي يحددها عالسرق إذا ...!!! الطفله وش ذنبها تعيش بدون أم
...!!! يا رب ألطف بحالهم ..
ذياب: الولد ... إحنا نحاول فيه يتنازل ... هو عنيد .. لكن نقول إن شاء الله يتنازل قبل القصاص ..
هز جهاد راسه بلا .. تنازل وتنازل ...!!!
صحيح شايل همها ويبغى الولد يتنازل بس أكثر شيء مشتته اللحين هو الشيء اللي وصلها لهالحاله ..
لأنها تسرق وهي متزوجه بعد ...!!
لأنها وصلت نفسها للسجن والقصاص كمان ..

ليش ..؟! ليش حالها تدهور كذا ..؟!
ما فكرت بزوجه .. بينتها .. بأخوها أو حتى بخالها ..؟!
وش نوع التربية اللي تربتها حتى صارت كذا ..؟!
طالع ذياب وقال: تقصد ... إن خالها هو اللي إعتنى فيهم بعد ما ماتت أمهم ..؟! معناتها خالهم هو اللي رباهم

هز ذياب راسه يقول: مين غيره بيربيهم ..؟! إنت تعرف إن أبوك كان مُهمل لأهله ..
جهاد: بس ذول أيتام ...!! كيف يهملهم كذا ..؟! حتى لو كان خالهم فالمفروض هو بنفسه يربيهم .. خالهم هذا
.... ما أعرف وما أبغى أظلم أحد بس هو اللي رباهم ونهاية تربته دخلت البنت للسجن بتهمة قتل ...! يمكن ما
عرف يربيهم أو ... ما أدري ما أدري ..

وهز راسه وهو مشوش تماماً ..
طالعه ذياب لفتره بعدها قال: خلاص جهاد .. أحس الأفضل تروح اللحين لبيتك و..
قاطع جهاد يقول: لحضه .. إنت قلت عاشت مع أخوها عند خالها .. أخوها هذا وش صار عليه ..؟! وينه
اللحين ..؟!

تمنى ذياب إنه ما سأل عنه ..
إنصدم من أمهم وبعدها من رعد ... ما بيغاه يتلقى صدمه ثالثة بنفس الوقت ..
عرف جهاد إنه فيه مُصيبه ثالثة لما شافه سكت وتحاشى يطالع فيه ..
جهاد: ذياب هالولد وش صار عليه ..؟!
تنهد ذياب وطالعه يقول: بالحجز ..
طالعه جهاد شوي بعدها إبتسم يقول: جريمة قتل كمان ..؟!
ذياب بهدوء: هذا اللي يقولونه .. هو مُتهم ولا أعرف الكثير من التفاصيل عن قضيته لأني ما عرفت عنه غير
قبل فتره ..
غمض جهاد عيونه بهدوء وحاول يأخذ له نفس عميق بس ...
ما قدر ..

عقد حاجبه وحاول يسحب له نفس بس واجه صعوبة ..
فتح عيونه أول ما حس بالإختناق وفوراً عرف إن نوبة الصرع جته ..
لا .. كانت هاديه قبل فتره فليه ..

وبعدها كأن عقله جزئياً غاب عنه وإنقطع نفسه تماماً ..
عقد ذياب حاجبه وهو يشوف يحاول يتنفس بس مو قادر وإيده بدت ترجف وهو يمسك حلقة ..
قام له بسرعه يقول: جهاد ...! جهاد شفيك ..؟!
إنتفض جسد جهاد وطاح على الأرض وبدأ ينتفض كذا مره فعرف ذياب على طول إن هذه نوبة صرع ..
قد شاف مثل هالنوبة عند واحد من موكلية قبل سنتين ..
جلس قدامه وسحب وحده من الخداديات وحطها تحت راسه بهدوء ..
قلبه على الجنب الأيمن وتركه لحالته شوي ..


هو يعرف إن محاولة توقيفه أو تقييد حركته راح تزيد الوضع أسوأ ..
حتى محاولة إنه يعطيه شيء يشربه أو ياكله راح تزيد حالته ..
فظل يراقب جهاد واللي كان مو مسيطر على حركته وجسمه ينتفض حتى بدأت حركته تهدأ شوي شوي ..
رفع ذياب عيونه للساعة ومس: أخذ دقيقة ونص .. كويس ما كان خطير ..
ظل جهاد مغمض عينه وتنفسه سريع من شدة تعبته ونوبة الإختلاج اللي مر فيها ..
نص دقيقة وبعدها فتح عيونه بهدوء ..

جلس وبإيده اللي لسي فيها شوية رجفه دخلها بجيبه وطلع له دواء مسكن ..
قام ذياب ودخل لداخل يجيب له كاسة مويه ..

بلع جهاد حبته وبعدها أخذ الكاس من ذياب وشربه دفعه وحده ..
ذياب: جهاد تحس بشيء ..؟! تمام ولا تباني أنادي لك دكتور أو شي ..؟!
هز جهاد راسه بلا يقول: بس بارتاح كم دقيقة وبأكون تمام ..
هز ذياب راسه فإسترخى جهاد على الأرض وهو ساند ظهره عالكنبه وغمض عيونه ..
تنهد ذياب وظل عنده حتى يتحسن أكثر ..

وبالجهة الثانية ..

كان أصيل جالس بهدوء وهو يشوف كِرار جالس بالأرض مستند عالجدار ووجهه معرق من نوبة التعب والإختناق اللي جته قبل شوي ..
إبتسم أصيل ببرود يقول: العرض اللي قدمته لي قبل شوي كان مُمتع .. حسيت إنك بتموت وبصراحه خفت إنه فعلاً تموت بذي السُرعه وأنا لسي ما دفعتك الثمن .. لكن بما إنك وقفت فهذا يعني صرت تمام صح ..؟! رفع كِرار عيونه المُتعبه له وهو يحس الدنيا تدور فيه من شدة الضعف والتعب اللي فيه ..
هذا التوأم عذبه كثير ..
وآخر درجات عذابه كانت إنه ينهار قدام واحد زي أصيل ..
قام أصيل وتقدم منه يقول: جزائك .. تستاهل اللي جاك .. عشان المره الجايه لما أسألك ما تجاوبني بالتجاهل ..
جلس قدامه وقال: واللحين بأسألك للمره الأخيره
ليه قتلته ..؟! معاذ ليش قتلته ..؟! أبغى أسمع أسبابك ..
طالعه كِرار بهدوء ولا رد عليه ..
شد أصيل على أسنانه وعرف إن هالإنسان مهما صلح معه فهو ما راح يتكلم أبد ..
ظل يطالعه لفتره بحقد بعدها قام وقتل بشيء من السخرية: لأنني أحبك فراح أعطيك نصيحه ..
لف بعيونه على الغرفه يقول: الغرفه .. أو البيت كله .. يُفضل ما تطلع منه أبد ..
طالع بكرار يقول: أولاد الحرام برى كثير وأخاف يصيبك أذي منهم .. إحبس نفسك بهالقفس الكبير وتجاهل الجامعه كمان .. أما لو كنت مُصر تروح لها ف...
إبتسم بسخرية وكمل: لا تلومني لأنني عطيتك نصيحه ..
خرج من الغرفه وترك الباب وراه مفتوح ..
ظل كِرار على حاله جالس لفتره يفكر بكلامه بعدها قام بهدوء ورمى بجسمه التعبان على السرير يرتاح شوي ..




الساعه سته المغرب ..

جالس بالصاله يطالع التلفزيون بسرحان ..
صحي من سرحانه على صوت إطلاق رصاص كان حاد وقوي ..
لف بنظره على أخته ترف يقولها تغض الصوت لأنه عالي بزياده فإستغرب لما شافها هي بعد تطالع التلفزيون بسرحان ..
غريبه .. ترف قدامها فلم وتطالعه بسرحان !!..
دقها من كتفها فصحيت ولفت عليه فسألها: شفيك سرحانه ..؟!
ترف: ها ... لا مافي شيء ..
ولفت من جديد تطالع بالتلفزيون ..
طالعه لفتره بعدها لف على بنان لما حس عليها جلست بالكنبه اللي جنبه ..
إبتسمت ومدت إيدها بورقه ..
إستغرب وأخذ الورقه يقول: وش فيها ..؟!
بنان: عنوان عنوان بيت البنات ..
ظهر الإنزعاج على وجهه يقول: مو قلت لك لا تفتحين هذه السيره أبداً !!..
بنان: ما فتحت سيرة الزواج .. أنا بس عطيتك العنوان ..
رفع حاجبه وهو يطالعه بعدها رجع يطالع بالعنوان ..
يحيى: بيتها قريب من منطقة المُستشفى اللي تشتغلي فيه ..

بنان: يب .. بمعنى ما هو بعيد كثير عن بيتنا .. مسافة ربع الى ثلث ساعه لو تجاهلنا الزحمه ..
ظل يطالع بالورقه لفته فسلأت بنان: متى بتروح ..؟!
رفع حاجبها وطالعه يقول: مو قلت لا تفتحين ...
قاطعته: ما فتحتها ..! أنا كنت أسألك عن شغلك .. متى بتروح له ..؟!
تنهد لما عرف مقصدها فحط الورقه على جنب في حين لفت ترف عليهم تقول: وش الموضوع الغريب اللي
نتكلمون فيه ..؟!
أشرت بنان على يحيى تقول: أخونا ... فيه مشروع زواج قريب إن شاء الله ..
إتسعت عيون ترف وقالت بصدمه: أما ...!!
يحيى بانزعاج: بنان ...!!
بنان بتعجب: قلت مشروع زواج مو زواج .. يعني مشاريع الزواج كثيره .. مثل التبرع وإقامت مؤسسات
لتوعية الشباب ما قبل الزواج و و و مثل كذا ..
ترف: والله حلو .. بس إن شاء الله ما يكون مشروع فاشل مثل اللي قبله ..
بنان: ترف قل خيراً أو أصمت ..
بغت ترف ترد عليها بس وقفت شوي وظهر الإبتكاف والخوف على وجهها ..
ذاك النذل المهكر ...!
يعني لو كان زواج أخوها ... بيخرجه المهكر كإنتقام ...!!
لا مُستحيل ..!
مو عارفه خلاص .. صار وسواس لها وكل شيء حلو يصير تحس إنه بيخرجه كإنتقام ..
طالعه يحيى لفته بعدها قال: ترف وش فيك ..؟!
هزت ترف راسها بلا وهي لسي سرحانه ..
يحيى: إلا فيك شيء .. وشو ..؟!
ترف بهدوء: قلت مافي شيء ..
يحيى: تري .. بُكره عندي إجازة شغل ... بأجلس معك وأشوف وش فيك ماشي ..؟! فكري عدل ولا تخلي
جوابك هو مافي شيء ..
طالعه شوي بعدها لفت وجهها تطالع الفلم ..
تنهد وبعدها رجع يطالع الورقه ..
رفع عيونه لبنان فشافها تطالعه بإبتسامه ..
إنزعج من إبتسامتها يقول: وش فيك ...!!
بنان: ولا شيء بس يعني لو كنت مستعجل فأنا أقترح عليك إقتراح راح يعجبك كثير .. شرايك تروح للحين
..؟!
قفل يحيى الورقه يقول: إنتي مجنونه ..
مدت يدها تقول: أجل هات العنوان ..
رفع حاجبه يقول: شدخك ..؟!
ضحكت وقالت: هيا يحيى .. إنت تعرف إن خير البر عاجله .. ودي أفرح .. هالمره أنا متأكده ميه بالميه إن
ربي بيوفقك بحياتك وبيسعدك مع هالبنات .. والله ما بتلاقي مثله .. إسعدني الليله بخبر موافقة أبوها أو
موافقتها هي وأبوها .. ياللا بدل ما إنت جالس بدون أي شغله ..
أشرت بإصبعها على فوق وكملت: وذاك الشقه كفايه تظل مستأجرها بدون أي فايده ..
إبتسمت وكملت: لو إني أعرف إنها تعيش مع أمها أو أخت لها كان لبست من أول وسحبتك على السياره .. بي
هي تعيش بس مع أبوها .. فياللا يحيى .. أُمي موافقه على الموضوع بالكامل ..
إتسعت عيونه بدهشه يقول: حتى أُمي ...!!
بنان: يب فتحت معها الموضوع وتخليل شقد فرحتها وكيف صارت عيونها تنبض بالأمل عشائك ..
إبتسم لا إيرادياً وهو يتخيلها فرحانه عشائه فقالت بنان: تيغاها تفرح أكثر ..؟ روح إخطب وإسعدنا هالليله
وخلها تنسى تعب الإتفلونزا ..
يحيى: إيه صح هي أخذت من الدواء حق الساعه ٦ ..؟!
بنان: أووه من زمان يا صباح الليل ..
هز راسه فقالت بنان: ياللا يحيى .. إنت للحين ما عندك أي شغله غير تتأمل التلفزيون ..
يحيى: بنان شفيك ..؟! لسي ... يعني بيغالي أتجهز داخلياً و...
قاطعه بنان: أووه إنت متجهز من زمان ولا تحسبني ما أدري .. كل الوقت أشوفك سرحان .. فبلاش تكذب
وتقول الشغل لأنه واضح إنه مو الشغل ..
هز راسه وقال: بنان ما أقدر .. فيني خوف والله ..

بنان: وبتخلي الخوف هذا طول الوقت معك ..؟! عشان تمنع هالخوف روح وإنهي موضوع يا بالموافقه أو
الرفض حتى ترتاح ..
طالعها يحيى وجملتها الأخيره ذي أقنعتة ..
بدل لا يظل شايل هم ومتردد ينهي الموضوع نهائياً ..
يا يتحقق مراده ويفرح يا يلاقي الرفض ووقتها عاد يخيئى الخوف وبتظل خيبة الأمل معلقه فيه لفترة ..
ما عليه .. راح ينهي الموضوع الليله ..
قام وراح لغرفته ففرحت بنان من قلب ولفت على ترف تقول: يا بنت سمع لي أخيراً ... خلاص بيروح يخطبها
!!..
طالعها ترف شوي بعدها لفت نظرها ناحية غرفة يحيى وبعد فتره قالت: إن شاء الله ما يصير شيء ..



جالس بهدوء على سرير المستشفى وساند ظهره على المخدات اللي وراه ..
دخلوه أمس بعد ما فقد وعيه عندهم وبكره راح يطلعونه بعد ما يكمل أخذ المُغذيات اللازمه ..
لف بنظره بالغرفه وهمس: حتى إنه مو نفس المستشفى اللي فيه مايا ..
ضاقت عيونه شوي .. لو يقدر بس يهرب ..
راح يروح يزور أخته لآخر مره ويزور مايا وبعدين خاله ..
وبعدها ..؟!..
مو عارف .. ما يعرف شسبب الإكتئاب الشديد اللي عايش فيه ..
يحس بانه راح يموت بدري ..
فعشان كذا يتمنى يشوفهم لآخر مره ..
وضعه مُربك .. مو عارف كيف يحدد طريقه صح ..
خايف ..
هذا هو الشعور الوحيد اللي يحس فيه ..
يحس بخوف .. بس مو عارف خايف من إيش ..
هالشعور تولد من بعد ما زاره أبوه ..
زيارة أبوه له وضحت له نقطه وحده بس ..
وضحت له إن أبوه عايش وبخير .. وهذا يعني بانه فعلاً تركهم ولا سأل عنهم حتى ..
شعور إن أبوك فعلاً تخلّى عنك بطفولتك شعور قاسي ..
شعور بحسبك إنك عايش بدنيا مافيها أي أمان ..
إذا أبوك ما إهتم فيك وتركك فمين ممكن يهتم فيك ..؟!..
فعشان كذا ... حاس بخوف ..
الدنيا إسودت بعينه تماماً ..
لف بعيونه ناحية الباب فشاف المُحقق داخل عنده ..
طالع شوي بعدها لف نظره وطالع بالفراغ ..
تنهد مشعل وسحب كرسي وجلس عليه ..

طالع بحسام شوي بعدها قال: حُسام كيف صحتك اللحين ؟!..
حُسام بهدوء: وتهمك صحتي بإيش ؟! ما عليك ... بأطلع بكره وبتقدر تكمل تحقيقك معي .. لا تشيل هم من هالناحيه ..

مشعل بهمس: لا حول ولا قوة إلا بالله ..
ظل الوضع هادي شوي بعدها قال مشعل: تدري حُسام بديت أحقق بموضوعه .. بموضوع الشاهد اللي شهد ضدك ... إكتشفت إنه تلقى رشوه حتى يشهد زور بس للحين ما عندي الدليل ..
طالع بحسام وما شاف عليه أي ردة فعل ..
مشعل: هالخبر ما أسعدك ؟!..
ظل حُسام على حاله ثواني بعدها لف على مشعل يقول: تبغى تسعدني ؟!..
إستغرب مشعل سؤاله فhez راسه بإيه ..
حُسام بهدوء مصحوب بشيء من الترجي: بس طلع أختي من السجن .. أنقذها من القصاص وصدقتي هذا ببسعدني كثير ..

أنهى جملته باللحضة اللي بدت فيها شفايفه ترتجف ..
لف وجهه بعيد عن مشعل اللي كان يطالعه بهدوء ..
أخذ مشعل نفس عميق وقال: طالعت بقضيتها التهمة راكبتها بوجود الأدله والقبض عليها بمسرح الجريمة وإعترافها هي بنفسها .. وولد الضحية سألته حتى قبل لا نمسك وقال إن القصاص هو خياره .. حاولت أقنعه بالديه بس كان الرفض التام هو جوابه .. مافي طريقه يا حُسام ..
لف حُسام عيونه عليه وطالعه لفتره ..

شوي سأل بهدوء: وليه ؟! إنت ليه بحثت وري قضية أختي ؟! حتى إنك بحثت قبل لا تمسكني ..
طالع مشعل بعيونه لفتره بعدها قال: طبيعي .. أنا ماسك قضيتك فطبيعي أبحت خلف كل اللي لهم علاقه فيك .. هز حُسام راسه يقول: إيه .. طبيعي .. بس اللي مو طبيعي هو إنك تحاول تقنع بدر بالتنازل ...!! هذا شيء مو طبيعي يا مشعل ..

مشعل: إذاً إعذرني .. شكلي تدخلت بشيء ما كان المفروض أتدخل فيه ..
حُسام: طيب تدخلت بس وش السبب اللي يخليك تدخل ...!! كنت راح أتفهم لو كانت مثلاً أختي مُتهمه ظلم وإنك بدافع محبتك للعدالة حاولت تساعدنا .. لكنها بنظر القانون قاتله فعلاً فكيف تحاول تساعد قاتله .. مافي سبب ...!!

سكت شوي بعدها قال: وأنا ليه دايم تكرر بإنك تبغى تساعدني .. بإنك راح تساعدني مهما كان ؟! كنت أضن السبب إنك فعلاً مصدقني وتبغى تبحث وري الحقيقة بس اللحين الموضوع متضارب .. أنا مو فاهم .. سكت والصدمه إرتسمت على ملامحه وهز راسه يقول: لا خلاص أنا فهمت السبب ..

ظل مشعل هادي ولا رد عليه ..
يطالعه بهدوء وحالياً ... ماله نيه يعلمه السبب ..
لكن شكله هو بنفسه إكتشف السبب ..
هز حُسام راسه يقول: إيه ... عرفت السبب ..
شد حُسام على أسنانه بشيء من الكره وقال: هو قالها لي ... قال إنه يبغى يساعدني ! الشخص اللي إسمه أبوي قال إنه يبغى يساعدني .. معناته هو اللي طلب منك تساعدني مهما كان صح ؟! هو اللي طلب منك تهتم بقضية رغد صح ...!!

هز راسه بلا وكمل: ما أبغى إذا كنت من طرفه فما أبغاك تساعدني بأي شيء ..
هز مشعل راسه يقول: لا لا حُسام .. إنت فهمت الموضوع ..
قاطععه حُسام بحدده: إنتهي قضيتك معي ...!! سلمها لواحد ثاني ...!! ما أبغى أكون ممنون لذاك الشخص أبداً .. لذاك اللي تركنا وإحنا صغار وحياتنا كلها تدمرت بسببه ! ما أبغاه يكون هو السبب بمُساعدتي ..
مشعل: حُسام إهدأ .. قلت لك إنك ...

قاطععه حُسام بنفس الحده: وشو اللي فهمت الموضوع غلط ...!!! يعني وش ممكن يكون السبب غير كذا ...!!!
أشفقت علينا ؟! حتى الشفقة ما تخليك تساعد وحده قانونياً هي مُذنبه بالكامل .. ولا إنت تبغى مُقابل بعدين ...!!! تدري إني شخص عاش حياته بإجرام وإنسان فقير ومعدوم تماماً بمعنى مُستحيل تنتظر مني مُقابل ...!!!
فإذاً كيف فهمت الموضوع ...!!

كمل بحدده أكثر: أنا ما فهمته غلط ...!!! إنت تحاول تساعدنا بس عشان تكسب فلوس من اللي راح يعطيها لك ...!!! إيه لا تخاف من هالناحيه لأن زوجته مليونيره وبتغرق بالفلوس لحد ما تشبع ...!!
مشعل بحدده يوقفه: حُسام ...!!


حُسام بانفعال: خايف على سُمعتك لا يسمعوك الضباط اللي برى ...!!! خايف يكتشفوا إنك مرتشي ومستغل منصبك لأشياء مثل كذا ...!!! صدقني ما بتستفيد ...!! لأن المُجرم هي ملك .. وهي زوجة اللي يبغاك تساعدني

!!! لما يكتشف تتوق راح يتخلى عن هالفلوس وعن أولاده من زوجته المليونيره هذه !!! لا .. بالنهايه إنت

...

قاطعه مشعل وهو واقف يقول بحده: حُسام بس !!!
شد حُسام على أسنانه وضيقه فضيعه حاسس فيها جوات صدره ..
هز مشعل راسه يقول: إنت فاهم الموضوع كله غلط !!!
حُسام بحده: إذا فهمني الموضوع ..؟! وش سببك !!! تكلم !!
لف مشعل وجهه وهو أبداً أبداً ما تمنى يتكلم معه بمثل هالوقت ..
حُسام: ياللا تكلم ... ولا تدور لك كذبه ثانيه ها !!!
جلس مشعل وطلع محفضته ..
طلع منها صوره ووراها لحُسام يقول: هذه مين ..؟!
حُسام: وأنا وش اللي يدريني !!!
حط مشعل الصوره قدامه يقول: هذه أمك ..
إختفت ملامح الحده من وجهه وظهر الإستنكار وعدم الإستيعاب على ملامحه ..
رجع يطالع بالصوره بعدها طالع بمشعل يقول: وشو ..؟!
مشعل: هذه أمك .. إذا كنت ما قد شفت لأمك أي صوره فعلى الأقل يمكن تلاحظ شبه بينها وبين خالك أو حتى بينها وبين أختك ..
ظل حُسام يطالعه بعدم تصديق بعدها رجع يطالع بالصوره ..
هز راسه بلا يقول: مافي .. مافي شبه ..
هز راسه أكثر من مره وهو موقن ...
موقن ومُتأكد إن شبيهها بخاله وأخته ... واضح ..
هز راسه كأنه ينفي هذا ..
بعده وقف عن هز راسه وطالع بالصوره لفتره ..
جسمه لا إيرادياً إقشعر فمد إيده اللي بدت تنتفض للصوره ومسكها بهدوء ..
هذه أمه ..
هذا هو شكل أمه ..
تجمعت الدموع بعيونه وهو حاس بكمية مشاعر بتنفجر بأي لحضه ..
زم على شفته بقوه يمنع نفسه يبكي ..
أمه تمنى لو إنها عايشه ..
مو قادر يوصف كمية الحنين اللي حس فيها وهو يطالع بشكلها ..
مبتسمه .. شعرها البني ينسدل على أكتافها وبشرتها البرونزيه تشابه بشكل كبير بشرة خاله وأخته ..
هي ... تبتسم ..
من شكلها يقدر يحس بانها كمية حنان يمشي على الأرض ..
غطى وحده من عيونه بإيده الثانيه المرتجفه وحس حاله بيبكي وهو يطالعه ..
مافي له أي ذكرى معها ...
ومع هذا مشتاق لها ..
يبغى يشوفها ..
لا .. ما يبغاها تكون ميته ..
ليه تموت ..؟! يحتاجها .. يحتاج لأم ..
شد على أسنانه وبكى غصب عنه بصمت وهو مو قادر ..
مو قادر يوقف كمية الإشتياق اللي يحسها بداخله ..
ماتت وهو لسي ما كمل خمس سنوات ..
ما قعدت معاه كثير .. لسي ما علمته وش هو الحنان وكيف يكون ..
يبغاها .. يبغى أمه ..
سحب مشعل الصوره منه فلف حُسام وجهه يوقف بُكانه ..
دخل مشعل الصوره بهدوء ورى صورة ياسر اللي بمحفضته وبعدها دخلها بجيبه ..
دقايق مرت وبعدها لف حُسام على مشعل وطالعه لفتره ..
أشر بعيونه ناحية جيبه يقول: هالصوره ليه معك ..؟!
مشعل: كانت من ضمن أغراضها اللي جمعتها الشرطه ..
حُسام: وليه تاخذها ..؟! وأصلاً كيف سمحوا لك ..؟!
طالعه مشعل لفتره بعدها قال: لأنها كمان صورة أمي ..

إنعقد حاجب حُسام يستوعب الكلام فقال مشعل: أنا ولدها من زوجها الأول .. ما أعرف إن كنت تدري بزواجها
بواحد قبل عزام .. أنا ولدها من ذاك الزوج ..
بدأت تتسع عيون حُسام تدريجياً وهو يقول: لا .. كيف ..؟! مُستحيل ..!
مشعل بهدوء: وهذا هو السبب اللي يخليني أبغى أساعدك إنت وأختك لأنكم أولاد أُمي .. حتى لو إختلفنا
بالأب فأحنا مرتبطين من ناحية الأم يا حُسام ..
هز راسه بلا وكمل: مالي أي علاقه بعزام ولا بأي شيء مثل رشوه وغيرها زي ما إتهمتني ..
رجع حُسام بجسمه لورى شوي وعيونه المصدومه معلقه بمشعل ..
مو معقول .. لا لا لا مو معقول !!!
إيه قال له ..
إيه صح قال له جواد إن أهمهم كانت متزوجه ومات زوجها وولدها بحادث ..
مو معقول يكون هذا هو الشخص فعلاً ..!
هز راسه يحاول يستوعب بعدها طالع بمشعل يقول: بس إنت مت .. قال لي جواد إنكم مِتَم ..!!
مشعل: حكيت لك موضوعي من قبل .. تذكر ..
إنعقد حاجب حُسام وتدرجياً تذكر القصة اللي حكاها له وقت التحقيق ..
قصة حياته .. عن حادث وإنه كان فاقده لذاكرته ومن هالأشياء ..
بلع ريقه وبعدها حط راسه بين إيديه وهو مو مصدق ..
ظل يهز راسه كذا مره وهو يحاول يستوعب ..
إرتجفت شفته يهمس: ما أقدر ... ما أقدر أستوعب ..
مشعل: وعشان كذا ما بغيت أخبرك اللحين على العموم حُسام أضنك اللحين فهمت السبب فعشان كذا تعاون
معي بالتحقيق أنا فعلاً أبغى أطلعك منها قول لي الأسباب اللي خلتكم تلتقون بحميدان بذيكَ الليلة علمني كم كنتم
بالضبط وإيش اللي صار فيه كثير تفاصيل إنت ما قلتها وهالتفاصيل تهمني كثير ويمكن تكون هي اللي تساعدك
وقف وقال: على العموم راح أتركك بُكره بتكون لنا جلسة تحقيق ولازم تعرف إنهم حطوا لي مُهله لازم أنهي
فيها التحقيق ولا راح يحولون قضيتك الى فرع شرطة جده الرئيسي ..
رفع حُسام راسه وطالع فيه وهو يلف متجه للباب ..
فتح فمه ببوقفه بس تردد ..
واختار السكوت ..
خرج مشعل وقفل الباب وراءه ..
أخذ له نفس عميق بعدها طالع بالضابطين الي يحرسوا الباب وقال: إنتبهوا للحراسه عدل يمكن يعرف خاله
وجماعته بموضوعه ويحاولوا يهربوه ما أبغاه يضيع نفسه أكثر بعد ما وصل لهالمرحله ..
وقفوا وفتتهم العسكريه فتنهد مشعل وخرج من القسم ..



الساعه ثمانيه الليل ..
واقف جنب سيارته يطالع بالبيت لفتره ..
متردد .. يحس نفسه تسرع كثير ..
هز راسه بلا ..
ما تسرع .. هذا هو الشيء الصبح اللي لازم يسويه ..
التأخير الزايد راح يعلقه كثير بهالأمل اللي مُمكن يكون نهايته سراب ..
أقلها لو إنرفض اللحين ما بيكون الوضع أقسى من لو تعلق فيها كثير ..
إيه .. اللي يسويه هو الصبح ..
لف نظره يطالع بالأولاد اللي يلعبوا بساحة أرض فاضيه جنب البيت ..

شاف بنت رايحه لهم وتنادي بصوت عالي: مازن تعال .. ماما تقول العشاء جهز ..
راقبهم شوي بعدها لف وإتجه للبيت ..
عدّل كبك كم ثوبه بعدها أخذ نفس عميق وعدل نفسه وبعدها دق الجرس ..
سيارته برى .. معناته هو موجود بالبيت ..
إنتظر شوي ولما ما سمع أي رد دق مره ثانيه ..
برضوا ما سمع رد فمد يده بيدق مره ثالثه بس وقّف لما إنفتح الباب وطلع من وراه رجال بمنصف الأربعينات

..
بس وجهه ... اللي يشوفه يقول إنه شارف على نهاية الستين ..
وكانه واضح إن هموم الدنيا لعبت بحياته لعب ..
طالعه الرجال وقال: أهلا .. يا مرحبا ..
إبتسم يحيى وقال: هلا عمي .. شخبارك ..؟!
هز راسه يقول: الحمد لله بخير .. بغيت شيء يا بني ..؟!
إرتاح له يحيى مبدئياً فقال: بغيتك والله يا عمي بكلمة راس إذا كنت فاضي ..
طالعه الرجال لفتره بعدها فتح الباب يقول: إيه أكيد .. تفضل .. الله يحييك ..
دخل يحيى البيت وطالع حوله ..
على الرغم من إنه من برى كبير إلا إنه من داخل شبه فارغ من الأثاث ..
يعطي جو إن البيت صغير جداً ..
وصله الرجال للمجلس وقطّعه فيه وبعدها إستأذن وطلع بجيب القهوة ..
جلس يحيى على الكنب ولف بنظره على المجلس بعدها تنهد وأخذ له نفس عميق وبدأ يعيد ويرتب الكلام
براسه ..

دقايق بعدها دخل وبيده صينية قهوة وتمر ..
حطها قدام يحيى وصب له القهوة فوقف يحيى يقول: عنك يا عم ..
هز الرجال راسه يقول: لا إنت ضيف يابني ..
أخذ يحيى الفنجان منه وبعدها جلس فصب الرجال له فنجان قهوة وجلس هو كمان ..
الرجال: الله يحييك يابني ويبقيك .. إعذرني إن كنت شخص أعرفه وما تعرفت عليك .. من زمان عن التجمعات
ومقابلة الجماعة ..
يحيى: لا يا عمي معذور فأنا يعني مو من جماعتك فطبيعي ما تعرفني .. وهذه كمان المره الأولى اللي أقابلك
فيها والمره الأولى اللي أعرفك فيها ..
تعجب الرجال وقال: إذا وش سبب زيارتك يابني ..؟!
تردد يحيى شوي وما عرف من فين يبدأ ..
كُل الكلام اللي رتبه فجاء إختفى ..

أخذ له نفس يهدي توتره وبعدها طالع بالرجال يقول: والله يا عم بصراحه أنا شاب ودخلت التسع والعشرين من
عُمري قبل فتره قصيره .. تزوجت قبل كم شهر وطلقت بسبب رغبة زوجتي اللي ما كان بيننا إتفاق .. ولأمانه
ما أذكر كم عدد اللي خطبت بناتهم قبل زواجي بها وكانت إجابتهم كُلها الرفض ..
ظهر التساؤل على وجه الرجال فجوابه يحيى: يعني ... منهم من رفض بسبب إني جاي أخطب بدون أبوي ..
وأغلبهم كان سببهم هو جنسية الوالده .. أنا سعودي من أب سعودي لكن أمي من جنسية إندونيسيه فكانت
جنسية الوالده تسبب لهم حساسيه وخوف من كلام الناس .. فعشان كذا كان الرفض هو جوابهم ..
عقد الرجال حاجبه وإرتاح يحيى كثير لما لاحظ الإستنكار على وجهه ..
الرجال: عشان جنسية أمك ..؟! وش دخل جنسية أمك بالزواج ..؟! أبوك سعودي وهم بيناسيون الأب وبعبيلة
وقبيلة الأب فليش يرفضون ..؟!
هز يحيى كتفه فتنهد الرجال يقول: لا حول ولا قوة إلا بالله .. الناس أنواع والله .. والنوع اللي رفضك نوع
سيء من البشر ..

إبتسم يحيى غصب عنه وخلص وصل أعلى درجات التفاؤل ..
يחס حاله شوي ويصارخ من الفرحه ..
الرجال هذا أبداً مو معترض على حكاية الجنسيه ..
وكم ان مستنكر هالشيء ..
هذا أعطاه أمل كبير .. كبير كثير ..
الرجال: بس ما قلتي يا ...
قاطععه يحيى: إسمي يحيى يا عم ..

الرجال: يا هلا يحيى .. ما قلت لي يا يحيى وش السبب اللي خلاك تجي لعندي ..؟! تبغى مني مُساعده في إقناع أحد أو ...

قاطعه يحيى: لا يا عم ..

الرجال: أجل وشو ..؟! ..

يحيى: عندي أخت أصغر مني تشتغل طبيبه بمُستشفى .. وهي ...

تردد للحضه بعدها كمل: كانت المسؤوله عن رعاية الكريمة بنتكم .. كانت المسؤوله عن رعايتها كذا مره وتعرّفت عليها وحبّتها كثير ... هي إقترحت عليّ إنها تكون من نصبي .. قالت لي البنت طيوبه وأبوها شخص طيب كثير وما يهمه حكي الناس وإني بإذن الله ألاقي نصيبي عند هذه العيله .. فيا عم أنا جاي أطلب منك إيد بنتك وأتمنى ... ما تردني ..

ظل الأب يطالع فيه لفتره بعدم تصديق فطالعه يحيى ورجع الخوف يتسلل لصدرة من جديد وهو يشوف ردة فعل الأب اللي كان مصدوم بشكل كبير ..

ردة فعله هذه طولت .. يحس إنه خلاص بيرفض ..

إختفت الصدمه من وجه الأب ومسك ثلاجة القهوه بإيده اللي إرتجفت بشكل واضح وصب ليحيى فنجان ثاني ويحيى يطالعه بهدوء ..

رجع جلس الأب ولا طالع بوجه يحيى أبداً وكانت كل عضله بجسمه ترتجف وحتى جلسته ما إستقر عليها أبداً ..

هنا تأكد يحيى إن الرفض هو جوابه ..

وحتى شجرة الأمل اللي نبتت بعد مُقابلته له .. خلاص ماتت ..

بعدها قام الأب يقول: خذ راحتك وتقهوى ..

وبعدها خرج من المجلس وقفل الباب وراه ..

أخذ يحيى له نفس عميق وحس بإكتئاب فضيع ..

خلاص .. خلاص خلاص عرف وش مصيره في الأيام الجايه ..

راح يظل مُكتئب لكم يوم حتى ينسى الموضوع ..

حتى موضوع أمل لسي ما نساه فكيف بينسى هالموضوع كمان ..؟! ..

طلع الأب الدرج وجسمه فيه رجفه فضيعه وكان ماس كهربائي أصابه ..

سحب المفتاح ودخله بالباب وفتحه بسرعه ..

طالع ببنته اللي كانت منسدحه عالسريير وبأيدها أحد كُتب الفن الروسي تقرأ فيه ..

طالعه وخافت من شكله المقلوب ميه وثمانين درجه ..

واقف ماسك مقبض الباب وواضح إنه لو ترك هالمقبض فراح يطيح من طوليه ..

ملامح وجهه باهته .. مشوشه .. مختلفه تماماً ..

جسمه يرجف وهذا واضح من حركة الباب اللي إستجابة لحركة إيده ..

قامت بسرعه وراحت له تقول: بيه شفيك ..؟! ليه إنت كذا ..؟! ..

عيونه ما إنشالت أبداً من عيونها من فتحتة للباب وحتى اللحين ..

إتسعت عيونها من الصدمه لما شافت عينه تدمع فقالت بخوف: بيه شفيك ..؟! وش صار عليك ..! بيه إنت

تعبان .. فيك شيء ..؟! ..

وبدت تهزه بخوف وتكرر سؤالها كذا مره وهو دموعه المتجمعه بدت تنزل على خده فجَلّسته على الأرض

تقول: بيه إهدأ شوي .. بيه حبيبي علمني شفيك .. شصار عليك ..؟! ..

مد إيده المُرتجفه وحط وجهها بين أياديّه وبدأ يبكي وهو يطالع فيها ..

ما عرفت وش تسوي ..

هذه أول مره تشوف أبوها بهالحاله ولا تعرف وش السبب ..

شهق وضمها لصدرة يقول: ضحي حبييتي ضحي ضحي يا حبييتي ..

وكمل يبكي فضمته هي بعد تقول: بيه تكفى قول لي وش فيك ..؟! ..

بعدها عن حضنه ويد يتحسس وجهها يقول: الحمد لله .. الحمد لله ... ربي أنقذني من العذاب اللي عيشتك فيه

.... جاء الفرج وأخيراً بارتاح نفسياً ضحي حبييتي خلاص أبوك المريض نفسياً وصل له الفرج


.... وأخيراً ما بخاف عليك ... وأخيراً بأطّلك من جحيمي اللي ما قدرت أطلع نفسي منه ..! ..

بلعت ريقها وحست بتوتر غريب بسبب كلام أبوها اللي مو فاهمه أي شيء فيه ..

بدأ يمسخ على شعرها كذا مره يقول: جاء أخيراً ضحي جاك خطيب ... اللحين راح أقدر أزفك له وأضمن

لك حياة سعيدة ... راح تطلعي من عندي وتفتكي مني وأخيراً يا ضحي ... مبروك مبروك يا بنتي كثير ..

وحضنها وهو يبكي عشاتها وهي مصدومه بالكامل من كلام أبوها ..
وشو ذا خطيب ..؟! ومين فين يبجي لها خطيب ومحد يعرفها ..؟!
تجاهلت التفكير بهالموضوع وركزت على حالة أبوها حالياً ..
غصب عنها بكت معه وهي تشوف دموع أبوها اللي هو كل شيء لها بالدنيا تنزل ..
ما تحملت تشوفه يبكي ويكرر إنه راح يطلعها من عنده وإنها راح ترتاح من أبوها المريض النفسي ..
هي عارفه هالشيء .. عارفه إنه من بعد خيانة أمها وهو مريض نفسياً بوسواس قهري يخليه يخاف عليها من
كل شيء ..
لكن إنها تسمع هالشيء من أبوها ... هذا يحزنها كثير ..
ضمته تقول وهي تبكي: بيه خلاص تكفى ..! لا تقول عن نفسك كذا ... بيه تكفى خلاص ..
بدأ أبوها يهدأ شوي شوي بعدها طالع ببنته والابتسامه مرسومه على شفته ..
الأب: أنا كذا بارتاح وهو ... شاب كويس ... وعشان أزوجك لأفضل واحد فراح أسأل عنه .. راح أسوي
المُستحيل عشائك وأكيد بيطلع كويس ..
حط إيداه على صدره يقول: أنا راح أسلمك له بإيدي ... راح أخليك تعيشين حياتك مثل ما تتمنين ..
مسح على شعرها وقال: مبروك ألف مبروك ..
ما عرفت تفرح ولا تحزن على أبوها ..
إكتفت بابتسامه وهو تهز راسها ..
قام وقال: خلاص رايح له ..
إبتسم لها بعدها طلع وقفل الباب وراه بالمفتاح مثل ما تبرمج عقله على كذا ..
نزل من الدرج وغسل وجهه بالمويه كذا مره بعدها دخل لمجلس الرجال ..
وقف يحيى أول ما دخل وبعدها حط الفنجان على الطاولة يقول: تسلم يا عم على القهوة وأنا أستاذن لآته ...
قاطعه الأب: إجلس بس خمس دقائق .. ما بياخرك هذا عن شغلك ..
طالعه يحيى لفتره بعدها جلس بهدوء ..
إبتسم الأب بعدها قال: يحيى ..
يحيى: سم يا عم ..
الأب: مبدئياً مافيك أي عيب لكن لازم أسأل عنك .. أصحابك .. شغلك .. جيرانك .. علاقاتك بكل ذولا .. هذه بنتي
الوحيدة والغالية ..
إتسعت عيون يحيى بصدمه وقدم بجسمه لقدام شوي يقول: عفواً يا عم ..؟! يعني تقصد إنك موافق ..؟! إنت
موافق ..!!!
هز راسه يقول: إيوه موافق .. لكن خلني أسأل أول شيء وبأعطيك الرد النهائي بسرعه .. أنا بنفسي مستعجل
صدقني ..
ما صدق يحيى ..
لا لا ما صدق أبداً ..
اللي يسمعه حلم .. إيه حلم مُستحيل يكون حقيقه ..
حس نفسه خلاص بيطير من الفرحة ..
بدأ يتحرك بشكل لا شعوري وهو يقول بلخبطه: تسلم يا عم ... يعني والله يشرفني .. مشكور ما تقصر ..
بأعطيك عنواني ورقم تلفوني وعنوان شغلي .. إسأل على راحتك وخذ وقتك ... أنا يشرفني أناسبك .. والله
يشرفني ..
إبتسم له الأب فطلع يحيى ورقه بجيبه وبدأ يكتب كل العناوين بشكل سريع وكأنه خايف إن هالحلم الي هو فيه
يروح ..
فرحان .. سعادة غريبه مُستحيل تنوصف ..
لو كتب وحكى سعادته لأيام وقرون فما راح يقدر يوصفها بالشكل الصحيح ..
سعيد .. سعيد لدرجة إنه يضمن حاله بحلم بعيد تماماً عن واقعه ..



نزل من سيارته وقفل الباب وراه ..
طالع بالبيت بشيء من التقرز وهو يهمس: مدري كيف يعيشوا بمكان مثل كذا .. جدران مترهله وبويه
ممسوحة وأنابيب واضحة بشكل كبير ..
تقدم من الباب ودق الجرس ..
سمع صوت وحده تقول: مين؟! ..
عقد حواجبه لما عرف صاحب الصوت فقال: أسامه .. جاي أزور عمتي أم حور ..
جاه الصوت يقول: آه .. طيب دقيقه الله لا يهينك ..
لفت طيف وراحت لغرفة عمته ..
دقت الباب المفتوح ودخلت تقول: أمي .. أسامه برى يبغى يقابلك ..
إندهشت الأم وقالت: صدق! ..
قامت وراحت للباب .. عدلت نفسها بعدها فتحت تقول بإبتسامه: يا أهلا بأسامه ..
إبتسم لها أسامه يقول: إغذريني يا عمه على هذه الزياره المفاجئه .. وبوقت كذا متأخر ..
أم حور: لا الوقت مو متأخر ولا شيء .. إحنا لسي حتى ما تعشيننا .. وخذ راحتك تعال متى ما تبغى ، تفضل
تفضل أدخل ..
وفسحت له الطريق للمجلس فإبتسم لها ودخل المجلس ..
جلس في المكان اللي أشرت له وقالت: دقيقه أجيب لك شيء تشربه ..
أسامه: لا لا يا عمه ما أبغى شيء ..
أم حور: لا لازم تشرب لك و...
قاطعها أسامه: يا عمه والله الليله ودي أنام بدري فما أبغى أشرب لي منبهات تمنعني من النوم ..
أم حور: أها .. طيب على الأقل كوب عصير ..
تنهد وقال: ماشي خذي راحتك ..
خرجت فإختفت إبتسامته وطالع بالمجلس باستنكار ..
مو عارف كيف جلس بمكان مثل كذا! ..
على الرغم من نظافته إلا إنه مو مستوعب إن أسامه جالس بمكان قدر كذا ..
صغير وبسيط لدرجة تقتل ..
شوي دخلت أم حور بكوب عصير ليمون وقدمته لأسامه ..
إبتسم أسامه وأخذ الكوب منها ..
جلست عنده تطالع فيه وكلها أمل يعطيها جواب نهائي عن موضوع طيف ..
طالعها أسامه وبعدها قال: والله يا عمه جاي أنا لسبيين .. أولهم موضوع بنت أخوك طيف ..
هزت الأم راسها تستحثة يكمل فقال: الأوراق اللي أدانوها فيها هي أوراق وإثباتات لمجموعة قرصنه حاسوبيه
كان سببها واحد من الموظفين عندنا .. وهذه الأوراق تدينه بالكامل فقرر يحط مصيبته على أي أحد ثاني وبما
إن مكان سكنه قريب من هنا فقرر يرمي هالأوراق عند أي بيت وطيف هي اللي راحت فيها .. قدرت أحدد
هالشخص وسلمته للشرطه .. حققوا معاه وقرر بالنهايه يعترف والحمد لله سقطت التهمه عن طيف .. وعني
شخصياً بما إني مالك الشركه ومشى الوضع تمام والحمد لله ..
الأم براحه: الحمد لله .. الحمد لله .. والله مو عارفه وش أقول .. جزاك الله ألف خير يا بني .. والله إن ذي
مُساعدته ما أنساها لك طول عمري .. الله يجزاك ألف خير ..
إبتسم أسامه يقول: هذا واجبي يا خاله .. في النهايه إنتي زوجة أبوي .. بمقام أمي وطبيعي الولد يساعد أمه
ويفرحها ..
ما عرفت الأم وش تقول .. كلامه أخرجها لدرجة كبيره وحست بإمتنان كبير له ..
الحين عرفت إنها ظلمتهم لما كرهت كل أولاد زوجها من زوجاته ..
ما كانت تدري إن فيهم كل هالخير ..

واحد منهم جهاد والكُل يشهد بطيبته .. والحين أسامه اللي ما تعرف كيف ترد جماليه عليهم ..
الأم: والله مو عارفه بإيش أكافنك ..
أسامه: دعاويك لي والله أحلى مكافنه يا خاله ..
الأم: الله يوفقك يابني وينور لك طريقك ويسعدك وين ما كنت ..
إبتسم لها فقالت: والله كان ودي بأول زياره لك هنا أعرفك على أولادي .. لكن الولد عند صاحبه اللحين يذاكر
والبنيت حور متوتره وتعرف صعب عليها تقابل ولد ما تعرفه على أساس إنه أخوها وخصوصاً إنك جاي بشكل
مُفاجئ فتقول ما إستعدت نفسياً ..
أسامه: لا عادي .. فرصه ثانيه إن شاء الله ..
الأم: إن شاء الله ..
ظهر التوتر على أسامه فقالت الأم بتعجب: فيك شي ..؟! بفمك كلام صح ..؟!
هز أسامه راسه يقول: والله بصراحه يا خاله أنا جاي هنا لسببين .. ومدري .. شاييل هم إن السبب الثاني يعني
.... ما يناسبك ..
الأم: لا قول قول وياذن الله ما أردك .. تفضل حبيبي ..
مثل أسامه الإرتباك والتوتر ببراعه تامه وهو يقول: والله يا خاله بصراحه إنتي إنسانه طيبه كثير .. أحسد
أولادك على أم مثلك ..
الأم بإبتسامه: تسلم حبيبي ..
أسامه: بصراحه أنا حاب يعني تكون علاقتنا أقرب من كذا ..
الأم بتعجب: ما فهمت عليك ..
أسامه: بغيت يا خاله مدري إذا بيناسبك الموضوع ولا لا لكن أتمنى من كُل قلبي ما ترديني ... يا خاله أنا
بصراحه ... ودي أخطبها ..
عقدت حاجبها فإبتسم وكمل: أتمنى أخطبها وتكون طيف زوجتي بالشرع و الدين ..
زادت إبتسامته يقول: وش رايك يا خاله ..؟!
ولهنا إنتهى البارت اللي وعدكم إنه يكون طويل وإن شاء الله يكون طوله مُمتع لكم ..
أولاً كُل شخص وعدته أطلع الهنوف ونادر بهالبارت إعدروني ..
والله كنت ناويه ومجهزه ببالي الأحداث والأماكن السياحيه اللي بيزورها هالثاني بالبارت لكن لما جيت أكتب
ما أعرف كيف غابوا هالثاني عن بالي : ()
تخليلوا ما تذكرتهم أبداً طول فترات كتابتي للبارت وما تذكرت غير قبل كم ساعه لما شفت ردود جديده إشتاقت
للهنوف ونادر : ()
أوعدكم البارت الجاي بأجيب عنهم وبأطول المكان عنهم حبابي ..
المهم قراءه مُمتعه ولا تحرموني من تعليقاتكم الجميله ..
مُحببتكم / ألوش ()

..X || part end || X..

..X || البارت الثاني والخمسون || X..

إبتسمت وضمت كتاب إستعارته قبل أيام من الجامعه وقالت: إيه طبعاً بأوافق ..
حور بدهشه: أما !!!.. من جد ..؟!
طيف بتعجب: وإيش اللي يخليني أرفض ..؟! عندك سبب ..؟!
حور: فيه مليون سبب ..!

حور: هههههههه سورى سوري ..

إبتسمت طيف تقول: الحمد لله .. وربى طان هم .. وذا الأسامه ربي يجزاه ألف خير .. وربى ما قصر معنا ..
طالعت الأم بإبتسامتها لفته بعدها بتسمت تقول: تدري .. طلب منى طلب ..

طيف: وشو ..؟!

الأم بإبتسامه: طلب يخطب طيف حبيبتي أسامه طلب إيدك على سنة الله ورسوله ..

إختفت إبتسامه طيف تدريجياً وهي تقول: وشو ..؟!

حور بصدمه: أما يمه ...!!!

هزت الأم راسها تقول: إيه .. يقول إنه إنعجب بتماسكها وقت التحقيقات وقوة صبرها .. يقول هو محتا إن
شريكة حياته تكون إنسانه فاهمه وعاقله مثل طيف .. قال خليها تأخذ راحتها بالتفكير ويتمنى إنها ما ترفضه ..


طالعت بطيف وكملت: فايش رايك يا حبيبتي ..؟!

ظلت طيف تطالع بعمتها لفته بعدها إبتسمت بهدوء تقول: بـ بأفكر ..

الأم: إيه أكيد حبيبتي خذي راحتك بالكامل وإستخيري قد ما تقدرى ..

هزت طيف راسها وأخذت كتابها تقرأ فيه ..

وذلك الإبتسامه الخفيفه اللي كانت على شفتها ... إختفت ..



خلصت الساعه عشر الليل بتوقيت السعوديه ..
وبدأت الساعه خمسهِ العصر بتوقيت جمهورية الصين ..
في العاصمه بكين ..

الجو كان لطيف وهادي .. لا شمس قويه ولا هواء قوي ..
جو يناسب جو التمشيات والطلعات والروقان ..
والاااااااااه ..

ظَلَّت تطالع بالمبنى الفخم الأبيض بكُل إنبهار وهي ما وقفت من عبارات الإعجاب والإطراء ..
تنهد يقول لها: هذا مبنى جالكسي سوهو .. مجمع متاجر ومكاتب ويُعتبر الأكبر في بكين ..
رفعت الكاميرا تصور وتقول: لو عندنا مجمع مثل كذا كان فتحت خيمه تحت هالجمال كُلّه ..
رفع حاجبه يقول: حتى بتخيلاتك قرويه ..

إبتسمت بسخريه تقول له: أقلها أنا صريحه وواضحه مو مثل بعض الناس ..
ميل شفته وطالع لقدام ..

من حقه يكذب .. مسافر مع زوجته فكيف يقول لهم إنهم رايعين يتمشوا بالصين ...!!!
مين هذا العاقل اللي لسى بأول شهور زواجه يتمشى مع زوجته بالصين بدل روما بلد العشاق أو لندن وغيرها
!!!


لو قال لهم والله ما بيوقفوا إستهزاء ..
حركته الهنوف شوي بعدها وقفت هانا جنبه ورجعت على وري تقول: بأخذ لكم صورهِ ..
تنهد يقول: هنوف هات أنا أصور ..

الهنوف بانزعاج: أولاً ما إسمي هنوف .. ثانياً شفتك أمس يسور الصين وش كنت تصور .. تصويرك غبي ..
أنا أعرف أصور الصور اللي أنا أبغى أشوفها ..
رفع حاجبه يقول: اللحين أنا تصويري غبي وإنتي اللي توك تمسكي كاميرا صار تصويرك إحترافي !!!
أخذت لهم صورته وقالت بهمس: كالعاده مكش بالصور ..
نادر: ياللا إمشي نروح مكان ثاني ..
الهنوف: حاض ..
مسكت بإيد هانا ومشيو معا ..
الهنوف: تدري .. العاصمة فخمة يا شيخ !!! وربي كل مبنى هنا يخليك ما تقدر تمسك نفسك من الإنبهار به ..
رهيبه والله رهيبه .. وأنا اللي كنت أضن إن السور هو الشيء الوحيد الحلوف فيها ..
طالعها نادر يقول: طيب تدري إنها تفوقت على نيويورك عاصمة المليارات !!؟
طالعته تقول: ما فهمت ..
نادر: طوال السنوات الفائتة كانت نيويورك مشهوره عالمياً بلقب عاصمة مليارات العالم و عاصمة المال العالمية !!! لكن السنة اللي راحت أخذت بكين هذا اللقب منها .. في بكين وحدها بس هناك أكثر من ١٠٠ رجل ملياردير عالمياً ..
الهنوف بدهشه: يعني اللحين اللحين في بكين ١٠٠ رجال غني !!!
نادر: ملياردير لقب مركزه أكبر من مركز غني أو مليونير .. الملياردير معناته رجال ما يلعب بالملايين .. يلعب بالمليارات !!!
الهنوف بعدم تصديق: واه .. ما أصدق !! المدينة اللي نمشي فيها ... فيها كمان ١٠٠ واحد كذا !!!
نادر: كانت بكين تملك ٦٨ ملياردير قبل سنه وبكذا كانت نيويورك متفوقه .. لكن بس بسنه وحده إنتقل ٣٢ ملياردير فتفوقت على نيويورك وأصبحت بكين جالسه على عرش المال العالمي ..
الهنوف: طيب كم اللحين في نيويورك !!؟
نادر: بهالعام .. عام ٢٠١٦ فيه خمس وتسعين ملياردير ..
الهنوف: واه كثير مره .. طيب تعرف مين المركز الثالث !!؟
نادر: موسكو .. بست وستين ملياردير ..
الهنوف: والرابع !!؟
هز نادر راسه بلا يقول: ما أعرف ..
الهنوف: واه والله عندك كذ خبره بعالم المال والأشياء ..
نادر: وليه شافتي أشتغل مصمم أزياء !!؟ طيب أي واحد يملك شركه ويعمل صفقات يكون عنده معرفه بمثل هالأمر ..
طالع فيها وكمل: وبكين هالعام صدمت الكل بإحتلالها المركز الأول .. أنا شخصياً السنه اللي فاتت رفضت صفقة تعاون مع شركه صينية في إحدى الصفقات ..
الهنوف بدهشه: وليه رفضت !!؟
نادر: لأن الصين وقتها كانت تعاني من تباطؤ في النمو الاقتصادي وأسعار البورصات عندهم كانت بتقلب مستمر مخيف فما حبيت أجازف بالتعاون مع شركه تعتمد على البورصات .. وهذه التقلبات المستمرة كانت السبب في صدمة الكل من إحتلال الصين للمركز الأول ..
مسكته الهنوف من كتفه تقول: هيه هيه نادر خلاص قررت .. خلنا نعيش بالصين .. والله فله ..
نادر بانزعاج: شتتين إنتي !!! مجنونه ..
الهنوف: أووف نادر والله فله .. تخيل أعيش بمدينة تعتبر المركز الأول عالمياً !!؟ أقسم بالله مافي أفل من كذا ..
نادر بهمس: موتي !!!
الهنوف بحماس: واه ما جربت أفكر بهالشيء .. يعني حتى قبرنا لما نموت يكون في مدينة مليارديره كذا !!!
أووم الوناسه !!!
إنصدم نادر من كلامها .. كل شوي يطلع جانب غبي من شخصيتها يصدمه يوم عن يوم ..
نادر: تدري ... أحس إن سبب موتي بيكون جلطه بسبب غبانك اللي ماله حل ..
الهنوف ببرود: وأنا بيكون بسبب تعليقاتك السخيفه المحبطه !!!
كملوا يمشوا بهدوء بعدها قالت الهنوف: نادر ..
طالعها فسألت: الرقم ثمانية ... وش يعني لهم !!؟ أحسه أكثر رقم الأحظه مع إني ما أعرف اللغة الصينية ..
شفته بيعض نحواتهم في زيارتنا أمس لأسواقهم الشعبيه ..
نادر: الرقم ثمانية بالنسبة لثقافتهم الصينية ... تعني الحظ ..
الهنوف: آها ... عندهم بعد شيء يرمز للحظ .. كفار ما علينا منهم ..

إنزعجت لما شافته يطالع بوحده لابس شورت تكلم في كابينة الهاتف ..
مسكته من إيدته تقول: طالع قدام وبطل تلف عينك عالحرير ..
لف وطالعه شوي بعدها لف وجهه يكتم ضحكته فقالت بانزعاج: شفيك ..!!!!
نادر: ههههههههه لا بس مصدوم إنك تعرفي تغاري ..
زاد إنزعاجها تقول: ليه حيوان شايفني بجنبك ..!!!
إبتسم وأشر على كابينة الهاتف يقول: كنت أطالع بالـ"لاني" هناك .. عن فيلم إنجليزي بينعرض بصالة
السينما فكنت أفكر نروح نشوفه ولا لا ..
الهنوف بحماس: وناسه ..!!!!
طالعه بتعجب يقول: غريب .. بما إنك فاشله بالإنجليزيه توقعت ترفضين ..
الهنوف: لا مو كذا .. وناسه إنك كنت تطالع بالإعلان مو بالحرمة ذيك ..
تنهد وقال: ها طيب وش رايك ..؟! نروح نشوفه ..؟! من التصنيف اللي أحبه ..
الهنوف: بس ... ما بفهم شيء ..
نادر: أترجم لك لو تبغي ..
ضمت يدها بحماس تقول في نفسها: "واااه بيكون الوضع رومانسي .. بوافق أكى بوافق" ..

بعد ساعه ..
الهنوف بهمس: الشرير هذا وش يقول ..؟!
نادر وهو مندمج بالفيلم: يكذب ..
الهنوف بهمس: كيف ..؟!
نادر: يقول إنه عدو ..
الهنوف بتعجب: ما فهمت ..
نادر: يووه الهنوف شوي بس ..
هزت راسها ولما شافت الطياره الحربيه تهاجم البطل اللي يسوق الشاحنه قالت بدهشه: آه يعني الشرير اللي
يلاحقه البطل كذب على الطيار وقال إن الشرير هو اللي موجود بالشاحنه صح ..؟!
نادر: إيه إيه ..
الهنوف: وكيف الطيار الخبل صدقه ..؟!
نادر مندمج ..
الهنوف: هيه نادر أسألك ..
تنهدت وظلت تطالع وبعد ما انفجرت الشاحنه والطياره عند الجسر قالت بدهشه: وااااه شوف شوف كيف
هرب و... آح الطيحه توجع .. واللحين كيف بيلحق بنته المخطوفه وهو ضيع السياره اللي كان يطاردها ..؟!
نادر:
ميلت شفتها بعدها إبتسمت تقول: لا خلاص شافهم يدخلوا المصنع ..
دقايق وسألت: الشرير وش قال للرجال اللي قدام الجهاز ..؟!
نادر: يطلب منه يفك الرمز ..
الهنوف: أي رمز ..؟!
ما رد .. الهنوف بدهشه: آح طلق الرصاصه على ركبتيه .. ليه ..؟! لأنه رفض ..؟!
نادر مندمج ..
تأففت وكملت تطالع بقية الفلم بصمت ..
وبعد نص ساعه ..
شايل نادر هانا النايمة والهنوف تمشي بجنبه تقول: تعرف وش فهمت من الفلم ..؟! فيه رجال ينتمي لمنظمه
مدري وشهي والأشرار ينتمون لشيء مدري وشهو .. الأشرار خطفوا بنت البطل بسبب ما أعرف وش هو
وبدا البطل يطاردهم .. وبعدها فيه رجال مدري مين يكون تسلل لمقر الأشرار فمسكوه وخلوه مع البنت ..
هربوا لمكان والبطل لاحقهم .. طلقوا رصاصه لأن الرجال الثاني رفض يتعاون وبعدها تعاون لأنهم هددوا
يقتلوا البنت .. جاء البطل بالوقت المناسب وأنقذهم وواااه نهاية سعيدة .. تخيل هذا اللي فهمته ..
ميلت شفتها تقول: وتقول لي بترجم لك ..!!!
نادر ببرود: مو مشكلتي ما تعرفي إنجليزي .. بدل الهذره الفاضيه مع أميره قولي لها تعلمك ..
ميلت شفتها تهمس: مخادع ..
رفع راسه لفوق بعدها قال: خلىنا نرجع الشقه ..
الهنوف بدهشه: لا ..! خلنا نتمشى بعد ..! لسي يعني بدري ..
نادر بهدوء: خلاص تعبت .. بكره بنكمل ..

الهنوف: وشو تعبت ..!! أنا وأنا بنت ما تعبت ..!! هيا نادر بلييز ..!!
تقدم بهدوء ووقف له تاكسي يقول: قلت لك ما أقدر أكمل ..
تنهدت بإستسلام تقول: طيب ..
وبعدها ركبت معه متجهين لشقتهم ..



وبصباح يوم الثلاثاء ..
صحيت بعد ما جاء على وجهها قطرات مويه مرشوشه ..
رفعت راسها تقول بصراخ وإنزعاج: وجع ..!!
بنان ببرود: تستاهلي ..! ليه نايمه بالصاله كذا ..!!
طالعتها ترف بعدها لفت حولها وإستوعبت إنها نامت أمس عالفيلم ..
جلست وطالعت ببنان بإنزعاج تقول: تقدري تصحيني بدون مويه ..!!
بنان: تدري إني من ساعه وأنا أتجهز جالسسه أنادي عليك عشان تصحي ..!! ما بقي قدامي غير خيار المويه
حبيبتي ..!! ياللا قومي .. وغير كذا صليتي الفجر ..!!
لفت ترف وجهها تقول بإنزعاج: مالك شغل ..!!
بنان: قبل الفجر بنص ساعه صحيت عشان أروح الحمام وشفتك صاحيه .. لا تقولي لي إنك نمتي قبل لا تصلين
!!..

ترف بإنزعاج: أوووووف ..!!
وراحت لغرفتها وشفقت الباب وراها ..
بنان بتعجب: شفيها ذي ..!! كالعاده نفسيتها تقلب لما أحد يصحيتها بالمويه ..
طالعت بساعتها بعدها خرجت من الشقه بعد ما سمعت صوت بوري الباص ..
هالمره كويس إنه جاء بدري .. إن شاء الله دوم يظل كذا ..

رمت ترف بجسمها على السرير بعد ما أنهت صلاتها المتأخره عن موعدها بثلاث ساعات وهمست: هذا
غلطهم .. محد صحاني ..!!
لفت بعيونها على الشباك بعد ما سمعت صوت العصفير فشافته مفتوح ..
شكله من أمس الليل مفتوح ..
تنهدت بإنزعاج تقول: إن شاء الله ما تجمع الناموس بغرفتي .. ما فيني حيل أقضي اليوم كله أحكحك ..!!
تنهدت مره ثانيه وهمست: طيرت هالبنان النوم من عيني .. شلون اللحين أظل صاحيه ومافي شيء حلو أشغل
نفسي فيه ..
جلست وسحبت اللاب وفتحتة تدور لها شيء تشغل نفسها فيه ..
بالصدفه طاحت على قصة مسلسل أمريكي من سبعين حلقة فبدأت تدور روابط التشغيل حتى تشوف أول حلقة
وتحكم بعدها ..
رفعت راسها للشباك بعد ما سمعت صوت الأطفال جاي من تحت ..
هالأطفال المزعجين ..! شكلهم ما راحوا اليوم للمدرسه ..

عقدت حاجبها لما شافت حجره طايحه على الأرض قدام شباكها ..
قامت وراحت لها ..
أخذتها وفكت الورقه الملفوفه عليها وبدأت تقرأ اللي فيها ..
* صباح الورد بسكوتتي للمره الثانيه !
من زمان أطل عالشبّاك ولا أشوفك وبمعظم الأحيان ألقى الشّبّاك مقفل
إن شاء الله ما تكوني طايحه بمشكله !
الزبده قد أرسلت رساله طويله بس لما رميتها طاحت بالأرض وشكلها فجعت بسه لأنني سمعت صراخها اللي
فجعتني شخصياً xd
فككتب ذي وإن شاء الله ما تطيح
بس بغيت أصبح عليك مع إن الساعه اللحين وحده الليل
بس غريبه بهالوقت وشباك غرفتك مفتوح ؟ *
طالعت بالرساله لفتره وعرفت إنه رماها أمس بعد نص الليل ..
قفلت الورقه بهدوء ..
* إن شاء الله ما تكوني طايحه بمشكله ! *
إلا .. هي طايحه بمشكله ..
مُشكله أنهكت أعصابها كثير ..
جننها هالمُهكر .. يخليها دوم على أعصابها لحد ما خلاص تمتى إنها ما إشتبكت معه من البدايه ..
وقفت وطالعت بشّبّاك باسم فشافته مقفل ..
حاسه بالذنب إتجاهه .. خسر وضيافته بسببها ..
بسبب غبانها وعنادها وتهورها اللي أبدأ ما فادها ..
ليتها ما ولدت غيبه ومُتسرعه كذا ..
ليتها عرفت حدودها ولا عاندت ذاك المُهكر الغبي المُتعجرف !!
وصلت لمحطه ما تعرف كيف ترجع منها ..
حتى لما طلبت مُساعدة أحد لفته عرف عنها ..
يعني حتى لو طلبت مُساعدتهم مره ثانيه من جوال ثاني فخلاص صار الموضوع مكشوف بالنسبه له ..
تقدمت وجلست على سريرها مره ثانيه ..
ضمت ركبته لصدرها وبدأت تفكر بحل ..
عقدت حاجبها وسحبت جوالها بعد ما وصلتها رساله ..
فتحتها بهدوء وهي حاسه إنها من صاحباتها اللي بس يسألوا عنها ويبغوها ترجع المدرسه ..
عقدت حاجبها لما كانت رساله نصيه من الرقم نفسه اللي يرسلها منه ذاك المُهكر ..
إعتدلت بجلستها وفتحتها فشافت إنها رابط ..
خافت .. خافت يكون بعد رابط تهكير ويسحب كل اللي بجوالها هذا ..
ترددت .. ما تدري تفتحه ولا لا ..
بطلت ورمت الجوال جنبها وضمت رجلها مره ثانيه ..
بدأت تنقل نظرها بين الجوال وبين شاشة الإيقاف اللي بلايها وهي متردده كثير ..
عقدت حاجبها .. لا يكون مرسل لها صور لشيء أو نوع جديد من التهديد ..؟!
إيه أكيد .. ووقتها لما يحصل شيء راح تندم لأنها ما عرفت عنه من البدايه ..
سحبت جوالها من جديد وبعد تردد فتحت الرابط ..
ظهرت لها شارة الإنتظار وبعد ثواني علّق جهازها وظهرت لها علامة الشركه ..
عقدت حاجبها بعدها إنصدمت ووقفت على ركبته وهي تضغط بوالها بس مافي إستجابه ..
هزت راسها بعدم تصديق وجسمها إنتفض من الخوف وبدأت تقفله وتفتحه وتضغط كل الأزرار وتحرك
بأصبعها على شاشة التاتش بس بدون فايده !!
بدون أي ردة فعل من الجوال ..
ترحلق من إيدها فرجعت تمسكه مره ثانيه وهي شوي وتبكي ..
خلاص عرفت .. عرفت وش صار ..
النذل ... أرسل لها رابط تهكير ..
وهي ... بسبب تسرعها كالعادة طيحت نفسها بمشكله ..
أصلاً مين هالعاقل والفاهم اللي يفتح رابط هو عارف إنه جاي من مُهكر !!..
بلعت ريقها لما إشتغل جوالها من جديد وظلت عيونها معلقه بالشاشه حتى ظهر لها صورة العرض اللي
حاطتها ..

ظلت تطالع بصورة العرض وبعدها فتحت الرمز بهدوء فأنفتحت معها ..
ترددت شوي وبدأت تقلب بالبرامج والصفحات وشافت كل شيء على حاله ..
جلست بهدوء وهمست: يمكن ... يعني كانت غلظه ... أو الموقع اللي بالرباط ثقيل وسبب إضطراب للجهاز ...
لأنو مافي شيء تغير ..

حست .. بشيء من الراحة على الرغم إن القلق للحين موجود ..
حطت الجوال جنبها وظلت تطالعه وهي تهمس: هذا درس .. عشان المره الجايه أبطل تسرع وتهور .. ما عاد
بأفتح أي رابط أبد ..! أبداً ..

أخذت لها نفس عميق وظلت سرحانه بالجوال لفتره طويله جداً ..
فرت بعد ما جتها رساله عالواتس فعرفت إنها من شدة سرحانها كانت حنتام ..
أخذت جوالها ودخلت عالواتس فرفعت راسها عن ركبتها بصدمه لما شافتها من ذاك المهر ..
خافت تدخل تشوف وش أرسل لها ..

كانت سبع رسايل آخرها صوره ..
رجع لها الخوف من جديد .. لا يكون فعلاً وقتها هكر جوالها ..!
حطت الجوال قدامها وهي تصرخ: إنقلع ...!!! خلاص إنقلع عني شتبي ...!!!

شوي حست بانها راح تبكي ...
جننها ... ليه مو راضي يخليها ...!!!
لهالدرجه هالإنسان فاضي ويبغي يلعب وبس ...!!!
كيف بتخلص منه ..؟! كيف ..!!!
قامت من فوق سريرها وطلعت من الغرفه ..
قفلت الباب وتكت بظهرها عليه وكأنها تتهرب من نوعية هالرسايل أياً كانت ..
حاسه مليون بالميه إن هالراسيل راح تزيدها هم وغم فوق اللي هي فيه ..
حلم ... ياليت اللي يصير معها مجرد حلم تافه وتضحك عليه لما تصحى ..
يا ليت ...!!!

إندهشت لما شافت يحيى طلع من غرفته ورايح للمطبخ ..
تذكرت إنه أمس قال لها باتكلم معك بكره الصباح ..
دخلت غرفتها بسرعه وقفلت الباب تتهرب منه ..
أخذت لها نفس عميق ورجعت تطالع الجوال من مكانها ..
همست: ليه ما تنقل ..؟! شتبي بالضبط ..؟! ما عندك حياة تنتشغل فيها عني ..؟! لهالدرجه إنت فاضي ..؟!
رجعت وجلست عالسرير وطالعت بجوالها ..

فتحت الرمز وبعدها طالعت برقمه لفتره ..
الرقم هذا اللي لما بحثوا عنه الهينه طلع إسمه منسوب لحرمة أجنبيه ..
بمعنى ما هو رقم المهر أبداً بس له علاقه قريبه مع هالحرمة ..
يمكن تكون أمه ويطلع ولد وحده أجنبيه ..
معناته إنسان طبيعي يكون مستهتر كذا ..
شدت على أسنانها تقول: يعني ما عرفوا أمه وأبوه كيف يربونه ..؟!
تنهدت وبهدوء فتحت رسايله ..


- مبروك ع خطوبة أخوك يحيى ، فرحت له كثير
- شكل هالضحى هالمره بتسعد حياته عكس زوجته السابقه صح ؟
- لا تنسي ترسلي لي كرت الدعوه لما توصلكم موافقة أهل البنت
- أنا فعلاً أتمنى أحظر زواجه ، هاليحيى تربطني فيه علاقه قرابه إن كنتي ما تعرفي
- وخلينا بالزواج نتقابل لأنني فعلاً عندي فضول أشوفك
- مع إنني مدري ليه حاس إن هالزواج ما بيتم ، يا ترى وش السبب ؟
* المهر الغبي أرسل صوره *

وكانت صورة محادثتها أمس الليل مع صاحبته لما حكّت لها إن أخوها وأخيراً خطب وأهل البنت وافقوا مبدأياً

..
هزت راسها بعدم تصديق ..
هذا ... مستحيل ...!!!

إنفجعت وافت عالباب لما دخل يحيى يقول: ترف صاحبه ..؟!
ظلت عيونها المصدومه معلقه فيه فلما شافها صاحبه دخل وقفل الباب وراه يقول: شفيك قبل شوي هربتني لما
شفتيني ..؟! هههههههه شكيت بنفسني أنا ..

عقد حاجبه لما شاف إن ملامحها مو طبيعيه ..
تقدم وجلس قدامها على السرير يقول: ترف شفيك ..؟! صاير شيء ..
ضمت جوالها لحضنها لا إيرادياً تقول: لـ ... لا ..
يحيى: وشو لا ...!!! واضح إنه صاير شيء ..
شئت عيونها المصدومه بعيد عنه وقالت بتلعثم: صاحبتى ... مات ... لها أخو مات هي قالت لي ... بس ..
إندهش يحيى للحضات بعدها قال بهدوء: الله يرحمه إن شاء الله ويسكنه بفسيح جناته ويصبر أهله على ما
أصابهم ..
ترف ويمنتهى الهمس: آ آمين ..
زمت على شفقتها شوي وبدأت تنزل دموعها لا إيرادياً فقال يحيى بدهشه: ترف خلاص لا تبكي .. هذا قدره ..
والله يعوض صاحبك وأهلها خير ..
شهقت وهمست: ما أقدر ... يحيى ما أقدر .. أبغى أصلح شيء ما أعرف وش أصلح .. ما أعرف ..
تنهد يحيى وقال: طيب تبغيني أوديك لها ..؟! يمكن لو ظليتي معها تخففي عنها شوي ..
حطت ترف قبضتها على فمها اللي زامته بقوه تمنع نفسها تبكي وهي تشاهق بصمت ..
مو عارفه .. مو عارفه وش تسوي ..
مو عارفه كيف تطلع منها ..
* مع إني مدري ليه حاس إن هالزواج ما بيتم ، يا ترى وش السبب ؟ *
جملته هذه ... كانت تهديد واضح ..
واضح وبقوه ..
مو عارفه ... مو عارفه وش تسوي حتى تقدر تتفادى إنها تآذي أخوها اللي هالبنيت كانت حلم حياته ..!
لو هالزواج ما تم ما تدري وش ممكن يحصل لأخوها ..
وبسببها كمان ..
ما قدرت تمنع نفسها وبدأت تبكي بصوت شبه مسموع ..
حزن يحيى عليها كثير فمد يده وضمها ل صدره يقول: بس بس يا ترف .. يمكن خيره فلا تضايقي نفسك ..
ما قدرت .. على طول انفجرت تبكي ب صدره وهي حاسه بذنب كبير ..
ذنب يغطيها من ساسها لراسها ..!
ليه ..؟! ليه يصير معها كل هذا ..؟!
هي بإيش غلطت بحياتها ..!
ماهي قادره تلاقى غلط واضح ..
تبغى تطلع من هذا كله .. تبغى تطلع بس مو عارفه كيف ...!!!



وعلى طاولة الغداء ..
ما كان فيه غير أنجي وحلا مع أمهم يتغدوا ..
أنجي تاكل بكل هدوء وسرحانه بتفكيرها ..
أما حلا فكانت الإبتسامه شاقه حلقها وهذا اللي خلى ملك تراقبها بكل تعجب ..
توقعتها بتنزع كالعادة فهي إن جاء الأكل وأبوهم ما أكل معهم فتقلب المكان كدر وهم ..
متعلقه فيه بشكل كبير فمستغربه إنها هالمره تتبسم وكان أبوها جالس معهم عالطاوله ..
ملك: حلا ..
ما ردت فرفعت صوتها: حلا ..!
صحيت أنجي من سرحانها وطالعت في أمها في حين لفت حلا على أمها تقول: ها ..
ملك: شفيك ..؟!
رفعت حلا حاجبها تقول: شفيني إيش ..؟!
ملك: صار شيء مخليك بكل هالسعادة ..؟!
حلا بتعجب: يووه ما فهمت .. وش تقصدين ..?!

آنجي واللي كانت قد لاحظت حلا من أول: من الصباح وإنتي بمزاج كويس لدرجة قلتي ما أبغى أروح المدرسه

.. حلا: اها هذا سر ..

رفعت ملك حاجبها فقالت حلا: شفيك تطالعيني كذا ...!! أنا حره .. حتى أنا عندي أسرار مالم شغل فيها ..
وكملت أكلها فتنهدت ملك وهمست بداخلها: "البنت كل ما قلت لنفسي صار مؤدبه تصدمني بوقاحتها" ..
حلا: تدري الأرصاد الجوية تقول إن الطقس اليوم سيكون صحو على مدرينه جده ..

!!!!!!

طالعوها أمها وأختها باستفهام كبير على راسهم فقالت حلا: ما تفهمون كيفكم ..
وكملت أكلها وهي تقول في نفسها: "دوبني لاحظ .. ليه أنا فرحانه قد كذا ..؟! صح إني إشتقت له بس يعني
مو المقروض أفرح لذي الدرجة" ..

سكتت شوي بعدها إبتسمت وهمست: ما عليه .. اليوم كله بأظل بالحديقه أنتظره ..
جلس على كرسيه بهدوء يسأل: تنتظري مين ..؟! ..

رفعت حلا راسها بدهشه وهي تشوف أبوها جالس معهم يتغدا فقالت بحماس: بابا ...!!!

رفع عيونه البارده ناحيتها يقول: أنا أسأل ... تنتظري مين ..؟! ..

إختفى حماسها تدريجياً وهي تسمع نيرة التحقيق بصوت أبوها ..

صوته معها كالعادة جاف ..

إبتسمت من جديد تقول: كنت أقصد ذاك العامل السعودي .. ماما قالت ببجي اليوم يأخذ مُستحقاقته و

بس كنت أبغى أقوله مع السلامه .. بس ..

رفع حاجبه في حين طالعها آنجي بدهشه ..

من متى وعلاقتها كويسه مع هالعامل ...!! ..

ظل أبوها يطالعها لفته فبعدت عينها وعرفت إنهم ضنوا ضن سوء ..

شتسوي .. تحب أبوها لدرجة إنها تقول الصدق قدامه ..

مسكت المعلقة وبدأت تاكل متجاهله نظرات أبوها الغريبه لها ..

لف بعيونه على ملك وسأل: مين تقصد بالعامل السعودي ..؟! ..

ظهر التردد على وجه ملك لثواني بعدها قالت: واحد سعودي كان يشتغل عندنا ولما لاحظت إن كفائته مو
بالمستوى المطلوب أنهيت خدماته وبيجي اليوم يستلم بقية مُستحقاقته ..

طالعها شوي بعدها لف يطالع بحلا اللي أبعدت نظرها أول ما طاحت عينها بعينه وإنشغلت بالأكل ..

ثواني وبعدها لف على آنجي يقول: طلعتي من غرفتك ..؟! .. مو منعك تطلعي لحد ما تحكي لي عن السبب اللي
خلاك تصارخي بوجه أخوك كذا ..؟! ..

آنجي: لما سمحت لي أروح لحفلة ميلاد أيل ضنياتك خلاص أنهيت عقابك ..

عزام: لا ما أنهيته ...!! خليك بغرفتك والعقاب ما بيتهني إلا بعد ما تعلميني السبب ...!! .. وذاك السواق خلاص
طرده ..

طالعته آنجي بصدمه تقول: ليه ..؟! ..!!!!

رفع حاجبه يقول: وليش ليه ..؟! ..

تلعثمت ولفت وجهها شوي بعدها رجعت تطالعه وقالت: هو ماله علاقه باللي صار ...!! .. ليه تعاقبه بسببي ..؟! ..
عزام: مو إنتي سبب عقابه .. هو لأنه عاند ورفض يقول أي شيء طرده .. ما عندنا سواقين يعصون
أصحابهم ...!! ..

آنجي بانفعال: لأنه سواقي أنا ...!! .. فطبيعي ما يعصي أوامر صاحبه واللي هي أنا ...!! .. أنا اللي قلت له لا تنطق
بأي كلمه ...!! .. أنا اللي لي سلطه عليه وأنا اللي أعاقبه مو إنتم ...!! ..

عزام بحده: آنجي ...!! ..

وقفت آنجي وكملت: مو قلت لي هذا سواقك وتحت إيدك ...!! .. شفيكم ..؟! .. ليه تتراجعوا عن كلامكم ...!! .. إذا ما
كنتم قد كلمتكم فلا تقولوها من البدايه ...!! ..

وقف عزام وصرخ بوجهها: خلاص سكري فمك ...!! ..

تردد صدى جملته بالمكان وهذأت الأوضاع على نحو مريب ..

حلا لأول مره خافت من شكل ونظرات أبوها ..

حتى ملك حسيت بشيء من الخوف من صوته العالي اللي زلزل المكان حولها ..

ظلت عيون آنجي الشبه خايفه معلقه بعيون أبوها الغاضبه لفته ..


بس لا ... ما بتخلي الأمور تمشي كذا ..

تعودت تصلح اللي تبغاه بدون لا أحد يتدخل أو يسألها ليه تصلح كذا ..

سياسة عدم التدخل الشانعه ببيتهم تربت عليها من طفولتها فيجوا اللحين يملوا أوامرهم عليها ...!!!

لا .. ما بتسمع لهم ..
ففي النهايه أياً كان اللي ببصير فهو غلطهم هم ..
هم اللي علموها إنها تصلح اللي تبغاه بدون لا يسألوا ..
هم اللي عودوها إنهم ما يهتموا بأمورها الشخصيه ..
ما يحق لهم .. أبداً ما يحق لهم يجوا للحين ويفرضوا أوامرهم ..
هزت راسها تقول: أوكي ... أطرده حتى ترضي حبيب قلبك ولدك ..
أشرت على الباب تقول: بس دامه طلع من البيت فأننا كمان راح أطلع ..
وكملت بتحدى: وأتحدى أحد فيكم يوقفني !!..
ولفت على طول متجاهله أبوها اللي صرخ بإسمها بكل غضب ..
لفت ملك وجهها وهي مصدومه من تمرد بنتها اللي هالمره كان قوي بزياده ..
في حين إنكمشت حلا على نفسها خايفه من تصرف أبوها الجاي بعد ما شافته لأول مره بأوج غضبه ..
أما عزام فكانت عيونها الحاده معلقه على الباب اللي خرجت منه آنجي ويده شاد عليها بكل غضب ..


وقفت آنجي بمكانها لما طلع بوجهها كرار وكان شكله توه نازل عشان يتغدى ..
إبتسمت بسخريه وضربت بإيدها على صدره الأيمن تقول: بالبدايه كان إنت ... والحين جهاد !!..
حركت إيدها بقلّة حيله وكملت بنفس نبرة السُخريه: من طفولتنا وللحين إنت كنت الأهم بحياة أمي وأبوي
وإحنا مضروب فينا بعرض الجدار .. والحين جهاد ماخذ كل الاهتمام .. شاف إن ولده حبيبه مشغول فكره علي
فقال لازم أعرف وش وري آنجي حتى أريح إبني حبيبي جهاد ..
أشرت عليه وكملت: شرايك تدخل حرب مع أخوك جهاد .. عندي فضول أعرف مين فيكم محتل الجزء الأكبر
بقلب أبوي وأمي .. آه طبعاً هذا على حسابنا إحنا ..
وبعدھا مرت من جنبه بكل حده وغضب فقال بهدوء: هذا ... إسمه إهتمام ..
وقفت بمكانها ولفت عليه فكمّل من دون لا يلف عليها: إنه يعرف وش وراك .. وإيش نوع المُشكلة اللي إنتي
فيها فهذا إسمه إهتمام ..
شدة على أسنانها لما فهمت قصده وصرخت بحده: لا مو إهتمام فيني أنا !!! هالاهتمام الكبير الجاي من
حضرة الأستاذ عزام هو بس عشان ولده حبيبه مو عشائي أنا .. فبطل تتظاهر بالبلاهة ..
وبعدھا لفت وفتحت باب القسم وصفقته وراها بكل قوه ..
ظل كرار بمكانه شوي بعدها لف وقرر يتغدى بغرفته لأن أكيد الجو داخل غرفة الأكل
جو مشحون لآخر حد ..



جالس بهدوء مع صاحبه على الكراسي اللي بجانب المسجد وعيونه معلقه بالفراغ ..
تنهد وختم كلامه: وعشان كذا .. محتار .. إنت إيش رايك يا وسام !!..
لف وسام عليه يقول: صلح اللي تحس إنه يناسبك ..
هز جهاد راسه بلا يقول: ما أعرف وش اللي يناسبني !! لو تدري بس إني للحضه هذي مو مصدق فراح

[illegible]


جهاد: خلاص والله آسف ..
 تنهد وسام وقال: شفته لما جاء ورحبت فيه أم حور لداخل .. ووقتها سمعت من وحده من أطفال الحاره تقول
 واما هذا اللي جاء قبل كذا وسيارته الكشخه .. يعني قالت جمله مثل كذا .. المهم إن المعنى وواضح إنها ماهي
 مرتة الأولى ..
 زاد تعجب جهاد وطالع بالبيت بعدها قال: عمتي رحبت فيه ..؟! بس أنا أعرفهم من زمان وأعرف كل شخص
 يعرفهم ..! يعني ...
 طاحت عيونه على ثائر وهو يلعب مع الأولاد كوره فمد يده بينادي عليه بس وقف شوي بعدها لف على وسام
 وقال: هيه وسام إسألته عن هالضيف ..
 رفع وسام حاجبه يقول: وللحين منخرج منه ...!!
 جهاد بيانزعاج: لا .. بس وش فايدتك إنت .. إسألته ..
 ضحك وسام غصب عنه ورفع صوته يقول: ثائر تعال ...!!
 ثواني وجاء ثائر ومعه محسن وإثنين من أصحابه ..
 ثائر: ها ..
 وسام: أنا اللحين ناديت ثائر ولا ثائر وأصحابه ..؟!
 محسن: إيه والله معاك حق ..
 لف على اللي معه وقال: روحوا روحوا فيه مُحادثه سريه لثائر ..
 تأففوا وراحوا يكملوا لعب ..
 رفع وسام حاجبه وطالع بمحسن يقول: لا يا شيخ ..
 محسن: شفيك ..؟! أنا وثائر واحد ..
 حط ثائر إيدته على أكتاف محسن يقول: وهو الصادق .. ها وش بغيت ..؟!
 تنهد وسام وقال: ثائر أمس زاركم ضيف صح ..؟!
 ثائر بتعجب: أمس ..؟! لا ..
 عقد جهاد حاجبه فقال وسام: إلا أنا شفته .. عالساعه تسعه تقريباً ..
 محسن: أووه ثائر وقتها إنت كنت عندي ..
 ثائر: إيه صح كنت عند محسن نلح أقصد نذاكر ..
 بعدها كمل بتعجب: يعني جانا أمس ضيف ..؟!
 تنهد وسام وهمس: ما منك فايده ..
 ثائر: يمكن يكون عمي أبو ج...
 وقف عن الكلام وطالع بجهاد .. ثواني وأشاح بنظره لما طاحت عينه بعين جهاد وكمل بتوتر: يعني الإمام ...
 بعض الأحيان يجي يسأل أُمي عن إحتياجاتها وكذا ..
 وسام: إحلف ..؟! ويعني لو كان الإمام فراح أسألك إنت وخشتك ...!!
 ثائر بيانزعاج: تدري .. الشرهه عليّ أجي أجابوك ..
 وسام: لا حبيبي الشرهه عليّ أنا إني سألت دلخ مثلك ..
 ثائر بيانزعاج: روح موت ..
 ولف فقال محسن: إيه روح موت ..
 وراح مع ثائر فتنهد وسام وقال: ما منهم فايده ..
 إبتسم وطالع بجهاد يقول: حتى أخوك أشد منك بالخجل .. شفت كيف لف بعيونه على طول ..
 جهاد بيانزعاج: قلت لك مو منخرج ..
 تنهد وكمل: بس ياخي ... مدري ليه موضوع هالضيف بدأ يقلقني ..
 وسام: بالنهايه يمكن يكون له علاقه بشغل مثلاً أم حور أو أيا كان .. أكيد من معارفهم والسبب هو ترحيبها
 له ..
 جهاد: فعلاً معاك حق ..
 تنهد ووقف فقال وسام: على وين ..؟!
 جهاد: البيت بذاكر شوي .. عشان المغروب بروح لعند أهلي .. ودي أتعشى اليوم عندهم ..
 وسام: ماشي خلني أنا كمان أذاكر لإمتحان بكره ..
 وبعدها راح كل واحد لطريق بيته ..



منسوح بهدوء على سريريه ومغطي عيونه بساعد يده اليمنى ..
سرحان ولا هو يم الواقع أبد ..
تفكيره كله
بمشعل ..
وكلام مشعل ..
وقرابة مشعل ..
وكل شيء يتعلق بمشعل ..
الموضوع كان صادم له وبشكل قوي ..
طول يوم أمس ما كان مصدق .. لكنه اليوم خلاص إستوعب الموضوع ..
وصدقه ..
ومن وقتها وهو في حالتها سرحان .. وصمت مهيب ..
غيرت الممرضه له كيس المغذي وهي كل شوي ترمي نظره له ..
شايقه جزء من عيونه ومفتوحه .. من دخلت ما حرك ولا شيء من جسمه ..
بدأ يجيها شعور إنه يكون ميت ..
خلصت تغيير المغذي بعدها طلعت وقفلت الباب وراها ..
خمس دقائق بس مرت حتى دخلت ممرضه ثانيه وقربت منه ..
حاولت تلاحظ عيونه حتى تعرف إن كان صاحي ولا نايم ولما شافتها مفتحه مدت إيدها لكتفه ودقته بهدوء ..
شال إيده عن عيونه وطالعها ..
لقت على الباب بتوتر بعدها طالعت فيه ..
طلعت من كم جيبيها ورقه ملفوفه وقدمتها له ..
عقد حاجبه مستغرب منها .. مو عارف وش هرجتها ..
أخذ الورقه منها وفتحها ..
إتسعت عيونه من الدهشه وهو يقرأها ..
* حسام أنا خالك ، حالياً أنا بمكان قريب من غرفتك ، إذا تبغى تهرب فأرسل لي رساله مع الممرضه ووقتها
خل كل شيء عليّ ، راح أطلعك ، ،
لكن ، إن كنت خلاص نويت تستسلم فلا ترسل لي أي رساله ، وبما إن خالك فراح أنصحك نصيحه ، إستسلم يا
حسام ، لساتك صغير والعمر قدامك ، عقوبتك راح تكون مخففه ويمكن حتى ما تتعاقب ، بلّغ وقول كل اللي
تعرفه ، حسام بلّغ عني كمان وحط كل شيء على راسي حتى يطلعوك ، قول إني أنا أجبرتكم وأنا اللي عودتك ع
هالطريق ، حتى لو ما قدرت تطلع نفسك من تهمة قتل حميدان فأشهد ضدي بياني أنا اللي قتلته ، حسام أي
شيء ضدك إقلبه عليّ حتى تطلع وترجع تعيش مع مايا وإخوانك من أبوك ، وأما عني أنا ، فراح أظل هارب ،
لو مسكوني فخلاص ما راح أقاوم ولو ما مسكوني فراح أظل كذا ، لكن بإذن الله أجي أزورك لما تطلع من
السجن ونجلس جلسه أخيره مع بعض ،
أسف حسام ، أنا هو السبب في كل المشاكل اللي تصير معك ، أنا ربيتك غلط وزرعت فيك كل الخصال
السيئه ، هذه فرصه ، إغتنمها وإعترف وإبدأ حياة جديده ، وأنا خلني شماعه أخطائك ، فأصلاً أنا مليون قضايا
تدخلني السجن مدى الحياة فزيادة تهمة أو تهمة ما بتغير من الموضوع شيء ، حسام هذه نصيحتي ، فأتمنى
تمشي عليها والقرار الأخير لك *
لانت ملامح حسام وهو يقرأ كلام خاله هو وخطه الغبي ..


إشتاق له .. إشتاق له كثير ..
والكلام هذا اللي كتبه أثر فيه كثير ..
مهما أخطأ خاله بحقه ... فهو من أغلى الناس على قلبه ..
غمض عيونه وأخذ له نفس عميق والمُمرضة تطلعه بتوتر وهي كل شوي تلف على الباب خافه يدخل واحد
من الضباط ..
لولا إن المبلغ الخيالي اللي إندفع لها لكانت ما خاطرت بهالمُخاطره ..

كان جواد جالس بهدوء تام على كراسي المُراجعين اللي بآخر الممر ومن مكانه يقدر يشوف الضابطين
الواقفين قدام غرفة حُسام واللي تبعد عنه فوق العشرين متر ..
يطالع بالغرفة بهدوء تام ينتظر جواب حُسام له ..
هو ... يتمنى إنه يرفض .. ويستمتع لنصيحته ..
هذا هو الشيء اللي يتمناه ..
بس كمان .. بداخله شيء يتمنى إن حُسام يختار الهروب ..
هالولد ... صار شيء مُهم من عيلته .. ما يتخيل نفسه بدونه ..
تعود عليه كثير فإذا إختار حُسام الإستسلام فخلاص وعشان مصلحته راح يطلع من حياته ..
تنهد ورجع لعقليته .. يتمنى فعلاً المُمرضة ما تحبيه تعطيه رساله ..
لأن هذا يعني إن حُسام إختار الهروب وهذا الشيء ... مو بمصلحته أبداً ..
خلاص هو مرتاح اللحين بعد ما خبره حُسام عن يحيى وبنان وذيك العيله ..
راح يهتموا فيه .. ويحسنوا تربيته أكثر منه ..
راح يبدأ بدايه جديده كولد طبيعي يعيش حياته بشكل طبيعي بين الناس ..
ضاقت عيونه لما شاف المُمرضة طلعت وبدأت تقدم منه بشكل طبيعي قد ما تقدر ..
وقفت قدامه فطالعها بهدوء بينما شيء من أعماق قلبه كان متلهف لرد حُسام الإيجابي في الهروب ..
هزت المُمرضة راسها تقول: مافي ..
لهفته الصغيره ذي تلاشت ..
طلع محفضته بهدوء وسلم لها بقية المبلغ فأخذته وبعدت عنه قد ما تقدر ..
أخذ له نفس عميق وهمس: معناته لهذا وصلنا يا حُسام ..
طالع بالغرفة وكمل بابتسامه باهته: الله يسعدك بحياتك ويبعد عنك كل أولاد الحرام ..
لف بهدوء وإتجه للمصعد ... مُغادر بدون رجعه ..



دخلت لغرفة النوم وجلست على السرير وهي تكمل كلامها: فعشان كذا أول مكان يدوروا فيه هو عندك .. ومثل
ما قلت لك أبداً لا توضحين لهم إني هنا ..
تنهدت وقالت: أما من جدك يا آنجي هاربه من البيت ..؟!
آنجي وهي تطلع جوالها من شنطتها: ما بكرر كلامي مره ثانيه .. المهم ديلي ..


طالعتها وكملت: جيبني لي شيء أكله .. جوعانه ..
ديلي: أوكي ..
لفت بتطلع إلا جوالها يدق .. طالعت بالرقم بعدها لفت على أنجي تقول: أمك ..
أنجي: مثل ما كنت متوقعه .. ردي عليها وأبدأ مهما كان نوع الكلام اللي تقوله لا تعلميها إني هنا ..
لفت ديلي وطلعت برى الغرفة تكلم ..
رجعت أنجي تدقق بجوالها اللي من طلعت من البيت وهي حاضته على وضعية الطيران حتى لا يزعجوها
بالإتصالات ..
حطت الجوال جنبها وإنسدحت على السرير تأخذ لها نفس عميق ..
مهما كان .. فهي للحين شايله هم اللي بيصير بعدين ..
الى متى بتظل هنا ..؟! أهله ردة فعلهم بتزداد قسوه ولا بيلينوا معها ..؟!
والسواق وش أخباره ..؟! لا يكون فعلاً وخلاص صار بديرته ..؟!
توها لما طلعت من البيت ما لقبت سيارته وعشان كذا جت مع سواق ثاني ..
وبما إنها ما تتق غير بسواقها فهي طلبت من هذا يوقف السياره بعيد ونزلت وبعدها إتصلت بديلي تجي تاخذها
.. حتى لا يحفظ السواق طريق البيت ويعلم أبوها لما يضغط عليه ..
على العموم تتمنى إن أبوها كان يبالغ وإنه ما طرد السواق ..
من دون هالسواق ما راح تقدر تأخذ إنتقامها ..!
شدت على أسنانها وهمست: كله منك يا جهادوه !!!
شوي دخلت ديلي تقول: كلمتها وبالقوه إقتنعت .. شكلها إتصلت وهي متأكده إنك هنا ..
أنجي: المهم إقتنيها إني مو هنا وخلاص .. ديلي وين الأكل ..؟!
ديلي: طلبت لك من المطعم اللي قريب منا .. إنتظري دقايق بس ..
غمضت أنجي عيونها تقول: أوكي ..
ظلت ديلي تطالعها بعدها جلست على السرير وسألت: أنجي يعني ما بتعلميني إيش الموضوع ..؟!
هزت أنجي راسها بلا تقول: سوري ديلي .. ما أقدر ..
تنهدت ديلي تقول: مثل ما تبغي ..
فتحت أنجي عيونها ولفت عاليها تقول: ذيك الهديه .. من مين ..؟!
لفت ديلي بعدها قالت: آه .. هذه هديه من واحد تعرفت عليه بالسوق .. إشتري لي تيشيرت في أزل لقاء ومن
وقتها للحين وإحنا إتصالات .. يمن أقابله مره ثانيه بكره بالمول ..
أنجي: آها ..
ديلي: وإنتي أنجي ..! من زمان ما تعرفتي لك على واحد تطقطني عليه ..
رجعت أنجي تغمض عيونها وتقول: إيه إنشغلت بأمور كثيره ..
سكنت شوي بعدها قالت: ديلي سوري بس تقدرني تطفى اللمبه وتصحيني بعد ساعه أكل ..؟! ودي آخذ لي
غفوه ..
ديلي: أوكي مثل ما إنتي حابه .. تصبحي على خير ..
طففت اللمبه وقفلت الباب وراها لما طلعت ..



الساعة سبعة بعد المغرب ..
وقفت عن التنضيف شوي ورجعت لسرحانها مره ثانيه ..
تنهدت وقالت: ترف ياللا خلىنا نخلص ...!!
طالعتها ترف بعدها رجعت تكمل تنضيف شقة يحيى من الأتربة وغيرها وفكرها للحين مشغول بكلام المهكر
النذل ذاك ..
وقفت عن مسح مكتبة الصاله شوي بعدها همست: يعني أروح وأشوف وش موضوعه وأخلص ..؟!
ما عرفت ... تحس إنها مخاطره بس خلاص ما عاد تقدر تتحملة أكثر وتبغى بس تشوفه وتطلع كل اللي
بصدرها فيه ..
إنزعجت وقالت: ترف ياللا ...!! نبغى نخلص قبل الساعة ثمانية ...!
طالعت الأم بينتها تقول: بنان خليها على راحتها ..
طالعت بنان بأمها تقول: يمه نبغى نخلص .. أنا وراي شغل أهتم فيه ..! بنتك ذي تنصف دقيقه وتوقف عشر ..
الأم: البيت مافيه وسخ كثير .. بيمدنا نخلص أنا وإنتي بدري ..
ميلت بنان شفتها بعدم رضى بعدها تنهدت مستسلمه وكملت تنضيف ..
ضاقت عيون ترف بهدوء وهمست بداخلها: "بأوافق .. بأقبله مثل ما هو يبغى لكن بحاول أغير المكان بما إنه
دايم يطلب نتقابل بإستراحه" ..
أخذت لها نفس عميق تحاول تخفف فيه التوتر اللي صابها من مجرد التفكير في مقابلته ..
خلاص .. هي ترف اللي ما تخاف من أحد وتصلح كل اللي هي تبغاه وتشوفه صح ..
ما بتخاف منه .. بتحط حد لتصرفاته المزعجه هذه ..
لفت بعدها على بنان حتى تغير تفكيرها وسألت: ضحى هذه .. لهالدرجه إنتي متأكده إنها ما بترفض ..؟!
طالعتها بنان بعدها قالت: كان الخوف هو أبوها .. بس دامه موافق فأتحدى إن كانت ضحى بترفض ..
ترف: ومين لك كل هالثقه ..؟! يمكن ترفض ..
بنان: هههههههه تدري ترف .. لو رفض فانا مستعده أحلق لي شعري للآخر ..
ترف بدهشه: للدرجه ذي ...!! طيب وش سبب هالثقه خلىنا نثق معك ..
بنان: بعدين لما تكون زوجة أخوك إسألها وهي راح تجاوبك لو حبت ..
رفعت ترف حاجبها وكملت تمسح وهي مستغربه من هالثقه الزايدة ..
عندها فضول تعرف سببها ..
تركت المنشفه وقالت: نازله تحت أشرب لي بيبسي وجايه ..
بنان: لا وين .. بعدين لما نخلص ..
ترف: من زمان أبغى أشرب وتقولي لي بعدين ... هالبعدين ما خلس ..

سحبت عباتها وليستها على السريع وطلعت من الشقه ..
نزلت من المصعد ولما إتجهت لبيتهم سمعت صوت جارتها تقول: ترف تعالي ..
لفت ترف فشافت جارتهم عند بابها تأشر لها ..
تأففت ترف بداخلها .. هالجاره فضوليه بشكل يقتل ..
راحت لها تقول: نعم ..
الجاره: إنتم ... وش تسوون فوق ..؟! تنضفون صح ..؟! ليه بيتزوج يحيى ..؟!
تنهدت ترف وقالت: مدري .. يمكن ..
الاره: وه ألف مبروك إن شاء الله .. وأخيراً هالعزابي بيتزوج ...!! توقعت بيظل كذا طول عمره ..
رفعت ترف حاجبها بعدها قالت: ياللا أنا رايعه ..
الجاره: طيب لحضه .. وبنان ..؟!
عقدت ترف حاجبها فقالت الجاره: وبنان متى تتزوج ..؟! عمرها صك الست والعشرين سنه ..
مطت ترف شفتها وفعلاً بدأت تنزعج من أسئلتها ..
إبتسمت وردت: يا عمه إنتي متى تموتين ..؟!
إنصدمت الجاره من سؤالها فقالت ترف: ما تعرفي الإجابة صح ..؟! لأنه بعلم الغيب صح ..؟! الموضوع نفسه
بالنسبه للزواج .. ياللا مع السلامه ..
وراحت لشقتها .. ميلت الجاره شفتها تقول: شفيتها ذي الوقحه .. كان سؤال طبيعي ..
فتحت ترف الباب تقول: والحرمة ذي كل ما شافتني تسألني متى فلان يتزوج ومتى علان يخطب ..! وش
حشرها ذي ..؟!
فتحت باب الثلاثجه وأخذت لها علبتين ..

وحده لها ووحده لبنان .. أما أمها فتعرف إنها ما تحب تشربه ..
فتحت باب البيت فوقفت مصدومه من الشاب الغريب اللي كان واقف يطالع بشقتهم ..
لما شافها لف وجهه وإتجهه للمصعد على طول ..
ظَلَّت تراقبه بعدها همست: هذا الشخص ... أنا قد شفته بس وين ..؟!
لفت وإتجهت للدرج تطلع لفوق لأن الشاب دخل المصعد وما فيها حيل تنتظره ..
فتحت باب شقة أخوها ودخلت ..
حطت بببسي عالطاولة تقول: بنان أشفقت عليك وجبت لك واحد ..
بنان من داخل غرفة النوم: ما أحتاج شفقتك حبيبتي ..
جلست ترف وفتحت علبتها ولما كانت بتشرب إتسعت عيونها من الصدمة وهي تهمس: تذكرته ..!
تركت علبتها ودخلت وحده من الغرف ةطالعت من الشباك لجهة السيارات ..
لفت بعيونها تدوره بعدها همست: إيه يشبهه .. يشبه ذاك الشاب اللي باندنوسيا .. اللي خالي ساز إعتدى على
أخته المريضه ..!
ظلت عيونها تدور بين السيارات بعدها قالت: بس يعني مُستحيل .. إيش اللي يجيبه هنا ..؟!
إبتسمت لا إيرادياً لما تذكرت أخوه مؤيد ..
قفلت الشباك تقول: مُستحيل يكون هو .. يعني وش يجيبه من إندنوسيا لعندنا !!! وغير كذا هو خليجي ..
سكتت شوي بعدها كملت: يمكن جاي يكلم يحيى عن نفس موضوع ساز ..! لا وين .. الموضوع إنتهى تماماً
..
لفت ورجعت الصالة وتجاهلت التفكير فيه ..
شافته بس كلمحه فعشان كذا إحتمال إنه شبه كبير جداً ..



الساعة سبعة ونص المغرب ..
جالس بهدوء بسيارته على جانب الطريق يطالع بالقصر بهدوء تام ..
له فوق الثلاث ساعات وهو هنا .. ينتظره ..
في النهاية ما كان له حل غير يتبع نصيحة كِرار له ..
بأنه يتكلم مع ملك بوجود ذاك الأخ جهاد ..
واليوم هي فرصته الوحيد اللي بيقدر يدخل فيها القصر بدون لا يمنعه .. وما راح يدخل غير لما يتأكد إن
جهاد موجود ..
وهذا هو اللحين له ثلاث ساعات ينتظره ..
بالبداهه سأل الحارس وقال له إن جهاد مو موجود فعشان كذا بدأ ينتظر .. شايل هم إنه ما يجي اليوم ..
لو ما جاء وش ببسوي ..؟!
بذي الحاله يمكن يرجع ويجي بُكره مع إن مواعده المفروض يكون اليوم ..
غمض عيونيه بس رجع يفتحها .. يخاف يغفي بدون لا يحس وما يدري عن جهاد إن كان جاء ولا لسي ..
دقيقه .. خمس .. عشر ..
مرت ساعه ثانيه والوضع نفس ما هو عليه ..
إعتدل بجلسته اللي كُل شوي يغيرها بعدها عقد حاجبه لما شاف أنوار سياره جايه ..
إبتسم لا إيرادياً لما شافه هو نفسه جهاد يدخل بسيارته من البوابه ..
وأخيراً ..
راح ينتظر شوي بعدها يدخل ..

لف جهاد بالمكان بس ما شاف أحد ..
لا أمه ولا واحد من إخوانه ..
طلع لفوق ودق على باب غرفة كِرار لأنه أكيد بغرفته وهذا واضح من برودة المكيف اللي طالعه من تحت الباب

بس ما رد عليه .. خمس دقائق مرت فعرف جهاد إنه أبد ما بيرد عليه ..
خرج وراح لغرفة آنجي فشافها مفتوحة وفاضيه ..
راح كمان لغرفة أمه وما لقي أحد ..
غريبه .. وين إختفوا ؟!
طالع لجهة جناح أسامه لفتره بس تجاهل الأمر ولا راح له ..
تذكر حلا .. راح لغرفتها وشافها كمان فاضيه ..
طلع جواله ودق على أمه ..
سألها لما ردت: يمه أنا بالبيت وما لقيت أحد .. وينكم ؟!
تنهد لما جاوبته وبعدها نزل من الدرج وراح لجهة الصاله الرياضيه ..
دخل فشاف أمه جالسه بهدوء على كرسي خشبي وسرحانه ..
راح لها وباسها على راسها يقول: مساء الخير يمه ..
طالعه فابتسمت تقول: هلا حبيبي ..
جلس على الكرسي اللي جنبها وسأل: غريبه جالسه لوحده هنا ؟! وين البقيه ؟! كِرار بغرفته بس آنجي وحلا وين ؟!
ملك: حلا تلقاها بمكان هنا ولا هناك .. أما آنجي ..
تنهدت وكملت: عصبت وطلعت من البيت ..
عقد جهاد حاجبه يقول بدهشه: طلعت !!! ليه ؟!
ملك: تناقشت نقاش حاد مع أبوها وطلعت .. أكيد هي اللحين بيت وحده من صاحباتها .. جوالها مقفلته وكل صاحباتها يقولوا ماهي عندنا ..
جهاد: لا حول ولا قوة إلا بالله .. طيب وش سبب هالنقاش ؟!
ملك: أبوها طرد سواقها فعصبت وقالت مالكم حق وهذا سواقي وأنا اللي يحق لي أطرده مو إنتم ..
ظل جهاد يطالعها شوي بعدها تنهد وقال: آها .. وأكيد جابت سيرتي بهواشها صح ؟!
ما ردت عليه فقال: ما عليك .. شوي وبترضي وراح ترجع ..
ملك: شكلك ما تعرف أختك عنيده قد إيش ..
طالعها جهاد يقول: براسلها بالواتس .. وبأحاول أقنعها ..
ملك: أقولك جوالها مقفلته من وقت ما طلعت ..
جهاد: هالأيام الواحد صعب يتخلى عن جواله يا أمي .. تلاقيها حاطته طيران أو حاطه لأراقمكم حظر ..
مُستحيل تخليه مقفل ..
عقدت ملك حاجبها وبعد شوي دخلت حلا عندهم تقول بحماس: ماما ماما ..
طالعتها ملك تقول: شفيك ؟!
أشرت حلا عالباب تقول: قصي .. يبغى يشوفك ..
عقدت حاجبها في حين سأل جهاد: مين قصي ؟!
حلا: العامل السعودي اللي طردته ماما الأسبوع اللي راح ..
جهادك وإيش يبغى من أمي ؟!
حلا: جاء اليوم يأخذ بقية راتبه وكذا بس رفض يأخذ الراتب وقال أبغى بس أتكلم شوي مع ماما ..
ملك: ما يبغى يأخذ الراتب فهذه مُشكلته .. ما راح أقابل أحد ..
حلا بتعجب: ليه ماما ؟! هو قال بس خمس دقائق ..
جهاد: يمكن يا أمي مو راضي عن الراتب أو شيء من هالنوع ..
ملك: يحمد ربه إنني عطيته مبلغ .. المطرود المفروض ما ينعطى أي راتب ..
تنهد جهاد وقال: طيب أمي كم ألف من فلوسكم ما بتنقص منها شيء .. طيب خذي من البنك من عندي ..

طالعه ملك شوي بعدها لفت على حلا وقالت: إسألني كم ينبغي..؟! هزت حلا راسها وراحت في حين عقد جهاد حاجبه يقول: معناته حلا كانت برى بالحوش...!! الجو رطوبه فيف تحملت وغير كذا يعني ليل .. تذكر إنه مليون الحوش خدم وسواقين فلف على أمه يقول: يمه لا عاد تخليها تطلع بدون لا يكون معها واحد كبير .. وخصوصاً بالليل .. هذا خطر .. ملك: خطر من إيش .. هذا حوشنا مو شارع .. جهاد: برضوا .. الحوش مليون رجال أجانب .. كيف تضمني إن بنتك ما بيصيبها شيء .. هزت ملك راسها تقول: إن شاء الله .. شوي دخلت حلا وملامح الحيره على وجهها .. طالعت بأمها شوي بعدها قالت: ماما يقول هو ما ينبغي فلوس يبيغك تطلعي أبوه من السجن .. أبوه اللي إنتي دخلتيه ظلم .. إتسعت عيون ملك من الصدمه في حين عقد جهاد حاجبه يقول: وش هالكلام الغريب .. لف على أمه ببسألها بس بطل لما شاف الصدمه على ملامحها .. وقفت الأم وقالت: حلا خلاص إطلعي غرفتك .. جهاد خلك هنا .. وبعدها إتجهت للباب اللي دخلت منه حلا فقام جهاد يقول: حلا ياللا مثل ما قالت أمك .. روعي لغرفتك .. وبعدها لحق بأمه وحلا تطالعهم بهدوء .. خرجت ملك من الصاله الرياضيه وراحت لمدخل الباب الجانبي للبيت وشافته واقف هناك بهدوء .. أشرت على الباب يقول: إطلع برى .. لف قصي عليها لما سمع صوتها فقالت: إنت جاي هنا وش تسوي بالضبط..؟! إطلع برى .. طالعه قصي لفتريه وهمس بداخل نفسها: "قالت لي حلا إن جهاد معها .. وينه" .. ملك بحدته: قلت برى ...!! جاء جهاد وبعدها قال بدهشه: يا يمه ما يصير كذا ...!! ترى هالرجال بعمرى أو أكبر ...!! إندهشت ملك لأنه لحقها وفهمت من كلامه إنه يقصد إنها لازم تتغطى منه .. تجاهلته تقول: جهاد قلت لك خلك هناك ...!! إرجع ياللا .. شدت جهاد على أسنانه بعدم رضى بعدها طالع بقصي يقول: علاقل غرض بصرى .. لف قصي نظره على جنب فلف جهاد على أمه وهمس: يمه والله حرام كذا .. ملك بحدته: جهاد إدخل لداخل ...!! طالعه جهاد شوي بعدها لف بيدخل بس وقفه صوت قصي: لا جهاد خلك هنا .. إستغرب جهاد ولف عليه فقالت ملك بحدته: قصي إكتم نفسك ومالك شغل بأولادي .. لف قصي وطالع بجهاد يقول: ساعدين شوي .. قول لأمك تطلع أبوي من السجن .. أبوي صح غلط بس هي سجنته لغلطه هو ما إرتكبها ...!! ما يرضيك الظلم صح ...!! ملك بحدته: قصي ...!! شدت على أسنانه وطلعت جوالها تقول: أنا أعرف كيف أطلعت من هنا .. مسك جهاد جوال أمه يقول بهدوء: يمه بس دقيقه .. طالعه ملك بدهشه تقول: جهاد هذا مُفتري ..! جالس يكذب فلا تصدقه .. جهاد: طيب يمه لو كان يكذب فعادي لا تخافي .. أنا بس أبغى أسمع وش عنده ...!! ملك بحدته: جهاد قلت اللي عندي وخلاص ...!! روح لداخل ولا تتدخل بهالأشياء ...!! جهاد ولأول مره خاطب أمه بحدته: يمه تكفين خليني أسمع ..!! طالعه أمه بهدوء في حين لف جهاد وجهه وهو مشنت .. لو دخل اللحين وتركهم مثل ما أمه أمرته فراح يظل طول وقته يشك بأمه وبيانها فعلت تسببت بسجن أحد ظلم .. أمه قالت إنه كذاب .. طيب خلاص هو بيسمعه حتى هو كمان يتأكد من هالشيء .. حتى يبين لهالشباب إنه جالس يفترى على أمه بكلام مافيه أي شيء من الصحه ...!! لأنها أمه وهي المفروض تكون صادقه .. أمه ... على الرغم من تفتحها الزايد إلا إنها أكيد إنسانه راعه .. طاهره .. طيبه .. ما توصل إنها تظلم أحد كذا ...!! لف على قصي وقال بحدته: والله العظيم لو طلعت كذاب فراح أخليك تندم .. لأنك تتهتم إمي ... سامعني..؟! هز قصي راسه بالإيجاب فظل جهاد يطالعه شوي بعدها قال: قول اللي عندك .. قصي: أبوي كان موصف بشركة أمك .. اللي كانت زمان يديرها خالك .. بسبب غلطه صارت زمان أمك صارت تبغى تتخلص من أبوي اللي بيشكل تهديد لحايتها فطلبت من أخوها يتصرف .. دبروا لأبوي وقتها

قضية إحتيال وإتهموا بالسرقه .. والمبلغ اللي إتهموه فيه كبير جداً ما بيقدر أبوي يدبره حتى لو إشتغل طول حياته .. فانسجن ..

جهد: والدليل ..؟! عطني دليل يدل إن كلامك هذا صح ..؟!

لف قُصي وجهه فقالت ملك: شايف كيف إن حبل الكذب قصير ...؟! لو جيت منالبيديه وطلبت نساعدك بالمبلغ حتى نطلع أبوك من السجن مو كان أفضل ...!!

لف قُصي عليها بحدده بس تذكر كلام جهاد و غُض بصره وهو يقول: أنا ما أكذب .. كل الموضوع هو إني دورت هالدليل بس ما لقيتنه .. مرتين تسللت لغرفتك وبحثت بالأوراق بس ما لقيتنه أبداً ومع هذا ما إستسلمت .. لكن بالنهايه ما لقيت قدامي أي حل بعد ما خبرني كِرار إن حرقتيها ...! ما لقيت قدامي غير إني ... قاطعته ملك بص أمه تقول: لحضه لحض وش هالكلام الملبط اللي جالس تقوله ...؟! تسللت لجناحي مرتين ...!!! وإيش بعيدن دخل كِرار بالموضوع ...؟!

قُصي بهدوء: أنا ما جيت من البدايه أشتغل هنا إلا عشان أطلع أبوي من السجن .. أمي ما جت ترجتك تشغليني إلا عشان كذا على الرغم من إنها للحين زعلانه من أبوي .. تسللت وفتشت في كل مكان .. بس ما لقيت أثر .. دايماً أسمع إن اللي يخطي ويدبر لأحد قضية لابد من إنه يحتفظ بالمستندات الأصلية معه .. حركة غريزيه لمُعظم البشر ...! بس كِرار كشفني في آخر مره .. وعلمني إن الأوراق خلاص إحترقت ...! ضاقت عيون ملك تقول في نفسها: "وكِرار وش اللي يدريه عن هالموضوع ...!!! و وكمان أنا ما حرقنا الأوراق أبداً" ..

طالع جهاد في وجه أمه لفتره بعدها سأله: يمه فيه من جد أوراق مثل ما يقول ...؟!

ملك: لا .. قلت لك هذا يكذب ...!!!

طالع قُصي بجهاد يقول: إنت إهتمت لموضوع الدليل ولا حتى سألتني وش السبب اللي يخلي أمك تبغى تتخلص من أبوي ...!!! قلت لك صارت غلطه بس ما سألتني وش هي ...!!!

إنصدمت ملك وقالت: وشو بعد ...!!! وش نوع كذبتك الجديده ...!!! قُصي لو سمحت إا تبغى تطلع أبوك فإختار الطريق الصح وهو طلب المساعدة مو تعمل كل هالتمثيليه بس عشان تطلعه ...!!!

لفت على جهاد تقول: بتسمع له ...؟! للحين كل اللي قاله أكاذيب وهذا واضح بما إنه ما عنده أدله تدعم كلامه ...!!! جهاد راضي تسمع له يتكلم على أمك ولا توقفه ...؟!

طالعه جهاد بعدها طالع بقُصي ..

شوي لف عليها من جديد يقول: يمه هو ... قال كِرار ..

عقدت حاجبها فقال: لو كان بيكذب ... كان ما دُخل كِرار بكذبتنه لأننا لو سألنا كِرار فراح تكتشف كذبتنه صح يمه ...؟!

ملك: لا يا حبيبي .. هو من بينهم كُلهم ما إختار إلا كِرار لأنه عارف إ كِرار مهما سألتنه ما راح يجاوبك .. جهاد: صح كِرار دوم يطنش وما يجاوب على الأسئلة بس هذا ما يعني إنه يسمع إن أحد إستخدمه بكذبه ضد

أمه ويسكت ...! ما يوصل لهالدرجه ...!!!

ملك: جهاد ... إنت للحين ما فهمت كِرار ..

جهاد: إنتم اللي للحين ما حاولتم تفهمونه ..

لف على قُصي وسأل: وهذه الغلطه .. وش كانت ...؟!

هزت ملك راسها بصدمه ولفت على قُصي تقول: قُصي بطل كذب وروح لأمك وخواته ... هم محتاجينك كثير .. إبتسم قُصي بهدوء بعد ما فهم التهديد الموجود خلف كلماتها ذي ..

لكنه .. ما جاء هنا عشان يخاف ويتراجع ..

طالع بجهاد وقال: أبوي قبل ١٢ سنه لما كان يشتغل بالشركه ... كان وقتها شاب توه متزوج وأكبر أولاده هو أنا بعمر ثمان سنوات تقريباً أبوي وما أقولها كمدح لكنه كان يملك ملامح وسيمه وأسلوب جذاب ..

وطبيعي .. أغلب الشباب اللي مثله لابد من إنهم يملكون حركات نصف كم وإنت تفهمني .. بس ما كان يتعدى مراحل رمي كلمات غزليه أبداً .. حتى إنه ما توصل لدرجة يكلم وحده بالتلفون ويرجع السبب يمكن لأنه متزوج .. ويوم قابل ملك بالصدفه وهو يستلم أوراق لأخوها بالمكتب ..

سكت قُصي وكأنه خايف من ردة فعل جهاد في حسن كانت ملك شاده على أُناتها بعدها قالت: وشو ...؟! تفكر بكذبه ...!!! قُصي أنصحك تتراجع .. قُصي خلك عاقل و...

قاطعها قُصي بهدوء: ومن بعدها صارت تحوم حول أبوي ..

إندهش جهاد فكمل قُصي: كانت تجيه لمكتبه بحجة تعطيه بعض لأوامر .. صارت بشكل شبه يويم تجي للشركه بس عشان تسولف معه شوي ... وأبوي للأسف كان معطيها وجه ..

ملك بحدده: قُصي ...!!!

سكت قُصي شوي فظل جهاد يطالعه بعدها قال بهدوء: كمل ..

قُصي: وبيوم .. كانت فيه حفله بذكرى مرور عشر سنوات على إفتتاح سلسله هالشركات ... أ ... أمك وقتها .. ومثل ما قال أبوي إنها خلاص ... إنعجبت بشخصيته بشكل كبير ... وقد حصل أكثر من مره حاولت تراوده عن نفسه .. وبذاك اليوم حققت مرادها وراودته عن نفسه ..

إتسعت عيون جهاد من الصدمه بحاول قُصي قد ما يقدر ما يحط عينه بعين جهاد المصدومه .. كمل بهدوء: أبوي غلط ... بس هالغلطه ما كانت راح تصير لو يعني ... ما كانت هي ... يعني لو ما حاولت هي تخليه يغلط ندم كثير .. ندم لدرجة راح لأمي وإعترف لها ومن يومها أُمي رافضه تكلمه مع إنها للحين تحبه وما دخلتني لهنأ اشتغل إلا عشان أطلعه من السجن ... أمك ... خافت يفضحها ... أو يطالب بـ بـ في..

تردد كثير بس كمل: فعشان كذا قررت تبعد عن حياتها فأخوها تكفل بسجن أبوي بتهمه هو .. ما سواها أبد .. ظلت عيون جهاد المصدومه معلقه فيه بينما ملك لافه وجهها للجهه الثانيه ولأول مره حاسه بضعف شديد ..

هالكلام ... ما كانت تبغى ولدها يسمعه أبد ..

والمُشكله الثانيه إنه يقول بان كرار قاله إن الأوراق إحترقت ..

وهذا يعني إن حتى ولدها الثاني عارف بالموضوع ..

هي تحس بإحراج كبير قدام أولادها ..

إحراج وضعف ما توقعت راح تحس فيه أبد !!!..

دقايق مريت قبل لا يسأل جهاد بهدوء: يطالب بإيش ..؟! إنت ما كملت جملتك ... كانت خايفه من أبوك ليش ..؟! بلع قُصي ريقه شوي بعدها قال بهدوء: كانت خايفه يجي يعدين ... يطالب بحضانه بنته بنته حلا ..

إنصعق جهاد من جملته الأخيره ذي ولف بسرعه ناحيه أمه بعدم تصديق ..

تقدم منها يقول بصدمه: يمه !!! يمه !!!..

لفت وجهها عنه وهي عارفه إنه يطالب بنفسير أو حتى إعتراض أو أي شيء ..

بس خلاص ... ما عاد تقدر تكذب أكثر ..

ما عاد عندها شيء تقدر تقوله ..

لفت ودخلت لداخل فتقدم خطوه وراها بس وقف وهو خلاص ..

جته صدمات تخليه يوقف بمكانه بدون أي حركه ..

لف على قُصي وظل يطالعه لفتره ..

تقدم منه ومسكه من ياقة ثوبه يقول: هالكلام صح ولا لا...!! تكلم !!!..

قُصي بهدوء: وإيش مصلحتي بالكذب !!!.. تقدر تتأكد بنفسك ... وسكوت أمك ... دليل واضح ..

هز جهاد راسه بلا وعيونه المصدومه بدأت تشتت نظرها بوجه قُصي تدور أدني دليل يدل على عدم جديته أو كذبه ..

بس ... ما كان فيه ..

أبد ..

تركه بهدوء فظل قُصي يطالعه لفتره بعدها قال: آسف .. ما كنت أبغى أفضح هالموضوع قدامك .. بس أبوي .. له ١٢ سنه مسجون عشان قضيه هو ما سواها .. كنت أبغى أطلعه .. لا تلومني .. كل واحد يحب أهله أكثر من


أي شيء .. ونبغاه يرجع لنا .. لببته .. ولخواتي اللي فقدوه بسن صغيره جداً ..

قعد واقف بمكانه لفتره بعدها لف وخرج من الباب وهو حالياً ...

تارك الموضوع كله لجهاد .. راح يثق بكلام كرار ويخلي جهاد هو اللي يتصرف ..

لأنه خلاص .. ما عاد بإيده شيء يقدر يسويه غير الإعتماد عليه ..


والإنتظار ..



وبصباح يوم الأربعاء ..
واقفه مع الدكتور المسؤول وأصدقائها الأطباء المُدربين بهدوء قدام سرير واحد من المرضى وعقلها سرحان
لبعيد ..
أمس بس سمعت من أخوها وبعد بحث طويل إن أخت حُسام .. واللي هي كمان أختهم وأم لمايا .. قصاصها
بعد بُكره ..
ومن سمعت الخبر وهي متكره لآخر حد ..
لدرجة إنه لولا إن اليوم مهم لكانت غابت وظلت على فراشها ..
الليل ما نامته من كثر التفكير ... بحياة مايا بدون أم ..
وردة فعل حُسام لما تموت أخته ..
شايله همهم كثير .. وأكثر شيء شايله هم أختها ذي اللي راح تموت وهي ما شافتها أصلاً ..
ومن تذكرت إن أختها ذي بتموت حتى غصب عنها تذكرت أختها آخر العنقود جنى واللي كمان ماتت جشع
ووحشية حيوانات ما يموتوا للبشريه بصله ..
تنهدت بعمق شديد جذب أنظار زملائها فسألها سعد بقلق: طبيبه بنان فيه شيء ؟!..
بنان بهدوء: لا ..
طالعها الدكتور وليد لفتره في حين همست نوره لأمجاد: وضعها من الصباح مو طبيعي .. ولا كأنها أمس اللي
كانت مبسوطه كثير بخطبة أخوها ..
أمجاد: والله مدري وش فيها .. يمكن تكون البنت رفضت أخوها ؟!..
نوره: يا شيخه ...!!! ما مر يوم وترفض ؟! بالعاده ياخذوا حول أسبوع للتفكير ..
د.وليد: مُمكن تركزوا معي ..
هزوا راسهم وهمست نوره: آسفين ..
تنهد ورجع يسأل المريض عن حالته وسجله الطبي وأنواع الحساسيات اللي عنده والخ آخره من هالأمر ..
في حين إن بنان ما زالت بسرطانها اللي ما وقف ..
رفع الدكتور وليد عيونه لها مره ثانيه بعدها قال: سعد .. أدرس قابليته للتخدير وعطني موعد مُقرب للعمليه ..
إبتسم سعد يقول: إن شاء الله ..
لف وطلع من غرفة المرضى فطلعوا وراه ..
وقبل لا تطلع أمجاد دقت بنان تقول: إمشي ..
وطلعت في حين بنان جاوبتها بابيه وهي ما هو حولها أبد ..
تتمنى ... تلاقي طريقه يرجع فيها كُل شيء لمكانه ..
ترجع رعد وتعيش مع حُسام ومايا تحت نفس السقف ..
لكن ... أمنيتها شبه مُستحيله ..
لا ... هي عارفه إنها مُستحيله لكنها تعطي لنفسها أمل بجمله شبه مُستحيله ذي ..
صحيت من سرحانه على ضرب أحد لها بالأوراق على راسها من وري فلفت وري تشوف مين هو فشافت
الدكتور ثامر معطيها ظهره واقف مع الأطباء اللي معه عند المريض اللي جنب سرير مريضهم ..
ميلت شفتها لما عرفت إنه هو فخلاص مافيا حبل للجدال فلفت لقدام وإندهشت لما ما شافت أثر للدكتور أو
لزملائها ..
معقوله كانت سرحانه للدرجه هذه ؟!..
خرجت من غرفة المرضى وبدأت تمشي بالممرات وجوالها بإيدها تدق على أمجاد تسألها هم وينهم ..
قطعت الإتصال لما شافتهم عند مكتب القسم يتكلم الدكتور مع وحده من الممرضات يطلب فيها بعض التفاصيل
عن المرضى تطبعها من الكومبيوتر ..
وقفت معهم فطالع الدكتور وليد فيها شوي وقال: خلصتي سرحانك ؟!..
بنان: أعتذر ..
لف عيونه يقول: ما بتغاضي في كُل مره ..
فتحت بنان فمها بس قاطعها الدكتور يقول: بيلا ..
لفت عليه الممرضه الإندونيسيه تقول: نأم ..
د.وليد: الكدمه اللي بإيد المريض بالسريير ٣١٢ وش سببها ؟!..

توترت الممرضة شوي بعدها قالت: آسف .. أنا يغلط في إبره ويصير كدمه .. هدي أول مره ...
قاطعها الدكتور وليد: المره الثالثه تصير ..
لف بعيونه على الممرضة اللي تطلع له الأوراق من الطابعه وكمل: المره الثالثه السابقيه كانت مجرد كدمات .. ما ندري المره الجايه وش ممكن يصير .. لو تكرر الموضوع فراح يؤدي هالشيء لفصلك .. لا تخليني أضطر لها لإختيار ..
بيلا: آسف ..
أخذ الأوراق وطالع فيها شوي ..
سلم ورقه لبنان يقول: إهتمي بموضوع هذه المريضه ..
بنان: ها ..
طالعتها بعدها عاد كلامه يقول: قلت إهتمي بموضوع هذه المريضه ..
هزت بنان راسها وأخذت الورقه تقول: و ... ومن أي ناحيه أهتم ..؟!
د.وليد: كانت راح تعمل العمليه لكنها بالنهايه تراجعت .. إقعيها ..
بنان: وليه تراجعت ..؟!
د.وليد: طيبه بنان .. إقرأ الورقه وبتعرفي التفاصيل ..
بنان: أعتذر ..
وبعدا هفت وراحت وهي تقرأ الورقه ..
تنهدت ودقت الباب بعدها دخلت تقول: صباح الورد جوري ..
طالعتها المريضه جوري واللي عمرها بأوائل العشرينات تقول: هلا ..
وقفت بنان عندها تقول: كيف صحتك اللحين ..؟!
لفت جوري وجهها تقول: أكيد مو كويسه أبد ..
تنهدت بنان تقول: وليه طيب رافضه العمليه ..؟!
طالعتها جوري تقول بإستنكار: يقولوا لازم نحلق مقدمه راسك عشان نقدر نعمل العمليه ...!! إيش البهلله هادي ...!! تخيلي بس عشان أصير بخير لازم أصير صلعه من قدام ...!!
بنان: حبيبتي عندك ورم نجمي بالدماع ومحتاجين نستاصل الورم وهذا ما بيصير إلا لما نعمل الجراحه براسك ..
جوري: إنتو أطباء على وشو ...!! يعني مافي علاج غير العمليه دي ..؟! ما عندكم أدويه ..؟! عمليه بالمنظار أو أي شيء .. فكروا إنتو مو أنا ..
طالعتها بنان شوي بعدها قالت: فيه طريقه ثانيه وهي العلاج بالإشعاع .. بس لها آثار جانبيه صعبه .. الجراحه هي أضمن ..
جوري: ليه ..؟! وش هي هادي الآثار ..؟!
بنان: الإصابه بسكته دماغيه ... أو فقدان للذاكره .. بحالتك ونظراً لسجلك الطبي فإحتمال إصابتك بها كبيره ..
تركيبة دماغك ما تتحمل الأشعه حبيبتي ..
لفت وجهها وبعدها حسّت حالها تبكي وهي تقول: بس وشو هادي يحلقوا شعري ...!! صعبه .. وربّي صعبه ...!!
تنهدت بنان تقول: الورم ... راح يتفاقم ... وبذي الحاله يمكن يكون سبب بومتك .. هالمرض مو عادي .. وش أفضل عندك .. تمشي لدرج الموت ولا تتخلي عن شعرك ..؟!
ترددت .. طبييعي الواحد يختار النجاة ..
بس .. صعبه عليها .. لسي صغيره وبسن زواج وبيحلقوا شعرها ...!!!
مو قادره تتخيل حالها تمشي بين أقاربها براس أصلع من المقدمه ...!!
إبتسمت بنان تقول: تدري .. ببيعوا قبعات صوفيه أنيقه تقدري تلبسيها لما تزوري أحد من أقاربك ..
طالعتها جوري شوي بعدها قالت: بس كل شوي ألبسها ...!! بيعرفوا إنو فيه شيء وأنا ما أبغى أحد يشك ..
بنان: سجلك يقول إنك جامعيه .. إحنا على أبواب الإمتحانات .. مافي شيء يجبرك تروحي لتجمعاتهم كل شوي .. تعطي ببعض المرهات بدراستك وبكذا ما بتشوفيهم بشكل دائم .. الإمتحانات الجامعيه تخصصات تأخذ فترة الإمتحانات ثلاث أسابيع .. وباقي إسبوعين للإمتحانات .. وأسبوع راح بعد الإمتحانات .. شهر ونص كفايه لأنه ينمو لك شوي شعر من المقدمه يخليك تقدري تجمعيه مع بقية شعرك وتتفني بتسريحات ما تبين فرق الطول صح ..؟!
جوري بدهشه: يب يب .. روحي يا شيخه الله يديك سعادة ما تخلص ..
وبعدا بدأت تبسم لنفسها وبنان طالعتها بإبتسامه ..
بنان: أجل خلاص خلي ولي أمرك لما يجي يوقع على الموافقه ..
جوري: إن شاء الله ..
بنان: يالله أستأذن حبيبتي ..

لفت وطلعت .. تنهدت وبعدها مشيت بهدوء ..
لفت لما أهد نادها فشافت إنه الدكتور وليد ..
مشي بجنبها يقول: طبيبه بنان شفيك سرحانه هاليوم ..؟!
كملت بنان مشي معه تقول: بس مشكله أسريه ضايقتني ..
د.وليد: واضح إنها مو عاديه .. سرحانك اليوم ما كان طبيعي أبد ..
بنان بهدوء: لي قريبه ... قصاصها بعد بكره ... وأهل الميت ما رضيوا يتنازلوا ..
إندهش الدكتور وليد يقول: يعني ما قدرتوا تقنعهم ..؟! لو بدفع ديه علاقل ..؟!
بنان: ما كلمناهم .. لأنه حتى لو طلبوا ديه فالمبلغ اللي بيطلبوه بكون بالملايين .. ياما شفت بالإنترنت قصص
مُشابه والديه تكون يا ثلاثين أو خمس وأربعين مليون وإحنا أبد ما نملك مبلغ قريب منه أبد ..
إبتسمت وقالت بشيء من السخرية: أووه لو أملك مثل هالمبلغ كان شريت لي شهادة تخليني دكتوراه بدل ماني
طبيبه من سنوات ..
قالتها على سبيل المزح والسخرية فظل يطالعها الدكتور وليد لفتره بعدها طالع لقدام وإستمورا بالمشي لأكثر
من خمس دقائق ..
شوي وقال الدكتور وليد: معناته محتاجه لشوية ملايين عشانها ..
بنان: ومين لي ..؟! لو عندي كان ما ترددنا في إننا نقابله .. نقابل ولد الميت ..
د.وليد: طيب بأساعدك .. بأسلفك وإنتي جربي ..
طالعت بهدوء بعدها قالت: متشكره لك مبادرتك بس ... ما أضمن نفسي أقدر أرجعها لك بعدين ..
د.وليد: أولاً جربي تحاولي مع أهل الميت .. لو رفضوا فخلاص ترجع لي الفلوس .. بس لو وافقوا ... وقتها أنا
بأقولك كيف تقدري ترجعيها ..
رملت بعيونها كذا مره مدهوشه بعدها بغدت عينها تقول بإحراج: مدري وش أقول لكن ...
طالعت وكملت: ما بأخسر شيء من التجربه ..
إبتسم يقول: طيب ... إتفقتنا ..



جالس بسيارته وري السواق يستمع بهدوء للمُكالمه اللي
إستفزته كثير ..
إبتسم بعد ما خلصت وقال: يا خاله .. ما مر حتى يوم واحد ..
سمع كلامها فرد عليها: إيه أتمنى هذا .. ياللا ما أشغلك .. مع السلامه ..
قفل الجوال وطالع بالشاشه لفتره ..
إبتسم بعدها شد على أسنانه يهمس: جوابها كان الرفض ...!! وحده حقيره قرويه مثل كذا يجيها واحد بمثل
مواصفاتي وترفض ...!!
رمى الجوال عالمقعد اللي جنبه وطالع بالشارع يهمس: هالبنيت ترفض النعمه اللي إنمדת لها .. ما عليه .. راح
أنتظر أم حور ذيك تحاول تقنعه وإن كان رداه هو الرفض بسبب أعذار كالدراسه فوقتها أنا أعرف كيف
أخليها توافق ..
هز راسه ولسى يحس بإستفزاز فضيع ...!!

نرجسيته ما هي قادره تستوعب إنها إنرفضت ..
 شاب .. بالعشرينات .. وسيم وذكي وغني !!!
 كل الموصفات الحلوه فيه والمفروض الكل يجيه ركض !!!
 بس ذيك الحقيره الفقيره البسيطه رفضته !!!
 رفضها ... إنتقاص تام له ..
 وكأنه شخص عادي تفكر إن كانت توافق ولا لا ..
 هو .. مو من هالنوع من الأشخاص !!
 هو ... من النوع اللي الكل يجيه ركض ..
 الكل بدون إستثناء !!!
 حسسته كأنه هو اللي يجري وراها وهي اللي رفضته بالرفض !!!
 لا ... أصلاً ما درى عنها ولا هي هامته ..
 زواجه منها بس عشان يستغلها بإستفزاز جهاد لا أكثر ولا أقل !!!
 فاللي صار هو ... إنها هي بعد إستفزته !!!
 سحب جواله ..
 هالبنيت .. حيغصبيها تتزوجه وبعدها مستعد يطلقها بليله الدخله ..
 كل الموضوع هو إرضاء لذاته الأنانيه ..
 قلب بجواله يهمس: أبوها ميت .. وكان كاتب .. تعيش عند عمتها من طفولتها ..
 ضاقت عيونه يقول: أمها ..؟! ما سمعت أي شيء عنها .. هي ميتة ولا كيف ..؟!
 الأم ماشي .. بيبحث عن معلومات أكثر ..
 يمكن بالنهايه هالمعلومات هي اللي تخليه يلوي إيدها ويخليها توافق ..
 رمى جواله من جديد يقول: بعدين .. حالياً مصدع بشكل .. وذيك أم حور لهاالدرجه ما عندها شخصيه تخلي
 البنيت توافق !!! أنا .. ساعدتهم .. المفروض يصلحوا المستحيل حتى يردوا الدين ..
 وقف السواق السياره يقول: خلاص وصلنا ..
 سحب جواله من جديد ونزل من السياره ..
 طلع المفتاح من جيبيه وفتح الباب ودخل ..
 رفع صوته ينادي عليها ورمى بجسمه على الكنبه ..
 دقيقه .. ثنتين ولا جت ..
 عقد حاجبه ونادى عليها من جديد بس ما سمع رد ..
 وقف وبدأ يمشي بالبيت فكان فاضي ..
 طلع الدرج بسرعه وفتح باب الغرفه اللي فيها أمها بس ...
 مالقى أي أثر ..
 اتسعت عيونه من الصدمه يهمس: وين ..؟! النذله ذيك وين راحت ..؟!
 رفع صوته ينادي: ميلا ..؟! ميلا !!!
 فتح دولااب ملابسها فضاقت عيونه لما ما شاف فيه غير لبسين أو ثلاثه ..
 البنيت ... هربت ..
 لف وراح للمكتب وفتح الأدراج فإتصدم بإن كل الأوراق اللي اشتغلوا عليها سوى ...
 إختفت ...

//

بالجهه الثانيه ..
 قفلت الجوال بهدوء ورفعت نظرها لبنيت أخوها الوحيد تقول: طيف حبيبتي ..
 إبتسمت لها طيف تقول: يا أئمي صديقني بدري .. شوفي أنا لسي أول جامعه .. أنا وحده ما أفكر بالزواج إلا
 بعد ما أخرج بفتره .. عندي إهتمامات كثير .. دراستي أولاً .. وبعد التخرج أبغى أشتغل على روايتي بشكل
 مكثف وأنشرها بكتاب .. يعني يمكن لما أكون في أواسط العشرينات أفكر أتزوج .. الزواج وربى ما هو أكبر
 إهتماماتي ..

أم حور: بس أحسك يا بنتي تسرعتي بالإختيار .. يعني مالك يومين حتى !!! حبيبتي فكري زين .. والله إنك أكثر وحده شايله همها .. ودي إنك تتزوجي وتفرحيني .. أبوك وصاني عليك كثير .. أخاف أموت وأنا ... قاطعتها طيف: أمي شهالكام ...! بسم الله عليك وإن شاء الله يومك يكون طويل .. سكتت شوي بعدها قالت بهمس: بس .. دامت مُصره كذا ... فـ.. قاطعتها أم حور: لا لا .. حبيبتي أنا بس أتمنى هالشيء .. ما أبغى أغصبك .. طالعتها طيف .. هالإنسانه .. عوضتها عن حنان أمها وعطف أبوها .. هالإنسانه هي كل شيء لها بالحياه ولو مهما سوت ما بتقدر ترد لها جميلها .. هي ... ما تبغى تتزوج عشان دراستها .. ويمكن عشان بعد سبب ثاني .. لكن ... لو كانت هذه رغبة عمتها وهذا الشيء بيفرحها فـ.. ما تدري .. إبتسمت تقول: خلاص أمي ... أوعذك هالمره بأفكر بشكل جدي .. بأخذ وقتي ولا راح أتسرع مثل ذا .. وبالنهايه لو كان نصيبي فراح يتم الزواج صح ...! إبتسمت لها أم حور تقول: حبيبتي والله .. إبتسمت لها طيف وبعدها قامت وطلعت من الغرفه .. إختفت إبتسامتها و أخذت لها نفس عميق .. بعدها همست: يا رب ساعدني أختار الخيار الصح .. وبعدها إتجهت لغرفتها ..

ولهننا ننهي البارت على خير ()
كان أطول من السابق وبيكون الأخير قبل الإمتحانات ..
أول إمتحان لي هو الإثنين الجاي وهذا اللي خلاني أقرر إن هالبارت يكون الأخير ..
مرت الأيام علي ولقيت فجاء الإمتحانات قريبه بشكل □
نلتقي على خير بعد الإمتحانات ()
والله يكتب لكم النجاح بالدنيا والآخرة \$

..××× ||part end || ×××..

..××× || البارت الثالث والخمسون || ×××..

* ما أقدر أتحمك أكثر من كذا !!! عدمتي لي الفرش الجديد .. حتى تأشير لي ما تقدرين !! *
* إيس هذا !!! كلو وسخ وسخ وسخ !!! إنتا واهد وسخ *
* لا .. القرف هذا ما يجلس ببيتي أكثر .. لموا أغراضها وصرّفوها عني .. ما أبغى شيء مثل هذا يعيش مع أولادي *

تقلب على الفراش ونظر للظلام بهدوء تام ..

* أشري أشري لي أنا ما طلبت شيء...!! فضحتيني عند الحريم بريحتك الفايحه ذي..! مو معقوله تكوني
بالوسخ هذا *

* اوووه أنا خلاص تعب واجد...! إنتا ما يعرف يقول شيء..؟! كلو كلام انتا غبي غبي *
* اللحين ليه للحين ما صرفتوها..؟! ودوها مستشفى على أساس إنها تعبانه أو أي شيء.. غثيان يجيني لما
أشوفها *

غمض عيونه بهدوء وحاول ينام متجاهل كل هالذكريات السيئه اللي تغزي راسه ..
عقد حاجبه وفتح عيونه لما إشتغلت اللميات وبعدها حس فيها جلست على السرير وراها وبعدها مدت إيدها
لكتفه وقربت منه تهمس بإذنه: حبيبي صاحي صح..؟!
ضاقت عيونه وهو يتذكر ..

* ليه ما صرفتوها..؟! غثيان يجيني لما أشوفها .. القرف هذا ما يجلس بيبي أكثر *

جلس بطريقه حاده خلّت كتفه يصك بأنفها بقوه ..

تألّمت ومسكت أنفها تقول: عزام حبيبي شفيك..؟!!

ظل عزام يطالع قدام لفتره بعدها همس: لما أكون لوحدي نايم أو سرحان لا تجين سامعه..؟!!

مطت شفرتها فعذلت جلستها تقول: عزام قول لي شفيك من رجعت من سفرك وإنت متغير..؟!!

طالعه عزام يقول: من أول متغير يا ملك .. من قبل أكثر من عشر سنوات ..

طالعه لفتره بعدها قالت: طيب حبيبي أبغى أتكل معك بشيء خاص .. فحاول تهدي مزاج المعكر هذا لأنك بكذا
ما تشجعني أقول أي شيء ..

شال عزام اللحاف من فوقه وراح لغرفة الملابس يقول: أفضل لأنني ما أبغى أسمع شيء ..

ظلّت بمكانها شوي بعدها لحقته ..

لامست بأصابعها الناعمه كتفه محاوله لضمه من الخلف بس تقدم وفتح الدولاب متجاهلها بحركه مقصوده ..

زمت شفرتها وصرخت: عزام كفايه..! ولا كائي أبداً زوجتك...!!

عزام ببرود: آنجي لسي ما رجعت للبيت..؟!!

إستشاطت من تنبيشه وقالت: من ماتت ذيك الحرمة وإنت ولا هامك أحد بالدنيا...!! وش تبغى..؟! أحلفك

على أيش إنه مالي علاقه بموضوع موتها...!! لا تعاقبني عشان وحده مثلها...!!

طلّع له ثوب ولف عليها يقول: ما تحتاجي تحلفين لي .. لأن عمرك ما كنتي صادقه معي ..

إتسعت عيونها من الصدمه وفتحت فمها بتتكلم فقاطعها: والدليل نوع علاقتك بنايف ..

أخذ له ملابس داخلية وغتره مع الثوب وبعدها طلع من الغرفه تاركها وراه مصدومه ..

إرتجفت شفرتها تهمس: معقوله يعرف..؟! مـ من متى..؟!!

إتسعت عيونها للحضه تقول: معقوله قصي قال له كمان..؟! ولا جهاد..؟!!

رفعت إيدها المرتجفه بتوتر لشفرتها تقضم أظافرها وهي مو مصدقه الكلام اللي قاله ..

علاقتها بأبو قصي .. كيف يعرف عنها..؟!!

هذا وهي جايه اللحين تمهد الطريق وتعترف له عن علاقتها به لكن من منظور إنه هو اللي أعتدى عليها رغما

عنها مو بإيرادتها ..

ما دام إن الموضوع خلاص إنكشف قدام ولدها فعلى الأقل تبغى تخفف من حدته ..

ما تبغى ولدها يطالعهما بذك النظره ..

تكون ضحيه بنظره وبنظر زوجها أفضل من إنها تكون هي الغلطانه ..

طلعت فشافته قدام المرايه يعدل ياقه ثوبه فجت عنده تقول: عزام أسفه .. صحيح خبرتك من قبل إن كل

الموضوع إنه حرامي حاول يسرق شركتي .. بس إضطريت .. أنا كنت ...

أخذ مكفضته وقاطعها: قلت لك ما راح أصدقك مهما كان نوع الكلام اللي تقولييه ..

خرج من الغرفه شدت على يدها شوي بعدها بعنف رمت عطره على الأرض فتكسر وتناثر لأشلاء وإمتلأت

الغرفة بريحة عطر رجالي ..

ظلت واقفه لفتره بعدها جلست على كُرسى التسريحه وحطت راسها بين إيديها تطالع بالأرض تحاول تلاقي

مخرج من المصيبه اللي هي فيها ..

كافي إن ولدها من عرف طلع من البيت وبعدها ما سمعت عنه أي خير ..

كان يجيهم بشكل يومي ويتراسل بالجوال كمان ..


واللحين ... شايله همه كثير و...

عقدت حاجبها ..

كرار...!!


قُصي قال إن كِرار قاله عن إن الأوراق إحترقت وشيء زي كذا ..

هذا يعني إن كرار أكيد يعرف كل شيء ..
 كيف ..؟! كيف يعرف ..؟!
 قامت وخرجت من الغرفة وإتجهت لغرفته فشافته نازل من الدرج ..
 إستغربت .. له أيام جالس بالبيت وحتى الجامعة ما راح لها واللحين شكله قرر يرجع يطلع ..
 قرّبت منه قبل لا ينزل وقالت: كرار حبيبي ..
 طالعتها فابتسمت له تقول: تعال وراي ..
 وإتجهت لوحده من الجلسات الصغيره بهالطابق وجلست على الكنبه فتقدم وجلس على الكنبه اللي تواجهها ..
 ظلت تطالعه شوي بعدها قالت: في الأيام اللي راحت إنت ... تكلمت مع قصي ..؟!
 ظلت ساكته شوي لما ما لاحظت عليه أي ردة فعل فقالت بهدوء: عرفت منه إنك كشفته يفتش بغرفتي كرار
 ليه ما قلت لي ..؟! طبيعي عندك رجال غريب يفتش غرفة أمك ..؟!
 ما رد عليها فراقبته لفتره بعدها قالت: كلامك له يعني إنك عرفت كل حاجه .. أنا ما أعرف كيف عرفت .. ولا
 أعرف متى عرفت .. لكن ... أضن إني عارفه ليه للحين ما قلت لي بذا الموضوع ..
 سكنت شوي بعدها كملت: كنت أضن إن السبب يرجع لأنه عشاني أمك وما تبغاني أحس بالإحراج تجاهك لما
 أعرف إنك تعرف وعشان كذا ظليت ساكت ..
 كملت بهدوء: كنت أضن إني أفهمك بس طلعت ما أفهى شيء عنك .. كرار .. قصي قال إنك قلت له الأوراق
 احترقت .. وأكيد إنت عارف إنها ما احترقت ... قصي ما يعرف جهاد فإيش اللي يخليه يقرر يخبره بكل شيء
 ..! إنت قلت له .. لأنك عارف إن جهاد شخص مو ممكن يسكت عن الخطأ مهما كان من أصدره .. معناته خلال
 وقت قصير راح يوصل هالخبر لأنجي وأسامه وحتى حلا ..
 هدا الوضع لفتره بعدها قالت ملك بهمس: ليه سويت كذا يا كرار ..؟! ليه لفيت كل هاللفه عشان تفضحني
 بالشكل هذا ..! إذا تصرفي ما أعجبك فتعال بوجهي .. أصرخ وعاتب وحتى هدد بالشرطه لو تبغى .. والله ما
 ألومك لأنه طبيعي يتصرف أي شخص بمكانك هالتصرف .. لكن ... تطعني بالطريقه هذه من وري ..؟! تتعمد
 تكذب وتلف كل هاللفه حتى يوصل الموضوع لجهاد ..؟!
 حطت إيدها على صدرها مكمله: مو أنا أمك ..؟! مو المفروض أكون أعز وحده عندك بحياتك .. طيب تعال
 واجهني ... قول لي بأعلم جهاد .. بأعلم قصي بأعلم أي أحد ... لكن تغدر فيني بالطريقه هذه ..!! كرار إنت
 صدمتني ..
 طالعت لفتره بعدها قامت وتركته وراها ..
 ظل كرار جالس بمكانه لفتره بعدها قام وإنسح على الكنبه الطويله اللي قدامه وغطى عيونه بإيده ..



الساعه ثلاث الظهر بتوقيت بكين ..
 فتح باب الشقه ودخل .. لما دخلت وراه ما قدرت تستمر في إنها تمسك نفسها وعلى طول انفجرت تضحك ..
 تنهد وجلس على الكنبه وأشر لبنته هانا تجي عنده بينما الهنوف لسي تضحك من قلبها ..
 جلست هانا جنب أبوها وأشرت للهنوف مستغربه ضحكها الغريب هذا ..
 مسح على شعر بنته وهمس لها: ما عليه مجنونه شوي ..

سحبت أنجي علبة البيبسي تقول: لا تحاولي تطرديني ماني طالعه ..
ديلي: وقحه ما عليك شرهه .. لا جد أنجي لين متى ؟! أخاف أهلك ما يرحموك لما ترجعي لهم بعدين ..
غمست أنجي البطاطس بالصوص وأكلته تقول: مع نفسهم .. شعلي فيهم أنا واه ديلي .. الصوص هذا
كيف عملتيه؟! لذيد !!
تنهدت ديلي تقول: زبادي وجبن وليمون وشوي فلفل أسود ومايونيز .. الزبده من جد أنجي وش تحصلحي
اللحين ..؟!
أنجي: إن شاء أجرب أسويه بعدين ..
ديلي: أنجي ...!!!
طالعتها أنجي شوي بعدها ملبت شفتها تقول: بصراحه ما أدري .. لما أهدأ شوي بعد ما قهروني راح أفكر
بالموضوع .. وأصلاً بصراحه ملبت منهم ..
ديلي: أووف !! مليتي مره وحده ...!!!
أنجي بانزعاج: عيله إهتماماتها غريبه ..! كل واحد لاهي بالشيء اللي يهمه .. أنا بنفسني حاسه إن وجودي
وعدمه واحد ..! ومع هذا مدري وش طرى لهم يسألوني عن كل شيء .. ليه سويتي كذا ومتى وعشان إيش
ويلا بلا بلا .. أففف ..!!!
وبدأت تشرب البيبسي والضيقة والإنزعاج مرسومين على وجهها ..
طالعتها ديلي شوي بعدها قالت: أوكي براحتك .. بس صدقيني كل ما تأخرتي أكثر كل ما كانت ردة فعلهم أقسى
لما ترجعي ..
أنجي: أعرف .. بحريقه ما يهمني وش بيصير بعدين ..
تنهدت ديلي وقررت تسكت بما إن مزاج أنجي كان واضح إنه تعكر ..
دقايق بعدها سألت أنجي: أرسلتي سواقكم ..؟!
هزت ديلي راسها تقول: إيه .. قال لي إن سواقك مو موجود ..
ملبت أنجي شفتها تقول: كنت حاسه .. كل شيء بس ما يكون فعلاً سافر لاهله .. أبغى أتأكد من هالشيء ..
ضاققت عيونها لفتره فقالت ديلي: مالك إلا تسألني أبوك إن كان جاد فعلاً وسفره ولا لسي موجود بالسعوديه ..
أنجي: أقولك متهاوشه معه وتقولين إنسأليه ..!! ديلي بالله فكيني من إقتراحتك ..
ديلي بلا مبالاه: إنتي خره ..!
أنجي بهدوء: ما بينهي خدماته بنفسه .. أكيد بيطلب من واحد ينهي خدمات السواق .. بس مين ..؟!
ديلي: تقصدي أبوك ..؟!
أنجي: فيه ذاك الرجال اللي دايم معه .. ممكن يعرف شيء .. بس كيف أسأله ..؟!
ديلي بتعجب: وش تقصدي ..؟!
ملبت أنجي شفتها تقول: بس ذاك مثل ظل بابا ..! ما بأطلع منه بشيء ..
ديلي: أنجي ترى أنا هنا .. يا تفهميني إنتي بإيش تهرجي .. يا تهرجي بداخل نفسك وتفكيني ..
ظلت أنجي لفتره بعدها قالت: تدري ديلي .. معاك حق .. الأفضل أرجع للحين .. للأمانه خايفه من ردة فعله لو
تأخرت أكثر .. صار يخوف هالأيام ..
مطت شفتها تقول: بس برضوا أبغى أحط حد لتصرفاتهم الأنانيه ذي ...!! صاروا يتحكموا في كل صغيره
وكبيره ..!
تأففت وطالعت بديلي تقول: وربى محتاره حيل ..! وش أسوي ..؟!
طالعتها ديلي شوي بعدها قالت: شوفي الشيء الأصح وإعمليه .. ومن رايني أنا إرجعي حتى لا تكبر المشكله ..
إعتذري منهم على خطأك وإعترفي بالشيء اللي هم يبغوه حتى توصلني للي تبغيه .. يمكن في النهايه ما يكون
أبوك طرد السواق وقال هالكلام بس حتى يضغط عليك ويعرف سببك .. إعملي أي شيء في سبيل الشيء اللي
بيفيدك .. رجعتك لهم وإعتذارك ببيفيدك إنتي أفضل من العناد اللي ما بتستفيدي من وراه أي شيء ..
ملبت أنجي شفتها شوي بعدها قالت: أوكي بأفكر بكذبه أقولها لأنني إستحاله أخبرهم بالشيء اللي أبغاه ..
شوي ظهر الإنزعاج على وجهها تقول: بس بكذا بيصيروا ستحكموا فيني ..! تنازلي لهم هالمره يعني غصب
عني أتنازل لهم في كل مره ..! هذا ما يرضيني ..
ديلي: تصرفي بعدين بهالمساله .. مو تقولي موضوعك مهم ما تبغي تأجله ..؟!
طالعتها أنجي شوي بعدها قالت: أوكي معاك حق ..! بكره بالصبح يعني عالساعه عشره حاروح ..
ديلي: ها خلص مزاجك المتعكر ..؟! ودي أسولف لك بسالفه ..
إبتسمت أنجي وكملت تاكل وهي تقول: خذي راحتك يا ستي ..



وبصباح يوم الخميس ..
الساعة تسعة ونصف ..
جالس في مكتبه وسرحان بعالم ثاني بعيد عن حدود عمله بكثير ..
صحي على دق الباب فتنهد وقال: أدخل ..
دخل أحد الضباط يقول: المتهم جاهز بغرفة الإستجواب ..
هز راسه يقول: طيب دقائق وبأكون موجود ..
ضرب السلام العسكري بعدها طلع من المكتب ..
حط راسه بين يديه وهو يهمس: استغفر الله العظيم ..
مليان بهوم كبيره .. كبيره بشكل ..!
كانت أكبر همومه قضية أمه واللحين قضايا إخوانه ..
قضية أخوه المتهم بجريمة قتل .. وقضية أخته اللي خلاص يوم قصاصها هو بكره واللي مو قادر يصلح
عشانها أي شيء !!!..
تعود من إبليس وبعدها قام وطلع من المكتب يكمل إستجوابه لحسام ..
هذا أول إستجواب له من بعد ما طلع من المستشفى و....
و أول إستجواب له بعد ما علمه بحقيقة إنه أخوه ..
و هو آخر إستجواب له ..
لو ما طلع منه بإعتراف فراح يحول حُسام للقسم الرئيسي وهم اللي يحققوا معه ..
فتح باب غرفة الإستجواب فشافه جالس بهدوء عالكريسي ..
دخل وجلس قدامه يقول: الحمد لله على سلامة خروجك من المستشفى .. المره الجايه إنتبه لنفسك أكثر ..
رفع حُسام راسه وطالع فيه وهو يفتح الأوراق اللي عنده واللي مباشرة قال: ياللا نبدأ الإستجواب ..
حُسام: مشعل ..
رفع مشعل عيونه عن الورق وطالع بحُسام فقال الأخير: وش صار على موضوعها .. موضوع رغد ..؟!
طالعه مشعل لفتره بعدها قال بهدوء: للحين مافي أي طلب بالتنازل أو الديه ..
تنهد وكمل: ياللا نبدأ اللحين ..
حُسام: طيب .. أقدر أشوفها ..؟!
ظل مشعل يطالعه لفتره بعدها قال: حُسام خلنا نبدأ الإستجواب و...
قاطعه حُسام: بس لمره وحده .. أبغى أشوفها .. أقدر ..؟!
مشعل بهدوء: بحالتك القانونيه ذي ... إعذرني ما تقدر ..
تقدم حُسام بجسمه لقدام شوي يقول: طيب لو اللحين إعترفت لك بكل صغيره وكبيره وبرأت نفسي من هالتهمه
فأقدر أشوفها ..؟!
تألم مشعل لحالة أخوه ووده لو فعلاً يساعده لكن ...
مشعل: حُسام الإعتراف لايد من إنه يُرفع ويُراجع ويقرر الحكم وبعدها يُصدّق على أمر الإفراج عنك أو برائتك
.. الخطوات ذي على أقل تقدير تاخذ أسبوع ..
حُسام: بالله مشعل شوف لي أي طريقه ثانيه .. أبغى أشوفها .. من زمان ما شفتها .. بس لمره وحده .. بالله
مشعل شوف لي طريقه ..! مُستعد أصلح أي شيء بس عشان أشوفها .. لو
تردد شوي وهمس: لو ... ماتت وأنا ما شفتها ... بأظل ندمان طول عمري ..

طالعه مشعل بهدوء لفته بعدها قال: طيب بأحاول ألقى لك ثغره قانونيه تسمح بانك تشوفها ..

سكت شوي بعدها قال: واللحين .. نبدأ الإستجواب ..؟!

ظل حُسام ساكت لفته بعدها قال: طيب ..

طالع مشعل بالزجاج الحاجز وأشر لهم يبدأوا تسجيل الإستجواب بعدها لف على حُسام وبدأ يقول: طيب يا حُسام .. التهمه الموجهه لك بقتل حميدان واللي إعترف فيها ضدك أحد الشهود قلت لنا من قبل إنها تهمة باطله وإنك بريء من قتل حميدان .. إذا تقدر تشرح لنا وش اللي كنت تسويه بذيك الليله ..؟!

صمت حُسام لفته بعدها قال بهدوء: كان فيه دين بين حميدان هذا وخالي جواد ..

تردد شوي .. حتى لما قال له خاله إعترف بكل شيء ضدي يحس بالتردد ..

خاله بنفسه قال إن هالتهمه لو جت ضده أو لا فهي ما بتغير شيء لأنه مليون تهم تدخله السجن مدى الحياة ..

ومع هذا ... حاس بتردد ..

غصب عنه مو بإيده ..

أخذ نفس عميق وهمس بداخله: "جواد ... آسف" ..

بلغ ريقه وكمل: هذا حميدان كان السبب اللي أدى لموت جدي وجدتي واللي هم أم وأب خالي جواد .. بسبب إنه

أنشر مقال صحفي كاذب ضدهم .. وخالي ... كان وده ينتقم بنفس الطريقه ..

ضاقت عيون مشعل وقال: بانه يعقد صفقة مع الشركه التركيه ويورطه ..؟! هذا اللي تقصده ..؟!

هز حُسام راسه بهدوء يقول: خالي عمل حاله رجل أعمال وراح لمكتب حميدان حتى يساعده بتمرير هالصفقه

.. فعشان تمر الصفقه كان لازم تمر بإسم مكتب قانوني وبكذا خلاها تمر بإسم حميدان .. وخالي وقتها كذب

عليه بموضوع إن الصفقه هي صفقة منظمات مو مُخدرات وطلب مبلغ وقدره .. هالمبلغ كان كبيره لدرجة

مُستحيل أحد يصدق إنه بتندفع على مُنظمات .. كان خالي وهو يعقد معاه الإتفاق يبين على وجهه إنه متردد

حتى يخلي حميدان يشك بإنها صفقة مُخدرات وخصوصاً إن تركيا هي من أكبر المصدرين للمُخدرات .. وهذا

اللي خلى حميدان يوافق .. لأن حميدان بنفسه كان طماع وقرر يمشي بهالصفقه حتى يربح منها نسبه كبيره

وبكذا تم الإتفاق بينهم ..

سكت شوي متردد ..

يقول إنه راح ذيك الليله بإيرادته مع جواد ولا يصلح مثل ما قال له خاله ويقول إن جواد جبره يروح معه ..؟!

هو خلاص ... بيغى يطلع من كل هذا ويطلع ..

يشوف أخته وبعدها يعيش مع مايا بهدوء وسلام ..

بيغى يخلص ..

بيغى يخلص من كل هذا ..

يرجع يعيش حياه هادنه ومُسالمة عشان بنت أخته ..

عقد مشعل حاجبه وقال: حُسام ..؟!

طالعه حُسام لفته بعدها قال: جاء ... يوم وصول الباخره المصدره للمخدرات .. ولابد يكون خالي موجود هناك

مع حميدان .. بصفتهم شركاء .. ف

تردد شوي بعدها قال: كان خالي بيغى يروح فقلت بأروح معك ... وقتها

تردد مره ثانيه بعدها كمل: كنت ما أعرف أي شيء عن هالموضوع .. موضوع صفقته وحميدان وكل هالسالفه

.. رفض ياخذني بس أصريت فاستسلم وأخذني معه .. وليلتها قابلت بعض من زملاء خالي أنا أعرفهم وقد

شفتهم قبل كذا .. واحد منهم موسى اللي مسكتوه .. وفيه واحد ثاني إسمه عثمان ..! كان خالي يتكلم معهم و

.... وبعدها راح .. فقام موسى ببيروح لمكان فلحقته حتى يعني ... أكون معه أو أعرف منه الموضوع أو ...

المهم رحت معه .. فكان واقف عند البحر وعند سفينه .. أنا ركبت معه وظليت أسأله و ... أنا بعدها فهمت

السافه .. يعني سمعت شوي كلام من حوار خالي معهم وشوي كلام قاله موسى خلاني أفهم شوي من

الموضوع .. وقتها ما عرفت وش أصلح .. ما دريت إلا بالشرطه جايه وإفترقت أنا وموسى وكل واحد هرب من

طريق .. كنت خايف .. طحت بمشكله ما ... ما ما كنت حاسب حسابها .. ظليت أجري حتى وصلت لسيارة خالي

.. كنت حاتصل عليه أعرف وش صار بس جوالي كان معدوم بسبب المويه فانتظرتة هناك لفته لدرجة إني

نمت وصحيت اليوم الثاني قرب المغرب .. لما رحت البيت لقيت الشرطه هناك .. طبيعي من شدة الخوف

مالقيت قدامي غير أشرد .. ولأمانه خلال هروبي هذا قابلت خالي كذا مره وحكاني بالتفصيل عن موضوعه مع

حميدان .. واللي قتله كمان مو خالي .. و ... بس .. ما عندي شيء غيره أقوله ..

هز مشعل راسه بهدوء بعد ما سأل: أقوالك واقعيه لكن حُسام ... فيه أحد يشهد لك بأنك كنت بعيد عن حميدان

بالوقت اللي إنقتل فيه ..؟!

عقد حُسام حاجبه وقال: بس وقتها كنت مع موسى .. والمكان اللي إفترقنا فيه أنا وموسى بعيد عن حميدان

تقريباً بكيو ...!

مشعل: طيب الساعه كم إفترقتوا ..؟!

إندهش حُسام وقال: أنا .. أنا إيش اللي يخليني أطلع بالوقت ..؟! هيه مشعل أنا وربي ما قتلته ..
تنهد مشعل يقول: حُسام إنت ما تملك شاهد .. حجة غيابك ناقصه بسبب نقص الشاهد .. إذا هالحجه تمشي فأذاً
كُل ما قتل واحد بيكذب ويقول أنا كنت بالمكان الفلاني وما عندي شهود ...!! حُسام حجتك باطله وخصوصاً إنه
فيه شاهد ضدك ..

هز حُسام راسه بعدم تصديق وهو يقول: لا مشعل مو كذا ..! أنا أبغى أطلع بسرعه .. أبغى أشوف رغد ..

مشعل وربي إني صادق بكُل كلمه .. يعني ...

قاطعه مشعل بهدوء: خلك ساكت لدقيقه ..

وكمل يقرأ بالورق وحُسام يطالعه بعدم تصديق ..!

إعترف بكُل شيء ..

صحيح كذب ببعض التفاصيل الصغيره بس بس هو إعترف ..

من فين طلعت له حكاية الشاهد هذا ..؟!!

آخ لو الجوال وقتها ما إنعدم بالمويه كان إتصل بجواد وهذا بيكون دليل لصالحه لما يشوفه وقت الإتصال ...!!

لا برضوا ما بينفع معه الأمر ..! بيقولوا إن الجوال أصلاً فيه إحتماليه يكون معك وقت القتل ..

يعني كذا ولا كذا كان راح يتورط ..!

كيف يطلع منها ..؟!!

خلاص تعب .. يبغى يبعد عن هالأجواء ..

يبغى يعيش بشكل هادئ مع مايا و رغد ..

هز راسه كذا مره وعقله يتخيل السيناريو الفضيع اللي بيحصل معه ..

ما عنده شاهد ولا دليل ... معناته شهادة ذاك الكذاب هي اللي بياخذ بها القانون ..

معناته راح يتهم بجريمة القتل ..

لا ... ليه الأشياء متقلبه بوجهه ..؟!!

يا ليتة ما إعترف ...!!!

علاقل وقتها كان مُتهم رئيسي وما يصير مُدان إلا بعد الأخذ بإعترافه ..

لكن بعد الإقرار ما عاد صار عنده شيء وصار مُذنب ينكر جريمته وبس ...!!

طالع فيه مشعل وقال: اللحين كُله اللي قتلته في التحقيق صح ..؟!!

تردد حُسام .. الأفضل له يقول لا ..

لو كذب وقال لا فبيكون بنظر القانون لسي محتفظ بشيء وراح يستمر التحقيق معه ووقتها بتطول القضية

وممكن يلاقي مخرج ..

وإذا قال الحقيقة وقال إيه كُله اللي قتلته صح فخلاص راحت عليه وصار بقية التحقيق بإيد القضاة وخلال وقت

قصير بيدينو ..!!!

ما بيكون عنده الوقت الكافي لإنه يلاقي فكره من هنا ولا هناك ...!!!

هز راسه وهو حاس بلخبطه مو طبيعيه في حين عقد مشعل حاجبه مستغرب من تردد حُسام ..

وش اللي يخليه ما يقول إيه ..؟!!

ليه متردد ..؟!!

بإيش يفكر ..؟!!

إندهش وقال في نفسه: "لا يكون ينوي إختيار الصمت حتى تطول القضية وبهذا يتحاشى الحكم الصادر بإدانته

...!! لا حُسام هذا غلط" ...!!

مشعل: حُسام أنا أسألك .. الإقرار كان صحيح ولا لا ..؟! إذا كان صح فقول إيه .. الصمت ما بيفيدك ..

طالعه حُسام فقال مشعل: صدقني ... إذا كذبت فهذا ما بيفيدك أبداً .. ياللا حتى أخليك توقع عليه ..

أبعد حُسام نظره وقال: لا .. أ...

قاطعه مشعل: حُسام لا تغلط غلطه تندم عليها بعدين .. لا تقول بينما إن...

وقف عن الكلام لما شاف إشارة رئيسه المباشر من خلف الزجاج بإنه ما يستمر ..

فعلاً هو كانه اللحين يضغط عليه ويحاول يأثر على إقراره ..

وهذا غلط ..

طالع بحُسام وقال: خلنا ننهي هذه الجلسة .. الإقرار اللي أدليت به الآن صحيح أو لا ..؟!!

طالع حُسام بالأوراق اللي مع مشعل لفتره وهو لسي متردد ..


مو عارف .. عقله موقف تماماً ..

ما يدري وش هو الخيار الصح اللي بيفيده ..

مشعل: حُسام .. طالعني ..

رفع حُسام نظره له فقال مشعل: إذا تتق فيني قول الصدق ..

ظل حُسام يطالع فيه لفتره مو قصيره والتردد واضح في نظراته ..
شوي قال وهو متأكد إنه بيكون خيار خاطئ بس
حُسام: إيه ... الإعتراف صحيح ..
بس ... بيتق فيه ..
إبتسم مشعل وقدم له الأوراق يقول: طيب وقع هنا وبصم ..
تردد حُسام بعدها وَقَعَ وبصم فقام مشعل يقول: إخترت الخيار الصح يا حُسام .. بإذن الله تطلع منها ..
عقد حُسام حاجبه فإفتتح باب الغرفه وأخذ الضابط يرجعه للحجز ..
طلع مشعل وراح للغرفه المباشره ..
إبتسم لما شاف رئيسه المباشر وقال: ما توقعت تحضر آخر جلسة إستجواب لي ..
إبتسم له رئيسه وقال: كيف قدرت تقنعه يتجاوب معك ..؟! سمعت إنه عنيد ..
مشعل: مو هذا المهم اللحين .. المهم إن حُسام صار بريء من تهمه قتل حميدان ..
رئيسه وهو عارف الإجابة: وكيف صار بريء ..؟!
مشعل: الجزنيه الخاصه بموسى كانت مطابقه للإعتراف اللي أدلى فيه موسى .. واللي هو إنهم كانوا مع بعض
لحتى سمعوا اصوات الشرطه وبعدها هربوا ... حميدان إنقتل قبل لا توصل الشرطه بخمس دقائق .. حُسام
بوقت موته ما كان بمسرح الجريمة .. كان مع موسى .. هذا دليل كافي صح ..؟! وخصوصاً إن موسى إنمسك
وقتها يعني مافي أي مجال يكون تخطيط تم بينهم إثنينهم حتى يتشاركوا بالأقوال .. وقبل هالجلسه حققت
بهاالموضوع وفيه شهود أكدوا إنهم شافوا موسى وحُسام وكانوا بيمسكونهم .. هالشهود كانوا من جماعة
حميدان اللي مسكناهت سابقاً وشكلها كانت تراقب وكشفت وقتها موسى وحُسام .. حُسام بريء من كل النواحي
والشاهد اللي شهد ضده وأخيراً لقيت سبب يخليني أحقق معه .. وراح نعرف مين اللي حرضه على شهادة
الزور هذه ..
إبتسم رئيسه بينما قال مُساعده: واه يعني وأخيراً القضية متجهه لنهايتها ..
مشعل: وإن شاء الله ما تنقفل إلا وكل شيء فيها محلل .. وكل مجرم ياخذ جزاه اللي يستحقه ..
تنهد وقال: ياللا إستأذن أكمل التحقيق ..
رئيسه: إرتاح لك شوي بعدها إرجع العصر وكملة ..
إبتسم مشعل بعدها طلع ..
بمحاول يخلص اللي يقدر يخلصه ..
بيصدر الأوراق الرسميه الخاصه بالإعتراف للمحكمه صحيح التحقيق ناقص لأنه للحين ما إكتشف قاتل
حميدان لكن على الأقل يبغى ياخذ أمر براءة حُسام حتى يقدر يشوف أخته مثل ما كان يتمنى ..
تنهد وبدأ يكمل شغله ..



إنقفل الباب بوجهه بكُل عنف ..
ظل واقف بمكانه بعد ما أسفرت مُحاولته بالفشل ..
دقايق بعدها لف وركب سيارته ..
حط راسه على الدركسون وهو حاسس بهم كبير ..
حاول .. هذه مُحاولته الثالثه وكلها إنتهت بالفشل ..
إنرفض طلبه مره ومع هذا طأطأ راسه ورجع لهم مره ثانيه وثالثه ..
الطفله البرينه اللي بالمُستشفى حرام تعيش حياتها بدون أم ..
أخوها الضايع المحجوز بالسجن ... محتاج لها كثير ..
هي الأم بالنسبه له ..
صايره أم لطفلين .. لازم تطلع وترجع لهم ..
رفع راسه وطالع بشاشه جواله فشاف إن بنان هي اللي تتصل عليه ..
ما رد عليها .. عارفها قلقانه تبغى تعرف وش نتيجة مُحاولته ذي ..

أخذ نفس عميق بعدها حرّك السيارة وخرج من الحي ..
شوي إنحرف عن الطريق وإتجه للشمال ..
خلاص قصاصها بكره ... أخوها مجوز بالسجن وفرصة طلوعه بالفتره الحاليه ضعيفه ..
بيروح لها .. هي بالنهايه أخته ..
بيتكلم معها ويطمئنها على بنتها وأخوها ..
على الأقل بيريح قلبها اللي أكيد شايل مهمهم ..
هذا الشيء الوحيد اللي يقدر عليه ..
وقف قدام سجون بريمان وطالع فيها لفتره بعدها تقدم ودخل ..
وبعد عدة إجراءات جلس بالغرفه ينتظرها ..
من خلال كلام حُسام عنها يحسها إنسانه تحمل كميّه كبيره من الطيبه ..
فجأه وهو ينتظر حس بالشوق يشوفها ..
يشوف أم مايا وأخت حُسام ..
يشوف من أي نوع هي حتى يتعلق حُسام فيها للدرجة ذي ..
وبنفس الوقت خايف يتعرف عليها ..
لأن لو كانت نهايتها القصاص فراح يتألم على فراقها كئيب ..
ألم فراق جنى يكفي ..
أخذ له نفس عميق وهمس: الله يرحمك يا حبيبته أخوك ..
رفع راسه لما إنفتح الباب ..
تأخرت كثير وكان شايل هم إنها ترفض تشوفه لما تعرف إنه أخوها من الأب ..
وقف أول ما دخلت له وحده أصغر منه ومن بنان حتى ..
جسمها كان ضعيف والذبول واضح بوجهها ..
كانت شاده على أيديها وتطالع فيه بتردد ..
مو قادر يصدق إنها أم لطفله بعمر الخمس سنوات ..
شكلها جداً صغير ..
تنحج شوي وقال: السلام عليكم رغد .. أنا يحيى مثل ما قالوا لك .. أخوك من الأب .. أخبارك ..؟!
إرتاحت نسبياً لما سمعته ..
تعرف إن أبوها متزوج وهذا اللي قاله لها خالها جواد ..
بس ما كانت متوقعه إنها بيوم راح تشوف أخوانها من أبوها ..
ونبرة صوته وملامحه ذي ريحتا .. عرفت منها إنه شخص طيب ومتفاهم ..
هو الشخص الوحيد قدامها اللي تقدر تأتمن له على بنتها وأخوها واللي هم كل شيء بحياتها ..
هزت راسها وقالت: أهلين يحيى .. الحمد لله بخير ..
ترددت شوي وهمست: أعتذر إن لقائك الأول بأختك كان بسجن .. وباليوم اللي يسبق قصاصها ..
طالعها بحزن بعدها جلس على الكرسي وقال: إجلسي أبغى أتكلم معك ..
جلست فابتسم وقال: جيت أطمئنك على حُسام ومايا ..
طالعته بدهشه فهز راسه وقال: إيه قابلتهم .. وبإذن الواحد الأحد أهتم فيهم فهم بالنهايه جزء من عيلتي ..
إرتجفت شفتها غصب عنها ..
مو عارفه ... بس هي فرحانه ..
فرحانه لدرجه كبيره ..
أخوها حُسام وأخيراً قابل أحد بدل حياة الخراب اللي كان عايش فيه ..
إندهش لما حس عليها بتبكي فقال: رغد شفيك ...!!
غطت عيونها بإيدها اليسار وهمست: الحمد لله الحمد لله إن حُسام قابلك ... قابل أحد من أخوانه اللحين
.. أقدر أرتاح ...
بلعت ريقها وهمست: تـ تكفى إهـتم فيهم ... تكفى إبعـد حُسام عن طريق الحرام !! ما عندي شيء أقدمه
بالمُقابل ف...
قاطعها يحيى بدهشه: رغد لا وش هالكلام ...!! أصلاً من غير لا تطليبي راح أهتم فيهم .. هو بالنهايه أخوي ...!!
أخوي الصغير وواجب عليّ أراعه وأهـتم فيه ومايا بنت أختي .. رغد قلت لك هم جزء من عيلتي ..
شدت على شفتها وغصب عنها بكت ..
مو عارفه ليه ... بس فرحانه ..
هم كبير وحمل ثقيل إنزاح عنها ..
هي ... ماهي شايله هم القصاص قد ماهي شايله هم مُستقبلهم ..

مُستقبل بنتها وأخوها الصغير ..
والهم اللي كانت شايلته إنزاح ..
إنزاح !!!

طالعها يحيى بحزن ومو عارف بإيش يواسيها ..

الموقف ... صعب .. صعب كثير ..

تردد شوي بعدها إبتسم وقال: بإذن الله رغد تشوفيهم ... لو كتب الله لك تستمري فراح تطلعي من السجن
وتشوفيهم .. ولو كتب إنه ياخذ روحك فراح تقابلهم بالجنة إن شاء الله ... خلي أملك بالله كبير .. وقبل لا
تعتمد علي برعايتهم إعتدي على الله أولاً وهو يكون الحافظ ..

هزت راسها بإيه وهي تحاول توقف نفسها من البكي ..

بلعت ريقها وبعدها طالعت فيه لفتره ..

شوي سألت: مايا أقدر أشوفها ..؟!

إندهش شوي بعدها سكت ولا رد عليها ..

هزت راسها بلا تقول: آسفه ... طلبت كثير ..

طالعها بهدوء ..

جاء بباله هالموضوع لكن تعمد ما يجيبها ..

هو عارف إن أكثر شيء تتمنى تشوفه هو بنتها اللي كبرت بعيد عن عينها ..

لكن ... هو عارف إنها لو شافتها فراح يتعلق قلبها فيها وبكذا قصاصها بكون أقسى على نفسها ..

قسوة إنها ما تشوفها هي أهون من قسوة إنها تشوفها فتتعلق فيها وبعدها تنقص فوراً ..

رغد: يـ يحيى ..

إبتسم لها: سمي ..

رغد بتردد: عندي طلب ...

يحيى: أطلبي وبإذن الله ألبيه ..

رغد: أبوها .. أبو مايا .. لا تحرم مايا منه ..

عقد يحيى حواجبه فكملت: صح اللي صلحه معي قاسي لكن ... هذا خلاف بيني وبينه .. مايا مالها ذنب ...

يكفي إنها بتعيش بدون أم ... ما أبغاها تفقد الأبوه كمان .. ما أبغاها تفقد حنان وعطف أبوها .. هو في النهايه

.... إنسان طيب وأنا أكثر من أعرفه ... يعني يحيى لو أبوها ما درى عنها ... طلبتك تدور عنه وتعلمه عن مايا

.. أكيد ما راح يطنش الموضوع .. لو طلب إنه يهتم برعاية مايا لا ترفض .. ولو كان شوي قاسي وتجاهل

موضوع مايا فحاول معه .. ورجع له عقله لكن هو أكيد ما بيتجاهلها !! حب الأب لابنائه كبير على

الرغم من إن حب وإهتمام أبوي لي كان متأخر .. يحيى هذا هو طلبي .. و ...

تردد شوي بعدها كملت: مع إني ما نويت أسامحه بس ما أبغى أموت وأنا شايله بصدري عتب على أحد ...

لو شفت ماجد ... أبو مايا .. خبره إني مسامحته .. هذا ... كمان طلبي ..

إبتسم لها وقال: إن شاء الله .. بأسوي كل اللي تبغيه فخليك مرتاحه .. أبد يا رغد لا تشيلي هم أي شيء ..

إرتجفت شفتها وتهدج صوتها تقول: شكراً يحيى .. شكراً ... لأنك جيت شكراً لأنك أزحت هم ثقيل كان

بصدري شكراً .. شكراً .. شكراً ..

وبعدها إختلط صوتها ببكاها ويحيى يطالعها بألم شديد ..

على قد ما هو فرحان لأن أزاح هالهم عن صدر أخته وريحها ... على قد ما هو تمنى إنه ما يشوفها كذا ..


تألم لحالها .. تألم حيل ...

يتمنى من الله إنها تطلع ..

إن العفو يكون جزاها بالنهايه ..

مع إن مقابلاته الثلاث مع أهل الميت

كانت تقول العكس ..



الساعة أربعة ونص العصر ..
منسدحه على سريرها تطالع السقف بشروود وتفكيرها بهالحاله الغريبه ذي ..
رجعت فعلاً الصباح ... لكن ما لقت أي أحد بالبيت غير حلا ..
أسامه يقولون له فتره ما جاء البيت ..
كرار ما سمعت خبر .. أكيد بغرفته ..
أبوها من الصباح طلع ولا رجع ..
وأما ما لقتها ..
صارى رجعتها للبيت بقمة الغباء ..
بصراحه ... تمنى إنها ما رجعت ..
شغلت جوالها ولقته مليون مكالمات من أمها ولكن من فتحته الصباح ما جتها مكامله ..
كانت حاسه .. هي قالت من البدايه إن وجودها وعدمه واحد ..
لو إنها قاعده ببيت ديلي أبرك ..

عقدت حاجبها شوي ..
مع إنها متنرفزه منه بس ... هالأيام إفتقدته كثير ..
آخر مره شافته بليلة ميلاد أصيل ..
غريبه وين مختفي ..؟! كان كل يوم ناط عندهم متلقف ..
معقوله صاير معه مشكله ولا شيء ..؟!
هزت راسها وبطلت تقلق عشانه ..
قامت من فوق سريرها وخرجت من الغرفه ..
تمشت بالدور تدور لها شيء تشغل نفسها فيه ..
شوي لفت على غرفة حلا وراحت لها ..
كان الباب مفتوح فدخلت ولقتها جالسها مع جوالها ..
آنجي: حلا ..


طالعتها حلا بعدها رجعت تطالع بجوالها وهي تقول: هممم ..
جلست آنجي بالكنبه المقابله تقول: إنتي ما شاء الله هالأيام تحبي تتمشي بحديقة بيتنا .. ما سمعتي أو شفتي
شيء يخص السواق حقي ..؟!
هزت حلا راسها بالنفي فميلت آنجي شفتها بعدم رضى ..
مو قادره أبد تلاقى له أثر ..
للحين هي على أمل إن أبوها كذب عليها وللحين ما طرده ..
لازم يظهر .. لازم تلاقى له خير ..
إنتقامها من شيران واللي معها مافي غيره يساعدها فيه ..
لازم يطلع .. إبيه لازم يطلع ..
حلا: آنجي ..

طالعتها آنجي فقالت حلا: ما كلمتي راكان ..؟! ..

آنجي: وليه أكلمه إن شاء الله ..؟! ..

حلا: تدري إن لما جاء العامل السعودى للبيت عشان ياخذ باقي فلوسه رفض ياخذها وطلب يقابل ماما ..
عقدت آنجي حاجبها فكملت حلا: راكان راح مع ماما وهما الإثنين قابلوه .. أنا كنت عند المسيح أنتظرهم ..
شوي دخلت ماما وخرجت من القسم بشكل سريع ووجهها مقلوب .. بعدها بدقايق طلع راكان ويا آنجي كانت
ذي أول مره أشوفه بهذه الحاله .. كذا كاته مرره مصدوم أو مو مصدق .. طالع فيني شوي بعدها طلع من
البيت ومن وقتها ما رجع أبداً .. راسلته بالواتس بس ما رد علي ..
طالعتها آنجي بتعجب بعدها قالت: غريبه .. وش صار ..؟! ..
طلعت جوالها وأرسلت لجهاذ رسالة واتس تسأله عن سبب غيابه عن البيت ..

الفضول ... ماكلها أكل ..
يمكن يكون اللي صار هو سبب خروج أمها من البيت ..
لأنها من جت وأمها مو موجوده ..
وش صار ..؟! وإيش خص العامل بالموضوع ..؟!
الفضاوه اللي هي فيها اللحين خلت عيار الفضول عندها مرتفع ..



منسوح على الكنبه بشكل عرضي ومغطي عيونه بساعده الأيمن ..
تقدم منه وحط كوب عصير ليمون قدامه عالطاولة وهو يقول: نادر نمت ..؟!
نادر بهمس: لسي ..
جلس عالكنبه المقابله يقول: طيب قم إشرّب لك كوب عصير .. يمكن يرتفع الضغط عندك ويتعدل ..
ثواني وجلس نادر .. أخذ الكوب وشرب منه رشفه بعدها طالع بفراس يقول: وش صار عالحواله من الفلبين
..؟!
تنهد فراس يقول: راجعت البنك اليوم أسأل عنها وطلع إن سبب التأخير مو خطير .. مجرد تأخير وبتوصل بكره
العصر ..
هز نادر راسه فتنهد فراس يقول: مو كافي من الصبح بشغلك .. حتى بوقت الراحة تفكر فيه ..؟! لا تشيل هم
أي شيء أنا مسؤول عنه وريح بالك ..
إسترخى نادر بجلسته وغمض عيونه بتعب فقال فراس: وكمان لا تضغط على نفسك كذا .. إنت تسافر بأوقات
الشغل فيها كبير ولما ترجع ترهق نفسك بشكل فضيع .. نادر إهتم بنفسك شوي .. السفر تقدر تأجله لما تستقر
الأوضاع و...
قاطعه نادر: والأوضاع متى بتستقر ..؟! بعد كم شهر ..؟!
تنهد فراس وهو يطالع فقال نادر بهدوء: هي ... تبغى تسافر فراس ما أبغى أندم بعدين .. أ....
قاطعه فراس: نادر أنت إهتم بنفسك وبصحتك وصدقتي بتتحسن أوضاعك الصحيه لفتره أطول بكثير ..
واللحين نادر الدواء حقق أخذته ولا لسي ..؟!
نادر: إيه أخذته ..
فراس: نادر لا تكذب علي .. إنت تاخذه بمواعيده بشكل مُنتظم ولا لا ..؟!
نادر بانزعاج: فراس ..!! ليه مو مصدقتي ..؟!
رفع فراس حاجبه يقول: ليه مو مصدقك ..؟! إنت يا نادر تسأل هالسؤال ..؟!
تنهد نادر وطالعه شوي بعدها قال: خلاص فراس .. صدقتي صرت منتظم عليه من فتره .. وراح أستمر ..
إبتسم فراس بعدها قال: الحمد لله ..
شرب نادر كوب العصير برشفه وحده بعدها رجع إندوح وهمس: معلّيش فراس خلني أنام عندك شوي ..
شوي إبتسم غصب عنه من نطق كلمة *معلّيش* وتذكر هباله الهنوف ..
فراس بتعجب من إبتسامته: لا عادي البيت بيتك .. بس شفيك ميسوط ..؟!
عقد نادر حاجبه يطالع بفراس بعدها غمض عيونه يقول: لا تحسدني ..
ضحك فراس يقول: هههههه شفيه عقلك صاير كذا .. تظمن مو حاسدك .. ياللا أتركك تاخذ راحتك ..
بعدها قام وقفل اللمبات .. أخذ الكوب الفاضي وراح للمطبخ ..


الهنوف بحماس: بعدها كذا داروا على حالهم بطريقه كذا مره حماس ولفلّفوا الشيء ذاك من تحتهم .. واه كان رهيب .. كذا هذا يصير وهم ساحبين وراهم التنين الكبير من الورق .. وربى مهرجانات الصين شيء شيء رهيب ..

منار: اممم مع اني ابد ما اتخيل حالي أسافر للصين لكن حسيته ممتع ..
الهنوف: منار بالقوه ممتع .. ببفوتك نص عمرك لو ما رحتي .. والأفضل تروحي بأوقات المناسبات الكبيره مثل بداية السنه أو بذكرى استقلال بلادهم حتى تلاقي مهرجانات أرب من اللي أنا شفتها ..
الأم بهدوء: الهنوف تقدرى تبطلي ثثره شوي ..؟! من جلسنا ومحد يتكلم غيرك ..
إنحرجت الهنوف وقالت: معكيف يا خاله .. خذوا راحتكم ..
عقدت حاجبها في حين قالت منار: هيه مو كأنو توك قلتي كلمه غريبه ..؟! لا تكون كلمه إعتذار صينية ..
الهنوف: لا .. تبتشي يعني آسف بالصينية .. أنا قلت معكيف .. يعني معليش .. كلمه عربيه ..
منار: وإيش تطلع هالكلمه الغيبه ..؟! من فين جت ..؟!
الهنوف: هذه كلمه منتشره بمدرستنا .. يووه أما ما سمعتي عنها ..؟! وأنا اللي عبالى أنكم تعرفون كل شيء وأنا ما أعرف إلا بعض الأشياء .. طلعتوا ما تعرفوا هالكلمه .. ششش لا تقولي لأحد ويضحك عليكم ..
تعجبت منار أكثر فأبتسمت الهنوف بداخلها ..
كذبتها متقنه ..

ميلت منار شفتها وقالت: عبيط اللي مطلعها .. إيش الغباء هذا ..
الهنوف بدفاع: لا مو عبيط ...!!
الأم: خلاص فقلوا هالموضوع ..
الهنوف بإحراج: ط ط طيب ..
لفت الأم على أميره اللي من أول تطالعهم بهدوء وقالت: زوجك مو كأنه تأخر ..؟!
هزت أميره راسها تقول: هو قال بأرجع وقت متأخر ..
منار: هالأيام يتأخر بشغله كثير ..! وش عنده ..؟!
أميره وعيونها على الهنوف: قضيه ... قضيه صعبه ..
الهنوف بحماس: للحين لما أسمعك ما أصدق .. وناسه يطلع أحد أعرفه يشغل محقق ...!! تصدقي تباهايت بهالشيء بمدرستي .. قلت لهم عندي كونا حقيقي بعيلتنا ...! أكيد هو يقعد يحكيك عن قضاياه وكذا صح ..؟!
الأم بهدوء: ويعني ما بترحيننا ..
تذكرت الهنوف فقالت بسرعه: معكيف .. إنجرفت بالحكي ..
رفعت الأم حاجبها على هالكلمه بعدها تنهدت وطالعت بأميره تقول: يبغالي أجلس معه .. هالأيام غيابه كثير ..
المفروض ما يقدم شغله على حياته الخاصه .. عنده زوجه وولد لازم يهتم فيهم ..
أميره: لا يمه عادي .. هي فتره بس وبيرجع مثل قبل .. وأنا عارفه أسبابه بالتفصيل فأنا عاذرته ..
تنهدت الأم وطالعتها لفتره بعدها قالت: أنا مو شايله همك .. ولدك ياسر لازم يهتم فيه أبوه أكثر من كذا ..
يروح والولد نايم ويرجع والولد نايم .. ما يصير كذا ..
ما لقت أميره أي تعليق وفظلت تقعد ساكته ..
ظل الوضع هادي .. منار جنبها ياسر وتطالع فيه وهو يلعب وياخذ رايبها بين فتره وفتره ..
واميره سرحانه والام تفكر بهدوء ..
تنهدت الهنوف لما صار الوضع ممل ..
عقدت حاجبها تدور على ميرال .. لها فتره ما تشوفها ..
شافتها أمس لما رجعت من السفر وبعدها ما عاد شافتها ..
غريبه ..
لفت تطالع بأميره لما حسنها تراقبها ..
حتى اميره وضعها غريب .. كلامها هادي غير عن العاده وكل شوي تطالع فيها وكأنه فيه شيء صار ..

[illegible]

هزت أميره راسها وكملت: مشعل ... لقي إخوانه من أمه ..
 إندهشت الهنوف وقالت: وربى حلو ..! ألف مبروك وربى يسعده إن شاء الله ..
 عقدت حاجبها مستغربه من وجه أميره فقالت: أميره هذا خبر حلو صح ..؟!
 أميره: المفروض يكون كذا ..
 الهنوف بدهشه: وليه وش صار ..؟! فيه شيء ..؟!
 لفت أميره وجهها وطالعت بالساعه شوي بعدها طالعت بالهنوف تقول: بعد أقل من أربع وعشرين ساعه راح
 تنقص أخته من أمه ..
 اتسعت عيون الهنوف من الصدمه وإندفعت تقول: وليه ..!! هي وش صلحت وليش الموضوع وصل
 للقصاص وكأنها قاتله لها قتيل !!!
 شوي زادت صدمتها وكملت: أميره لا يكون جد قتلت لها أحد !!! مستحيل ..! هالقصاص صح نسمع فيها بس
 مستحيل تصير ..! أقصد إنه لا لا مستحيل .. يمكن فيه شيء غلط .. أو
 وبعدها ما عرفت بإيش تكمل ..
 مصدومه .. مصدومه كثير ..
 عدلت جلستها تقول: طيب ليه ..؟! مو قصدي بس يعني لا لا مو لازم تنقص أياً كان السبب .. يعني ما
 يقدروا يعفوا عنها ..؟! يتنازلوا ..؟! حرام بعد ما لقي أخيراً أحد من أهله يكون نهايته يموت ..! والاه
 صعبه عليك كثير .. قلبي له يحاول مع أهل الميت أو القاتل أو أياً كان .. ترى اللي يعفو بينكتب له جبال
 الحسنات .. جزاه عند الله كبير ..
 بعدها وقفت عن الكلام وهي حيل حيل متضايقه ..
 ما تعرف البنت ولا تربطهم علتقه بس من سمعت الخبر تضايقت ..
 هي كذا .. تكره المشاكل وتبعد عنها ..
 وتكره كل الأخبار السيئه اللي فيها مات فلان وعلان ذبح الثاني ..
 عشان كذا تكره مجالس الحريم والإختلاط معهم لأنهم لابد يجيبوا سالفه أحد صار له حادثه مؤسفه يا بسبب
 شغاله أو سواق أو أي شيء ..
 جسمها يرتعش من تسمع هالمواضيع وتتضايق ويوصل بها الموضوع الى البكي بعض الأحيان ..
 بلغت ريقها وقالت: أميره صدق قلبي لزوجك يكلمهم .. والله حرام .. لا استغفر الله مو قصدي أحلف إنه
 حرام .. هذا حقهم بس يعني ...
 قاطعتها أميره: راح لهم لمره ورفضوا .. وعرف من كلامهم إن أهل البنت قد جوا بدل المره ألف وإنهم حتى
 عرضوا ملايين كديه .. هم ... رافضين ومصرين على القصاص ..
 حست الهنوف بالألم تجاهها .. تجاه هالبنت اللي ما تعرفها ولا حتى تعرف سبب قتلها ..
 جسمها يرتعش وملامحها إنقلبت تماماً عشانها ..
 طالعتها أميره بهدوء ..
 الهنوف إنفعلت وتأثرت وهي ما تعرفها ولا تعرف أي شيء عنها ..
 فإذا وش بتكون ردة فعلها لو عرفت إنها أختها ..؟!
 كانت تنوي بس خلاص تراجعت عن نيتها ..
 وقررت ما تخبر الهنوف عن صلة القرابه ذي ..



وعالساعه ١١ الليل ..

قامت من فوق الكنب لما سمعت الباب يدق ..

راحت له وهي مُستغربه من الشخص اللي بيدق بوقت زي كذا ..!

عالموم من وقت ما سكنت بالشقه كان المفروض ما تستغرب من كثر ما الحريم بين وقت والثاني يجوا يتعرفوا عليها ..

مالها غير يومين وقد زارها فوق العشر حريم ..!

فتحت الباب تشوف مين فاتسعت عيونها من الصدمه لما شافت إنه أسامه مو أحد ثاني ..

بسرعه حاولت تقفل الباب لكن ما قدرت عليه فرجعت على وري وعينها معلقه عليه وهو يدخل بهدوء تام .. بلعت ريقها وهي حاسه برجفه كبيره تسري بجسدها ..

تذكرت كلام وحده من الحريم لما قالت لها اليوم لا تفتحي الباب بدون لا تسألني مين لأنه مو كويس لك .. ليتها سمعت نصيحتها .. بس شتسوي ..؟!

هي أجنبيه وتعودت تطلع تدخل تفتح تقفل بدون لا تسأل أو تهتم ..

طالعها أسامه شوي بعدها قال: طبعي أشوفك تنتفضي كذا .. مالك يومين من هربتي ومع هذا لقيتك .. قولي جني قولي شيطان قولي اللي تقوليه .. المفروض إنتي أكثر وحده تعرفين مين أسامه وإن الهروب منه شيء مُستحيل ..

طالعه بعد ما خلاص إستعادت نفسها وقالت بهدوء: وعشان كذا هربت منك ريماس ولا قدرت توصلها .. ضاقت عيونه بعدها تقدم منها يقول: إنتي هبله لأنك أخترتي أسامه يكون عدو لك ..

ميلا: أي نو .. > أنا أعرف >

أسامه: مين اللي إهتم فيك وبأمك لما زوجها غدر فيكم وسرق جوازاتكم وباعها ..؟!

ميلا: إنت ..

أسامه: ومين اللي وعدك يطلع جواز ويسفرك لبلدتك الأم اللي غبتي عنها أكثر ١٥ سنه ..؟!

ميلا: إنت ..

أسامه: ومين اللي وعد بانه راح يتكفل بكامل علاج مرض أمك ..؟!

ميلا: إنت ..

أسامه: ويعني ..؟! وش يعني هروبك ..؟!

ميلا بهدوء: بيعني إني إستغنيت عن كل وعودك وخدماتك ..

ضاقت عيونه فكملت: السنه الرابعه هذه ولا شفت منك إلا الوعود .. كل ماذكرتك قلت لي بأوفيتها بالوقت اللي أبغاه .. الى متى تضن راح أنتظر وقتك ..؟!

قرب منها أكثر وحده تنرفز منها فابتسمت تقول: كانوا يومين ومع هذا كتير حريم تعرفوا علي وطلبوا مني أطلب منهم المُساعده لو بغيت .. أسامه تقرب أكثر وصرخه وحده تكفي إنه يكسروا الباب حتى يساعدوني ..

خُلك عاقل مثل ما عرفتك ..

أسامه: ميلا لا تلعب بالنار ..

ميلا: إيه من زمان إحترقت .. بتفرق معي دحين ..؟!

أسامه: صديقتي اللي تسويه مو بصالحك ..

ميلا: ومن متى أنا عملت شيء كان بصالحي ..؟!

أسامه: يعني خلاص ..؟!

إبتسمت وقالت: ببسعدني تكون خصم لي .. لكن ما أضن بيطول الموضوع أكثر .. خلال سنه راح أكون أنا

وماما ببلدنا بعيد عن هالبلد الإستغلالي .. دام إنت وزوج ماما منه فأتمنى ما أجلس فيه أكثر من كذا ..


ضاقت عيونه وقال بهدوء: ماشي .. راح نشوف وش بيصير في اليومين الجايه ..

إبتسمت بثقه وهي عارفه إنه ما بيقدر يصلح شيء ..

حياته بإيدها ..

كل المُستندات اللي عندها توديه وري الشمس ..

معناته ... هي الربحانه أكيد ..



وبصباح يوم الجمعة ..
يوم عادي .. على مُعظم الناس ..
بس هو يوم مصيري بالنسبة لأحد شظايانا ..
لشظيتنا السجينه واللي تحمل قلب أم همه بس أولادها ..
مايا ... وُخسام اللي دوم تعتبره ولدها ..
يوم بيحدد إن كانت بتستمر وبتعيش مثل ما تتمنى معهم ..
أو بتنتهي حياتها هنا مثل ما خلاص أقلمت نفسها عليه من سنوات ..
هي وحدها هناك سجينه ... ولكن خلفها فيه أكثر من شخص واحد يتمنى إنها تخرج ..
أكثر من شخص يتمنى لها الخلاص ويحاول يخلصها من مصيرها اللي ينتظرها ..
منهم الأخ .. والأخت والأب ..
ف ... إيش اللي ينتظرها ؟!

إنتهى البارت وبإذن الله نلتقي بعد بُكره الأحد ببارت يحدد لنا مصير شظيتنا اللي عانت واللي ما زالت تُعاني
واللي ما يندرى هل جاء وقتها إن تتفتت وتختفي ..؟!
أم تعود لتلتصق ببقية الشظايا مُحاولَة لإعادة الرُجاج المكسور الى حاله السابقه ..

..X ||part end || X..

..X || البارت الرابع والخمسون || X..


كانت طفله برينه ..
لقائه الأول معها وهي بمريول المدرسه في عماره لتأجير الشقق ..
كان جاي كمان يأجر لنفسه شقه وهناك شافها ..
تترفز من الموضوع .. مو منها .. من أهلها اللي مهملين طفلتهم لدرجة تتمشى بالعمارات وهي بهالسن ..
كانت طفله بنظره .. راح لها وعاتبها وسألها عن أهلها ..
وهنا إنصدم من قصتها ..
أثارت شففته وحزن عليها .. وبعدها أخذها لعند خالها وتجال معه ..
اللي صدمه إنه باليوم الثاني والثالث كان يشوفها كمان تحاول مع صاحب العماره تحاول فيه يسمح لها تستأجر ..
عرف إنه مافي فايده مع خالها فتقدم لمساعدتها ..
أخذ الفلوس منها مثل ما تبغى وإستأجر الشقه بإسمه وزود من عنده لأن الفلوس ما كانت أبد تكفي ..

فجأه لقي نفسه غضب عنه يهتم فيها ..
بنظره هم أيتام وبما إنه يعرف قصتهم فواجب يساعدهم ..
وصار هو الشخص اللي كانت تعتمد عليه هالطفله إعتماذ كلي ..
لدرجة بعض الأحيان تدق على بابه بنص الليل تطلب مساعدته بصيانة مكيف الغرفه أو بصنابير المغاسل ..
وبعدها تعلق فيهم .. فيها وبالطفل اللي كانت تتعب وهي تهتم فيه ..
بعدها وصلت للسن اللي يخليها ما تطلب مساعدته أو حتى تطلع بوجهه ..
وقتها ... إشتاق لها كثير ..
الطفله اللي كان يهتم بها كبرت ..
يمكن كان السبب هو الشفقة أو العطف ... السبب اللي خلاه يتقدم لخطبتها ..
صارت مشاكل .. بس النهايه هي إنه تزوجها ..
ويوم عن يوم ... زاد تعلقه فيها ..
وتحول الموضوع من شفقة الى حب ..
كانت إنسانه غير .. إنسانه بنظره مستحيل يكون لها شبيهه بين كل البنات ..
مميزه كثير ..
فعلى الرغم من صغر سنها ... كانت تملك عقل كبير ..
تفكير يجاري تفكيره .. وتحمل كبير للمسؤوليه ..
متفاهمه .. مرحة .. ودوم متفائله ..
فعلاً .. كانت مميزه ..
لكن انفصلوا ..

أخذ نفس عميق بعدها طلع من غرفته ونزل لتحت ..
تقدم وجلس بالصاله عند أمه وأخته رشا ..
ماجد: السلام عليكم ..
الأم: هلا وعليك السلام ..
طالعهما ماجد شوي وبعدها بدون مقدمات: رغد قصاصها اليوم ..
شهقت رشا بصدمة بينما الأم إندهشت للحضه بعدها تصنعت اللامبالاه وهي تكمل تقشير الرمان بالصحن ..
طالع ماجد بأمه لفته بعدها قال: بأروح أزورها للمره الأخيره ..
الأم بلا مبالاه: بكيفك بس لحد من الجماعه يعرف ماشي ..؟!
طالع بأمه لفته بعدها لف على رشا وقال: إنتي فاضيه صح ..؟!
رشا: ها .. إيه ..
ماجد: تجهزي .. بتروحين معي ..
إستغربت رشا في حين رفعت الأم راسها تقول: وفي إيش تبغى رشا ...؟! تحظر القصاص معك ..؟! صاحي إنت

ماجد بهدوء: لا .. أباها بموضوع ثاني رشا ياللا نص ساعه تجهزي فيها ..
ترددت رشا وطالعت بأמה ولما ما شافت منها رد تركت الخيار اللي كانت تقطعه للسلطه وطلعت لفوق ..
هدأ الوضع لفته بعدها طالعت الأم بـماجد تقول: آها لأتلك طليقها ما تقدر تشوفها فراح تطلب من رشا توصل
لك الكلام لها صح ..؟!
ماجد بهدوء: لا ..
ظلت أمه تطالعه لفته بعدها تنهدت وقالت: أياً كان فلا تخليها تحظر القصاص ..
سكنت للحضه بعدها كملت: والله يرحمها ويغفر لها .. ما أبغى أتشمت وأقول هذا جزاها بس أقول الله يرحمها
إن شاء الله ويكون هذا سداد لذنوبها بإذنه ..
رفعت راسها لولدها تقول: وشايف كيف إن قراراتي دايم صح ..؟! لو سمحت لك تكون معها حتى بعد سجنها
فايش بيبكون حالك اللحين ..؟! بالنهايه البنات أهل الميت إختاروا لها القصاص .. بتكون إنت أكثر من يتألم
ويتعذب ..! لكن الموضوع عليك اللحين أخف .. عشان بعدين تعرف إنني لما أقرر ما أطالع للموضوع من زاويه
وحده .. أنا أختار الشيء الأصح لك ..
ماجد بهدوء: طيب ومايا ..؟! وين الأصح بقرارك إنني ما أربيهها ولا أهتم فيها ..؟!
طالعه شوي بعدها قالت: هالبنات عندها خال يربيهها .. لو أخذتها إنت ما تعرف شقد بتكون المشاكل الطويله
بينك وبين خالها .. وأكيد راح يوصل الموضوع للمحاكم .. إنسى حياتك القديمه وشوف لحياتك الجديده .. هذا
كان مطب بحياتك لازم تنساه وتبدأ من جديد ..

طالعها لفتره بعدها لف على أخته لما سمعها جايه ..
قام وقال: ياللا أستنذن ..
تقدمت رشا وأخذت صينية السلطه توديعها معها للمطبخ فسألت الأم: بتتغدوا هنا ..؟!
ماجد وهو طالع: لا ..
راقبتهم الأم وهم طالعين بعدها رجعت تطالع بصحن الزمان لفتره ..
من بعد كلامهم ذاك اليوم وكلام ولدها معها شبه رسمي ..
هي عارفه إنها مرحلة وبتعدي وبالنهايه بيجي يطلب رضاها ..
بنظرها رضا الأم أهم من أي شيء ثاني حتى لو كان رضاها بشيء غلط ..
ومايا .. صحيح متعاطفه معها بس خلاص لها أهل يهتموا فيها ..
ما ترضى أول حفيد لها يكون من أم قاتله وإتحكم عليها بالقصاص ..
تعوذت من إبليس وقالت: خلاص الله يغفر لها .. هي بطريق وإحنا بطريق ..
وبعدها كملت تقشير ..



بين قضبان ذاك السجن الكنيب والموحش ..
خمس سنوات تقريباً مرت وهي متخذة هالمكان وسيلة عيش مؤقتة ..
يا تروح بعدها لقبرها .. أو لأحضان عيلتها ..
وحان وقت رحيلها .. ونهاية طريقها واضحه لها ..
للقبر ..
عاشت بصراع نفسي طويل داخ هالمكان ..
ما بين شعورها بالذنب للتقصير بإهتمامها بأخوها ..
وما بين خوفها من نهايتها المبهمة والمجهوله ..
نفسيتها ما قدرت تأقلمها .. مو عارفه وش نهايتها ..
يا تأقلمها عالصبر اللي بيكون نهايته الفرج .. أو على التحمل وتقبل السوء واللي بيكون نهايته القبر ..
لكن .. عالسنه الأخيره .. صار كل شوي واضح عندها ..
محد قالها .. لكنه شعور جواتها ..
بان نهايتها قربت .. وبان موتها ما عاد بينها وبينه إلا شعره ..
خلاص .. أقلمت نفسها على الحقيقه اللي حسنت فيها من فتره ..
ما تنكر إن الخوف جواتها كبير لكنها حاولت تكبته قد ما تقدر ..
راح تستسلم .. وتوكل أمرها لله ..
وتدعي له ... إن حياتها الجايه تكون أحلى وأحلى بين جناته الواسعه اللا نهايه لها ..
بدأت تطمئن نفسها لالحياه الموجوده بعد مماتها ..
إيه .. خلاص .. أقنعت نفسها إن موتها أفضل وأحلى ..
إستعدت تماماً لهاليوم ..
عزائها الوحيد واللي شايله همه هو أخوها ..

كُل ما تتخيل وش مُمكن يصير فيه لما يسمع خبر موتها تتألم ..
هو أكثر واحد راح يتألم عشائها فعشان كذا شايله همه ..
شايله همه كثير ..

رفعت راسها تطالع بسقف السرير اللي فوقها وهمست بألم: يارب .. يارب خفف عليه ألم فراقى .. يا رب هون
عليه هذه المُصيبة .. يا رب ألطف بحاله .. يا رب ألطف بأنت اللطيف الرحيم .. يا رب ألطف بحاله يا رب

وبعدها وقفت لما حسنت حالها حتبكي ..
مو قادره .. قلبها بيتقطع على أخوها ..
تعرف هو قد إيش يتأثر من أتفه الأمور ..
أتفه الأمور تستفزّه .. أتفه الأمور تضحكه ..
أتفه الأمور تخليه يتهور وأتفه الأمور تخليه يتألم ..
غمضت عيونها أول ما حسنت بالدموع تتجمع فيها ..
لا .. ما تبغى تبكي ..
ما تبغى تبكي .. هي قررت ما تبكي في مثل هاليوم ..
ما راح تبكي أبداً ..
بلعت ريقها كذا مره حتى هدأ حالها ففتحتها مره ثانيه وطالعت بالفراغ مره ثانيه ..
هي ... وحده ..


هي عندها أمنيّه وحده تتمنى تتحقق ..
ولو لمره ... تبغى تشوفها ..
تشوف ضناها اللي ما شافتها أبداً من خمس سنوات ..
تتمنى هالأمنيّه تتحقق ولو للحضه وحده ..
رفعت راسها بهدوء لما سمعت إسمها وطالعت بالمأموره اللي قالت: ياللا تعالى .. فيه إجراءات لازم تصير قبل
لا يتنفذ الحُكم ..

طالعتها رغد بهدوء ..
كان عليها تكون أقل قسوه بكلامها هذا ..
قامت تقول: جايه ..

أول ما قامت حضنتها هوازن بقوه وهي على وشك البكاء تقول: رغد رغد خلي عندك أمل .. بإذن الله يتنازلوا
.. بإذن الله ترجعي لبنتك ولعليتك بأمان .. بإذن الله ..

إبتسمت رغد تقول: هوازن لا تبكيني .. كُلى شيء كاتبه الله بيصير ..
بدأوا وحده وحده يودعوها .. اللي تطلب منها الصبر وتتمنى لها الفرج ..
واللي تهون عليها مصيبتها وتطلب منها إحتساب الأجر ..
تقدمت إسرائ وضمته بقوه وهي تهمس: ربي بيحميها لك .. بنتك وأخوك اللي إنتي شايله مهمهم ..
إبتسكت رغد وقالت: بإذن الله .. أنا مطمئننه لحالهم بعد زيارة يحيى لي أمس .. ربي يسعده ويكتب له الخير في
كُل خطوه يخطيها .. بإذن الله هم في أمان ..
إسرائ: أجل الحمد لله ..

وبس .. هذالكلمه الوحيده اللي قدرت تقولها بعدها ..
الوضع .. صعب .. صعب كثير ..
والجاي حيكون أصعب ..



جالس بهدوء تام في الحجز ..
من وقت ما تكلم مع مشعل أمس وهو ما قابله ..
شصار على الموضوع ..؟! موضوع طلبه بأنه يشوف رغد ..؟!
من أمس ينتظره يجي يكلمه ويعطيه الأخبار لكن ما صار شيء ..
حس بقلق كبير .. يخاف إن مشعل ما لقي طريقه وعشان كذا فضل ما يواجهه ويخبره بهالخبر السيء ..
لا .. هو شرطي .. مُحقق ..
لازم يلقي طريقه ..
لازم يطلع من هنا ويشوف رغد ..
لازم يلقي له حل ..
رغد !!!
غمض عيونه بهدوء وهو خايف ..
خايف إن بدر لسي مصر على القصاص ..
لا .. ما يتخيل حياته بدون رغد ..
بدون الإنسانه اللي كانت له كل شيء بالدنيا ..
بدون الإنسانه اللي خلته ما يحس بفقدانه لأمه وأبوه ..
بيغاها تطلع ..
هو من وقت ما إنسجنت وهو على أمل إن أيامهم مع بعض راح ترجع ..
هو حتى وعد نفسه إنه ما يكون ذاك الولد المتهور العنيد واللي دايم يتعبها بمشاكل وصراخه وإعتراضاته ..
بيكون لها كل شيء بحياتها ..
جاء دوره .. خلاص هو كبير كثير ..
راح يرهاها .. يهتم فيها ..
ما راح يخليها تحتاج لأي شيء ..
هو اللحين اللي بيكون لها الأب والأم وكل شيء ..
بس المهم تطلع ..
فتح عيونه بهدوء وهو نادم ..
نادم على كل الأشياء اللي سواها ..
بسببه .. رغد دخلت السجن ..
وبسببه بنت رغد تعبت وعملت عمليه خطيره ..
وكمان بسببه هو اللحين بالسجن ولا هو جنبها أبد ..
لو بس ما هو هنا .. كان نام عند بيت بدر وأمه ..
كان بيكون قدام بيتهم ليل نهار لحد ما يقتنعوا ويتنازلوا ..
راح يترجاهم .. يبوس أقدامهم لو بغوا ..
بس المهم ترجع رغد ..
ترجع الإنسانه اللي هي كل شيء بحياته ..
واللي لو فقدتها .. ما يضمن بأنه راح يكمل حياته بدونها ..
رفع راسه بسرعه لباب الحجز لما إنفتح بس خاب ضنه لما شاف الشرطي يدخل واحد من الشباب لداخل ..
شكله عامل مشكله ويحققوا معه ..
طالع بالشرطي وهو يبتعد بهدوء ..
تذكره ... تذكر الشخص اللي مكتوب بهويته إنه أبوه ..
تذكر لما زاره هنا بالسجن .. هذا الشرطي اللي أخذه لأبوه ذيك المره ..
حس بضيقه شديده بصدرة ..
كل ما تذكر أبوه يحس بهالضيقة اللي تنم عن كُره وحقد كبير تجاهه ..
لأن بسبب هالشخص ... صارت لهم كل هالمشاكل ..
يكرهه .. يكرهه وفي كل يوم يزداد كُرهه له ..
بسببه هو هنا ..

بسببه رغد بالسجن ..

بسببه مايا بالمُستشفى ..

كُل شيء ..

كل المشاكل اللي صارت لهم واللي بتصير هو سببها ..

حس بألم شديد بصدرة من التفكير اللي خطر على باله ..

يكرهه .. مُستعد يحلف إنه يكرهه كُره ما قد كرهه لأعدائه ..

بس ...

هو ما يبغى .. ما يبغى من هالأنسان أي شيء ..

لا مُساعده .. ولا إهتمام .. ولا حب ..

بس

بس هي أمنيّه ..

هو ما يبغى منه شيء بس مافي غيره ..

يتمنى منه إنه يكون مهتم بموضوع رغد ..

وإنه بأمواله الكريهه هذه يقتنع عيلة بدر ..

غمض عيونه يمنع نفسه من البكي ..

اليأس اللي هو فيه من حالة رغد خلته يحتاج المُساعده حتى من شخص مثل أبوه ..

من الشخص اللي كرهه واللي ما يبغى بينه وبينه أي علاقه ..

لكن ... رغد مهمه له كثير ..

القصاص ما بقي عليه إلا ساعات ..

يمكن حتى ساعتين بس ..

خايف .. خايف بشكل كبير ..

فراقها عنه يخوفه ..

فتح عيونه بهدوء وطالع بإيده اللي ترتعش ..

يحس جسمه كُله مقشعر ويرتعش من هالفكره ..

من فكرة موتها ..

ما بيقدر يتحمل ..

هو عارف نفسه ما بيقدر يتحمل بعدها عنه ..

ما بيقدر يتحمل موتها ..

حياته بتصير جحيم ..

ما بيقدر يستمر ..

مُستحيل يصير كذا ..

لا مُستحيل ..

إنتفض بفجعه لما سمع صوت الشرطي العالي هو ينادي بإسمه ..

رفع راسه وطالع فيه فأشّر له الشرطي بإنه يطلع ..

ظل حُسام يطالع بتردد كبير ..

خايف .. هذا أكيد مشعل طالبيه ..

على قد ما كان ينتظره إلا إنه خايف من رده ..

يخاف إنه ما قدر يصلح عشانه أي شيء ..

الشرطي مره ثانيه: ما بتطلع حُسام ولا كيف ..؟!

قام حُسام وهو يقول: إ... إلا ..

خرج حُسام فقفّل الشرطي باب الحجز وأخذّه معه لمشعل ..

دخله الشرطي بعد ما أعلن عن وصول حُسام ووقف جنبه قدام مكتب مشعل ..

طالع مشعل بحُسام شوي بعدها لف على الشرطي وقال: فكّ اللي على إيده وجيب لي ورقة التوقيع اللي طلبتها

..

الشرطي: إن شاء الله ..

فكّ الأصفاد عن إيد حُسام بعدها خرج ..

طالع مشعل في حُسام وشافه يطالعه وبعيونه مية سؤال وإستفسار ..

تنهد مشعل وفتح الأوراق اللي قدامه يقول: الإعتراف اللي أخذته منك تعارض مع أقوال الشاهد فإضطررنا

نستدعيه مره ثانيه لكنّه أكد على أقواله ولا تراجع .. قمنا بعمل مُطابقه بين أقول الشهود والمسجونين وأقوالك

.. تبين إنه أربع أشخاص تتطابق أقوالهم من ناحيه وحده واللي هي إن أصوات صفارات الشرطه جت بالوقت

اللي كنت فيه إنت والسجين موسى مع بعض .. والسجينين الآخرين اللي يتبعون للقتيل حميدان أكدوا هالنقطه بانهم شافوكم تهربون بالبحر في الوقت نفسه اللي سمعوا فيه صفارات الشرطه .. الطب الشرعي أكد لنا بأن الضحيه ماتت قبل حضور الشرطه بعشر دقائق وبكذا

طالع حُسام وقال: نتأكد إن وقتها إن ما كنت مع حميدان وإنما مع موسى واللي يبعد عن حميدان بمسافه يستحيل قطعها ذهاباً وإياباً بعشر دقائق بس .. ونقدر نقول إنك بريء من قتل حميدان ..

حُسام بدهشه: يعني أقدر أطلع صح ..؟؟!!

هز مشعل راسه بالنفي يقول: برىء ولكن إفتراضياً .. لايد من دليل محسوس وخصوصاً إن الأدله الإفتراضيه هذه تتعارض مع أقوال الشاهد ..

حُسام بإنفعال: هذا الشاهد كذاب !!!.. هذا ملك أرسلته .. إيه ملك أرسلته أنا متأكد !!! مشعل صدقني هو كـ... قاطعه مشعل: حُسام إهدأ .. أنا مصدقك والله ..

هدي حُسام فكمل مشعل: بسبب هالأدله اللي تتعارض مع أقواله قدرت أفتح تحقيق خلفه وخلف صحة أقواله .. وهي مسأله وقت قبل لا أثبت كذبه وأطلع الإعتراف منه واللي بيكون هو دليل برانتك الأساسي ..

حُسام بدهشه: كيف مسأله وقت !!!.. مشعل ورغد طيب ..؟؟ أنا أبغى أطلع .. عادي إسجنوني بعدها لشهر شهرين بس المُهم طلعوني اللحين !!! تكفى مشعل أنا ...

وقف عن الكلام لما إندق الباب فقال مشعل: أدخل ..

دخل الشرطي نفسه وقدم الأوراق لمشعل بعدها إستأذن وطلع من جديد ..

فتح مشعل الأوراق وبدأ يكتب بوحده فيها وحُسام يطالعه لفتره ..

تقدم منه حُسام شوي وقال: مشعل إنت سامعني ولا لا ..؟؟ أنا

قاطعه مشعل: سامعك يا حُسام سامعك ..

طالع فيه وكمل: بس إنت الله يهداك مو مخليني أكمل .. تستعجل بالأسنله وتندفع قبل لا أخلص كل كلامي .. حُسام: مـ معليش .. أعذر ..

طالعه مشعل شوي بعدها رجع يكتب وهو يقول: قدمت عارضه فيها أقوالك والأدله الإفتراضيه اللي تدعم برانتك بالأمس .. اليوم ردوا بالجواب وبتقدر فيه تطلع عشان تحظر القصاص ولكـ...

قاطعه حُسام بإندفاع: لا تقول القصاص !!!..

إندهش مشعل من إنفعاله فكمل حُسام بتردد: هي .. ما بتنقص .. ما بتموت .. قول باني راح أطلع عشان أحظر العفو مو القصاص ..

تنهد مشعل وقال: حُسام .. راح يتم القصاص الساعه خمس بعد العصر .. ما بقي غير ساعتين وللحين ما عفى الولد .. هذا يعني

قاطعه حُسام: لا ... إنت شرطي .. ما سمعت بهالقصص !!! أنا قد شفتها بمُسلسل وأنا صغير .. الولد عفى عن الشخص في الوقت اللي كان بينقص فيه !!! معناته أكيد بدر بيعفى عنها بذاك الوقت ..

ما علق مشعل على كلامه ..

حتى هو ما بيغاها تنقص ..

ما يبغى أخته اللي ما قد شافها إنها تروح كذا ..

لكن ... ما يبغى حُسام يصدق هالأمل ويكذب أي شيء ثاني ..

لأن لو كانت نهايتها القصاص فهذا بيكون أقسى عليه ..

المفروض يستعد نفسياً للأسوء ..

تنهد وقال: المُهم حُسام مثل ما قلت لك .. راح تطلع عشان تشوفها لكن بكفاله .. وتكون لفتره وترجع تكمل تحقيق ..

حُسام: ومين بيكفلني ..؟؟ إنت ..؟؟!

طالعه مشعل شوي بعدها لف الورقه لجهة حُسام يقول بهدوء: لا .. أخوك يحيى .. بما إن قرابته فيك أقوى .. وقع في هالخانه ..

وأشر على مكان التوقيع ..

ظل حُسام يطالع بمشعل لفتره بعدها أخذ القلم ووقع فقدم له مشعل علبة البصمه وقال: وإبصم بالخانه ذي .. فبصم حُسام بالمكان اللي حدده له مشعل فأخذ مشعل الأوراق يقول: خلاص إنتظر على ما يجي يحيى يخلص

بقية الإجراءات و...


قاطعه حُسام: ما راح تجي ..؟؟!

عقد مشعل حاجبه وطالع في حُسام فتجنب حُسام يطالع بعيونه وهو يكمل: رغد هي أختك كمان .. ما راح تجي ..؟؟!


طالعه مشعل لفتره بعدها قفل الملف يقول: إن شاء الله ..

أشر له على الكرسي وكمل: إجلس هنا إنتظر لحد ما يجي يحيى .. هي مسافه الطريق ويكون موجود ..

جلس حُسام .. وبدأ ينتظر وصول يحيى ..



على الساعة أربع العصر ..
طلع من المسجد بعد صلاة العصر وعينه على جواله يقطع فيه ..
تنهد وحطه بجيبه بعدها إتجه لبيته اللي يبعد شوية أمتار عنه ..
دقيقتين بعدها وقف لفته ..
لف وجهه وهو مستاء من الوضع اللي راح يصير بعد شوي ..
حاول يغطي وجهه وهو رايح لباب بيته بس وقفه صوت يقول: السلام عليكم بدر ..
شد على أسنانه للحضات بعدها تنهد ولف عليهم يقول: وعليكم السلام .. وتنازل مو متنازل .. الله معكم ..
ولف ببشره لبيته بس تكلم الشخص الثاني يقول: بدر وقف ..
أخذ له نفس عميق بعدها لف وقال: صدقتي يا عم .. مهما كان العرض اللي بتقدموه .. تنازل أنا مو متنازل ..
تقدم هذا العم واللي ما كان غير عزام أبو رغد وقال: بدر .. كم المبلغ اللي تحتاجه ..؟!
بدر: قلت لك ما أبغى .. لو تدفع لي ملايين ما راح أتنازل ..!!
عزام بهدوء: خمسين مليون ..؟!
بدر: قلت لا ..
عزام: سبعين ..؟! طيب ميه ..?!
بدر بآنز عاج: قلت لكم ما بتنازل مهما كان المبلغ اللي بتدفعونه !!!
عزام بنفس الهدوء: طيب تبغى مرتب شهري طول عمرك ..?! كم المرتب اللي تطلبه ..?!
طالعه بدر بعدم تصديق بعدها لف على ذياب اللي واقف جنبه يقول: إنت تدخل ...؟! قول له مافي فايده من
إقناعي ...!!! قلت لكم هالشئ بدل المره مليون ...!!!
ذياب بهدوء: بدر فكر بالموضوع .. فكر لمستقبلك .. لو البنيه ماتت إنت ما بتستفيد شيء .. بس لو قبلت بالديه
فهذا راح يساعدك ويساعد الوالده كثير .. فالأفضل لك تختار اللي فيه مصلحه لك وللوالده ..
هز بدر راسه يقول: لا .. إذا إنت مو بمكاني فلا تقرر عني وش الأصح إني أسويه ..
طالع بعزام وكمل: لا تضغطوا علي أكثر .. الرفض هو قراري
قاطعه عزام: بدر .. لازم تتنازل .. البنيت عندها طفله ما شافتها .. البنيت ذي أم .. لا تكون السبب في إن الطفله
تتيتم وتعيش حياتها بدون أم .. إنت عندك أم وتعرف شقد الأم مهمه بالحياه ..
شد بدر على أسنانه وإنفعل يقول: ليه كلكم تعيدوا علي نفس الموضوع ...!!! ليه تحسسوني إني ظالم وقاسي
ولا أحس بأحد ...!!! ليه أطلع أنا الغلطان مو هي ...!!! مطالبتي بالقصاص شيء مو ظالم .. هذا حقي .. هذا حقي
اللي شرعه لي ربي .. حرام بنتها تعيش بدون أم ومو حرام أنا أعيش حياتي بدون أبو ...!!! أنـ...
قاطعه عزام: الوالد توفي رحمه الله .. هذا شيء صار وخلص ...!!! بإيدك اللحين حياة إنسانه ...!!! إنت فقدت
أبوك والمفروض تكون أكثر تعاطف للطفله وما تحرمها من أمها ...!!! بإيدك الخيار فلا تختار إنك تنهي حياتها
بالطريقه هذه ..
ذياب بهدوء: بدر أكيد إنت سامع بهالآيه "ومن عفى وأصفح فأجره على الله" .. العفو له أجر كبير عند الله
وهو راح يعوضك وايد .. بدر كلنا ودنا بالأجر و...
قاطعه بدر يهز راسه: لو المطالبه بحق القصاص شيء مكروه أو ما يجوز كان ما شرعه ربي صح ...!!! هذا
حقي فخلاص يكفي .. بنتكم هي الغلطانه ...!!! هي بإيدها ذبحت أبوي وحرمتني منه .. روحوا لها وقولوا لها
تدعي ربها وتستغفره على ذنب القتل اللي إقترفته بحق أبوي بدل لا تجون عندي تطلبون العفو ..
شد على أسنانه وقال بشكل نهائي: عفو ما راح أعفو .. ولو دفعوا لي مال قارون ما راح أتنازل .. كلامي هذا
ما راح أغيره أبداً ..
ولف بيدخل فتقدم عزام ومسك بإيده يقول: بدر وقف ...!!!



الساعة أربعة ونص العصر ..
لفت الطرحه على راسها بشرود تام وحزن يطغى على ملامحها ..
خلاص .. السياره تنتظر برى ..
السياره اللي راح تاخذها للمكان اللي حيتم فيه القصاص ..
هي مُستعده كُلياً لهذا ..
ومع هذا جسمها يرتعش .. إيدها ترتجف ..
حتى إن الطرحه هذه هي المره الثالثه اللي تلفها على راسها ..
خايفه .. هالمصير يخوف ..
خايفه كثير ..
مشاعرها تفجرت .. حالياً تبغى تشوفها ..
تبغى تشوف بنتها .. ولو لنظرة واحده ..
تبغى تشوف الكائن الصغير اللي قبل سنوات كانت تشيله باللفه ..
تبغى تلمسها .. تتحسس وجهها .. تضمها بقوه لداخل ضلوعها ..
هي أمنيه وحده تتمناها تتحقق ..
ليتها أمس .. أصرت عليه ..
على يحيى إنه يجيبها لها ..
لكنها إستسلمت .. لأن هي بنفسها خايفه تتعلق فيها ويكون بعدها تقبل الموت صعب ..
لكن الآن ما عليها .. حتى لو كان بيكون موتها أقسى ..
المُهم تشوفها .. تشوف بنتها الوحيده ..
تشوف ضناها اللي ما شافتها لخمس سنوات ..
وهي عارفه .. لو طلبت هالطلب من الأمن محد راح يعطيها وجه ..

دخلت وحده للغرفه وقالت: رغد عزام .. السياره وصلت ..
هزت رغد راسها وهمست: جايه ..
طلعت بإنعكاس وجهها على المرآيه .. خلاص السياره وصلت ..
معناته مافي أمل تشوفها ..
غطت وجهها بالطرحه وبعدها طلعت من الغرفه ..
ثلاث دقائق وركبت سيارة الجيب البيضاء ورى مع ثنتين من العسكريات المُنقبات ..
راحه له .. لمصيرها اللي كان مكتوب لها من خمس سنوات ..
زمت على شفتها تمنع نفسها من البكي وهي شاده على إيدها المُرتفه ..
لا .. ما تبغى تبكي .. هي ما تبغى تبكي ..
هي خلاص مُستعده للموت .. معناته المفروض ما تبكي ..
البكاء يعني الرفض والخوف ..
وهي المفروض خلاص مُستعده ..
فعشان كذا .. بتمسك نفسها .. وما بتبكي ..
رفعت راسها وطلعت من الشباك المُظلل واللي يا دوب تقدر تلاحظ شيء بسيط من معالم الحياه بالخارج ..
تقوست شفتها غصب عنها وهي تشوف البيوت .. والشوارع .. والسيارات ..
خلاص .. هي بتموت ..
زمت على فتها بقوه وللمره اللي ما تدري كم تمنع نفسها من البكي ..
لفت بهدوء على العسكريه اللي جنبها وسألته: بيكون فيه ناس هناك ..؟! أقصد يحضروا القصاص ..؟!
العسكريه: بالعادة الأهل .. أهل القتيل والقاتل ..
بلعت رغد ريقها ورجعت تطالع بالشارع وهي تدعي ..
إن حُسام ما يكون منهم ..
ما تبغى أخوها يكون حاضر ويشوفها ..
يشوف موتها بعينه ..

سماع الخبر لوحده حيصدمه فما تبغى الصدمه عليه تكون مُضاعفه ..
ما تبغى ذكرى موتها قدام عيونه تكون مخلده بذاكرته ..
لأن هذا حيخليه يعاني في كل مره يتذكرها ..
وهي .. ما تبغى هالشئ يصير لأخوها اللي هو كل شيء لها بالدنيا ..
مرت الدقايق ثقيله عليها ..
أشغلت حالها قد ما تقدر تفكر بأمور ثانيه ..
بعدها إبتسمت لما لاحظت صورته للملك سلمان معلقه جنب الإشاره اللي وقفوا قدامها ..
بفترة سجنها سمعت عن موت الملك عبد الله .. وهذه المره الأولى اللي تشوف فيه الملك سلمان كملك ..
ما كانت حافضه شكله كثير لأن ماله فتره من صار ولي العهد .. كانت أكثر شيء حافضته صورة الملك عبد الله
ووولي عهده الابق سلطان ونايف ..
تحركت السياره بعد ما ولعت الإشاره خضراء وإخفتت صورته من قدام عينها ..
أخذت نفس عميق وبدت تدور لها شيء ثاني تشغل نفسها فيه ..
صوره أو إعلان تجاري أو أي شيء ..
لكن .. بدت تشوف بيوت شبه قديمه وكأنهم طلوعوا من الخط السريع على خط شوي نائي ..
دقايق حتى وقفت السياره بمكان واسع شبه صحراوي بالقرب من أحد الأحياء ..
المكان كان مليون ..
ضباط شرطه .. الكثير والكثير من الرجال بثيابهم البيضاء ..
والكثير من المتفرجين اللي سمعوا عن القصاص وجوا كفضول أو كأخذ العظه والعبره ..
شدت على إيدها أكثر لما زاد إرتعاشها ..
فتح الرجال باب الجيب وقال بصوت عالي: إنزلي أختي رغد لو سمحتي ..
هزت رأسها وهمست: طيب ..
نزلت ومعها وحده من العسكريات ماسكه بإيدها ..
لفت رغد بعيونها في المكان ..
كل اللي حولها اللحين رجال واضح إنهم رجال أمن لكن بثيابهم البيضاء ومعهم رجال بزيهم العسكري ..
رفعت عيونها لأبعد شوي تطالع في المتفرجين تدور عليه ..
إبتسمت لما ما لقت له أثر ..
الحمد لله .. ما شافته ..
تتمنى يكون فعلاً ما جاء ..

كانن صغير من ين أرجولهم ما لاحظوه ..
تعداهم كلهم ولما إنتبه له واحد من الضباط ولحقه يمسكه كان قد حظن رغد بقوه وهو يصرخ: ماما !!!
إندهشت رغد ونزلت رأسها تطالع بذي الطفله اللي حضنتها وهي تصرخ باسم ماما ..
قرب الضابط بيسحب الطفله بس أشر له واحد ثاني بإصبر شوي ..
هزت رغد رأسها بعدم تصديق وهي تحس بذي الأيدي الصغيره تشد على رجولها بقوه ..
هي قالت ... ماما !!!
رفعت رأسها تطالع بكل اللي حولها بس ما شافت أحد تعرفه ..
جلست رغد وبعدت الطفله عنها ولما شافت وجهها بغت تشهق من الصدمه ..
هذه .. هي الطفله ..
الطفله نفسها اللي أعطاها حُسام صورته ..
هذه مايا ..
هذه بنتها مايا ..
مُستحيل ...! لا مُستحيل ..
ضمتها بقوه لصدرها وهي مو مصدقه ..
فعلاً هذه مايا ..
فعلاً هذه بنتها ..
شافتها .. مسكتها .. فعلاً بنتها اللحين بين إيدها ..
مو مصدقه .. مو مصدقه إن أحد أُمانياتها تحققت ..
بسما قدرت ..
ما تبغى تبكي بس ما قدرت ..
دموعها نزلت من عيونها وشهقت غصب عنها وهي تضم مايا بكل قوتها ..

مو عارفه كيف بنتها هنا .. مو عارفه مين جابها ..
اللي يهملها اللحين إنها شافت بنتها قبل لا تموت ..
بعدتها عن حضنها وبدت تتحسس وجهها الصغير ومايا تطالع فيها بوجه باكي ..
تقوست شفتا مايا تقول: إنتي ماما صح ..؟! هو يقول إنتي ماما ..
بدت تبكي وهي تكمل: ماما أحبك ماما بني لقيتي سياره عشان تجين عندي صح ..؟! خالو حُسام غبي يقول
لي يمكن ما تلقى سياره بس أنا كنت عرف إنك بتلقين سياره يا ماما .. ماما تحبيني صح ..؟! ماما إنتي تحبيني
لأنني صرت شاطره في المُستشفى وصرت بخير .. خالو كان يقول لي إذا صرتي بخير ومودبه راح تحبك ماما
.. يعني إنتي ..
قاطعتها رغد وهي تضمها مره ثانيه تقول بين بُكانها: إيه أحبك والله أحبك يا روعي .. والله أحبك والله
أحبك ... أحبك كثير ..
وما قدرت غير تردد هالكلمه في حين كانوا يطالعوا فيها بتأثر كبير ..
تنهد واحد من الرجال وهمس: لا حول ولا قوة إلا بالله ..
ومنهم من يقول في نفسه يا ليتها ما إقترفت هالغلطه عشان ما يكون مصيرها بعيد عن بنتها ..
واللي يطالع بهدوء وتعاطف لحالهم ..
العسكريه بهدوء: رغد .. لازم نبعد الطفله إعدريني ..
وكحركه تلقانيه شدت على بنتها أكثر وتمسكت فيها ..
لا .. وش هذه اللي لازم نبعد الطفله ..؟!
هم يمزحوا .. أكيد يمزحوا معها ..
تألمت شوي مايا وقالت: ماما إنتي تعوريني ..
همست رغد: آسفه آسفه ..
إبتسمت مايا وقالت بإذن أمها: ماما بقول لك سر بس لا تعلمين أحد ..
سكتت شوي بعدها كملت: فيه رجال جابني وعلمني إن إنتي ماما .. هذا الرجال يقول إنه صديق بابا .. ماما هذا
الرجال ماهو صديق بابا .. مايا تعرف إنه هو بابا بس يكذب عليها .. لا تعلمينه إني عرفت خلاص ماما ..؟!
غمضت رغد عيونها بقوه وهمست: ما بعلمه .. ما بعلمه .. بس لو شفتيه .. قولي إن ماما تقول شُ كراً ..
قالت آخر كلمه بصوت متهدج ..
شاكراه .. هي فعلاً شاكره له بإنه جاب بنتها لها ..
إنه حقق لها وحده من أمنيتها ..
شاكراه له كثير .. كثير ..
إتسعت عيونها لما حسبت بالعسكريه تبعدها عن الطفله ..
هزت راسها بصدمه وتشبثت بمايا أكثر تقول: لا لا .. إنتي شقاعده تسوين ..؟! ليه تاخذينها !!! على وين !!!
واحد من الرجال: أختي اللي يصلحك لازم الطفله ترجع .. قصاصك راح يتم اللحين ..
هزت راسها وكأنها ترفض كلامه ..
لا .. ما بياخذوا بنتها منها ..
هي وأخيراً شافتها فكيف تفرط فيها كذا ..
لا .. ما بتتركها ..
صرخت بوجه العسكريه: خيليني !!!
نزلت الثانيه من السياره لما شافت الوضع تأزم وساعدتها في إنها تفك ما بين رغد والطفله ..
مايا من حسبت إنهم يسحبونها عن أمها حتى صرخت وبدأت تبكي ..
ومع بُكانها تقطع قلب رغد عليها فضممتها أكثر تمنعهم يأخذونها منها ..
هذه بنتها .. وبنتها تبكي ..
بصفتها أمها فلازم تهدي منها ..
لازم ..
الرجال مره ثانيه: يا أختي خلي البنيت .. يا أختي حرام اللي تسويه فيها .. أتركها ترجع للي جابها ..
هزت رغد راسها وهي مصدومه ..
تحس إن مايا بدت بتعد عن حضنها شوي شوي ..
لا ... لا .. لا ياخذونها ..
لا وين بيدونها !!!
لا .. ما بتغى تموت ..
خلاص هي مو مستعده للموت ..
مو مستعده أبداً وتبغى ترجع لأهلها ..

ترجع لينتها ..
هي ما تبغى تموت .. ما تبغى القصاص ما تبغآآه ...!!!
صرخت أو ما انسحبت مايا من بين أيدها تقول: لا مايا رجعوها ...!!! بنتي رجعوها ...!!!
أعطت العسكريه الطفله لواحد من الرجال وهو بعدها عن مكان رغد فوقفه ماجد بهدوء ..
أخذ مايا وهو يقول باعتذار: آسف ... الطفله فلتت من أيدي ..
ما علق الضابط وإكتفي يهز راسه بغير رضى ..
مسك ماجد مايا اللي كانت تحرك رجلها وإيدها وتبكي بصوت مرتفع ..
حضرها يقول: مايا خلاص خلاص حبيبتي .. خلاص لا تبكي ..
شهقت مايا وهديت حركتها لما عرفت إنه أبوها ..
شهقت مره ثانيه تقول: بابا هما أخذوا ماما مني ...!!! بابا أنا أبغى أقعد مع ماما .. أنا حت ما شفت وجه ماما ..
ما أبغاهم يرجعونها للمكان اللي ما فيه سيارات .. أبغى ماما تقعد معي ..
غمض عيونه وضمها بهدوء لصدره ..
قالتها .. قالت بابا ..
مو عارف هي كيف عرفت ..
لكن الكلمه .. فعلاً كل ما سمعها يحس لها رنه تأثر فيه كثير ..
همس بإذنها: ما عليه حبيبتي .. إن شاء الله نشوفها مره ثانيه ..
إنتي أقعدي إدعي لله إننا نشوف ماما مره ثانيه ..
ما ردت مايا وإستمرت بالبكي ..
شالها وإتجه لسيارته ..
فتحها وحط مايا يقول: رشا بالله إهتمي فيها .. إنتبهي لا تنزل خلاص ..؟!
هزت أخته رشا راسها تقول: طيب ..
قفل ماجد باب السياره ولف يطالع في المكان اللي فيه رغد ..
ما ضن إن رغد بتفقد هدونها كذا وبتصارخ ..
هو يعرف رغد كثير .. وكان متوقع إن شوفه مايا هي أقصى أمانيتها ..
وهو حقق لها هالأمنيه كمعروف أخير يقدمه لها ..
أو كاعتذار عن كل شيء صلحه بحقها ..
واللحين حس بالتردد ..
مو عارف هل تصرفه كان صح ولا لا ..؟!
لأن ردة فعلها كانت قويه ..
وشايل هم إن اللي صلحه بيخلي القصاص يكون أصعب عليها ..

دقايق حتى جلست رغد بهدوء في المكان اللي أشر لها الضابط إنها تجلس فيه ..
كانت هاديه ولا كأنها قبل دقايق كانت منفعله تصارخ وتبكي ..
غمضت عيونها بهدوء وجسمها يرتعش من بُكائها الصامت ..
تبقي تعيش .. تبغى تكون مع بنتها ..
تبغى تكون مع بنتها ..
همس واحد من الرجال للي جنبه يقول: صاحب الحق ما جاء ..؟!
رد عليه: لا .. لكن طلبه محدد من زمان .. هو طالب بالقصاص ..
تنهد الرجال وقال: بننتظر شوي عشان يجي ويعطي رأييه النهائي والله ييسر الأمر ويكتب اللي فيه الخير ..
ومن بين هالمتفرجين ..
كان واقف بهدوء وعيونه على رغد اللي تجلس بالمكان اللي حيثنفذ فيه حكم القصاص ..
يطالعه بهدوء وبنظرات تحمل الكثير من الألم ..
غمض عيونه وهمس: يا رب ألطف بحالها .. يا رب أكتب لها النجاه .. يا رب أكتب لها ترجع تعيش مع بنتها ..
لف بهدوء ورى لما سمع واحد يقول: لا بدر من جد وش عرض عليك ..؟!
بدر وهو متجه للمسؤولين: راجح قلت لك لا تفتح هالموضوع معي ..
راجح: طيب بس إرضي فضولي ..
طالعه لفتره ولما مر بجنبه وقفه يقول: معلش أخوي ..
طالعه بدر فابتسم بهدوء ومد إيده يقول: أنا ... جهاد ..
تعجب بدر وسلم عليه يقول: أهلاً .. أي خدمه ..?!

طالعه جهاد لفتره بعدها قال بهدوء: أنا ... أخوها .. أخو البنت من الأب ..
إندهش بدر بعدها قال بسرعه: ماني متنازل ...!! صدقتي ما راح أنتنازل ..
كان عارف .. كان عارف إنه بيلقى هالرد ..
جهاد بهدوء: حتى لو كان تنازلك راح ينكتب لك أجر بميزانك ..؟!
بدر: أنا ما خالفت الشرع والدين في المطالبه بحقي يا جهاد ...!! تكفى خلاص ..! اليوم لوحده قابلت كثير وما
عاد فيني طاقه أعيد كلامي للكُل ..! جاني أبوك وأخوانك وردني كان الرفض ..!
راجح: خلاص يا أخ جهاد .. إنتم تحملون بدر فوق طاقتة ..! رايه كان واضح من البدايه .. إنعرضت عليه
ملايين وما وافق وهذا يعني إن مهما كان الكلام اللي راح تقوله فصدقني ما بياثر فيه ..!
طالع جهاد فيه بهدوء ..
هو يعرف .. يعرف من ذياب أن أبوه يحاول ويدفع الكثير عشان يتنازل ..
لكن .. إذا كانت الفلوس ما غيرت رايه ولا للطرق اللي إستخدمها فادت معه معناته مافي فايده ..
تمنى لو قدر يصلح شيء لكن ...
إبتسم له وقال: أجل .. أعتذر على إزعاجك وانت فعلاً ما خالفت الشرع ولا الدين .. إعذرنا فأحنا أهلها وطبيعي
نصلح المستحيل عشان نتنازل ..
إندهش بدر من تفهمه وتنهد براحه ..
كان يضمن إن جداله معه بيطول ..
همس: آسف يا أخوي جهاد ... والله العظيم حاولت أفكر بالموضوع بس ما قدرت .. هذا أبوي .. ما قدرت
أتنازل والله .. تكفى قولهم .. قول لأهلك لا يلوموني .. تكفى ..
جهاد بهدوء: محد بيلومك يا بدر ..
إبتسم بدر بعدها لف وراح فلحقه قريبه راجح ..
غمض جهاد عيونه يمنع نفسه يتأثر ..
حتى لو ما كان يعرفها أو ما عمره شافها ..
هي بالنهايه ... أخته ..
أخته من لحمه وشحمه وما يبغى تكون هذه هي نهايتها ..
هو ما عرف عنها إلا قريب .. وهذا هو أقصى شيء قدر يسويه عشانها ..
ما كان عنده الوقت الكافي يقتعه .. ولا يملك السلطه والمال حتى يغره فيها ..
حتى محاولته البسيطة هذه كان عارف وش هي نتيجتها ..
لف على اليسار بهدوء ولاحظ بمكان يبعد عنه شوي ... أبوه ..
شافه واقف وبجنبه ذياب ..
حتى لو كان بعيد عنه فهو قدر يعرف كيف هي ملامح أبوه ..
ملامح كسيره .. لدرجة كبيره ..
جهاد بهمس: أبوي إنت على إيش متألم ..؟! مو إنت السبب الرئيسي ..! تغيب عنهم وتخليهم يضيعوا أنفسهم
وبالأخير تحزن لمصيرهم ..! هذا مو منطقي يا أبوي .. والله مو منطقي .. الله يسامحك ..

تقدم بطريقه عنيفه من بين المتفرجين وعيونه معلقه عالجبه اللي فيها رغد ..
لحقه ومسك يقول: حُسام وقف وقف الله يهديك ..
سحب حُسام نفسه وكمل مشيه لجهة رغد وهو يهمس: ما بتموت بيعفو عنها .. بدر صحيح قاسي بس
بيعفوا عنها .. أنا متأكد .. رغد ما بتموت .. ما بتموت ..
قرب كثير بس وقفه الشرطي يقول: إعذرني أخوي ممنوع تقدم أكثر ..
صرخ حُسام بوجهه: أنا أخوها ...!! إبعد ...!!
الشرطي: إعذرني حتى ولو .. هذه منطقة مخصصه لتنفيذ الحُكم .. ما تقدر تدخل ..
مسكه يحيى قبل لا يتهور ويدف الشرطي وقال: خلاص حُسام وقف ..
لف حُسام على يحيى يقول: يحيى كيف ما أقدر أدخل ...!! أنا أخوها ...!! لا أنا عيلتها كلها .. المفروض يخلوني
.. يحيى المفروض أدخل ..

لف يطالع برغد وكمل: وكيف يقولون إن هذه مخصصه لتنفيذ الحُكم ..؟! وليه رغد جالس كذا ولسى بدر ما أعطى قراره الفاصل ...؟! ليه كل اللي قاعد يصير يحسنى إن رغد بتنقص ...!!
يحيى بهدوء: حُسام لو كان القصاص نهايتها فلازم تسلم أمرك لله وترضى بقضائه وقدره ..
صرخ حُسام بإنفعال: لا لا لا ...!! ما راح أرضى بأي شيء ...!! رغد حرام تموت ...!! رغد ما تعمدت تقتله ...!
رغد ما قتلتسه ...!

يحيى بصراخ: حُسام بس ...!! حرام عليك تعترض على حكم الله ...!! إنتبه تقول مثل هالكلام مره ثانيه ..
طالعه حُسام لفتره بعدها قال بهدوء: شفيك تقول لا تعترض على حكم الله وكأنك متأكد إن رغد بتموت ...!!
شد على أسنانه وكمل: ليه إنت اللي كفلتني ...!! لو إنك أخوي فعلاً كان ما تفاولت على رغد بهالكلام ...!! من وقت ما شفتكم وأنا أكرهكم ...! يحيى أنا للحين أكرهكم ...!!

لف وجهه بسرعه وأخذ له نفس عميق ..
مو عارف شففيه .. منفعل بقوه وقاعد يتكلم بمواضيع كثيره مشتته ..
لا .. المفروض ما ينفعل .. رغد ما بتموت فعشان كذا المفروض يكون أهدأ من كذا ..

إيه المفروض يهدء ..
تقدم خطوتين وظل يطالع برغد ..
أخته ما بتموت ..
أصلاً مو قادر حتى يتخيل سيناريو موتها براسه ..
لأنه ما بيصير ..
ولا بيوم تخيل إنه بيصير ..
نشف الدم بعروقه وهو يشوف من بعيد رجال ماسك بإيده سيف ..
ليه ...?!

ليه هالرجال موجود ...?!
هز راسه بالنفي ..
ليه ...? ليه مع كل اللي قاعد يصير قدامه حس بخوف كبير ...?!
ليه بدأ يحس إن رغد فعلاً بتختفي من حياته ..
أصلاً ما ينفع ..

هي بنفسها حياتاه فكيف تختفي ...!!
إذا أختفت فهذا يعني إنه بيموت ..
هو من دونها ولا شيء ..
لا .. لا يبغى يبعد هالخوف من صدره ..
يبغى يبعد هالتخيل الشنيع من راسه ..
ما بتموت ..

رغد ما بتموت وتخليه ..
ظل يحيى يطالعه بهدوء في حين إن مشعل كان يبعد عنهم بمسافه يطالع بحُسام ..
رفع بعدها عيونه وطلع برغد ..
عقد حاجبه ولف فشاف بدر يتجه لمنطقة الحكم حتى يعطي حكمه ..
أخذ له نفس عميق وهو يتمنى إن المعجزه تصير ..
وإن رغد بترجع تعيش ..

جذب بدر أنظار الكل وظلوا يطالعوه ..
تكلم معه الرجال المسؤول عن إصدار الحكم وبدأ يقول له بعض الأحاديث والآيات القرآنيه عن فضل العفو والصفح ..
أعطى لبدر مُحاضره قصيره عن هالفضل وعن جزاءه وأجره بالدنيا والآخرة وبدر يطالع فيه بهدوء ومرات يطالع برغد الجالس على الأرض بإتكسار تام ..
أنهى الرجال كلامه بتكرار الآيه مره ثانيه: ومن عفى وأصفح فأجره على الله ... خا يا بدر إيش هو قرارك في رغد عزام الواصلي المتسببه بقتل والدك .. العفو أو تنفيذ الحُكم ...?!
ظل بدر يطالع يطالع برغد لفتره بعدها طالع بالرجال ..
فترة صمت حلت على المكان يترقبوا قراره ..
هالفترة .. كانت ثقليله كثير ..

على أبوها اللي بدى وكأنه كبر في السن من شدة الهم عليها ..
على أخوانها الأربع الموجودين واللي ما تعرف إلا عن حُسام ويحيى ..

على حتى زوجها السابق ..
لكنها كانت أثقل على رغد نفسها ..
غمضت عيونها وهمست لنفسها: يا رب ... إغفر لي .. يا رب إحمي بنتي .. يا رب ألطف بحالي أخوي .. يا رب
سامحني .. يا رب سامحني .. يا رب سامحني ..
وبعدا إستعدت لقرار القصاص ..
خلاص .. رجعت وإستسلمت من جديد ..
راح تتقبل القرار برضى ..
بنتها بإذن الله هي بأمان ..
فيه حُسام يهتم فيها .. وفيه يحيى اللي وعدّها يهتم فيها ..
وفيه أخيراً زوجها اللي بنفسها جابها لها ..
وأخوها ... تتمنى إنه يكون بخير بعد موتها ..
قل قلقلها بوجود أخوها يحيى ..
بإذن الله هو بيهتم فيه ... ويبكون بجنبه يمنعه من أي تصرف متهور مُمكن ينتج عن صدمته من موتها ..

قاطعهُ حُسام: أنا واحد مو عاقل...!!! خلاص أنا واحد مو عاقل فأتركني...!!!
تقدم مشعل وقال لحُسام بهدوء: حُسام صوتك عالي ..
لف حُسام عليه فكمّل مشعل: معناته يوصل بوضوح لرغد .. إنت بكلامك وبنافعالك هذا تزيد من عذابها .. تتألم
وهي تسمع صوتك تعترض .. تتألم وهي تسمعك ما تقبل بموتها ...! حُسام اللي فيها يكفيها فلا تزيد عليها ..
ظلت عيون حُسام معلقه فيه للحضات بعدها لف بسرعه يطالع برغد فاندش لما شافها رافعه راسها لجهته ..
لا .. هو ما يقصد يخليها تتألم عشانته ..

هو
إتسعت عيونه من الدهشه لما شاف الرجال اللي ماسك السيف تقدم من وراها ..
لا .. لا لا ..
مُستحيل...!!!
رغد ما بتموت ..
صرخ بقوه: لاتذبحها...!!!
عقد جهاد حاجبه وطارح بالجبهه اللي طلع منها الصوت فشاف واحد يحاول يروح لها والإنفعال واضح جداً
بوجهه ..
لا يكون هذا حُسام...؟!
صرخ حُسام مره ثانيه والدموع بدت تتجمع بعيونه: لا لا تذبحها...!!! خلاص هذا أنا أنا...!!! أنا اللي تسبب
بموته...!!! أنا القاتل مو هي...!!! هي بس كانت موجوده .. إيه ما صلحت ولا حاجه...!!! أتركوها وخذوني
...!!! رغد ما صلحت شيء فلا تكونوا ظالمين...!!!
ثبت يحيى حركته وهو يهمس: حُسام كفايه كفايه...! تكفى خلاص وقف ..
هز حُسام راسه وجسمه يرجف وهو مو مصدق اللي بيصير ..
هز راسه مره ثانيه وقال بصوت مرتجف: رغد لا تموت ... رغد لا تخلوها تموت ...
صرخ: رغد لا تخليني...!!!
وبحركه مُفاجئه سحب نفسه من يحيى وراح لجتها بسرعه ..
مسكوه الأمن قبل لا يمر فحاول يبعدهم عن طريقه وهو يقول: خلوني...!!! رغد ما بتموت ...!!! لا تخلونها
تموت تكفون
إرتجف صوته وبدت الدموع تنزل من عيونه وهو يكمل: مالي غيرها ... ما راح أعيش لو ماتت تكفون...!!!
غمض يحيى عينه يمنع دموعه تنزل بعدها راح لحُسام وقال: حُسام تكفى وقف .. حُسام اللي تسويه راح يتعبك
ويتعبها ويتعبنا كلنا والله ..

إرتجفت شفة رغد والدموع بدت تنزل أنهار من عيناها ..
مو قادره تتحمل ..
تبغى ترجع تعيش .. بس عشان أخوها لا يتصرف كذا ..
زاد خوفها عليه .. زاد قلقها أضعاف ..
هي فعلاً تعرفه .. تعرف إنه ما بيتحمل فراقها ..
تبغى ترجع .. والله مو عشانها .. بس عشانته ..
بس عشانته تتمنى ما تموت ..
سمعت صوت الرجال يقول: أختي لو سمحتي نزلي راسك ..
نزلت راسها وجسمها كله يرجف من البكي والخوف من الموت والقلق على أخوها وبناتها ..
مشاعر مختلطه إجتاحتها دفعه وحده مُمكن تخليها تفقد وعيها لو طوّل الموضوع شوي ..
مد الرجال إيداه وكشف عن رقبتها وبعدها مسك السيف يستعد ينفذ حكم القصاص فيها ..
فتحت فمها وهمست: أشهد أن لا إله إلا الله .. وأشهد أن محمد رسول الله ..
وقف حُسام عن المقاومه وعيونه المصدومه معلقه على رغد وعلى الرجال وهو رافع السيف بالهواء ..
إيش هذا...؟! إيش اللي يصير...?!
مو فاهم .. مو فاهم أبد ..
رفع يحيى إيداه ومسح دموعه اللي بدت تتجمع بعيونه ورجع يطالع في رغد بألم شديد ..
وبحركه خاطفه .. نزل السيف ...
وتم تنفيذ الحكم ..
وغادرت روحها لباريها ..
غمض ماجد عيونه ولف وجهه يداري دموعه في حين غمض جهاد عيونه وبدأ بصدره يدعي لها بالرحمه
والمغفره وبالجنان الغلى ..

مشعل أشاح بنظره وهمس: الله يرحمك .. الله يرحمك ويكتب لنا اللقاء بجنته .. الله يرحمك يا رغد .. الله يرحمك ..

طالع يحيى بحُسام اللي بدأ يرجف بين إيدِه ..
ضمه لصدرة وهو يهمس: بس يا حُسام بس .. ادعي لها بالرحمة والمغفرة ..
وبحره ضعيفه بعد حُسام عن يحيى ورجع يطالع برغد ..
لا .. هي ما ماتت ..
بدت تنزل دموعه من عيونه المعلقة على جسد أخته الراحلة ..
لا .. ما ماتت ..
هو يعرفها .. تحبه كثير ..
معناته مُستحيل تروح وتخليه ..
أرتجف صوته وقال: ما ماتت .. ما بتخليني ...
شهق وبدأ يبكي وهو يكمل: ليه ..؟! ليه تموت وتخليني !!! ليه ..؟!
حط يحيى إيدِه على كتف حُسام وقال: ادعي لها بالرحمة حُسام ..
حُسام بصوته المرتجف من البكي: ما ماتت ... كيف تموت ..؟! مايا من لها ..! أنا من لي من بعدها ..؟! أنا من زمان أنتظرها تطلع ... ما أقدر ... مو حقيقه .. اللي يصير مو حقيقه و....
وبعدها رجليه خائنه وجلس على الأرض يبكي بعدم تصديق ..
هي ما تركته ..
لا مُستحيل تتركه ..
الحياه من بعدها كيف بتكون ..؟!
كيف بيستمر وهو عارف إنه مُستحيل يشوفها مره ثانيه ..؟!
الدنيا ذي كيف يعيشها ورغد مو فيها ..؟!
الندم بعصره من داخل ..
الندم يمزقه ويقطعه لأشلاء ..
ندم شديد لأول مره يحس بمرارته ..
وده يرجع الزمن لورى ..
وده يرجع ويصحح كُل أخطائه ..
أشياء كثير كانت راح تتغير ..
جلس يحيى جنبه وضمه لصدرة فتشبت فيه حُسام وبدأ يبكي بمراره ..
فراقها قاسي .. قاسي كثير ..
وورى ..
كان عزام جالس بأكسار مغطي عيونه بإيده ..
دموعه الغاليه اللي من زمان ما نزلت كانت تنزل مثل الشلال ..
تنهد ذياب وهو يطالعه ومو عارف وش يقول له ..
ففضل يتركه لدقايق مع نفسه بعدها يكلمه ويخفف عنه ..
في حين تقدم جهاد بهدوء من أبوه ووقف قدامه يطالعه ..
شوي حتى تكلم وقال بهدوء: بيه مين برايك كان السبب باللي صار ..؟!
طالعه ذياب وكأنه يقول مو وقته تزيد عليه ..
تجاهله جهاد وكمل وهو يأشر لجهة حُسام: بيه شوفه ..!! أخوها حُسام شوف كيف هي حالته ..!! إنت راضي ..
إنت السبب باللي صار لها .. باللي صار له .. وبالموقف هذا كُلُه .. ما يحق لك تبكي وإنت اللي وصلت الأمور لها المواصيل ..!!
سكت شوي بعدها كمل: لك اللحين إنك تتخيل قد إيش نمي الكره في قلب أخوها ضدك .. كان يشوفك السبب في المشاكل اللي عاشوها .. واللحين بيشفوك السبب في موتها .. ما أعرف كيف تقدر تحمل تعيش وأولادك يكرهوك ..
كمل بشيء من الحده: وأولادك يعلقوا أسباب مشاكلهم فيك ..!! وأولادك كُل يوم وكل ساعه يزيد كرهك بقلبهم ..
يوم عن يوم يتمنوا موتك ..!! بعقلهم وخيالهم يتخللوا موتك بأشكال كثيره ..!! يتمنوا إنك منت أبوهم ..!
يتمنوا لو ما عاشوا بذى الدنيا بهالطريقه ..!! أنا مو عارف إنت كيف تتحمل هذا ..!! مو عارف يا بيه والله مو عارف ..
ذياب: جهاد يكفي جذي خلاص ..
طالع جهاد فيه بعدها طالع بأبوه وهمس: بيه لا تستمر كذا .. حاول تصحح أخطائك وتتقرب منهم .. لكني ما أضمن لك ردة فعلهم ضدك .. الله يسامحك يا بيه ..

بعدها لف بىروح لكنه وقف شوي ..
لف على أبوه وأشر على جهة رغد وقال: روح .. بصفتك أبوها روح تكفل بأمر دفنها .. أخوها بحاله صعبه فلا
تخلي الغرباء هم اللي يهتموا فيها ..
لما ما شاف له ردة فعله قال بهدوء: خلاص ... بروح أنا ..
وبعدها إتجه لها ..
طالع ذياب في عمه وقال: عمي ..
أبعد عزام إيدته عن عيونه اللي إحمرت وقال بهدوء: تعال .. بنتي ما بيدفنها غيري ..
ساعده ذياب على الوقوف من جديد وبعدها أخذ بإيدته لمكان رغد ..

تقدم مشعل من يحيى وحسام وقال: يحيى .. خل حُسام وروح لرغد .. أنا بأخذه بعيد عن هنا .. بينهار أكثر وهو
يشوفكم تدفنونها ..

هز يحيى راسه يقول: معك حق .. إنتبه له وخلك معه ..
أبعد حُسام عن صدره وقال: حُسام روح مع مشعل إرتاح شوي ..
حُسام وعيونه في الأرض هز راسه بلا وهو يهمس: أرتاح ..؟! لا .. لا ..
شوي قام وراح لجهتها فمسكه يحيى يقول: حُسام وين ..؟!
حُسام وهو شبه واعى للي حوله: بأشوفها ... أنا من زمان ما شفتها ... أنا ما زرتها من زمان أبغاها ..
بأشوفها يمكن تكون

وقف عن الكلام ولف على يحيى يقول: إيه ... يمكن اللي ماتت مو رغد .. يمكن وحده ثانيه غلطوا بينها وبين
رغد ... هي ماهي أختي .. أكيد ..
سحب إيدته وكمل: بروح عشان أتأكد ... لأتأكد أكيد مو رغد .. عندي إحساس يقول إنها مو هي ..
طالعه يحيى بهدوء وقال: إلا هي يا حُسام .. هذه هي ...
قاطعه حُسام بإنكار وإنفعال: أنا قلت مو رغد معناته مو رغد !!! فاهمني !!!
تنهد يحيى بعدها إندهش وهو يطالع وري حُسام ..
الرجال .. الرجال المتجه جهة رغد ..
يعرفه تماماً ..

حتى لو مرت سنوات فهو للحين يذكر شكله ..

هذا أبوه ..

تعدى حُسام وراح له بسرعه في حين تقدم مشعل لما حتى هو شاف عزام ووقف حائل بينه وبين حُسام حتى لا
يشوفه ..

لأنه لو شافه فراح يزيد إنفعاله والعواقب بتكون قاسيه على نفسيته ..
فتح مشعل فمه بيتكلم بس وقف لما جلس حُسام على الأرض بإنكسار ودموعه للحين ما وقفت ..
همس بصوت إختفى من شدة صراخه وبكيه: ما ماتت صح ..؟! هي عايشه .. مستحيل تخليني وتخلي مايا ..
ما أصدق .. ما أقدر أتخيل إن هالشيء يصير لها ...
رفع قبضة إيدته وضرب بها صدره وهو يكمل: آآخ يا ربي ... أنا هو السبب .. أنا اللي خليتها تدخل السجن ...
أنا هو النذل الغبي اللي خليتها تموت ..

كمل بصوت باكي: أنا المفروض أموت مو هي .. والله العظيم إني أنا أستحق الموت مو هي رغد ما راح
ترجع لي ... رغد خلاص ماتت .. ما بأقدر أشوفها مره ثانيه .. سنين حياتي الجايه كيف أعيشها بدون رغد ..
سكت للحضات وبعدها كمل بهمس وعقله غائب تماماً عن اللي حوله: لا ... ما أقدر .. مُستحيل أقدر أعيش
بدونها ... العالم أسود ... ما أقدر .. خلاص أبغاها ... أبغى أموت معها ... أبغى أكون مع رغد ..
جلس مشعل قدامه وهز كتفه يقول: حُسام لا غلط اللي تقوله .. لا تفكر مثل هالتفكير .. الله يرحمها ويسكنها
بجناته .. إبعد هالتفكير السلبي من راسك .. موت شخص عزيز ما يعني إن الحياه إنتهت ..
هز حُسام راسه وهمس: مُستحيل .. إلا رغد .. كنت أموت بس من مجرد التفكير إنها راح تموت .. لما ... فعلاً
ماتت كان الشعور .. ما أعرف أوصفه ... ما أقدر .. ما أشوف شيء بعيني بدونها .. ما بأقدر أتحمّل موتها
.. هذا مُستحيل ..

طالعه مشعل بهدوء بعدها مسك بإيدته ووقفه معه ..

بدأ يهذي بكلمات وفعلاً عقله كان غائب ولا هو مستوعب اللي حوله ..

أخذه مشعل لسيارته وركبه وري فإتسبح حُسام بالعرض وغطى عيونه بإيدته يبكي على فراقها ..
على فراق الإنسانه اللي من دونها راح يعيش بضياح ..

وقف يحيى قدام أبوه يقول: بيه ..؟!
طالعه ذياب فإندھش بيانه هو نفسه اللي قابله في إندنوسيا ..
ما لاحظته يحيى وعيونه كلها مصوبه على أبوه اللي طالعه بهدوء لفتره قبل لا يقول: يحيى ..؟!
طالعه يحيى بهدوء يقول: يحيى ..؟! وتقولها بنبرة تساؤل ..؟! مو المفروض تكون عارف إنه أنا يا بيه ..
أخذ نفس عميق وما كمل تجادلّه بعد ما حس إن أبوه متأثر بقوه بموت رعد ..
قال بهدوء: الله يرحمها إن شاء الله .. ما أدري أعزك ولا أعزي نفسي .. بس بيه ...
سكت شوي وكمل: رعد ما كانت بتموت لو إنت معها من البدايه ..
رفع جهاد عينه وطالع بيحيى بهدوء ..
من كلامه عرف إنه هو كمان أخوه ..
طالع الأب بيحيى لفتره بعدها كمل مشيه يهمس: أدري .. أدري يا يحيى ..
مر من قدامه فظل يحيى يطالعه بعدها عقد حاجبه لما لاحظ ذياب ..
هذا الشخص ... قد شافه بس ما يتذكر وين ..؟!
تنهد وتجاهل التفكير بهذا الموضوع ..
أخذ له نفس عميق يقول: الله يرحمك يا رعد .. الله يرحمك ويعوض أخوك وبنتك خير يا رب ..
كانت اللحضات الجايه ثقيله كثير عليهم ..
تكفلوا فيها من كل الجهات وأثقل لحضه كانت لما تجمعوا يرمى التراب على جثتها بالقبر ..
ماتت .. شظيه ثانيه من شظايا قصتنا كانت نهايتها الموت ..
والسبب يرجع للأب اللي تخلى عنهم ..
بدون سبب مُقتع ..
غادرت بروحها الطيبه واللطيفه ..
غابت الأم لطفلين ..
أم لمايا ... وكانت أم لُحسام كمان ..
كُل من اللي حولها حزنوا لها ..
ما عرفوها غير قبل أيام .. ومع هذا كان فراقها قاسي عليهم ..
أخت لهم ... ولا حسوا بأخوتها أبد ..
ماتت قبل لا يحسوا بهذا ..
ماتت وتركت وراها يتيمه .. طفله بأول حياتها ..
طفله راح تعيش سنينها القادمه بدون أم ...
مثل ما عاشت سنينها اللي راحت بدون أم كمان ..
تركت وراها أخوان ..
جهاد ويحيى اللي بايدهم تساعدوا يرموا التراب على قبرها وعيونهم فقدت رؤيتها من تجمع الدموع على
أختهم ..
ومشعل اللي فضل يبعد عن هالأجواء ويهتم بالأخ الأهم لها ..
تركت وراها طليقها اللي ما قدر حتى يتقدم يرمى التراب ..
خجلان من نفسه .. ندمان أشد الندم ..
ندم كثير بحياته بس ندمه في هاللحضات القليله كان أشد ..
ندم مزقه من الداخل وخلاه ما يقدر يشوف طريقه وين ..
وأخيراً ... تركت عيلتها ..
حُسام اللي كان كُل شيء بالنسبه لها وكانت هي كُل شيء بالنسبه له ..
تركته ضايع .. مصدوم .. غير واعى ..
والظلام حل على حياته اللي من صغره ما إبتسمت بوجهه ..
كانت حياته قاسيه وكُل مطب كان أقسى من المطب اللي قبله ..
ولما قرر يبعد عن هالعالم ويرجع يعيش طبيعي مع أخته وبنتها
وصل لأقصى وأصعب مطبات حياته ..
المطب اللي يحسه راح يكون الأخير ..
لأنه هو بنفسه ... ما يضمن بيانه راح يستمر يعيش أكثر بدونها ..
فالظلام اللي سكن عيونه وقلبه ... كان شديد ..
شديد بشكل محد راح يقدر يفهمه من اللي حوله ..
محد راح يقدر ..

ولها .. ننهي هالبارت اللي تعبني كثير في كتابته ..
إستنزف مني مشاعر بشكل ما تتخيلونه ..
أكتب حدث بعدها أوقف ولا أقدر أكمل على الرغم من وجود الوقت ..
لكن نفسيتي قفلت .. أتأثرت معهم غصب عني ..
أول بارت أكتبه على فترات قصيرة متقطعة ..
تعب نفسيتي كثير وهذا السبب اللي خلاه ينزل متأخر ليوم ..
ما أعرف ليه أتضايق مع إني أنا الكاتبه : (وربى مو عارفه ..
رمضان مبارك على الجميع وكل عام وإنتم بخير ..
البارت الجاي راح يكون بنفس الوقت اللي حددته لكم بردي السابق ..
محببتكم ()

..X ||part end || X..

..X || البارت الخامس والخمسون || X..


يمشي بهدوء تام وكأنه يجز خطواته جر ..
وقف قدام باب بيته وسرح للحضات بعدها رجع للواقع وطلع مفاتيحه من جيبه ..
دخل مفتاح ورى الثاني بعدها إستوعب إن هذه مفاتيح شفته اللي فوق ..
رفع إيداه ودق الجرس وثواني قبل لا تفتح أخته الباب وقبل حتى لا تبدأ بسؤاله عرفت الجواب من وجهه
المقلوب تماماً ..
فتحت له الباب كله تمنع نفسها تبكي وتحاول تقوي حالها وتعطي لنفسها أمل إن ملامح وجهه ما تعكس
الحقيقه ..
دخل ورمى نفسه على الكنب وحوله كانت أمه جالسه وأخته الصغيره اللي بدأت تسأله: يحيى تأخرت كثير ..
وش صار ..؟!
طالعها بهدوء بعدها طالع بإيده وهمس: وللمره الثانيه دفنت أخت ثانيه لي .. الله يرحمها ويغفر لها ..
إندهشت للحضات بعدها عم الحزن على وجهها في حين قالت الأم بدهشه: بنت جواهر ماتت ..!!!!
طالع يحيى بأمه وقال بهدوء: الله يرحمها يا يمه ..
شهقت الأم وبانت الصدمه القويه على وجهها ..
غطت عينها بسرعه بإيدها وشوي شوي بدأت تبكي ..
إندهشت بنان وجلس بسرعه جنب أمها تقول: يمه شفيك حبيبتي ..؟!
ما قدرت تسألها أكثر ..
صحيح موت رغد صدمه بس يعني هم ما يعرفوها ولا قد شافوها ..
خصوصاً أمهم ما تعرف عنها أي شيء .. فيعني بس مستغربه بدأها بالبكاء كذا وكأنها وحده من بناتها ..
ما ردت عليها أمها وإستمرت تشاهق وتبكي بشكل صدم الجميع ..

طالعت ترف في يحيى وكأنها تسأله عن اللي يصير في حين يحيى ظل يطالع بأمه بعدها تنهد وقال: يمه الله
يرحمها ويغفر لها .. ما لقيت العفو بالدنيا بس راح تلقاه بالآخرة .. لا تضايقي حالك يمه خلاص ..؟!
ما ردت عليه أمه وإستمريت تبكي فضمتها بِنان على صدرها وهي بعد تداري دموعها ..
ما تعرفها .. ولا قد شافتها ..
بس مهما كان هي أخت لها وغير كذا مايا وحُسام ..
هي أكثر وحده كانت قريبه منهم وعرفت قد إيش هم ولا شيء بدون هذه الرغد فعشان كذا تمننت ما تموت ..
عشان بنتها وأخوها ..
دموعها غصب عنها نزلت وهي تتخيل شكل حُسام اللحين ..
ومايا وش يبصير لها بالمُستقبل ..!
راح تكبر بدون أم ..
أخذت نفس عميق وهمست: الله يرحمك .. الله يرحمك يا أم مايا ويجعل الجنة مثواك .. الله يرحمك ..
طالعتها ترف بهدوء وهي حاسه بحزن على اللي صار ..
موت هذه الأخت ذكرها بموت جنى ..
هذه الذكرى ... تحاول قد ما تقدر تنساها ..
قامت وراحت لغرفتها وقفلت الباب وراها ..
عيونها دايرت طاحت على الموقع اللي كان فيه سرير جنى ..
زمت شفتيها للحضات بعدها همست: جنى .. ليتك ترجعي راح نلعب أنا وياك وقتها كثير .. راح أصنع
لنفسي معك ذكريات كثير سعيدة ..
حست بحرقة الدموع بعينها وهي تهمس: جنى أنا أسفه ... أسفه لأنني كنت مهملتك .. ما كنت أخت كبيره
تستحق أخت صغيره مثلك .. أسفه يا جنى ..
بعدها إنسدحت على سريرها بهدوء تداري دموعها ..

بالصالة ..

كان الوضع هادئ والكل مُثقل بالهموم ..
بِنان ولأنها أكثر وحده فيهم تعلقت بحُسام ومايا كانت همومها منحصره فيهم وبحياتهم بعد رغد ..
يحيى .. قابل رغد بنفسه والمُقابله هذه أثرت عليه كثير وحسها فعلاً كأنه يعرفها من سنين فعشان كذا قلبه
عليها ويدعي لها بالرحمة والمغفرة ..
أما أم يحيى فكانت لها هموم مُختلفة عنهم ..
تنهد يحيى بعد فترة صمت طويله وقام يقول: رايح أرتاح شوي .. بِنان رتبي للموضوع ماشي ..؟! عزاء رغد
... بيبكون ببيتنا ..
طالعت بِنان لفتره بعدها هزت راسها وهمست: إن شاء الله ..
إتجه لغرفته بس وقف بنص الطريق وقال بعد فترة صمت قصيره: أبوي راح يجي للعزاء ..
إتسعت عيونها من الصدمه في حين رفعت أمه راسها تطالع بولدها بعدم تصديق ..!
بِنان: يحيى شتقصد ..؟! كيف يعني ..؟! أقصد إنه
قاطعها بهدوء: قابلته ودفنت معه رغد الله يرحمها ..
لف عليها وكمل: ومو بس هو لوده .. قابلت معها ولده من زوجته .. وأكيد بيحي للعزاء هو كمان .. خلاص
بِنان لا تسأليني أكثر ..
وبعدها لف وراح لغرفته وقفل الباب وراه ..
تنهدت بِنان وطالعت بالأرض لفتره ..
أبوها ..!
من متى ما شافته ..؟!
سنين طويله ..
وبكره راح يجي .. مو عارفه بأي جمله راح تستقبله فيها ..
بترحيب ..؟!
بعتاب ..؟!
أو بصمت ..؟!
وفوق كُل هذا راح تقابله بعزاء أختها ..
بعد كُل هالسنين الطويله ... لقانهم بيبكون في عزاء ..


رفعت راسها للفراغ وهمست: يا ترى يعرف ..؟! يعرف بأن رغد ماهي أول وحده من بناته تموت ..؟!!



جالسه بالصاله بهدوء تام تنتظرهم ..
الساعه قريت نص الليل وهم لسي ما جوا ..
الخبلة تركت جوالها عالشاحن والثاني جواله مُغلق ..
قلقانه عليهم كثير وشايله هم يكون صار لهم شيء ..
من قبل الظهر للحين !!!..
فوق الداء ١ ساعه مرت بدون خبر عنهم ..
أخذت لها نفس عميق وهي تهمس: يا رب إحفظهم ..
شويات وسمعت باب البيت ينفتح ..
تنهدت براحه وكُل معالم القلق والخوف اللي كانت بوجهها إختفت وتصنعت الوجه الغاضب اللي راح بيدأ يلومهم أول ما يدخلوا عليها ..
ثواني حتى شافت ظل عباة بنتها جنبها تقول بتردد: السد السلام عليكم ..
الأم ببرود من دون لا تلف عليها: وين أخوك الثاني ماجد ..؟!
لفت بنتها نظرها على أخوها اللي توه دخل الصاله وتكلم يقول: السلام عليكم ورحمة الله ..
الأم بحده: كُل هذا الوقت ليه ..؟! قلت لي ما بتتعدوا هنا بس ما قلت إن حتى العشاء ما بتشرفوا فيه ...!!! وين كنتم كُل هالوقت ...!!!!
لف ماجد نظره جنبه وأشر لها تصلح اللي علمها إياه ..
بلعت ريقها وتقدمت ..
وبأيدها الصغيره مسكت إيد أم ماجد وسلمت عليها تقول: أهلاً يا جده ..
إتسعت عيون أم ماجد من الصدمه وهي تشوف هالطفله الغريبه طالعه بوجهها فجأه ..
لفت بسرعه وطالعت بماغد اللي قال بهدوء: هذه بنتي .. مايا ..
ظلت أمه تطالعه لفته بعدم إستيعاب وتصديق وبعدها رجعت تطالع بمايا ..
خافت مايا من نظرات أم ماجد المصدومه ورجعت خطوتين وري ..
هالحرمة تخوفها .. من دخلوا وهي تهاوش وتحس إنها حرمة شريره ..
رجعت أم ماجد تطالع بولدها وقالت بصوت حاد: ماجد وش يعني هذا ...!!!
إنتفضت رشا مرتعبه وقررت تروح لغرفتها لأن نبرة أمها تعني إن المشكله راح تكبر ..
ماجد بهدوء: أمها .. رحلت ..
إختفى الغضب للحضات من وجه أم ماجد وشئت نظرها بالمكان بعدها قالت: الله يرحمها بس أذكر إن لها أخو يا ماجد ...!!! الطفله لها خال بيهتم فيها ...!!! بمعنى ...
قاطعها ماجد بهدوء: يمه مايا بنتي .. والمفروض مو للحين .. المفروض من البدايه أهتم فيها وأرييها .. يمه ..
..... مايا من اللحين ورايح راح تعيش معي ..
إنجنت أمه من كلامه وقالت: ماجد إنت عارف هذه بنت مين ...!!! ما أبغى أتكلم عن البنث دام إنها خلاص ماتت والله يرحمها بس تبغى تعرف وش السبب اللي خلاها تموت وما تطلع بعفو ...!!! معناته أهل الميت ما تعاطفوا

معها !! معناته الناس كلهم راح ينظروا لها بانها ما تستحق العفو فلو كانت تستحقه لكان الولد عفى عنها
!!!.. لو تربت هالطفله هنا فالناس راح ياكلوني بكلامهم !!!.. موافقتي على عيشها معنا معناته إني بصف
القاتله الـ..... استغفر الله .. ما أبغى أتكلم فيها وهي ميتة بس إنت فاهم قصدي يا ماجد !!!..
ماجد بهدوء: طيب خلاص راح أطلع من البيت وأعيش معها بمكان ثاني وبكذا الناس ما بيتكلموا عنك ..
إندهشت أمه بعدها قالت بحدده: ماجد !!!.. وخروجك من البيت وش يعني !!!.. يعني إني تبريت من ولدي البكر
ورميته يعيش بالشارع !!!.. وش تبغى الناس يتكلموا عني !!!..
ماجد: طيب وش تبغيني أصلح !!!..
الأم: وشو بعد !!!.. أكيد ترجعها لخالها يهتم فيها .. لا تشيل هم بنتك اللي ذبحتني فيها فخالها بيعتبرها مثل بنته
الأم: ..
ماجد: ما أقدر على هذا .. يمه البنت من طفولتها وهي ما قدرت تعيش حياه مُستقره .. مره عند خالها ومره
عند خال أمها وبعدها بالمُستشفى ..
سكت شوي بعدها قال: يمه .. الطفل ... محد بيكون أفضل بتربيته غير الحرمة مو الرجال .. جبتها ... وأنا
عندي أمل تكوني أمها الثانيه يا يمه ..
إنصدمت أمه من كلامه وتلعثت للحضات قبل لا تقول بحدده: ماجد كلامك هذا لا تضن بانه راح يآثر فيني !!!..
الطفله
قاطعها بكاء مايا تقول: لا تكلمين بابا كذا !!!..
لفت الأم ناحيتها مندهشه وطالع فيها ماجد وهو تقريباً نسي إنها موجوده ..
شهقت مايا وكملت تقول للأم: بابا طيب كثير !!!.. لا تهاوشينه .. بابا ما صلح شيء عشان تهاوشينه !!!..
شهقت مره ثانيه وقالت بوسط بُكانها: بابا هو اللي خلى مايا تشوف ماما .. بابا طيب كثير .. محد خلاني أشوف
ماما غير بابا ..
وبعدها أجهشت بالبكاء فراح لها ماجد وجلس على ركبته قدامها وضمها ل صدره فعلقت بثوبه وعلا صوت
بُكانها في المكان ..
طالعتها الأم بهدوء ومهما قست فهي بداخلها حزنت على الطفله ..
بُكانها يقطع القلب بقوه ..
تمنت إن أمها ما كانت قاتله كذا عشان تقدر تضمها ل صدرها وتعترف فيها كأول حفيده لها ..
بس مو قادره .. تبغى مصلحه ولدا .. ما تبغاه يوطي راسه كل ما سألوه وين أمها ..
ما تبغى نظرات الناس له نظرات إزدراء وقذف وغيرها ..
ما تبغى يلصق فيه أبو بنت المُجرمه ..
تبغاه يتخلى عنهم ويشوف له زوجة ثانيه ويجيله بدل الواحد خمسه ..
في مجالس الحريم أرضاها كثير كلامهم ..
كلام مثل "أحلى شيء صلحه ولدك هو إنه طلقها" و "مسكين ولدك طاح حظه بو حده مثلها والحمد لله تخلص
منها والله يعوضه خير" ..
اللعين لما يرجع ويقرر يربي بنت هالمُجرمه !!!.. وش بيكون كلامهم !!!..
بيتكلمون بالسوء فيه ..
هذا ولدا .. أول فرحه لها بهالدنيا ..
ما تبغى أحد يتكلم فيه بالسوء ..
هي تعترف .. إن هالطفله لينت قلبها كثير وحزنت عليها ..
بس ولدا عندها أهم .. البنت فيه لها خال يربيها ..
يعني ماهي وحيده بهالعالم حتى يكون قرارها فيه قسوه عليها !!!..
تنهدت وطالعت فيهم ولطفله بدأ يهدأ بُكانها وماجد ضامها ل صدره والحزن يملأ قلبه ..
يذكر صراخها بالسياره لما رجع ..
كانت تطلب منه تشوف أمها مره ثانيه ..
وصدمته أكثر لما كانت تبكي وتكلمه وهي تناديه بـ بابا ..
ومن وقتها وهي تناديه بابا ..
مع إنه ما قال لها .. وما كان عارف الى متى كان راح يظل مخبي عنها هالشيء ..
تكرار هالجمله كثير على لسانها أسعده وأحزنه بشكل كبير ..
ذنب كبير وثقيل حسسته فيه من ندائها لهالكلمه ..
يحسها تعاتبه وتقول واجبك كأب تهتم فيني من طفولتي ..
مو تتركني ..
لا .. ما عاد بيتركها ..


ما بتركها من اللحين أبد ..
همس لها: ما بتركك .. والله ما أتركك ..
هدأت مايا ووقفت بكى فبلعت ريقها تقول بصوت مكسور: بابا .. أنت ما بتخلي مايا وحدها صح ..؟!
بعدها عن صدره وطالعها بوجهها المليان إحمرار ودموع فابتسم لها وقال: لا ..
شبهت غصب عنها وقالت: أبداً ..؟!
هز راسه يقول: أبداً ..
سألت مره ثانيه بصوت شبه باكي: أبداً ..؟!
مسح على شعرها وجاوبها مره ثانيه: أبداً ..
قطع قلبها نبرة الطفله وهي تكلم ولدها واللي هو أبوها ..
حتى ولدها نادر تشوفه بهالحنيه والتعاطف الكبير ..
صاير كانه أب فعلاً ..
قامت من مكانها ... على الرغم بأنها ما تبغها تظل هنا
إلا إنها في هالاحضه عالآقل ... ما قدرت تقول شيء ..
طلعت الدرج وراحت لغرفتها بهدوء وبدون أي كلمه ..
راقبها ماجد بعيونه بعدها تنهد وطالع بينته يقول: ياللا مايا ننام ..؟! راح أجهز لك غرفه كبيره لك وحدك
وبيكون فيها
قاطعه بصدمه: لا بابا لا ... إنت قلت ما بتخليني أبداً .. بابا أبغى أنام معك .. جنبك يا بابا مو وحدي ..
إبتسم غصب عنه لما لاحت له ذكرى نومها جنبه وهي لسي باللفه ..
كانت ليله جميله وطول هالليل كان أصبعه بين يدها الصغيره تشد عليه ..
إختفت إبتسامته لما تذكر على قرب الفجر صحيت من النوم تبكي ..
إنزعج وقتها وخصوصاً وراه شغل طويل ويبغى يأخذ أكبر قدر من النوم ..
وقتها أخذتها رغد وطلعت عالصاله تحاول تهديها وتنومها ..
رغد ..
غمض عيونه وهمس: الله يرحمك .. الله يرحمك ..
حاول ينساها هالفتريه على الأقل ..
ففكرة إنها خلاص ماتت وهو ما قدر يقدم لها إعتذار مناسب تتعبه كثير ..
للحين يتذكرها لما طلقها .. كلامها له ...
يقتله .. يقتله مئات المرات ..
" الله لا يسامحك .. الله ينتقم لي منك " ..
ماتت .. وهي شايله كثير عليه ..
ولا سامحته ..
وهالشيء هو أكثر شيء هو ندمان عليه ..
ندمان حد النُخاع ..
مايا: بابا ..
صحي من أفكاره على صوتها فابتسم وقال: طيب .. بتنامي جنب بابا ..
إبتسمت غصب عنها بعدها إختفت إبتسامتها تقول: اممم بابا ..
ماجد: هلا حبيبتي ..
مايا: ليه ما سألتني ..؟! كيف إنتي عرفتني إني بابا ..؟!
طالعها شوي بعدها إبتسم وقال: ما يحتاج .. أعرف إن بنتي ذكيه وأكيد عرفت هذا بنفسها ..
إبتسمت غصب عنها وقالت بحماس: بابا والله من زمان عرفت إنك بابا .. محد علمني .. أنا عرفت بنفسني ..
لأنني ذكيه زي بابا ..
مسح على شعرها بعدها قال: طيب ياللا نروح ننام ..؟!
مسكت بإيده تقول: ياللا ..
طلع معها لغرفته وهو مرتاح لأنها من بعد ما كلمها بالسياره بشويه كلام عن أمها وعن إنه بعدين بيقلوها وين
هي اللحين .. ما عاد سألته مره ثانيه عن أمها ..
بنته ... متفهمه كثير ..
سمعت كلامه ولا سألت لحد ما هو يقلوها بنفسه ..
يחס وكانه يشوف ... نسخه مُصغره من رغد ..



وفي صباح يوم السبت ..
مرت من جنب الغرفة وحطت إذنها على الباب فما وصل لها أي صوت ..
معناته لسي نايم ..
أخذت نفس عميق وإتجهت لغرفة الأكل ..
حطت المويه والأكواب اللي كانت شايلتها وجلست تقول: لسي ما صحي ..
هز راسه وقال: طبعي .. له فتره ما نام من القلق وبالنهايه وصلته الفاجعه هذه .. لولا المُهدي اللي أجبرته
ياكله كان للحين صاحي ..
أخذ نفس عميق وعيونه على الأكل ..
نفسيته ... للحين مسدوده بقوه ..
طالعه وقال: مشعل شفيك ما تفطر ..؟! تراك من غداء أمس للحين .. هذا مو كويس ..
مشعل بهدوء: أعرف إنه مو كويس .. بس مو قادر .. والله مالي فتره من عرفت عنها .. ما شفتها ولا لقيت
الفرصه المُناسبه أقابلها فيه .. راحت .. خلاص ما فيه أي فرصه في إني أقابلها أو أتكلم عنها ..
ضاق عيونه وقال بألم: لو إني عرفت عنهم بدري شوي .. ما كان بتكون ذي نهايتهم .. لو إني حرمت نفسي
النوم والأكل وصبيت كُل إهتماماتي في إني ألقاهم ... كان ما صار كُل هالشيء .. ما توقعت أبد إن أبوهم
بيتخلي عنهم بذي الطريقه ..
أميره: لا لا مشعل .. ما يجوز تحمل نفسك مسؤوليه اللي صار ...!! المفروض يتحمل هالشيء أبوهم مو إنت
...! إنت صلحت كُل اللي تقدر عليه .. لولا الله ثم إنت لكان حُسام ما طلع منها .. يمكن ما لحقت على رغد ..
لكنك لحقت على حُسام .. لا تلوم نفسك على شيء فات وراح وإهتم بالشيء الموجود .. ترى نص الكوب مليون
يا مشعل فلا تشغل نفسك وتطالع بالنص الفارغ ..
طالعه مشعل شوي بعدها تنهد وإكتفى يشرب كوب الحليب اللي قدامه في حين ياسر يطالعهم ومو فاهم وش
الهرجه ..
قام مشعل فقالت أميره: وين ..؟! ليه ما تاكل ..؟!
مشعل: والله مالي نفس اللحين .. المهم أميره ..
طالعه تقول: سم ..
مشعل: اليوم أول أيام عزاء رغد وبروح له ..
سكت شوي بعدها قال: تقدر تبغلي هالشيء لزوجة نادر ..؟! هذه أختها ومصيرها تعرف فيفضل تعرف
اللحين وتحظر على الأقل عزاءها ..
بعدت أميره نظرها تقول: ما أقدر أتحمّل يا مشعل .. البنّت ذي حساسه فردة فعلها ما بتكون عاديه وصعب علي
إني أتحمّل ..
طالعه مشعل بعدها قال: طيب بُكره ..؟! أميره حبيبي لازم تعطيها خبر .. فلو عرفت بعدين راح تلومك وتقول
يا ليتك خلتيني أحضر عزاءها على الأقل ..
سكتت أميره شوي وهي متردده بعدها قالت: طيب .. بحاول ..
إبتسم بعدها خرج وجلس في الصاله الجانبيه اللي ينفّث عليها مُباشرةً الغرفه اللي ينام فيها حُسام اللحين ..



حور: بصراحه ما أضن .. جهاد يعرفه من أول لكن أسامه جاء فجأه فطبيعي ما يقبل فيه بسرعه ..
 إبتسمت وكملت: أتسائل .. أسامه هذا عنده خوات ولا لا ..؟! وكم عددهم ..؟!
 طالعت الأم فيها لفتره فتنهدت حور وكملت تاكل فقالت الأم بهدوء بدون لا تطالعتها: إذا قابلي أبوك وقولي له
 يعرفك على أخوانك ..
 طالعت حور فيها بدهشه وقالت: لا يمه أسفه .. أنا ما قصدت أذايقك ..! ما أبغى أقابلهم ولا ...
 طالعتها أمها تقول: وش اللي ضايقتني إنتي الثانيه ..؟! طبيعي تتمنى تشوفيهم ..!! وبما إن فتحت عليكم من
 قبل هالموضوع حق جهاد ورغبته بأنكم تتعرفوا على أبوكم فهذا يعني إني ما عندي أي مانع ولا يضايقني
 الموضوع .. قلت من قبل المشكله بيني وبين أبوكم مو بيني وبين زوجاته أو أولاده ...!! كلي بس كلي .. عليك
 غباء مدري من فين طلع ..
 حور: أفا يمه .. خلاص راحت الهنوف وما لقيتي أحد تقولين له غيبه وهبله فحولتي علي ..!!
 رفعت أمها حاجبها تقول: حور .. شرايك تنقطينا بسكاتك ..
 هزت حور راسها تقول: حاضر ..
 إبتسمت طيف وهي تطالعهم بعدها تنهدت وكملت تاكل بهدوء ..
 للحين .. تحس إنها من داخلها مو راضيه عن هالزواج ..
 مو عارفه السبب ..
 يمكن يكون عشان دراستها ورغبتها في إنها تصير روانيه وخايفه إن الزواج هذا يكون عقبه ..
 أو يمكن السبب لأنها تعودت تعيش هنا وما تتخيل نفسها تبتعد عن هالبيت ..
 أو يمكن عشان حور .. تخاف تتزوج وتتركها فتسوء نفسياتها أكثر ..
 مو عارفه أي واحد من هالأسباب هو سبب عدم الرضى النابع من داخلها ..
 هذا ... إن كان السبب هو واحد من هالأسباب الثلاثه ..
 شايله هم إن سببها يكون سبب غير ..
 سبب غامض .. مو واضحه معالمه ..




الساعه خمسه العصر ..
 نزل من الدرج بهدوء كعادته ولما وصل للدرجه الأخيره طلعت بوجهه أخته الصغيره ..
 طالعتها شوي بعدها قالت: كِرار .. تعال سولف معي شوي ..
 طالعتها لفتره فقالت: يعني بما إنك متجهز وبتطلع برى واضح إنه ما عندك شغل وطلع ترفه عن نفسك ..
 فعشان كذا خلنا نسولف ..
 لما ما سمعت منه رد قالت: كِرار وربى مليت .. ماما مدري وش فيها دوم سرحانه ومو معطيه أحد وجه وبابا
 من طلع أمس الصبح ما رجع وأسامه نعمه لو جلس يسولف معنا .. أنجي داخله طالعه مدري وش تدور
 والجوال دوم بإيدها ومو فاضيه لي .. راكان اللي دوم معطيني وجه إختفى من ذاك اليوم ولا هو راضي يرد
 على مسجاتي .. وهو قد قال لي متى ما طفشتي روحي عند كِرار وسولفي معه .. فعشان كذا أبغى أسولف معك
 ..
 طالعتها شوي بعدها تعادها وإتجه لباب البيت ..

لفت تطالعه بعدها لحفته ووقفت دامه ..
نزل نظره لها فقالت: راكان كمان قال لي لو طنشك أصري إنك تسولفي معاه وإعتبري الأمر حرب ولازم
تفوزي فيها .. وصاتي أنشب لك ..
شدت على قبضتها وكملت: هذه حربنا يا كِرار .. يا أنا أفوز .. يا إنت ..
رفع حاجبه وهمس: طفولي ..
عقدت حلا حاجبها تقول: مين تقصد ..؟! راكان ..!!!
كملت بإنفعال: ولا تقصدني ..؟! شوف .. ترى ما أسمح لك تقول عني طفوليه ... حتى راكان ما أسمح لك
تقول عنه طفولي .. بعدين تعال .. إذا كنا كذا فهذا يعني إنك مثلنا صح .. وبعدين لا تبدأها هواش .. صح هي
حرب بس يعني حرب البقاء مو حرب الهواش .. لا أقصد إنه ...
مر من جنبها متجاهل ثرثرتها وكلماتها اللي بالمره مو متوازنة ولاهي مرتبطه ببعض ..
عقدت حاجبها بانزعاج ووقفت هالمره قدام الباب تقول: لازم أفوز بالحرب هذه يا كِرار .. عشان لما يجي جهاد
المره الجايه تكون عندي سالفه حماس أحكيها معه ..
سكتت شوي بعدها قالت بحماس: هيه كِرار .. وش تحب تناديه ..؟! جهاد ولا راكان ..؟!
كملت بتفكير: راكان حروفه قريبه من كِرار ففيه ترابط بين الإسمين .. بس جهاد هو على وزن كِرار .. فعشان
كذا أحس كل الإسمين مناسبين .. حتى إنه قال لي خذي راحتك ونادينني بالإسم اللي تحبيه ..
طالعت فيه وقال: أعلمك وش يعني نفس الوزن ..؟! يعني كِرار على وزن فِعال .. حتى جهاد على وزن فِعال ..
أخذنها في المدرسه .. أنا حلا على وزن فعل .. وأسامه على وزن فعالة .. أممم رودينا على وزن فعلينا ..
وأنجي ...
قاطعها صوت أمها طالعه من وحده من الغرف تقول: حلا ..
لفت حلا ناحيتها فلما طلعت الأم طاحت عينها على كِرار ..
تجاهلته وقالت لحلا: أنا طالعه .. إتصلي علي إذا جاء أبوك للبيت خلاص ..؟!
حلا: أوكي ..
مشيت الأم وطلعت من الباب فطالع فيها كِرار وهي تطلع وكلماتها له تدور في مخه ..
* لكن ... تطعني بالطريقه هذه من وري ..؟! تتعمد تكذب وتلف كل هاللفه حتى يوصل الموضوع لجهاد ..؟! *
* مو أنا أمك ..؟! مو المفروض أكون أعز وحده عندك بحياتك .. طيب تعال واجهني ... قول لي بأعلم جهاد ..
بأعلم قُصي بأعلم أي أحد ... لكن تغدر فيني بالطريقه هذه ...!! كِرار إنت صدمتني .. *
ضاقت عيونه بهدوء فقالت حلا: كِرار شفيك ..؟!
طالعه بعدها لف وطلع برى البيت ..
وقبل لا يطلع مسكت إيدته تقول: كِرار قلت لك الموضوع موضوع حرب لل...
قاطعها سحب إيدته بطريقه عنيفه منها وبعدها راح وهي بمكانها مندهشه ..
كِرار ... أول مره يتصرف معها هالتصرف ..!
لأول مره تشوفه كذا عنيف معها ..
ماهي مصدقه أبد ..
زمت شفتها وصرخت: إنقلع ...!!
لفت ودخلت وهي منزعجه ..
ياما وياما صرخت بوجهه وسبته بس ما عمره تصرف معها كذا ..
ولما توددت له دفها بهذه الطريقه ...!!!
الموضوع ... أزعجها ..

إتجه كِرار للسياره فجاء عنده السواق اللي مختص بس بمشاوير كِرار وحلا وقال: بابا بيغى أنا يودي إنت
مكان ..؟!

تجاهله كِرار وركب السياره وطلع من البوابه ..
ظل السواق واقف بمكانه لفته بعدها طلع جواله واتصل ..
ثواني حتى قال: بابا صغير خلاص يطلع من البيت ..
إبتسم وكمل: إنتا ما ينسى فلوس صح ..؟!
أرضاه رد الطرف الثاني فقفل الجوال وبعدها لف ورجع لمُلق العمال ..



توافدوا عليه المعزين من كل مكان ..
أصحابه في العمل .. جيرانه في السكن وبعض من علاقاته العامه ..
استقبلهم كلهم بوجه حزين متألم ..
جلس بهدوء على الكنبه بعد ما سلم عليهم .. ثواني حتى قام مره ثانيه واستقبل معازات واحد ثاني من أصحابه
في الشغل ..
تقريباً كلهم .. كانوا أنفسهم اللي جوه قبل شهرين تقريباً عشان يعزونه بوفاة أخته الصغيره ..
شوفتهم مره ثانيه بنفس المكان وب نفس الظروف خلت حزنه حزين وألمه مضاعف ..
أخذ نفس عميق وعيونه شاردته في الفراغ وتفكيره في ذكرياته مع جنى .. وذكريات أول وآخر لقاء له مع رعد ..

يحس بالمسؤوليه غصب عنه .. هو أخوهم الكبير ..
يعني بمثابه أبوهم ..
المفروض لما تخلى أبوهم عنهم يكون هو الأب لهم ..
أهمل أخته جنى وأما عن رعد فطول السنين اللي راحت ما تحرك وقرر يبحث عن أبوه وعن أخوانه من أبوه ..
لو بحث ... كان يمكن قدر يغير شيء ..
لو إهتم بأخته الصغيره أكثر .. كان كمان تغير شيء ..
أخذ نفس عميق وهمس: الحمد لله على كل حال .. الله يرحمهم .. الله يرحمهم ويغمد روحهم الجنه ..
قام مره ثانيه متفاجئ لما شاف إن اللي دخل ... هو أبوه ..
مو عارف ليه تفاجئ مع إنه توقع إنه بيجي ..
سلم على راس أبوه وهمس له: أهلاً بيه .. أحسن الله عزاك ..
هز عزام راسه بهدوء وجلس عالكنبه اللي جنب يحيى ..
طالع يحيى بجهد اللي عرف أمس إنه أخوه .. لكن حتى إسمه أو أي معلومات ثانيه عنه ما يعرف ..
سلم عليه جهاد وفضل ما يقول شيء وجلس جنب أبوه من الجهه الثانيه ..
أخذ يحيى نفس عميق للمره الثالثه وجلس ..
طالع في أبوه فشافه يطالع بالأرض والحزن يغطي ملامحه ومكبره عشرين سنه ..
اللي يشوفه يقول إنه شايب بنهاية عمره ..
طالعه يحيى بهدوء ومن مظهره قدر يعرف قد إيش موت رعد هزه بقوه ..
إذا كان موت رعد أثر فيه لهالدرجه فطيب ليش ..؟!
ليش من البدايه تخلى عنهم كذا ..!!!
يتخلى عنهم ويتخليه عنهم يهواوا بالمشاكل والمصايب وبعدها يبكي بعزاهم ..!!
تصرفاته متناقضه .. متناقضه كثير ..
مو قادر يفهمه ..
قام يحيى مره ثانيه
لما جاء معزي ثاني ..
سلم عليه فلف المعزي وسلم على عزام وجهاد واللي هما كمان قاموا ..
شوي دخل مشعل ..
سلم على يحيى وهو يقول: أحسن الله عزاك ..
رد عليه يحيى بهدوء فلف مشعل ولما شاف عزام ظل يطالعه شوي بعدها همس له بالتعزیه ومر سلم على
جهاد وعزاه وبعدها جلس ..
رفع نظره يطالع بعزام الجالس بانكسار وعيونه بالأرض ..
يحقد عليه .. يحقد على هالشخص كثير ..
كان هو السبب بضياعهم .. بضياع حُسام ورعد ..
وشوفته اللحين حزين على رعد ينرفزه ..
ينرفزه هالمنظر كثير ..
أخذ نفس عميق وقرر ما يتعب حاله يفكر فيه ..

دقائق وبعد ساعه بدأ المعزين يقتلون واحد وري الثاني ..
لما قام مشعل آخر واحد واكتفى يسلم على يحيى فسأله: كيف حُسام ..؟
تنهد مشعل وقال: نقول الحمد لله ..
عرف يحيى إن الوضع مو مطمئن فسكت وما علق ..
شوي جاهم صوت عزام الهادي يقول: وين حُسام ..؟
طالعوا فيه فقال مشعل بهدوء: مع السلامه يحيى ..
وبعدها طلع فجلس يحيى بعد ما طلعوا كُلهم وما بقي غيره هو وأبوه وجهاد ..
يحيى: يبه ..
طالع أبوه فيه وقال: وين حُسام ..؟
تنهد يحيى وقال: إذا إنت تبغى تشوفه فأنا ما أضن إنه بيغى يشوفك .. على الأقل في الفتره هذه ..
ما علق أبوه فظل يحيى ساكت شوي بعدها قال: يبه شرايك تدخل .. البنات متلهفين على شوفتك ..
ظل عزام ساكت فطالع فيه جهاد ولما فتح فمه بيتكلم قام عزام فابتسم يحيى وفتح الباب الثاني اللي يدخل على
البيت وقال: تفضل يبه ..
تنهد جهاد وظل بمكانه ينتظرهم وهو يهمس: صحيح متأخر يا يبه بس عالأقل أفضل من إنك ما تسأل عنهم أبد
دخل يحيى ولما شافهم كُلهم موجودين بالصالة عرف إن الحريم خلاص راحوا فقال: يمه ..
طالعه أمه ولفوا بنان وترف عليه فقال: أبوي بيدخل ..
اتسعت عيون الأم من الصدمه في حين وقفت بنان لا إرادياً وهي تشوف يحيى يرحب بأبوه ويدخله ..
وقف عزام وطالع فيهم .. الأم دايركت لفت وجهها ولا حطت عينها بعينه أما بنان فظَلَّت تطالعه شوي بعدها
راحت له ..
باست على إيده ورأسه تقول: هلا يبه .. كيفك وأخبارك عساك بخير ..؟
ابتسم لها عزام بابتسامه صفراء وقال: الحمد لله .. أخبارك بنان ..؟
بنان بابتسامه: الحمد والله بخير بشوفتك ..
وعلى آخر كلمه تهدج صوتها غصب عنها ..
مو مصدقه .. مو مصدقه إنها شافت أبوها بعد كُل هالسنين ..
داخلها زحمة مشاعر ملخبطة ما بين فرحانه بشوفته وما بين الشوق له والعتب على إبتعاده عنهم والألم على
الموقف اللي تقابلوا فيه بعد هالسنين ..
نزلت رأسها بسرعه تمسح دموعها اللي تجمعت بعيونها ..
رفع عزام رأسه وطالع بترف اللي كانت واقفه مكتبه على باب غرفتها تطالعه بهدوء ..
طالعها لفتره بعدها قال: ترف ..؟
طالع يحيى بترف وقال: ترف شفيك ..؟ تعالي سلمى على أبوك ..
طالعت ترف بيحيى بعدها رجعت تطالع بأبوها ..
إعتدلت في وقفقتها تقول: هذا مو أبوي أبوي هو اللي رباني وإهتم فيني .. أبوي هو يحيى مو هذا ..
وبعدها دخلت الغرفه وقلبت الباب تحت صدمة الكل من كلامها ..
هم عارفين قد إيش هي وقحه .. بس ما توقعوا تكون وقحه باللحظه هذه وخصوصاً إنها بعمرها ما جابت
طارى أبوها وإنها كارها بعده عنهم أو متضايقه من تخليه عنهم ..
توقعوا الموضوع ما يهمها أو ... مو عارفين ..
بما إنها ما قد تكلمت عن موضوع تركه لهم فما يعرفوا وش بالضبط تحس تجاهه ..
كُل اللي يعرفوا إنها بنفسها تقول وجوده وعدمه واحد عندها بما إنها من طفولتها تعودت على إهتمام أخوانها
الكبار وما حسبت بفقدانه ..
لفت بنان وجهها وتوها فهمت معنى كلام ترف ..
فعلاً البنات ذي قالت اللي بقلبها .. إن عزام عمره ما كان أب لها ..
أبوهم تركهم من سنوات طويله .. معناته ترف ما لحقت تتربي على إيد عزام في طفولتها مثل ما تربت هي
ويحيى ..
أما يحيى ما عرف وش هو شعوره بالضبط ..
زعلان بقوه على وقاحتها اللي وصلت لأبوها كمان ..
أو ... حاس بشعور مختلط من الفرح ..
هذه المره الأولى اللي يسمع هالجمله منها ..
إنها تعتبره أبوها ..

أخذ نفس وقال: يبه معلش لا تأخذ بخاطرك .. ترف يعني شوي لسانها طويل .. من زمان وهي على هالحاله ومحد منا سلم من لسانها فيعني لا تأخذ بخاطرك منها .. طفله هي وشكلها لسي مو مستوعبه الموضوع .. بأكلها وبتجي ...

قاطعه عزام: خلاص مو لازم ..
لف بعيونه على أم يحيى وطالع فيها ..
لف يحيى على أمه واستغرب إنها لافه وجهها ..
ما طول في الاستغراب لأنه إستنتج إنها عتبانة عليه بروحته ذي اللي طولت ..
فما قدر يقول شيء .. هذه مُشكلة بين أمه وأبوه ويحلوها هم بنفسهم ..
يحلونها بنفسهم ..؟!
لف على بنان وأشر لها ينسحبوا ..
أفضل وقت يحلوها هو اللحين فعشان كذا بيتسحبون ويتركونهم لحالهم ..
خرجوا من الصاله على السيب اللي يودي لمجلس الرجال ..
أسندت بنان ظهرها على الجدار قالت: تدري يحيى .. فيه كلام كثير أقوله له .. بقلبي عتاب كبير وأسنله مالها نهايه .. لكن هالوقت أبغى بس أستمتع بلحضة لقائي فيه بعد كل هالسنين ..
إبتسمت بعدها لفت على يحيى وقالت: يحيى قلت لي بالأمس إنه حتى أخو لنا بيجي للعزاء .. هو أكيد جاء مع أبوي صح ..؟!
هز يحيى راسه فقالت بنان: طيب هو لسي بالمجلس ولا نزل للسياره ..؟!
يحيى: لا لسي ..

بنان بهمس: طيب يصير أروح أسلم عليه ..؟!
هز يحيى كتفه يقول: مدري ..
عقدت حاجبها تقول: بالله وش هالجواب ..؟!
إبتسم يقول: إذا أنا بنفسني ما دخلت معه بمُحادثة قصيره حتى ولا أعرف عنه شيء .. لولا إني دوم أسمعته يقول لأبوي يبه كان ما عرفت إنه أخوي .. وجيته لقصاص رغد وعزاها أكبر دليل ..
تنهد وهمس: حتى إني لاحظته كيف متأثر وهو يساعديني في دفنها .. لكن الوقت ما كان مُناسب أتكلم معه وأتعرف عليه أكثر ..
تنهدت بنان بعدها إبتسمت تقول: أجل بأدخل عليه ..
يحيى: أقول خليك بمكانك لا تفجعينه ..
رفعت حاجبها تقول: أفجعه ..!!! تستهبل !!
شوي جاهم صوت ترف تقول: أنا بروح ..
لفوا على وري مصدومين فشافوها واقفه بوجه بارد فقال يحيى بهمس وعتاب: ترف ممكن أعرف وش هالكلام اللي قلتيه ..!!!
لفت ترف وجهها تقول: يعني وش أسوي ..؟! أسلم على راسه وأقول وحشتني يا يبه ..!! أصلاً من شفت وجهه وأنا أحسه غريب .. ماله أي ذكرى لي معه ومتأكد إنه هذه المره الأولى اللي أشوفه فيها ..
يحيى: لا يا حبيبتي .. قد جاء كذا مره وإنتي صغيره بس
قاطعه ترف: فيها بس يعني ..؟! خلاص خلاص سكروا السالفه ..
وبعدا مرت من قدامهم ودخلت للمجلس بدون مُقدمات ..
إنصدم يحيى ولحقها فإبتسمت بنان وراحت وراه ..

لف جهاد جهة الباب أول ما سمع صوت أحد دخل ولما طاحت عيونه على ترف قام منفجع ولف وجهه بسرعه وهو مو مستوعب ..


مين ذي ..؟! وكيف دخلت ..؟!
لحضه مو ممكن تكون من خوات يحيى ...!!
معناته ...
إبتسمت ترف وتقدمت منه تقول: إنت أخوي من أبوي صح ..؟! واه ما ضنيت إنك شاب وكذا .. وطالع خقه بعد ..

تلون وجهه من كلام أخته اللي واضح إنها جريئه ..
ويعني هو ما عندي خوات خجولات ...!!
أنجي وحلا والحين هالبنات ...!!
وقفت بوجهه تقول: ياللا إحنا أخوان اللحين .. إسمي ترف يا ...
وسكنت كأنها تنتظر منه يعرف على أسمه ..

شتت نظره بكل مكان إلا وجهها ..
مو قادر .. يحس باحراج كبير ..
أنجي بالقوه تعود عليها .. حور واللي بيته ما يفصل عن بيتهم غير شوية أمتار للحين ما راح يقابلها من شدة
ماهو منخرج من مقابلتهم ..
لما شافت ترف يحيى داخل أشرت له تقول: يحيى تعال تعال شوف أخونا ..
حطت أيدها على فمها تكتم ضحكتها وهي تكمل: طاع شوف كيف منخرج .. مدري وش ترك للبنات ..
إنزعج يحيى من كلامها معه وخصوصاً إنه أول لقاء .. أخته ما تترك لسانها الطويل أبد ..
إبتسم وقال لجهد: ما عليك منها .. هذه ترف .. أختي الصغيره .. تفضل أجلس أجلس ..
جلس جهادوطالع بيحيى يقول: إيه .. قالت لي ..
نظر لها نظره خاطفه وقال: أهلا ترف ..
بالعافيه كتمت ضحكتها وجلست عالكنبه المجاوره لكنبته تقول: وانت ..؟! إيش إسمك ..؟! إسمع خلني أرمي
أسماء وانت قول صح ولا لا ..
كملت بدون لا تعطيه فرصه للرد: وائل .. لؤي وليد ... مدري أحس إسمك من هالأنواع ..
جهاد بدون لا يطالع فيها: جهاد ..
ترف بتفكير: جهاد ..؟! حلو .. مع إني أفضل وليد .. أه بالنسبه للأسماء اللي أحبها هي إسم أمير و رواد و
مؤيد وإياد وهيك يعني ..
يحيى بهمس: ترف إهجدي ..
طالع بجهد وكمل: يا حي الله جهاد .. نورت بيتنا وأتمنى ما تكون هذه آخر زياره لك هنا ..
طالعه جهاد يقول: إن شاء الله ..
ترف: هيه هيه جهودي .. كم عُمرِك ..؟! أحسك جامعي ..
إنصدم جهاد ...!
مالهم دقايق وعلى طول جهودي ...!!
والله منصدم .. توقع أنجي إستثناء بس طلع كل خواته ما يعرفون وش يعني خجل ..
يعني مو عارف كيف .. هو بنفسه إنحرج من نفسه بما إنه هو المنخرج وهي لا ..
صاير كأنها هي الولد وهو البنت ..
آخخخ هذا مُزعج ...!!!
لف وطالعهها حتى يبعد هالتمثيل الغبي بس ما قدر يطالعهها غير ثواني ولف عيونه غصب عنه وجاوبها: إيه ..
جامعي ..
إبتسمت وكأنها إستمتعت بهالأخ فحطت خصلة شعرها ورى إذنها وهي تقول: هيه جهودي .. كيف أختك ..؟!
جميله ولا يعني شوي بشعه ..؟! طالع فيني وعظني راك .. دايم يقولوا الأولاد لهم نظره أخرى لجمال المراه ..
أشر يحيى لترف بإنها خلاص تبطل وتترك الرجال بحاله في حين بنان لساتها على الباب واقفه تطالعهم
والإبتسامه شاقه حقلها ..
تنحج جهاد وطالع بيحيى يقول: أبوي لسي داخل ..؟!
يحيى: إيه .. يتكلم مع الوالده شوي ..
ترف: هيه جهودي تبي تسلم على مامتنا ..؟! تراها تصير عمك ..
هز راسه يقول: إن شاء الله وقت ثاني أسلم عليها وعلى باقي خواتك ..
ترف: تراهم خواتك بعد .. وكمان هي وحده .. وواقفه على الباب ..
لف جهاد على الباب فعلاً شاف وحده واقفه تطالعه ..
من متى وهي هنا ...!!!
أشاح بنظره يقول: أهلاً أهلاً أختي .. كيف حالك ..؟!
إبتسمت بنان وتقدمت تقول: الحمد لله بخير .. كيفك إنت وكيف دراستك ..؟!
إرتاح جهاد لنبرتها .. باين إنها أهون من أنجي وترف اللي لسانهم طويل ويستمتعوا بإزعاجه ..
جهاد: الحمد لله دراستي تمام ..
طالعهها بس بدون لا يحط عينه بعينها وقال: متخرجه ..؟!
بنان: يب .. وحالياً طبيببه مُتدربه بوحده من المُستشفيات الخاصه .. سنه سنتين وأخذ لقب دكتوراه وأصير
الدكتوراه بنان ..
طالعهها بإنبهار وقال: ما شاء الله .. طبيببه ...!!! بالتوفيق يا بنان بالتوفيق ..
ميلت ترف شفتها وقالت بنبرة زعل: هذا مو عدل ...!!! تتكلم معها وتسولف وأنا معطيني طاف .. ولا عشان
عرفت إنها أختك الكبيره ولازم تحترمها وعشان كذا راميني على جنب ..
طالعهها يقول: لا وش راميك بس يعني

بعد نظره وكمل: سوافك ماهي طبيعیه مثل سوافها ..
إندهشت من رده فإبتسمت وقال: أووه عجبني هالأخ ..
غير يحيى الجو يقول: بأي جامعة تدرس يا جهاد ..؟!
طالعه جهاد يقول: بجامعة الملك عبد العزيز .. هذه سنتي الثانيه ..
ترف: وااو .. معناته بعد سنتين بتكون رابع وأنا أولى فعشان كذا بأدخل جامعة عزوز ونصير نروح مع بعض
الجامعة كل يوم ..
ما عرف بإيش يرد جهاد فقالت: طيب عطني رقم جوالك .. ودي أدرش معك لما أطفش ..
أعطاها يحيى نظره وكأنه يطلب منها توقف خلاص ..
مو من أول لقاء كل هالهجمات عليه ..
لف على جهاد وبدأ يسولف معه بمواضيع ثانيه لحد ما يخلص أبوه ..
في حين تنهدت ترف وطالعت فيهم ..
ما طلعت من الغرفة وما جت هنا إلا عشان تطلع حالها من الكنبه اللي هي فيها ..
وتتمنى أخوها هذا يظل أكثر لأنه لو راح فراح ترجع لكنأبتها ..

وبداخل الصاله ..
تقدم عزام وجلس بهدوء على الكنبه ..
طالع في المكان لفتره بعدها طالع بأم يحيى وقال: هارام ..
إندهشت أم يحيى .. سنين طويله مرت وهذه المره الأولى اللي تسمع فيها إسمها ..
لفت عليه غصب عنها وحست بكمية مشاعر تجتاحها ..
تذكرت صوته وهو يناديها بهالأسم ..
تذكرت غزله لما يدلعهها ب هارا ..
حست بألم كبير في صدرها في حين كمل عزام: وينها ..؟! جمانه ..
عقدت حاجبها فلما شاف الإستنكار والتعجب على وجهها عرف إنه غلط في
إسم بنته الصغيره ..
هو متأكد إن إسمها جمانه .. أو يمكن جوان ..؟!
وقف عن التذكر لما شافها وقفت وتقدمت منه ..
لف وجهه وصد عنها ..
من حركته هذه إنتابتها موجة بكى فجلست جنبه وقالت بصوتها الباكي: آسفه .. أنا آسفه آسفه ..
عزام بهدوء: وينها البنت الصغيره ما أشوفها ..؟!
شهقت غصب عنها وقالت: أنا غلطت غلطت كثير .. كان المفروض تعاقبني أنا بس فليش تركت حتى أولادك
..؟! ليش عاقبتهم على غلطي أنا ..؟!
عزام بهدوء: مو شغلك .. وين البنت ..؟!
بلعت ريقها وقالت بصوت مرتجف: جنى ..؟!
طالعه عزام للحضه بعدها رجع وصد عنها يقول: إيه جنى .. وينها ما شفتها ..؟!
نزلت راسها ورجعت تبكي وهي تقول: بأقولك بس أول شيء أوعدني .. لا تسامحني بس أولادك لا تبعد عنهم
مره ثانيه ..
لف عليها وقلقه كلامها فقال بحده: هارام وين جنى !!!
خوفتها نبرة صوته فبعدت عينها وبكت بحرقة وهي تقول: ماتت ... جنى ماتت ..
إتسعت عيونه من الصدمه والدنيا للحضه أظلمت بوجهه ..
ماتت !!!



صحي من النوم مفجوع وطالع في الظلام اللي يغشى المكان ..
هز راسه كذا مره مصدوم من هالكوابيس والأشياء السوداء اللي شافها بمنامه ..
إرتجفت شفته وهو يكرر: رغد رغد ... ما متي صح ..؟! رغد ...
خلخل أصابعه بشعره وهو يهز راسه كذا مره وشوي شوي بدأ يعي المكان من حوله ..
هذا ... حلم .. لا كابوس ..
هز راسه بلا .. أول ما إستوعب كل شيء بدأت ترجع له ذكريات موتها ..
جلوسها .. والسيف .. وبعدها
إنتفض جسمه غصب عنه وهو يتخيل المشهد ..
هز راسه مره ثانيه وثالثه وعاشره ..
لا .. لا .. هالواقع ما يبغى يقبل فيه ..
اللي صار ما يبغى يصدقه أبد ..
رغد ما ماتت .. رغد ما راحت ..
اللي صار حلم .. كابوس .. خيالات ..
رغد ما بتموت .. مُستحل تموت وتخليه ..
مُستحيل تموت وتتركه ..
بدأت دموعه غصب عنه تتجمع بعيونه وهو يهمس: مُستحيل تموت وتخليني .. مُستحيل تسويها رغد ..
إرتجف صوته وكمل: رغد إنتي ما تسويها .. إنتي عارفه شكتر أحبك .. وشكتر إنتي لي الدنيا كلها .. رغد ...
وغمض على عيونه بقوه يبكي بصمت وهو مو مستوعب الحقيقه هذه ..
حقيقه إنه فقد رغد للأبد ..
حقيقه إنه بيعيش بدنيا ما فيها رغد ..
بدنيا ما فيها عيلته .. فكل عيلته راحت بلحضات ..
راحت وتركته ..
فتح عيونه على وسعها ..
أبوه ..
إيه أبوه .. هو السبب ..
بسببه ماتت رغد ..
بسببه رغد إختفت من حياته ..
يكرهه ... يكرهه .. يكرهه يكرهه ..
شد على راسه وصرخ بإنفعال: أكرههك ..!!!!!!
هز راسه كذا وهو يردد هالكلمه بداخله ..
بسببه .. بسبب هالآب صار فيهم كذا ..
هو السبب .. هو اللي قتل رغد .. هو اللي فرقه عن رغد ..
ما بيسامحه .. ما بيسامحه أبد ..
فتح مشعل الباب وطالع في حُسام اللي صحي أخيراً من نومه ..
لكنه ما صحي على خير أبد ..
تقدم منه وجلس جنبه عالسرير يقول: حُسام ..
هز حُسام راسه وهو للحين شاد عليه وهو يهمس: هو اللي قتلها .. هو اللي قتل رغد ..
مسك مشعل إيد حُسام وبعدها عن راسه وهو يقول: حُسام سامعني ..!؟
طالعه حُسام بشيء من الفراغ للحضات قبل لا يهمس: مو هو اللي قتلها ..
تنهد مشعل وقال: حُسام خلاص إنسى الموضوع .. رغد ..
قاطعه همس حُسام: أنا ... أنا اللي قتلتها .. أنا هو ..

صرخ بوجه مشعل: أنا اللي قتلت رعد ..!!!!
وكمل بإنفعاله: رعد ماتت بسببي ...! أنا اللي سجننتها .. أنا اللي قتلتها ..
شد مشعل على أكتافه يوقف إنفعاله وهو يقول: خسام هذا غلط ...!!!! مو إنت .. لا تحط اللوم على نفسك .. هذا قضاء وقدر .. سامعني يا خسام ..؟! قضاء وقدر ..
هز خسام راسه وهو يقول: لا .. رعد ما كانت بتموت .. أنا اللي خليتها تموت .. أنا اللي قتلتها .. أنا اللي كان المفروض يموت مو هي ..
صرخ مشعل عليه: خسام ..!!!!
وقف خسام عن إنفعاله وهمس: أنا هو .. أنا المفروض أموت مو رعد .. رعد هي أم لي وأم لمايا .. موتها سبب لنا نقص كبير .. لكن أنا لو مت محد راح ينقص منه شيء ..
نزلت دموعه على خده وكمل بصوت مرتجف: محد راح يتأذى من موتي مثل ما إحنا نتأذى من موتها .. أهميتي مو مثل أهميتها... رعد ما كان المفروض تموت .. أنا الغطان .. أنا اللي قتلتها .. أنا اللي حرمت نفسي منها .. وحرمت مايا من أمها ..
شهق وقالت بصوت مبجوح مختفي: ما أقدر أعيش من دونها .. ما أقدر أعيش بحياء مافيها رعد .. وبكى بمراره على موتها ومشعل يطالعه بهدوء ..
أخذ نفس عميق وبعدها همس: خسام أذكر الله .. إيش تقصد بما أقدر أعيش بحياء ما فيها رعد ..؟! تتوقع إنها لو كانت عايشه راح ترضى بهالكلام اللي إنت قاعد تقوله ..؟! الحياه ما فيها رعد ... بس فيها مايا ويحيى وأخوانك وأصحابك و و .. الحياه ما توقف على موت أحد ..
همس خسام بصوته المتهرج: بس أنا قتلتها .. مالي غيرها ..
مشعل: طالع حولك وبتلقى كثير .. أولهم مايا .. وفيه يحيى وأخوانه .. ولو طالعت أكثر فراح تلقى علاقات كثير .. أصحاب وجيران و و .. سامعني خسام ..؟!
ظل خسام صامت لفتره بعدها همس: أنا قتلته ..
عقد مشعل حاجبه .. قتلته ..؟!
مين يقصد ..؟!
كمل خسام بنفس الهمس: أنا اللي قتلته ..
رفع راسه لمشعل وعقله مغشي عليه تماماً وقال: أنا اللي قتلت حميدان .. هذا هو إعترافي الحقيقي ..
إنصدم مشعل .. هذا وش يخربط ..!!!!
مشعل: خسام ترى ...
قاطعه خسام: كنت أكذب عليك لأنني أبغى أطلع بسرعه عشان رعد .. لكن أنا قتلته ..
صرخ مشعل بوجهه: خسام إصحى ...!!!!
صرخ فيه خسام: أنا صاحبي ...!!!! إنت وش تعرف عني حتى تكذبني ...!!!! أنا ما كذبت إلا عشان ألغ بسرعه وأقنع بدر بالقوه عشان يتنازل ...! ما كذبت إلا لأنني خفت .. خفت من الموت ...! لكن اللحين أنا مو خايف ...!!!! أنا قتلته ... أنا قتلت حميدان ...!!!!
شد مشعل على أسنانه ..
هذا إنجن .. أكيد إنجن ..
نزل خسام راسه وكمل: إعترافي اللي قبل هذا ... كان كذب .. الشاهد اللي شهد ضدي ... كان صادق .. حميدان أنا اللي قتلته ..
رجع يطالع بمشعل وكمل: بأغير إعترافي ..
قام مشعل من فوق السرير وقال: خسام لازم أتركك شوي ترجع لو عيك قبل لا ...
قاطعه خسام: أبغى أغير إعترافي ...!!!!
مشعل بحدده: ما بسمح لك ...!!!! قلت لك موت رعد ما تعني نهاية الدنيا ...!!!!
خسام: يعني ما بتخليني ..؟! طيب .. بالمحكمه راح أكذب الإعتراف ..
صرخ بوجه مشعل: لأنني أستحق الموت فراح أعترف ...!!!!
لف مشعل راسه وهو مو مصدق وش قاعد يخربط فيه هذا ...!!!!
معليه .. بيصبر عليه .. فتره وبتعدي إن شاء الله ..
المهم .. يبعده اللحين عن أي شيء يخص القضية لين يرجع لوقتته ..
طالع بخسام وقال: راح أتركك شوي .. فكر يا خسام .. وسّع تفكيرك شوي ولا تخليه منحصر برعد سامع ..؟!
خسام بهدوء: إذا تحسب إني كذاب فإنت غلطان ..
تنهد مشعل وطلع من الغرفه وقلق الباب وراه ..
رجع الظلام يخيم على الغرفه من جديد فزم خسام على شفته وبدأت دموعه تنزل مره ثانيه ..
فراقها صعب .. ما يتخيل إن بعيش من غيرها ..

ما يتخيل نفسه يكمل حياته وهو السبب في موتها ..
ما يقدر ..
مُستحيل يقدر ..

تنهد مشعل ورمى بنفسه على الكنبه القريبه من الغرفه وهو مو مصدق هالتفكير الجديد اللي يفكر فيه حُسام ..
مو لذي الدرجه .. المفروض يكون أقوى من كذا ..
طريقته بالكلام يخليه يشك إنه في إحتمال يكون فعلاً قتله ..
لا .. حُسام ما قتله ..
هو متأكد ..

غمض عيونه يفكر بالطريقه اللي يقنع فيها حُسام حتى يبطل ويرجع يبدأ حياته من أول وجديد ..
قطع تفكيره صوت دق جواله ..
طلعه من جيبه ولما شاف الاسم رد يقول: هلا فراس ..
فراس: إيوه مشعل أعتذر .. والله توني شايف المُكالمه .. وش بغيتني فيه ..؟!
مشعل: لا عادي عاذرك .. وكنت أبغى منك تجي معي للعزاء بس خلاص رحت ورجعت قبل ساعه تقريباً ..
المهم إنت وش مسوي ..؟! من زمان عنك ..؟!
فراس: الحمد لله بخير ..

سكت شوي بعدها قال بهدوء: آسف يا مشعل ..
مشعل: قلت لك خلاص عاذرك لا تشيل هم .. ياللا أشوفك بكرة ماشي ..؟! لا تنسى تمرني ..
فراس: إن شاء الله ..
قفل مشعل الجوال وأخذ له نفس عميق في حين ظل فراس بسيارته يطالع بشاشه الجواله لفتره ..
همس بهدوء: مشعل .. مو لهالسبب أنا أعتذر .. فلو عرفت السبب .. ما أضنك بتعذرني ..
زَفَر بمراره وهمس: الله يسامحك .. الله يسامحك ..
ظل على حالته لفتره بعدها لف راسه وطلع من الشُبَّاك ناحية وحده من بيوت هذه الحاره الصغيره والهاديه ..
ظل يطالع بالبيت لفتره بعدها رجع يطالع فوق طبلون السياره بالشَّيْء الأبيض الصغير وهو متردد ..
أخذ نفس وقال: خلاص مو اللحين .. راح أنتظرها داماها للحين ما ردت ..
حرك سيارته ومشى مبتعد هو
والظرف اللي نوى يحطه في الشُبَّاك كالعاده ..

ولهننا ننهي البارت الأخير في رمضان ..
نلتقي على خير بعد رمضان وبالنسبه لمواعيد الباراتات فبيكون كالعاده كُل أسبوع بارت ..
لكن أول أسبوع من العيد إغفوني منه .. تعرفوا عيد ووراي سفر وتمشيه وزيارات وإستراحه و و ..
يعني بالقوه بالقوه ما يكون فاضيه وأكيد إنتم كمان ..
فعشان كذا نلتقي في الأسبوع الثاني من العيد وقبل بكم يوم بأعطيك تفاصيل أكثر ..
أترككم برعاية الله والله يكتب لكم إتمام صيام شهر رمضان المُبارك ()

..××× || part end || ×××..

..××× || البَارَت السادسة والخمسون || ×××..

الساعه عشره ونص الليل ..
قبل نص ساعه كانوا مخلصين العشاء والحين كُل واحد في حاله ..
هي وأختها بغرفتهم يسولفوا بينما أختهم الثالثه الصغيره نايمه والأب كالعاده جالس على كُرسيه المُتحرك
وقدام قنّاة الإخباريه يتابع ..
الولدين الصُغار نايمين عشان المدارس بُكره ..

والأم بغرفتها معها بعض الأوراق الخاصة بالروضه اللي تشتغل فيها وتقلب فيها بما إنها إداريه وشغلها أغلبه
تدقيق وتوقيع وطرح أفكار وأشياء من هالنوع ..
الهدوء كان يعم هالبيت الصغير واللي يعيش فيه أهله بحاله ماديه شبه سينه ..
الأم هي العائل الوحيد اللي يعيل البيت وراتبها أبد ما يكفي للبيت وللمتطلبات خمس أطفال أكبر وحده فيهم بأول
ثانوي ..

وبغرفة النوم الخاصة بالبنات ..
كانت البنت الكبيره اللي بأول ثانوي منبطحه على بطنها فوق السرير وتقلب بجوالها وأختها اللي بعدها على
طول بالمتوسط دافنه وجهها بالكتاب تذاكر لإختبار بكره اللي أجلته لحد هالوقت المتأخر ..
تأففت ونزلت الكتاب تقول: سمر .. طفش ..
سمر: هممم والمطلوب ..؟!
ميلت شفتها تقول: بأغيب بكره .. ذي الأبله لما تعيد الإختبار ما تتعب نفسها تكتب أسئله جديد وراح تعطيني
نفس الورقه اللي إختبروها فصلي ..
سمر: أبله صفيه صح ..؟! أتذكرها .. بس هي تأمنك قبل لا تختبري إنك ما تكوني ماخذة الأسئله من الفصل ..
فايش بتقولي وقتها يا نوف ..؟!
نوف: بقول إيه بس بدون لا أحلف .. يوووه سمر لا تدققي عاد ..
طالعتها سمر تقول: ترى ذي أمانه ..؟! لا تستهوني فيها .. ذاكري بس ذاكري ..
كشرت نوف بعدم رضى بعدها رجعت تطالع بكتاب التاريخ تذاكر ..
شوي طالعت بسمر تقول: سمر .. وش قاعده تسوين ..؟!
سمر: ولا شيء .. أدور لي عن مشروع كذا مفيد ..
نوف بتعجب: تدوري مشروع ..؟! ما فهمت ..!
سمر ولسى عينها عالجوال: فتحت لي حساب بالإستغرام وجالسه أدور لي عن مشروع .. يا مشروع تصميم
بطانق دعوة إلكترونيه أو تحديث طاقات أو خدمات إنترنت متنوعه أو حتى مشروع تلبية وحل الواجبات
المدرسيه وشيء زي كذا ..
طالعت بنوف وكملت: إنتي عارفه متطلباتنا كثيره .. وأمي اللي تقدر توفره لنا هي المتطلبات الأساسيه .. بما
إني البنت الكبيره فأحس بالمسؤوليه وودي أساعدها بشيء ..
نوف: إخس والله صرتي كبيره يا سمر ..
تنهدت سمر ورجعت على حالها وهي تكمل: لا تقولي لأبوي .. بيحس بحزن لأن مرضه يخلينا حتى إحنا نفكر
بالشغل وغيره ..
ضاقت عيونها بحزن: يكفي إن حالتنا تدهورت للقاء بعد موتها وإصابة أبوي بالعجز بسببها .. يحس
بالمسؤوليه بإنه ما قدر يسيطر أكثر على مشاعره ويكون أقوى .. أكيد هو يحس بالألم من حالتنا الماديه اللي
كل مالها تدهور ..
همست نوف: الله يرحمها ..
وكملت بشيء من الحقد: ولا يسامح اللي صدمها وهرب .. نذل حقيير !!!
طالعتها سمر شوي بعدها رجعت تطالع بالجوال وهي تقول: فعشان كذا لا تفتحي هالموضوع لأبوي .. اللي فيه
يكفيه .. بعدين لما ألاق لي مشروع مناسب بأقول لأمي حتى ترشدني وكذا ..
سكنت شوي بعدها كملت: لأن بصراحه خاطري بأيفون ٦ وخاطري بلاب خاص فيني لوحدي فعشان كذا بأجمع
فلوس كثير ..
ضمت نوف رجلها لصدرها تقول: على طاري يا سمر .. اليوم السبت ..
سمر: وإذا ..؟!
نوف: لا يعني بس ... مر يومين .. بالعاده ما يتأخر ..
عقدت سمر حاجبها وطالعت بأختها تقول: وش قاعده تقولي ..؟!
نوف: أقصد الشاب اللي كل خميس يحط لنا فلوس من تحت الباب .. الخميس هذا ما جاء أبد ..
سمر: بصراحه حتى أنا إستغربت بس في نفس الوقت قد حصلت قبل فتره لمدة أسبوعين ما حط وبعدها
بالأسبوع الثالث حط حق ثلاث أسابيع تلقينه مسافر ولا عنده ظروف وكذا ..
نوف: سمر تخيلي يعني مات أو خلاص بطل أو يعني صارت له ظروف ماديه فعشان كذا قرر ما عاد يساعدنا ..
تنهدت سمر وهمست: الله لا يقوله الفلوس اللي يحطها تساعدنا كثير وربّي تدري راتب أمي ما يكفي أبداً
لمصاريف المدارس لخمس أولاد ومصاريف لبيت والكهرباء والمويه والتلفون والإنترنت والملابس والكماليات
وأشياء كثير ..
هزت نوف راسها بهدوء ولا علقت ..

لحضه بس وبعدها رن جرس البيت ..
نوف لا إيرادياً قالت: تخيلي هو نفسه الشاب !!!..
سمر: بلا عبط .. هو يحط الفلوس ويروح ما يرن الجرس ..
ميلت نوف شفتها بعدها قامت تشوف من عند الباب ..
خرجت فقال لها أبوها اللي جالس بالصالة: لا تنسي تسالي قبل لا تفتحي الباب ..
نوف: أبوي وربّي أعرف أنا مو طفله ..
إبتسم لها فجّت عند الباب وسألت: مين ..؟!
ما جاها رد تنهدت وسألت مره ثانيه بصوت أعلى: مين ..؟!
عقدت حاجبها ونزلت راسها فإنصدمت لما شافت طرف ظرف طالع من تحت الباب ..
جلست بعدم تصديق تقول لأبوها: أبوي الظرف !!!..
مسكت طرفه بتسحبه بس ما إنسحب معها ..
حرك أبوها كرسيه المتحرك وتقدم منها ..
فتحت له الباب فلف بنظره بالمكان بس ما شاف أحد ..
ليه ..؟! من زمان وده يقابل هالفاعل الخير ..
وده يشكره .. يشكره بدل المره ألف ..
لولاة لإضطرت زوجته تشتغل لها شغل زياده فوق شغلها ولكانت حالتهم تدهورت بشكل ملحوظ ..
لف على بنته الواقفه وري الباب وقال: تعالي بنتي خذي الفلوس ..
سحبت أبوها على وري شوي وشالت الظرف وقفلت الباب وراها وهي مستغربه ..
الظرف هالمره ثقيل ..
طلعت الأم من غرفتها تقول: مين على الباب ..؟!
أعطت نوف الظرف لأبوها وهي ترد على أمها: محد .. بس نفسه فاعل الخير ..
تنهدت الأم بعدها تقدمت من زوجها اللي فتح الظرف وطلع رزمة الفلوس ..
إندهشت الأم وقالت: ليه كل هذا ..!!!?
ظل الأب يطالع بالفلوس شوي بعدها بدأ يعدها ونوف تراقب بكل دهشه وحماس ..
عد آخر ورقه بعدها قال بعدم تصديق: مية ألف !!!..
شهقت الأم غصباً عنها من هالمبلغ الكبير !!!..
رجعت بسرعه لغرفتها بعدها طلعت وهي لابسه عباتها بشكل عشوائي وخرجت برى البيت ..
لفت يمين شمال بس ما شافت أي سياره ولا أي واحد في المكان ..
مين .. مين هالفاعل الخير اللي يرسل مبلغ ضخم مثل كذا ..!!!?
فجأه ... الوضع بدأ يقلقها ..
يقلقها من عدة نواحي ..
هالشخص إما فاعل خير مليونير وطبيعي عنده يرسل مثل هالمبالغ ..
أو واحد حاس بالذنب تجاه هالعيله وصار يعطيهم فلوس ... حتى لو كانت مسروقه أو مال حرام ..
أخذت نفس عميق وتعوذت من الإبلّيس ..
صار لها فتره وهي شاكة إن هالشخص اللي يرسل هالبليغ مع كلمة إعتذار إنه هو نفسه الشخص اللي صدم
بنتها وهرب ..
الفلوس ما بدأت تجي إلا بعد ما ماتت بنتها بكم شهر .. مافي غير هالتوقع الوحيد ..
مو عارفه .. تأخذ الفلوس ولا لا ..
لولا حاجتها للمبالغ اللي أرسلها قبل كان ما إستعملت ولا قرش واحد حتى تعرف سالفته ..
اللي فهمته إنه ندمان .. خايفه إن إحساسه بالذنب يخليه يسرق عشان يساعدهم ..
ما تبغى منه شيء .. تبغى بس تعرف مين يكون بالضبط وهل هو فعلاً مثل ما تتوقع ولا لا ..

\\

وعلى طريق جده السريع ..
كان يسوق سيارته بهدوء تام وهو يفكر بموضوع الفلوس اللي أرسلها ..
هالمره ... بالغ كثير في المبلغ ..
صار الوضع مو وضع فاعل خير وبس ..
مبلغ كبير مثل كذا أكيد بيخليهم يشكون من المصدر ..
ويمكن حتى ما يصرفوا منه شيء ..

وقف قدام الإشاره وبعدها لف على جواله اللي كان يدق له خمس دقائق تقريباً ..
خضرت الإشاره فحرك سياره ولف على طريق فرعي وكالعادة بدأ يلف بشكل عشوائي وكأنه ما يبغى يرجع البيت ..

على الرغم من نظره الضعيف بالليل إلا إنه مستمر بهالحركه ..

يطلع من البيت بس يلف ويلف وبعدها يرجع ..

وكانه من داخل أعماقه وده بسبب نظره الضعيف- يعمل حادث ويموت فيه ..

دقائق .. ساعات ..

إنتصف الليل وجت الساعه وحده وهو على هالحال ..

بالنهايه بسبب تعب السواقه إتجه للبيت ..

وطوال هالفتره كلام أمه يدور في راسه ..

* مو أنا أمك ؟ مو المفروض أكون أعز وحده عندك بحياتك طيب تعال واجهني قول لي بأعلم جهاد بأعلم قُصي
بأعلم أي أحد لكن تغدر فيني بالطريقه هذه كِرار إنت صدمتني *

همس بينه وبين نفسه: ما قصدت كِذا يا يمه ..

لف عيونه بهدوء ناحية جواله اللي ينور بعد ما حطه عالصامت وشاف إنه هو نفسه مستمر يدق بعد كل نص
ساعه مره ..

أخذ نفس عميق بعدها أخذ جواله وقرر يرد ..

جاه صوت تَوَامِه يقول: كِرار أدري الوقت متأخر بس بما إنك للحين ما رجعت للبيت معناته إنت صاحي إسمع

إذا كنت مشغول فقول لي وإذا لا أتمنى ترجع للبيت للحين أنا أنتظرك بغرفتك لأنني أبغى أكلّمك بموضوع ..

عقد كِرار حاجبه بهدوء فكمّل أخوه: إذا جيت وصادفت أحد بوجهك لا تقول لي إني بالبيت بس بأقول لك
هالسالفه وبأطلع خلاص ؟

ما رد عليه فتنهد وقال: أفترض إنك موافق ..

بعدها قفل ..

طالع كِرار بالشاشه شوي بعدها حط الجوال جنبه ولف السياره حتى يدخل للحى اللي موجود فيه بيته ..

ومع دخلته .. تحركت وحده من السيارات الواقفه قريب من المدخل ولحقته ..

وكان هالسياره كانت تنتظر عودته عشان تلحقه ..

لف مع ثاني لفه عاليسار ويمكن يفصل بينه وبين البيت من إثنين الى ثلاث كيلو ..

لف من المدخل اللي على اليمين فعقد حاجبه لما شاف سياره معترضه عليه الطريق ..

طالعها شوي بعدها رفع عيونه عالمرايه وبدأ يرجع بسيارته على ورى حتى يكمل طوالي ويلف مع اللفه اللي
بعد هالمدخل ..

وقف للحضه وهو عاقد حاجبه لما شاف مجموعه ثلاث شباب نزلوا من السياره اللي إعترضته وجوا لعند
سيارته ..

دق واحد فيهم شباك مقعده فطالع فيه كِرار شوي بعدها نزل القزاز ..

إبتسم هالشاب اللي يبين عمره بأواسط العشرينات وقال: يا الأخو معلش مُمكن تنزل شوي ..!؟

ضاقت عيون كِرار لوهمله وكأنه حس بالخطر من وراء هالطلب ..

ضغط الزر وإرتفع شوي من القزاز بس يد هالشاب كانت أسرع ودخل إيداه وفتح باب السياره بعنف ..

قبل لا يقدر كِرار يتصرف تصرف واحد إنمادت إيد هالشاب وشده من قميصه وطلّعه بقوه من السياره وهو
يرميه على الأرض ..

رفع كِرار نفسه من على الأرض وهو حاس بعدة خدوش أصابته من هالرميه ..

لف عليهم فشافهم ثلاثتهم واقفين على راسه يطالعوا فيه ..

شد على أسنانه لما تعرّف على واحد منهم .. قد شافه يمكن مرتين مع أصيل ..

خلاص .. عرفهم ... وعرف وش هدفهم ..

وقف وقبل حتى لا يستقيم بوقفته لكمه واحد منهم ببطنه وبعدها دفه بقوه من جديد على الأرض ..

جلس وهو يمسك معدته اللي ألمته ورفع راسه يطالع فيهم ..

إبتسم واحد منهم يقول: كِرار صح ..!؟

تأمل ملامحه شوي بعدها قال بنفس إبتسامته القذره: من حق أصيل يهتم فيك ..

ضاقت عيون كِرار وهو يطالعهم واحد واحد ..

شيء من ملامح التقرّر ظهرت على وجهه البارد ..


ضاقت عيون واحد منهم بعدها تقدم وركله بقوه ..

تألم كِرار شوي بعدها قام حتى يبعد من المكان قد ما يقدر ..

كالعادة ما أمداه يستقيم بوقفته حتى مسكه واحد منهم من وري وبدأ الثاني يلكمه بوجهه وصدره وبُكل مكان تقع عليه يده ..

شد كِرار على أسنانه من هالضرب وهو يحاول قد ما يقدر يقلت إيدته من اللي وراه ..
لو واحد .. فيمكن يقدر يجاريه .. بس مُستحيل يجاري إثنين أو ثلاثة ..
بطبيعته مُسالِم ولا قد دخل بهواش مع أحد ..
هالموقف كُلّه كيف بيطلع منه ..؟!
مُستحيل يقدر ..

وقف الثاني من ضربه لما حس عليه وقف مقاومه وكأنه ما عاد يملك طاقه يقاوم أكثر ..
إبتسم الثالث اللي كان يراقبهم وتقدم من كِرار بينما الأول ما زال ماسكه من وري ..
قَرَب منه بهدوء وهمس بإذنه: أضنك بعد هالضرب ما بتقدر تقاومنا صح ..؟!
ما سمع رد منه .. مسكه من شعره وضربه بقوه على الأرض ..
أطلق صرخة ألم بعد ما حس براسه يتفجر من هالرميه ..
لف الثالث عليهم يقول: ثبتوه بأبدأ أنا أول فيه بسرعه قبل لا تمر سياره أو شيء زي كذا ..
إتسعت عيون كِرار لما تقدموا إثنينهم وكُل واحد فيهم ثبتته من جهه ..
حرك كفه يمين وشمال يحاول يلتقط له أي شيء على الأرض حتى يقدر يحمي نفسه منهم ..
بس مو قادر ..
هم أكثر منه .. أقوى منه ..
هز راسه مره وإثنين وثلاثه ..
هالموقف ... لا ما يبغاه ينعاد مره ثانيه ..
لا ..



بغرفتها الباردة والمُظلمه ..
كانت الساعه حول ٢ الليل ومع هذا مو قادره تنام ..
الكلام اللي سمعته مع إنه مو واضح لكنه سبب لها شؤم ما تدري ليه ..
حاسه بشيء مو كويس راح يصير ..
أبوها طلع بسفرة عمل للإمارات وأمها راحت لزواج بنت وحده من صاحباتها وأكيد ما بترجع إلا عند الفجر ..
هالوضع .. مُشابه تماماً ..
مُشابه بنسبة ٩٠% للي صار قبل كم سنه ..
كان أبوها بسفرة عمل وأمها طلعت للزواج ..
وماكان في البيت غيرها هي وأخوها ..
غمضت عيونها تحاول تنام ..
ما تبغى .. أحداث ذيك الليله ما تبغى تسترجعها ..
تبغى تنام وبس .. فعلى قد ما هناك حدث أفرحها إلا إنه بنفس الوقت أحننها ..
فلما تتذكر ما تدري هي تفرح ... ولا تتألم .. عشانه ..
تقلبت على الجهه الثانيه من السرير وطالعت بالجدار بهدوء وهي تهمس: ليه ... أنا مو مرتاحه ..؟!
غمضت عيونها مره ثانيه تحاول ترجع تنام ..
ثواني بعدها جلست وطالعت بالفراغ بهدوء تام ..
قامت من فوق السرير وخرجت برى الغرفه ..
إتجهت لقسم أخوها الوحيد بهدوء ولما فتحت باب جناحه شافت اللمبه من تحت باب غرفته شغاله ..
تقدمت بهدوء وقربت إذننها من الباب بس ما سمعت عنه شيء ..
يا إنه نام ونسى اللمبه شغاله أو ساكت وسرحان أو على أي جهاز يقطع فيه ..
اليوم على العشاء .. سمعته يتكلم بالجوال بكلام غريب ..
اللي فهمته هو إنهم يبغوا يأذوا واحد ..
بس مين وكيف يبأذوه وليش ... مو عارفه ..
ومن وقتها ... وشعور الشؤم هذا مسيطر عليها ..
واللي زاد هذا الشعور هو الجو اللي يحيط فيها ..
سفرة أبوها وروحه أمها للزواج ..
يذكرها بنفس ذاك الجو ..

الجو اللي جاء فيه كِرار للبيت وصارت ذيك الحادّته اللي إنقتل فيها مُعاذ ..
لفت وطلعت من الجناح ..
مالها شغل .. مشاكل أخوها يتصرف فيها لوحده وراح تتجاهل هالشعور الغبي اللي مبهدلها من أربع ساعات ..
مشيت باتجاه غرفتها بعدها وقفت شوي وجلست على كنبه موجوده قبال باب جناح أخوها ..
ضمت رجلها لصدرها وتكت براسها على ركبتيها وهي تهمس: أبوي عرف صح ..؟! أحسه عرف عن
حركات أصيل ليش ما صلّح شيء للحين ..؟! أو يمكن تكون مُجرد شكوك ويبغى يتأكد ..
دفنت وجهها بركبتها وهي تهمس: المفروض من بعد ما مات مُعاذ يبطل حركاته ذي ... خلاص .. ما أقدر
أتحمّله ولا أقدر أبلغ عنه ولا أقدر أسوي شيء .. الضعف اللي فيني تعيني كثير ..
شدت على أسنانه بألم وهمست: لو كنت قويه وجريئه ... كان كِرار من البدايه ما إضطر يقتل مُعاذ ... ولا كان
راح تكون حالته بالسوء هذا ... وحالتي كمان ما بتكون بالإنحدار هذا ... أكره نفسي الضعيفه هذه .. أكرهها ..
غمضت عيونها وعقلها يسترجع أحداث ذيك الليله ..
الليله اللي إنقتل فيها مُعاذ ..
وقتها ما كان في البيت غيرها هي .. وأصيل ..

.....X... الساعة إحدى عشر الليل X...
نايمه بغرفتها بعد ما تعشت ولكن ما أمداها تأخذ غفوه حتى صحيت ..
أمس الليل نامت بدري واليوم الصبح كانت نايمه .. خلاص أخذت كفايتها من النوم وما تقدر تنام أكثر ..
حست بجوع مع إنها مالها ساعه وشوي من تعشت ..
خرجت من غرفتها وما شافت في البيت أي حس فعرفت إن أمها خلاص راحت للزواج ..
نزلت للمطبخ ففرحت لما شافت الشغاله لسي ما خلصت تنظيف فقالت: عليه صلحي لي ساندويتش ..تتهدت
الشغاله وقالت: حادر ..
خرجت من المطبخ وإتجهت للجلسه القريبه من قسم الرجال وشغلت التلفزيون ..
قلبت بالقنوات بشكل عشوائي بعدها عقدت حاجبها لما سمعت أصوات طالعه من القسم ..
قامت وفتح الباب بعدها تقدمت أكثر وأكثر من الغرفه اللي تطلع منها الأصوات واللي يبين من نوع الصوت إنه
فيه أحد متعور ويتألم ..
لا يكون بس صاير لأخوها شيء ...!!
لفت مقبض الباب وفتحته ..
قشعريره أصابت جسمها بالكامل من هالمنظر البشع والقذر اللي طاحت عينها عليه ..
إنفض جسمها وتوقفت الحشرجه في حلقها ولا هي قادره حتى تشهق من الصدمه أو تصارخ أو حتى تصد ..
مو قادره تستجيب للموقف من هول المنظر اللي تشوفه ..
هي عارفه .. عارفه عن سواليفه عدل ..
بس هذه المره الأولى اللي تشوفه فيها بهالوضعيه القذره مع أعز أصحابه مُعاذ ..
دموعها نزلت مباشره وأخذت ثواني قليله على ما قدرت تتحرك وتلف تبعد عن المكان قد ما تقدر ..
تجري وتجري وجسمها ينتفض بنفضه غريبه وكأنها مو بوعيهها أبد ..
دخلت غرفتها وشفقت الباب وراها .. وبأيدها اللي ترتجف شغلت الموسيقى الصاخبه على آخر حد وإرتمت
لأحضان سريرها وهي تشد اللحاف على جسمها بأقوى ما تقدر ..
كل خليه بجسدها تقشعر والمنظر قدام عينها ينعاد مره وإثنين وعشر ..
هزت راسها بلا بعدها حطت إيديها على إذنها وصرخت بأقوى ما عندها ..
صراخ يتلو صراخ ودموعها ما وقفت نزول ..
تبغى تنسى .. تبغى تنسى كل هذا .. ما تبغى تتذكر شيء .. ولا أي شيء ..
وبأظافرها بدت تضغط بقوه على راسها ما بين شعرها لدرجة قويه لكن مو قادره تحس بالألم ..
تبغى تحس بالألم .. تبغى تنسى اللي شافته .. تبغى تشغل حالها بشيء ثاني ..
قذاره .. قذاره قذاره تحسها تتوغل لجسدها أكثر فأكثر ..
مو قادره تتحمل .. المنظر بشع .. بشع لدرجة الغثيان ..
صارخت مره ثانيه وثالثه وعاشره ..
ظلت على هالحال لفتره طويله ..
وبعد ساعه ... كانت منسدحه على سريرها بهدوء وتعب واضح من شدة صراخها اللي وقفته لتوها وعيونها
مصوبه ناحية زاوية غرفتها والمنظر كالعاده ينعاد وكل اللي تقدر تسويه هو نزول دموعها بشكل صامت ..
ما عاد عندها قُدره تقاوم أكثر .. ما عاد عندها طاقه حتى تفرغها في الصراخ ومحاوله النسيان ..

غمضت عيونها بهدوء وعلى كل هالصراخ والتعب والبكاء صدع راسها والمفروض يجيها النوم لكن عقلها مو راضي يخليها تنام ..

مو راضي .. أتعبها كثير ..

أرهقها التخيل وتكرار المشهد عشرات المرات بمُخيلتها ..

أرهقها كثير ..

فتحت عيونها بهدوء وطالعت ناحية باب غرفتها لما سمعت صوت باب جناحها يدق بشكل عالي ..
الواضح إنه يدق من أول بس بسبب صوت الموسيقى الصاخب هذا ما سمعته فعشان كذا زاد من قوة الدق ..
إرتجفت شفتها أكثر من مره وهي متأكده إن هالشخص هو أخوها وجاي يطلب منها ما تقول لأحد على اللي شافته ..

ما تبغى تقابله .. ما تقدر تحط عينها بعينه ..

إنسان قذر .. مو قادره تتخيل إنها حتعيش معه بعد هالليلة ..

كيف بتتحمل شوفته كل يوم ..؟! ..

كيف بتقدر ..؟! ..

مدت إيدها الضعيفه وشدة على جسمها اللحاف أكثر وكأنها تدور الأمان ..

غمضت عيونها بقوه تحاول تتجاهل صوت هالدق قد ما تقدر ..

خلاص .. تبغاه يبعد ..

هالليلة بالذات تبغى تجلس لوحدها كذا ..

لازم يبعد وإلا ماهي عارفه وش ممكن يحصل بنفسيتها أكثر من اللي حصل ..

فتحت عينها بصدمه لما باب غرفتها بدأ يدق ..

دخل أخوها دخل للجناح ووصل للباب !!! ..

معناته لو ما ردت عليه بيفتح الباب ويدخل ..

هي ما قفلته بالمفتاح ..

وجسدها الضعيف اللي يرجف مو قادره تحركه حتى تقوم تقفل الباب بالمفتاح !!! ..

لا ... لا يدخل ..

لا يكلمها .. لا يوريها حتى وجهه ..

تتمنى يبعد .. تتمنى يصير أي شيء يخليه يبطل يدخل ..

أي شيء مهما كان ..

سمعت صوته من وري الباب يقول: يارا ..

إتسعت عيونها بصدمه وجلست بسرعه تلف اللحاف عليها وهي تسند ظهرها عالجدار بقوه وكأنها بتدخل فيه ..

هذا ... مو أخوها ..

هذا هو ... هو نفسه صديق أخوها ..

هذا مُعَاذُ اللّٰهِ كان مع أخوها قبل شوي !!! ..

هزت راسها كذا مره والرعب سيطر عليها تماماً ..

مو متقبله اللي سواه أخوها ولا تبغى تقابله فكيف يجيها الشخص الثاني !!! ..

لا ... خايفه ..

هي خايفه .. جسدها تحسه بيتدهور من شدة هالرجفه اللي تسري فيه ..

جف الدم بعروقها لما شافت مقبض الباب يلتف وينفتح بهدوء ..

دفنت راسها بسرعه بركبتها وهي تغطي إذنها بإيدها وتصارخ بأعلى صوتها: لاااااااااااا !!! .. إبعد

إبعد ..!!! ..

طالعها مُعَاذُ شوي بعدها تقدم من المسجل الضخم وطفى الأغنيه ..

قرب منها وهو على قد ماهي لافه حالها بالبطانية إلا إنه قادر يلاحظ رجفتها الواضحه جداً ..

كررت بصراخ أكثر من مره: إبعد ..!!! .. إبعد إبعد إبعد ..!!! ..

طالعها شوي بعدها حط ركبته على طرف السرير حتى يقرب منها فأول ما حسست بحركه في السرير زاد خوفها ورعبها وشدة على إذنها أكثر ورجفتها زادت عن قبل وما زالت تصرخ عليه بصوت عالي مختلط مع نبرة

بُكاء واضحه ..

إبتسم وقال: يارا .. أخوك مو في البيت .. قبل لحضات إتصل عليه أبوه حتى يشوف سبب المشكله اللي حاصله بالشركه .. يقولوا الكهرباء بقت فجأه وبما إنه ولده فلازم يكون موجود بدل الرئيس .. معناته راح يتأخر كثير

.. يمكن ساعتين أو ثلاث ..

ضاقت عيونه وكمل: كان راح يجيك بنفسه بس إتصال أبوه منعه .. وبدل لا أنتظره تحت قلت أجي أكلّمك بنفسي ..
كمل بنبرة تهديد: إنتي ... ما شفتي شيء سامعه ...!! أهلك أو أقاربك مو لازم يوصل لهم اللي صار .. لا .. مو حكاية مو لازم .. المفروض ما يوصل لهم اللي صار .. عيشي حياتك كالعمية في أي شيء يخص أصيل سامعه ..!!

صرخ بوجهها: سامعه ...!!!
إنتنفست غصب عنها وهزت راسها كذا مره بالإيجاب ولسي ما رفعت تطالع بوجه حتى ..
إبتسم بعدها قام وخرج من الغرفة وقفل الباب وراءه ..
ظلت عى وضعيتها تشاهق وتبكي من هول اللي سمعته ..
خلاص .. تبغى تختفي .. تبغى تموت .. مو قادره تتحمل وضعها أكثر من كذا ..

خرج مُعاذ بهدوء من جناحها بعدها لف على الصالة الجانبية القريبة من الجناح وجلس على الكنب ..
أخذ الريموت بمثل يقلب بالتلفزيون وهو يقول: شكل أصيل راح يتأخر ..!! الوضع كذا مُمل ..
رمى الريموت وهو يطالع بعيونه الملانة كليب لأحد الأغاني الشهيرة ..
عقد حاجبه لما على صوت رن الجرس في البيت كله ..
مين ..!! مُستحيل يكون أصيل .. وكمان مُستحيل تكون أمه رجعت من الزواج بدري كذا ..
إذا مين ..!!

راحت الخدame باتجاه الباب وفتحتة فشافت كِرار بوجهها ..
إبتسم لها كِرار وقال: أصيل موجود ..!!
هزت الخدame كتفها تقول: يمكن ..
تنهد ودخل وهو ماسك بإيده ملزمة كيمياء للصف الثالث ثانوي وقلم ..
طلع الدرج حتى يروح لغرفة أصيل ويرمي بوجهه هالملزمة ..
هو لسي بسنته الأولى فإيش اللي يجيب ملزمة أصيل لشنطته ..!!
كالعاده واضح إنه تعمد ذا .. من البدايه وهو يضايقه ولزم يحط له حد على هالتصرفات ..
مر من جناح يارا ولما إتجه لجناح أصيل لاحظ أحد جالس على التلفزيون ..
أكيد هو نفسه أصيل ..
مع إن المكان مُظلم بس نور التلفزيون يكفي يخليه يقدر يلاحظ جلوس أحد قدامه ..
إتجه له ورمى الملزمة والقلم عليه يقول بنبرته الهادية: ما تبطل من هالحركات ..!!
ضاقت عيونه وكمل: لا تخليني أتصرف تصرف راح يضايك كثير ..
طالع مُعاذ فيه بعدها إبتسم عنه يقول: يا هلا بقريب أصيل .. الله جابك .. ملان كثير وكنت محتاج شيء يسليني ..

عقد كِرار حاجبه وقدر يميز هالصوت .. هذا مُعاذ من أقرب أصدقاء أصيل له ..
طالعه لفته بعدها سأل بهدوء: وين أصيل ..!!
مُعاذ: برى شوي وبيرجع .. ليه وحشك ..!!
ظهر التقرز على وجه كِرار وهو يجاوبه: أعطه الملزمة والقلم وقول له يبطل يحط أغراضه بشنطتي عشان أجي أرجعها له .. حركات بزران هذه ..
لف بيروح فقال مُعاذ: طيب خُلك شوي وسولف معي ..!! صاد عني وكأني موب كانن حي ..
ما جاوبه كِرار لأن فعلاً اللي من هالشله وهالطقه ما يعتبرهم كانن حي ..
هذولا أشباه حيوانات تمشي على الأرض ..
حرك رجله حتى يبعد بس وقفه حطت إيد مُعاذ على كتفه وهو يهمس له: ما ألوم أصيل يوم يصلح حركات هالبزران عشان كل شوي تجيه .. تملك وجه جميل يا كِرار وخساره لو ما تستغله ..
ضرب إيد مُعاذ عنه وطالعه بشيء من الصدمه والتقرز ..
بصراحه .. ما بيسكت عنهم أكثر ..
على الرغم من طبيعته الهادية اللي ما يجب يتدخل في أي من أمور ومواضيع اللي حوله إلا إن موضوع مضايقات أصيل وأصحابه له في المدرسه زادت عن حدها ..
لازم يقابل خاله ويقول له ..
ما رد عليه ولا جاره حتى بالكلام ..
لف من جديد حتى يبعد بس مسكه مُعاذ من معصمه يقول: كِرار ما يصير كذا .. قلت لك ملان وأبغى أحد يسليني و الله جابك .. وقسم فرصه أندم لو ضيعتها ..

إنصدم كِرار وسحب إيدِه بقوه وقيل لا يتصرف تصرف ثاني طرحة مُعَاذ على الأرض وحاول يثبته فزادت صدمة كِرار وأبعدَه عنه وهو يقول: مُعَاذ إبعد ...!! مُعَاذ أَلعب بِقُدَارَتِكَ بعيد عني ...!!!!!!
بالقوه قد يدفِه بعيد عنه لكن ما أمداه يتحرك حتى رجع له مُعَاذ بقوة جسده يثبته من جديد ويحاول قد ما يقدر يتحرش فيه أكثر و.....

خرجت من غرفتها بعد تردد كبير ..
صوت الجرس هذا يعني شيء واحد ..
أبوها ما بيرجع لأنه مسافر وأصيل كمان ما بيرجع لأنه توه طالع ..
معناته يمكن أمها ..
قد حصل مره ورجعت بدري بسبب مُشكلة صارت بالقاعه ..
يمكن تكون رجعت عشان مُشكلة صارت أو تعبت وما قدرت تكمل الزواج لآخره وخصوصاً إنه مالها يوم من شفافها من الزُكام ..
أكيد رجع لها فعشان كذا رجعت ..
خلاص نفسيتها زفت وتحتاج لأحد يضمها لصدرة ..
تحتاج لأمها .. تحس إنها بتقدر تنام بين أحضانها ..
هالأحاساس هو اللي حركها من غرفتها وخلها تتجه للشخص الوحيد اللي مُمكن يخفف شوي من اللي بداخلها

ارتجف جسدها ولفت على اليسار لما سمعت أصوات غريبه ..
أمها ..!؟
إيه أكيد أمها بالصالة الجانييه تريح شوي ..
أو .. ما تدري ..
بس أكيد إنها أمها ..
راحت للصالة فأنصدمت لما سمعت صوت كِرار يصارخ بوجه أحد ..
كرار ..!؟
وش اللي يجيبه هنا ..!؟
دخلت للصالة حتى تعرف وش اللي يجيبه فأتسعت عيونها من الصدمة وهي تشوفه مطروح على الأرض وذاك القدر فوقه ويتحرش فيه بالقوه ..
هزت راسها بلا وهي مو مصدقه ..
رفعت إيدها المرتجفه لإذنها وعينها مصوبه على هذا ذاك اللي ما تمننت تشوفه أبد ..
توه قبل ساعه سبب لها هالإنهيار كُلّه فليه يطلع بوجهها مره ثانيه بوضعيه أسوء ..
إستسلم جسدها لخوفها ولا قدر يتحرك خطوه وحده مع إن اللي يصير واضح جداً ..
واضح وبقوه إن المفروض تعمل شيء توقفه فيها وتساعد ولد عمتها ..
بس هذا الشيء ما إستوعبه غير عقلها الباطن مو عقلها الواعي ..
لسى ما إستوعبت وش المفروض تسوي ..
خو فضيع يجتاحها وكره مو طبيعي لها لإنسان القدر ..
تكرهه .. تكرهه ..
تكرهه تكرهه تكرهه ..!!!!


الإضطراب كان واضح بقوه على كِرار اللي فشلت كُل محاولاته المستميتة في إنه يبعده عنه ..
حرك إيدِه بعشوانيه جنبه وكأنه يحاول يستجد بأي شيء ووقتها .. وقعت يده عليه ..
على القلم اللي رماه قبل شوي على مُعَاذ وتدحرج على الأرض ..
وبدون تفكير وبإبهامه فك الغطاء عن القلم وبعدها كمُحاولة أخيره في الدفاع عن النفس ضرب القلم بقوه ناحية رقبة مُعَاذ الملتصقه فيه ..
صرخة ألم فضيعه أطلقها مُعَاذ والدماء تفجرت من شريانه وتطايرت بوجه كِرار المصدوم من اللي يشوفه بعيونه ..
إتسعت عيون يارا من الصدمة ونزلت إيدها من على إذنها وهي مو مصدقه المشهد اللي يصير قدامها ..
ثواني حتى تشخرج صوته من الصرخه وإنتفض جسده للحضه وبعدها طاح جثّه هامده فوق كِرار ..
ظل كِرار على حاله يطالع بالظلام بصدمة كبيره بعدها قام وأبعد مُعَاذ عنه بإيده تنتفض من الرعب اللي صار له

رجع بجسمه على وري وعيونه المصدومه معلقه بمعاذ وبعدا هز راسه بالنفي وهو يردد: ما مات ما قتلته ما قتلته ... لا ..

تسارعت أنفاسه الثقيله حتى صارت كأنها جبل واقف على صدره ..
قام ورجع خطوتين على وري فتعقل بشيء وطاح مره ثانيه ولسى عيونه ما فارقت جثة معاذ ..
قام مره ثانيه يتحامل على نفسه وإتجه بشكل مباشر للدرج فترحل وكان حيثقلب لولا إنه تمسك وظل على حاله لثواني وهو يحس بلزوجة الدم على وجهه ورقبته ..
رفع إيده وتحسس وجهه فإتنقلت الدماء لإيده ..
إرتجفت وبدأ صوته يتهدج وهو يكرر: ما قتلته ... ما قتلته أنا ... ما غلظت أنا ...
دموعه تجمعت بعيونه وجسمه ما زال ينتفض من الصدمه اللي تعرض لها ..
خلخل إيده بشعره وكمل بنبرة بكى: والله ما قتلته
قام وكمل نزول الدرج وهو شبه واعى باللي حوله ..
لساته تحت تأثير الصدمه .. صدمته بمحاولة الإعتداء واللحين صدمته بالقتل !!!
هذا كثير ... كثير ..

ظلت يارا بمكانها تطالع بجثة معاذ بهدوء تام ..
تمالكت نفسها ورجعت لوعيتها والهدوء صار مسيطر على ملامحها ..
همست: تستحق تستحق مثل هالموته .. تستحقها وربى ..
تقوست شفتها وحست حالها راح تبكي ..
أحسن ... أحسن إنه مات ... بس وش ذنب كِرار ؟!
وش ذنبه يكون هو اللي يقتله !!!
لفت ورجعت لغرفتها مباشرة ..
قفلت على نفسها مرتين بعدها رمت نفسها على السرير وهي في صراع بين مشاعرها ..
X...X.....X...X.

ضغظت بقوه على إيدها بعدها رفعت راسها أول ما فتح باب جناح أخوها ..
طالع فيها ببرود وبوجهها اللي بيين إنها كانت تبكي ..
نزلت من فوق الكنبة وبعدها لفت عشان تروح فقال أصيل: كِرار اللي خلصت من كوابيسك ومن معاذ اللي ما كان يعجبك وجوده ببيتنا خلاص أخذ جزاه ..
إتسعت عيونها بصدمه ولفت تطالعه فلف وإتجه للدرج وهو يكمل: ومع هذا للحين ما حسيت بالرضا التام ..
يمكن لو شفت كيف حالته بعد اللي صار له أحس برضى ..
إبتسم بسخريه وهو يكمل: بتكون مشكله كبيره لو بعد كل هذا ما رضيت داخليا ..
وبعدها إختفت من أنظارها المصدومه ..
هزت راسها بلا وهي تهمس: يمزح .. أصيل يمزح ..
وبحركتها التلقائيه رفعت إيدها وغطت إذنها وهي تهمس: كِرار ما صلح شيء .. كِرار قتل .. بس قتل شخص يستحق القتل .. المفروض ما يصير فيه شيء .. هو ما غلط ... أصيل يمزح ..
كملت بنبرة بكى: يا رب أرجوك .. أصيل يمزح صح ..!
وبعدها جلست على الأرض وبدت تبكي وهي مو قادره تتخيل وش ممكن يكون أصيل صلح بكِرار ..
تحس الغلط ... غلطها ..
بسببها أصيل إكتشف إنه كِرار مع إنها حاولت تحميه قد ما تقدر ..
بسببها كمان ما تدري ..
بس تحس الموضوع كله بسببها ..




مسترخي على الكرسي الجلد اللي عند المكتب ويطالع بالسقف بشرود ..
ميلت شفتها تقول له: لا تنتظره أكثر .. صدقتي سحب عليك .. أنا أعرف كِرار أكثر منك ..
جهاد بهدوء: راح يجي ..
حلا بتحدي: لا .. وراح نقول وقتها حلا قالت .. شوف كم الساعه وهو للحين ما جاء ..

جت قدماه ورفعت له أصبع السبابه والوسطى وهي تقول: واحد من إثنين يا إنه عرف إنك بتنتظره ووقتها قرر
بنام برى أو جاء من أول بس راح ينام بغرفه ثانيه في كلا الحالتين سحب عليك ..
نزل راسه وطالعها وكأنه شوي ويقتنع بكلامها بس هز راسه يقول: إنتم دايماً تسينوا الضن فيه أكيد زحمة
طرق أو عنده شغله أنا كمان ما قلت له تعال بسرعه فطبيعي يأخذ راحته على ما يجي ..
حلا: برانتك وطبيبتك الزايده ذي بتذبحني ..
مسكت إيده تقول: حبيبي هالأيام حسن الضن الزايد هذا ما ينفع .. صدقتي ما ينفع ..
عقد حاجبه وطالعها يقول: وإنتي اللحين كيف تتكلمي وكأنتك بالعشرين أو الثلاثين من عمرك ..؟!
ضحكت تقول: يا حليك .. الأيام ذي حتى الإبتدائي يتكلموا كذا .. المهم إغسل إيدك وإرجع أبرك لك ..
إبتسمت وكملت: لأن بإنتظارك كذا ما بتستفيد غير إنك لما تروح الجامعه تنام بوسط المُحاضره من مواصلتك
للفجر وإنت تنتظره ..
طالعها شوي بعدها أخذ جواله وإتصل على كِرار مره ثانيه ..
ضحكت تقول: ما بيرد .. أصلاً مدري كيف أول رد عليك .. بس صدقتي اللحين ما بيرد ..
حط جهاد الجوال على أذنه وهو يقول لها: واللحين إنتي ليه ما تروحي غرفتك وتنامي .. بكره مدرسه ..
حلا: مابي .. أبي أشوف وجهك لما تصدق إنه سحب عليك ..
كشر بوجهها بعدها سمع صوت رد المُكالمه فقال فوراً: كِرار شفيك للحين ما وصلت ..؟!
جاء صوت غريب يقول بسخريه: خايف عليه ..؟! تعال خذه للمُستشفى .. تلقاه بنفس الحي بالشارع ..
وبعدا قفل التلفون وجهاد على نفس وضعيته يحاول يستوعب اللي سمعه ..
طالع في شاشة الجوال بعدها قام بسرعه وطلع ..
عقدت حلا حاجبها ولحقته تقول: راكان وقف وقف شوي .. وش فيك ..؟!
تجاهلها ونزل من الدرج وثواني حتى صار برى البيت ..
ظلت حلا واقفه ببداية الدرج مدهوشه من ردة فعل جهاد ووجهه المقلوب من بعد ذيك المُكالمه ..
وش الحكايه ..!?

//

لف الحي كُله شارع شارع حتى بالنهايه ضغط على الفرامل بقوه حتى يوقف لما طاحت عينه على سياره واقفه
وباب السائق حقها مفتوح ..
نزل من سيارته وتقدم من السياره وطالع داخلها بس ما شاف أحد ..
لكن ميز إنها نفسها سياره كِرار ..
طالع بالشارع قدام السياره فإتسعت عيونه بصدمه لما شاف كِرار بوسط الشارع طايح بدون حركه ..
تقدم لخطوه بعدها أسرع له وحركه وهو يقول بعدم تصدق: كِرار ... كِرار سامعني ... كِرار ...!!!!
بلع ريقه والصدمه تغطيه بالكامل وهو ينقل نظره بجسد أخوه المليان كدمات واللي كان واضح بيانه تعرض
لإعتداء ..
إرتجفت شفته وحرك كِرار وهو يقول بعدم تصديق: كِرار .. ليه ... شكك كذا ..؟!
صرخ بكمية ألم بصدره: مين اللي صلح فيك كذا ...!!!!!!!



بصباح اليوم التالي ..
يوم الأحد .. الساعة عشره ونص ..
فتحت عينها وبعدها تمغطت وجلست تطالع حولها ..
أووّه شكلها نامت بعد ما صلت .. وهي اللي كانت ناويه تقوم للمدرسه ..
ياللا عادي .. ما تهملها المدرسه أبد ..
بس الغريبه إن نادر ما صحاها كالعادة وراح تاركها نايمه ..
هالرجال ما عنده حس مسؤوليه ..
ضحكت على تفكيرها .. عاد هي مو طفله والمفروض تقوم بنفسها ..
المهم هذا مو موضوعها ..
سحبت اللحاف بتقوم بس حسبت بشيء غريب ..
لفت عن يمينها فإنصدمت لما شافت نادر بسابع نومه ..
هذا الأهيل ...!!!! والشغل اللي نام أمس بدري عشان يروح له ..!?

[illegible]


جلست على الكرسي وجلست الهنوف على الكرسي المقابل تقول: ههههه اليوم شكله محد راح لشغله .. ما رحت للمدرسه ولا إنتي ولا حتى نادر .. على طاري راح زوجك ولا لا ..؟! هزت أميره راسها بالنفي فقالت الهنوف: ههههه شفيننا فجأه كذا !!! إبتسمت أميره إبتسامه صفراء بعدها جت الشغاله وبدت تحط الأطباق على الطاولة والهنوف تطالعها .. إندهشت للحضه بعدها طالعت أميره تقولك أميره آسفه نسيت .. عقدت أميره حاجبها فقالت الهنوف بشيء من القلق: شصار عليها ..؟! على أخت زوجك ..؟! بعدت أميره نظرها ولا جاوبت فإستنتجت الهنوف الإجابة ونزلت راسها تهمس: الله .. يرحمها .. تمنيت يتنازلوا .. يعني أقصد لو ماتت البنت فما راح يرجع اللي إنقتل .. المفروض يكون بقلبيهم رحمه أكبر من كذا .. طالعتها أميره لفتره بعدها ترددت قبل لا تقول: البنت هذه .. طالعتها الهنوف فما قدرت أميره تكمل فقالت الهنوف: إيش فيها ..؟! شوي دخل نادر ولما شاف أميره إبتسم وقال: ما رحتي للمدرسه ..؟! هزت أميره راسها بالنفي فجلس وسألها بهدوء: شصار على قريبة مشعل ..؟! تنهدت أميره وهمست: الله يرحمها .. أخذ نادر نفس وهو يردد: الله يرحمها ويجعل الجنة مثواها .. وزوجك اللحين وينه ..؟! أميره: بالبيت جالس مع أخوه .. هز نادر راسه بعدها بدأ يفطر فبدأت الهنوف وهي تطالعهم .. ما توقعت نادر يعرف .. بدأوا كلهم بالأكل إلا أميره اللي ما جت إلا عشان تبلغ الهنوف لكن حاسه بتردد كبير .. هذه فرصه مناسبه دام زوجها موجود وأكد بيكون جنبها لو إنفعلت .. بس برضوا .. ماهي قادره تتحمل وضع مشعل فكيف بتتحمل ردة فعل الهنوف كمان ..؟! هذا صعب عليها .. صعب كثير .. أخذت نفس عميق فطالعها نادر وسألها: أميره شفيك ..؟! إبتسمت له تقول: لا بس شايله هم مشعل .. فوق ماهو حزين على موتها متحمل أخوه ويحاول يظهر قوي قدامه حتى يخلصه من ضعفه .. إبتسم نادر يقول: أووه مشعل بصراحه مثال في قواة القلب .. أتمنى يكون عندي نص ثباته .. إبتسمت أميره .. فعلاً .. تعرف زوجها عدل .. حتى في الأوقات الصعيه ما يخلي عواطفه تسيطر عليه أبد .. لازم ... لازم تكون مثله .. لازم ما تخلي أمور مثل كذا تتحكم فيه عواطفها .. طالعت في الهنوف شوي بعدها قالت: حبييتي الهنوف .. طالعتها الهنوف تقول: هلا .. ترددت شوي بعدها قالت: البنت اللي ماتت .. أمس كان أول أيام عزائها .. تبغي تحظري اليوم العزاء ..؟! عقدت الهنوف حاجبها بإستغراب بينما طالعتها نادر بعدم إستيعاب فقالت الهنوف: يعني إنتي بتروحي وتبغي أحد معك ..؟! طالعتها أميره لفتره بعدها قالت: لا .. إنتي بتروحي وأنا بأروح معك لو حابه .. نادر: ما أقول ما ينفع تروح لأنها ما تعرفها بس في نفس الوقت ليه تتكلمي وكأن بينهم معرفه أو قرابه ..؟! طالعتها أميره بعدها رجعت تطالع في الهنوف وقالت: البنت هذه إسمها رغد .. رغد عزام الواصل .. إنصدم نادر من كلامها في حين بقيت الهنوف تطالعها لثواني بعدها تسائلت بعدم إستيعاب: هاه ..؟! بلغت أميره ريقها وقالت: هي أخت زوجي من جهة الأم .. لكن إنتي وهي تتشاركوا من جهة الأب .. بدأت العبره تتجمع في حلقها بينما عقلها للحين ما إستوعب أو رافض يستوعب .. رددت وكأنها تبغي النفي: البنت رغد ... اللي إنقصت .. هي أختي .. من الأب ..؟! فتحت أميره شفيتها بتردد بس وقفت وهي تشوف عيون الهنوف اللي بدت تدمع تلقائياً وأنفها حمر فترددت تتكلم .. صرخت الهنوف بإنفعال: وش تقصدي ..!!!! البنت اللي قلتي لي إنها ماتت هي أختي !!! يعني أبوي هو نفسه أبوها ..؟! جاوبيني يا أميره ... تكفين قولني غلط !!! .. قام نادر لها وحط أياده على أكتافها يقول: الهنوف حبييتي خـ .. أبعدت إيداه بعنف وعينها للحين مصوبه على أميره تقول بوسط دموعها: كيف يعني أختي ..؟! يعني أنا لي أخت ... وهذه الأخت ماتت !!! كيف تموت ..؟! ما فهمت ... رغد شعلاقتها فيني ..؟! كيف أختي ..؟! كيف ماتت ..؟! له تموت ..؟! له أختي تموت ..!؟

حس نادر إن البنت بدت تفقد طورها فمسك بإيدها ووقفها .. طالع بعيونها يقول: خلاص هدي هدي يا الهنوف .. طالعي فيني ووقفي إنفعال ..

دفته من صدره تقول: مابي .. أبي أفهم ... كيف يعني ماتت ..؟! شهقت غصب عنها تكرر: ما ماتت .. ما أعرف .. مو فاهمه .. لي تموت ..؟! ليه أختي ..؟! ضمها نادر لصدرة بالقوه فبدأت تقاومه وهي تردد: كيف عندي أخت وتموت ..؟! ليه تموت ..؟! نادر بهمس: خلاص حبيبتي خلاص ..

شهقت مره ثانيه وهديت مُقاومتها وبدأت تهمس من وسط بكيتها: أنا لي أخت ... شيء المفروض أفرح فيه فليش تموت كذا ..؟! ليه قصوها ..؟! ليه ما أعفو عنها ..؟! أسمع عن ناس تموت ... أول مره أسمع عن موت قريب لي كذا ... مو قادره أصدق ... هذه المفروض تكون أختي مثل حور ... ليه ماتت وأنا لسي ما عرفتها ..؟! ليه تموت ... المفروض ما تموت ..

وكملت بكى وصوتها إختفى بين شهقاتها بينما أميره تطالعتها وهي تمسح دموعها اللي نزلت من هالموقف .. كانت عارفه .. كانت عارفه إنها ما تملك الشجاعه تواجه مثل هالأمور .. لو ما كان نادر هنا كان ما عرفت وش تسوي .. غمضت عيونها بقوه بعدها قامت وإنسحبت من المكان .. نفسيتها بتنهار أكثر لو جلست .. فعلاً ... ما بتقدر تتحمل ..



الساعة ١١ الصباح ..

دخلت المُستشفى وراحت على مكتبها دايركت .. نزلت عباتها ولبست المعطف وجهزت حالها مع إنها ما كانت ناويه تجي المُستشفى في الثلاث الأيام هذه .. لكن إتصاله خلاها تجي ..

خرجت من المكتب وإتجهت للدور الثاني وبعدها مشيت بالإتجاه اللي قاله لها عليه .. ما إن وصلت حتى شافته جالس على الكراسي اللي تكون عادةً للإنتظار وحاط راسه على أيده ..

قربت منه بعدها نادى عليه تقول: جهاد ..؟! ..

ما سمعت رد فنادت مره ثانيه تقول: جهاد سامعني ..

رفع راسه بشكل مُفاجئ وواضح عليه توه صحي من النوم ..

أول ما شافها وقف وهو يقول: بـ بنان ..

إبتسمت له تقول: كيفك ..؟! خير عسى ما شر .. ليه إتصلت بيحيى وقلت له إنك تبغاني بالمُستشفى ..

ظل يطالعتها شوي متردد فزاد قلقها وقالت: جهاد شفيك ..؟! ..

بلغ ريقه وقال: أخوي ..

عقدت حاجبها تقول: أخوك مين ..؟! ..

جهاد: أخوي من أمي وأبوي .. إسمه كِرار ..

بنان: إيوه فهمت عليك .. وش فيه ..؟! صار له شيء لا سمح الله ..؟! ..

جلس على الكرسي وبان الإضطراب الشديد على وجهه وهو مو عارف كيف يتصرف أو من وين يبدأ ..

خافت وجلست بجنبه تقول: جهاد بالله عليك تتكلم وتقول وش فيه ..؟! ..

هز جهاد راسه يقول بشيء من التردد مع نبرة رجفان: ما أعرف .. شفته أمس ... تعرض للضرب ... و ...

مدري ... أبوي ما أعرف وين راح أمي هالفترة ما أقدر أكلّمها وأسأله علاقتي فيه وعلاقته بكرار مو

كويسه .. مدري لمين أقول ومن مين أطلب المُساعدة .. تذكرتك فجبتة لهالمُستشفى والحمد لله طلع المُستشفى

نفسه اللي قلتي لي عليه أمس ...

بنان تحته يكمل: طيب ..؟! ..

غطى وجهه بإيده يقول: كِرار تعرض للضرب بوسط الشارع وضعيته تأكد إنه كمان ... يمكن يكون تعرض

لهذا تعرض لمُحاولة إعتداء ..

إتسعت عيون بنان من الصدمة فأبعد إيده وكمل بشيء من اللخبطة والألم: لا ... كأنه تعرض فعلياً لإعتداء بس

ما كنت أتمناه يكون كذا ما كنت عارف وش أسوي ... أو كيف أتصرف ... بعدها بالفعل ... هو تعرض لهذا

....

بلغ ريقه وكمل: الدكتور قال لي هذا الشيء ..

إرتجفت شفته فعرض عليها بقوه ودموعه تجمعت بعينه وهو يكمل بصوت مرتجف: قال لي إنه فعلاً تعرض لإعتداء .. ومن أكثر من شخص ... إستدعاهم .. إستدعى الشرطه وفتحوا تحقيق وتوهم راحوا .. بيرجعوا لما يصحى لأنه للحين ما صحى ..


غمض عيونه بقوه وكمل: وما أبغاه يصحى .. لا .. مو هذا قصدي .. اللي صار .. مو شوي ... ما أبغاه يصحى ويستوعب هالموضوع ويصير فيه شيء إذا أنا بنفسى مو مستوعب ولا أبغى أستوعب ولا قادر أتحمّل اللي صار مع إنه ما صار فينى فكيف بيكون وضعه ..؟! ظلت تطالعه بنان وهي مو مصدقه إن فيه شباب وصلت فيهم القذاره الى هذا الحد ...!! كيف أصلاً ...!!

ما تقدر غير تقول حسبي الله عليهم ونعم الوكيل .. حطت إيدها على ظهره وقالت: مصيرهم ينمسكوا ويتعاقبوا على اللي سووه .. وكل أمرك لله .. جهاد: أكيد بيتعاقبوا بس أكثر شيء شايك همه هو كرار .. بنان أخوي هذا بطبيعته إنطواني وكتوم وقليل الكلام .. صدمه مثل كذا والله بتأثر عليه كثير ... مو قادر أفكر بشيء إيجابى .. اللي صار له مُستحيل ينسأه لين يموت ... بنان هو كيف بيقدر تحمل يكمل يعيش ..؟! ما أدري لكن أنا عارفه .. كل اللي قاله حاسه فيه بس ما تدري بإيش تواسيه .. تنهدت وقالت: مين الدكتور المسؤول عنه ..؟! باتكلم معه .. جهاد: مو متذكر إسمه .. جيت قرب الفجر وكان الدكتور الوحيد المتواجد .. عقد حاجبه وكمل: أتوقع إسمه وليد .. إيه إسمه وليد .. بنان بهمس: آه عرفتة ..

ربتت على ظهره شوي تقول: إصبر .. المؤمن مُبتلى ولازم تصبر .. إذا ضلّيت على هذا الحال فمين بيوقف ويبشّد على يد كرار لما يصحى ..؟! ما رد عليها فتنهّدت بعدها قامت وبعدت عنه ..

دخلت للحمامات الخاصه بالموظفين ووقفت قدام المرايه .. أخذت لها نفس عميق وحراره كبيره بصدرها تتعبها .. لو ظلت أكثر عند جهاد كان يمكن ما قدرت تمسك نفسها .. مو مصدقه إن كل هذا صار لواحد يكون أخ لها .. حاسه بالألم عشانه .. بألم كبير .. كانت تضن إنهم الوحيدين من عيلة أبوها اللي مظلومين وحياتهم صعبه .. لكنها إكتشفت إن أخوانها من أبوها هم اللي حياتهم أصعب .. أولهم حُسام اللي لعبت فيه الدنيا ووصل للإجرام وثانيهم رغد اللي كان مصيرها القصاص واللحين هذا كرار .. فكت المويه وغسلت وجهها لما حسّت بحرقة الدموع بعينها .. عضت على شفتها وإستمرت تغسل وجهها اللي تجربها دموعها على غسله كذا مره .. اللي صار مو شوي .. هذا إعتداء جماعي ومُستحيل ما يَأْثُر هالشيء على نفسيته .. قلبها يتقطع من مُجرد تخيل شعوره ويتقطع من حالة جهاد السينه ومو عارفه كيف بتقوي نفسها باللحظات الجايه ..

دقايق حتى قدرت تسيطر على دموعها وجففت وجهها بعدها لفت وخرجت وهي بقلبها تدعي عليهم .. تحسبت ودعت عليهم وراح تستمر لين ما يذوقوا لو نص اللي سببته أياديهم .. رددت بهمس: حسبي الله ونعم الوكيل حسبي الله ونعم الوكيل عليهم ...!! بعدها إتجهت مباشرة لمكتب رئيسها وليد حتى تأخذ منه التفاصيل عن حالة كرار ..



الساعه إثنين الظهر .. طالعت بهدوء تام الى الرساله اللي أرسلها لها ولدها .. حتى اليوم عنده شغل وما بيقدر يرجع يتغدى معهم .. مُدرس فايش اللي يخليه يغيب للمغرب ..؟! واضحه .. يتهرب .. رفعت صوتها تقول: رشا طلعي الغدا .. جاها صوت بنتها تقول: حاضر ..

حطت رجل على رجل وهي تهمس: الطفلة ذي للحين مخليها هنا .. يروح الصبح بدري لشغله ولا يرجع إلا المغرب .. فجاء تطلع لأصحابه إستراحه ويروح لها ويرجع بوقت متأخر .. واضحه يا ماجد .. إنت مو ناوي أبداً تبعد هالطفله .. مُماطلتك ذي ما بتفيد ..

عقدت حاجبها لما شافت راس الطفلة يطلع بتصلص من عند الباب وأول ما طاحت عيونهم ببعض إختبأت بسرعه ..

رفعت حاجبها بعدها قامت وفتحت الباب فخافت مايا وبسرعه قالت: آسفه آسفه ..

ظلت تطالعها أم ماجد لفته بعدها قالت: وش كنتي تبغين ..؟!

بلعت مايا ريقها وسألت: وين بابا ..؟!

جاوبتها ببرود: بشغله ..

مايا بحذر: بس بابا قال ما بيخليني لوحدي ..

الأم بحده: وأنا شدخلني تقولي لي هالكلام ..؟!

إنفجعت مايا وإختبأت ورى الشجره الصناعيه اللي جنبها ..

إندهشت الأم .. ما ضنت الطفله بتخاف كذا ..

عقدت حاجبها وهي تهمس: وأنا شدخلني فيها ..؟!

لفت وراحت فشافت بنتها جهزت الغدا ..

جلست على الكرسي فترددت رشا شوي بعدها قالت: عادي ... أناادي مايا ..

ما ردت أمها فعرفت رشا إنو ما عندها مانع ..

راحت ودقايق إلا وداخله هي ومايا ..

جلستها بالكرسي اللي جنبها وبدأت تساعدها على الأكل والأم تطالعهم بين فتره وفتره ..

إبتسمت رشا وهي تسألها: حلو طعم الأكل ..؟!

مايا بحماس: أحلى من أكل المُستشفى ..

رشا: ههههه أكيد بيكون أحلى ..

مايا: تعرفين ... حتى أكل خالو حُسام أحلى من أكلكم ..

إندهشت رشا وقالت: أووف لهاالدرجه ..؟! وخالو حُسام هذا يعرف يطبخ ..؟!

مايا: مرررر كثير ..

لفت مايا وطالعت في الأم وفي ملامحها الحاده بعدها قالت بتردد: أنا آ آسفه ..

عقدت الأم حاجبها وطالعت فيها تقول: وعلى أيش تعتذرين ..؟!

تردد مايا بخوف بس بعدها قالت: بابا قال لي ... لما تزعلين أقولك آسفه ..

رفعت حاجبها وقالت: أبوك غلطان .. محد يعتذر إلا اللي سوى غلط ..

مايا: طيب إنتي زعلانه .. يعني أنا سويت غلط .. يعني بابا مو غلطان ..

مطت الأم شفتها وقالت: ولازم تطلعي أبوك مو غلطان ..؟! لا غلطان لأن المُخطئ هو بس اللي يعتذر .. وغير

كذا أنا زعلانه من أبوك فليش تقولي آسفه ..؟!

مايا بدشهه: وليه زعلانه من بابا ..؟!

الأم: مالك شغل ..

مايا: بابا مررا طيب ومحد يزعل منه أممم صح خالو حُسام زعلان منو بس هو لأنو ما يعرف قد إيش بابا

طيب .. لا تزعلين من بابا ..

تنهدت الأم وهمست: مري ليه أتجادل معها ..؟!

غمزت رشا تقول: بديتي تحببها صح ..؟!

الأم بحده: رشا ...!!!

رشا بسرعه: آسفه آسفه وربى ما بمزح مره ثانيه ..!!

طالعتها بعصبية شوي بعدها لفت وكملت أكل ..

رفعت عيونها على مايا وشكلها البنت حتى هي خافت وبدت تاكل بأدب ..

الللحين فهمت ..

ماجد ما يماطل ..

ماجد ييغاها تجلس لوحدها مع البنت عشان تتعلق فيها وبعدها هي بنفسها تقول له لا تطلعها برى البيت ..

خلاص فهمته اللحين صح ..

لكن ... ما بتمشي عليها ..

مُستحيل تهتم لموضوع هالطفله واللي يبغى يوصله ما بيقدر يقرب منه حتى أوف...

مجت إيدها تقول بسرعه: لا لا لسى حار بيصلحك ...!!

إنتبهت رشا وبسرعه وقفت مايا من إنها تشرب كوب حليبها ..

..X || part end || X..

..X || البَارَت السّابع والخمسون || X..

طلعت بشكل سريع وراحت لأقرب غرفه فاضيه ..

فتحت المُكالمه التي لم يرد عليها ورجعت تطالع بالإسم بدون تصديق ..

هذا رقمه رقم سواقها ...!!

معناته هو ما سافر لبلاده ..

إبتسمت غصب عنها ورجعت تتصل عليه ..

أكيد عنده شيء يقوله ..

وهالشيء يخص الثنائي اللي ما بترتاح إلا لما تحطمهم تماماً ..

حطت الجوال على إذنها وقالت: ألو ..

جاها صوت سواقها يقول: ماما ..

إبتسمت غصب عنها لما سمعت صوته وقال: يا نذل إنت وين إختفيت ..؟! خوفتني وقسم ...!!

السواق بنبره حزينه: ماما ماما أنا فيه موت من سنه واجد ..

تتهددت لما فتح لها السيريه مره ثانيه فجارتها تقول: إيه الله يرحمها ..

السواق: بعده شوي عم أنا فيه موت ..

آنجي: الله يرحمه ..

السواق: وقبل سنه واهد أخو أنا فيه موت ..

آنجي: طيب الله يرمه هو بعد ..

السواق بحزن: واللحين زوجة أنا فيه مرض .. أنا خلاص صار يعرف إن الله يسوي عقاب عشان أنا يسوي

شيء غلط ويأخذ إنت وهرمه شييران عند بابا جامور .. أنا خلاص ما يبغى عقاب عشان كذا انا يقول بأعلم إنتا

كوول حاجه .. بس بابا عزام يبغى يودي أنا عند زوجة وأولاد .. بس أنا يخاف لأنه أنا لسي ما يعلم إنتي عن

مكان بابا جامور ويخاف الله يسوي عقاب ويصير زوجة أنا موت عشان كذا أنا يهرب من مكتب عشان يدق

ويقول لك كوول حاجه ..

إبتسم غصب عنها على تفكيره ..

آنجي: شاطر .. إنت كذا ما راح يعاقبك الله لأنك هربت عشان تعلمني كل حاجه .. إيوه وش عندك ..؟!

السواق: ماما ... أنا اللهين يرسل في جوال رساله .. يكون فيها مكان بابا جامور وهرمه شييران يكونو فيه

بكره ..

عقدت حاجبها تقول: قصدك إثنينم حيجمعوا بكره في المكان اللي حترسل لي عنوانه ..؟!

السواق: إيوه إيوه ماما .. كُلو إثنين يجي بكره ..

إبتسمت وقالت: مُتأكد ..؟!

السواق: مرا مرا متأكد ..

تنفست بعمق وراحه تقول: ربي يسعدك يا شيخ شوف باذن الله بس أخلص منهم إثنينم وربى لأرسل لك

مُكافئه توصلك لبيتك ..

السواق بسعاده: ماما شُكراً شُكراً .. إنتي واجد طيب ..

آنجي: خلاص إرسله لي اللحين وبعدها دايركت ... أقصد بعدها على طول روح للمكتب حتى لا يكتبوا لك قضية

هروب عماله وتنسجن أو مدري وش قوانينهم بس المهم إرجع على طول وإعتذر خلاص ..؟! وإذا لزموا عليك

تعلمهم وش سويت فقولهم إنك إتصلت عليّ عادي وراح أحل لك الموضوع ..

السواق: حادر ماما حادر .. اللهين يرسل ..

آنجي: ياللا أنتظرك ..

قفلت جوالها بعدها أسندت ظهرها على الجدار والإبتسامه ما فارقتها ..

أخذت نفس عميق بعدها ضاقت عيونها وهي تتذكر كلام السواق لها لما صارحها بكل شيء قبل فتره ..

** طالعتة بدهشه تقول: يعني إنت تعرف كل شيء عن هالجامور اللي ما يتسمى ..؟!

هز راسه بالإيجاب فقالت: وقلت كل شيء لكرار ..!!!

هز راسه يقول: بس كِرار يقول هذا ما يكفي .. يقول يبغى صور وفديو عشان يقدر يحط بابا جامور في سجن ..

أنا بعدين يقدر يجب صور وكل حاجه بس كِرار ما يودي هذا لشرطه .. يقول إذا بابا جامور راح سجن وراح

لبلد هو فحرمه شييران يختفي وما يعرف شي عنها .. قال لي أول حاجه لازم يعرف وين حرمه شييران وبعد ما

يعرف يقول أنا لأنتي عنها ولما تعرفي يقول إنتي يتصرف معها وهو يروح يعلم شرطه عن بابا جامور .. هادا

كله قبل ثلاث سنه .. وبعدين أنا يعرف مكان حرمه شييران ولما يقول لكرار ما صار شيء .. يطنش أنا ويروح

** ..

ضاقت عيونها وهمست بداخلها: "معناته هالصور والفيدويوات اللي جمعها السواق موجوده عند كِرار .. ما

أعرف إيش السبب اللي يخليه ما صلح شيء بس دامه ذكر كلمه ثلاث سنوات فهو يقصد الوقت اللي تغير فيه


كرار تغير جذري .. هالتغير خلاه بارد حتى في إتجاه المُهمه اللي كان يسويها عشان سي" ..

خرجت من الغرفه وهي تطلق بجوالها لحد ما لقيت رقمه ودقت عليه ..

فهمت هالشيء واستوعبته حبه حبه من وقت ما حكى لها السواق كل شيء ..
استوعبت إن كرار عمل الكثير عشانها ..
حصل وسألته عن السبب بس ما جاوبها ..
سألته مع إنها تعرف الإجابة ..
الإجابة اللي تقول إنه مافي سبب ..
يستحيل يكون فيه سبب يخلي أخ ... يساعد أخته ..
فهذا شيء طبيعي ما يحتاج أسباب ..
قفلت الجوال لما طلع لها إنه مغلق وبعدها خرجت من المصعد واتجهت لغرفة كرار ..
لقت مقبض الباب ودخلت لداخل ..
اتجهت أول شيء لغرفته بعدها بدأت تفتش بمكتبه ..
أكد بمكان هنا ولا هناك موجوده الفيديوهات اللي تدين جامور وجماعته ..
تبغى أول شيء قبل لا تنفذ اللي براسها تتأكد إن فعلاً مصيره السجن والترحيل لبلادهم ..
مع إن فكرة الترحيل هذه ما ترضيها ..
اللي مثله .. المفروض يموت ..
قلبت بالمكتب بس ما حصلت أي سيديوهات أو usb ..
راحت لدولاب الكتب وقلبت بينها وبعد نص ساعه من التقلب حتى بأوساط الكتب ما لقت شيء ..
جلست على سريره تقلب عيونها بالغرفة يمكن فيه مكان تقدر كمان تقل فيه ..
تنهدت وقررت تقلب حتى بين ملابسه وتحت سريره وبين الستائر وكل شيء موجود بالغرفة ..
راح تتأكد إنها ما بتترك نقطه بالغرفة من دون ما تكون دورت فيها ..
قلبت دولاب ملابسه فوق تحت بس ما لقت شيء ..
جلست عند السرير وطلعت الشنط اللي تحته وبدأت تقلب فيها ..
طلع بايدها جوال جالكسي فور وقديم فعقدت حاجبها شوي بعدها قررت تشغله وتدور باللي داخله ..
يمكن تكون المقاطع حاطها هنا ..
شغلته بس إنطفا من الشحن ..
قامت ورجعت تفتح وحده من دواليب مكتبه وطلعت الشاحن ..
شبكت الجوال على الشاحن بعدها رجعت تكمل تقلب بشنط السفر المتنوعه تحت السرير ..
حصلت لها جوال ثاني نوكيا قديم ومتأكده إنه مُستحيل يشتغل فتركته بعدها عقدت حاجبها لما طلعت ملف
يشابه فيه بالمية الملفات اللي دوم تكون بمكتب أبوه ..
مع إنها من بدأت تدور طنشت أي شيء غريب ومالها شغل تفتش بخصوصياته بس اللحين سيطر عليها
فضولها وشكها في إنه ما يكون مجرد شبه في الملفات وإنه يكون فعلاً تابع لأبوها ..
فتحتة وإذ بداخله مجموعة أوراق رسميه بشعار المحكمة بزوايتها وكأنها قضيه أو شيء له علاقة بالمحاكم
والشرطه ..
قلبت فيها فاتسعت عينها بصدمه لما قلبت على صفحه فيها صورته وتحتها كلام ..
هذه ... هذه صورة أمها على الرغم إن الكاميرا اللي أخذت الصورة واضحة إنها قديمه ..
قرأت الكلام اللي تحته وشوي شوي عينها تتسع أكثر من الصدمه ..
قلبت صفحه وري الثانيه وري الثالثه وهي تهز راسها بعدم تصديق ..
رجعت للصفحه الأولى ورجعت تقرأ هذا البلاغ ..
مُستحيل !!!
قفلت الملف وهي تهز راسها وتهمس: متى صار هذا ؟ وكيف ؟ مو فاهمه ومين الحريم الثانيات المُدانات
بنفس إدانة أُمي ؟!
رفعت شعرها عن وجهها وهي تقول بهمس: هالكلام قديم ... من سنوات .. ويخص بابا !!!
ضاقت عيونها وكملت: وليه هي عند كرار ؟!
فتحت الملف من جديد على آخر صفحه وسحبت الusb اللي كان واضح إنه قديم الطراز وبسعة حجم ؛ جيجا
قامت وراحت تجلس على كرسية وفتحت لابتوب كرار اللي على المكتب وهي تهمس: يا رب ما يكن فيه رمز ..
خابت أمانيتها لما طلع فيه رمز ..
فكرت شوي بعدها قررت تكتب إسم كرار بالإنجليش بس طلع خطأ وطلع لها التلميح اللي كان رقم * ٥ * ..
عقدت حاجبها وضغطت رقم خمسة بس ما طلع هو الرمز .. كتبت من واد لحد خمسة وتفاجات لما فتح معها ..
همست بداخلها وهي تركب اليو إس بي: إنسان بسيط فعلاً ..
ضاقت عيونها لما فتح معها الملفات ولقيت حول ١٣ مقطع فيديو والذاكره صارت فل بسبب المقاطع القليله ..

لكن من حقه يكون فُل .. أقل مقطع مدته ٤٧ دقيقة ..
فتحت أول مقطع فعقدت حاجبها لما شافت تصوير لصاله و...
لحظه هذه صالة بيتهم ..؟!
دخلت وحده مقعده الى مُحيط التصوير وشوي شوي بدأت أحداث غريبه صادمه تطلع بوجهها حبه حبه ..
هزت راسها بلا وهي تشوف تجسيد للمكتوب بالأوراق وكأنه يقول إن اللي كذبتيه بداخلك قبل شوي هذا تأكيد
على حقيقته ...!!
حطت إيديها على فمها غصب عنها وقفلت اللاب فجأه وعيونها غصب عنها بدأت تدمع ..
لا ... هذا مُستحيل ...!!!
هذه مو أمها ...!!
ما صدمها اللي صلحته .. صدمها وجود مثل هالفديو ..
وجود مثل هالفديو مُرفق بالأوراق اللي واضح إنها مُقدمه للمحكمه ...!!!
معناته ...
إتسعت عيونها بدهشه للحضات بعدها رجعت للأوراق وقلبت على وحده من الصفحات تطالعها بعدم تصديق ..
لحظه .. الثائيات المكتوبين هنا اللحين عرفت مين هم ..
دققت على تفاصيل معلوماتهم فكانت شكوكها في محلها ..
زوجاته .. زوجات أبوها غير أمها ..
اللحين فهمت كُل شيء ... هذه شكوى مُقدمه رسمياً من ... أبوها ضد زوجاته الثلاث ملك .. وهارام
... ونوره ..
هزت راسها بعدم تصديق ورجعت للاب ..
فتحته من جديد ونزلت على المقطع الثاني فشافه برضوا لأمها ..
ما شافته ونزلت على المقطع السادس بس شافته لوحده باين من لهجتها إنها مو سعوديه ..
كانه لهجة بنقاله أو شغاله ..؟!
هارام ..؟!
الإسم كان شوي غريب ..
طالعت بالورق وشافت الجنسيه الإندونيسيه ..
نزلت على المقطع العاشر وشافته لوحده غريبه عن أمها وعن الإندونيسيه ..
معناته للي إسمها نوره ..
طقت المقطع وهمست بعدم تصديق: على الرغم من الاختلاف لكن الهدف نوعاً ما نفسه ..
هزت راسها بهدوء وكملت: مين ... مين هالمُقعه اللي وصلت لبابا إنه يرفع قضايا مدعومه بالأدله لزوجاته
!!!..
دمعت عيونها غصب عنها وهمست: حتى إنه ركب كميرات حتى يلاقي أدله ... مين هالإنسانه المُقعه اللي
تعمل عشانها كُل هذا يا بابا ..؟!
إرتجفت شفتها وهمست: معناته كانت مام راح تكون بالسجن لولا إن الملف ما إنسرق عن طريق كِرار
...؟!
مسحت دموعها الي بدت تزيد ولا هي عارفه توقف بصف مين ..
أمها بحسب المقاطع فهي سوت شيء غلط ..
بس من نظرها هالغلطه ما تستحق إن أبوها يعمل كذا ..
على الأقل يتفاهم مو يفكر يرمي بزوجاته للسجن ..
مو لدرجة يفكر يرمي أمها للسجن ويحرم عيالها منها ...!!
ما تعرف بس تحسه مجنون ..
محد يصلح كذا غير اللي فيهم مرض نفسي ..
ما توصل فيه يصلح كذا ...!!!
شهقت غصب عنها وللحين مو عارفه غلطت مين بالضبط ..
لكن ترجح إنها غلطه أبوها أكثر من إنها تُكون غلطه أمها ..
بلعت ريقها وخرجت الـusb من اللاب ورجعته للملف ورجعت الملف تحاول قد ما تقدر تتجاهل اللي شافته ..
هي همها مقاطع جامور النذل هذا ..
إيه .. ما بتشغل بالها بمواضيع جانبيه صارت زمان ..
صار وإنتهى فماله لزمه تفكر فيه ..
ماله ... لزمه ..
شهقت غصب عنها ..

إذا كان ماله لزمه فليه مُستمره باليكي ..
مو قادره .. مو قادره تخلي الموضوع يعدي وكأنها ما شافته ..
مو قادره تضحك على نفسها بكلمات مثل صار زمان وأنه مو موضوعها اللي تبغاه ..
مو قادره ..
قفلت الشطنة ورجعتها تحت السرير بعدها رمت نفسها على السرير تحاول تتناسى هذا الموضوع ..
لكن ما قدرت ... أرهقها التفكير واليكي لحد ما نامت بعد ساعه تقريباً ..




الساعة ٢ الظهر ..
جالس بهدوء على الكرسي اللي بالمطبخ وزوجته قدامه تجهز الغداء بصينيه ..
كانت تسترق له النظر بين فتره وفتره وتشوفه سرحان والهموم مغطيه وجهه بالكامل ..
بغت تقطع عليه سرحانه وتطلعه من الجو اللي هو فيه بس ما جاء بباليها أي موضوع يمكن يغير نفسيته شوي
ففضلت تظل ساكتة ..
شوي رفع راسه لها وسألها: نسيت أسالك خبرتي الهنوف ولا لا ؟!..
هزت راسها تقول بهدوء: إيه وإنصدمت كثير ... شخصياً ما توقعت ردة فعلها بتكون كذا .. البنت حساسه بذي
المواضيع كثير ..
هز راسه بهدوء وقال: خلاص معناته بأفضل بنادر حتى ياخذها معه وآخذك إنتي ونروح اليوم العزاء مع بعض
.. هذا عزاء أختها ولازم تحضره .. على الال يمكن مقابلتها لأخوانها اللي من ذيك الزوجه يخفف عنها ..
أميره بهمس: إن شاء الله ..
طالعت بمشعل وسألت: إنت ما قلت لنادر عنها ؟! شفت صدمته اليوم وعرفت إنه ما كان يدري ..
هز مشعل راسه يقول: إنشغلت وقتها بقضية حُسام فعشان كذا ما جاء لي وقت .. وغير كذا إنتي أخته ..
توقعتك خبرتيه .. تدري بيكون أحسن لو هو عرف من البدايه ومهد الموضوع لزوجته ..
أنهت أميره تجهيزها بكاستين عصير ليمون وقالت: ما خطر على بالي .. المهم خلاص غداكم جهز ..
شال مشعل الصينيه وخرج من المطبخ وإتجه لغرفة ولده واللي صارت حالياً غرفه لحُسام ..
فتح الباب عليه فشافه جالس على سريره ساند ظهره عالمخده وعيونه بالفراغ ..
قفل الباب وراه برجله بعدها تقدم وحط الصينيه على طاولة صغيره وطالع بحُسام اللي واضح من شدة شروده
ما حس عليه ..
جلس مشعل على طرف السرير وقال: حُسام حُسام ..
ما رد عليه ولا طرف له جفن حتى ..
مد مشعل يده وهز حُسام وهو يقول: حُسام إنت معي ؟!
جاه صوت حُسام الهادي يسأل: كم الساعة ؟!
طالع مشعل بساعة يده وقال: إثنين ونص ..
أشّر براسه جهة الصينيه وكمل: جبت الغداء وراح تتغدى معي .. كم لك ما أكلت ؟!
حُسام بهمس: رغد ماتت قبل أمس ..
تنهد مشعل وقال: الله يرحمها ويغفر لها إن شاء الله .. كل من عليها فان ويبقى وجه ربك ذو الجلال والإكرام
... حُسام هذا طريق كلنا راح نمشي عليه .. وجودنا في الدنيا هو مجرد زياره .. البقاء الأبدى هو في الآخرة ..
حُسام بهمس: وين مايا ؟!
عقد مشعل حاجبه وهو تقريباً نسي موضوع مايا فقال: بالمُسْتَشْفَى ..
حُسام بهدوء وعيونه لسي تسبح بالفراغ: إذا إنت ما تقدر فقول لبنان أو يحيى يهتموا فيها ..
ضاقت عيون مشعل وقال: والمعنى ؟!
إبتسم حُسام بشيء من السُخريه يقول: وجودنا في الدنيا زياره .. زيارتي تى أنا خلصت .. أكيد عقابي بيكون
القصاص لقتلي لحמידان ..
صرخ مشعل عليه: حُسام إصحبى !!!..
إرتجفت شفة حُسام وإنقشع الهدوء اللي كان مُسيطر عليه ..
نزل راسه لإيده المُرتجفه وهو يهمس: بس رغد مات وهي قتلت بالخطأ ... أكيد أنا بأموت لأنني قتلت متعمد ..
أنا ...
قاطعه مشعل بحدّه: حُسام !!!..
إرتجف صوت حُسام وهو يقول بشيء من الإنفعال: هذا ظلم !!!.. رغد إنسانه كل شيء صح بحياتها ولما
غلطت غلطه وحده تموت .. أنا إنسان كل حياتي غلط فليه مو أنا اللي أموت !!!.. ليه رغد مو أنا !!!..

مشعل: هذا قضاء الله وقدره هذا من رحمة الله عليها غلظت غلظه وحده فالله رحمها وخلها تدفع ثمن هالغلظه بالدنيا وتعتبر كتكفير لذنوبها بالآخرة بإذن الله وحده تقابل ربها بدون ذنوب كبيره حُسام حتى إنت عيشك رحمه من الله عشان تتوب وتكفر عن ذنوبك قبل لا تموت أيأ كان القضاء والقدر قاسي فإعلم إنه فيه مصلحة لك فيها أنظر للجانب المشرق من اللي صار ولا تطالع بالجانب المظلم ..!

طالعه حُسام لثواني قبل لا يقول بألم: بس رغد شيء مُهم بحياتي !!!

مشعل بابتسامه: والله إبتلاك بموتها الله ما يبتلي العبد إلا لأنه أحبه هذا شيء المفروض تفرح منه صح ؟ إبتسم وأشكر ربك على هذا الشيء فرغد اللحين فوق وإنت خلال سنوات راح تكون عندها كُلنا خلال سنوات بنكون في نفس المكان راح تقابلها مره ثانيه بإذن الله فلا تتصرف وكأنك ما راح تقابلها أبداً عيش حياتك وإنت تدعي الله يجعل لقاكم في جنته وفي سرر مُتقابلين بالفردوس الأعلى بإذن الله .. ظل حُسام يطالع بمشعل لفترة ما هي قصيره والكلام هذا اللي قاله أثر فيه بشكل كبير .. زم على شفته وغصب عنه بكى بصمت فأخذ مشعل نفس ومد إيده يربت على كتف حُسام وتركه على راحته ..



الساعة الخامسة عصراً ..

جالس بالصاله بملل يتابع مُباراه مُعاده بين البرازيل وبرشلونة ..

تثاوب وهو يحس من جد يحس بملل فضيع ..

اليوم محسن راح مع أهله زياره لأقاربهم بمكة فعشان كذا مو لاقى واحد يونسه .. دخلت أمه للصاله تقول: ثائر وش مجلسك هنا ؟! ما قالت لك حور تقوم تتجهز ..؟! ثائر بملل: لا .. وليش ..؟! الأم بتأفف: ذيك الغبيه .. ليه ما قالت لك ؟! المُهم قوم بسرعه ... أسامه بيجي ..

ثائر: ومين يطلع ذا ؟!

رفعت أمه حاجبها تقول: مين يطلع ..؟! أخوك ... اللي خطب طيف ..

ميل ثائر فمه بازدرأ يقول: إيه إيه تذكرته .. مو لازم ألبس عشانه ..

الأم بحدّه: ثائر وبعدين ..!!!

تأفف ثائر وقام يقول: يووه من ذا الأسامه ... ترى من جد ما حبيته ولا راح أحبه ..

الأم وهي متوجهه للمطبخ: خلني بس أشوفك تقل أدبك قدامه .. ما بيصير لك طيب ..

راح لغرفة أمه بملل وفتح دولابه الخاص وطلع له بدله على السريع وغير بدله الرياضه اللي كان لابسها بعدها رجع يكمل متابعة المُباراه وعيلته رايعين رايعين يصلحوا قهوه ويبخروا البيت وغيره من التحييزات الروتينه

اللي يسوها للضيوف ..

بعد نص ساعه خلصت فتنهد بعدها قام وراحت لغرفة خواته وشاف حور تمشط شعرها بينما طيف فاتحه كتاب

تذاكر ..

جلس قدامها يقول: هيه طيف إنتي وافقتي ..؟! طالعته تقول: على وش ..؟! ثائر: على الزواج من هالأخ اللي بيموت حب فينا ..

إبتسمت على تعليقه وقالت: هو مو جاي يسمع رايب .. قال لأمي إنه بيجي يسلم على أخته وأخوه ..

جاه صوت حور تقول: إنت ياخي شفيك قايم عليه ..؟! لو كنت قد قابلتهمفراح أعذرك وأقول يمكن ما دخل

مزاجك بس تقوم عليه وإنت حتى ما شفته ..؟! طالعت فيه وكملت: هذا يذكرني بزواج الهنوف اللي قبل لا يتزوجها ما كنت تحبه وبعدين سبحان الله إعتدلت

علاقتك معه .. بطل بطل بس من الحكم العدائي هذا على الناس ..

ما رد ثائر عليها .. هي أصلاً مو فاهمته ..

هذا الولد ولد أبوه ..

هو الشخص اللي إختار أبوه إنه يهتم فيه وبعيلته بدل عنهم ..

يحس بكره غصب عنه ..

تجاهل التفكير بالموضوع وطالع بطيف يقول: وش رايبك ..؟! من جد بتوافقي ولا لا ..؟! طيف: ما عليه .. لسي أنا أفكر ..

ثائر: طيف ما يحتاج تفكرين .. خلاص أرفضيه .. تراه تربى تحت إيد أبوي .. تبغين زوجك المُستقبلي يتخلى

عنك ويتركك مع عيالك لوحدهم ..؟! حور بدهشه: ثائر وش هالكلام ..!!!

لف بوجهه ولا رد عليها فدق بهالوقت جرس البيت ..

[illegible]


طالعت الأم في أسامه وقالت: والله بصراحه اللي قاله ثائر أول مره أسمع فيه .. يعني أخوك هو الرجال اللي ظل يمدح فيه لما رجع لنا .. الله يجزاك ويجزاكم كل خير ..
أسامه بإبتسامه: لا يا خاله هذا حق وواجب لو كنا نعرف وقتها إنه أخ لنا كان أكرمناه أكثر وكانت فُرصه نتعرف فيها عليكم ..
بعد ثائر عن باب المجلس ودخل عند طيف ..
جلس قدامها يقول: طيف هالآدمي فيه كمية نفاق مو طبيعيه ..!! لا تتزوجيه ..
طالع بحور وكمل: قلت لك من البدايه ما حبيته ..
بعدها قام وراح للمطبخ يجيب القهوة ..
تنهدت حور تقول: هالولد وش سالفته بالضبط ..؟!
ما علقت طيف وظلت سرحانه بكتابها ..

دخل ثائر المجلس بصينية القهوة والتمر والحلى وحطها قدام أمه وأسامه ..
أخذ الثلاجه وصب لأسامه فنجان وملاه على الآخر وقدمه له ..
شرب أسامه شوي فإبتسم ثائر غصب عنه وهو يصب لأمه نص الفنجان ..
طالع بأسامه بعدها قال: تعرف وش يعني عندنا لما تصب للرجال قهوة وتملي الفنجان ..؟!
عقد أسامه حاجبه فقال ثائر: معناته عندنا كأننا نقول للضيف خلص فنجانك وتوكل .. زي الطرده ..
ظهرت بعض الدهشه بملامحه فكمل ثائر: أووه يعني ما تعرف .. وش أصلاً اللي يعرفك بعلوم الرياجيل ..؟!
الأم بعده: ثائر ..!!!
خاف ثائر وقال بإبتسامه عبيطه: يمه الله يهداك .. هذا أخوي وجالس أمزح معه ..
الأم بهمس: مزح زي كذا ما نبغى ..
ثائر: حاضر حاضر ..
إبتسم لأسامه وقال: آسف لو ضايقتك .. لأن هالحركه قد سويتها لجهاد وما تضايق لأن روحه الرياضيه عاليه
رفع أسامه حاجبه فقال ثائر: جهاد هو أخوكم من الأم والأب صح ..؟! ههههه اللحين فهمت ليش ما ينام عند أهله ..

الأم: ثائر ممكن تسكت وتخليني أتكلم معه ..؟!
ثائر: حاضر يا يمه ..
تنهدت وطالعت بأسامه تقول: المهم كيفك وكيف الأهل ..؟!
أسامه: الحمد لله يا خاله طيبين .. إنتي كيفك وكيف حور وطيف ..؟!
ثائر: هيه هيه ليه تناديهم بأسمانهم ..؟!
أسامه بإبتسامه: حور أختي .. وطيف خطيبتني ..
تترفز ثائر وقال: ومن متى طيف خطيبتك ..؟! تراها لسي ما أعطت رايتها وصدقتني راح تترفض ..
إبتسم بعبط لما لاحظ نظرات أمه وكمل: لأن طيف تشوفني زي أخوها وطبيعي تشوف أخواني كمان مثل أخوانها وحرام الوحده تتزوج أخوها صح ..؟! عشان كذا يعني يمكن ترفض ..
تجاهله وطالع بالأم وسأل: وين حور ..؟! أبغى أسلم عليها ..
إبتسمت تقول: جايه جايه .. ثائر قوم ناد أختك ..
ميل ثائر شففته بعدم رضى فقالت الأم: ثائر ..؟!
قام يقول: طيب طيب ..
وبعدها خرج فإبتسمت الأم لأسامه وقالت: لا تخاذ على خاطرك من كلام هالولد .. أحياناً يكون وقح ويحسب إن هذا مزح .. إنت بس طنشه وهو يعرف إنك تضايقت وراح يسكت ..
شوي دخل ثائر وجلس يقول: تقول اللحين جايه ..
ثواني حتى دقت حور الباب بشيء من الخجل وهي تقول بصوت هامس: السلام عليكم ..
طالعتها أسامه من فوق لتحت بعدها إبتسم بإصطناع ووقف يقول: هلا حور .. هلا فيك ..؟!
جت عنده وصافحته وعينها لسي ما جت بعينه بعدها راحت تجلس جنب أمها ..
جلس أسامه وسألها بإبتسامه: كيفك يا حور وأخبارك ..؟!
حور بإبتسامه خجل: الحمد لله .. كيفك وكيف إخوانك وأمك ..؟!
أسامه: الحمد لله عال العال .. كم عُمرِك يا حور ..؟!
حور: دخلت الخمس وعشرين سنه ..
أسامه: حلو ... وإيش كان تخصصك بالجامعه ..؟!
إندهشت للحضه بعدها همست: ما دخلت الجامعه ..

أسامه: آه ..
إبتسم وكمل: تبغيني السنه ذي أسجل لك بالجامعه ؟!..
بعدت عينها بإحراج وتوتر فإبتسمت الأم تقول: آه البنيت ... بسبب ظروف صارت .. ما كملت الثانوي ..
رفع أسامه حاجبه بشيء من الاستنكار بعدها إبتسم وقال: لا عادي .. تقدري تكلمي منازل بعدها تدخلني
الجامعه طبعاً إذا كان عندك رغبه .. أما إذا ما عندك في...
قاطعه ثائر: إنت سنه كم ؟!..
تنهد أسامه وهذا البزر بالذات ما بيغاه يفتح فمه ..
إبتسم له يقول: متخرج من كلية الأعمال لي فوق الأربع سنوات وبعدها
قاطعه ثائر: طيب شاطر ..
رفع حاجبه فدقته أمه من وري بس ما علق ثائر ولا إعتذر ..
ما يدري ليه حس بسخرية في كلامه ..
خلاص ... كرهه ..
إبتسمت الأم ترقع لولدها تقول: ما عليك منه .. لسانه طويل وهذه عادته .. لو ضايقتك فهاوشه لأنه يستحق
المهاوشه ..
إكتفى أسامه بإبتسامه بعدها غير الموضوع وقال: ها يا خاله .. ما قررت طيف لحتي اللحين ؟!..
الأم: والله بصراحه ... للحين لا .. تعرف البنيت تحب دراستها كثير ولها طموحات بالمستقبل فعشان كذا متردده
كثير وسبق إنها قالت بإنها مستحيل تتزوج بغير مبكر ..
أسامه: البنيت بتدخل العشرين هذه السنه فما أضن هذا يُعتبر عُمر مبكر ..
ثائر: إلا عُمر مبكر الناس صاروا يتزوجون بعد الخمس والعشرين ..
الأم: ثائر روح لطيف ..
طالع ثائر بأمه بانزعاج فإبتسمت له الأم بشيء من التهديد تقول: روح لعندها وشوف رايبها .. يمكن تكون
قررت لأنني ما سألتها اليوم ..
قام ثائر بعدم رضى وطلع من المجلس ..
راقبه أسامه لحد ما طلع بعدها طالع بالأم يقول: لو ما قررت فتسمحين لي يا خاله أتكلم معها .. يعني يمكن
خايفه لأنها ما تعرفني فحببت أقولها شوية كلام يطمئنها ..
هزت الأم رأسها تقول: إذا هي رضت فما عندي مانع لكن ننتظر أول ثائر ونشوف إن كانت قررت ولا لسي ..
شوي دخل ثائر يقول: تقول تبغى تفكر أكثر .. وترى أحس إنها مو موافقه بس لأنه يُعتبر أخو أولاد عمته
فخلجلانه تقول لا ..
طالعت الأم بثائر بانزعاج فميل ثائر شفته وقال: على العموم هذا إحساسي ويمكن يطلع غلط ..
قامت الأم وطلعت وهي تقول لأسامه: خلاص أشوف إن رضت تكلمك ولا لا ..
إنحرجت حور تجلس من غير أمها فإبتسمت بعدها طلعت وبقي ثائر عند الباب يطالع بأسامه بعدم رضى ..
ظل أسامه يطالعه شوي بعدها قال: ليه تكرهني ؟!..
رفع ثائر حاجبه يقول: لأنك مُنافق .. لما كنت ببيتكم شفت قد إيش إنت مغرور وكنت بعد تضاييق كِرار فكيف
تصير طيب فجأه ؟!..
إبتسم أسامه يقول: كنت وقتها أمزح مع كِرار مثل ما إنت جالس تمزح معي .. شكلك ما تدري إن كِرار روحه
الرياضيه مرتفعه ..
إنزعج ثائر لأنه صار واضح إنه يستغزاه فقال: خلاص أنا كذا من راسي ما حبيتك وصدقتي بأذن على راس
طيف عشان ما توافق عليك .. روح تزوج من قريباتك أترك لك .. طيف أكثر شيء تكرهه المغرورين واللي
شايفين حالهم مدري على وشو ..
شوي دخلت الأم وقالت: خلاص طيف اللحين عند الباب .. وافقت بس تسمع بدون لا تتناقش معك ..
أسامه بإبتسامه: عادي تأخذ راحتها ..
رفع صوته وقال: كيفك يا طيف ؟!..
لف ثائر رأسه وطلع بطيف اللي كانت جنبه بس ظهرها على الجدار وتسمع لأسامه بهدوء ..
أسامه: أدري متردده ومتخوفه بسبب مُستقبلك اللي رسمتية من زمان .. حببت بس أطمئك إنني أبدأ ما أعارض
تكلمي دراستك ولا راح أعارض تبغى لنفسك مشروع أو إثنين أو ثلاثه .. أنا إنسان واعى وفاهم وراح أعطيك
الحريه التامه .. ذي حياتك الخاصه ولا راح أدخل نفسي فيها .. وبإذن الله أكون لك أكبر داعم مادياً ومعنوياً ..
إبتسم وكمل: وغير كذا كنت محضر لك مُفاجئه لو سمعت موافقتك ..
عقدت حاجبها فكمّل أسامه: أمك بحثت عنها وعرفت عن مكانها وبغيت المُفاجئه تكون هي إنها تحضر يوم
فحرك ..

اتسعت عيون طيف من الصدمة وإندهش ثائر بعدها قال بانزعاج: وانت شدخلك بأمرها...!!! مين قال إن طيف
تتمنى تشوفها...!! هالأم تخلت عنها وعن أبوها بعد ما اتهمته بالتقصير وحملته مسؤولية موت أخوها .. هالأم
وحده سينه ولا عمرها طيف قالت إنها تبغى تشوفها أو ...
وقف عن الكلام لما مسكت طيف بإيده ..
لف عن يساره وإنصدم لما شافها تجلس بهدوء وهي تغطي فمها بإيدها وعينها ... مليانه دموع ..
ثائر بدهشه: طيف...!!
حست الأم إن في طيف شيء فخرجت برى المجلس وإنصدمت لما شافتها تبكي بصمت ..
جلست قدامها تقول: طيف حبيبتي شفيك...!!
شهقت طيف غصب عنها وهمست بصوت خافت: توقعتها ميتة يمه .. أنا فعلاً أبغى أشوفها ..
ضمتها عمتها لصدرها في حين طالعتها ثائر بصدمة ..
لا بذى الحاله يمكن طيف ... فعلاً توافق ..
لف بقهر جهة أسامه اللي كان لسي جالس بإستغراب ومو فاهم وش يصير عندهم ..
ثائر: إنت كذاب...!! أكيد ما تعرف وين أمها بس تبغى ...
قاطعه أسامه: وليه أكذب...!!
إنزعج ثائر بقوه وبنفس الوقت على قد إنه ما يبغى طيف تتزوجه إلا إنه يحس بإنه المفروض ما يتدخل فهذه
حياة طيف مو حياته عشان يفرض رايه ..
لف وجهه بانزعاج ولا علق ..
إبتسم أسامه بداخله ..
شكل إن فعلاً أمها هي نقطة ضعفها وهي اللي بتخليها توافق ..
ماشي .. بيبكون الشخص الطيب ويقرر ينسحب حتى يتصلوا عليه هما ويخبروه بموافقتها ..



واقفه بهدوء تام ساندته جانب راسها على الجدار وتطالعه بعيون مليان حزن وشفقة على حالته ..
لسى نايم على السرير تحاوطه الكثير من الأجهزة وللحين ... ما فتح عيونه أو إستجاب لأي شيء ..
غمضت عيونها وتنهدت بمراره ..
ترددت كثير واللحين قررت تدخل تشوف هالشاب اللي يتاشبه هو وياها باسم الأب ..
وتمنت ما دخلت .. رق قلبها أكثر عليه وحست بكأبه شديده تحاوطها وتمنت إن اللي صار مجرد حلم أو كابوس
مزعج ..
تمنت لما يصحى ... يكون أكثر تماسكاً ولا ينهار ..
أو ... يصحى فاقد لذاكرته فهذا الأفضل له ..
إنفتح الباب فلفت بهدوء وشافت الدكتور ولید دخل ..
إندهش لما شافها وقال: للحين ما رحتي...!! بالعاده تروحي الظهر واللحين إحنا داخلين على المغرب ..
همست له: شوي وأروح ..
تنهد بعدها تقدم من كرار وعاینه عن قرب فسألت بنان بهدوء: دكتور ... كيف حالته اللحين...!!
دولید: ممكن يكون إغماء بسيط .. شایل هم إنه لو طول يتحول الموضوع لغيوبه ..
إندهشت بنان وقالت: لا مو ممكن ... بإذن الله يصحى ..
طالع ولید فيها وقال: اللي صار له مو شوي .. طبيعى أو واحد بمكانه يتمنى ما يصحى .. لا تنسى وش راي
الطب النفسى في مثل هالمواضيع وإنها فعلاً حقيقه حدثت .. بعضهم تستمر غيوبته لأعوام على الرغم من
عدم وجود مشاكل صحیه والسبب يرجع للعقل الباطني للمريض واللي يحته إنه ما يصحى ..
ظهر عدم الرضى على بنان ولقت تطالع بكرار في حين كمل الدكتور ولید: راح أعمل له بعض التحليلات حتى
أتأكد إنه ما يعاني من أي مشاكل صحیه وبعدها لو ثبت إن حالته الجسديه بخير فوقتها راح ننقله لغرفه عاديه
وبيبقى على الأجهزة لحتى ما يصحى
طالعتها وكمل: على الرغم من أنها أول مره أقولها لكن فعلاً أتمنى يكون يعاني من مشكله جسديه لأن هذا
بيفسر سبب إغمائه لهالوقت .. لأنه لو كان مُعافى فإحتمال كبير يتحول هاإغماء الى غيوبه ..
هزت راسها بهدوء وهمست: الله يقومه بالسلامه ..
لفت وخرجت من الغرفه ..
مشيت وخرجت من القسم فشافت جهاد نايم وهو على نفس جلسته من فجر اليوم ..

مدت إيدھا وهزت كتفه تقول: جهاد ..
فتح عيونہ ورفع راسھا لها بعدها وقف يقول بسرعه وخوف: إيش فيه ..؟؟!!
بنان: مافيه إلا كل افيه .. للحين ما صحي .. خلنا نرجع البيت ..
هز جهاد راسه يقول: لا لا ... باقعد عنده هنا ..
بنان: ترائ طبيبه وعرف .. وجهك تعبان كثير وشكلك مواصل من أمس .. لازم ترتاح ..
جلس جهاد وهمس: مو لازم أرتاح ..
بنان: وعزاء أختك ما بتحضره ..؟؟! تعال أحضره وبعدين نام بغرفة يحيى لساعتين أو ثلاث وبعدها إرجع ..
طالعها جهاد شوي بعدها قام يقول: لو ما كان عشان العزاء كان ما رحت ..
إبتسمت له بهدوء وقالت: روح عالسياره وانتظرنى .. أبدل وأجي ..
هز راسه وراح فأخذت نفس عميق بعدها راحت هي كمان ..

//

الساعة سبعة المغرب ..
كانت الصاله مليانه بالحريم وأغلبهم سكان وجيران في هالعماره ..
الأم جالسه بهدوء تام والشروود واضح بوجهها وترف جالسه جنبها وعينها مْصوبه على الكنبه المُقابله ..
فيه ثنتين توهم داخلين .. وحده منهم تبكي بصمت والثانيه الحزن واضح على وجهها ..
من يطلعون ..؟؟! أول مره تشوفهم وواضح من تأثرهم إنهم يعرفوا رغد معرفه شخصيه ..
نص ساعه حتى دخلت أختها وبعد دقائق جلست عندهم ..
قربت منها ترف وهمست: قلتي لي إن خُسام هو أخو رغد الوحيد من الأم ..؟؟!
بنان بتعجب: إيه ..
أشرت ترف على البننتين وقالت: وذولا مين يطلعون ..؟؟! وخصوصاً هالبنات اللي باين إنها بعمرى وش علاقتها
برغد حتى تبكي بصمت كذا ..؟؟!
طالعتهم بنان شوي بعدها تنهدت وهمست: يمكن جيرانهم أو ...
قاطعتها ترف: وش جيرانهم ..؟؟! وش عرفهم ببيننا إن كانوا جيرانهم ..؟؟!
ضاقت عيون بنان بتفكير بعدها همست: تدري .. جهاد يمكن خبر عيلته بخبر موت رغد ... بمعنى يمكن يكونوا
خواتنا ..
رفعت ترف حاجبها باستنكار تقول: مُستحيل ...!!
بنان بتعجب: وليه ..؟؟!
ترف: يعني .. مو قالك خُسام إننا أول عيله يقابلهم من زوجات أبوه .. معناته ما يعرفوا رغد معرفه شخصيه ..
لو يعني كانوا خوات جهاد ويعني أخواتنا فليه يعني .. أقصد البنات تبكي وكأنها تعرفها .. أنا ما عمري قابلت
رغد وصحيح حزنتم عليها بس ما وصل الأمر أبكي .. صحيح أختي وتضايقت عشائها بس ليه أبكي وأنا ما
أعرف شكلها ولا عمرها ولا حتى بيني وبينها أي ذكرى ردة فعلها شوي أوفر ..
تنهدت بنان وهمست: لكل وحده شخصيه مختلفه حبيبتي .. مو كلهم باردين مثلك ..
ترف: هيه بنان فجأه طلعتيني بارده وما أحس ..!! ترى أنا جد متضايقه عشان رغد بس ...
قاطعتها بنان: ترف تكفين خليني بحالي .. اللي فيني مكفيني ..
عقدت ترف حاجبها بتعجب بعدها ميلت شفتها وتجاهلتها وكملت تراقب البننتين وخصوصاً البنات اللي كانت
تبكي واللي كانت هي نفسها الهنوف جت مع نادر وأميره ومشعل ومعهم فراس ..
مرت الدقائق والساعات وبدأوا المعزين يقلون واحد وري الثاني حتى ما عاد بقي غيرهم ..
قامت ترف وجلست عند أميره والهنوف اللي بدأ وكأنها هديت وسألت: مين إنتم ..؟؟! خوات جهاد ..؟؟!
عقدت أميره حاجبها في حين طالعتها الهنوف لفتره وجاوبت: لا بس أنا ..
أشرت على أميره وكملت: هذه أختي زوجي ..
إتسعت عيون ترف من الصدمه تقول: إنتي ... متزوجه ...!!!
ميلت بنان شفتها وقالت تغير موضوع ترف: يا هلا فيك .. إسمك ..؟؟!
طالعتها الهنوف وجاوبت: الهنوف ... بس يعني جهاد أخوي من الأب ..
إبتسمت بنان وأشارت على نفسها تقول: حتى إحنا نصير خواتك من الأب .. أنا بنان وذى ترف ..
أشارت لأمها وكملت: وذى أمنا ..
طالعت بأميره وقالت: ويا هلا بأخت زوج أختنا ..
جاوبتها أميره بإبتسامه بسيطه ..


ترف: هيه هيه الهنوف كم غمرك ..؟!
الهنوف: ها ..؟! ١٧ سنه ..
ترف بإستنكار: نفس غمري ...!! ياهوو وربى أموت وما أتزوج بهالغمر ..
إنزعجت بنان منها وقالت: ترف خلاص ...!!!
ميلت ترف شفتها وسكتت في حين نزلت الهنوف راسها وما لقيت رد ترده على هالبنت ..
رجعت رفعت راسها مره ثانيه تطالعهم ..
هذولا ... خواتها ..؟!
لفت على أهمهم وطالعتها ..
عرفتهم على طول ... ذولا بنات الخدامه اللي كانت تشتغل عند أمها ..
رجعت تطالعهم وحده وحده وبصراحه فرحانه كثير لأنها قابلت لها إخوان جدد ..
في الوقت نفسه متردده وخايفه .. تحس إن فرحتها بوجودهم هي خيانه لأمها ..
ذي الحرمة سرقت أبوهم منهم وتزوجته .. المفروض تكرهم ..
فمو قادره .. لا هي قادره تتقرب منهم وتسولف ولا قادره تكرهم ..
طالعت في أميره وكأنها تسألها وش أسوي ..
لكن ما لقيت إجابته شافيه فأميره ما كانت فاهمتها أبد ..

عند الرجال ..

خرج أولاً نادر وفراس ولما كان خيخرج مشعل وقفه مره ثانيه صوت عزام الهادي يسأل: وين حُسام ..؟!
أخذ مشعل نفس وقرر هالمره يجاوبه وقال: لو كنت تنتظر مني أخبرك فإنسى ... تسببت بموت رغد ... فبأنقذ
حُسام قبل لا تتسبب بموته ..
رفع عزام عينه له بحدده يقول: وش تقصد بكلامك ..؟! حُسام ولدي أنا أبغاه يعيش معي أنا ...!!!
هز مشعل راسه بلا يقول: ما صدقت اليوم هديت نفسيته شوي .. تبغاني بالنهايه أظهرك بوجهه حتى يرجع
لحالته الأولى أو أسوء ..
لف على يحيى وقال: أعذر يحيى .. قلت لك بأهتم فيه هالفتره ... لكن أنوي جدياً أخليه يكمل حياته عندي ..
يحيى بهدوء: لا عادي مشعل .. إنت بعد أخوه الكبير ..
قام عزام وقبل لا يتكلم لف مشعل وخرج يلحق بنادر وفراس ..
لف عزام على يحيى وقال: هالرجال تعرف وين بيته ..؟!
تنهد يحيى وطالع بأبوه يقول بابتسامه: بيه تعرف ... حُسام لسي مُراهق وهو حالياً أكيد يحملك السبب
صدقني شوفته لك بتقلب حاله للأسوء وأكيد راح بنذك بكلامه .. خله عند مشعل فهو بالنهايه أخوه من الأم ...
صدقني بيهتم فيه ..
طالع أبوه فيه شوي بعدها قال: هذا اللي اسمه مشعل تفاهم معه سامع ..؟! بُكره أبي أجى وألاقي حُسام هنا ..
بعدها لف وخرج فتنهد ذياب ولحق فيه بينما جهاد كان جالس بهدوء ولا سمع شيء من اللي كانوا يتكلموا فيه ..
كان عقله مشغول بكرار وبحالته ..

ركب مشعل السياره وهو يرسل بجواله رساله لأميره يطلب منها تنزل ..
طالعه فراس اللي جلس جنبه وسأله: شفيك متترفز ..؟!
مشعل: عزام هذا ومين غيره ...!!
تنهد فراس وقال: كان المفروض ما ردبت عليه وتركته ..
مشعل: قلت أريح نفسي وأعطيه من الآخر بس الإنسان مُصر ..
طالع بفراس وكمل: مدري كيف تجيه الجُراه يطالب فيه بعد ما أهملهم طول هالسنوات بدون أي سبب مُقتنع
...!! صدقني أنا متأكد من إنه مُتخلف عقلياً ..
إبتسم فراس وقال: خلاص لا تشغل بالك فيه ..
طالع فراس بمدخل العماره يقول: أشغلني .. مو قادر حتى أحضر عزاء أختي براحه .. مريض نفسي ..
شغل السياره لما لاحظ أميره والهنوف خارجين من العماره ..
إتجهت الهنوف لسيارة نادر بينما أميره فتحت الباب الخلفي ودخلت تقول: السلام عليكم ..
ردوا عليها السلام وحركوا السياره ..
شوي سألها مشعل: كيف كانت الهنوف ..؟! تعرفت على خواتها ..؟!
أميره: مدري عنها .. أذكر كانت تحكييني بحماس عن إن أبوها متزوج وإنها متحمسه تشوف لها أخوان جدد
لكن لما تعرفت عليهم إنربط لسانها مدري ليه ..?!
..


مشعل: طبيعي .. تلاقيها خافت من الأجواء أو لسي متأثره بموت رغد الله يرحمها ..
أميره: الله يرحمها ..
فراس: ما عليه بكره إن شاء الله تكون نفسيتها أحسن وتتعرف عليهم وعلى أخوانها بعد ..
مشعل: إن شاء الله ..



وفي فجر يوم الإثنين ..
الساعة ستة وربع الصباح ..
وقف سيارته بهدوء قدام هالقصر الكبير الشاسع وظل يطالعه شوي ..
قدر يلاحظ إن المكان اللي دايم يوقف فيه جهاد سيارته مافيه شيء ..
تنهد وهمس: كرار ها أنا ذا قلت لجهاد الحقيقة قدام أمه ولا صار شيء الى متى علي أنتظر ..؟!
لفت عليه أخته تقول: قصي ... مدرستنا مو هنا ..
تنهد وطالع فيهم بعدها ابتسم يقول: معلش .. اللحين نروح لها ..
وحرك سيارته فسألته أخته: ليه كل ما تودينا المدرسه توقف هنا ..؟!
ما جاوبها له فتره طويله يمر من البيت ولا يلاحظ أثر لسيارة جهاد ..
يحس إنهم نسوا موضوعه تماماً ولا إهتموا ..
مو قادر يصبر أكثر .. يحس حاله على نار ويبيغي تبان براءة أبوه اليوم قبل بكره ..
أخذ نفس عميق وخرج من الحي كله ..

//

بداخل البيت ..
صحيت آنجي من بدري وتجهزت للجامعة ..
خلصت عالساعة ستة ونص وباقي على أول مُحاضره لها ساعه ونص ..
راحت فيها غرفة كرار ورجعت تكمل تفتيش فيها بعد ما إنعدمت نفسيتها أمس ولا كملت ..
شطبت تفتيش كل اللي تحت السرير ولا لقيت شيء ..
سحبت مقعد مكتبه لحد ما وصلته لدولاب ملابسه وطلعت فوقه ..
مدت إيدها تلامس رف الدولاب من فوق لكن ما طاحت إيدها على ولا شيء...
وقفت لما حسست إنها لمست كيس ..
سحبته فإندهشت لما طالعت فيه ..
كان عباره عن ثلاث أشرطة فيديو ..
هذا ... إيه أكيد هذا هو اللي تدور عنه ..
مطت شفتها لما ما لقت عندها جهاز فيديو تشغله عليه ..
كيف بتتأكد اللحين ..؟!
نزلت من فوق الكرسي ورجعته مكانه وجلست فوقه ..
قلبت الأشرطة بين إيدها وضافت عيونها وهي تشوف الكتابات الغريبه عليها ..
ماهي اللغة العربيه ولا الإنجليزيه ..
إبتسمت ونسبة تأكدها زادت .. أكيد هذه لغة العامل اللي ركب الكميرات ..
بس برضو ... تيغى تتأكد ميه بالميه ..
طالعت بساعتها فهمست: أووف متى وصلت الساعة سبعة ونص ..؟!
قامت وحطت الأشرطة بشنطتها تقول: بأسأل صاحباتي .. اللي عندها جهاز فيديو راح أروح لها البيت بعد
الجامعة وأتأكد ..
طفت اللمبه وقفل الباب وراها لما خرجت ..



ولهننا ننهي البارت الي وربي عارفه إنه قصير ..
معليه إن شاء الله يكون آخر البارتات القصيره :
نلتقي على خير الخميس الجاي ()

..X || part end || X..

..X || البارت الثامن والخمسون || X..

إتجه كالعاده بين هالبيتين وتحديدأ عند الشباك ..
تنهد وهمس: هالمره بتكون آخر مره المره الجايه بأحاول أجيبهم من الباب ..
دخل الظرف في فتحة الشباك فجاء صوت من وري يقول بدهشه: إنت شتسوي هنا ..؟!
إتسعت عيون فراس من الصدمه ولف بسرعه ناحية الصوت ..
ظلت عيونه معلقه فيه لفتره بعدها إبتسم يقول بشويه توتر: هلا نادر .. غريبه إنت هنا اللحين ..؟!
طالع نادر بشيء من الدهشه وعدم الفهم بعدها جاوبه: جيت أوصل الهنوف لأهلها .. فراس ... إنت اللي
غريبه تكون هنا ..؟!
أشاح فراس بنظره وعرف إنه ما بيقدر يطلع نفسه من هالموقف إلا لو قال له الصدق ..
إبتسم له يقول: تعال نشرب لنا شيء وراح أجاب على سؤالك ..
نادر ولسي يتسائل في نفسه عن السبب: طيب .. ماشي .. تعال بسيارتي ..
لف فأخذ فراس نفس عميق بعدها لحق فيه ..

خلال ربع ساعه كانوا باحدى المقاهي وكُل واحد فيهم طلب الشراب اللي يحبه ..
هدي الجو بينهم بعد ما وصل الطلب فقطع الصمت نادر يقول: إستغربت لما شفت سيارتك واقفه عند المسجد
.... فراس يعني ... مو قادر ألاقي لك سبب ..
تردد فراس شوي بعدها قال: أدري ... تصرفي غريب جداً .. يعني مافي أي سبب يخليني أجي الحاره أو حتى
أكون عند بيتهم ..

سكت شوي ونادر يطالع ينتظره يتكلم ويفصح عن اللي عنده ..
بعد فترة صمت قال فراس: هم ... لهم دين عند أبوي وأنا أحاول أسدده ..
عقد نادر حاجبه يقول: دين ..؟! كم بالضبط ..؟!
طالع فراس وجاوب: لو فلوس كان إنحلت من زمان .. الدين ماهو بفلوس ..
جذب الموضوع إهتمام نادر أكثر وسأل: أي نوع من الديون هو ..؟! اللي أعرفه إن أبوك مات من سنين
يعني ليش توك تفكر ترجع هالدين ..؟!
فراس: لأنني مالي فتره من عرفتهم ..
مافهم نادر عليه فرجع يسأله: طيب وش نوع الدين هذا ..؟!
تردد فراس بعدها ما قدر يجاوبه وظل ساكت ..

عرف نادر إن هالدين مو بسيط وما حب يضغط عليه فقال: وكيف ناوي ترجعه لهم ..؟!
هز راسه بالنفي يقول: مو عارف .. كل اللي أقدر عليه هو إني أساعدهم ..
طالع في نادر وتردد شوي قبل لا يقول: إعذرني نادر ... زواجك من الهنوف كان نوع من أنواع المُساعده اللي
فكرت أعطيها لهم ..

عقد نادر حاجبه للحضات بعدها تنهد وقال: ماشي .. الشيء هذا ما ضرني بشيء بس على الأقل كان قلت
لي .. فراس تعرف إنك صاحبي من زمان مُستحيل موضوع زي كذا ممكن يتسبب بمشكله بيننا حتى تخفيه
ما قدر يرد عليه فراس فقال نادر: طيب ... هذا نوع من أنواع مساعدتك لهم ... قد ساعدتهم من جهه ثانيه ..!؟

هز راسه يقول: بنتهم الكبيره ساعدتها باللي أقدر عليه ... هي سحبت من شغلها فحاولت أعطيها فرص عمل كثيره لكن ما رضت ..

نادر: وكيف ..؟!

تردد فراس شوي بعدها قال: عن طريق الرسائل ..

رفع نادر حاجبه يقول: وتتوقع راح تثق بكلام ورق مُرسل من مجهول ..؟!


فراس: وش تبغى أسوي طيب ..؟! ما أقدر أجيهم بشكل مُباشر لأن وقتها بيسألوني عن السبب وأنا ما أقدر أقولهم عنه ..

نادر: فراس لا تكون بهذا الجُبْن ..

طالعه فراس شوي بعدها أبعد نظره وهو يقول: المسأله ما هي مسألة جُبْن المسأله هي سكت شوي بعدها كمل: لا ... معك حق ... فيه جانب جُبْن في الموضوع لكن من حقي ظليت ساكت لسنوات ما عندي وجه أقابلهم فيه ... صعب الاختيار بين الحق وبين وصية أبوي والله صعب .. حط راسه بين إيده وهمس: ظليت في حيره لسنوات ومو قادر أتخلص من الذنب اللي يلاحقني هو قدامي .. لسنوات وهو في وجهي .. شوفته تذكرني بأبوي مو عارف كيف أتخلص من كُل هذا .. مو عارف .. ما قدر يفهم نادر معنى كلماته المُشتتة هذه لكنه فهم مقدار الحمل الكبير اللي يحس فيه صاحبه .. تنهد وهو يقول: فراس لكل شيء حل وأفضل الحلول هي الصدق .. أياً كان الشيء اللي تخفيه لازم تخلي الكل يعرف عنه وتزيل كُل هالحمل عن كاهلك خلك صريح مع نفسك ومع اللي حولك ومع كُل شخص له علاقه بهذا الموضوع ما أعرف المُشكله بالضبط فعشان كذا ما أعرف أعطيك نصيحه مُناسبه فعشان كذا فكر إنت كثير ... بكل الإحتمالات وإختار الإحتمال اللي فيه مصلحة للكل مو لك بس أو لأبوك فهمتني ..؟!

طالعه فراس شوي بعدها هز راسه يقول: إن شاء الله ..

تنهد نادر وشرب من كوبه ورجع الصمت عليهم من جديد ..



الساعة ١٢ الظهر ..

وفي داخل ممرات المُستشفى الخصوصي ..

واقف قدام لوحة المُناوبين بعدها تنهد لما شاف إسمه في مُنوبة الليله ..

صحيح سجل نفسه لكنه اليوم جته شغلته ومافيه يروح لإدارة المُناوبين يسحب إسمه ..

لف فعقد حاجبه لما شاف أحد الأطباء اللي يشتغلوا في فريقه الطبي وقال: اللحين ليش جالس تتمشى بلبس الجراحه ..

تورط الطبيب وقال: ههههه دكتور ثامر مالي نص ساعه من خلصت ف...

قاطعته ثامر: أنا كنت معك بنفس الجراحه وشوفني غيرت وإنت لسي ..؟! رئيس القسم بيزعجه الموضوع .. أقول هذا لمصلحتك ..

هز الطبيب راسه وراح يبذل لبس الجراحه فعقد الدكتور ثامر حاجبه لما شاف بُنان تتمشي بهدوء في الممر بدون لا تحس باللي حولها ..

ظل واقف بمكانه لحد ما قَرَبت من عنده بعدها تفادته فتنهد وقال: طبيبه بنان ..
لفت عليه فلاحظ الضياع بوجهها فسأل بتعجب: شفيك ..؟!
ظلت تطالعه شوي بعدها هزت راسها تقول: لا .. مافي شيء ..
ولفت تكمل مشيها فلحق فيها ومشى بجنبها يقول: كيف ما فيك شيء وأنا متأكد إنك حتى مو مستوعبه مين
الدكتور اللي تكلميه .. وش صاير ..؟!
تنهدت بنان لما خلاص إستوعبت إنها كانت تكلم الدكتور ثامر فقالت: مشاكل عائليه .. ما أضن الموضوع من
إختصاصك ..
وأسرعت شوي بمشيها حتى تتجاوزته ..
وقف وتنهد وهو يطالعه ..
همس بينه وبين نفسه: البنت ذي عنيده ..
إبتسم ورجع يلاحقها ..
مشى بجنبها يسأل: حتتغدي هنا ولا بالبيت ..؟!
سألت بنان بهدوء: سرطان الكبد شيء خطير ..؟!
عقد الدكتور ثامر حاجبه من سوالها الغير متوقع فقال: سرطان الكبد مرض منتشر .. يُعتبر في المركز السادس
من بين الأمراض السرطانية المعروفة ... بما إنه بهذا الإنتشار فهذا يعني إنه فيه ناس كثير أصيبت فيه وأكد
تعالجوا منه ..
طالعه وقال: عندك مريض مُصاب بهالمرض ..؟!
بنان: وأسبابه وش ممكن تكون ..؟!
د.ثامر: أكبر سبب معروف هو الكحول .. المريض بهالمرض يكون من مدمني شرب الكحول .. لكن من ناحيه
ثانيه يمكن ينتقل السرطان عن طريق التبرع بالدم ..
سكت شوي يحاول يتذكر الإسم بعدها قال: الأفلاتوكسين يمكن كمان يتسبب بالسرطان .. تعرفين الأفلاتوكسين
صحيح ..؟!
هزت راسها بهدوء وهي تقول: ماده ضاره تصنعها بعض أنواع العفن اللي عادةً تتشكل على المُكسرات والفول
السوداني والذره ..
د.ثامر: إيه تتشكل حول أنواع الحبوب بشكل عام .. لكن الشايح عندنا إن أسباب هالمرض تكون عن طريق نقل
الدم .. فالأفلاتوكسين صحيح منتشر بآسيا وأفريقيا لكنه أكثر شيء متركز بدول أفريقيا .. والكحول الحمد لله
قليل في بلادنا .. فالسبب الأول على الأرجح هو نقل الدم أو يمكن يكون الكحول ..
هز كتفه وكمل: ويمكن يكون في النهايه هو الأفلاتوكسين .. بمزيد من الفحوصات تقدري تحددى سبب المرض
..
هزت راسها وهي لا تزال تمشي وتطالع قدامها بهدوء تام ..
فتحت باب القسم ودخلت منه فدخل معها وهو مستغرب من دخولها لمثل هالقسم ..
د.ثامر: وش تبغي ببنيك التبرعات ..؟!
بنان: أسجل طلب كبد للعمليات الجراحية الجايه ..
عقد حاجبه يقول: حتعالجي مريضك بزراعة كبد جديد ..؟!
هز راسه بلا .. هي ما عندها التصريح إنها تجري عملية كامله فإذاً هذا يعني ...
سأل: حتكوني طبيبه مُساعده للدكتور وليد ..؟!
دخلت لمكتب التسجيل وهي تقول: وش رايك يعني ..؟!
إبتسمت وألقت السلام على الشخص المسؤول وبدأت تكلم معه وثامر يطالعه بهدوء ..
أخذت الأوراق حتى تعيها فقال ثامر: فيه طرق علاج كثيره أفضل من زراعة الكبد .. يقدر عن طريق الإجتثاث
حتى يدمر الخلايا السرطانية .. أو يسد الوعاء المُغذي للورم عن طريق الإصمام .. فيه مُعالجات إشعاعية أو
كيميائية وحتى عن طريق المعالجة المُستهدفة يأخذ فيها المريض الأدوية حتى يُبطل نمو الورم ..
بنان بهدوء وهي تملي الأوراق: الخلايا السرطانية زحفت عبر الأوعية الدموية والأقنية اللمفيه وبدأت تنتشر
بالجسد ... الكبد أصبح فاشل بالكامل والحل الأسلم هو إستصاله وزراعة كبد جديد ..
ظل يطالعه لفته بعدها قال: هذا الكلام منك ولا من الدكتور وليد ..؟!
بنان: هو الدكتور الخاص بالمريض ... معناته هو اللي كشف عن كل هذا ..
د.ثامر: وصدقتيه ..؟!
وقفت عن الكتابه ولفت تطالع فيه بشيء من التعجب بعدها قالت: وإيش اللي يخليني ما أصدق ..؟! من
أعراض مرضى هالسرطان هو ضعف في الجسد ونقصان بالوزن والحمى .. هو فعلاً مُصاب بخصي وغير كذا
للحين ما صحي من إغمائه فأكد راجع السبب لضعف حالته الجسديه بسبب السرطان !!!

رجعت تكتب وهي تقول: أتفهم سبب شكك فيه ... لو كانت شكوكك في محلها والشخص هذا يستغل مهنته لجني المال بطريقه غير شرعيه فهذا ما يعني بأن كل عملياته وكل جراحات الإستئصال اللي يجريها هي غير قانونيه وكاذبه .. لي شهر وأنا أشتغل معه ولا شفت شيء ... مليت من محاولة إني أعرف وش وراه أو وش اللي يخليك تشك فيه همي بس يصحى من إغمائه ويستعي طاقته ..

طالعه الدكتور ثامر لفتره بعدها طالع في الورقه اللي تعيبيها ولما قرأ الإسم قال بهدوء: اللحين فهمت ليه مندفعه بالشكل هذا .. المريض هو أخوك ..

طالعهها وكمل: لا تخليه رغبتك في شفاء أخوك تقفل مُحك .. إيه معك حق يمكن واحد من ميه من جراحاته تكون لأسباب شخصيه ... بس وش اللي يخليك متأكده إن أخوك ما يكون من هالنسيه ..؟! وقفت عن الكتابه وهي تضغط على القلم بعدها قالت بهدوء: وإيش اللي يخليك متأكد إنه من هالنوع من الدكاتره ..؟! المُستشفى فيها رقابه .. الموضوع مو بالسهوله هذه ..

د.ثامر: لو الموضوع سهل كان خربت الدنيا .. أكيد مو سهل والمُستشفى فيه رقابه بس بالنهايه الموضوع مو مستحيل وهو دكتور له مركزه اللي يسمح له يدرج بيانات مرضاه تحت قائمه المرضى الممنوع الولوج الى ملفاتهم بدون تصريح خاص ..

ضاقت عيونها وكملت: وخلصنا نقول إن كلامك صح ... فبالنهايه زراعة كبد جديد له ما بتضره .. د.ثامر: بس هذا يعني إنك بتحكي على أخوك يعيش بقيه حياته على الادويه اللي تخلي جسده يتقبل هالكبد ولا يتعفن ..

تركت القلم وهي تقول بعده: بس خلاص ..!!

طالعهها بهدوء فجلست على الكرسي اللي جنبها وهي حاطه راسها بين ايدها وكان واضح التشويش اللي تمر فيه واللي خلاها ترد عليه بكلمات ما تعنيها حرفياً ..

ظل الوضع هادي لدقايق بعدها وصله صوت بنان الهامس يقول: مو عارفه ما كنت أثق بشكوكك في البدايه لكني بعدين بديت أصدقها عى الرغم من إني ما شفت شيء بعيني حاولت أتقرب منه حتى أكشف هالشيء بنفسى لكن أمور كثير صارت بحياتي الشخصيه خلتنى متلخبطة بالكامل ... أحس بالمسؤوليه ... أخوي تعرفت عليه من فتره قصيره إتصل عليّ شخصياً حتى أساعد توامه .. توامه اللي يطلع أخو لي كمان أبغى أساعده ... اللي صار معه مو شوي ... أنا متلخبطة بالكامل ... مو عارفه وين الصح ... إنت صادق .. الكشف الكامل عن أخوي تم بواسطة الدكتور وليد وأنا ما تأكدت من صحته حتى ... يمكن لأنى من داخلي تمنيت إن المرض اللي فيه يكون عضوي مو نفسي مو عارفه مو عارفه ..

طالعهها ثامر شوي بعدها لف على الرجال المسؤول الموجود في المكتب وقال: معلية إلغي الطلب ..

تنهد الرجال وهز راسه فرفعت بنان راسها للدكتور ثامر فقال: أدري يمكن يكون فعلاً أخوك مريض بسرطان الكبد ... إرجعي وعيدي ملأ الطلب بعد ما تتأكدي من هالشيء شخصياً يا بنان ..

بنان: وإذا كان فعلاً مريض ووصلت حالته لحاله حرجه بسبب التأخير ..!!؟

هز الدكتور ثامر راسه يقول: حالته مو حرجه لو حرجه لكانت الأعراض مو مقتصره على الحُمى والضعف الجسدي .. بيبكون فيه غثيان ومشاكل بالقلب وورم واضح خارجياً في منطقة المعده .. إرجعي تأكدي .. ظلت ساكنه لفتره بعدها قالت: الدكتور وليد طلع من الساعه تسعه لشغل برى وبيرجع بكره .. أنا لسى طبيبه مُتدربه وهو مو مريض .. ما عندي الإذن في الكشف عليه وبما إن الدكتور وليد مو موجود فما أقدر أطلب منه يعيد يكشف عليه وطبيعي بيانات المريض الخاصه ما أملك الصلاحيه للولوج لها .. سكتت شوي بعدها كملت بهمس: وأنا أبغى أخلص كل شيء بسرعه ... موضوعه مقلقتي ومخليني أشيل همه

هو ... وجهاد اللي من وقتها وهو نادر يرجع البيت عشان يرتاح ..

ظل يطالعهها لفتره بعدها قال: خلاص أنا بأجري له الفحوصات ..

عقدت حاجبها تقول: بس هو مو مريضك ..

إبتسم يقول: ومن متى أهتم أنا بمثل هالأمور ..

وبعدها طلع من الغرفه وبنان مندهشه من كلامه ..

هالدكتور مو طبيعي ..

إنسان يخرق القوانين بشكل واضح ..!!!


ينرفزها الأشخاص اللي مثل نوعه يتدخلوا بمرضى الدكاتره الآخرين ينرفزها تصرفهم ..

لكن ... ولسبب خاص ... هالمره ما ينرفزها هالتصرف ..

بالعكس ... تحس حالها موافقه بشكل كامل على هذا العمل ..




ذياب: لم السفر وياك ورتب المكان ..
رفع مؤيد حاجبه يقول: إنت ليه مشغلني خدامه عندك ..؟!
ذياب: عندك إعتراض ..؟!
تأفف مؤيد وبدأ يرفع الأكل والسفره ويرتب بالمكان وذياب يطالعه بهدوء تام ..
شوي وإسترخى بالكنبه وغرق بتفكيره ..
* أنت شتسوي هني ..؟! عمي بشنو كانت بيبك ..؟! *
عمه عزام اللي سواه لهم شيء كبير فطبيعي كرد للدين يساعده في كل شيء يبغاه على الرغم من أنه
فيه عدة أشياء ماهو راضي عنها ..
هذا الشخص أدخل السعاده في حياته هو وأخوه وأخته المقعده ووفر لهم الشيء اللي كانوا محرومين منه في طفولتهم ..
أخذ نفس عميق وهو يهمس: وش أخبارها ..؟!
إشتاق لأخته كثير ... وده يخلص شغلته هنا ويرجع يشوفها ..
بس ... يحس الموضوع راح يطول ..
بحث أول شيء خلف ملك لما تعب ولا لقي عليها دليل أبد ..
بالعكس ... تأكد إنه في يوم مت جواهر كانت هي بزياره لميلاد بنت وحده من صديقاتها ..
وأخيراً أم يحيى اللي قريب جداً لقي بيتهم حتى إنه إصطدم وقتها بوحده من بناتها ..
ما كان يظن إنهم نفس الأشخاص اللي قابلهم باندنوسيا يكونوا يقربوا له كذا ..
بس ما أمداه يبدأ التحقيق وراها حتى جت سالفه قصاص بنت جواهر ..
ضاق صدره على هذا الخبر ... فجواهر بالنسبه لعمه شيء كبير ... موت بنتها أكيد مو سهل عليه أبد ..
هو بنفسه على الرغم إنه ما قد قابل جواهر أبد إلا إنه حياها من كلام عمه عنها ..
كيف ما يحبها وهي الشخص اللي ...
قاطع أفكاره صوت مؤيد يقول: رتبت كل شيء ... وين أجرتي ..؟!
طالعه ذياب بعدها تنهد وقال: مؤيد لو سمعت إنه في حد أذاني في طفولتي شنو بيكون شعورك تجاهه
على الرغم من مرور سنوات وأكيد هالشخص تاب أو يمكن ...
قاطععه مؤيد بدون تفكير: أكرهه شيء طبيعي ..
هز راسه وكمل: لا لا ... دام إنه أذاك إنت فباحبه أكيد هههههه الموضوع بيكون مختلف لو أذى أختي حبيبتي
..
هز ذياب راسه بهدوء بعدها قال: أنا بعد كنت أكرههم بس بعد ما عرفت شلون هم يعيشون أشفقت عليهم
وحسيت إن اللي يسويه عمي كثير ..
عقد مؤيد حاجبه يقول: ما فهمت ..
بعدها هز راسه وكمل: والله إنت خبيث .. نسيتني موضوع الأجره .. ياللا إنت شايفني إشتغل عندك كل شوي
تقول رقع الأكل ونصف المكان ... أقلها عطني أجره ..
قام ذياب وراح لغرفته يقول: خلك بالشقه ولا تطلع منها حتى أبي ... طالع مشوار ساعتين ورا ..
ميل مؤيد شفته وهو يهمس: طيب وأجرتي ..؟!
جاه صوت ذياب يقول: أجرتك هو سكنك عندي ببلاش ..
إندهش من إنه سمعه بس في الوقت ذاته رفع صوته يقول: عيب عليك يا ذياب ... أنا أخوك الصغير فكيف
تحاسبني على سكني عندك ..؟!
ما رد عليه ذياب .. مافيه حيل ينزل لمستوى أخوه ويرد عليه ..



الساعة أربعة ونص العصر ..
جالس بالصالة اللي تفتح عليها غرفة ولده وفارش قدامه مجموعة أوراق ..
نقل بنظره بينها وهو يجبر نفسه يشتغل حتى لا تفوته تطورات القضية اللي ماسكه ..
لف على جهة الباب لما سمعه فتح فشاف حُسام واقف يطالع فيه ..
إبتسم فهذه المرة الأولى اللي يطالع فيها من الغفلة بنفسه بدون لا يجرجره كالعاده للصلاة وغيرها ..
طالعه حُسام لفتره بعدها سأل بهدوء: وين .. أنا ؟!
تنهد مشعل وجاوبه: بييتي ..
رفع حُسام عينونه ولف بنظره في الصالة بعدها رجع يطالع في مشعل وقال: وين مايا ؟!
سكت مشعل شوي بعدها قال: رحت سألت عنها بالمُستشفى ولقيتها طلعت ... أخذها أبوها ..
إندهش حُسام وقال بشيء من الإندفاع: ليه هو اللي ياخذها ؟!!! أنا قلت له لا تظهر بوجه مايا أبد فليه
ياخذها ؟!!! ما يستحقها ... ما يستحق تكون مايا معه ..
مشعل: حُسام الله يهديك إهدأ هو أبوها .. هو عيلتها وهو أكثر واحد بيحط باله عليها و
قاطعه حُسام وهو يهز راسه يقول: لا ... مافي ... مافي أبو صاحي بالدنيا
شد على أسنانه يقول: هو صلح مثل ما صلح أبوي فيني تاركها لسنوات بعدها جاء يادي واجب الأبوه حقه
!!! أنا ما احتاجه .. وهي بعد ما تحتاجه عشت طول حياتي بدون أب وهي بعد لازم تجي مايا عندي ..
مشعل: حُسام .. إنت مختلف عن مايا مايا طفله الطفل بعمرها يحتاج لأهله ..
حُسام بإنفعال: أنا فقدت أمي وأنا بعمرها ؟!!! كنت محتاج لها ولأبوي بس محد كان جنبي ؟!!! ومع هذا
عشت حياتي ؟!!! إهتم فيني خالي .. أنا بعد بأهتُم فيها أحسن من أبوها بألف مره ؟!!
طالعه مشعل لفتره بعدها قال بهدوء: إنت مستوعب الكلام اللي تقوله ؟!
طالعه حُسام بعدم فهم فقال مشعل: لا تكون أناني كذا ... لا تفرض على مايا إنها تعيش مثل ما إنت كنت عايش
.. إنت مريت بمثل هالحياه وإنك أكثر واحد يعرف شلون هو شعور العيش بدون أم وأب والمفروض تكون إنت
أول واحد تحاول تبعد مايا عن مثل هالحياه يا حُسام ..
إندهش حُسام من كلامه وهز راسه يقول: أنا ما كنت أقصد إنها لا بس
شد على أسنانه ولا عرف بإيش يرد ..
هو ما قصده يقول كذا ... هو يحبها ... يتمنى لها تعيش أفضل عيشه ..
بس ... أبوها ما يستحق ؟!!!
همس بهدوء: بأكون بمثابة أبوها مثل ما كان جواد بمثابة أبوي ..
طالع بمشعل وكمل: شالفايده تعيش مع أبوها وهي لما تكبر وتكتشف إنه تخلى عن أمها في الوقت اللي هي
كانت تحتاجه فيها راح تعيش بصراع نفسي ؟!!! صراع ما بين إنها تكرهه وما بين ذكرياتها الحلوه معه ؟!!
تكرهه من البدايه أفضل حتى تتجنب مثل هالصراعات اللي راح تتعبها كثير ..
ما رد عليه مشعل وظل يطالعه بهدوء تام ..
أخوه الحياه لعبت فيه لدرجة إن تفكيره صار حاقِد كذا ..
يطالع لكل شيء بسوداويه ويفكر من جهة وحده ولا يدقق بصغائر الأمور ..
ما علق ولا جادله بيترك هالموضوع لبعدين أفضل ..
فتح فمه بيكلمه بشيء ثاني بس قاطعه همس حُسام يقول: أبغى مايا ..
مشعل: حُسام بـ...
قاطعه حُسام مره ثانيه يقول بإنفعال: مايا هي جزء كبير من رغد أبغى أحس بأن رغد لسي موجوده ؟!!!!
بأموت لو كملت أعيش كذا ؟!!!
مشعل: طيب طيب راح أجيب لك مايا مثل ما تبغى بس إنت إهدأ شوي ..
طالعه حُسام شوي بعدها جلس وهو يتكي ظهره على عابر الباب وهو يقول: طيب تقدر كمان تجيب لي رغد
؟!
تنهد مشعل وقال: تتقابلوا بإذن الله في الجنه ..
حُسام بهمس: أبغى أشوفها اللحين طيب ؟!
ظل مشعل ساكت لفتره بعدها قال: مو كنت تقول لنفسك إن رغد ماتت بسببك ؟!

هز حُسام راسه بالإيجاب فقال مشعل: إذا إنت الغلطان وإعتبر إن حرمانك من شوفتها ليوم القيامة هو عقاب على غلطتك ... تقبل عقابه بهدوء ولا تحاول ترفضه ..
ظل حُسام يطالعه لفتره بعدها غطى وجهه على رُكبته وهو يهمس: العقاب قاسي ..
مشعل: وموتتها كمان قاسيه .. كفر عن ذنبك ..
إرتجفت شفة حُسام وبكى بصمت وهو دافن وجهه برجله ..
تقبل هالحقيقه صعب ..
هو فعلاً يحتاجها .. يشناق لها .. يحن لصوتها وكلامها ..
فكرة وجودها بنفس الدنيا بس كانت كافيه لأنها تعطيه طاقه تخليه يستمر بحياته أكثر ..
تنهد مشعل وهو يطالعه بعدها رجع يأخذ له نفس عميق وهو يفكر جدياً يروح يجيب مايا له ... ولو لأسبوع على الأقل فيمكن تتحسن نفسيته أكثر وفي الوقت نفسه يمكن يقتنع لما يسمعها تسولف له عن أبوها ..




تقدمت وجلست جنبه على كُرسى الإنتظار تقول: الى متى بتظل هنا ..؟!
صحي من سرحانه وطالعه يقول: أهلاً بِنان ..
سكت شوي بعدها جابوب: لحد ما يصحى ..
طالعت فيه لفتره بعدها عقد حاجبه ولف عليها يقول: بِنان اليوم الدكاتره وش كانوا يسوون عند غرفة كِرار ...
حسيت فيه مُشكله صايره ..؟!
إبتسمت غصب عنها تقول: لا ... هذا دكتور هنا إسمه ثامر حاول يتدخل في اللي ما يعنيه بس أطباء الدكتور وليد منعوه وكبرت المُشكله شوي وراحوا ثلاثتهم للجنه التأديبيه .. ما عليك بتنحل المُشكله فهذه مو أول حادثه لهالدكتور وبما إنه ما أمداه يسوي شيء فما بيقروا يعاقبوه ..
ما فهم الكثير من الموضوع بس اللي عرفه إنها مُشكله صغيره صارت وإنحلت وما تستدعي أي قلق ..
تنهدت بِنان وهمست بنفسها: "فعلاً حاول هو يجري له الفحوصات بس حظه كان سيء بوجود سعد في ذيك الغرفه .. ما بقول لجهاد شيء قبل لا أنا بنفسى أطلب من الدكتور وليد يعيد إجراء الفحوصات قدامي حتى أتأكد .. من بعد كلام الدكتور ثامر وقلبي مو مريحيني" ..
طالعت بجهاد وقالت: نرجع البيت هذا آخر أيام العزاء .. عشان كمان تريخ لك شوي ..
هز جهاد راسه بعدها سأل: حالة كِرار اللحين كيف ..؟!
إبتسمت تقول: إن شاء الله خير .. بس يجي الدكتور بُكره راح يعطيك كامل التفاصيل .. ظن بالله خير عشان يكون الله عند حُسن ظنك ..
هز راسه وهو يقول: ونعم بالله ..
قامت تقول: بروح أبدل واليس عباتي وإنت إنتظرنى بالسياره ..
هز راسه بالإيجاب بعدها قام ونزل لتحت ..

//

بعد ساعتين ..
ميلت ترف شفتها وهمست لبِنان: ما جت ... الهنوف ..
طالعتها بِنان تقول: من حقها ... هجمتي بوجهها وأخرجتها وإنتي حتى ما تعرفي وش ظروفها ..
ترف: يووووه عاد ما قصدت .. راي وقلته ..
بِنان: ششش ..
ميلت ترف شفتها ورجعت تطالع بالحريم ..
كالعاده أزعجها منظر حرمتين من يجوا يسولفوا بهمس ويتضحكو ..

ودها تتكلم وتسكتهم .. ينرفزوها بتصرفهم المُستمر طوال أيام العزاء ..
أخذت نفس عميق واللي شاغلها اللحين أكثر شيء هو حرمتين ثانياً ..
لفت بنظرها لجهتهم ... أم باسم وأخته الكبيره ..
إنصدمت لما شافتهم جوا العزاء .. صحيح خبرت باسم عن موت أختها بس ما توقعت يقولهم ويجون ..
نوعاً ما الموضوع أفرحها ..
لفت بنان نظرها ناحية أمها فشافتها هاديه بس الحزن العميق واضح بملامحها ..
إنهارت قبل كذا أول ما سمعت بموتها ... يحيرها الموضوع ..
تعرف أمها .. مو للدرجة ذي حساسه ..
حتى إنها لما سمعت بموتها كانت تكرر جُملة *ماتت بنت جواهر* ..
ليه ..؟! هي تعرف أم رغد وحسام ..؟!
يعني حتى لو كانت تعرفها .. طبيعي وبالعاده يكونوا ما يحبوا بعض ..
هذا الشائع بنظرها فليه حزنك لأن واحد من أولادها مات ..؟!
معناته نظريتها ناحية الضراير غلط وشكل أمها كانت تعز جواهر هذه كثير ..
أخذت نفس عميق بعدها وهمست: الله يرحمها بس ..



الساعة ثمانية الليل ..
واقفه قدام مراية غرفتها تحط اللمسات الأخيره على الميك آب حقها ..
إرتسمت إبتسامه على شفتها وهي تهمس: بنرجع نتقابل ... الليله يا شيران إنتي وجامور هذا ..
لفت ولبست عباتها وحطت الطرحه على رقبته وشالت شنطتها وهي طالعه من الباب ..
ثواني إلا وهي تحت متجهه للباب فلفت لجهة الكنب لما شافت أمها وقالت: مام أنا رايحه ..
طالعتها أمها وقالت: آه ... على وين ..؟!
أنجي: مشوار للمول ..
هزت ملك راسها بهدوء ففقدت أنجي حاجبها ووضع أمها مو مريحها أبد ..
قربت منها تقول: مام فيك شيء ..؟!
ملك: مدري ... كِرار له يومين ما شفته ..
أنجي بلا مُبالاه: مو أول مره .. تذكرني لما شلتني همه لفته وطلع نايم عند صاحبه ..؟!
هزت ملك راسها بالنفي تقول: لا .. هالمره صدري ضايق عليه ... اسه إنه فيه شيء ..
إبتسمت أنجي تقول: الله الله على قلب الأم .. إيه طبعاً قلب ماماتنا ما يتضايق إلا على دلوع البيت كركر ..
ملك: أنجي أنا ما أمزح .. أدق عليه وجواله مُغلق ..
طالعتها أنجي شوي بعدها قالت: على العموم مام لا تنتظروني عالعشاء .. ويمكن ترى أتأخر .. سي يا ..
لفت وخرجت من البيت ..
وقفت وأشرت للسواق الخاص بحلا وكرار ولما قرب قالت: روح جهز سياره سامع ..؟!
هز راسه وراح يشغل السياره ..
ظلت واقفه شوي بعدها طلعت جوالها من جيبها ودقت على كِرار ..

وطلع مُغلق ..
عقدت حاجبها وهي .. نوعاً ما بدت تقلق ..
دقت على رقم جهاد شوي ورد عليها يقول: هلا ..
آنجي: جهاد تدري وين كِرار ؟!
عقدت حاجبها لما ما رد على سوالها فقالت: ألو جهاد سامعني ؟!
جهاد: هلا آنجي ليه وش بغيتي بكرار ؟!
آنجي: بس أتظن ... له يومين غايب عن البيت .. وبعدين ترى حتى إنت ما صرت تنشاف .. هههههه ياللا
سامحنأك بس يعني طل علينا من فتره لفتره ..
إبتسم بهدوء بعدها قال: إن شاء الله .. آه أما كِرار فلا تشيلي هم .. هو معي ..
رفعت حاجبها تقول: أووف أما كِرار عطاك وجه!!! بصراحة أجل أنيك على مقدرتك في تغييره ..
ما علق على كلامها فحست عليه من أول إنه فيه شيء مضايقة فقالت: ياللا واضح وراك شغله ولا شيء .. مع
السلامة ..
جهاد: لحضه آنجي ..
آنجي: هلا ..
سكت جهاد شوي بعدها سأل: كِرار له أعداء ؟!
عقدت حاجبها تقول: مدري .. ليه السؤال ؟!
جهاد: ها .. لا بس جاني فضول .. واحد هادي مثله ممكن يكون له أعداء ولا لا ..
آنجي: تدري ... أنا متأكد إن له بدل الواحد عشره ... هالهادي لا تستهين فيه ... تراه ينرفز الكُل بسكوته ..
هز جهاد راسه بهدوء وقال: آنجي لو تذكرتي شيء كذا ولا كذا يخص كِرار كلميني على طول خلاص ..؟!
تعجبت وقالت: ليه وش فيه بالضبط ؟!
جهاد: ولا شيء .. يعني فيه أحد عدم له سيارته فعشان كذا أسأل ..
آنجي: آها .. أوكي .. ياللا باي ..
جهاد: مع السلامة ..
قفلت الجوال وقالت: أووه والله كلامي طلع بمحلّه .. كِرار فعلاً عنده أعداء ..
حطت جوالها بالشنطة لما شافت السيارة جاهزه وراحت ركبت ورى وهي تقول: راح أعطيك عنوان روح له
على طول سامع ..؟!
السابق: حادر ماما ..
وحركت السيارة بعدها مباشرةً ..

وبعد مرور فوق النصف ساعه ..
وقفت السيارة بإحدى أحياء جدّه الداخليه ..
لف السواق حوله يقول: ماما هنا ..؟!
طلّعت آنجي من الشباك في المكان بعدها قالت: إيه هنا ..
السواق بتعجب: ماما إنتا وش يسوي هنا ..؟!
فتحت باب السيارة تقول: وش دخلك ؟! شغلتنك توصلني للمكان اللي أبغاه بدون أسنله ..
نزّلت وأخذت شنطتها وقفلت الباب ..
وقفت عن شُباكه تقول: روح لفلن لك في أي بوفيه هنا ولما أتصل عليك تكون خلال خمس دقائق في نفس هذا
المكان ... سامعني ..؟!
السواق: بس ماما هذا مكان مو كويس .. إنتا ليه يجي هنا ..؟!
إنزعجت منه وقالت: نفذّ اللي قلته لك بالحرف الواحد ..
السواق: طيب ماما لو ماما كبير أتصل علي أنا وش يقول ..؟!
آنجي بنفاذ صبر: وبعدين معاك إنت ؟!؟! أنا جايله هنا لوحده من صاحباتي خلاص ..!!؟ طير بس ..
وراحت وهي تتمتم: إيش السواق العله هذا ؟!
وقفت ولّفت تراقب السيارة وهي تتبعد بعدها تنهدت ولّفت نظرها بالحي الهادي الشبه مُظلم ..
الجو من حولها جبرها تحس بضغط رهيب وتوتر مو طبيعي ..
أخذت نفس عميق بعدها مشيت وهي تشوف بعض المحلات لسي مفتوحه وفي عمال منتشرين هنا وهناك ..
يعني المكان على بعضه يحسسك بأنه عبارّه عن حاره لسكن العمال ..
من دخلت ما شافت أثر لأي آدمي سعودي ..
تجاهلت نظراتهم التفحصيه قد ما تقدر لحد ما وقفت قدام عماره من ثلاث أدوار وواسعه عرضياً ..
تلثمت بالطرحه ودخلت لداخل ..

راحت للرئيسيشن وقالت: يا محمد ... شقه ثلاثه وين ..؟!
طالع فيها السوداني شوي بعدها قال: على اليسار ..
وأشر عن يساره بالدور الأول ..
هزت راسها وراحت للمر ومشيت فيه ..
كان فيه مسافه واسعه ما بين الباب والثاني وهذا يدل على وسع الشقه من داخل ..
وقفت قدام الباب وظلت تطالعه شوي ..
طلعت جوالها ودققت فيه شوي بعدها أخذت نفس عميق ودقت الجرس ..
ثواني حتى فتح واحد بنقالي وطالع فيها شوي فابتسمت له تقول: جايه لبابا جامور ..
إبتسم وفتح الباب فدخلت ومرت من الممر الصغير حتى فتح لها الباب الثاني وطلعت على الصاله ..
فترة صمت تامه مرت عليها وهي تشوف الصاله الواسعه المليانه بأنواع الكؤوس والمقرمشات والأضواء الملونه المنتشره هنا وهناك ..
موسيقى أجنبيه صادح صوتها في المكان وروائح السجاير بأنواعها منتشره ..
وقدام عينها فوق العشره أشخاص متواجدين بالصاله هذا غير عن باب الغرفه وباب المجلس والمطبخ المفتوحه على بعض والناس يتمشوا هنا وهناك وأنواع المجون والسقاله منتشره في المكان ..
لفت بعيونها اللي إعتادت على هذه المناظر وبدأت تدور على شيران الشغاله الفلبينيه ..
تقريباً ٧٥% من المتواجدين هم بنقاله والبقية وهذا اللي صدمها إنهم سعوديين ..
قرب منها بنقالي يقول بإبتسامه: هات عبايه ..
طالعته آنجي وهي خايفه تنزل عباتها وتشوفها شيران وتهرب قبل لاتدري عنها ..
ما ردت عليه وظلت عيونها معلقه على الأجساد البشريه المرميه على الكنب هنا وهناك والأجساد الراقصه المتواجده في المنتصف ..
جو يقرف وخصوصاً إن الأغلب هم من جماعة شيران وجامور ..
الجو ذا بدأ يذكرها بطفولتها لما كانت تتجرجر الى هنا مثل الحيوان عشان تتعذب وبشكل شبه يومي ..
هدونها اللي حافظت عليه من وقت مكالمه سواقها لها والى اللحين بدأ يخلص ..
براكين خامله بدأت تتفجر بداخلها ..
شعور ما بين الحقد والكُره والخوف والإشمزاز والذل تكون بصدرها ..
حراره بجسدها مرت وحست حالها بتبكي وبتنفعل في وجوه كل المتواجدين هنا ..
مشيت خطوه وتبعته بخطوه ثانيه وثالثه وكل مالها تسرع بخطواتها ودخلت لأول غرفه بوجهها ..
الحال ما كان أقل من اللي في الصاله .. لفت بنظرها على المتواجدين بس ما لقيتها بينهم ..
خرجت ودخلت على الغرفه الثانيه بعدها المطبخ بس ما لقيتها ..
خرجت بتتجه للمجلس بس وقف بوجهها واحد يقول بإبتسامه: هلا والله بالزين اللي سحرني بعيونه السود
شوقتي أعرف وش مخبيه وري لثمتك ..
إبتسمت تقول: مخبيه جحيم ..
ودفته من صدره وكان راح يطيح من شدة ما عقله طائر فتجنبته وراحت للمجلس ودخلته ..
وقفت مصدومه وكان صاعقه صعقتها من اللي شافته في هاللحضه ..
عالرغم من إنها كانت تشوفه بشكل شبه دايم في طفولتها إلا إنها ما توقعت راح تتعرف على وجهه أول ما تطيح عينها عليه ..
هو نفسه ... جامور ما غيره ..
الرجال الفلبيني القذر صاحب البشره الحنطيه والشعر الملفف الشبيه بسلك المواعين ..
هو نفسه جالس بصدر المجلس وحوله ثلاث فلبينيات بملابس خالعه ..
لا مو هذا اللي صدمها ..
بلعت ريقها ودموعها غصب عنها تجمعت بعيونها وهي تشوفها ترجف وكأنها جالسه بوسط كومة ثلج ..
ترجف خايفه ... نظراتها البرينه هزتها ..
طفله لسي بعامها الثامن واقفه قدام هالوحش البشري يتأملها ويبيدي رايه فيها والحقيه اللي ماسكتها تتبسم وتتكلم وكأنها تحاول تقنع زبون بمدى جودة بضاعتها ..
حست بحرارة دموعها على خدها وهي تشوف هالطفله البرينه تمر بنفس اللي مرت فيه بطفولتها ..
هذا هذا الحقير !!!!
طلعت بجامور بقمة الحقد والكُره وهي مو مصدقه قد إيش هو إنسان واطي مهووس بعقدة اللوليتا وضيع حياة مئات الأطفال بسبب جشعه هالحقير !!!!
إيد ثقيله بارده حست فيها تحاوط جسدها وهمس قذر همس بإذنائها بكلمات فلبينيه ما تفهمها ..
لفت ودفت عنها هالبنقالي اللي مو بوعيه وهمه بس يشبع رغباته هو بعد ..

صرخت بوجهه: إبعد عني...!!!
صرختها ذي جذبت أنظار جامور واللي عنده وطالعوا فيها ..
إتسعت عيون الطفله أول ما شافت حرمة لابسها عبايه بوسط هالمنظر اللي شتتها وخوفتها ..
جريت بسرعه وبشكل مفاجئ وإحتضنت أنجي بكُل قوتها وكأنها تدور الأمان من هالمكان ..
عصبت الشغاله اللي كانت ماسكتها وقالت بصوت حاد مُخيف: فرح ...!!! تنالي هنا بسرعه ...!!!
إرتجف جسد الطفله فرح وزادت من شدة إيدها على أنجي وهي تبكي ..
طالعت أنجي فيها وكأنها بالفعل تشوف نفسها القديمه ..
كانت ترجف .. خايفه ... تدور عن أي أحد يعطيها الأمان بس ما لقيت ..
أبدأ ما لقيت ..

إتسعت عيونها من الصدمه لما وصل لها صوت شيران داخله تتكلم ببعض الكلمات الفلبينية اللي ما تفهم فيها ..
رد عليها جامور وعلى وجهه علامات اللامبالاه ..
وقفت شيران بجانب أنجي وطالعت فيها وبالطفله بتعجب بعدها لفت عليهم وسألتهم بنفس لغتها وبدأوا يجاوبوا عليها بينما ذيك الشغاله صرخت من جديد وهي تتقدم: طيب طيب فرح ... أنا يعرف كيف يخلي إنتي يسمع كلام

صرخت الطفله بخوف وهي تقول لأنجي: ساعديني ساعديني ...!!!
وظلت تردد الكلمه من وسط بُكانها ..
أول ما قربت الشغاله ومدت إيدها دفتها أنجي تقول: خليها معي ...!!!
لفوا كُلهم ناحية أنجي مستغربين من تصرفها ..
عقدت الشغاله حاجبها تقول: إنتا إيس دخل ...!!! هدا بنت حقي أنا ... إنتا يسكت .. خلاص ...!!!
أنجي بحده: لا هالبنت مو لك ...!!!!
حطت إيدها على ظهر الطفله وهي تكمل: خافي ريك ...!!! ليه تضيعين مُستقبلها بعملك هذا ...!!!
هدأ بُكاء فرح لما حسست بهالحرمة الغريبه تدافع عنها ونوع من الأمان تسلل بداخلها ..
بينما الكل حسوا بأن أنجي مو من المدعووين أبد وشيء من القلق تسلل بداخلهم ..
لفت أنجي ودفت برجلها الرجال الشبه سكران الجالس عند الباب وبعدها قفلت الباب ..
طالعوا ببعض بعدها طالعوا فيها ..
فكت لثمتها وهي حاطه عينها بعين شيران فإنصدمت الشغاله وظلت تطالعها بعدم تصديق ..
طالع جامور في صدمه شيران وسألها بلغته يس ما قدرت شيران تجاوب ورجعت على وري ودايركت جلست جنب جامور وتمسكت بذراعه وهي تهمس له والخوف واضح بملاحجها ..
إتسعت عيون جامور تدريجياً وطالع بأنجي ولما خلصت شيران همسها إبتسم يقول لأنجي: وااااو إنتا واهد من حبيبات أنا ..

إشمنزت وردت عليه: قرد أحول حبك إن شاء الله ...!!!
لفت بنظرها في المكان وقالت: والله نفسه .. ما توقعت أبداً راح أعرف على المكان لما أشوفه لكنه وربي نفسه
معقوله طوال ذيك السنوات وإنتم تستعملوا نفس هالشقه ...!!!
طالعت فيه وكملت: معقوله محد بلُغ عنكم ...؟! محد حس فيكم ...؟! مو معقوله ...!!!
إبتسم لها يقول: إحنا فيه مكان كثير نروح له وكمان إحنا مو زي زمان يلح حفله كُل سويه ... لا لا ..
تترفت من إسلوبه الساخر وهو يتكلم معها فهمست للطفله: خليني شوي ..
ترددت الطفله بعدها تركتها فتقدمت أنجي وأخذت وحده من القوارير اللي فوق الطاولة القريبه منهم ..
رفعت عيونها له وقالت: ديني كنت أبغى أبلغ الشرطه حتى ترده لي بس قلت لازم بالأول أنا أردته ولو شوي ..
رمت القاروره بأقوى ما عندها لجهة وجهه ..
إنصدم وما كان له وقت حتى يفكر يتفادها .. صكت القاروره المفتوحه بوسط وجهه وإنسكب كُل الشراب عليه وعلى اللي حوله وصرخ من شدة الألم ..
شهقوا من تصرفها بينما هو ماسك أنفه يتلوى من الألم والواضح إن أنفه أنكسر أكيد ..
طالعتة ولسى تحس دمه يغلي ..
تكرهه ... تستحقه تحقد عليه
ولا إيرادياً دفت الطاولة من قدامها ومشيت له ..
شدته من خصلات شعره وبشكل عشواني تلف براسه يمين وشمال تحاول تطلع فيه كبتهها وقهرها طوال ذيك السنوات اللي مرت ..
تقدموا الفلبينيات منها وشدوها بقوه وبدوره هو قعد يبعدها عنه وهو نوعاً ما تترفز وشكله ناوي يذبحها في مكانها ..

صرخت آنجي بآلم لما دفوها الفلبينيات على الأرض وهم يشتموا فيها بلغتهم ويصارخوا عليها والغضب واضح بملامحهم ..

لما حاولت تجلس دفوها مره ثانيه برجلهم وشكلوا حولها حلقة وواضح إنهم كابيتين أنفسهم لا يتوطوا ببطنها .. شدت آنجي على أسنانها وهي تشوف جامور وقف وقرب منها والدم ينزف من أنفه بشكل واضح .. تكت على أيديها وزحفت على وري وهي تصرخ بوجهه: حقيسر ...!!! نذل ...!!! والله لأخليك تعفن في السجن ...!!! حقي .. وحق كل البنات اللي قتلت برانتهم وطفولتهم راح تاخذه ...!!! وقسم راح أخليك تدفع ثمن كل اللي سويته .. عندي لك فيديوهات راح توديك بستين مصيبه ...!!! ما راح يكون جزاك الترحيل وبس ... القضية مو بالسهيوله هذه وراح تتعاقب عليها الله لا يسامحك ...!!! الله لا يسامحك ...!!! شاتتها وحده منهم بوجهها وهي تصرخ بالفلبينية فصرخت آنجي من ألم خدها اللي حك بكعب هالفلبينية .. لفت عليها بحقد وسحبته بشكل مفاجئ من رجلها فتشقلبت الفلبينية على وري وطاحت على راسها .. إنصدموا فاستغلت آنجي الفرصه وقدرت توقف أخيراً وتراجعت خطوات على وري وهي تنقل نظرها بين شيران وبين جامور وتقول: إثنينكم راح تروحوا بمصيبه ...

شدت على أسنانها وقالت بقهر: بسبب كرهى الشديد لكم ما فكرت بعقلي وتسمرت فعشان كذا ما لقيت لك يا الحقيره فيديوهات تدينك فعشان كذا بيكون جزاك الترحيل وبس .. لكن إنت يا جامور والله لا تدفع ثمن فعاليك بكل طفله بريئه ذبحة برانتها بالمعقد ..

قدم منها جامور يقول: إنتا إيس يقصد بفيدوهات ..؟! إبتسمت آنجي تقول: شفتها أمس .. كل المقاطع ... شيء قلب نفسي ميه وثمانين درجه وتأكدت فيها إنك ما تملك أي ذرة إنسانيه من راسك لأخمص قدمك إنت حيوان .. إتسعت عيونه من شدة الغضب وهو مو مصدق الكلام اللي تقوله .. فيديوهات ..؟! كيف ..؟! حقد عليها فتقدم وهجم بجسده ناحيتها ..

جلست بسرعه وهي تحمي وجهها بإيديها فصرخت لما شاتتها برجله ومن شدة قهره كان يتفوه بشتائم فلبينية بصوته الغاضب الحاد ..

حست آنجي بآلام تسري بجسدها وللحظه هذه بس تذكرت جهاد .. تذكرت لما منعها ذاك اليوم اللي بغت فيه تروح لهم بشكل متهور .. لو ما منعها كان حالها ببيكون أسوء من اللحين .. لكن ... اللحين قدرت تفكر صح ... وكلها دقايق أكيد وبيكونوا هنا .. عليها بس تتحمل و....

رفعت راسها بدهشه لما سمعت صوت مداهمه تمت في الصاله .. إتسعت عيون جامور وهو يسمع الأصوات برى وتلفت على اللي معه بصدمه تامه .. صرخت وحده منهم وإنهارت في الأرض بينما شيران لطمت خدها وهي تتحطم وشوي وتبكي .. جن جنون جامور وطالع بآنجي بعدها من قهره دفها على الأرض وصرخ بوجهها .. وبنص صرخته داهمة بعض عناصر الأمن الغرفه بشكل مفاجئ وصوبوا أسلحتهم عليهم وصرخ واحد منهم: كل واحد يلزم مكانه ...!!!

تكوموا البنات حول بعضهم بخوف بينما شد جامور على أسنانه وهو مو مصدق .. خلاص ...!!! سنين عمره اللي قضاه بأمان وهو يلهو طارت ...!!! طالع بآنجي بحقد ...!!! ما توقع إن أحد ضحايا هو اللي بيصلح فيه كذا ...!!! لا ... لازم يطلع منها و...

ما أمداه يكمل تفكيره حتى ثبته واحد من الشرطه وكلبشه وهو يقول: جامور تايبقا .. إنت رهن الإعتقال لإدارتك وإحيانك لحفلات ماجنه و...

كمل بشيء من السخرية: واللي ينتظرك في المركز أكبر بمنآت الأضعاف .. وقفت آنجي وعدلت عباتها بعدها لفت على الطفله وشافتها وافه بمكانها تطالع في اللي صار بشيء من الخوف ..

تقدم منها الضابط المسؤول وقال: آنجي صحيح ..؟! هزت راسها فقال: أشكر لك تعاونك أختي .. وأتمنى نكون وصلنا في الوقت المناسب .. هزت راسها وقالت: إيه .. في الوقت المناسب .. أشارت على وحده من الشغالات تقول: خذوا عنوان هالعامله حتى ترجعوا الطفله لأهلها .. كانت راح تكون ضحيه ..

طل الشرطي على الطفله بعدها رجع يطالع في آنجي وقال: والحمد لله ما صارت ضحيه بفضل تعاونك وإبلاغك
لنا في الوقت المناسب ..

بعدها راح للطفله وأنجي تطالع في الشرطي بهدوء ..

كلامه حسسها بشعور غريب ..

بمعنى آخر كأنه يقول إنتي أنقذتي حياة إنسان ..

شعور غريب بالعاده ... ما تهتم لأحد غير بنفسها ..

بالعاده تعدم حياة كثير بنات بسبب كلماتها الجارحه الجريئه ..

لفت عيونها وطالعت بجامور وهم يسحبونه لبرى ..

هذا ... خلاص را يأخذ جزائه ..

لكن شييران ... شايله هم إن موضوعها يكون عباره عن مساعدته ويكون عقابها هو الترحيل ..

لا ... تبغها تتعاقب ..

أخذت نفس عميق ... كانت كارهاه شييران أكثر من جامور ..

لكن اليوم بعد ما شافته ورجعت كل ذكرياته المتوحشه إكتشفت إنها تكرهه أكثر ..

سلمت الفيديوهات من البدايه للشرطه وقالت راح أرسل لكم لوكيشن الحفله أول ما أتأكد إنها موجوده فعلاً ..


أرسلت اللوكيشن قبل لا تدخل حتى بس الحمد لله كانوا موجودين فعلاً ..

لفت وطالعت بالطفله اللي بعد ما تكلم معها الشرطي مسك بإيدها وطلعوا من المكان ..

حست برجفه سرت بشفتها ..

المصير اللي عاشته في طفولتها قدرت تمنع طفله من إنها تعيش نفس المصير ..

همست بينها وبين نفسها: الحمد لله ..



يجلس بهدوء تام عند نافذة هذه الغرفة الصغيره يتأمل شروق الشمس ..

لاحت في ذكراه طيف والداه وهما يوقضانه من أجل المدرسه ..

نومه ... كان ثقيلاً ..

كان يُتعبهما للغايه ..

إرتسمت إبتسامه صغيره على شفتيه وهو يتذكر طرقيهم الغريبه ..

فتارة يوقضاه برش العطر عند أنفه وتارة يُقررا إعلاء صوت التلفاز الى الحد الأخير وتارة يلاعبانه بدغدغته

في شتى أنحاء جسده ..

لقد إشتاق لهما كثيراً ..

إختفت إبتسامته والشوق في داخله يزيد يوماً بعد يوم ..

يُريد عودتهما مُجدداً ..

سيقسم على ألا يُتعبهما مُجدداً بل على العكس سيكون هو من يوقضهما لصلاة الفجر وللعمل ولكل ما يُريدانه ..

سيكون مُطيعاً مُؤدباً وولداً يفخران به أمام الجميع ..

أغمض عيناه عندما شعر بحرارة الدموع فيهما ..

يحتاجهما .. يحتاجهما للغايه ..

وقفت عن الكتابه وسرحت بخيالها شوي ..

جاها صوت بنت عمتها تقول: طيف .. شفيك ..؟!

طالعتها طيف شوي بعدها همست: أحس وكاني أكتب مشاعري أنا وربي أحتاجهم ..

حور: قصدك أمك وأبوك ..؟!

هزت طيف راسها بهدوء بعدها أخذت نفس عميق وقالت: المهم ها راح ثائر عالمدرسه ..؟!


حور: يب .. توه إنقلع ..

طيف: ههههههه وشو إنقلع هذه ..؟!

حور: يا شيخه الإنسان هذا ثرثار .. من يصحى حتى يروح وهو يثرثر .. الصبح وهو يفطر جالس يحكي لي

حكاية الأخطبوط اللي جَمَعَ حيوانات الغايه حتى يداهموا البشر وياكلوهم ..

ضحكت طيف غصب عنها فقالت حور: إيه اضحكي .. بلاك ما ابتليتني بسماع القصة مثلي ..
طيف: هههههههه يا حليله .. ما أتخيل البيت بدونه ..
حور: المهم شفيك جالس ..؟! مو ناويه تروحي الجامعة ..؟!
طيف: اليوم لا ... الدكتوراه إعتذرت والثانية معتذره من أول وما بقي غير مُحاضره مو مهمه فعشان كذا قلت
أغيب أفضل ..
جلست حور قدامها تقول: أصارك بشيء ..؟!
طيف: وشو ..؟!
حور: إشتقت أرجع أشتغل ..
إبتسمت طيف تقول: وأخيرا رضخ عنادك لقلبك ..
حور: وربى ملبت من جلسة البيت .. ودي أشتغل .. عندك أفكار ..؟!
رفعت طيف حاجبها تقول: جتك أفكار بالهبل لكنك رفضتها ..
عقدت حور حاجبها وهي مو فاهمه بعدها لما فهمت قالت بانزعاج: طيف !!! قلت لك الظرف وصاحب الظرف
وكل شيء متعلق فيه مريب ومُستحيل أثق فيه !!!
طيف: لا تنقي فيه .. بس خذي الشغل اللي تعجبك وسجلي لنفسك فيها وبس ... وهو لا بيدري ولا شيء ..
وبعدين ترى يمكن يكون فاعل خير نيته حسنه ..
حور: مُستحيل ..
قامت وأشرت عالشبك تقول: فاعل الخير يجي من الباب مو الشباك ..
عقدت طيف حاجبها تقول: كأنه فيه ظرف برى ..؟!
حور: ها ها ها سخيفه ..
طيف: لا جد ما أمزح معك ... كأنه فيه ورقه ..
لفت حور على الشباك وبعدها فتحته وطلعت إيدها ..
إندهشت لما لمست ظرف فسحبته لداخل ..
طيف: شايفه ..
ترددت حور شوي بعدها فتحته وهالمره كان عباره عن رساله قصيره ..
قرأتها بهدوء فقالت طيف: وشو ..؟! شغل ..؟!
طالعتها حور شوي بعدها قالت بهدوء: لا يعتذر ..
عقدت طيف حاجبها فقالت حور: يعني يعترف إن تصرفه غلط ويقول إن نيته حسنه ويقول لو تسائلتي عن
السبب فكل اللي أقدر أقوله هو إن مُساعدتي هذه واجبه وغصب عني أساعدتكم حتى أكفر عن ذنب أبوي اللي
أجرمه في حكم .. بعدها قال لما تجبني الشجاعه راح أجيبكم من الباب .. حظ بالأخير رقم وقال بإنه راح
يساعدكم لو كنتم بحاجة للشغل .. طيف هو وش يقصد ..؟!
قامت طيف وأخذت الورقه من حور وقرأتها ..
طالعت بحور شوي بعدها رجعت تطالع بالورقه لفتره ..
رجعتها لها تقول: مدري ... إسألني أمك .. يمكن تعرف واحد قد سبب لكم الأذى زمان .. بس تقريباً وضح لك
هدف المُرسل صح ..؟!
حور: وإذا كان يكذب ..؟!
طيف: ما أضن ..
إبتسمت حور بشيء من السُخريه ولمت الورقه تقول: الرجال متفنين بالكذب حببتي ..
دخلتها بالظرف بعدها إتجهت برى الغرفه تقول: بأخذ لي فطور .. أجيب لك معي ..؟!
طالعتها طيف لفتره بعدها إبتسمت تقول: إيه يا ليت ..
خرجت حور فجلست طيف بهدوء بعدها همست: معقوله للحين تفكر بحادثه غازي ..؟! ولا فيه شيء ثاني
صار معها ..؟!
ضمت رجلها لصدرها وطلعت بالأرض وهي تهمس: متفنين بالكذب ..؟!
تذكرت أسامه وكلامه عن أمها ..
رجعت تمس لنفسها: يا ترى ... هو كمان متفنن بالكذب ولا يعرف مكانها ..
ضاقت عيونها وكملت: ودي أشوفها .. حرمت نفسي حتى من مثل هالأمنيه حتى ما أثقل على عمتي ... بس
من سمعت بهالشيء تفجرت مشاعري ... إشتقت لها على الرغم من إنها تخليت عنا بعد ما طلبت الطلاق ..
أبغى أشوفها بس ... بالوقت نفسه مابي أتزوج ... لاني مرتاحه لهالزواج ولاني مستعده له ..
أخذت نفس عميق ولا هي عارفه وش الخيار اللي تختاره ..
بيكون لطف منه لو قرر يعلمها عن مكان أمها لو رفضته ..



الساعة عشرة الصباح ..

عقد حاجبه ولف عليها يقول: ما مليتي الطلب ..؟! ليه يا طيبه بنان ..؟! سكتت شوي بعدها قالت: أخوي قال لي بان كِرار قبل شهر تقريباً صلح تحليلات بسبب مرض سابق والتحليلات هذه ما قالت إن فيه سرطان الكبد ... سرطان معروف مثل كذا مُستحيل ما يتلاحظ ... يعني مدري .. ما صدقتي لما قلت له إنه مريض بالسرطان وطالب إنني أعيد التحليلات لأن فيه إحتماليه نكون لخبطنا وشيء زي كذا .. طالعها الدكتور المسؤول عنها واللي هو وليد بعدها قال: خليه يجيب لي أولاً التحاليل اللي سواها المريض سابقاً حتى أتأكد من كلامه ... لأن كلامه فيه تشكيك واضح وإتهام أنا شخصياً ما أقبل فيه .. بنان: هههه الله يهديك هو بس أكيد قالها من صدمته بالمرض وطبيعي أي واحد في مكانه راح يشكك بالوضع .. مررها له وخلصنا نعيد التحاليل وهذا شيء مو صعب ..

لف يدقق في الكمبيوتر حقّه وهو يقول: لا يا بنان ... كبريائي كدكتور معروف ما يسمح لي أوافق ..

ظلت تطالعه لفتره بعدها قالت بهدوء: وإذا كنت أنا بنفسني أبغى أتأكد ..؟! ..

عقد حواجبه وطالعهها يقول: ما فهمت عليك ..! قصدك إنتي بنفسك شاكة بتقريري ..؟! ..

إبتسمت وهزت راسها بالنفي تقول: كيف أشكك فيك ..؟! يعني إنت تُعتبر مُدرب لي .. كثير نبهتني على أخطائي ويكفي محاولتك لمساعدتي في موضوعي الشخصي اللي إحتجت فيه مبلغ كبير من المال .. ما رفضت وقررت تساعدني ولو إن الأمور ما إتجهت للأسوء لكان يمكن فعلاً قدرت تساعدني .. أنا ممنونه لك كثير بس هذا أخوي ... دكتور وليد أنا مو قادره أتقبل موضوع مرضه .. خلاص أنا بنت وما زلت مُتدربه فخذني على قد عقلي وخلصني أتأكد ..

ظل يطالعهها لفتره مو قصيره وبنان في اللحظه هذه حسّت بضغط رهيب لحد ما تنهد يقول: والله صدمتيني يا بنان ... ما أضن علاقتنا بتظل كذا بعد شك في ..

هز كتفه ورجع يقطع بالكمبيوتر وهو يقول: تعالي بكره وصلحي كل التحاليل اللي تبغيها ..

إبتسمت تقول: دكتور وليد أتمنى ما تزعل مني لو مريض ثاني فخلاص بس هذا أخوي ... طبعي أشك بالشيء اللي فيه أذى لأخوي .. يعني حتى لو شفت بنفسني آثار المرض عليه لكنك راح أشك وأقول مُجرد حساسيه .. أتمنى ما تزعل ..

د.وليد: ما زعلت ولا شيء .. على العموم إذا إنتي فاضيه فأقبر أعطيك شغل ..

بنان بسرعه: لا لا تكفى ..

إبتسمت وقالت: حاب أجيب لك شيء ..؟! ..

طالعهها بإبتسامه يقول: عصير برتقال ..


بنان: أوكي ..

لفت وقفلت الباب وراها أول ما خرجت ..

إختفت الإبتسامه من شفته وإرتسمت على وجهه ملامح غريبه مو معروف هدفها ..

أخذت بنان نفس عميق وهي تمشي بالمرمر ..

همست لنفسها: وافق ... يووه موافقته خلّنتي أشكك بكلام الدكتور ثامر .. لو طلعت تحاليل الدكتور وليد
صحيحه أكون بكذ خسرت الثقة المفرطه بين الدكتور ومُتدربه .. خسران مثل هالنوع من العلاقات ما راح
يفيدني أبد ويمكن يرجع علي بالضرر بعدين ..
دخلت المصعد وهي تكمل: فعشان كذا أتمنى تطلع شكوك الدكتور ثامر في محلها .. عشان كرار ... السرطان
داء خبيث محد يتمناه لأعدائه ..
تنهدت وهمست: الله يقومك بالسلامه ..
خرجت من المصعد وإتجهت للقسم اللي فيه كرار ..
لما دخلته إتجهت للغرفه فإبتسمت لما ما شافت جهاد جالس على كُرسية ذاك ..
شافته اليوم الصباح مع صاحبه اللي يقنعه ياخذه معه البيت يرتاح عشان يوم الأربعاء بكره عليهم إمتحان مهم
ولازم يرجع يرتاح حتى يمديه يذاكر ..
وأخيراً قدر أحد يقنعه .. تعبت وهي تقنعه ولولا موضوع العزاء كان ما رجع للبيت أبد ..
تقدمت شوي ودخلت الجناح بعدها فتحت الباب بهدوء على غرفة كرار ..
شافته على نفس حالته ..
ظلت تطالعه بهدوء وهي تدعي بداخلها بأنه يصحى قريب وبألف سلامه ..



الساعة ١٢ الظهر ..
جالس في سريريه بهدوء تام وعيونه شارده في الفراغ ..
دموعه جفت خلاص من كثر ما نزلت في الأيام اللي راحت ..
الصداع أفتك براسه من كثر ما هو يبكي عليها ويتمنى رجعتها ..
عقله وقف تماماً من شدة ما هو كل شوي يحط غلط موتها برقبة أحد ..
مرات يحط اللوم على نفسه ... ومرات على أبوه ومرات على مرة أبوه اللي إسمها ملك ..
يشفق عليها دخلت للسجن وتحاكمت بالقصاص بسبب أغلاط من حولها ..
واللحين كلهم يعيشوا بخير وصحه وعافيه ..
غمض عيونه ..
أبوه ... وحتى اللي إسمها ملك ..
المفروض هما كمان يتعاقبوا ..
و هو كمان ..
قطع تفكيره -اللي بدأ يتجه لمنحدر معوج- دق باب الغرفه ..
لف على ناحية الباب ففتحه مشعل وظل يسأل: حُسام ... وش ودك تتعدى اليوم ..؟!
طالعه حُسام شوي بعدها لف نظره يقول: ولا شيء ..
إبتسم مشعل يقول: متأكد ..؟!
ما رد عليه حُسام فنزل مشعل راسه لتحت يقول: حتى لو جت لك ضيفه ..؟!
إندهش حُسام ولف بسرعه على جهته فشاف مايا تدخل من جنب مشعل ..
مايا ..؟! إيه هذه مايا ..!!!


أول ما شافته جته ركض تقول بفرح: خالو حُسام ...!!
نزل حُسام رجله من فوق السرير وإستقبلها في حضنه وهو مو مصدق إنه شافها ..
كم له ...؟!

من قبل حتى تصلح العمليه ..
من زمان من زمان بقوه ..
ضمها لصدرة ولا قدر يقول شيء ..
إشتاق لها ... إشتاق لها أكثر من اللي كان يتخيله ..
بكت مايا غصب عنها تقول: خالو ليه تركتني ..!! مايا صح صار لها أحوال كثير بس أنا أحب خالو حُسام أكثر
من أي واحد في العالم ... إنت رحت وقلت بأرجع قريب بس ما رجعت ... خالو والله أحبك والله العظيم ..
شدها على صدره وهو يهمس: وأنا أكثر ... وأنا أكثر .. مايا حبيبتي سامحي خالك المُهمَل ... طيح نفسه
بمشكله فعشان كذا ما قدر يجي يشوفك .. آسف حبيبتي آسف ..
ما ردت مايا وظلت تبكي في حضن خالها اللي فارقتها من زمان ..
طالع فيه مشعل شوي بعدها قال: قابلت أبوها في العزاء أمس وطلبت منه يجهاز مايا عشان أجي أخذها بكره
واللي هو اليوم .. كان متفهم كثير وحتى إنه ما سأل متى بترجعوها ..
ما رد حُسام على كلامه فتنهد مشعل بعدها إلتفت وخرج ..
بعدت مايا عن حضنه تقول بحماس: خالو حُسام ...!! أنا شفت بابا ..
إختفت إبتسامه حُسام فكملت مايا: كان دايم دايم يزورني في المُستشفى بس ما قال لي مين هوا ... بعدين هوا
قال لي مين بابا مرررراً طيب ... أحبه كثير ..
لف بنظره عنها يقول: بس بابا شخص مو كويس ..
مايا بدفاع: لا خالو ... بابا مرررراً طيب .. كثير طيب زيك .. أحب بابا كثير ..
صرخ حُسام بوجهها: بس هو ما يحبك ...!! لو يحبك كان ما تركك من البدايه ...!! إنسانه همه سمعته وبس
!!...

خافت من صراخه المُفاجئ في وجهها وقالت بخوف: خالو ..
إنتبه إنه صرخ عليها وخوفها ..
ما قصد بس نرفزه الوضع ..
يكرهه كثير فكيف يتقبل إن مايا تحبه ..
هو ما كرهه إلا لأنه تخلى عن مايا ورغد فكيف تحبه ...!!
هو تركها .. الطفله ذي ليه ما تفهم مثل هالأمر ...!!
ليه ما تفهم إن سبب هالمشاكل اللي صارت لها هو بسبب تخلي أبوها عنها خوفاً من كلام الناس ...!!
ليه ما تفهم هالشيء ...!!
مايا: خالو ...!!


طالعها فإبتسمت تقول: خالو فيه حاجات كثير أبغى أقولها لك ..
إبتسم لها يقول: وانا بأسمع لك للنهايه ..
مايا بحماس: أنا شفت ماما ..
إختفت إبتسامته وعقد حاجبه يقول: وشو ...!!
مايا: بابا أخذني عند ماما وخالني أشوفها ... ماما حضنتني بقوووه وبكت لما شافتني ..
ظهر الحزن على وجهها وهي تكمل: حتى أنا بكيت ... ماما كانت كمان طيبه كثير ... بس الشرطه الحراميه
أخذوها مني .. بابا قال لي خلاص بعدين أقول لك عن ماما بس إنتي لا تسألين إلا لما أقولك خالو ما أقدر
أسأل بابا فعشان كذا علمني إنت ... وين ماما ...!! أبغى أشوفها كمان ..
ظل حُسام يطالعها وهو مو مصدق إن ماجد فعلاً أخذها تشوف أمها ...!!
هالشيء الصغير اللي فكر فيه بالسجن ما توقع إن ماجد صلحه فعلاً ..
ظل يطالع بمايا ويلهفتها في إنتظار إجابته ..
وش يقول لها ...!!
يقول إنها ماتت ...!!
إنها مُستحيل ترجع ...!!
إن الدنيا هذه مُستحيل تكون موجوده فيها ...!!
مو عارف .. مو عارف أي إجابته يختار ..
مو عارف أيد ..
إختفت لهفة مايا تدريجياً وقالت بدهشه: خالو إنت تبكي ...!!
زم على شفته بعدها حضنها من جديد وكأنه يحضن أخته ..

يحضن رغد اللي كانت له كل شيء بالدنيا ..
دفن وجهه بكتفها ورجع يبكي بعد ما ضن إن دموعه جفت ..
مو قادر ... مهما حاول يتقبل موتها ما يقدر ..
هذه رغد مو مجرد أخت ..
هذه عيله بكاملها ..
هذه أمه وأبوه وأخته وأخوه ..
يبغاها فعلاً يبغاها ترجع له اللحين ..
تقوست شفة مايا وغصب عنها بدأت تبكي ليكي خالها ..
غمض عيونه وأخذ له نفس يهدي من نفسه وبعد دقائق بعدها عنه وقال بإبتسامه: وإنتي للحين تبكي مع أي
أحد يبكي ..؟!
شهقت مايا تقول بصوت متقطع من البكي: خالو ليه تبكي ..؟! خالو خلاص مايا هنا وبخير فليه تبكي ..؟!
مد يده وبدأ يمسح دموعها يقول: مافي شيء ... بس أنا فرحان لأن مايا حبيبتي صارت بخير .. إنتي بخير صح
..؟!
إبتسمت وهزت راسها بعدها شالت القبعه الصوفيه من شعرها تقول: حتى شعري بدأ يصير كثير مرآ ..
رفع إيداه ومسح على شعرها يقول: مايا حلوه بكل حالتها حتى لو كانت صلعه ..
إختفت إبتسامه مايا تقول بصدمه: لا مايا مو حلوه وهي صلعه ..
ضحك على تعبير وجهها وحس نفسه إشتاق كثير لحكيها وضحكته وكُل شيء فيها ..
جلسها جنبه وقال: مايا حكيني عن كل شيء صار معك لما ما كنت أنا موجود ..
مايا بحماس: صار كثير ..
إبتسم وقال: طيب تكلمي وأنا أسمع ..
إبتسمت بحماس وبدأت تسرد له قصص وحكايات بكل حماس وحسام يستمع لها بكل جوارحه ..



الساعه إثنين الظهر ..
دخلت للقصر بهدوء تام وهي شايله شنطتها الجامعيه على كتفها ..
إتجهت للدرج فشافت أمها واقفه تتكلم مع وحده من الخدم ..
ظلت تطالعها لفته بعدها تقدمت منها وظلت واقفه تنتظر تخلص شغلها مع الخدامه ..
أول ما خلصت الأم لفت على بنتها وقالت بإبتسامه: هلا حبيبتي يارا ..
ظلت يارا تطالعها بهدوء بعدها قالت: خلينا اليوم نزور عمتي ملك ..
الأم بتفكير: واه أضن آخر مره شفتهم بميلاد أصيل ... فعلاً بيالي أزورهم بس ما أقدر اللحين ..
تنهدت وكملت: عمك ما أضن وضعها يسمح تقابل أحد ... كلمتني أمس تسأل عن كِرار .. له فتره ما جاء
للبيت .. حتى إن زوجها وولدها جهاد من قبله مختلفين ..
بعدت يارا نظرها عن أمها شوي بعدها لفت وراحت للدرج تصعده بهدوء ..
لفت للاحية غرفتها بس وقفت وإتجهت لغرفة أصيل ..

فتحت عليه باب الغرفة فشافته نايم وبسابع نومه ..
ولعت اللمبات فعقد حاجبه وفتح عيونه تدريجياً ..
تقدمت منه وانتظرتة يصحى ..
فتح عيونه ولما شافها قال وهو يتثاوب: نعم نعم ..
سألتة بهدوء: شصار لكرار ..؟!
تقلب للجبهة الثانيه يقول: روعي أركضي دوري عنه ..
يارا: أصيل شصار على كرار ..؟!
عقد أصيل حاجبه بانزعاج يهمس: وهذا طاري أحد بطريه لشخص توه صاحي من نومه ..؟! ناويه أتسلم
بكوابيس مثلاً ..
لف عليها وقال: مدري .. روعي للبيت وإسألني عنه ..
يارا: أمه تسأل عنه ... من زمان ما شافته ..
إبتسم أصيل وقال: أووه .. لا يكون للحين مرمي بالشارع ..؟! لا ما أضن .. هم كلموا واحد من أهله ..
يارا: جهاد ..؟!
عقد حاجبه يقول: ومين هذا ..؟!
يارا بهدوء: أصيل كرار ما يستحق اللي تسويه فيه ..؟!
عقد أصيل حاجبه والكلام هذا ما أعجبه أبد ..
لف راسه وتلبس باللحاف يقول: يارا ما أبغى أغلط عليك فعشان كذا طفي اللمبه وإطلي من الغرفة ..
إختفى هدونها تدريجياً تقول: لو صار شيء لكرار راح أبلغ عنك ..
عقد حاجبه ولف عليها بطريقه حاده فلفت بسرعه واتجهت للباب عشان ما تواجهه ..
رفع صوته يقول: لحضه لحضه يارا ..!
خرجت وقلت الباب وراها ..
خرجت من الجناح كله واتجهت لغرفتها ..
هي تعنيها ... تهديدها اللي قبل شوي تعنيه بالكامل ..
ومع هذا خايفه تتراجع .. خايفه يهددها أخوها أو شيء ..
من طفولتها تخاف منه ..
تكرهها شخصيتها السلبيه هذه تكرهها كثير ..!!!
قلقت الباب وراها وشغلت الذي جي وفتحت دولا ب ملابسها حتى تغير لبسها وتنام ..



واقفه عند باب المدرسه تنقل نظرها بين السيارات تدور على سيارة أخوها ..
ما كان لها نفس اليوم من الأساس تروح المدرسه لكن أخوها جبرها حتى تعوض اللي فاتها ..
رجعت دخلت المدرسه وجلست بين صاحباتها وغطت وجهها بطرف الطرحه ..
سألت ديمه: ترف شفيك ..؟!
ترف: كملوا سوا الفكم ولا تدخلوني فيها نعسانه وإحتمال آخذ غفوه قبل لا يجي يحيى ..
أخذوا بكلامها وكملا سالفتهم ..
سرحت شوي بتفكيرها حتى قطع عليها صوت الحارس ينادي * عزام الواصلي * ..
ميلت شفتها لما نادى بسرعه .. ما أمداها حتى تغوص بأفكارها ..
قامت ولبست عباتها تقول لصاحباتها: بنات إحتمال بكره ما أجي ..
ديمه: ليه ..؟!
لفت ترف الطرحه على راسها تقول: مزاج .. ياللا أشوفكم يوم الخميس ..
أخذت شنطتها وخرجت ..
راحت لجهة السيارات تدور على يحيى لما ما شافته واقف عند الحارس ..
لفت لما حست بأد ينادي عليها فشافت شاب بسيارته يأشر لها تقرب ..
ميلت شفتها وتجاهلته بس رجع يقول: ترف صحيح ..؟!
لفت عليه مستغربه إنه عارف اسمها ..
أشر لها تقرب فقربت تقول: نعم ..؟!
إبتسم يقول: أنا زميل يحيى بالشغل قال لي أوصلك للبيت .. ترف إنتي صحيح ..؟!
طالعه ترف بعدم رضى وهمست: وليه ما يجي حضرته ..؟!

فتحت باب السيارة وركبت ورى فحرك السيارة وإتجه لجهة بيتها ..
شوي سألها: ترف كم عُمرِكَ إنتي ..؟!
ترف: مالك شغل ..
رفع حاجبه بعدها إبتسم يقول: فعلاً وقحه مثل ما قال عنكَ يحيى ..
ميلت شفتها وما عجبتهَا حركة أخوها إنه يعلم أصحابه عن شخصيتها ..
تجاهلته فقال: شصار على زواج يحيى من البنت اللي إسمها ضحى ..؟!
إستغربت من إنه يعرف هالشيء بس دامه صاحب يحيى فطبيعي يكون يحيى علمه ..
جاوبته: يحيى صاحبك .. إسماله هو .. وخلاص ما أبغى أتناقش معك أكثر ..
سألها بتعجب: طيب ليه تسولفي مع يحيى على راحتك وتتناقشي معه ..؟!
نفذ صبر ترف منها وقالت: وبعدين معك ..!!! يحيى أخوي وهذا طبيعي فخلك بحالك ولا تتدخل أكثر ..
إبتسم إبتسامه غريبه يقول: وليه ما أتدخل وأنا بعد أكون أخو لك ..!؟!

ولهنّا ننهي البارت الثامن والخمسون ..
نلتقي على خير الجمعة الجايه اللي راح تكون موعد بارتاتنا من اللحين ورايح ()
X... || part end || ...X.

X... || البارت التاسع والخمسون || ...X.

أخذت شنطتها وخرجت ..
راحت لجهة السيارات تدور على يحيى لما ما شافته واقف عند الحارس ..
لفت لما حسّت باد ينادي عليها فشافت شاب بسيارته يآشر لها تقرب ..
ميلت شفتها وتجاهلته بس رجع يقول: ترف صحيح ..؟!
لفت عليه مستغربه إنه عارف إسمها ..
أشر لها تقرب فقربت تقول: نعم ..؟!
إبتسم يقول: أنا زميل يحيى بالشغل قال لي أوصلك للبيت .. ترف إنتي صحيح ..؟!
طالعه ترف بعدم رضى وهمست: وليه ما يجي حضرته ..؟!
فتحت باب السيارة وركبت ورى فحرك السيارة وإتجه لجهة بيتها ..
شوي سألها: ترف كم عُمرِكَ إنتي ..؟!
ترف: مالك شغل ..
رفع حاجبه بعدها إبتسم يقول: فعلاً وقحه مثل ما قال عنكَ يحيى ..
ميلت شفتها وما عجبتهَا حركة أخوها إنه يعلم أصحابه عن شخصيتها ..
تجاهلته فقال: شصار على زواج يحيى من البنت اللي إسمها ضحى ..؟!
إستغربت من إنه يعرف هالشيء بس دامه صاحب يحيى فطبيعي يكون يحيى علمه ..
جاوبته: يحيى صاحبك .. إسماله هو .. وخلاص ما أبغى أتناقش معك أكثر ..
سألها بتعجب: طيب ليه تسولفي مع يحيى على راحتك وتتناقشي معه ..؟!
نفذ صبر ترف منه وقالت: وبعدين معك ..!!! يحيى أخوي وهذا طبيعي فخلك بحالك ولا تتدخل أكثر ..
إبتسم إبتسامه غريبه يقول: وليه ما أتدخل وأنا بعد أكون أخو لك ..!؟!
رفعت حاجبها تقول: ها ها بايخه ..
وبعدها لفت وجهها جهة الشاب وهي تهمس: شفيله ثقيل طينه كذا ..؟!
طالع بإنعكاس وجهها بالمرآيه بعدها إبتسم يقول: وليه مو مصدقتني ..؟!
ما ردت عليه .. قد حصل وجاء واحد من زملاء أخوها يوصلها بس ما كان أبداً مثل ذا ..
كان مُحترم وبقوه ..
عقدت حاجبها لما شغل أغنيه فتهتدت وهي تستمع للمقدمه الموسيقيه الغريبه عليها ..
ما عليه .. يمكن أغنيه ما قد سمعتها من قبل ..

عقدت حاجبها ولفت عليه بصدمة لما بدأت الأغنية واللي كانت وبشكل واضح أغنيه مو عربيه ولا حتى إنجليزيه ..
كانت أغنيه إندونيسيه ..
شدت على أسنانها وهي مو عارفه هو قصد عشان يستفزها ولا حركته هذه طبيعیه وقد سواها لأخوها من قبل
رفع عيونه للمرايه فشافها تضبط أعصابها قد ما تقدر فابتسم وبدأ يدندن مع الأغنيه شوي بعدها همس بصوت مسموعه: كلامهم البنقالي هذا ما أعرف كيف يفهمونه ..؟!
من همسه هذا تأكدت إنه ناوي يستفزها فعلاً ..
ضربت رجلها بقوه في المرتبه اللي قدامها فلف عليها يقول بتعجب: فيه شيء ..؟!
لفت وجهها جهة القزاز ولا ردت عليه ..
راح تضبط نفسها أكثر .. هذا صديق أخوها وما تيغى تدخل بمشاكل مع يحيى ..
أخوها هالفتريه مضغوط بشكل كبير وأدنى مشكله يمكن تخليه ينفجر ..
رجع يطالع بالطريق وبعد فتره سأل: ترف إنتي صف كم ..؟!
ما ردت عليه فسأل مره ثانيه: وش أخبار صاحبكك داليا ..؟!
عقدت حاجبها ولفت عليه فارتسمت على شفته ابتسامه سُخريه وهو يشوف حيرتها لأن موضوع صاحبته مو معقول أخوها يحكي فيه مع أصحابه ..
وعشان يشتتها أكثر سأل: وباسم لقي شغل ولا للحين لا ..؟!
هزت راسها بصدمة وسألت بإندفاع: إنت شدراك ..!!!
رفع حاجبه يقول: قلت لك ... أنا أخوك ..
صرخت بوجهه بحد: كذاب ..!!! إنت كيف تدري عنهم ..؟! محد يدري غير
وقطعت جملتها من نصها وهي تطالعه بصدمة فابتسم يقول: ليه ما تكلمي ..؟!
بلعت ريقها وهي تقنع نفسها إن هالشيء مُستحيل ..
لأنه فعلاً مُستحيل ..
لا .. مو مُستحيل ..
ذاك الشخص مافي بحياته شيء مُستحيل ..
الخوف تسلل لداخلها وهي تسأل بصوت ظهرت الرجفه فيه: إنت ... مين ..؟!
رد عليها: قلت لك أخوك ..
هزت راسها كذا مره تقول: إنت كيف ليه ..؟!
عقد حاجبه يقول: إسألني سؤال واضح عشان أعرف أجاب عليه ..
حست بالعبره تخنقها وهي تطالعه بعدم تصديق ..
هالشخص ... دمر حياة صاحبته وقطع رزق باسم وهددها أخيراً بأخوها ..
هالشخص هو إنسان ما يخاف الله ولا يعرف وش تعني الرحمه ..
خايفه ... مسبب لها رعب وهي ما قابلته ..
ولا ضنت إنها بتقابله ..
واللحين لما صار قدامها حست حالها تشوف الجحيم ..
رفعت إيدها المرتجفه وضغطت بقوه على صدرها وكأنها تحاول تهدي من رجفان قلبها ..
تخافه .. تخافه كثير ..
لعب بحياتها ودمر اللي حولها ولا زال مُستمر ..
واللحين ظهر بوجهها ... خايفه من نيته القذره الجايه ..
إستوعبت لتوها معنى إنها بنفس السياره معاه ..
لا ... لازم تنزل بسرعه قبل لا ياخذها لمكان مجهول ولمصير مرعب ..
لازم ..
لفت بسرعه ناحية الشباك فإتسعت عيونها من الدهشه لما شافته دخل بالسياره لمخطط سكني فارغ ويمشي بهدوء ..
لا .. لا ..
مسكت مقبض الباب حتى تنزل بسرعه مع إنها متأكده بان في هالمخطط الفاضي بهالظهر محد راح يسمع لها وراح يلحقها هالمهكر وإن نسبة هروبها هي ٠% ..
بس المحاوله عندها أفضل من الإستسلام ..
لفت المقبض بس إنصدمت لما شافته مُغلق من ناحية السائق ..
طالعته بصدمة فطالع بإنعكاس صوتها بتعجب وهو يقول: شفيك ناويه تنزلي ..؟! ليه خايفه من أخوك ..!؟

صرخت بوجهه بتهديد: إفتح القفل ولا ترى وقسم لتندم .. كل رسايك وكل تهديداتك محتفضه فيهم وراح
أسلمها للشرطه أو للجهات المختصه وراح تعاقب على كل شيء .. إفتح ..
بطأ سيارته بعدها وقفها ..
لف على جهتها فزاد خوفها منه ..
تنهد يقول: ذكرتيني .. تدري .. الرسايل ذيك كانت تُرسل من جوال شريكتي .. ترف شريكتي ذي خانتني
وهربت والمشكله مو لاقى طريقه مناسبه أكسر فيها خشمها ... ساعديني ..
بلعت ريقها تقول: إفتح الباب ..
تعجب وقال: شفيك إنتي ..؟! مو سامعتني أطلب منك خدمه ..؟!
ترف: لبي أول شيء خدمه لي وإفتح الباب ..
رفع عيونه للشبابك بعدها طالعها يقول: وين بتروحي ..؟! تدري شمس جده قد إيش هي حاره .. لا تقولي
بتمشي من هنا الى الحي السكني القريب ..؟! تقريباً يبغالك نص ساعه حتى توصلي .. تضني راح تحتلمي الحر
!؟..

بلعت ريقها وهي جد مرعوبه منه ..
مو قادره تحدد وش نيته وهذا هو أكثر شيء مخوفها ..
تبغى تطلع .. تبغى تطلع من هنا بسرعه ..
إبتسم يقول: ما عرفتك علي صح ..؟! إسمي أسامه .. آه وأنا أخوك مثل ما قلت لك قبل شوي ..
شدت على أسنانها وهي مو عارفه متى يبطل من كذبتة هذه ..
بكيفه .. يستمر بكذبه مثل ما يبغى لكن أهم شيء يطلعها من هنا بسرعه ..
ظل مُبتسم وهو يطالع في توترها وخوفها الشديد منه ..
عقد حاجبه لما دق جواله فطلعه من جيبه يشوف المتصل واللي كالعاده كانت أمه ..
الحين بتسأله عن جهاد وكرار .. صار لها فتره تتصل وتسأل عنهم ..
مو عارف وش علاقته بموضوعهم حتى تسأله كل شوي ..
رفع الجوال لأذنه يقول: هلا ..
ملك: أسامه وينك ..؟!
أسامه: مشغول ..
ملك: طيب دقيت على جهاد أو كِرار ..؟! الأول ما يرد علي والثاني جواله مُغلق ..
أسامه: لا ما دقيت ..
ملك: وليه ..؟! مو قلت لك شوف لهم ..؟!
أسامه: يمه أنا مشغول بأمور أكثر أهميه من ملاحقه أولادك وكأني حاضنه لهم أو مُربيتهم ..!!
إنزعجت أمه من كلامه وخصوصاً إنها بدت تخاف جد عليهم فقالت: لا إنت مو حاضنه لهم يا حبيبي .. ولدك
رواد هو المفروض اللي تكون مربيه لكنك راميّه للشغاله بدون أي إهتمام أو حس بالمسؤوليه ..
إنزعج أسامه من الموضوع اللي فتحته فقال: لو مُزعجك فارميّه لأي دار أيتام وفكيني منه .. هو ما جاء
برغبتي .. معناته أنا مُستحيل أعتبره ابن لي وخلي أمه تروح تاخذه تربيه ..!! وخلص قلت لك لا عاد تفتحني
لي موضوعه مره ثانيه ..!! وأولادك كلتي أحد فاضي يدور عنهم ..
وبعدها قفل جواله والإنزعاج الكبير واضح بوجهه ..
ظلت ترف تطالعه وهي لسي حاضنه شنطتها وكأنها كانت تستمد الأمان منها ..
لف أسامه بعيونه عليها فبلعت ريقها تقول: حرام عليك ..
رفع حاجبه فكملت بشيء من التردد: صرت أتوقع منك أي شيء دام ولدك اللي من صُلبك راميّه كذا ...!!
إبتسم بسخريه يقول: ليه ..؟! أثار شفقتك ..؟! تبغيني أعطيكي إياه عشان تربينه ..؟!
جد إندهشت من إهماله هذا أو بالأحرى من قساوته هذه ..
هذا ... ولده ..!!
مشاعر الأبوه عنده ليه معدومه ..!!!
هذا ... يذكرها بأبوها ..
نفس التصرف ونفس القساوه ..
ضاقت عيونها تقول: لو إنه ولدي والله لأحطه بعيوني .. أبيع نفسي بس عشانه ..
رفع حاجبيه بدهشه مُصطنعه وهو يقول: وااه بنت بهالعمر تقول مثل هالكلام الكبير ..!! أدهشتيني ..
هز راسه بالنفي يقول: أتحداك ..! بنت بالطيخ اللي إنتي فيه مُستحيل تهتم بطفل وتحطه بعيونها مثل ما تقولي
...!! فلا تحاولي تستخدمي موضوع ولدي في إنك تبيني قد إيش إنتي إنسانه ناضجه ... شفت حساباتك
ودردشاتك وكل شيء يخصك فعشان كذا أعرفك زين ..
ما ردت عليه وكل تفكيرها حالياً رجع لموقفها اللي ما تُحسد عليه أبد ..

لازم تطلع من هنا .. لازم تطلع نفسها ..

بس كيف ؟!

ما في طريقه ..

فكرت في إنها تستغل إنشغاله بشيء حتى تكسر القزاز وتهرب منه ..
بس مُستحيل تقدر تطلع بسهولة من السيارة من شباك قزازه مكسر .. بيوقفها قبل لا تقدر ..
حتى يمكن يكون معصب وقتها بسبب إنها كسرت له سيارته ..

تتقي شره أبرك ..

بس في الوقت نفسه مُستحيل تظل معه أكثر ..

خايفه .. هي جد جد خايفه ..

لقتها ... بتحاول تماثل معه بالكلام لحد ما تلاحظ سياره ماره ووقتها راح تستنجد فيها ..
وما في طريقه أفضل من ملاحظته إلا بسؤاله عن كذبه الغريبه ذيك ..
طالعته تقول: إنت وش تقصد لما قلت إنك أخوي ؟! وحده من ألاعيك القدره ؟!

إبتسم يقول: كل هالوقت اللي ساكنه فيه كنتي تتسائلين عن موضوعي ؟!

ترف: لا تضيع الموضوع ..

هز كتفه بلا مبالاه يقول: كنت أكذب ..

ضاقت عيونها منترفرزه من جوابه السريع واللي يعني نهاية هالنقاش وقبل لا تفتح فمها كمل بإبتسامه: ويمكن
ما كنت أكذب ..

عقدت حاجبها تقول: أنا مو لعبه حتى تعطيني كل شوي جواب ..

أسامه: لكني أشوفك لعبه لعبه تسليني لما أكون فاضي وطفشان ..

حست بالقهر من جوابه فكملة: أستمتع بشوفا رداك فلك من الرسائل اللي تجيك .. يكبر الفضول فيني حتى
أشوف رداك فعل ثانيه تمنيت جد أقابلك بوحدك من السهرات اللي أعزمك عليها .. عندي إحساس يقول إنك
كنتي بتقلبي السهره فوق تحت وكنت أبغى أتأكد من إحساسي لكنك أدهشتيني لما ما جيتي .. ههههه
وأدهشتيني لما فكرتي تبلي عني وتعملي لي كمين معهم .. الخساره الوحيدة هي إنني ما أقدر أشوف وجهك لما
سمعتي باللي صار لصاحبك ولولد الجيران ولتهديدي بموضوع زواج أخوك ... تمنيت بشده أشوف كل هذا ..

همست ترف له بحقد: حقير ..

أسامه بإبتسامه: أسمعها كثير ..

ترف: وعاجبك وضعك كذا ؟!

أسامه: كثير ..

ترف بإزدراء: مريض ..

أسامه بإبتسامه: كمان ذي أسمعها كثير ..

ما عرفت كيف تتعامل معاه .. إنسان مريض فعلاً ولا يفيد معه أي شيء ..

تبغى تفتك منه .. تبغاه يطلع من حياتها ..

بس مو عارفه كيف ..

بلعت ريقها وسألت: طيب دام أنا على قولتك لعبه وتستمتع معها ... فمتي بتمل مني ؟!

هز كتفه يقول: مدري ... بس أحس قريب بأمل .. كل شيء فيك إكتشفته تقريباً ..

إنقهرت من كلامه وكأنها يهينها ويعتبرها ولا شيء ..

يقهرها بكل كلمه وحركه .. ودها تصارخ وتسفل فيه بس خايفه على نفسها منه ..

بتضبط أعصابها .. راح تضبطها قد ما تقدر حتى تتخلص منه ..

هذا شخص من زمان إكتشفت إنها مو قده أبد ..

رفع حاجبه يقول: أشة نظرات كره بعيونك ..

ترف: ويعني وش كنت تضن ؟! نظرات خب وهيام ؟!

إبتسم يقول: تعجبني ردودك .. أحس مُمكناً أتقبلك كأخت لي .. الوقاحات السهل اللعب بمشاعرهم يعجبوني ..

ترف بقهر: ياخي متى بتبطل من كذبة الأخوه هذه ؟!

إرتسمت إبتسامه غريبه على شفته فتوترت وما تدري ليه تحس إنه صادق بس هي متأكده إنه مو صادق ..

خلاص ... تشئت مَُخها وتلخبط .. مو عارفه وين ال صح بالضبط ..

ترف: تدري لو علمت يحيى عليك فما راح يتركك ..

أسامه: علميه إذا تبغى زواجه من ضحي ما يتم مثل محاولاته السابقة ..

صرخت بوجهه: ياخي ليه إنت حقيـر كذا !!!

طالعتها باستغراب يقول: غريبه إنفعلتي ..؟! عبالى إنك من أول تعرفي إني حقير فليه تنفعلي وكأنه توك تعرفي هالشىء ..

ما عرفت كيف تتعامل معه ..

حقير .. ينرفزها .. تحس إنها بتبكي بسببه ..

وش بيغى بالضبط ..؟! متى يمل من لعبته هذه ويتركها ..؟! ..

خلاص هي مُستعده تعترف إنها من اللحين بتبطل تشوف نفسها فوق الناس وبتقدر تتغلب عليهم بلسانها ..

بتوقف غرور .. ما بتدخل نفسها بأمور صعبه بتهورها ..

بتعرف حدودها خلاص بس المُهم يتركها بحالها ..

تعلمت درسها فخلاص كفايه ..

إبتسم لما لاحظ عليها وكأنها بتبكي ..

أرضاه اللي صار تماماً ..

طلّع بطاقته من جيبه ومدها لها ..

طالعت فيه بحذر فقال: شوفي .. يعني حتى تتأكدي إن كنت أخو لك ولا لا ..

مدت إيدها بتردد وأخذت بطاقته ..

طالعت بالإسم / أسامه عزام حمد حُسام الواصلي ..

إتسعت عيونها من الصدمه ...!!

هذا ... هذا فعلاً فعلاً أخوها ...!!

هو فعلاً جاد وما كان يكذب ..

طالعته بعدم تصديق فإبتسم يقول لها: شافيه كيف إن خوفك مني ما كان له داعي .. عيب عليك أنا أخوك فكيف بأذيك ...!!

إرتجفت شفتها بعدها صرخت بوجهه بأنفعال: حقير وقح ...!!!! كيف بوقاحه تقول ما آذيتك ...!!!! كل هذا

وتقول ما آذيتك ...!! وقح حقير نذل ...!!!!

رفعت إيدها بسرعه لعيونها تمسح دموعها قبل لا تنزل وهي تقول: نذل ... نذل نذل

طالعتها بتعجب مُصطنع يقول: ترف أنا كيف آذيتك ..؟! إنتي سلميه جسدياً .. وسليمه إجتماعياً ولا صلحت فيك شىء فكيف آذيتك .. ظلمتيني يا شيخه ..

زمت على شفتها تقول: آذيت الناس الغالين عليّ فكيف تقول ما صلحت فيك شىء ...!!! إنت بـ...

قاطعها يقول: وين الغلط اللي سويته ..؟! داليا ذيك هي اللي جابت هذا لنفسها .. بنت مُراهقه بعمرها تعرف للدخان وغيره ..؟! تستحق العقاب وهذا بمصلحتها ... باسم هذا ماخذ له شهاده من جامعه عريقه ببريطانيا فكيف يرضى على نفسه يشتغل بشغله أقل من محصوله العلمي ..؟! هذا كمان بمصلحته حتى يدور له شغله تستحقه ... وأخوك يحيى حرام يصوم يصوم ويفطر على بصله ...!!! ضحى ذي إنسانه مُعقده فإيش تتوقعي من وحده عاشت حياتها بغرفه بدون أي حياه إجتماعيه ...!! ترف كل هذا لمصلحتهم فوين الغلط اللي أنا سويته لك

..

إرتجفت شفتها وحست بالعبره تخنقها من كلامه ..

حوّر كل شىء لمصلحته .. تلاعب بالكلمات وخلى كأن اللي سواه هو الصح مو الغلط ...!!!!

ما عرفت بإيش ترد عليه ..

ما ترك لها مجال ترد بكلمات أقوى من كلماته ..

إي شىء بتقوله بيكون محاوله فاشله ومضحكه ..

تكرهه .. تكرهه ...!!

كان الموضوع عنها عادي ولا يهمها ..

موضوع يكون لها أخوان من أبوها ..

قابلت حُسام وتشابكت معه بالكلام بس بالنهايه كانت تشوف الموضوع مُمتع ..

جهاد كمان أمتعها اللعب معه وإحراجة فتحمست أكثر تشوف لها أخوان كمان ..

لكن اللحين .. ندمت على هالحماس ...!!

إذا بيكون لها أخو حقير مثل هذا فهي تتمنى إنها ما عرفت إن لها أخوان وتمنت ما قابلت أحد منهم ..

يكفيها يحيى وبنان .. ما تبغى أكثر ..

بذي اللحضه كرهت أبوها فبسببه هي بهالموقف ..


كرهته .. كرهته بعد ما كان ما يعني لها أي شىء ..

همست: الله لا يسامحك ..

رفع حاجبه يقول: تقصديني ..؟! ..

صرخت بوجهه: إنت وأبوك ...!!!! وربى من طينه وحده ...!!

شدت على أسنانها تقول: يا رب يكبر ولدك هذا ويصير ليل نهار يدعي عليك عشان تذوق الذل والألم بحياتك
!!!!... حقير ووقح ..
مسكت مقبض الباب وهزته تقول: افتحه .. افتح ما أبغى أجلس هنا أكثر ..!!!!... خلاص افتحه ..
إبتسم وهو يشوف إنفعاليها فضغط على زر فتح القفل وهو يقول: أتمنى نتقابل مره ثانيه ..
نزلت وصفقت الباب وراها وراحت تمشي بهالمخطط باتجاه الحي السكني اللي تشوف أطرافه من مكانها ..
أخذ بطاقته من على المرتبه وهو يهمس: ياللا غيرت مودي شوي ..
لف بالسياره وحركها..
أسرع بقوه من جنبها وهو يدق بوري فقفزت مفاجعه بعدها صرخت عليه وهو يبتعد بالسياره ..



على نهاية دوامها الرسمي ..
الساعه ٣ ونص الظهر ..
نزلت معطفها ولبست عابتها وخرجت من مكتبها وهي شايله شنطتها ..
نزلت للدور الأرضي ولما لفت باتجاه الباب تطلع لقت بوجهها الدكتور ثامر واقف عند الريسبشن يسولف مع واحد هناك شكل بينهم معرفة زماله أو شيء زي كذا ..
قربت منه تقول: دكتور ثامر ..
لف عليها فإبتسم لما شافها .. إعتذر للموضف وتقدم منها يقول: خلاص بتروحي ..؟! اليوم تأخرتي بالمستشفى ..
بنان: إنشغلت بموضوع أخوي فتكاثرت علي الإستشارات الطبيه وعشان كذا تأخرت .. وش صار على موضوعك مع اللجنة التأديبيه ..؟!
د.ثامر: ولا شيء .. قلت إني صلحت كذا كمحاولة مزح مع الطبيب فتعاقبت شوي عليها لأن مزحي بنظرهم ماله داعي ..
بنان: آها .. طيب ليه للحين ما رجعت للبيت ..؟!
د.ثامر بشيء من التناقل: المناوبه الليليه علي اليوم ..
إبتسمت بنان غصب عنها فرفع حاجبه يقول: وليه الضحك ..؟!
بنان: لا تذكرت كلام زميلتي .. تقول فيه دكاثره يتهافتون على إختيار النوبه الليله حتى يفتكوا من زوجاتهم ..
وكل من تحصل له مشكله يختار ينام بالمستشفى .. فلا يكون إنت واحد منهم ..؟!
رفع حاجبه وقال بشيء من الإستفزاز: يا شيخه مو كشتفتيني كذا مره أخذ أرقام المريضات ..؟! بالله عليك هذا تصرف واحد متزوج ..
رفعت حاجبها تقول: بديت أشك بصراحه في إنك تأخذ الأرقام لمصلحتهم .. شكك من هالنوع من الشباب ..
ضحك وقال: يمكن مين يدري ..
تنهدت .. هذا اللي تكرهه فيه ..
مو واضح بتصرفاته أبد ..
طالعته تقول: على عن إنك ..
لفت ومشيت خطوتين بعدها وقفت ورجعت له ..

عقد حاجبه فقالت: كلمت الدكتور وليد وسمح لي بـكره أعمل التحاليل بنفسى .. لكن بهالتصرف راح أفقد علاقة الثقة المتبادله بينى وبينه تدري لو كان هو على صح فراح أدعى عليك ..
إندهش يقول: أوف لا تقوليها بهالطريقه .. تخيلنى أشك بنفسى ..
بنان: بس أعطيك تحذير ..

لفت بتروح فابتسم يقول: أجل خليك واثقه .. بإذن الله ما أكون غلطان ..
لفت تطالعه لفتره بعدها قالت: وليه إنت واثق ..؟!!

د.ثامر: قريت تقرير المريض .. اللي حصل له ما يستدعى تحليل كامل ولا توجد عليه أي أعراض لمرض سرطان الكبد فايش اللي يخلى الدكتور يصلح التحليل الشامل هذا ..؟! مافي سبب .. وهو من جاء لهننا بس سرقة وحده صلحها .. له شهرين تقريباً فحسيت إنه قريب راح يلاقى له شخص يناسب مُتطلباته .. وأخوك هذا من جاء ما جاء معه غير أخوه .. لا أهل ولا إهتمام كبير بالحاله .. أخوك الثاني إهتم أكثر شيء بإنه يصحى .. وقدر يضحك عليك فخلاص هو الشخص المناسب ... لكن بالنهايه إنتي شكيتي فيه .. ضاقت عيونه وقال: يقدر يتراجع عن المريض عشان ما يدخل نفسه بمشاكل ويدور له بعدين عن شخص ثاني مناسب لكن بذي الحاله وخصوصاً لأنك طالبتي بالتحليل فتراجعه بيبين كذبه وهذا مو بمصلحته بنان عندي إحساس إنه فيه شيء راح يصير بيمينك تصلحي التحاليل اللازمه .. فخذي حذرك ..
إستغربت من كلامه .. في الوقت نفسه خوفها شوي ..

ظلت تطالعه لفتره بعدها سألت: إنت كيف عرفت عن هالدكتور ..؟! أقصد من وقت ما جاء وإنت عارف إنه من هالنوع فكيف وإنتم ما تلاقيتم إلا بهالمستشفى ..؟!
طالعه لفتره بعدها قال: بجماعتنا بنت إسمها إسراء ..

عقدت حاجبها فكمّل: هالبنّت إنسجنت وسمعت من أمي إن السبب هو تهجمها على دكتور وإتهامها له بقتل جدتها .. وأنا كدكتور أثار الموضوع إهتمامي وعرفت إن الدكتور هو دكتور وليد ... وموضوع سرقة الأعضاء ماهو مُستحيل في الوسط الطبي .. فهذا هو اللي توقعته وهذا اللي خالني أراقبه أول ما جاء هنا بعدها تأكدت في حالة الحرمة اللي ماتت بسبب مرض بالقلب وطبيعي مرضى هالنوع يموتون إذا كانت حالاتهم مُتأخره .. لكن أنا ما قدرت أشوف أعراض مرضها واضحه .. ومن أهم هالأعراض هو إنتفاخ واضح في القدمين والكاحلين والساق .. حتى الأورده بالرقبه تكون منتفخه لكن ولا وحده من هالأعراض كانت واضحه .. هي ما ماتت بسبب مرض قلبها .. هي ماتت خلال العمليه اللي كان فيها شيء غلط .. ودكور مثله بيستغل الوضع ويسرق له عضو وأتوقع إن هالعضو كان القلب ..

ظلت تطالعه بدّهشه بعدها قالت: المريضه قصدك هو أم زميلتي ..؟!
هز راسه بالإيجاب فهزت راسها بعدم تصديق بعدها قالت بخوف: ويعني ..!!!! لو عمل كِرار العمليه فراح يموت ..؟!!


هز راسه يقول: لا دامه طلب عضو بديل فما راح يوت إلا لو حصل غلط في العمليه لكن أنا شخصياً فيه ثلاث أعضاء ما أحبّ أبداً زراعة أعضاء بديله لها المُخ والقلب والكبد أحاول ألاقى أي طريقه غير الزراعة .. عقدت حاجبها فقال: المُخ تعرفين تكمن فيه ذكريات المُتبرع وهذا راح يتعب المريض ويصير يتذكر أمور ما حصلت معه ويمكن إن كان شخص ضعيف تصير فيه حاله شوي نفسيه القلب فمعروفه القصه الشهيره حوله عن شخص إنتحر فأخذوا قلبه وزرعوه لمريض بالقلب هالمريض لما رجع وعاش وقع بحب زوجة المنتحر والصدام في النهايه إنه كمان إنتحر والكبد هو مركز المشاعر أي هالثلاث الأعضاء يتلخبط المريض بعد شفائه وبتسبب له بعض المشاكل وعشان كذا ما أحبّ هالشيء هذا غير عن يمكن الجسد ما يتقبل هالعضو وتروح حياته بزيارات مُتكرره للمُستشفى ..

شنت نظرها بالمكان والخوف تسلل بداخلها ..

خلاص ... تأكدت اللحين إن الدكتور وليد إنسان نذل ..

والدليل هو رفضه مبدئياً عن الفحوصات .. شايله هم إن مخاوف الدكتور ثامر تكون في محلها ويصير لها ظرف يمنعها من إنها تعمل هالفحوصات ..


أخذت نفس عميق تهدي نفسها بعدها لفت وتركت الدكتور وهي سرحانه بكلامه اللي خوفها كثير من الجاي ..



في فترة العصر ..
 نزلت أنجي من غرفتها ولفت بالبيت تدور على أمها ..
 رجعت أمس ودايركت راحت تنام وعالغداء ما نزلت ..
 ما كان لها نفس ..
 شافت حلا بالصالة الرياضيه ببركة السباحه ..
 لكن ... كان جسمها بالمسيح وبأيدها متكيه على طرف المسبح وشكلها سرحانه ..
 قربت منها تقول: حلا وين مام ..؟!
 رفعت حلا راسها تطالع بآنجي بعدها رجعت تتكي دقنها على إيدها وهي تقول: مدري ..
 عقدت حاجبها ورفعت راسها من جديد لآنجي بدهشه تقول: وش هذا اللي بوجهك ..؟!
 رفعت أنجي إيدها تتحسس لصق الجروح العريض اللي بخدها واللي حصل لها من أمس وقالت بشيء من
 الإنزعاج: ناس حقيره عملت تشويه بوجهي .. تكفين لا تذكريني .. وجهي الجميل تعذم ..
 عقدت حلا حاجبها بعدها تنهدت ورجعت على نفس وضعيتها تقول: آنجي وش بين ماما وراكان ..؟!
 عقدت أنجي حاجبها بعدها جلست على الكرسي القريب تقول: وش تقصدي ..؟!
 حلا ولسي شارده بعيونها في اللا شيء: مره جاء المزارع قصي عشان يأخذ باقي مستحقاته .. طلب يشوف
 ماما ... راح راكان معها ... ومن بعدها خرج راكان من البيت وهو مو على بعضه وماما كان وضعها كمان
 غريب ... ومن وقتها ما رجع راكان غير مره وحده وقال لي لا تقولي لأمي إني جيت .. ماما كل شوي تسأل
 عنه .. وش صار ..؟!
 آنجي بتعجب: أول مره أسمع عن هذا الكلام ..
 رفعت حلا عيونها لأختها تقول: أحس الموضوع يخص قصي .. لأن زيارته هي اللي سببت كل هذا ... أبغى
 أسأله بس ما عندي رقمه ولا أعرف مكان بيته ..
 رفعت أنجي حاجبها تقول: وإيش علاقة ذاك العامل بالموضوع !!!
 حلا بدفاع: لا تقولي عنه عامل !!!! هو مزارع ..
 تعجبت أنجي وقالت: شفيك تدافعي عنه ..؟!
 شنت حلا عيونها بعدها قالت: لأنه ...
 قررت تعترف فقالت: هو اللي ساعدتني لما هربت من البيت !!!
 آنجي بدهشه: إحلفي !!!!
 حلا بسرعه: لا تعلمي أحد .. خلاص تسكر الموضوع ..
 آنجي: والله صدمني الآدمي ذاك !!! وإنتي كذا رحتي معاه طبعي ..؟! ما خفتي ..؟! أو أصلاً يعني كيف تقبلتي
 تروحي مع واحد يشغل عندنا ..؟!
 ميلت حلا شفتها تقول: هو أحسن منك ..
 رفعت أنجي حاجبها فقالت حلا: كنت كل ما أعصب أروح له وأهاوشه وأفرغ عصبيتي فيه ... بس ما عمره
 تافف ولا شيء .. كان يسمع لي .. تحمل مزاجي اللي أفرغه فيه ..
 خفت نبرة صوتها وهي تكمل: فصرت أروح له دايم أشتكي وكذا ... فصار يعني عادي .. كأنه ولد خالي أو
 عمي ..
 ميلت شفتها تقول: أحسن منكم ياللي ترفعون الضغط ..
 آنجي: بالله أجل تبغينا نبتسم لك وإنتي تتكلمي بهالأسلوب ..؟! طيري بس ..
 حلا: إنتي اللي طيري ..
 ورجعت تغطس بالمسيح فضاقت عيون آنجي وقالت بتفكير: بس ما توقعت منه يساعذك بالهرب .. يمكن يرجع
 سبب الهواش هو إنه اعترف إنه ساعدك بالهرب فعصب جهاد .. يعني حمل مام مسؤوليه فكرت الهروب
 ويمكن قال لها إنه من الأفضل لو إهتميتوا فيها شوي .. يمكن ..
 طلعت حلا راسها تقول: أما !!!
 إندهشت أنجي وقالت: كنت أكلم نفسي ..
 تنهدت حلا تقول: بس ليه يعصب كل هالوقت ..؟! وغير كذا ما هاوشني لأنني هربت ..؟! أول هاوشني لما
 دخلت ملحق العمال لوحدي ..
 طالعت بآنجي من جديد تقول: أووه حتى قصي وقتها عصب ..
 ميلت شفتها وطالعت بأختها بإزدراء تقول: يهتموا فيني أفضل من بعض الناس ..
 إرتفع حاجب أنجي ونزل من الإنزعاج بعدها قالت: تبغى تعرفي بعض الناس وش يقدرُوا يسووا فيك عشان
 تحترمي نفسك شوي ..
 حلا بتحدي: وش بيسوون يعني ..؟!
 قامت أنجي لها وتقدمت منها فابتسمت حلا بخبث بعدها صرخت: صرصار !!!!

الولد بقهر: والله ما لكم داعي ..
إنسبح ثائر على ظهره يطالع في السماء وهو يقول: ياخي بس دقائق .. لا تكون مزعج ..
جلس الولد بإنزعاج يهمس: إنتم الفزعجين ..
لف محسن على ثائر يقول: هيه ثائر إذا إنت تعبان كثير فخلاص ماله لزمه هاللعب ..
ثائر: لا مو كثير .. شوي ونكمل ..
طالعه محسن شوي بعدها لاحظ أحد فلف على جهته وشاف جهاد يمشي مع وسام ..
محسن: أووف وأخيراً شقنا ظل جهاد بالحاره ..
إبتسم بإستفزاز يدق ثائر ويقول: هيه ثائر قم قم شف أخوك ..
طالعه ثائر بإنزعاج يقول: ها ها مرره ظريف ..
ضحك محسن بعدها قال: لا جد قوم .. تذكر يوم سألك مين اللي زاركم وإنت قلت محد !!! ذاك الوقت كان
أسامه بس ما كنت تدري .. علمه إن اللي زاركم أخوكم الجديد ..
ثائر بإنزعاج: لا تقول أخوكم الجديد !!! ياخي إنت تبغاني أضربك صح !!؟
ضحك محسن يقول: هههههههه خلاص أسف أسف ..
ثائر بهمس: أنا الغلطان اللي أقولك كل شيء يصير ..
سكت شوي بعدها قام وراح لجهاد فإبتسم محسن ولحقه ..
وقف ثائر قدامهم يقول: أهلاً ..
وقف محسن بجنبه يقول: يوووه جهاد من زمان عنك ..
إبتسم جهاد يقول: إنشغلت بشوية أمور ..
رفع ثائر حاجبه يقول: أنا أعرفها ..
عقد حاجبه وطالع فيه في حين قال وسام: أووه بالله !!؟ أجل وشو السبب !!؟
كشر ثائر بوجهه من إستهباله هذا وطالع بجهاد يقول: صدمتني بصراحه .. أنا قلت لأنك دوم تنام عند الإمام
فهذا بسبب إن القعدة عن أسامه ما تنطاق لكن شكلك حبيت القعدة عنده في الأيام الأخيره صح !!؟
طالعه جهاد بدهشه يقول: أسامه !!؟ إنت كيف تدري عنه !!؟
محسن بلقافه: لأنه زارهم كذا مره في البيت ..
إنصدم جهاد من كلامهم ..
زارهم !!؟ وليه !!؟ وش السبب !!؟
هالإنسان يعرفه ويعرف إنه مو من النوع اللي بيزور أخوانه كحب في التعرف عليهم ..
أكيد زارهم يسوي فيه مصيبه أو حتى يمكن يستهزء عليهم وعلى وضعهم ..
طالع بثائر يقول: وليه زاركم !!؟ وش كان بيغى منكم !!؟
ميل ثائر شفته يقول: طحنا بمشكله تتعلق بشركته وهو ساعدنا وكذا ..
عقد جهاد حاجبه .. معقوله لأسامه هذا جانب جيد ما كان يدري عنه !!؟
بس شكله وتصرفاته وكلامه كانت تؤكد إنه إنسان سخييف ومغرور وخبيث ..
محسن: وبعد ما ساعدهم قرر يتزوج طيف بنت خال ثائر ..
ميل شفته وكمل: يعني يسوي يعني قدمت خدمه وردوها لي ..
رفع وسام حاجبه ولف يطالع بجهاد اللي كان يطالع محسن بشيء من الدهشه ..
لف وسام على ثائر يقول: صح كلام هالخبيل ولا لا !!؟
محسن بإنزعاج: وسام !!!
ثائر: إيه صح .. ميلق وما حبيته .. والله لو بيدي كان رفضته .. يوووه من جد يرفع الضغط ومسوي إنه طيب
.. واللي مزعجني إن طيف شكلها بتوافق .. وقسم قهر !!
تنهد وسام ولف على جهاد يقول: جهاد ..
ظل جهاد يطالع بالفراغ بدهشه وهو يتذكر كلامه ذاك الوقت عن طيف لآنجي ..
لما أسامه تدخل وسأل عنها ..
معقوله !!؟!! معقوله !!!
شد على أسنانه يقهر وهو يهمس: الحقير !!!
لف وراح بإتجاه سيارته فأنصدم وسام ولحقه ينادي عليه ..
عقد محسن حاجبه يقول: وش فيه !!؟
هز ثائر كتفه بعدها قال: يا ليت يكون عصب على أسامه ..
طالع بمحسن وكمل: هو يعرفه أكثر مني .. وأكيد ما بيرضى إن بنت خالي تتزوج من واحد حقير مثله ..
محسن: بس هي بنت خالك إنت مو بنت خاله هو !!؟
ثائر: غبي !!!

إبتسم بثقه يقول: هو أخوي ولما شاف هالموضوع أزعجني إنزعج هو بعد وقرر يمنع هالزواج قد ما يقدر ..
رفع محسن حاجبه يقول: إحلف يا شيخ ..!!



الساعة سبعة المغرب ..
كان نايم على سريريه .. توه ماله نص ساعه من غفى ..
تسللت بهدوء لفوق السرير بجسدها الصغير هذا وقربت من راسه ..
شوي بعدها صارخت بقوة وعلى نهاية صرختها تحول الى ضحك ..
فتح عيونه مفجوع ولف على جهتها فأخذ نفس عميق لما شاف إنها مايا ومنفجره ضحك ..
جلس يفرك عيونه وهو يقول: لا عاد تفجعيني كذا ..
لف عليها وكمل: ترى أنا سكت بس لو إستمرיתי تستخدمين هالعاده غيري ما بيسكت لك ..
ضحكت تقول: هههههه خالو مو بس إنت .. ههههههه حتى بابا لما أفجعه ما يقول لي شيء .. يقوم يضحك
ويلعب معي هههههههههه ..
طالعها بهدوء وهو منزعج من كثر ما تجيب طاري أبوها على كل حدث ..
كان مافي بالدنيا إلا هو ..
نزل رجوله من فوق السرير يقول: كم الساعة ..؟!
مايا: سبعة ..
طالعها بدهشه يقول: ما نمت إلا نص ساعه ..
مايا يابتسامه واسعه: خلاص يكفي ..
رفع حاجبه فقالت بحماس: عمو مشعل قال لي إنك يا خالو قلت بتوديني الملاهي ..
طالعها خسام بدهشه .. من متى قال هالكلام ..!!!
نزلت من فوق السرير ولفت حول نفسها توريه فستانها الأزرق وهي تقول: شوف حتى تجهزت ..
ورته الشنطه تقول: حتى أعطاني عمو مشعل فلوس كثير وقال قولتي لخالو يوديني اللحين عشان بعدين
الليل تكون الملاهي زحمه ..
ضاقت عيون خسام بانزعاج ..
إيش فيه هذا يكذب على لسانه ..؟!
طالع بمايا يقول: أصلاً خلاص دخل الليل .. الملاهي بتكون زحمه وبتصفي طابور عشان تلعب .. يروح الوقت
وانتي بسر ..
ضحكت ضحكه غريبه فرفع حاجبه يقول: وش فيك ..؟!
مايا: لما قال لي عمو مشعل روجي قبل لا تصير زحمه في الليل أنا قلت له إنو خلاص جاء الليل وأكيد زحمه
فقال لي أصلاً ألعاب الصغار اللي زيك مو زحمه كثير .. خالو خالو لا تجيب عذر .. ياللا نروح ..
رفع حاجبه وفعلاً وضع هالمشعل أزعجه ..
طالع بمايا يقول: من متى المعرفه حتى تناديه عمو ..؟!
مايا: لأنه عمو ... مدري ... لا لأنه طيب ... هو خلاني أشوف خالو خسام ... أحبه وأناديه عمو ... طيب تبغاني
أناديه خالو ..!؟

هز راسه يقول: لا ...
إبتسم وكمل: ناديه جدو ..
مايا بدشه وحماس: يعني هو أبو ماما ...!!!
إختفت إبتسامته فخافت مايا من تغير وجه خالها فقالت بسرعه: خلاص خلاص خالو أنا آسفه .. خالو خلاص ..
لف وجهه بهدوء وهو يقول: مافي شيء .. المهم حبيبتي جيبني لي مويه .. عطشان ..
هزت راسها وخرجت من الغرفة تجيب له مويه ..
ضاقت عيونه بألم لما تذكر رغد اللي يحاول ينساها قد ما يقدر ..
لكنه مو قادر .. رغد موجوده بكل زاويه من حياته ..
ما بيقدر ينساها أو حتى يتناساها ..
رجعت مايا بعد دقيقتين وعطته كوب مويه ..
أخذته وشرب نصه بعدها حطه عالذولاب جنبه ..
قربت منه أكثر تطالع بوجهه السرحان فقالت: أمم خالو ..
رفع عيونه لها وقال: ها ..
هزت راسها بالنفي تقول: خلاص إذا ما تبغى توديني الملاهي فلا توديني .. عادي ..
نزلت راسها وهمست: مع إني أبغى أروح الملاهي ..
ظل يطالعها لفته بعدها حاول يبتسم وهو يقول: تبغي الملاهي ...؟!
طالعتة وهزت راسها ..
مد إيدته يلعب بشعرها القصير وهو يقول: من عيوني ..
إتسعت عيونها بدشه تقول: خالو صدق ...!!!
هز راسه فقالت بفرح: واللاه شكرأ شكرأ عمو مشعل ..
إختفت إبتسامته يقول: هيه .. أنا وافقت فليه تشكرينه هو ...!!!
مايا: قبل شوي سألني عم... لا جدو مشعل سألني عن إذا وافقت فقلت لا خالو ما وافق .. فقال لي قولي لخالو
خلاص لا توديني إذا ما تبغى .. بعدها نزلني راسك وقولي بصوت منخفض *مع إني أبغى أروح* وراح
تشوفيه يوديك .. والله جدو مشعل صادق ..
رفع حاجبه والموضوع بكبره ما راق له ..
شفيه ذا الشخص يجبره يصلح أشياء هو ما يبغاها ...؟!
طالع بمايا لفته ..
يبغى يسعداها بس نفسيته سيئه ..
رغد مالها فتره من ودعت الدنيا فكيف يضحك ويسولف ويروح الملاهي كمان ...!!
مو قادر ... بس ما يبغى يشوف الحزن على وجهها ..
مايا هي قطعه مُصغره من رغد ولا يتحمل يشوفها حزينه ..
مسكت مايا بإيده تقول: خالو ياللا ياللا تعال نروح ..
شوي كملت بحماس: شرايك أقول لجدو مشعل يجيب ولده ونروح كلنا الملاهي ...؟!
عقد حُسام حاجبه يقول: ولده ..؟! عنده ولد ..
مايا بتعجب: إيه ... إسمه ياسر ..
أشرت على الغرفة تقول: وهذه غرفته ..
طالع حُسام حوله وفعلاً هذه غرفة طفل ..
ما طرى على باله يفكر بهالشيء ..
مايا بحماس: لما إنت تكون نايم أنا ألعب معه .. هو علمني ألعب سوني .. وكمان ...
شوي قطعت كلامها وقالت بحماس: أمه مرره طيبه .. تعطيني كل حاجة ... فتحت لي الثلاثه حقتهم وخلتني
أختار الإيسكريم اللي يعجبني .. وتقول تقدرين تاخذين في أي وقت تبغين ..
ضمت كفها بحماس وكملت: وجدو مشعل قال بينزل السوق ويشترى كثير بطاطسات وبساكيت ويحطها
بالذولاب وبأي وقت يمديني أخذ اللي أبغاه ..
كملت بتفكير: بس ما سألته جاب ولا لا لأنو قال هذا اليوم الصباح ..
ظل حُسام يطالعها لفته بعدها قال: مايا .. هنا فيه ولد مثلك تلعب معاه وفيه آيسكريمات وبطاطسات وراح
أوديك الملاهي وقت ما تبغي ..
سكت شوي وكمل: يعني هالمكان أفضل من المكان اللي فيه أبوك صح ...؟!
طالعتة بدشه بعدها بدت الحيره على وجهها وحُسام يطالعها بهدوء ..
لا .. لازم يشيل من راسها فكرة العيش مع أبوها ..
ما يقدر يسامحه ولا يقدر يأمن على مايا معاه ..

ماشيه بالصاله الواسعه حقتهم بجلاييتها العوديه وجوالها على إننها تكلم أختها ..
تقدمت من إحدى الكنبات تقول: يووه مشكلتك مو عاديه .. خلاص جايتك الليله وأشوف .. بس ببلغ البنات إني
ما بتعشى معهم و...
وقفت عن الكلام عاقده حاجبه وهي تشوف ظهر الكنبه من بعيد وواضحه رجل أحد على طرف الكنبه وكأنه
نايم بشكل طول ..
تقدمت منه بخطوات سريعه وهي تقول: منال حبيبتي جايتك الليله واللحين معليش بأقفل ..
قفلت جوالها وهي تتمنى يكون ولدها جهاد أو كِرار ..
وقفت قدام الكنبه بصدمة وهي تشوف جهاد نايم بسابع نومه والإرهاق الشديد واضح بوجهه ..
ماهي مصدقه إنها شافته من بعد حادثه قصي ..
وأخيراً ..
جلست على الكنبه اللي جنبه وبدأت تمسح على راسه ..
لفت عيونها بالطاوله اللي قدامه فشافت علبه دواء وكوب مويه فاضي ..
عقدت حاجبها ورجعت تطالع فيها ..
طلّعت جوالها ودقت على قسم الخدم وطلبت من اللي ردت لحاف خفيف ..
دقايق وهي جايه بلحاف فأخذته ملك وهي تهمس: طفي اللمبات اللي من هالجبهه ..
الخداه: حادر ..
وراحت فقامت ملك وبدأت تلبسه باللحاف بشويش وكلها ثواني حتط إنطفت اللمبات اللي من جهتهم ..
رجعت تجلس على كنبتها وهي تطالعه ..
تسائلت عن السبب اللي خلاه يجي ..
يمكن بيغى يشوف أبوه وظل ينتظره حتى غلبه النوم ..
تنهدت .. رجال البيت هالأيام ما ينشافون ..
زوجها وولدها أسامه وحتى أولاده كِرار وجهاد ..
كرار ..؟!
ضاقت عيونها بهدوء .. للحين شايله بخاطرها على حركته اللي سواها فيها لكن تبغى بس تظمن عليه
وتعرف وينه اللحين ..
غمضت عيونها وهمست: الله يسامحك يا بني .. ما ضنيت وري هدونك هذا خطط ضدي .. تعال واعتذر وراح
أسامحك .. بس تعال واعتذر .. ما طلبت كثير ..
دق جوالها بنغمه خربت هالسكون الساند بالمكان فحطته عالصامت بسرعه حتى لا يصحى جهاد وطالعت
بالرقم ..
تنهدت لما شافت إنها أختها منال ..
قبل شوي قالت لها بأجيك الليل فليه تتصل ..؟!
عقدت حاجبها وشالت إيدها من على راس جهاد لما حسست فيه يتحرك ..
طالعت شوي بعدها فتح عيونها تدريجياً وجلس يطالع حوله بعدها طالع باللحاف بتعجب ..
لف وراه فعقد حاجبه لثواني بعدها إستوعب إنها أمه ..
لف وجهه بسرعه وشال اللحاف عن رجوله ..
أخذ مفاتيحه وعلبة الحبوب حفته من فوق الطاولة فقالت له: وحشتني شوفتك يابني ..
ما رد عليها .. مو قادر يرد أصلاً ..
لأنه للحين مو قادر يتقبل حقيقة أمه ..
ما ييغها تكون إنسانه مشوّه بنظره ..
هذه أمه .. شيء مقدس بحياته فليه تكون كذا ..؟!
شال جواله وطاله في الساعه ..
له ساعتين ينتظر أسامه ونام بدون لا يحس ..
إنزعج لما شاف إن صلاة العشاء جت وخلصت وهو نايم ..
ما كان قصده ينام ..
كان بس بياخذ من دواه ويريح شوي ..
قام فقالت: على وين ..؟!
راح وهو يقول: للصلاه ..
طالعت شوي بعدها وقفت تقول: لا تنسى ترجع تتعشى هنا خلاص ..؟! راح أنتظرك ..

جاها صوت جهاد يقول: ما أضن بأجي ..
وبعدها بعد عن أنظارها ..
أخذت نفس عميق ورجعت تجلس عالكنبه وهي تطالع في اللحاف بحزن ..
هالمعامله الجافه تضايقها وخصوصاً إنها جايه من ولدها اللي ظلت على أمل تشوفه لسنوات طويله ..

//

قلبت أنجي في قنوات التلفزيون بعشوانه وهي جالسه بهالصاله الداخليه ..
ملل .. مافي شيء تتابعه ..
التلفزيون صار مُمل بشكل يقتل ..
قلبت لها على مُسلسل بدراما واضح إنه حلو ..
طالعت له لدقايق بس حسست حالها مالها نفس ..
حطته على الصامت وانتقلت لجوالها ..
لفت لما سمعت الباب يفتح فشافت جهاد داخل ..
عقد حاجبه لما شافها بعدها تنهد يقول: السلام عليكم ..
ولف على طرف الصاله عشان يصلي ..
ردت عليه: هلا وعليكم السلام ..
طالعتهُ مُستغربه جاي يصلي هنا ..
رجعت تطالع بجوالها فتذكرت كلام حلا ..
معقوله فعلاً فيه شيء بين جهاد وأمها ..؟!
ما عليه .. بس يخلص بتسألها ..
صارت كل شوي تلف عليه حتى خلص ..
طفت جوالها ولفت بجسدها لجهته متكيه بدقتها على طرف الكنبه العلوي ..
وقف ولف يطالعها فابتسمت تقول له: واااه من زمان ما شفتك ..
إبتسم يقول: كيفك أنجي ..؟!
أنجي: عال العال ..
أشرت له يجي فقال: لا وراي مشوار ..
أنجي: طيب تعال .. بس بتكلم معك شوي ..
تنهد وجاء لها ..
جلس على الكنبه المُجاوره فعدلت جلستها تقول: جهاد وش بينك وبين مام ..؟!
إندهش من سؤالها بعدها إبتسم يقول: ولا شيء ..
غمزت له تقول: علينا ...!!! ترى واضح إنو فيه شيء ..
جهاد: تتخيلين ..
أنجي: حلا قالت لي إنكم إثنين قابلتم العد أقصد المزارع قصي ومن بعدها وكل واحد فيكم بجهه .. مام متضايقه دايم وتسال عنك وانت إختفيت من البيت تماماً ولما جيت لمره قلت لها لا تقولي لمام ..
لف وجهه يهمس: ذيك القزمه محد يأمن لها على سر ..
جهاد: لا بس يعني إنشغلت في الأيام الأخيره ولما جيت كنت أبغى بس أتكلم مع كِرار شوي فما حببت تدري عني أمي .. يعني بتقعد تسألني عني وعن أحوالي وعن سبب غيابي الطويل و و وبكذا ما بخلص .. فهمتي علي ..
ضاقت عيونها تطالعه بشكل فابتسم يقول: أفا أنجي .. أنا أخوك الكبير فكيف ما تصدقيني ..؟!
أنجي: ماشي نمررها لك هالمره ..
كملت: طيب وكرار وينه ..؟!
جهاد: ها ..
أنجي تقلده: ها وش هالفهاوه اللي جتك فجأه ..؟! كِرار وينه ..؟! مام تسأل عنه وهو تعودنا يتأخر برى البيت بس ما كان يقفل جواله ..
بعد نظره عنها يقول: آه كِرار مشغول شوي ... يعني فيه مشروع بالجامعه ومشارك مع شويه من أصحابه فعشان كذا بات معهم .. وجواله نسيه بسيارتي لما وصلته فخليته مقفل ونسيت أعطيه إياه ..

ضافت عيونها تقول: أنت فعلاً إنسان واضح .. بيان كذبي بسهولة .. مررت الأولى بكيفي بس ما أقدر على الثانية ..

كملت بشيء من الترجي: جهاد جد وين كِرار ..؟! وربي فيه موضوع أبغى أتكلم فيه معه ..؟! عقد حاجبه يقول: أي موضوع ..؟! إبتسمت تقول: سر ..

رفع حاجبه فقالت: لا تحاول ... سر بيني وبين كِرار .. إبتسم شوي فقالت: شفيك ..؟! جهاد: لا بس يعني أحس معاملتك تجاه كِرار تغيرت شوي .. كان إنسان هامشي بحياتكم لكن اللحين

سكت شوي وهمس: بس تأخرتي شوي .. عقدت حاجبها لما وصل لها همسه وقال: هيه جهاد شفيك ..؟! وش فيه كِرار بالضبط ..؟! وضعك مو مريحني ..

تنهد وقال: إهتمي بدراستك وهو راجع إن شاء الله .. رده هذا أقلقها فقالت: جهاد شوف ... وقسم بالله إني مو تاركتك حتى تقول لي كِرار وش فيه ..؟! وجهك كله على بعضه يقول فيه مُصيبه ...!!! لا تحاول تكذب فلامحك تكشفك بسهولة ..

تردد وهو مو ناوي يقول لها أبد .. يعني ... يكفي هو يتضايق عشانه .. ما يبغى يضايقها هي كمان .. وخصوصاً إن خوفها على كِرار صار واضح .. ما يدري يفرح بهالخوف اللي كان لا مُبالاه سابقاً ولا يحزن على وضع كِرار .. ما يبغى يقول لها بس يحس إنها بتغضط عليه لين يتكلم .. إندهشت من سكوتة الطويل هذا اللي بيين إن شكوكها فعلاً في محلها وكِرار صار فيه شيء .. مات ..!!!

فزت بجلستها غصب عنها تقول بصدمه: هيه جهاد ... كِرار مات ..!!!! إنصدم من توقعها المخيف هذا فقال بسرعه: لا لا .. بعيد الشر إن شاء الله .. إرتاحت نسبياً فقالت: جهاد بالله عليك تكلم وقول لي شسالفه ..!!! ياخي تكلم ليه كذا ..!!! بلع ريقه وشتت نظره بعيد عنه يقول: يعني دخل بمشكله مع شوية شباب تضارب معهم بس هم غلبوه واللحين هو بالمُستشفى .. ظلت تطالعه لفترة ..

لا ... فيه شيء مو ضابط بكلامه .. من متى كِرار يتهاوش مع أحد ..؟! هالإنسان بارد ومُسالِم لدرجة كبير .. بس لحضه ... بروده مُستفز .. يمكن يكون هذا سبب المهاوشه .. طيب إذا كانت مُجرد مهاوشه فأيش اللي خلى جهاد ما يقولهم ..؟! إلا إذا

طالعتة بدشه تقول: حالته خطره ..!!! عني إستعملوا ضده السكاكين وشيء زي كذا ..؟! هز راسه يقول: لا لا .. مُجرد ضرب .. مُجرد ضرب ..؟! ماهي مُقتنعه .. أكيد إستخدموا أدوات حاده ..

أنجي: وليه ما قلت لنا ..؟! جهاد: بس ما حبيت أشغلكم .. هو فتره ويطلع من المُستشفى فماله داعي أصلح فوضى من شيء بسيط .. قامت أنجي تقول: جهاد وربي .. وقسم بالله لو رحت إني لأندمك ... إنتظرنى .. بروح معك لكِرار .. إندهش وقام بسرعه يقول: لا أنجي ماله داعي ... قلت لك مُجرد ... قاطعته: قلت لك إنت واضح فلا تحاول تكذب .. ثواني بس وأنزل لك .. والله لأزعل لو سحبت علي .. وبعدها خرجت من الصاله ..

ظل جالس بمكانه هو حاس بالورطه هذه .. ما يبغى أخته تعرف عن اللي صار له .. ما يبغى ..

عض على شفته شوي بعدها قام وخرج من الصاله .. دقائق حتى طلع برى البيت متجه لسيارته .. ركبها وبعدها حركها لجهة بوابة القصر ..

طلعت أنجي من باب القصر تطالع بسيارة جهاد اللي توها طلعت من البوابه .. حسّت بالقهر فلفت على أول سواق شافته وصرخت بوجهه: جهز السياره بسرعه ..!!!

هز راسه وراح طيران فعضت على شفتها تقول: وربي نذاله .. هذا يؤكد إن الموضوع مو بسيط .. لاحقتك

حبيبي ..

عقدت حاجبها لما لاحظت سيارة جهاد وقفت قبل لا تطلع كلها من البوابه ..

ليه ..؟!

معقوله شافها من هالبعده فقررت ينتظرها ..؟!

لفت الطرحه على راسها وراحت باتجاه البوابه وكلها ثلاث دقائق حتى وصلت له مندهشه من اللي تشوفه ..

كانت سيارة أسامه واقفه بوجه سيارة جهاد وشكله كان داخل بالوقت اللي طلع فيه جهاد ..

اللي أدهشها هو هجوم جهاد على أسامه يشده من بلوزته وهو يقول بغضب: جاوبني ليه ..؟؟!!

ابتسم أسامه واللي كان واقف جنب سيارته بعد ما طلب جهاد منه يطلع ..

ما توقع إن جهاد عرف عن الموضوع بهالسرعه ..

تمنى يكون عرف بعد ما خلاص يكتب كتابه عليها ..

أرضاه شوفة جهاد بهالعصبيه ..

إنقهر جهاد من سكوته فقال مره ثانيه: جاوبني يا الحقير ..!!!!!! إنت خطبتها بس لأنك عرفت إنني ناوي أخبطها

صح ..؟؟!! جاوبني صح ..؟!

هز أسامه كتفه يقول: ما أدري عن إيش إنت تتكلم ..

عصب جهاد من إنكاره اللي واضح الإستفزاز فيه فقال: أسامه لا تختبر صبري .. جاوبني بدل لا تنكر بالطريقه

ذي ..

رفع أسامه حاجبه يقول: بصراحه مو عارف إنت كيف عرفت عن خطبتي .. بس يعني مو المفروض تبارك لي

بدل لا تهاجمني بالهمجيّه ذي ..؟! عالعموم شيء مو مستغرب من واحد عاش عيشة شوارع ..

إتسعت عيون جهاد من الصدمه ولكم أسامه بدون تفكير ..

رجع يمسه من بلوزته يقول ما بين أسنانه: لا تسب تربيتي بالنذل ..

طالعه أسامه بهدوء بالغ وهالكمه جد نرفزته ..

ابتسم يقول: اللحين فهمت سبب غضبك .. لا يكون تحبها ..؟! لو كذا فإعذرني لأنني سبقتك لها .. هارد لك المره

الجايه ..

جن جنون جهاد من تصرف أسامه اللي مو قادر يتقبله ..

كيف ..؟؟!! كيف أخ يصلح بأخوه كذا ..!!!!

مو مصدق .. مو مصدق إنه جاد بكلامه وتصرفاته ..

فيه ناس حقيرين ووقحين بس مو لذي الدرجه ..!!!!

مد أسامه إيده وربت على كتف جهاد يقول: لا تخلي هاللي صار يمنحك تحضر زواجي .. إنت أخوي وسندي

فلازم تكون موجود وتزيد فرحتي أضعاف ..

شد جهاد على بلوزة أسامه بقهر واضح ولا هو قادر يستوعب اللي حصل ..

لا .. ليه يصير معه كذا ..؟!

ليه دايم كل شيء بوجهه ..؟!

طالع بعيون أسامه المستفزه بكراهه واضح ..

يكرهه .. ليه ما تعرف عليهم ..!!!!

ليته ما تعرف على عيلته ذي ..

كل فرحه يفرحها معهم تترد له كمشاكل مضاعفه ..!!!!

المشاكل اللي جته بسببهم والضيق اللي عاشه بسببهم أكبر من فرحته بشوفتهم بأضعاف ..

بأضعاف مضاعفه ..

خلاص كره نفسه لأنه ما حمد النعمه اللي كان فيها وكان يبغى يشوف أهله ..

كان دايم يشوف إن عيشته مع أهله أفضل بمنات المرات من عيشته مع الإمام ..

خلاص ندم .. عيشته بذيّك الحياه الهاديّه مع أبوه الإمام أفضل بآلاف المرات ..

يا ليتة ما شافهم ..

على الأقل تكون نظرتة لأبوه ولأمه أفضل من اللحين ..

على الأقل ما عاش هالمشاكل مع أخوانه ولا عرف بوضعهم ..

شد على أسنانه بعدها ترك أسامه ودفعه من صدره بعيد عنه ..


طالع بعيونه شوي بعدها لف وركب سيارته ..

مسك الدرکسون عشان يمشي بس ما قدر ..

حط راسه على الدرکسون وهو يهمس: استغفر الله . الحمد لله على كل حال .. ما قصدت أتذمر على القدر .. أنا

راضي بكل شيء يا الله .. راضي بالمكتوب يا الله فثبت قلبي على دينك وأكتب لي الصلاح بحياتي ..

ضافت عيونه بحزن وكمل: راضي بابتلائك لي يالله .. راضي وأطلب منك فقط الرحمة ..
حرك سيارته وبعّد عن طريق سيارة أسامه ..
تبعه أسامه بنظره بعدها لف بتركب سيارته بس وقف لما قالت له أنجي: وش اللي صار ..؟!
طالعها يقول: ليه إنتي هنا ..؟!
قربت منه تقول: أسامه أنا فهمت شيء ما أتمنى يكون صحيح ..؟!
رفع حاجبه يقول: وش اللي فهمتية ..؟!
أنجي: جارتة البنت اللي تكلم عنها معي ... إنت رحت تخطبها ..؟!
طالعها شوي بعدها لف يفتح باب السيارة يقول: هالمشكلة ما تعنيك يا أنجي ..
تقدمت خطوه تقول: أسامه والله حرام !!!.. هو قال لي إنه يحبها من وهو صغير ... اللي تسويه شيء قاسي عليه ..
وقف قبل لا يدخل للسياره بعدها لف يطالعها وقال بشيء من السخرية: حرام !!!.. قاسي !!!.. أنجي وش الهدى اللي نزل عليك فجاء ..؟!
مو كأنك إنتي نفسها اللي كنتي تطلبي مني زمان أكر حسابات البنات اللي تتهاوشي معهم وتهديهم بصورهم ..؟!
بالله عليك مين أكثر قسوه ..؟! طبعاً كل أعمالك تجاه البنات ..
ركب السيارة ودخل لداخل وهي واقفه لافه وجهها ولا قدرت ترد عليه بشيء ..
هو .. معه حق ..
وحده مثلها المفروض ما تنتقد ولا تتكلم عن الحلال والحرام ..
لفت بعيونها ناحية الشارع اللي راح منه جهاد وهي بصراحه ...
مو عارفه ليه بس تضايقت عشانه ..
مع إن أسامه هو أخوها من قبل لا تعرف جهاد بس تضايقت عشان جهاد ..




على طاولة العشاء ..
كان الجو هادي إلا من بعض الحوارات القصيره بين الأم وزوجها ..
هي جالسه وتاكل بتردد واضح والقلق مسيطر عليها بالكامل ..
وهو جالس بالكُرسي المُقابل بهدوء وكل شوي يطالعها بين فتره وفتره ..
لفت الأم على ولدها تقول: غريبه أصيل هادي مو كالعاده ثرثار ..
طالع بأمه بعدها إبتسم يقول: لا بس أفكر ..
طالع بيارا وكمل: ملوكه إتصلت عليّ أمس تسألني عن كِرار .. فكنت أفكر وش مُمكن يخليه يختفي عن البيت ..
رفعت يارا عينها وطالعت بعيون أخوها الطبيعيه بنظر الكُل إلا بنظرها لأنه كان واضح التهديد بعيونه ..
أشاحت بنظرها عنه فقالت الأم: إيه صح إتصلت عليه كمان ..
طالعت بزوجه تقول: تضن صاير له شيء ..؟!
هز راسه يقول: ملك تقلق أكثر من اللازم .. كِرار قد إتصلت علي أكثر من مره تسأل عنه وفي كل مره يكون السبب تأخره عن البيت ..
الأم: إن شاء الله يكون هذا السبب مثل كل مره ..

أصيل: بس وشو ..؟!
طالعه أبوه يقول: لا تتدخل وخلها ..
طالع بيارا وقال: كُلي كُلي حبيبتي ومثل ما قلت لك لا شيلي هم .. إنسي الموضوع وركزي على دراستك ..
ما قدرت تكمل .. أبوها لو حثها على الكلام كان كملت بس ما تقدر ..
هو سكتها .. وهذا شيء خلاها تتراجع ..
بلعت ريقها وكلت لها كم لقمها بعدها ما قدرت تكمل ..
نفسها مسدوده عن الأكل تماماً ..
تحس مو من حقها تكمل تاكل وهي ساكتة عن الغلط كذا ..
قامت وهي تهمس: الحمد لله ..
وبعدها طلعت على غرفتها بعد ما غسلت إيديها ..
رمت نفسها على سريرها وبدأت تلوم نفسها الضعيفة هذه ..
يا ليتها تكلمت .. يا ليتها كانت مُصره أكثر ولا مشيت مع كلام أبوها وسكتت ..

خايفه .. أكيد أصيل اللحين بيطلع لها ويهددها ..
تخاف إن كلامه اللي بيقوله لها بيخليها تتراجع كُلياً ..
خايفه من هالشيء كثير ..

ضاقت عيون أصيل وراح للمغاسل يغسل إيده وهو يفكر بيارا ..
صدمته .. ما توقعها بتتجرأ اللحين وتتكلم ..
هددها بشكل واضح فليه حاولت تستمر وتتكلم ..؟!
لازم يسكتها للأبد ..
لف لجهة الباب في الوقت اللي دخل فيه أبوه للمغاسل ..
أخذ له منديل قبل لا يطلع فجاء صوت أبوه يقول: وين كِرار يا أصيل ..؟!
إنصدم أصيل ولف لجهة أبوه بعدم تصديق ..
كمل أبوه غسل إيده يقول: إنت تعرف وين وإيش صار له صح ..؟! لا تحاول تنكر ..
بلع أصيل ريقه وقال: بيه وش هالكلام ..؟! وكيف راح أعرف وإنت تدري إن علاقتي معه من آخر سفر لنا
وهي شبه مقطوعه ..
قفل أبوه المغسله بعدها لف وطالع بأصيل لفتره بعدها قال: لا تحاول تلف وتدور .. إعترف عشان ما تتعقد
الأمور بعدين ووقتها إعتراك ما بيكون له أي قيمه ..
إحتدت عيون أصيل يقول: بيه قلت لك ما أدري فليه مُصر ...!!! ما يعجبني هالموضوع ..
لف بيطلع بس وقفه أبوه يقول: ما خلصت كلامي يا أصيل ..
لف أصيل عليه يقول: إذا بتتكلم في موضوع ثاني فراح أسمع لك .. لكن إنك تتهمني بمثل هالإتهام فلا ..
رفع أبوه حاجبه يقول: إتهام ..؟! أنا بس سألتك عن مكان كِرار ..
أصيل: وأنا جاوبتك بس مو مصدقني .. مُمكن أعرف ليه ..؟!
الأب: يعني ما تعرف ليه ..؟!
أصيل: لا ما أعرف ..
طالع أبوه لفتره بعدها قال: أنا أعرف إن اللي قتل مُعاذ هو كِرار ..
شد أصيل على أسنانه بحقد بعدها قال: آها وإن تضن إني بأنتقم منه ..؟! لو بغيت أنتقم كان إنتقمت من زمان
مو اللحين ..
طالع أبوه بهدوء بعدها قال: وليه ما سألتني وش اللي بخليني أعترف لك عن اللي قتل مُعاذ ..؟!
عقد أصيل حاجبه فكمل أبوه: يعني من المفروض إنك ما تعرف وإنك تدور عن اللي قتله فليه أنا أقولك عنه
اللحين مع إني ما أعرف إنك تعرف ..؟!
ضاقت عيون أصيل وفعلاً ليه أبوه علمه وهو يعرف إنه يحقد على اللي قتل مُعاذ وإنه قد هدد بقتل هالشخص ..
سأل: وليه ..؟!
تقدم أبوه وأخذ له منديل يقول: مافي سبب ..
إندهش أصيل من هالجواب ..
أبوه يلعب معه ولا كيف ..؟!
طالع أبوه فيه وقال: بغيت بس أتأكد من ردة فعلك .. وردة فعلك أكدت لي إنك عرفت قريب عن كِرار وإنك
تقريباً أخذت بانتقامك الوهمي هذا ..
أصيل بعصبية: بيه إنت
قاطعه صفق أبوه له كف على وجهه بعدها صرخ بوجهه: وين كِرار ...!!!! لا يكون نفذت إنتقامك الغبي
وقتلته ...!!!!
طالع أصيل في أبوه بحقد بعدها قال: يا ليت ..
خرج من المكان بحده فظل الأب يراقبه بعدها طلع جواله ودق على حارس البوابه وطلب منه يمنع سيارة أصيل
لو حاول يطلع ..
خرج فشاف باب البيدروم مفتوح فعرّف إنه نزل للمرسم حقه ..
فعلاً توقعاته كانت بمحلها ..
بنته كان واضح إن عندها شيء تقوله وأصيل كان واضح إنه يوقفها ..
ما حب يورط بنته الخايفه من تصرفات أخوها بمشكله معه فعشان كذا سكتها وقرر هو يعرف وش صار منه ..
وفعلاً طلع لولده إيد باللي صار ..
وما بيخليه يطلع من البيت إلا لما يعرف وش صلح بالضبط ...!!



في صباح يوم الأربعاء ..
الساعة ثمانية الصبح ..
جالس بصالة جناحها بدون أي شيء تسويه ..
من سمعت بخبر موت أختها اللي ما شافتها حتى تضايقت وبكت عشاتها كمان ..
ومن بعد ذاك اليوم ونفستها شوي متقفله ..
راحت تزور أهلها تتونس معهم بس برضوا الضيقه الصغيره اللي بقلبها لسي ما راحت ..
تنهدت وتبغى شيء ينسيها تفكر بمثل هالأمر اللي تضايقها ..
بس مو قادره .. حتى إنها راحت للمعمل حقها بس ما كان لها نفس تصلح أي شيء ..
ونادر هالأيام ما عاد صارت تشوفه .. يا يشغله يا طلع لمكان ..
أصلاً يعني ما بحثت عنه صدق .. يمكن حتى يكون بالبيت بس ما درت عنه ..
لفت على باب الجناح وشافت نادر داخل ..
ما أمداه ..؟! توها تفكر فيه فعلى طول طلع بوجهها !!
كان الإرهاق واضح على وجهه فقالت: نادر ..؟!
طالعها واستغرب وجودها .. شفيها صدق ما عاد صارت تروح المدرسه إلا نادراً ..؟!
توقعها بتروح بما إنها تحاول تنسى موضوعها أختها المرحومه ..
رسم إبتسامه على وجهه وجلس جنبها يقول: الحلو ليه صاحي ..؟!
إبتسمت غصب عنها تقول: شفيك ..؟! مو متعوده يكون كلامك كذا ..
إبتسم يقول: سُبْحان الله عارفه نفسك مو قد هالكلام ..
طالعته بدشه فضحك يقول: ههههههه أمزح معك .. على طول تصدقي ..
ميلت شفتها تقول: المهم شفيك ما رحت الشغل ..؟!
طالعها شوي بعدها إبتسم يقول بكذب: خربت سيارتي في نص الطريق وظللت أحاول أصلحها بس مافي فايده ..
.. إتصلت بالسابق ورجعني ..
الهنوف: آها عشان كذا شكك مُرهق ..
هز راسه بالإيجاب ..
عقد حاجبه وهو يطالع بتشيرتها اللي لابسته ..
استغربت وطالعت فيه فإنداشت لما شافت الأزارير مو بمكانها وطالع أزارر زايد في النهايه ..
بدت تعدلها واحد واحد بعدها طالعته فشافته مبتسم وكأنه يضحك على هالشيء الآخرق ..
رفعت حاجبها تقول: تستهزء ..؟!
أخفى إبتسامته يقول ببراءه: لا ..
إنزعجت منه وبنفس الوقت متفشله .. وش الفهاوه اللي فيه حتى تقفل أزارر قميصها بالشكل هذا وكأنها طفل بالروضة ..؟!
حاولت تغيير الموضوع تقول: شرايك ننزل تحت ..؟!
هز راسه يقول: لا .. تعبان شوي وبرتاح ..

طالعه تقول: وشو تعبان ..؟! نادر لا جد خلنا ننزل .. لي فتره مهمله هانا ومخليه ميرال تهتم فيها .. تعال ننزل
عندهم .. ذي بنتك يا شيخ شفيك ..؟!
طالعه وهو بجد ما يقدر ينزل حالياً لكن ...
تنهد وقال بابتسامه: طيب .. بس أبدل ملابسي وألحقك ..
هزت راسها وقالت: لا تتأخر ..
خرجت من الجناح ونزلت لتحت ..
خابت ضنونها فاللي كان مع هانا مو ميرال .. كانت منار وجالسه معها تلاعبها بالألعاب ..
جت الهنوف وقالت بابتسامه: هانا !!..
طالعتها هانا وقالت بسعاده: ماما ..
جلست الهنوف تضمها وهي تقول: يا عيون الماما وقلبها وروحها وكُل نبض بشرياتها ..
منار: وااه يا المبالغه ذي .. لو تفهم عليك البنت كانت بطلت تناديك بماما ..
الهنوف: ها ها مرره ظريفه ..
رفعت منار حاجبها فبدأت الهنوف تلاعب هانا بكُل حماس وكأن الضيقه اللي كانت تحس فيها قبل إختفت ..
دقايق وإنظم لهم نادر ..
جلس على الكنبه قدامهم فقالت منار بتعجب: مو رايح لشغلك ..؟!
نادر: لا .. اليوم مو مهم ..
عقدت حاجبها تقول: مو كأنك معرق شوي ..؟!
نادر: آه .. طلعت للحوش قبل شوي أخذ لي شيء هناك والجو بعدطلوع الشمس يكون حار بالعادة ..
إبتسم لهاها يقول لها: وين بوسه بابا ..؟!
قامت هانا له وهي خلاص عرفت إن هالجمله معناتها لازم تقون تبوسه بخده ..
عطته بوسه بخده فإبتسم وباسها بعدها لعب بشعرها شوي قبل لا تلف وترجع للهنوف ..
بنت هي والهنوف سياره من المكعبات فأخذتها هانا بحماس توري أبوها وهي تقول: لوك داد لوك ..
نادر بابتسامه: واااو .. نايس ..
فجت الهنوف وركبت الرجال اللعبه على السياره تقول: لازم هالرجال يسوق السياره ..
طالعت هانا في الرجال وكان الموضوع ما أعجبها ..
شالت الرجال تقول: نو ..
رجعته الهنوف تقول: إلا ..
هانا بانزعاج تشيله: نو ماما نو ..
الهنوف: وليه نو ..؟! شكله حلو ..
طالعت بالهنوف تقول: ماما نو .. يو ستوبيد ..
إندهشت الهنوف لما قالت لها غبيه ..
عقدت حاجبها ولفت على نادر فشافته مبتسم يضحك عالموقف ..
رفعت حاجبها فأخفى إبتسامته وهو يقول: ما كنت أستهزء ..
فميلت شفتها بانزعاج في حين أخذت هانا السياره وكملت تزيد عليها من المكعبات ..
جلست الهنوف عندها تقول: حطي الرجال ..
بعدته هانا تقول: ماما ماما نو ..
الهنوف: شفيها ذي عنيده ..؟! على مين طالعه ..؟!
طالعت بنادر بنص عين تقول: شكلها عليه ..
عقدت حاجبها لما شافته متكي راسه على إيده فقالت: نادر فيك شيء ..؟!
رفعت منار راسها فطالعهم نادر بعدها إبتسم يقول: لا بس مدخدخ نوم .. طالع أنام شوي ..
بعدها قام وراح والهنوف تراقبه بقلق ..
لفت على منار اللي كانت تطالعهم بهدوء تام ..
لفت نظرها وهي تهمس: يا ليتك سمعتي لتحذير أمني وإنفصلتي عنه قبل لا تتعلقني فيه أكثر ..
ما فهمت الهنوف معنى كلامها بس يعني ... حسسها بالخوف ..
إبتسمت لهاها تقول: بكيفك بس الرجال بيطلع أحلى على السياره .. ياللا حطي مكعب من راسك ويبطلع غبي ..
ما فهمت هانا عليها وكملت تلعب ..
ظلت الهنوف تراقبها شوي بعدها ما قدرت تكتم قلقها أكثر ..
قامت وطلعت لفوق ..
فتحت باب جناحها وهي حاسه إن اللي فيه مو بس إرهاق ..
يعني جسده مو ضعيف لهالدرجه حتى يكون يومياً مرهق ..

تخاف يكون مريض بشيء كذا ولا كذا ..
فتحت باب الغرفة المظلمة وهي تهمس: نادر..؟!
مدت إيديها للمبه وشغلته ..
لفت على جهته إتسعت عيونها من الصدمة وهي تشوفه قدامها طايح على الأرض بدون أي حركة ..
هزت رأسها بالنفي قبل لا تسرع له وهي تصرخ بأسمه بكل خوف ورعب ..

ولهننا ننهي البارت على خير ..
مُحبّتكم ألوشاً ()

..××× || part end || ×××.

××× || البّارت الستون || ×××.


ظلت الهنوف تراقبها شوي بعدها ما قدرت تكتم قلقها أكثر ..
قامت وطلعت لفوق ..
فتحت باب جناحها وهي حاسه إن اللي فيه مو بس إرهاب ..
يعني جسده مو ضعيف لهالدرجة حتى يكون يومياً مُرهق ..
تخاف يكون مريض بشيء كذا ولا كذا ..
فتحت باب الغرفة المظلمة وهي تهمس: نادر..؟!
مدت إيديها للمبه وشغلته ..
لفت على جهته إتسعت عيونها من الصدمة وهي تشوفه قدامها طايح على الأرض بدون أي حركة ..
هزت رأسها بالنفي قبل لا تسرع له وهي تصرخ بأسمه بكل خوف ورعب ..
جثت على رُكبته قدامه وهزته وهي تقول بخوف: نادر .. نادر نادر سامعني ... نادر قوم بالله قوم شفيك !!!
بدت تبكي وهي تردد: نادر .. نادر قوم .. نادر نادر ..
مافي أي إستجابة .. عيونها تغرقت دموع من شدة خوفها من اللي يصير قدامها ..
قامت بسرعه وخرجت متجهه لغرفة أمه ..
مو عارفه وش تسوي ولا عارفه كيف تتصرف ..
أول مره تشوف بعيونها مو قف زي كذا .. خايفه كثير ..
فتحت باب غرفتها بطريقه حاده وهي تقول بخوف: يا خاله !!!
لفت عليها أم نادر بدهشه بعد ما كانت منشغله بترتيب سريرها وإنصدمت من وجه الهنوف اللي يقول فيه
مُصيبه صارت ..
جت لها الهنوف وقالت وهي ترتجف من الخوف: خاله نادر .. يا خاله نادر مدري شفيه ... ما يرد عليّ .. أهزه
ولا يكلمني
إتسعت عيون الأم من الصدمة وطلعت بسرعه من الغرفة وهي تقول: وينه ..؟؟!
لحقتها الهنوف تقول: ف في غرفتنا ... بالأرض ... يا خاله أنا خايفه ..
الأم تحاول تهديها: لا مو صاير إلا كل خير .. يمكن يكون إرهاب من شغله ..
الهنوف بقلق: بس يا خاله هو ما راح اليوم الشغل ولا أمس ولا حتى قبله ...!!! كيف يكون إرهاب !!!
ما ردت عليها الأم ودخلت للغرفة ..
إندهشت لما شافت ولدها فجلست قدامها بخوف وهزته تقول: نادر نادر سامعني ..؟!
لفت على الهنوف اللي تبكي وصرخت عليها: إتصلي بالإسعاف بسرعه ...!!!
إنفجعت الهنوف من صراخها فلفت وسحبت جوال نادر اللي كان بوجهها ودخلت على لوحة المفاتيح بس
ما تعرف ..

طالعت بخالتها تقول: خاله كم رقمهم ..!؟ ٩٩٨ ولا ٩٩٧ ..!؟
شدت خالتها على أسنانها من هالغباء فقامت بنفسها وأخذت الجوال ..
دقت على ٩١١ وطلبت الإسعاف ..

//

خلال ساعه تقريباً وبالمُستشفى ..
جالسه الأم على الكرسي وغارقه بتفكيرها وقلقها ..
بينما منار تركت هانا عند الشغاله وصارت تمشي رايحه وجايه بقلق ..
والهنوف على أعصابها .. مره تمشي ومره تجلس ..
حاسه بخوف مو طبيعي وكُل شوي تسأل متى يطلع الدكتور من عنده ..
ظلت تطالع فيها الأم شوي بعدها قالت: الهنوف روجي إشتري لي كوب شاي ..
عقدت الهنوف حاجبها باستنكار من هالطلب وطالعت بخالتها ..
مين الرايق اللي يطلب كوب شاي بمثل هالضروف ..!؟!!
الأم ببرود: سمعتيني صح ..!؟
فتحت شنطتها وعطتها فلوس تقول: وأمشي شوي شوي حتى لا تكبي الشاي طول الطريق ..
حست الهنوف حالها راح تبكي .. شايله هم نادر وبوقوه وذي تبغاها تروح تجيب لها شاي ..
ما تبغى ... تبغى تقعد عند نادر ..
تقدمت وأخذت الفلوس بعدها راحت تدور كافتيريا بالمُستشفى ..
تنفست الأم بهدوء في حين كانت منار تطالعها وهي عارفه نوعاً ما سبب هالطلب الغريب ..
دخل ممرض للغرفه بعد ما طلع منها قبل عشر دقائق تقريباً وبأيده مجموعه نتائج وأوراق ..
عشر دقائق ثانيه مرت قبل لا تطلع الدكتور ف راحت لها منار تقول بقلق: وش فيه أخوي يا دكتور ..!؟
طالعتها الدكتور بهشيه من التردد بعدها لفت على الأم اللي كانت جالسه بهدوء وسألت: إنتي والدۀ المريض
..!؟
هزت الأم راسها فقالت الدكتور: طيب يا ليت تجي المكتب نتكلم شوي ..
الأم بهدوء تام بدون لا تقوم: أعرف وش فيه ولدي ..
عقدت الدكتور حاجبها فقالت الأم بهدوء: مريض بمرض الإيدز صحيح ..!؟ هذا اللي بغيتي تقولي لي إياه ..!؟
إندهشت الدكتور لو هله بعدها تنهدت بعمق تقول: هذه هي التحاليل الأولى وأكدت إن ولدك مريض بهالمرض
من فتره مو قصيره .. التعب اللي جاء اليوم كان بسبب إرهاقه الشديد وإهماله في مواعيد الأدوية اللي ياخذها
وتدري مرضى الإيدز تكون مناعتهم ضعيفه وعرضه لأي تعب ..
طاح كوب الشاي من إيدها بعد ما سمعت جملة الدكتور الأخيرة فإندمعت الأم ولفت على جهتها وفعلًا كانت
الهنوف ...!!
كيف جت بهالسرعه ..!؟!!
تقدمت الهنوف بخطوات سريعه للدكتور ومسكتها من إيدها تقول: دكتور وش اللي كنتي تقولي قبل شوي
..!؟!! مين هالمريض اللي فيه مرض الإيدز ..!؟!!
بدأت نبرة البكي بصوتها وهي تقول: ماهو نادر صحيح ..!؟ ماهو زوجي نادر صح ..!؟
إندهشت الدكتور وقالت عدم تصديق: المريض متزوج ..!؟!!
إتسعت عيون الهنوف فجملتها هذه تأكد إن المريض بهالمرض ... هو فعلاً نادر ..
لا ... هي عارفه .. عارفه إنه تعبان ..
كذا مره شافته تعبان .. وكذا مره شكت إنه مريض ..
بس عمرها ما شكت بهالمرض ..!؟!! هي مو مصدقه ..
فيه شيء غلط سمعته ..!؟!!
نادر يستحيل يكون مريض بهالمرض ...!!
صرخت بوجه الدكتور ببكي: نادر مُستحيل يكون مريض بهالمرض ...!!!!
مسكتها منار تقول: الهنوف حبيبتي خلاص إنـ...
دفتها الهنوف بعيد عنها وهي تصرخ بإنفعال: إبعدي ...!! لا تتصرفين وكأن الكلام هذا صحيح ...!!
هزت راسها وهي تشنت عينها في كُل مكان: نادر مو مريض ...!!!! نادر ما عنده هالمرض ...!!!! نادر
توقفت عن الكلام شوي لما الأرض من حولها بدت تلف فيها وكلها ثواني حتى طاحت على الأرض بلا وعي ..

قامت الأم لها بسرعه في حين صرخت الدكتور: نقاله بسرعه ...!! فيه مريضه هنا ...!!!



الساعه عشره ونص الصباح ..

وبالمُستشفى ..

جت من بدري كعادتها بس بما إن الدكتور وليد تأخر فراحت لمكتبالإستشاره الطبيه تأخذ بعض المرضى وتحولهم للأقسام المُناسبه لهم عشان يكملوا إجراءات الجراحه وغيرها ..
رفعت معصمها تطالع بالساعه بعدها قالت للممرضه: إكتفي لي بخمس مرضى بعد اللي راحت .. عندي شغله بعد ساعه ..

هزت الممرضه راسها بعدها طلعت تنادي على المريض التالي ..

أخذت لها نفس وهي حاسه بصداع .. من بعد المُشكله اللي صارت بالبيت وهي مو قادره تنام ..

همست: الله يهديها ترف ويريحنا من عنادها وعقليتها ذي ..

دخلت مريضه وجلست على الكرسي ..

إبتسمت بنان وسألت: إسمك ..؟!

المريضه: سعديه محمد ..

فتحت بنان ملفها من على الكومبيوتر بعدها بدأت بشغلها معها ..

بعد ٤٠ دقيقه تقريباً خلصت بنان وخرجت من المكتب وقررت تشرب لها شيء قبل لا يجي وقت جراحتها اللي مُشتركة فيها بعد ثلث ساعه تقريباً ..

راحت واكتفت تأخذ لها كوب كابتشينو ..

مشيت بممرات المُستشفى بهدوء وهي قبل شوي إتصلت عليها أمجاد تقول لها ن الدكتور وليد جاء لكن راح على طول لجراحته بواحد من المرضى ..

معاناته عالساعه ١١ تكون خلصت هي جراحتها وهو خلص جراحته من زمان فتقدر تقابله عشان موضوع

كرار ..

كرار ..؟!

لفت وقررت تلقي عليه نظره ..

خلال خمس دقائق كانت بالقسم اللي هو فيه ..

وهذا اليوم الثاني ما شافت جهاد كالعاده جالس ..

شكل هاليومين لازم يروح للجامعه .. يمكن إختبارات أو غيرها من الإلتزامات ..

فتحت الباب ودخلت على كِرار تلقي عليه نظره ..

إندهشت لما شافته جالس بهدوء يطالع بالفراغ ..

حطت الكوب على الطاولة وجت لعنده ..

إبتسمت تقول: الحمد لله على السلامه كِرار ..

ما رد عليها وظل على نفس وضعه فخمنت إنه ما سمعها ..

لفت تطالع بالمؤشرات الحيويه بالأجهزه فشافت كل شيء طبيعي ..

ظلت تطالعه شوي بعدها قالت: كِرار ..
ما رد عليها .. رفعت صوتها تقول: كِرار ..
إستغربت لما ما لف عليها .. يعني حتى لو سرحان فصوتها العالي يصحي أي أحد من شروده ..
عقدت حاجبها لما لف وطالعتها ..
إبتسمت تقول: كِرار كيفك اللحين ..؟! من متى صحيت ..؟!
طالعتها لفتره بعدها همس: أبغى مويه ..
قامت تقول: اللحين أجيب .. دقيقه بس ..
طلعت وفي أقل من دقيقه جابت قاروره مويه متوسطه البروده ..
فتحتها له وقدمتها ..
أخذ القاروره وشرب له رشفه ..
ومع إحساسه بانسياب المويه بصدرة إرتجفت إيده ورمى القاروره بعيد وهو يحط راسه بين إيديه ..
إندهشت بنان للحضه بعدها فهمت إنه تذكر اللي صار له وطلع هالتصرف منه لا إيرادياً قالت بهدوء: كِرار
تحب أجيب لك شيء ثاني ..؟!
جاها صوت كِرار الهامس: لا .. إطلعي ..
ظلت تطالعه لفتره وهو مخبي راسه بين إيديه والرجفه واضحه بجسده ..
ضاقت عيونها بحزن عليه بعدها قالت: كِرار تحب تشوف أحد من أهلك ..؟! تبغاني أدق على واحد منهم ..؟!
كرر جملته: لا .. إطلعي ..
ما تبغى .. ما تبغى تطلع وتخليه بدون لا تسوي شيء وفي الوقت نفسه ما تعرف وش تسوي ..
أخذت نفس عميق بعدها دقت الجرس ..
دخلت الممرضه فأشرت بنان على المويه المكبوه على الأرض تقول: قولي لأحد يجي يمسخه ..
هزت راسها وطلعت ..
ناظرت بنان بكِرار شوي بعدها مدت إيدها على كتفه .. إرتاحت لما ما ضايقه الموضوع فقالت: كِرار تحس
نفسك بتقدر تاكل الفطور لو جبت لك ولا ننتظر للغداء على ما تستعيد نشاطك شوي ..؟!
ما رد عليها .. سكنت شوي بعدها قالت: تدري .. جهاد له أيام وهو دووم جنب الغرفه ينتظرك تصحى .. راح
يفرح كثير لما يجي ويلافك صاحي ..
برضوا ما لقت منه أي تعليق أو إستجاباه ..
رجعت تسكت من جديد تفكر بموضوع تقوله وتنسيه الحادثه اللي أكيد هو جالس يسترجع تفاصيلها ..
هزته شوي تقول: تتوقع وش الطابق اللي إحنا فيه ..؟!
والاااه ... قد إيش هي غيبه !!
وش هالموضوع الغبي اللي فتحته ...!! تتمنى بس تختفي على هالسماجه اللي قالتها ...!!
نزل كِرار إيده ولف يطالعتها لفتره ..
توترت .. بسرعه تبغى موضوع تقوله دامه يطالعتها ..
إبتسمت تقول: تحب أخذك بجوله ..؟! هالمستشفى فيه كثير مناظر جميله ..
فتح فمه وكأنه نوى يقول شيء بس قاطعه فتح باب الغرفه ودخول عامل نظافه بممسحة شعر حتى يمسخ
المويه ..
إتسعت عيونه تدريجياً وهو يطالعه ..
وبشكل سريع مُتتالي بدت تتضح براسه أحداث ذيك الليله بتفاصيلها ..
صحي وكل اللي كان براسه مجرد مُقتطفات صغيره لكن ... كل شيء اللحين إتضح له ..
كل شيء ..
شد على راسه بقوه وهو يصارخ: إبعـد ...!!!
خافت بنان ومسكت بإيده تبعدها عن راسه وهي تقول: كِرار شفيك ..؟! إنت
ضرب بإيدها عنه وهو ما زال يشد على راسه والإنفعال واضح عليه وهو يرجع يصارخ بـ: إبعـد ...!!!
طلعوه ...!!! كلهم إبعـدوهم ...!!!
خاف العامل من تصرف هالمريض فلقت بنا على العامل تقول: مغليه إطلع اللحين وأترك المويه بحالها ..
هز راسه وطلع فقالت بنان وهي تحاول تهدي كِرار: كِرار خلاص خلاص إهدأ ...!!! أبعدته برى ف...
قاطعها صوته المنفعل: لا ما بـعد ...!!! ما بـعد لسى ...!!! إبعـدوهم ...!!!
حاولت من جديد تمسكه تهديه لكن هالمره دفعا بعيد عنه وهو بحالة إنفعال شديده ما توقعتهأ أبد ..
تحس إنه مو بوعيه .. وتشك بيانه للحين يتخيل اللي صار له ويتكلم على هالأساس ...!
ضربت الجرس وخلال ثواني دخلت الممرضه وإندهشت لما شافت حالة كِرار ..
صرخت عليها بنان: بسرعه جيبني إبره مُهدي بـ أنيقاين وجيبني معك مُمرضه ثانيه .. بسرعه ..

هزت الممرضة راسها وطلعت دايركت فقربت بنان من جديد لكرار تحاول تهديه لكنه من جديد دفها عنه فعضت على شفتها لما حكت إيدها بجزء حاد بوحده من الأجهزة ..
دخلت الممرضة شايله الإبره ومعداتھا ومعھا ممرضتين ثانیات ..
أخذت بنان الإبره وعیتھا بأربع ملغ تقريباً بعدها لفت على الممرضتين تقول: ثبتوه عدل ..
جت كل وحده منهم بجهه وحاولوا يسدحوه على السریر ويثبتوا إيده ..
قاومهم لكن مقاومته كانت ضعيفه بما إنه توه صاحي من فتره إغماء كانت شوي طويله ..
قربت الإبره من منطقة الشريان بساعده وفرغت السائل فيها ..
شوي شوي هديت مقاومته تدريجياً وشعر بجسده يثقل ..
تركوه الممرضات وتنهدت بنان بعمق وهي تشوف نظراته الناعسه تحديق بالسقف بشرود ..
لفت بنان عليهم تقول: لما يجي الدكتور وليد المسؤول عن حالته بلغوه باللي صار خلاص ..؟! ولا تنسوا تعطوه جرعه ثانيه بعد ثلث ساعه ..
الممرضة: حادر ..
ألقت عليه نظره أخيره بعدها لفت .. أخذت كوب الكابتشينو وطلعت من الغرفه ..
طالعت بساعتها وشافت باقي تقريباً عشر دقائق فشربت من كوبها وتفكيرها كله بكرار ..

//

بدل الدكتور وليد بدلة الجراحه ببذلته بعد ما خلص من جراحته قبل شوي ..
رجع يلبس البالطو الطبي وطلع من مكتبه ..
مشي بالممرات وهو يكلم بالجوال واحد من الأطباء بوحده من المواضيع المتعلقة بالمستشفى والمرضى ..
قف الجوال بعد ما وصل للقسم اللي فيه إثنين من مرضاه واحد منهم كرار ..
طل على الأول وشاف تطور حالته بعدها إتجه لغرفة كرار .دخلها فدخلت وراه الممرضة لما شافته ..
طالع بكرار النائم ولف على المؤشرات الحيويه يطالعها فجت الممرضة عنده تقول: دكتور وليد ..
طالعها فقالت: خلاص صحي ولد هذا بس هو يكون مررره مو كويس ويصرخ فالطبيب بنان يعطيه مهدئ وتقول نقول لك عن هذا اللي صار ..
هز الدكتور وليد راسه وقال: متى عطيتوه المهدئ ..؟!
الممرضة: واهد وبعدها بثلاث ساعه أعطيناه واهد ثاني ..
طالعها الدكتور وليد وقال: لو صحي مره ثانيه عطوني بلاغ قبل لا تبدأوا بأي إجراء ثاني ماشي ..؟!
الطبيب: حادر ..
خرج الدكتور وليد من الغرفه ومشى شوي ..
وهناك ... قريب منه عند الريسبيشن ..
كان فيه واحد مشبوه واقف ..
مر الدكتور وليد من جنبه وأعطاه نظره خاطفه خلت هالشباب يلف ويبعد عن المكان ..
وأما الدكتور وليد كمل طريقه لشغلته الجايه ..

وخلال ساعه ..
جلست بنان على كرسي مكتبها وهي تدلك كتفها اللي إنكسر من كثر التركيز بالعملية ..
كانت دقيقه جداً فمع التركيز طبعي تنشد عضلات الجسد ..
طالعت بأمجاد تقول: وربى بنص العملية شوي وأصارخ أطلب إستراحة .. ظليت ماسكه جهاز الشفط لنص ساعه تقريباً .. كنفي بجد تكسر والدكتور الله يهديه شوي بطيء ..
أمجاد: بصراحه مو عارفه بإيش أواسيك ..
بنان: فيك الخير والله ..
لفت على الباب لما أحد دقه فأندهشت لما شافت الدكتور وليد ..
قامت من مكانها تقول: أهلاً دكتور ..

د.وليد: وينك مختفيه ..؟! فضيت لساعه تقريباً وبغيتك حتى تصلحي الفحوصات اللي تبغي تصلحها بس ما شفتك ..

بنان: كنت بجراحه وتوني مخلصه ..

د.وليد: أجل إلحقيني لأنني بعدها راح أنشغل بأمر ثاني وما بيمدك اليوم وخصوصاً إن بكره عندي إنتداب لمؤتمر بأحد فروع المستشفى فالיום آخر فرصه ..

بنان: اللحين أكون موجوده ..

لف الدكتور وليد وخرج وهو يقول: لا تتأخري ..

أخذت بنان نفس وبصراحه داخلياً بدت تشك بأقوال الدكتور ثامر وشكوكه المبالغ فيها ..
الدكتور وليد يتصرف طبيعى وهذا غير عن الضيقه الخفيفه الواضحه بعيونه وكأنها ضيقه جايه من دكتور تشك فيه طبييته المتدريه ..

حست بشيء من الندم صراحه ..

أخذت نفس عميق بعدها لفت على أمجاد حتى تقول لها إنها بتروح بس شافتها حاطه السماعات على أذنها ومنشغله تفتح السنابات بجوالها ..
تنهدت بعدها لفت وخرجت ..

إتجهت للمصعد وضغطت الزر بس إندهشت لما شافته بالدور العاشر ..

يووو مشوار على ما يوصل لها والفرق بينها وبين غرفة كِرار هو طابق واحد ..

راحت للدرج الخلفي ونزلت درجه وحده ..

كان الأمر سريع ومُفاجئ حتى بالنسيه لها ..

إيد غريبه ثقيله إنمدت ودفتها للأسفل ..

إتسعت عيونها من الدهشه وما حست بنفسها إلا تصارخ من الألم حتى وصلت لآخر الدرج ..
جوا لها بسرعه بعض الأطباء والمرضين اللي سمعوا صرختها بينما هي جلست بالقوه وتحس بالأم بشتى أنحاء جسدها ..

لو ما حاولت تمسك بالدرج وتتعديل لكانت اللحين طاحت على راسها ووصل الموضوع لإرتجاج بالمُخ أو وفاة لا سمح الله ..

أمر الطبيب المرضين يجيبوا بسرعه نقاله تفادياً لأن يكون فيها كسر بالرقبه أو العمود الفقري ..
إستسلمت لهم بنان حتى نقلوها بإحدى غرف المستشفى ..

غمضت عيونها وهي تدعي إن الموضوع يقتصر على رضوض بالجسد وخلاص ..

تتمنى ما يوصل الموضوع للكسر ..

بدأوا يجهزوا يعملوا الأشعه بينما فتحت هي عينها وحاولت تحرك أصابع رجلها وإيدها ..

إرتاحت لما قدرت تحركهم وهذا يعني بإذن الله مافي شلل ..

خلال نص ساعه قال لها الدكتور: طيبه بنان بصراحه الأشعه تقول إنه فيه شعر بإيدك اليسرى ..

بنان بدشه: لا تقول !!!

الدكتور: للأسف ويبغالك تجبير وبما إنه شرخ صغير فما بتطول الجبيره بإيدك .. الله يهديك كان المفروض تنتبهي لطريقك ..

أخذت بنان نفس تهمس: ما حسيت بنفسي إلا وأنا متشقلبه .. الله كريم ..

الدكتور: الحمد لله على سلامة الجسد والحمد لله إن الموضوع إقتصر على شعر صغير بالإيد ..

بنان: الحمد لله ..

فتح الباب ودخل الدكتور وليد ومعاه المتدربين سعد وأمجاد ..

أمجاد: يا قلبي بنان !!! كيف صار لك هذا ..؟! ألف ألف الحمد لله على سلامتكم ..

بجلست بنان وقالت لها: الله يسلمك ..

سعد: ما تشوفي شر يا بنان وألف الحمد لله على السلامة ..

بنان: تسلم والشر ما يجيك ..

د.وليد: قلت لك لا تتخاري بس موعني تجي ركض وتنشقلبي بالشكل هذا !!!

ضحكوا أمجاد وسعد فابتسم وقال: الحمد لله على سلامتكم ..

بنان: الله يسلمك دكتور ..

فتح الباب ودخل الدكتور ثامر بهالوقت ..

إبتسم لما شاف بنان وقال: كنت حاس إن الكعب بيوطح الحرمة بيوم من الأيام من فوق الدرج .. إحساسى كان بمحلّه ..

رفعت حاجبها على التعليق اللي مو بوقته وهي اللي ضنته جاي كمان يتحمد لها على السلامة ..

ضحك على ملامح وجهها وقال: ياللا الحمد لله على السلامه .. مُشكله لو متي لا قدر الله .. بعدين أخوك مين بيهتم فيه ..؟!

رفعت حاجبها .. وشفيه هذا هو وكلامه اللي مو بمحلله ..؟!

الدكتور وليد: خلاص أنا طالع اللحين .. بوالنسبه للفحوصات ف مدري وش أقول .. ما أضنك بتقدري اليوم .. بأحاول بُكره أجي وأسحب على المؤتمر لكن لو ما قدرت فسامحيني ..

بنان بشيء من الإحباط: هذا قدر .. إن شاء الله بُكره ..

رفع الدكتور ثامر حاجبه ولف على المُتدرب اللي دخل معه وسأل: كسر الإيد يمنع من إجراء الفحوصات للمرضى ..؟!

المُتدرب بعبط: يمكن يكون المريض ثقيل فصعب يشيله بإيد وحده ..

طالع الدكتور وليد فيهم وواضح الدقه الموجوده بكلامهم لأنه من المعروف إن الفحوصات ما تستدعي إن الطبيب يشيل المريض ولا حتى لازم يستخدم إيداه الثنتين ..

لف الدكتور وليد وطلع فطلع وراه سعد وحركت أمجاد إيدها تقول: باي بنان .. جايتك بعد ساعه لما أفضى ماشي ..

إبتسمت لها بنان بعدها طلعت ..

لفت بنا على الدكتور ثامر وقالت: هو راح ينشغل بعد شوي وأنا ما أقدر أقوم إلا لما يعملوا الجبيره لإيدي ووقتها راح يكون خلص الدوام ..

أخذت نفس وكملت: غير كذا جسمي كله يؤلمني .. بالعافيه قدرت أجلس .. حت يمكن ما أقدر أجي بُكره .. د.ثامر: ومتى بيعملوا العمليه له ..؟!

بنان: بعد بُكره ..

رفع الدكتور ثامر حاجبه وقال: طيب بنان .. إنتي كيف طحتي من الدرج ..؟!

هزت كتفها تقول: مدري .. يمكن ترحلقت بالغلط و....

د.ثامر: وما لقيتي تترحلقي بالغلط إلا لما تروحي للدكتور وليد عشان الفحوصات ..

لف على المُتدرب اللي معه يقول: معقوله تكون صدفة ..؟!

المُتدرب: أكيد .. إنت ما تدري إن أي موضوع فيه الدكتور وليد لازم الحوادث اللي تصير تكون صدفة ..

طالع بنان وكمل: لا تشيلي هم من كلام الدكتور ثامر .. طيحتك أكيد صدفة دامت نويتي تروحي للدكتور وليد ..

رفعت بنان حاجبها .. هالدكتور حتى مُتدريه صاروا يشابهونه ..

د.ثامر: عالعموم ما أقول غير الحمد لله على سلامتكم وبالنسبه لبُكره لازم تجي .. عندي كلام راح أقوله ..

هزت بنان راسها فقال المُتدرب/ الحمد لله على سلامتكم ..

بنان: الله يسلمك ..

لف الدكتور ثامر وخرجوا ..


أخذت بنان نفس عميق وإنسدحت بهدوء تفكر بنوع طيحتها ..

هي طاحت صدفة صدق ..؟!

مو قادره تتذكر .. كانت سرحانه بموضوع أخوها و...

عقدت حاجبها لما حسّت بان وقتها شيء صك فيها من وري وعشان كذا طاحت ..

قطع تفكيرها دخول بعض الأطباء اللي يعرفوها وسمعوا باللي صار وبدأوا يتحمدوا لها بالسلامه ..



وبإحدى المقاهي في المدينه ..

جالس على الكرسي وقدامه كوب شاي وسرحان بتفكيره ..

شوي جلس قدامه ذياب يقول بتعجب: عم شنو اللي ميلسك هني ..؟!

طالع فيه عزام وقال: إنت جيت ..؟!


تلفت ذياب في المكان حوله يقول: ما توقعت تحب تيلس في المقاهي ..

رجع يطالع بعمة وكمل: خير عسى ماشر ..؟! ليه تبيني ضروري ..؟!

عزام: قلت لي إن أخوك جاء صح ..؟!
 ذياب: إيه وبغيت أرميه مع راشد يرجع معه بس ما قدرت عليهم .. علاقته براشد قويه وتعاونوا يسحبوا علي..
 المهم راح أحجز له طياره وأجبره يرجع ..
 عزام: أجل خلني أشوفه قبل لا يروح .. من زمان عنه ..
 ذياب: تامر أمر ..
 بعدها رجع يسأل: مو هذا الموضوع اللي مناديني عشانه صحيح ..؟!
 تنهد عزام وقال: ذياب ..
 ذياب: سم ..
 ظل عزام ساكت لفتره بعدها همس: أنا ندمان ..
 عقد ذياب حاجبه وقال: على شنو ..؟!
 عزام: على سفرتي الطويله اللي أهملت فيها عيال جواهر ..
 تنهد ذياب وقال: مو غلطك .. سافرت لسبب صحي وبعدها لما رجعت كان خالهم أخذهم وإنت ما قدرت تلاقي لهم طريق ..
 عزام: لكن لو وقتها قضيت حياتي أدور في شوارع جده لكنت راح ألاقهم .. رغد ما كانت راح تموت .. وحسام
 ما كان راح يكرهني ..
 ظل ذياب يطالعه شوي بعدها قال: هذا قدر .. ومالنا إعتراض على القدر ..
 أخذ نفس عميق وبعدها أخذ الكوب وأخذ لهرشفه من الشاي ..
 رجعه على الطاولة بس ما خلاص صار بارد مع الوقت ..
 طالع بذياب وقال: يحيى ..
 عقد ذياب حاجبه يقول: شفيه ..؟!
 عزام: ما سألني عن سبب غيابي عنهم .. بديت أحس بالذنب وأنا أشوفه يحاول يتجنب يسأل هالسؤال ..
 سكت لفتره بعدها كمل: أمه هي أكثر وحده أنا شاك بإنها قتلت جواهر هي الوحيدة من زوجاتي قد
 قابلت جواهر وجه لوجه .. وهي الوحيدة اللي كانت ردة فعلها غريبه من خبر موتها .. بكانها المبالغ فيه
 يشككني بإنه مُصطنع .. ولا تنسى بإنها إتصلت على جواهر في نفس اليوم اللي ماتت فيه فكيف ..؟! رقم
 جواهر كيف أصلاً جاء معها ..؟!
 هز راسه بالنفي وكمل: ما أقدر أمنع نفسي من إني أكرهها وأكره أي شيء يجي منها حتى لو كانوا عيالها ..
 إستمع له ذياب بهدوء ولا علق فكمل عزام بشيء من السخرية: يكفي مُعاملتها الحسنه اللي شفتها بعيني ..!!
 وبعدها حل الصمت لفتره قبل لا يتكلم عزام من جديد يقول: مشاعري ناحيتها كانت نفسها مشاعري ناحية أم
 حور .. حتى هي كرهتها بسبب معاملتها الحسنه كمان .. لو كمان ما شفت بعيني كان قلت وحده طيبه مثل ذي
 مُستحيل تقتل جواهر .. ذي أكثر وحده كانت مصدومه من خبر زواجي حتى إني للحين أتذكر كل حرف من
 كلمات التهديد اللي قالتها وهي مصدومه من الموضوع ..
 ضاقت عينونه وقال: وملك كانت أكثر وحده شاك فيها بس بعدين بديت أشك بالعكس ..
 سكت شوي بعدها قال: فعشان كذا كرهتهم كان بودي أطلقهم بس بهالشئ راح أترك لهم الحرية يبدوا
 حياه جديده .. شخصياً سويت هالشئ كإنتقام .. خلوهم يعرفوا وش يعني تعيش بدون سند !!! أعني
 قاطعه ذياب: فاهم شنو تقصد ..
 ما كان يحب عمه يدخل بالتفاصيل لأن أعصابه أكيد راح تنفلت منه ويتعب ..
 ظل عزام ساكت لفتره بعدها قال: ثلاثه بس اللي كنت أفكر فيهم من عيالي وأنا مسافر .. رغد وحسام فهم عيال
 جواهر اللي فقدوا أهمهم بعمر صغير وكمان كرار اللي فقدت أنا توأمه فصار وكان حب شخصين من عيالي
 تجمع بواحد .. كرار كنت أشوفه كل ما أرجع للسعوديه لكن رغد وحسام فما لقيت لهم طريق حتى إستسلمت
 وإنشغلت بأمور جواهر .. حسيت أني لازم ألاقهم بعد ما أنتقم من اللي قتلها ..
 سكت شوي بعدها رجع لموضوعه الأول يقول: فلما شفت يحيى كان مختلف عن الشخص اللي تخيلته ..
 مو مثل أمه إنسان واعى .. متفهم .. هو حتى ما سألني عن السبب اللي خلاني أتركهم وهذا حسسني
 بالذنب يحيى ... إبنى هالشئ حسيته بعد ما قابلته بعد سنوات طويله بنان بنتي اللي هي كمان ما
 عاتبنتي على سفري جنى قلبي إحترق لما سمعت بموتها ..
 هز راسه بالنفي يقول: ذياب ما توقعت قلبي بينقبض على موتها بالشكل هذا ..
 ذياب بهدوء: طبعي ... هي بنتك .. من لحمك ..
 سكت شوي بعدها كمل: أوهامك اللي أقتعت نفسك فيها وكرهك لكل شيء بي من زوجاتك كان غلط ... هالغلطه
 ما أضنك قادر تصححها .. ياكم قلت لك هالحجي بس ما كنت تسمعي ..
 عزام بهدوء: لأنك ما كنت فاهمني ولا فاهم تفكيري ... بس لما شفتهم أدركت إني غلطان على الرغم من إني
 للحين أكره زوجاتي ترف ... اللي قالت بوجهي كلام قاسي واللي طلعت مثل ما توقعت وحده وقحه مثل

أمها ... ما ضنيت أبد باني ما راح أكرهها من كلامها حسيتها صادقه .. حسيت إنني أنا الغلطان مع إن السبب مو أنا .. السبب أمهم ...!! لو إنها ما قتلت جواهر كان ما كررتها ... لو إنها ما عاملت عمتي واللي كانت كل شيء لي بالدنيا بذك المعامله كان ما كررتها ...! بإختصار لو كان عندها ربع اللي تملكه جواهر من مواصفات كان ما كررتها .. كان ما شكيت بإنها قاتله .. لكن كلهم يطلع منهم مثل هالتصرف .. سكت شوي بعدها كمل: بس لأن عمتي مريضه ولا وحده منهم قدرت تستحمل مرضها أو حتى تتفهمه ...!!! تقرأ منها .. وإشمنزوا من تصرفاتها .. بس لأنها معاقه عقلياً وجسدياً كان يعصبوا من فعايلها ويصارخوا عليها وحده معاقه عقلياً كيف بتفهم وش يعني تروح الحمام لما تحتاجه ...!!! وحده معاقه عقلياً كيف تفهم إن التحف والزجاج والأشياء الغاليه المفروض ما تتكسر ...!!!! طالع بذياب وقال: جواهر كانت الوحيدة اللي تفهمت هذا واعتنت فيها على الرغم من كل المشاكل اللي تصير معها بسببها .. ومع كل هذا يلوموني لما أقولهم إن جواهر أحسن منكم بمراحل ...!!! أخذ نفس عميق وكمل: فطبيعي أعارضك لما تقول لي أولادك مالهم ذنب ...!! أولادي ذول هم أولاد الحريم اللي حرقوا لي صدري بتصرفهم تجاه الفرد الوحيد اللي عرفته بدنيتي .. واللي هم نفسهم وحده منهم كانت السبب بقتل جواهر .. طبيعي ما أبغى أشوفهم وأبغى أنسى إن لي علاقه فيهم .. سكت شوي بعدها كمل بهدوء: بس لما شفت يحيى وبنان وترف حسيت بأن علاقتي فيهم ما راح تنقطع مهما حاولت كنت بس أبغى أخلي أمهاتهم يندموا على عملهم وأحملهم مسؤوليه كبيره لما أتخلى عنهم وأعلمهم كيف تكون الحياة لما تعيش بدون سندك بالحياه فعمتي مهما كانت معاقه فهي كانت تمثل العائله بالنسبه لي .. وجواهر كانت الشخص اللي أشكي له همومي ومشاكلي .. إثنين اعتبرتهم سند لي .. بس أنا .. بالغت فالأولاد مالهم ذنب يغلط أمهاتهم ...!! وهالشيء أدركته لما قابلت بعضهم .. سكت شوي بعدها قال: قال لي جهاد من قبل أروح أزور عيلة أم حور بس أنا رفضت .. يمكن يرجع السبب لكرهي لأمهم ويمكن يرجع السبب لخوفي من إنني أدرك غلطي هذا ... حالياً ... أفكر أزورهم عندي فضول أعرف كيف هي شخصية حور اللحين .. وكيف هي نوف .. وكيف ثائر ...!! طالع بذياب وقال: قلت لي إن نوف تزوجت صح ...!! طالعه ذياب شوي بعدها قال: إسمها الهنوف إيه تزوجت .. إبتسم بهدوء .. حتى ذي غلط بإسمها .. سألته: أذكر إنها أصغر من حور .. كم عمرها ...!! ذياب: أصغر من خسام بسنه .. يعني بعمر بنتك ترف .. هز راسه ورجع يطالع بالكوب حقه وهو يقول: أتسائل عن السبب اللي خلاها تتزوج بهالعمر .. وليه حور ما تزوجت ...!! سكت شوي بعدها رجع يبتسم بسخريه وقال: فجأه صرت مهتم فقداني لرغد يا ذياب ما هو قليل .. وكأن هالشيء خلاني أدرك إن فيه زي رغد كثير .. بأن ماهي بس رغد بنتي .. كلهم عيالي ... وكلهم راح بعدها سكت وهو يحس حاله يناقض نفسه .. هو من البدايه كان يغلي بس رغد فكيف يقول لما ماتت حسيت بغلاة أولادي الباقيين ...!! لا ... هو كان ناسيهم أو تناساهم .. بس ... موت رغد هو اللي عمل الفرق .. لأن موتها خلاه يقابلهم .. بعض من أولاده .. وهنا ... لما سمع بموت واحد منهم واللي هي بنته جنى حس بأن ألم موتها ... مُشابه لآلم موت رغد .. هنا أدرك إن مو بس أولاد جواهر اللي يغليهم .. أدرك بانه يغلي كل أولاده بس الفرق إنه يغلي ويحب أولاد جواهر أكثر .. أدرك ... إنه مُستحيل يقدر يقع هالرابطه .. رابطة الأب بعياله .. وكان ضميره الميت -بعد موت أعز الناس على قلبه واللي هم عمته وجواهر- صحي أخيراً بعد ما ماتوا هالاثنتين .. هالضمير أدرك كل هذا ... بوقت .. متأخر .. همس بهدوء: ذياب ثمن رجوعي لوعيي ولعقلي كان غالي .. الثمن كان حياة إثنين من بناتي .. طالعه ذياب شوي بعدها مد إيداه وشد على إيد عمه يقول: يا عم لا يكون إختفانك هاليومين لهالسبب ...!! الشخص اللي غلط بالعاده يصحح غلظه مو يختفي ويعيش بأحزانه .. عزام بهدوء: خسام كرهني ... وترف أضن بإنها هي كمان تكرهني غلط منهم يحطوا اللوم علي لو إن أمهاتهم ما صلحوا كذا كان أنا ما فكرت أتخلى عنهم وأنساهم ... البنت أمها عاملت عمتي بالشكل هذا وفيه

نسبه كبيره تكون هي اللي قتلت جواهر .. وحُسام خاله هو اللي أخذهم بعيد ولا قدرت أعرف وين مكانه .. ليه
عاتبونى أنا ..؟! ليه ما فكروا بأن مو كُل الغلط علي ..؟!
ما علق ذياب فأخذ عزام نفس عميق وبعدها خلاص وقف عن الكلام ..
ظل ذياب يطالعه لفتره بعدها قال: عمي ..
عزام: نعم ..
ذياب: فيه شيء لازم تعرفه اللحين ..
عقد عمه حاجبه ولف يطالعه باهتمام ..



الساعه سته قرب المغرب ..
وفي بيت أم يحيى ..
واقف يحيى على باب ترف ويدق الباب ..
يحيى: ترف هذا آخر إنذار .. إن ما فتحتي اللحين فراح أكسر عليك الباب ..
جاه صوت ترف تقول: مابي مابي ...!!! شذخك ياخي ...!!! مابي أفتح أنا خُره ...!!!
يحيى وهو يرفع صوته: لا مو خُره ...!!! من أمس حابسه نفسك هنا وما تطلعين إلا لما أروح أنا الشغل ...!!!
إطلي وقولي لي ليه لما أجي أنادي عليك بالمدرسه ما تطلعين وشوي أشوفك جايه من بعيد لوحذك ...!!! فين
كنتي ...!!! ساعتين وأنا عند المدرسه أنتظرك وفي النهايه جاييتي من مكان ما أدري وش هو ...!!! إفتحي
وقولي لي ..
ترف: مابي ..
يحيى: راح تفتحين غصب عنك ..
ترف: ما تقدر تغصبني على شيء ما أبغاه ..
يحيى: بصراحه دلعتك كثير .. إن ما فتحتي فراح ...
قاطعت ترف: تكسر الباب .. خلاص حفصتها ..
تترفز من تصرفاتها فرجف بالباب بقوه لدرجة إنهم حسوا بأنه حينسك بأي لحضه ..
قامت أمه تقول: يحيى خلاص ..
لف يحيى على أمه يقول: لا مو خلاص ...!!! لازم أفهم وش هرجتها ..!! البنت ذي بيوم من الأيام بتجيب لنا
مُصيبه وهذا اللي واضح من تصرفاتها وأسلوبها ..
تدخلت بنان المنسدحه على الكنب تقول: ذي مُراهقه والمُراهقه أسلوب العنف يزيد عناد ..
يحيى: إنتي خليك ساكتة بالمتكسره ..
ظهرت علامة الغضب على وجهها .. شفيه هذا قلب عليها وهي اللي تبغى تهدي الوضع ..؟!
بكيفهم .. ما بتدخل أكثر ..
لف يحيى على الباب ودقه يقول: وبعدين يا ترف ..؟! ما بتفتحين ..؟!
ترف بعناد: لا ..
ضرب الباب بقوه فجثت أمه ووقفته تقول: يحيى خلاص .. أنا بأتكلم معها ..
يحيى: لا يا يمه .. كفايه هالبنت وقحه معاي .. لو كلمتها بتكون وقحه عليك إنتي بعد ..

الأم: يحيى عشاني هالمره .. خلها وروح لموعدك ولما ترجع بتلاقىها طلعت .. صدقتي ..
مط شفته وهو يرفع صوته يقول: لا حول ولا قوة إلا بالله من بعض البشر ..

جاه صوت ترف تقول: منك إنت ..

عصب منها يقول: طيب ترف .. مصيرك تتطلعي سامعه ..

لف على أمه وقال: بس عشانك راح أتركها هالمره لكن المره الجايه لا ..

جاه صوت ترف تقول: حتى أمس قلت نفس الكلام ..

تترفز .. إيشبها هذه ..!!!؟

يחס ما صلحت كذا إلا عشان تستفزه ..

طنشها ولف للكنبه ..

أخذ غترته وهو يقول: بإذن الله على العشاء بأكون هنا ..

إبتسمت الأم ومسحت على صدره تقول: إن شاء الله توصلك الموافقه وأفرح فيك ..

إبتسم لها وباس إيديها يقول: من غير دعائك وش كان بيصير فيني .. مع السلامه يالغاليه ..

إبتسمت له فلف للباب وهو يقول أختي المتكسره مع السلامه ..

بنان بيأس: الله معك الله معك ..

إبتسم على صوتها بعدها لف وطلع ..

رايح له .. اليوم إتصل عليه وطلب منه يجي ..

اللي هو أبو ضحى ووقتها راح يسمع لرايهم ..

ويتمنى إن الموافقه هي النتيجة ..

هالمره تفانله كبير بكثير ..

بداخل الغرفه ..

منسدحه ترف على السرير وبأيدها جوالها تطلق فيه ..

بس داخله على الألعاب تلعب ..

أخوها النذل كالعاده لما يعاقبها يفصل النت أو يغير الرمز ..

والجوال ممل بدون النت ..

رمت الجوال جنبها وطالعت بالمروحه اللي تتوسط سقف الغرفه ..

من رجعت أمس حبست نفسها بالغرفه ونفسيته قافله بسبب الشيطان اللي إسمه أسامه ..

كارهته أكثر من كرها للشيطان نفسه ..

قهرها بكل تصرف قام فيها ..

طين عيشتها وعيشها بخوف وقلق وإضطراب وبالنهايه بس لأنه ملان ويبغى شيء يشغله ..

قهرها أكثر لما يبين لها إنه صلح كل هذا لمصلحتها ولمصلحة الناس اللي آذاهم ..

تكرهه .. تكرهه .. ما تصدق إن آدمي مثل هذا يكون أخوها ..

لا مو آدمي .. شيطان ..

أول مره تعرف بحياتها إن الشياطين والإنس مُمكن يصيروا أخوان ..

أكيد يكذب عليها .. مافي شيطان أخو لبشر ..

مافي ..

جلست بسرعه لما سمعت صوت المكيف يشتغل ..

راحت بسرعه للشباك ومثل ما توقعت مكيف غرفة باسم إشتغل وهذا هو جاي للشباك يقفله ..

إبتسم أول ما شافها وقال: هواش كمان ها ..؟!

عقدت حاجبها تقول: ما فهمت ..

باسم: سمعت صوت أخوك يحاول يفتح عليك الغرفه ..

ميلت شفتها بعدها قالت: باسم ..

باسم: هلا ..

ترف: لقيت لك شغل ثاني ..؟!

هز راسه بالنفي فإنصدمت وحست بالذنب الكبير ..


فتحت فمها بتعتذر بس سبقها يقول: بس واحد من أصحابي يشتغل بشركه تابعه للصناعيه بينبع وقال راح

يلاقي لي شغل هنا .. بيتصل علي خلال يومين وإن شاء الله خير ..

إبتسمت غصب عنها تقول: صدق ..؟!

باسم: لا كذب ..

كالعادة .. تفانل أول مره بالخير وعند اللقاء بدأت الهلوسه ..
واليوم كمان تفانل خير واللين بدت الهلوسه ..
يمكن ما يوافق .. يمكن فيه نقطه ما عجبته ..
يمكن البنث ما إرتاحت له ..
وحده من هالأسباب .. وحتى يمكن فيه سيب رابع كمان ..
تكلم الرجال بعد فترة صمت: كيف هي عيلتك ..؟! أهلك وأخوانك كم عددهم ..؟!
يحيى: أمي وثنتين خوات ..
الرجال: والوالد ..؟!
سكت يحيى وما حب يدخل في هالتفاصيل اللحين فقال: الوالد كان مسافر من مده ورجع قبل يومين ..
بما إنه قال سالفه أبوه فمره وحده يقول كل شيء ..
كمل: خواتي الثنتين هم خواتي من الأم والأب .. بس الوالد طلع متزوج بعد أمي فيصراحه مو عارف كم ..
هز الرجال راسه بتفهم بعدها إبتسم وقال: الوالد بيحضر زواجي بنتي صح ..؟!
فتح يحيى فمه عشان يجاوب بس إستوعب كلام الرجال عدل ..
غصب عنه إبتسم وهو مو مصدق ..
كلامه هذا يعني الموافقه ...!!!
معناته وافق عليه ...!!!
معناته البنث عطت موافقتها ...!!!
معناته راح يتزوج ...!!!
بيتزوج أخيراً ...!!!
وهالمره غير لأن الرجال متفهم .. وأخذ راي بنته وما غصبها ..
يחס إنها غير حتى لو كانت ظاهرياً مُشابهه لخطبته الأولى من أمل ..
بتكون غير .. هو مؤمن بهذا ..
بلغ ريقه والإبتسامه مهما حاول يثقل ويخفيها مو قادر ..
هز راسه يقول: والله يا عم لأحطها بعيوني وأعيشها العيشه اللي هي تتمناها واللي إنت تتمناها لبنتك .. ضحى
راح تكون عيوني نفسها وبإذن الله أسعدها أضعاف السعاده اللي تتمناها ..
إبتسم الرجال ومد إيده يشد على ركبة يحيى وهو يقول: فيك البركه يحيى ... بنتي أمانه .. أمانه عندك ..
يحيى: أمانتك محفوضه يا عم .. والله محفوضه وبإيد أمنيته ..
وقف وسلم على راس الرجال يقول: ألف ألف مبروك على زواج بنتك ..
طالعه الرجال بإبتسامه وقال: مبروك يا بني .. ألف مبروك ..
جلس يحيى والإبتسامه لسي على شفته ..
الرجال: ملكة بنتي أبغاها هاديه وخفيفه وبالنسبه للزواج فصلح اللي يريحك ..
يحيى: حاضر يا عم .. و متى يعني أقدر أصلح الملكه ..؟!
الرجال: بعد أسبوعين إذا تبغى لكن الزواح آخره شهر عشان تقدر تشتري وتهجز نفسها ..
تشتري وتهجز نفسها ..!!!؟ يووه نسي ..
يحيى: إيه يا عم وش المهر اللي تبنيه لبنتك ..؟! لو تبي عيوني والله ما أبخل فيها ..
إبتسم الرجال يقول: عيونك والله غاليه بس ما بتجيب لها فستان وملابس ومكياج ..
ضحك يحيى وقال: خلاص بطلنا أجل .. كم تبغى يا عم ..؟!
الرجال: اللي تقدر عليه .. قول المبلغ اللي تقدر عليه وأقولك إذا يناسب ولا لا ..
سكت يحيى شوي بعدها قال: خمسين ألف ريال ..؟!
ضحك الرجال وقال: يناسب وأكثر من المطلوب كمان ..
مد يده وصافح يحيى يقول: ألف مبروك عليك بنتي ..
يحيى بإبتسامه إمتنان وفرح: الله يبارك فيك يا عم ..



جالس بسرير المستشفى يطالع في الفراغ بهم كبير ..
تنهد زميله والمقرب له فراس وهو يقول: نادر خلاص ..
نادم بهمس: بتكرهني يا فراس .. بتحقد عليّ .. ما تمنيت تعرف .. ما تمنيتها تعرف ..
فراس: مصيرها تعرف .. ويمكن كان خيرها إنها تعرف اللحين مو بعدين ..
نادر بهمس: وين الخيره بالموضوع ..؟! المشاكل بتبدأ .. ما راح توافق تظل تعيش مع واحد يمكن يموت بأي وقت ..

رفع إيده وتكى براسه عليه وهمس: فراس ... كل اللي بغيته هو أتزوج .. زواجي الأول كان غلطه وتهور وطيش مني أيام دراستي بالخارج .. إستمتعت معها لشهر شهرين بعدها بدأت المشاكل .. هي بعالم غير عن عالمي .. ونهاية هالمشاكل إبتلنتني بهالمرض .. فراس .. كل اللي تمنيتها هو أتزوج .. زواج ناجح .. نكون من نفس الجنس .. أعيش معها أيامي القليله بسعاده .. أسعدها .. أحقق لها كل اللي تتمناه .. أسألك يا فراس .. طلبني هذا يُعتبر أنا فيه ..؟!!

طالعه فراس شوي بعدها قال: طبيعي كل شاب يتمنى مثل هالأمنيه ..
رفع نادر راسه وطالع بفراس وقال: إلا الشاب اللي مُمكن بأي يوم يموت ..
فراس بعتاب: نادر .. كم مره قلت لك الأعمار بيد الله ..!!! إنت إستمر على الأدويه وهي راح تزيد من فترة عمرك ..

نادر: أدويه بس تطول عُمر المرض وما تقضي عليه .. كيف أستمر على دواء مُستحيل يقضي على مرضي .. سكت شوي بعدها لف يطالع بسرحان وكمل: تدري يا فراس لما تزوجت الهنوف حسبت برغبه مُضاعفه للعيش .. من تزوجتها بس مره وحده أخلفت عن تناول الدواء .. صرت مُستمر عليه عشانها .. ذيك الطفله ما أبغى البسمه وحس الهبل يختفي من وجهها وروحها ..

رجّع راسه على المخده وهو يتنهد بألم وهمس: لكن يا فراس هي عرفت .. هي خلاص عرفت ..
رفع إيده وغطى على عينه بساعده وكمل: راح تندم .. راح تندم إنها وافقت تتزوج من واحد مريض بمرض الخبيث .. فراس ... أنا غلطان والله ..
فراس بهدوء: قلت لك أنا وأميره إن اللي تسويه غلط بس ما طعتنا ..

نادر: ليتكم ما سمعتوا لي ..
فراس: وفيه أحد يقدر عليك يا نادر ..؟! لو ما طعنك كان تزوجت بدون علمنا .. نكون معك بفركك وزواجك أفضل من إنك تتزوج لوحدهك ..
ضاققت عيون نادر بحزن ولا علق ..

ظل فراس يطالعه شوي بعدها قال: لا تقعد على هالحال .. لو شافتك بالإنكسار هذا بتضايقها أكثر .. خلك قوي .. خلها حتى تشك بموضوع مرضك .. حسسها إنك بتقعد معها مده أطول .. يمكن عشر سنوات .. أو عشرين سنه .. الأقدار بإيد الله والدعاء وحده اللي يغيرها .. خلك قريب من ربك وبإذن الله يكون معك ..
أخذ نادر نفس عميق ولا رد ..

بعد فتره قال: البنت حساسه .. مدري كيف هي حالتها اللحين بعد ما عرفت عن مرضي ..؟! أحس مالي وجهه حتى أروح أتطمئن ..
فراس: وهذا غلط ..

رفع نادر ساعده عن عينه وطالع في فراس اللي كمل: قلت لك بين لها إنك قوي .. خلها ما تندم إنها تزوجتك .. خلها تحس إنك بتقعد وقت أطول معها .. لا تكون ضعيف فتضعف هي معك .. كل ما كنت أقوى راح تستمد هي هالقوه منك وتطلع من اللي هي فيه ..

إبتسم وكمل: نادر اللي يعرفك ما يكرهك .. وأنا متأكد من إنها مُستحيل تكرهك حتى لما تعرف إنك ما صارحتها بموضوع مرضك .. خلك معها ورجعها لوعياها حتى تخليها تعرف تفكر عدل بين خيار إنها تطلب الطلاق وتنفصل عنك أو راضيه بالمصير حقك وتستمر معك .. أعطها القرار والخيار بدل لا تتسرع إنت بالتخمين ..
طالعه نادر لفتره بعدها كمل بهدوء: ومين بيوافق يستمر مع واحد يمكن يموت بأي وقت ..؟!!

فراس: نادر أسألك بالله لو هي المريضة بهالمرض فراح تتركها ولا لا ؟!..

طالعه نادر بدهشه ولا قدر يرد ..

فراس: شايف ؟! معناته فيه احتمال هي بعد تختار تظل معك .. ومثل ما قلت خل إيمانك بالله قوي .. فيه مرضى بالإيدز قدروا يعيشوا مع المرض مدة أطول من المدة اللي حددها له الأطباء .. توكل أولاً على الله وثانياً ثابر على أدويةك وأترك الأمر بعدها لله وحده .. نادر أتمنى وأنا معك ما أسمعك تجيب سألقة إنك بتموت بأي وقت ...!! هذا إنت مريض بالمرض من سنتين تقريباً ومع هذا صحتك بخير وما تنتكس إلا لما تهمل بالأدوية .. طالعه نادر شوي بعدها قال: تدري فراس ..

فراس: وشو ..؟!

نادر: أحب أتكلم معك ..

إبتسم فراس وقال: ياللا إذن أستناذن .. أهلك أكيد يبغوا ياخذوا راحتهم معك .. أشوفك بكرة وأتمنى وقتها تخبرني عن اللي صار مع زوجتك ماشي ..؟! لا تكون جبان .. الله معك ..

بعدها لف وخرج ..

أخذ نادر نفس عميق وطاقع بالسقف ..

هو عارف .. هالزواج كله غلط ..

كلهم وقفوا بوجهه لما قرر يتزوج حتى إن أمه كانت كل ما راح خطب وحده تعلم هي أهلها عن مرضه .. كانت أمنيته .. ولا أحد وقف معه ..

أخته أميره بس وصاحبه فراس اللي قرروا يوقفوا معه بالنهاية ..

وبعد زواجه وبسبب شعوره بالذنب حاول قد ما يقدر يلبي لها كل طلباتها ..

سفر وأكل وملابس وكل شيء ..

يبغى يسعدھا .. ما يبغى لما تكتشف الحقيقة تكون ندمانه ..


لكن اللحين لا مو اللحين ...

من وقت ما تزوج وهو يوم عن يوم يندم على هذا القرار الأناني ..

القرار اللي فكر فيه بنفسه وبس ولا فكر ببنت الناس ..

وظل يحاول قد ما يقدر يصحح غلطه ..

لكن هالغلطه هي من الأغلاط اللي مستحيل تتصلح ..



الساعة تسعه الليل ..

جالس بالصالة وقدامه مجموعة أوراقه وزوجته تطالعه ..

تنهدت وقالت: مشعل .. شصار على مستجدات قضية أخوك ؟!..

إبتسم مشعل غصب عنه على كلمة أخوك ذي فقال: القضية بس يبغالها ترتيب أوراق وتحقيق صغير وتكون كامله ..

إبتسمت تقول: يعني حيطلع براءه ..؟!

طالعه مشعل بتعجب بعدها قال: اللحين أسألك أنا كيف حسام عندي بالبيت ..؟!

عقدت حاجبها فقال: طلع كفاله عن طريق أخوه يحيى .. لو التحقيقات المبدئية اللي قدمتها أنا للمحكمة كان ما وافقوا على هذه الكفاله .. لأنها تحقيقات تثبت مُقدماتاً إنه بريء .. قلت لك المُشكلة الوحيدة اللي بقيت لي هي هذا الشاهد .. هو شيء من إثنين .. هو القاتل أو يعرف القاتل .. ومن بُكره راح أبدأ التحقيق معه إن شاء الله .. أميره: إن شاء الله تخلص بدري ..

مشعل: إن شاء الله ..

أميره: أجل بُكره ودني لبيت أهلي .. من زمان عنهم وعن أخبارهم ..؟!

مشعل بهمس: مالك ثلاث أيام وتقولي من زمان ..

عقدت حاجبها تقول: ما سمعت ..؟!

إبتسم لها يقول: ولا شيء ..

جاء ولد ياسر وبأيده جهازه وكان فيه مُشكلة يبغى أبوه يحلها ..

جلس جنب أبوه يقول: جدو مشعل صلح لي هذا الشيء ..

إتسعت عيون أبوه من الصدمة في حين انفجرت أميره من الضحك فرفع ياسر راسه لأبوه يقول: مايا تقول لك

جدو مشعل .. وتصدق عجبني .. أبغى حتى أنا أناديك جدو مشعل ..

أميره: كفو يابني حبيبي .. إستمِر إستمِر .. وأخيراً قلبت على أبوك اللي دايم يقلبك ضدي ..

سحب مشعل الجهاد وبعدها شال ولده وبدأ يقلبه على الكنب وهو يقول: وش تقول ..؟؟!! سمعني وش قلت مره ثانية ..؟؟!!

ضحك ياسر غصب عنه وهو يقول: بابا إنت تضحكني ههههههههه ..

إبتسم مشعل يقول: إيوه بابا مو الخرابيط اللي عبي فيها حُسام راس بنت أخته ..

إنتبه ياسر وقال: سوري سوري أقصد يا جدو مشعل ..

وبعدها انفجر ضحك فشاله أبوه وقلبه بالهواء فقالت أميره بخوف: مشعل بالله إنتبه عالولد لا يطيح على راسه

..

دخلت مايا الصاله بهالوقت فإبتسم مشعل ورمى ولده على الكنبه وهو يضحك ..

مشعل: أهلاً مايا .. مو قلتي بتروحي تلعب مع خالو حُسام ..؟!

جت مايا عنده تقول: جدو مشعل

قاطعها مشعل يقول: يا حبيبتي خالك هذا لا تصدقيه .. قولي عمو أو خالو ..

طالعه بعدم رضى تقول: خالو قال جدو .. خالو ما يكذب .. إنت جدو مشعل ..

تنهد وهمس: فعلاً تشوف كلام أخوها وكأنه مُرسل من السماء بدون أخطاء ..

إبتسم لها وقال: ها وش فيك ..؟!

مايا بحزن: رحت أَلعب من خالو بس ما لقيته .. دورت في كُل مكان بس خالو مو موجود ..

إتسعت عيون مشعل من الصدمة في ين قالت أميره بإندهاش: وش إختفى ..؟؟! أكيد بالحمام أو نايم ما شفتيه أو ...

قاطعتها مايا: دورت في كُل مكان بس مو موجود ..

قام مشعل بسرعه ورح لغرفة ولده ...

فتح الباب ولا لقي أثر لحُسام ..

فتح الأبواب الموجدّه في القسم اللي حُسام دايم يكون فيه بس ما لقاه ..

وقف بمكانه بهدوء وهو عند باب الخروج يطالع بدولاب الأحذية الصغير ..

حذيانة مختفيه ..

شد على أسنانه يقول بغضب: وين راح هالمجنون ..!!!!!!

وهنا ننهي هالبارت ..

معلّش أدري شوي شوي قصير:)

على العموم اللي بقي غير هالبارت تقريباً أربع بارتات بس ..

قلت تقريباً لأن يمكن تزيد بارت أو تنقص بارت .. ما راح تطلع من هالشيء ..

في هالبارت إنكشف سر نادر اللي أخفاه لغفتره طويله ..

وعرفنا تقريباً السبب اللي خلى عزام يترك عياله طوال هالغفتره ..

سرّين من أسرار الروايه ببارت واحد فهذا كافي يعوض عن قصر البارت ..

رايكم يهمني كثير فلا تبخلوا عليّ فيه ..

..X || part end || X..

✕•• || البَارَت الحادي والستون || ••✕.

الساعة ١١ الليل ..
وفي قصر أم أسامة ..
جالسه الأم ملك على الكنبه وبأيدها جوالها تدق أكثر من مره على جهاد ولكن مافي رد ..
قفلت جوالها بعد المحاوله العشرون وعضت على طرف شفتها والتوتر واضح في وجهها ..
تنهدت آنجي واللي كانت جالسه قريب منها والسماعات على إذنها وقالت: مام خلاص بطلي قلق .. قلت لك
جهاد يعرف عن مكان كِرار فليه شايله هم ؟!
طالعت بأمرها وكملت: والموضوع كله شكله هوشه صارت لِكِرار وبيطلع من المُستشفى ..
رفعت حاجبها وكملت بشيء من السُخريه: هذا من دلعمك الزايد له .. يعني لو خليتوه من طفولته يعتمد على
نفسه ويدافع على نفسه كل ما ضربه أي طفل كان كبير وهو يعرف كيف يدافع عن نفسه مو من هوشه يدخل
مُسْتشفَى ...!!
طالعتها ملك تقول: وليه طَوَل في المُستشفَى !!.. جهاد جاء هنا وهذا يعني بانه جاء وكِرار بالمُسْتشفَى وبعدها
رجع له .. لو أصيب برضوض وجروح من الهوشه كان بس إسعافات سطحيه له وخرج من وقتها ...!! آنجي
وربي حاسه إن الهوش ذي مو عاديه ...!! أكيد الموضوع فيه سكين ولا شيء وتعرفين هوشات شباب هالايام
ما ينمزح فيها ..
تنهدت آنجي وتركت جوالها تقول: مام أنا قلت لنفسي كذا في البدايه بس يعني لو الموضوع خطير كان ما تركه
جهاد وجاء هنا يدور عن أسامة ...!! وكمان ما كان هيخبني علينا هالشىء ...!! إحنا أهله في النهايه ..
طالعتها أمها شوي بعدها لفت وجهها ولا علقت ..
حاسه إنه صار شيء مو عادي وأكيد بما إن جهاد لسي شاييل بخاطره منها ما علمهم ...!!
فعثشان كذا تحاول تتصل فيه وتعرف ..
لحضه .. هو ما يطنش إتصالات أبوه ...!!
رفعت جوالها ودقت على عزام عشان يدق عليه ويعرف الموضوع ..
حطت الجوال على إذنها وشوي سمعت رن جواله قريب ..
قفلت ولفت فإذا هو داخل لعندهم ..
قامت آنجي وراحت له تقول: داااا آي ميس يو ..
وتعلقت برقبته ..
طالعها بنص عين يقول: ليه نزلتي من غرفتك ؟!
عقدت حاجبها بعدها تذكرت العقاب القديم ذاك ..
ضحكت غصب عنها تقول: بابا أنا بنفسني نسيت فكيف إنت تتذكر ..! حتى لما عرفت إني رحتم لحفل ميلاد
أصيل ما قلت شيء ..
تنهد وتقدم يجلس على الكنب فراحت وجلست جنبه ..
مدت أصبعها تنغز خذه وهي تقول: داد إنت لسي زعلان صح ؟!.. ياللا خلاص أوعدك ما أكررها ولا مره ..
ياللا عقاب إنو مالي سواق خاص هو عقاب كافي صح ؟!.. ترى كذا مره بغيت أخرج وسواق حلا ينفس في
وجهي ويا عليه أسنله تجيب المرض .. وسواق ماما ما يطالع في وجهي أصلاً .. وربي شيء يقهر ..
طالعها يقول: تستاهلي .. عشان قلة أدبك ذاك اليوم ما عاد تكرريها ..
آنجي: وربي توبه خلاص !.. تعلمت من درسي وقسم ..
إبتسمت تقول: ها داد .. شكلك رضيت ؟!
طالعها شوي بعدها لف يطالع في ملك اللي كان واضح تبغى تكلمه بس تنتظرهم يخلصوا ..
عزام: شكنتي تبغين ؟!
طالعه ملك شوي بعدها قالت: أبغاك تتصل على جهاد تسألّه عن كِرار ..
عقد عزام حواجبه يقول: وليه أسألّه عن كِرار ؟!

طالعت ملك في آنجي فتكلمت آنجي تقول: جهاد أمس قال لي إنو كِرار دخل بهوشه مع شباب ودخل المُستشفى

..

إندهش عزام يقول: كيف كِرار يدخل بهوشه ..؟؟ من متى وهو من هالنوع ..؟؟
هزت آنجي كتفها فقالت الأم: أتصل على كِرار ومُغلق جواله .. أدق على جهاد ولا يرد فبالله دق عليه وشوف
وش الموضوع اللي خلي كِرار يدخل المُستشفى .. خايفه يكون الموضوع كبير يا عزام ..

طلع عزام الجوال من جيبه ودق على جهاد ..
خمس دقائق تقريباً بعدها رد جهاد يقول: هلا يبه ..

عزام: كيفك جهاد ..؟؟

جهاد: الحمد لله بخير عساك طيب ..

عزام: جهاد وش موضوع هوشة كِرار هذه ..؟؟ صدق ولا تضحك فيها على أختك ..؟؟

رفعت آنجي حاجبها تقول بهمس: أنا ما ينضحك عليّ ..

سكت جهاد شوي بعدها قال: يبه وينك اللحين ..؟؟

عزام: بالبيت ..

جهاد: خلاص يبه بأجيك بُكره الصبح وأقولك وش صار ..

بدأ عزام يقلق وقال: جهاد وشو بُكره تجيني وتقولي عالي صار ..؟؟ جهاد وش الموضوع ..؟؟
جهاد: يبه لا بس لأن الوقت اللحين بالليل .. بُكره أقولك وإن شاء الله خير يبه .. ياللا مع السلامه ..
وقفل قبل لا يعترض عليه أبوه ..

قفل أبوه جواله فقالت ملك بقلق: وش صار ..؟؟ الموضوع كبير صح ..؟؟

عزام وهو يدخل الجوال بجيبه: لا مو كبير .. ياللا طالع أنام ..

وقف فوقفت ملك تقول: عزام لا تضحك عليّ ..!!! واضح إنه فيه شيء .. طالعي وجاوبني ..!!

عزام يانزعاج: يا كثر حنتكم إنتم بالحریم ..!!! قلت مافي شيء .. تصبحون على خير ..

فتحت ملك فمها بتتكلم بس أشرت لها آنجي بانه خلاص ..

لف عزام بيروح فابتسمت آنجي تقول: وإنت من أهله ..

وبعدها خرج فلفت آنجي على أمها تقول: مام خلاص بتخليه يعصب كذا .. بُكره إسألينه مره ثانيه ..

جلست الأم على الكنبة بتوتر وهي تقول: واضح إنه فيه شيء .. حاسه بهذا الشيء ..

آنجي بهبل: أووه قلب الأم ها ..؟؟ وإااه أول مره أحس مام أم مثل بقية الأمهات ..

ضحكت وكملت: لا مام خليك مُختلفه ..

ملك بعصبية: آنجي أنا مو رايقه لك فخليك ساكتة ..!!!

تأففت آنجي وقالت: بروح أنام بدري مثل الدجاج أبرك لي ..

وراحت لجهة. الباب وهي تهمس: كريزي وورلد ..

* عالم مجنون *

خرجت وقفلت الباب وراها ..

عقدت حاجبها لما سمعت زي الضجه عند باب القصر ..

لا يكون هذا جهاد وجالس يتهاوش مع الحارس اللي عند الباب ..؟؟

كُل شيء من جهاد صار مُتوقع ..

وبما إنها ماهي راضيه عن نفسها تنام بدري زي الدجاج راحت للباب تشوف وش الهرجه وتشغل نفسها ..

أول ما قُرِبت من الباب إنفتح فجاء ودخل منه شاب بالثانويه تقريباً ..

وقف والتقت عيونهم لثواني بعدها إحتدت نظرات هذا الشاب وهو يقول: بنت عزام صح ..؟؟

رمشت بعينها تستوعب الموقف ولفت بنظرها وراه فشافت الحارس طايح ومُغمى عليه ..!!

كيف ..؟؟ وليه ..؟؟ وإيش الموضوع أصلاً ..؟؟

رجعت تطالع في الشاب اللي كان واضح إنه على أعصابه فقالت تحاول تفهم الموضوع: ومين تكون ..؟؟

شد الشاب على أسنانه لما ما أرضاه الرد فقال: وينها أمك ..؟؟

ضافت عيون آنجي للحضه بعدها قالت: قبل لا أقولك مُمكن أعرف مين تكون وعلى أي أساس تقتحم هالمكان

وكانه ملهي يقتحمه أي واحد مهما كان ..؟؟

كملت بشيء من التهديد: هذا قصر ملك آل منصور ..!!! له مكانه عمرك ما توصل لها واللي يفكر يتعدى

حدوده فالسجن بيكون مكانه ..!!!

تقدم وتعداها وهو يصرخ بصوت عالي: ملك ..!!!

إندهشت آنجي من تصرفه الجريء والوقح هذا ..

على قد ما عندها فضول تعرف مين هو وإيش يبغى على قد ما إزعجها اللي قاعد يصير ..

وقبل لا تتخذ أي إجراء ضده فتحت ملك الباب بعد ما سمعت صوت غريب يناديها ..
لفت نظرها بالمكان ووقفت على الشاب اللي كان يطالعها بحقد ..
اتسعت عيونها من الدهشه لما عرفته وهنا تعجبت أنجي وهمست لنفسها: شكلها تعرفه ..
رجعت خطوتين ورى وقفلت باب القصر اللي كان مفتوح وطالعت بالشباب اللي لف بجسمه ناحية ملك وهو
يقول بقهر: تذكرتيني ولا أذكرك !!! أنا حُسام اللي إتهمته بجريمة قتل حميدان !!!
عقدت أنجي حاجبها فرجع الهدوء يسيطر على ملك وطالعه ببرود تقول: ومين حُسام ؟! ما أعرفك ..
شد على أسنانه بقهر من ردها وقال: إلا تعرفيني !!! لا تحاولي تنكري .. أنا رحت لعثمان وهددته بإني أبلغ
الشرطه عن مكانه لو ما علمني اللي صار .. هذا إنتي !!! إنتي اللي إستغليتي إنتقام خالي في إنك تورطيني
بالموضوع ..
صرخ بحدّه: وقتلت لعثمان يقتله حتى أتهم أنا بالجريمه هذه وتتخلصني مني مثل ما تخلصتي من رعد !!!
رفعت حاجبها تقول: ومين رعد هذه ؟! حبيبي شكك غلطان ..
إنقهر حُسام من برودها وإنكارها في حين رفعت ملك رأسها وقالت لأنجي: دُقي على حسن يجي يطلعه من هنا
حُسام: حتى لو طلعت فراح أرجع مره وإثنين وثلاثه ..
شد على أسنانه وكمل: فموت رعد كان كُله بسببك .. إعترف لي عثمان بذا الشيء مقابل إني ما أبلغ عنه !!!
إنتي اللي متعاوننه معه من سنوات و....
رفعت ملك رأسها لأنجي تقول: بسرعه إتصلي بحسن حتى ياخذ هالمجنون عني ..
كمل حُسام كلامه: وإنتي اللي خليتيه يعطيني معلومه خطأ عن البيت اللي أسرقه !!! كذبتوا بموضوع إن
صاحب البيت مسافر وطلع موجود .. كنتي ناويه تورطيني وكمان تورطي رعد معي !!! عثمان كمان اللي
عطى معلومه لرعد عن اللي راح أصلحه بحجة واهيه وجت للبيت !!! رعد بسببك دخلت بجريمة قتل
وإنسجنت لسنوات
ملك بحدّه لأنجي: شفيك واقفه !!! إتصلي عليه ..
طالعتهم أنجي بهدوء بعدها طلعت جوالها من جيبيها في حين كمل حُسام: ونهاية سجنها كان القصاص
!!!! إنتي هي الحقيره اللي خططت تصلح كل هذا !!!
صرخ بوجهها بحقد: فعشان كذا أبغى أنتقم لها !!! وراح تموتي مثل ما ماتت رعد !!! راح أحرمك من الحياة
مثل ما حرمتي رعد منها !!! راح أحرمك من بنتك مثل ما حرمتي رعد من بنتها !!!
إنقشع كل الهدوء والبرود اللي كانت تحافظ عليه ملك وقالت بحدّه: بس خلاص !!! لا تحط أغلاطك عالناس
!!!! إذا إنت ما كنت ماشي بهالطريق كان ما صار لرعد كل هذا صح !!! إنت هو السبب الرئيسي بموتها
صح !!!
إختفت الحده والإفعال من وجه حُسام وطالعهها بهدوء ..
هز رأسه وأشر على القصر يقول: إيه ... وعشان كذا بأحرق هالقصر عليّ وعليك ..
اتسعت عيونها من الصدمه من جنون هالولد ..
أكيد هو مو بعقله حتى يفكر بتفكير إنتحاري الى هالدرجه !!
شدت على أسنانها وهمست: إنت مجنون !!!
لف حُسام على أنجي اللي كانت ماسكه الجوال ولسى ما إتصلت وعيونها المندشه مصوبه ناحيتهم ..
طالعها شوي قبل لا يقول: إطلعي منها .. لو بقيتي حتموتي وحتكون هذه غلطتك مو غلطتي ..
طالع في ملك وكمل: تدري هالمره أحمد ربي إني كنت ماشي بهالطريق اللي علمني أمور كثيره مُستحيل
يعرفها ناس بمثل طبقتم المُقرقه ..
طَلع جوال من جيبيه وكمل: علمني كيف أكون مجنون مثل ما تقولي وكيف أقدر آخذ كل شيء بإيدي مو
بمنصبي أو فلوسي وعرفني على مجموعه متشردين مُجرمين مُمكن يصلحون أي شيء عشان مصلحتهم !!!
ضاقت عيونه وكمل: رنه وحده بس وراح يحرق عثمان الكييل الأساسي للقصر وحتنفجر كل كهربا شغاله هنا
وبقصر كبير زي كذا راح يكون مليون بخرايطكم من مكيفات مركزيه ومصاعد وأشياء ما أعرف لها .. وأنا ما
جيت لهن إلا وأنا مُستعد بالكامل لهالشيء والبركه فيك .. فالحياه من بعد رعد ما هي حياه ..
حاولت ملك ترجع لهدونها حتى تقدر تتفاهم مع المُراهق المجنون هذا فقالت: وتبغى تقتعني إن عثمان بيتعاون
معك !!! اللي أعرفه إن كل واحد فيكم يكره الثاني ..
حُسام: إيه بيتعاون عشان مصلحته .. أنا وإنتي نعرف كل شيء عنه .. عن إنه هو اللي قتل حميدان .. موتنا
في مصلحته حتى يكمل حياته براحه ..! وأكيد ما عنده مُشكله يقتلنا فاللي قتل واحد يقدر يقتل عشرة ..
ملك: وإذا إنت كمان ما عندك مُشكله تقتل وكمان تنتحر !!! مو هذا إسمه حرام و....
قاطعها بإنفعال: لا تتكلمي عن الحلال والحرام وكأنك نزيهه !!! ذبحتي رعد وخططتي تذبحيني
كمان !!! وحده مثلك ما يحق لها تتكلم عن الحلال والحرام !!!

لف على أنجي بحدّه يطلب منها تطلع بسرعه بس إندهش لما ما لقاه ..
إندهشت حتى ملك لما ما شافت لها أثر ..
تنهد حُسام براحه فشكلها سمعت له وطلعت ..
ما يحبها بما إنها بنت ملك وعزام بس في الوقت نفسه مالها ذنب حتى تموت هي بعد ..
هو فعلاً ناوي على هالشيء .. مهما حاول يفكر يستمر ما بيقدّر ..
خلاص إطمأن على مايا ففيه الكثير يهتموا فيها .. مشعل وأهله ويحيى وأهله ..
محد بيقتصر معها .. وأما هو
ما راح يقدر يعيش وهو شابل هالذنب الكبير ..
ذنب تسببه بموت أغلى إنسانه بحياته ..
هالشيء كبير حتى يتحمّله ..
لف على ملك يقول: فيه أحد ثاني بالبيت ... أقصد بقصركم الفاخر ..؟!
ملك بهدوء وهي تخطي بخطوات خفيفه باتجاهه: حُسام إنت شكلك مو عارف نظام مثل هالبيوت كيف يمشي
..؟! نظامهم مثل نظام المُجمعات الكبيره والمراكز الحكوميه .. فيه إستشعارات للحرانق وراح يشتغل تلقائياً
نظام الوقايه وتنتشر المويه وخلال دقائق ينطفي كل شيء ..
هزت راسها وكمّلت: وإنت ما حتستفيد غير السجن ..
ضاقت عيونه بحقد ورجع خطوه ورى وهو يقول: خليك بعيدة .. أنا راح أتصل بهتلر وأخليه يتصرف
بهالموضوع .. أكيد لها مكان يفصله أو أي شيء وبعدها
قاطع كلامه صوت عزام العالي وهو ينطق أسمه بحدّه ..
لفت ملك بصدمه ناحية الدرج فشافته واقف بنصه ووراه بنته أنجي اللي طلعت عشان تناديه ..
حست بورطه كبيره .. أولادها بتقدر تضحك عليهم بأي كلمه بس عزام لو سمع بخرايط حُسام فكيف بتكذب
عليه ..
أما حُسام فكان يطالع أبوه بصدمه ممزوجه بحقد وكُره ..
ما كان يبغى يشوفه .. ما كان يبغى يشوفه أبد ...!!
لف على أنجي اللي واقفه ورى أبوها وقال بحقد: قلت لك أهربي مو تنادي ذا ...!!!
نزل عزام بهدوء من الدرج يقول: ذا ..؟! كذا تشير لأبوك يا حُسام ..؟!
رجع حُسام خطوه لورى وضغط زر الإتصال على عُثمان وحط الجوال على أذنه ..
طلعت ملك بأنجي تقول: ليه ما أتصلتي بالحرس يجوا يطلعوه من هنا ..!!!
هزت أنجي كتفها تقول: مدري ... قلت أقول لبابا أفضل ..
طالع عزام بملك بعد ما نزل من الدرج وقال: أتمنى بعدين ألاقي تفسير مُقنع لجية حُسام هنا لك ..
شد حُسام على أسنانه وصرخ بوجه عُثمان: وأنا وش اللي يدريني ..!!! تصرف ..!
بدأ حُسام يسمع لعُثمان وهو عاقد حاجبه بتعجب لما طالعت ملك بصدمه لثواني بعدها تحاشت تطالع فيه ..
ليه ..؟! هو ما قال شيء يصدمها ..
ما أمداه ينهي تساؤله حتى حس بإيد سريعه خطفت الجوال من إيده فلف بصدمه على ورى وشاف شاب أكبر
منه يطالعه بنظراته المغروره الخبيثه ..
تراجع لخطوتين مصدوم من هالشاب اللي جاء من وراه بدون لا يحس ..
مين ..؟! ولد ملك أكيد ..
إبتسم الشاب اللي ما كان غير أسمه وحط الجوال على أذنه يقول: هلا عُثمان .. ها تصرفت بموضوع الماي
اللي قلت لك عليه ولا لا ..؟!
ما سمع رد وبعدها إنقفل الجوال في وجهه ..
طالع أسمه في حُسام يقول: صديقك عُثمان هذا ما يعرف يتفاهم .. قفل الجوال بوجهي ..
شد حُسام على أسنانه بحقد لما حس حاله مُحاصر من كل جهه ..
كيف طلّعوا كل ذولا ..؟!
المفروض ملك بس اللي تكون بالبيت مو العيله كلها ...!!!
تقدم عزام من حُسام يقول: حُسام اللي كنت ناوي تسويه ما يسويه أي بشري عاقل ..
لف حُسام على أبوه بحقد يقول: واللي إنت سويته ما يسويه حتى الشيطان نفسه ...!!!
عزام بهدوء: حُسام فيه شيء إنت فاهمه غلط ..
حُسام بإنفعال: بس خلاص ..!!! كل شيء أنا عارفه فلا تحاول تغطي على غلطك بكذب ..!
أشر على ملك وكمل: يكفي إنك للحين متزوجها وهي اللي قتلت أمي ورغد وكمان أنا ...!!! عايش مع شيطانه
مثل ذي وتقول إني فاهم الموضوع غلط ..!!!
طالعه عزام لفتره بعدها قال: مين اللي قالك إنها قتلت أمك ..؟! خالك ..!؟

ما رد عليه حُسام .. ما يبغى أصلاً يتناقش معه ..
عزام: اللي قالك هالموضوع كذاب وهدفه بس يسبب لك المشاكل ..
لفت ملك تطالع بزوجه في حين كمل عزام: فعشان كذا أترك خالك المجرم هذا وتعال .. حياتك راح تكون أفضل وأنظف من الحياة اللي كنت عايشها ...
تترفز حُسام وما قدر يسكت أكثر فقال بحقد: لا تسب خالي ...!!! لو أدري بس وينه كان رحت معه ولا فكرت لمره أعيش معك إنت ...!!! خالي هذا هو اللي إحتوانا لما تركنا زوج أمي واللي هو إنت ...!!!
عزام: خالك هذا أخذك من المكان الوحيد اللي أنا كنت أعرفه وتعيني كثير لما دورت عنك إنت وأختك .. لو ما أخذك كانت حياتك إنت وأختك ما مشيت على هالمنحنى ...!!! أختك ما كانت راح تموت لو ...
قاطعه حُسام بإنفعال: لا تحط سبب موت رغد بخالي ...!!!! إنت اللي قتلتها ...!!! زوجتك قتلتها ...!!! إنتم ذبحتوها فلا تنكروا هالشيء ...!!!!
شدت أنجي على أسنانها بعدها قالت بحقد: شفيك تحط كل شيء عليهم ...!!! مام شدخلها بالموضوع حتى تتهمها ...!!! وبابا شرح لك إنه دور عنكم معناته الغلط ينحط على خالك ...! مو عشانك تحب هالخال تقوم تقلب علينا ..
لف حُسام وطالع بأنجي بعدها قال: تدري .. لأبوك غير أمي وأمك زوجتين .. قابلت وحده منهم وقابلت عيالها .. هالوحده أبوك له أكثر من عشر سنوات ما زارها ولا زياره وحده .. نفس الحال معي أنا ورغد .. عشنا عند خالي بس بيت خالي هذا هو نفسه البيت اللي كانت تعيش فيه أمي قبل لا يتزوجها أبوك فكيف ما يعرف الطريق وهو قد تردد عليه أكثر من مره أيام الخطبه وغيرها ...؟! ورغد بعد سنوات رجعت تعيش في نفس الشقه اللي كانت تعيش فيها أمي ومع هذا ما رجع مره ثانيه يسأل ...!!! أبوك مهملنا .. إحنا وعمتي أم بنان .. وأراهن إنه كمان مهمل الزوجه الأولى .. إنتم بس عشان فلوسكم اللي تعمي العيون صار يجيكم كل شوي .. لولا هالفلوس لكانت حالتكم ألعن من حالتنا ولا فكر يزوركم .. واللحين يقول لي أنه دور علينا لين تعب وإن الغلط على خالي ...!!!
شد على أسنانه بقهر وكمل: كذاب ...!!! بيت خالي يعرفه ...!!! وشقتنا رجعنا لها وسألت رغد مالك العماره أكثر من مره بس قال إنه محد جاء يسأل عنكم ...!!! وش برايك يعني هذا ...؟! غلطان ويكذب علي .. يضل إنني ساذج وراح أصدقه ..
طالع بابوه وكمل: ما طلبت منك سبب ولا تفسير لغيبابك فليه تبرر بالكذب ...!!!!
فتح عزام فمه بيتكلم بس قاطعه حُسام بإنفعال: بس ..!!! ما أبغى أسمع شيء ...!!! ما جيت أسمع أي تفسير ...!!!
إبتسم أسامه وقال: أجل جاي تحرق البيت ...؟!
لف حُسام عليه فكمّل أسامه وهو يقلب الجوال: لكن ما توقعتك طفولي .. الجوال كله ألعاب .. أووه سونيك ..! من زمان عن هالألعاب .. وكمان فيه خدمة الإنترنت فعّاله و....
وقف عن الكلام لما رن التلفون فقال باندعاش مُصطنع وهو يقرأ الاسم اللي ينور الشاشة: أووه مكتوب بابا يتصل بك ...!!
طالع بحُسام وكمل: البابا بتاعك يتصل بك ..
شد حُسام على أسنانه ومد يده يسحب الجوال من إيد أسامه بس رفع أسامه إيده يقول: بصفتنا أخوان خلني أتعرف على البابا حقك ..
ورد على المُكالمه فتترفز حُسام وحاول ياخذ الجوال في حين وصل لأسامه صوت مشعل الحاد يقول: حُسام وينك ...!!!
إبتسم أسامه وهو يقاوم حُسام في حين قال مشعل لما ما سمع رد: حُسام أي تفكير متهور أتركه .. إنت طالع بكفالة يحيى .. هو أكثر من راح يتضرر بأفعالك الطائشه حُسام رد علي ...!!!
رد عليه أسامه يقول: طيب إذا نويت أحرق نفسي مع أعدائي ...؟! بيتورط يحيى كذا ولا لا ...؟!
حل الصمت لفتره قبل لا يجيبه صوت مشعل الهادي يقول: مين معي ...؟!
إنصدم أسامه وبآخر لحضه طاح الجوال من إيده وهو يوقف حُسام اللي كان على وشك يعمل حركه خطيره بتوديه باغماء ..
إنحنى حُسام وأخذ الجوال اللي سرقه من غرفة ولد مشعل واللي كان خاص بالولد ..
قفل الجوال في وجه مشعل في حين صفر أسامه وهو يقول: والله عليك حركات محترفين ...! مين علمك ...؟!
رجع حُسام على وري ولف يطالع بابوه اللي كان يطالعه بقمة الهدوء وأنجي لسي جنبه ماسكه بايد أبوها ..
رن الجوال من جديد بياده فقال أسامه: البابا يرن ... رد عليه ..
لف على أبوه وكمل: باعك يا أبو أسامه ..
تقدم عزام من حُسام يقول: اللي دق هو مشعل صح ...؟!
حُسام: مالك شغل ..

مد عزام إيداه يقول: هات أكلمه ..
وبحركه تلقانيه حظ حُسام الجوال وري ظهره وهو يطالع بأبواه بنظرات حقد ..
رفع عزام حاجبه يقول: إيوه ... ومن متى ..؟!
رجع إيداه وكمل: ومن متى تعرف مشعل حتى تعزه أكثر من أبوك ..؟!
ضاقت عيونه وكمل: مع إن موضوعه مُشابه تماماً للي صار معي بالعكس هو كرس حياته بس عشان
يعرف مين قتل أمه ولا فكر يسأل عنك وعن أختك اللي تصيرون له أخوان من الأم .. ممكن تشرح لي السبب
!؟..
عقدت ملك حاجبها وتوها فهمت مين يكون مشعل هذا ..
ما كانت تضن إن لجواهر ولد قبل حُسام ورغد ..

رجع الجوال يدق للمره الثالثه فضغط حُسام على الجوال وهو يطالع بأبواه اللي ينتظر منه جواب ..
خلاص كُل اللي فكر فيه خرب ..
ما بيقدر ينفذ اللي خطط له من أول بسبب تدخل هالأب وأولاده الأثنين ..
راح يطلع ويفكر بطريقه ثانيه ..
مع إنه جاء وخلص هو ناوي على هالنيه ..
لف يطالع بملك بحقد كبير يملأ صدره ..
يكرها .. يكرها هالإنسانه اللي دمرت حياتهم لأسباب مو واضحه بالنسبه له ..
يكرها بقوه ..!
بدأ يرجع على وري وهو شايل هم الهروب من هنا ..
ما خطط لذا الشيء أبد والمكان برى مليون من السواقين وبعض الحرس والمزارعين وغيره من العمال ..
هروبه ما بيكون سهل مثل إقتحامه بشكل مُباشر للمكان ..
رفع أسامه حاجبه يقول: الولد ناوي يهرب ..
عزام بهدوء: حُسام راح أترك لك حرية الإختيار .. بس صدقتي الجلوس مع مشعل هذا ما راح يفيدك مُستقبلاً
.. شغلته الشاغل هو أمه وموضوع قتلها فراح يجي اليوم اللي يهلك فيه وخصوصاً إنه متزوج وعنده عيله ..
محد بيكون أحن عليك من بيت أبوك .. والأولاد اللي بعمرهم يحتاجوا لأبائهم أكثر من أي شيء .. وأنا راح
يجي اليوم اللي أجلس فيه معك وأحكى عن كُل اللي صار وأشرح لك أسبابي بالتفصيل حتى لا يكون فيه أي
مجال لأي شك مُمكن ينشأ داخلك ..
ظل حُسام يطالعه بعدها أشتر على أسامه يقول: يكفيك هالولد تربيه وتشرح له أي من أسبابك ذي أنا
برمجت نفسي أعيش على أساس إن أبوي ميت .. ومهما كانت أسبابك فصدقتي ما راح أسمع لها .. لأنها ما
بتفيدني بعد ما فقدت كُل شيء بحياتي ..
ضاقت عيونه وكمل: دمرتني يا ييه وعمري ما راح أسامحك لحد ما أموت ..
بعدها لف وطلع من البوابه وعزام يطالعه والجملة الأخيره أوجعت قلبه كثير وخصوصاً إنها المره الأولى اللي
ينطق فيها بكلمة *ييه* ..
ملك بهدوء: بتخليه يروح بعد المسرحيه الجنونيه اللي صلحها ..!
لف عزام على أسامه يقول: إطلع واخل حُسام يطلع من المكان بدون لا يوقفه أي واحد ..
ميل أسامه شفته بعدها خرج وهو يقول: أوكي أوكي ..
تقدم عزام بخطى شبه واهنه وجلس على أقرب كنبه ..
حست أنجي إن أبوها مو طبيعي فجت وجلست جنبه تسأل: بابا إنت بخير ..؟!
تكي عزام براسه على باطن إيداه وهو يهمس: لا مو بخير .. ما تدري شقد غلاة هالولد على قلبي عمره ما
ناداني بأبوي أو ييه ولما قالها قالها بوسط هالجملة اللي أوجعتني ..
إندهشت أنجي فهذه المره الأولى اللي تشوف فيها أبوها منكسر كذا ..
حطت إيداه على كتفه تقول بشويه إنفعال: طيب كان صرخت بوجهه ...!!! إنت ما شفته كيف وقح معك ويتهمك
بالكذب ...!!! وربى قهرني ..!
همس عزام: ما غلط ... والله ما غلط بأي كلمه قالها ..
أنجي بدهشه: مُستحيل ...!!! بابا أنا أعرف إنك يعني شوي مُهمل بس مو لهالدرجه ..!!! هو قاعد يتبلى عليك
قبل لا يعطيك أي فرصه تشرح له .. هو الغلطان ..
همس من جديد: أنا الغلطان مو هو ..
ما عرفت أنجي وش تقول أكثر ..
منقهره .. شفاه أبوها يدافع عنه كذا ...!!!
ولد وقح ولسانه زفت ومجنون رسمي ...!!!

ليه يدافع عنه ؟! هي لما تغلط يصارخ عليها فليه اللحين لما يغلط هالولد ما يصارخ عليه ..؟!
يعني مو معقوله كل هالخرابط اللي خربطها هالولد عن مقتل أمه وحياته المشقلبه وموت أخته وموضوع خاله
تكون صح ..؟!!

واضح إنها طالعه من فم واحد توه هارب من المصحه النفسيه ...!!!
رفع عزام راسه بعدها قام فقامت تقول: وين رايح ؟!
لف متجه للدرج وهو يقول: أريح شوي ..
وبعدها طلع فطلت أنجي واقفه بمكانها بعدها لفت على جهة أمها فشافتها واقفه بمكانها تطالع الأرض بتفكير ..
أنجي: مام ..؟!!

صحيت ملك من بحر أفكارها بعدها لفت تطالع بعزام اللي وصل لنهاية الدرج وراح لجهة الجناح ..
مطت شفتها شوي بعدها لفت وطلعت هي كمان متجاهله أنجي ..
طالعتها أنجي حتى طلعت بعدها جلست وحطت راسها بين يديها ..
بتتنج .. وش اللي صار اليوم ..؟!
كل شيء فيه جنوني ومو معقول ...!!!
دخل أسامه بهالوقت وطالع بأنجي بعدها تقدم منها يقول: شفيك ؟!
أنجي ولسى عيونها على الأرض: مو قادره أستوعب اللي صار أو أتقبله ...!!!
ميل أسامه شفته وجلس على حافة الكنب يقول: ليه ..؟! وش الغريب في الموضوع ؟!
عقدت حاجبها وطالعه بدهشه ...!!!

كيف وش الغريب وكل شيء صار كان أغرب من الغريب ؟!
إبتسم أسامه بشيء من السخرية يقول: كل شيء غريب يطلع من عزام وملك يكون طبيعي .. من بعد موضوع
تستترهم عن قاتل لروحين وأنا صرت متقبل أي شيء يطلع منهم ..
حرك إيداه بالمكان يقول: وكل اللي صار قيل شوي متأكد إنه صح ميه بالميه ...!!!
أنجي بدهشه: أسامه شهالكلام ..!!!


أشرت عالمكان اللي كان واقف فيه حُسام وكملت: يعني إنت مصدق ذيك الخرابيط اللي نطق فيها واحد يطلع
أخو لنا من الأب ..!!! إنت ما سمعت بالبدايه وش يقول ..!!! يتهم مام بإنها ورطته بجريمة قتل وإنها السبب
في سجن أخته اللي أدى لموتها وإنها السبب بموت أمه ...!!! هذا حط كل المصايب الوهميه اللي صارت له
بأمننا ...!!! ولما جاء بابا جلس يقول إنه السبب بكل هذا لأنه تركهم ...!!! وربى يكذب ...!!! الله أكبر يا ذي
المصايب كلها اللي تصير بعيله وحده ...!!! أم تنقتل وأخت تقتل وتتسجن ظلم وهو يتشرد ويصير مجرم ...!!!
إنسان مجنون ويرسم لنا قصه خياليه من عقليته ذي ويتهم اللي يبيغاه براحتة ...!!! قهرني هالمجنون
ومُستحيل أصدقه ...!!!

طالعتها أسامه شوي بعدها إبتسم يقول: إذا كان مجنون ويكذب فليه ما كذبه أبوي أو أمي ..؟!
أنجي: بابا إنسان طيب فكيف تتوقع منه إنه يتهم ولده بالمجنون ...!!!
أسامه: وأمي ..؟!!

أنجي: مام ما حاولت تتدخل بموضوع بين بابا وذاك المجنون ...!!! أسامه لا تجنني ...!!!
أسامه: حبيبتي إنتي بس تقبلي هالحقيقه عن أمك وأبوك وما راح يصيبك الجنون أبد ..
ضافت عيونه وكمل: فالخافي عنهم أعظم ..
وقفت أنجي بحده تقول: أسامه إنت بعد إنجنيت رسمي ...!!! كيف تقول عنهم كذا ...!!!
شدت على أسنانها وكملت: آسفه المفروض ما أنصدم من كلامك ... اللي يسرق البنث اللي يحبها أخوه
طبيعي يقول مثل هالكلام عن أمه وأبوه ...!!!
لفت وطلعت لفوق بينما ظل أسامه بمكانه لفتره بعدها إبتسم بسخرية وهو يهمس: لسي طفله على تقبل مثل
هالعالم اللي صنعه لها جشع وأنانية أمها وأبوها ..


دخلت أنجي لغرفتها ورمت نفسها على السرير ..
نرفزها ... نرفزها كثير ..
ياما تهاوشت مع أمها وعاندت أبوها بس مع هذا ما ترضى أي كلام عنهم ...!!!
وخصوصا إتهامات ثقيله مثل كذا ...!!!
شدت على أسنانها وهي تتذكر جُملة أسامه ..
* من بعد موضوع تستترهم عن قاتل لروحين وأنا صرت متقبل أي شيء يطلع منهم *
وش يخربط هذا بعد ...!!!

قاتل ويتستروا عليه ..!!؟!! مُستحيل أمها وأبوها يصلحوا كذا !!
 أكيد يخرّب على راسها .. أو يمكن فعلاً هو إنجن بعد مثل ذاك الأخو اللي ما تدري طلع من وين ..!
 أمها وأبوها يمكن أخطأوا بحياتهم بس مو لدرجة يتستروا على قاتل أو يتهموا أحد بجرائم ما سواها !!..
 هذا كذب .. وهذا رايها ومحد راح يجبرها على تقبل شيء هي ما تتقبله أبد ..
 طرى ببالها موضوع التسجيلات اللي بغرفة كِرار ..
 شوي طرى ببالها كلام حلا عن علاقة أمها بجهاد اللي توترت من بعد مُقابلة العامل السعودي ..
 شدت على أسنانها وسحبت اللحاف تلبس نفسها وهي تتجاهل أي حدث مُمكن يشككها براياها ونظرتها لأمها
 وأبوها ..
 ما بتصدق أي أحد غير أمها وأبوها ..
 طرى ببالها كلام أبوها عن إن حُسام ما غلط بأي كلمة قالها ..
 هزت راسها بالنفي ..
 حتى أمها وأبوها ما بتصدقهم ..
 ما بتصدق غير نفسها وبس ..
 ونفسها تقول إن كل هذا كذب ..



قفّل الجوال مره وحده ورماه بدرج السيارة اللي تسوق بسرعه متوسطه بإحدى شوارع جده القريبه من الشاطئ ..
 عض على شفته وهو يطالع من قزاز السيارة للشوارع المُضيئه والمُزدحمه في مثل هالساعه ..
 شوي ضرب درج السيارة برجله بكُل حقد ووجه أبوه ما يفارق راسه ..
 يحقد عليه .. مو قادر حتى يقنع نفسه بها الأسباب الواهيه اللي ذكرها ولا حتى قادر يفكر بيانه يبرر له ..
 خلاص ... من بعد مُقابلته له بالسجن تمنى ما عاد يشوفه وإعتبره شخص مات من زمان فليه قابله ..!!؟
 ليه قابله بمثل هاليوم ..!!؟
 ليه ما يصير كُّل اللي هو يبغاه ..!!؟
 ليه كُّل شيء ضده وكُّل شيء عكس مشينته وتفكيره ..!!؟
 مافي شيء بحياته مشي مثل ما تمنى ...!!
 جاه صوت عُثمان يقول: قلت لك خلنا نتأكد إنه مافي بالبيت غير ملك بس إنت ما سمعت لي ..
 طالعه حُسام بحقد يقول: ما طلبت تعليق منك ...!!
 عُثمان بيرود: حُسام حاول ما تتمادى معي بالكلام حتى لا أضطر أتخلص منك اللحين .. وتعرف إنني أقدر عليها
 حُسام بسخريه: اللي قتل واحد فعلاً يهون عليه بعده يقتل ألف !!
 عُثمان: أنصحك ما تستفزني ..
 حُسام: نفس الوضع معي ...!!
 أشر على الباب وكمل: فلا تخليني أنزل وعلى أقرب مركز شُرطه أبلغ عنك ..
 عُثمان: ما بياخذون بشهادتك ..
 حُسام: عندي أخ مُحقق وببخلي كُّل شيء لصالحه وقد ذكرت لك هالشيء فلا تحاول تتذاكى عليّ مره ثانيه ...!!
 وبس لأن صوتك يجيب لي الغثيان ...!!!
 وقَف عُثمان عند الإشاره وقال وعيونه على قدام: صدقتي موتك بيوم من الأيام راح يكون على إيدي ..
 تجاهله حُسام ولف وجهه يطالع من الشُبّاك بنافورة الملك فهد اللي تبعد حول خمس كيلو متر عن مكانهم ..
 ضاقت عيونه وهو ما همه الكلام اللي قاله هتثر هذا ..
 عارف إنه يكرهه لدرجة القتل بس اهم شيء عنده إنه ما يخلي اللي دمروا حياة عيلتهم يعيشوا بالحياه ..
 قبل لا يموت راح يتأكد من إنهم يتعاقبوا على اللي سووه فيهم ...!!

ملك ذي لازم ما تعيش بمثل هالحياه بعد ما سوت فيهم كل هذا ..
شيطانه مثلها المفروض تموت وبما إن عثمان بدأ يقلب عليها فراح يستغل هالوضع ..
عثمان خلاص يبغاهم إثنين يموتوا فعشان كذا راح يحقق له أمنيته وبيخليه يقتلهم مثل ما بيغى ..
ملك منها تموت ولا تعيش بعد ما ماتت أمه وأخته ..
وهو حياته خلاص ... مو قادر يكملها ..
لا أم .. ولا اخت .. وذنب كبير مثقل ظهره ويلاحقه .. وأب شوفته تسبب له كمية ألم وحقد كل هالأشياء
كبيره عليه ..
مو قادر يتحملها ..
رغد الحياه من بعد رغد ماهي حياه ..
دمها يحسه برقبته وشيء كبير مثل هذا ما بتقدر نفسه الضعيفه تتحمله ..
هو ضعيف ضعيف داخليا والضعف هذا هو اللي خلى حياة رغد تنتهي بهالشكل ..
يكره نفسه حتى الموت فكيف بيعيش وهو كاره نفسه بالشكل هذا ..؟!
مط شفته لما حس فيها ترتجف ..
ذكرى رغد تؤلمه .. تؤلمه كثير من الداخل ..
قلبه يتمزق .. جسده رغم عنه يرجف كل ما تذكرها ..
غمض عيونه بقوه يمنع نفسه من إنه يضعف ويبكي بمثل هالوقت ..
جاه صوت عثمان يسأل: وين تبني تروح ..؟!
همس له حُسام: لأي مكان ..
طالعه عثمان شوي بعدها ميل شفته ولف بالسياره لجهة الشمال ..




في صباح اليوم الثاني ..
وقفت السياره قدام فيلتهم الموجوده بهذا الحي شديد الهدوء ..
لف عليه يقول: نادر وصلت ..
ظل نادر يطالع بالبيت لفتره بعدها تنهد بعمق وقال: مشكور فراس ما قصرت ..
إبتسم له فراس يقول: إنت مو من جدك صح ..؟! ما بين الأخوان شكر ..
طالعه نادر بعدها حط إيداه على كتف فراس وشد عليها قبل لا يفتح باب السياره وينزل ..
لوح له فإبتسم فراس وحرك السياره وراح بعد ما تأكد بأن صاحبه دخل البيت خلاص ..
إستقبلته أمه اللي حطت إيدها على كتفه تقول: الحمد لله على خروجك من المستشفى بالسلامه ..
نادر: الله يسلمك ..
ظلت تطالعه شوي قبل لا تقول: كم مره قلت لك واضب على الأدويه ولا تتركها أبد ..! نادر لا تهمل نفسك ..
إنت بمثابة الأب لكل اللي بالبيت فلا تهمل صحتك ..
هز راسه بعدها سأل: وين الهنوف ..؟!
الأم: من خرجت من المستشفى وهي مقفله على نفسها باب الغرفه ..

هز راسه وقال: طالع لها ..
وقفته أمه فطالعها .. أخذت نفس بعدها قالت: نادر .. نصيحه مني طلقها ..
إندهش فقالت قبل لا يبدأ يعترض: ما سمعت نصيحتي وتزوجت من وراي .. وبعدها كمان ما سمعت نصيحتي
ورفضت تطلقها لما كنتو لسي بأول أيام زواجكم .. بنت بمثل شخصية الهنوف وعمرها الصغير ما راح تقدر
تتحمل تجلس معك أكثر .. بتضغط عليها وبتودي بنفسيتها للهاويه ..
تنهدت وكملت: هي لسي صغيره والعمر قدامها طويل وبإذن الله تلاقي لها حياه ثانيه أكثر طمأنينه وأمان من
حياة الخوف اللي بتعيشها معك لو رفضت تطلقها ..
حست بالألم بصدرها وهي تقول: إذا إحنا عيلتك تقبلنا موضوع إن الله مُمكن بأي لحضه ياخذك من بيننا فهي
ما راح تقدر تتقبل مثل هالحقيقه .. صعب عليها تعيش بمثل هالقلق والخوف .. نادر حبيبي إنت ولدي ويولمني
أقول لك مثل هالكلام لكن ربي كاتب بيان مرضى هالمرض ما يعيشوا وقت طويل .. لا تسرق أيام عمرها بسبب
الأنانيه .. هالمره لا تفكر عشائك وفكر عشائها هي .. شوف وش الأفضل لها ..
طالعها نادر لفتره بعدها لف وراح للدرج من دون أي كلمه وحده ..
تابعت أمه بنظراتها وأول ما إختفى غمضت عيونها وسحبت نفس عميق وهي تحس إنها مُمكن تبكي بأي
لحضه ..
هذا ولدها الغالي .. عزيز كثير على قلبها ..
تعبت ومرضت بالسُكر أول ما سمعت الطامه اللي تقول بيان ولدها مريض بالإيدز ..
أيام وأسابيع قضتها بالمُسْتَشْفَى وقتها ..
صدرها وقلبها ينقبض أول ما تسمع هالطاري ..
طاري إن ولدها مُمكن بأي لحضه يفارق هالعالم ..
جلست بهدوء على الكنبة وأخذت نفس عميق ثاني من صدرها علها توقف هالإنقباض والضيقه اللي ما فارقتها
..

فتح نادر باب الجناح وإتجه للغرفه ..
لف مقبض الباب بس الغرفه كانت مُقفله ..
تنهد بعدها دق الباب بس ما سمع أي رد ..
دق مره ثانيه وبالمره الثالثه قال: الهنوف ..؟!
برضوا مافي أي إستجابه ..
تكتف وأسند ظهره على الباب يطالع بالجناح بسرحان وخصوصاً بالكنب اللي قدام التلفزيون اللي ياما جلسوا
عليها ..
إبتسم لما تذكرها تحاول تتصنع الأنوثه والنضج وجنبها دفتر التعليمات اللي ما يدري من أي قناه نقلتها ..
ولا لما تشغل له شيلات بجو رومانسي مثل ذاك الجو ..
خبيله ..
وخبيلته هذه يحبها ..
همس بينه وبين نفسه: بس لاني مريض بهالمرض مكتوب لي أعيش بشقاء ..
ضاقت عيونه بهدوء وكمل: أنا ما غلطت .. من حقي أتزوج وأعيش حياتي ... يكفي إني حرمت نفسي من
حقوقى ولا لمستها ولا لمره وحده فليه أطلع غطان ..؟!
أخذ نفس عميق وهو يحس حاله يناقض نفسه ..
لا ... هو عارف إنه غلط بس في الوقت نفسه يحس إنه ما غلط ..
مو عارف أي الأمرين هو الصبح ..
اللي يعرفه هو إنه كسر الهنوف وآلمها بألم مو عارف كيف يداويه ..
وقف نظره على غرفة التجارب حققتها لما شاف كيس معلق بالباب ..
إعتدل بوقفته وراح للكيس وفتحته ..
عقد حاجبه لما شاف صمغ خشب كبير وعلبة سائل برسيل ..
شكلها طلبات طلبتها الهنوف من قبل ..
جاه فضول .. شئوع تجربتها هالمره ..؟!
تنهد بعدها رجع لباب الغرفه ودقه من جديد ..
نادر: الهنوف إفتحي الباب أبيغى أتكلم معك ..
ما جاه رد فقال: الهنوف إفتحي ..
إبتسم وقال بشيء من الإستهبال: حتى وأنا مريض بالإيدز أقدر أكسر الباب ..

برضوا مافي أي إستجابيه .. شوي ويشك إن الغرفه فاضيه ..
ظل ساكت للحضه بعدها قال: الهنوف أدويتي بالغرفه وما أبغى أتأخر عن موعد الدواء ..
تنهد لما كمان ما سمع منها رد .. شوي إلا سمع طقة المفتاح فعرف إنها فتحت ..
لف مقبض الباب ودخل فشافها عالسريير متلحفه باللحاف على جسمها كله والغرفه ظلام ..
دخل وقفل الباب وراه بعدها تقدم وجلس على طرف السريير ..
مد يده بهدوء ولمسها فحس بجسمها يرجف من تحت اللحاف ..
أبعد إيده وظل يطالعها بهدوء بعدها قال: الهنوف ..
ما ردت عليه .. مو قادر يسمع منها ولا نفس .. جسدها بس اللي كان واضح إنه يرجف من تحت هاللحاف
التخين ..
مد يده من جديد لجهة راسها ومسك باللحاف حتى يبعده بهدوء بس كان طرف اللحاف تحت راسها ..
نزل إيده شوي وشد على كتفها وهو يقول: الهنوف شبلي هاللحاف عنك وخلينا نتكلم شوي .. بتنكتمين كذا ..
سكت ينتظر منها رد لكن كل اللي سمعه هو شهقه مكتومه طلعت من حلقها ..
ضاقت عيونه بحزن بعدها قال: الهنوف لمتى بتظلي كذا ..؟!
بعد إيده عنها وظل يتأملها لخمس دقائق تقريباً وهو يفكر بكلام أمه وفراس له ..
نادر بهدوء: تبغي الطلاق ..؟!
ما سمع رد فقال بعد تفكير: الهنوف أنا طالع ليومين أنام عند فراس .. خذي راحتك بالبيت وما راح تشوفي
وجهي حتى لا تتضايقني .. في هاليومين فكري زين .. إذا تبغي الطلاق فهذه رغبتك وراح أنفذ اللي تتمنيه ..
وإذا ما تبغي فراح أرجع وأشرح لك كل اللي تبغي تعرفيه .. وإذا تبغي تروحي لبيت أهلك فقولي لأميره وراح
توديك ماشي ..؟!
طالعها لفته بعدها قال: خلاص أجل .. أعتبر إننا إتفقنا كذا ..
قام من فوق السريير وراح للدولاب حقه ..
طلع له كم لبس ورماه بشنطه صغيره وبعدها فتح الدرج وطلع أدويته وبعض المستلزمات الثانيه وهالمره كان
يسمع شهقاتها المتقطعه بين فتره و فتره ..
راح للباب بعدها تنهد ولف عليها يقول: أياً كان الخيار اللي بتختاريه أتمنى قبل لا يتنفذ تصلحي لي تجربيه
اللي نويتي عليها .. عندي فضول أعرف وش هالتجربه اللي تطلع من صمغ وصابون ..
لف وخرج من الغرفه ..
أخذ نفس عميق بعدها شد على أسنانه على الفكره الغبيه اللي طلعت معه ..!!
كان ناوي يدخل يشرح لها وجهه نظره ويشرح لها الموضوع ..
بينهم كلام طويل كان لازم ينقال لكن إختار الإنسحاب ..
ما توقع إنه راح يخاف من المواجهه ..
طلع جواله ودق على فراس .. ثواني حتى قال: معلش فراس راح أتعبك لكن إرجع وخذني معك .. بأجلس معك
يومين بالبيت ..
فراس: لا نادر وشو معلش ..؟! حياك الله في أي وقت وأنا أصلاً علقت بزحمة إشاره فما بعدت كثير عن البيت
.. دقائق بس وأكون عندك ..
نادر: أجل خلاص أنتظرك ..
وقفل الجوال بعدها طلع من الجناح ..



وبصباح اليوم التالي ..
دخلت بنان المستشفى على الرغم من كل الرضوض اللي توجعها بجسمها ..
كانت راح تسحب وتغيب لكن عندها فضول تعرف وش يبغى منها الدكتور ثامر ..
رفعت حاجبها .. القظ عند طاريه فعلاً ..
من دخلت للقسم حتى شافته عند الريسبيشن واقف يقطعق بجواله ..
عقدت حاجبها لما لاحظته بين لحضه ولحضه يسرق نظره لملف المريض اللي يتناقش مع الموظف ..
تكتفت وظلت تراقبه حتى إبتعد وهو يقطعق بالجوال ..
وقف ورفع راسه عن الجوال لما لاحظ أحد يعترض طريقه فابتسم لما شاف إنها بنان وقال: صباح الخير ..
كيف إيدك ؟! ..
أشرت بنان على المريض تقول: أول مره بحياتي أشوفك تسرق رقم رجال مو حرمة ..
لف نادر على المريض اللي لسي يتكلم مع الموظف وقال: هو ماهو سعودي الجنسيه فعشان كذا سعر الكشفيه
غالي بالنسبه لحالته الماديه .. تعرفي الأجانب التكلفه أغلى من المواطنين .. حبيت أساعده يجي أكشف له أنا
ببلاش .. ببغالي أنتظره يخلص مناقشته مع الموظف ..
طالعها وكمل: المهم ما توقعتك راح تجين ..
تنهدت وقالت: دكتور ثامر أعرف إنك تساعد الناس بس طريقتك ماهي قانونيه أبد ..!! أقصد ...
قاطعها يقول: الدكتور وليد طلع لمؤتمر أطباء يُعقد بأحد قاعات شمال جده .. معناته مو موجود اليوم ..
صاحبها الإحباط وهي تقول: كنت حاسه إن فرصتي أمس كانت آخر فرصه .. ما بيمدني أعمل له الكشفيه بدون
وجود الدكتور وليد .. ليتني ما جيت اليوم ..
رفع الدكتور ثامر حاجبه يقول: وليه ؟! اليوم أحسن فرصه دام الدكتور غايب ..
عقدت حاجبها تقول: ما فهمت عليك ..
ميل شفته من غبانها وقال: إكشفي على أخوك بدون إذن الدكتور وليد ..
إندهشت وقالت: من جدك إنت ؟! ..!! هو مريض الدكتور وليد .. ما يحق لي قانونياً بأي شكل من الأشكال
الكشف عليه بدون أخذ الإذن من الدكتور المسؤول ..!!
لف وجهه بشيء من التأفف وهو يهمس: بيقطعها القانون هذا ..
رجع يطالعها وكمل: إذا بتمشي عالقانون فراح تضيع صحة أخوك بدون لا تصلحي أي شيء ..
لف وتركها بانزعاج فظلت تطالع فيه لفترة بعدها لفت وراحت لمكتبها ..
نزلت عباتها ولبست البالطو وجلست على كرسيها ..
أخذت علبة المويه القريبه منها وشربتها ..
إسترخت بجلستها وهي تهمس: ليه يطلعي غلطانه ؟! ..!! إذا هو متعود يخترق القوانين فليه يضمن إن الكل مثله
؟! ..
طلعت بإيدها المكسوره وهمست: إيه خايفه عليه وتهمني صحته أكثر مما يتخيل فليه يحسبني إني أهتم
بالقانون أكثر من أخوي ؟! ..!! شكه الزايد بالدكتور وليد صار مُبالغ فيه ..
ما شافت منه أي شيء ..
هالدكتور اللي صار رئيسها بشغلها ما شافت منه أي غلط فكيف تصدق هالشك ؟! ..!!
هي تقبلت هالشكوك بس من شدة خوفها على أخوها لكن لو تجي بالعقل فكل هالكلام ماله منطق ..!!
يعني ... تعاونت مع الدكتور وليد في كذا عمليه وشافت قد إيش هو صارم بالجراحه وما يسامح الغلط الصغير
فكيف دكتور مهتم بالمرضى يكون متاجر بأعضائهم ؟! ..!!
سمعت للدكتور المهمل هذا وطالبت دكتورها بإعادة الكشوفات ومع هذا حسبت بانها إرتكبت أكبر غلط بحياتها
لما شكت فيه ..
قابل شكها بنفس طيبه وكل اللي إستفادته هو تدهور الثقه بين المتدربه ودكتورها ..
غمضت عيونها لما تذكرت كلام الدكتور ثامر عن مريضه القلب اللي ماتت بعملية الدكتور وليد ..
هالشيء الصغير شوي مضايقتها ..
إعتدلت بجلستها وشغلت الكمبيوتر حقها بعدها دخلت على سجلات المرضى ..
عقدت حاجبها تحاول تتذكر إسم أم زميلتها بعدها كتبت ..
تنهدت لما طلع إنها غير مُخوله للإطلاع على هذا السجل ..
كانت تبغى بس تتأكد من سبب الوفاه بوسط العمليه ..
ظلت عيونها معلقه بالشاشه لفترة بعدها تنهدت وهزت راسها تبعد الشكوك اللي دخلته من جديد ..

قررت تقوم تشوف لكرار اللحين أفضل ..
خرجت وطلعت للدور اللي فيه كِرار وكلها دقايق حتى دخلت للقسم اللي هو فيه ..
لما قربت من الجناح عقدت حاجبها لما شافت جهاد مستند عالجدار اللي جنب الباب وسرحان ..
شكله ما راح اليوم لجامعته ..

تقدمت منه وقالت بابتسامه: صباح الخير جهاد ..
صحي جهاد من سرحانه وقال: أهلاً بنان ..
طلعت بالغرفه بعدها طالعت بجهاد تقول: دخلت تشوفه ..؟!
هز راسه وهمس: أبوي عنده اللحين ..
إندهشت بنان للحضه بعدها تنهدت وسألت: علمته ..؟!
هز جهاد راسه بالإيجاب ..

دخلت إيدها بجيب البالطو وظلت بمكانها تنتظر أبوها يطلع ..
سألها جهاد بهدوء: يقولون صحي كذا مره واضطروا يعطوه مهدنات .. صح هذا الكلام ..؟!
هزت بنان راسها بالإيجاب وقالت: جهاد حالته يبغالها علاج مبكر حتى لا تتدمر أكثر ويصعب بعدين علاجه ..
طلعت فيه وكملت: ببغالنا ننقله لقسم الطب النفسي لكن أولاً لازم يخلص إجراءات مُعابنة صحته الجسديه هنا

..
هز راسه بهدوء وهو متألم من موضوع إن أخوه راح يتعالج نفسياً ..
تنهد وهمس: الله يقومه قريب بالسلامه ..

بنان بهمس: أمين ..
شوي وانفتح الباب وطلع عزام واللي يشوفه يقول طالع من عزاء ..
وجهه ذابل بقوه ولاف طرف غترته على رقبتة ومشيتة يحسسك إنه بأواخر الستين من عمره ..
مسك جهاد بإيده لما حس إن أبوه يمشي بلا وعي في حين تقدمت بنان وباست راسه تقول: صباح الخير يبه ..
طالعه عزام شوي بعدها همس: هلا بنان ..
بنان: عسى ماشر يبه .. تعبان ولا شيء ..؟!
تنهد عزام وسألها: لما صحي كِرار ... قال شيء ..؟!
طالعه شوي بعدها هزت راسها بالنفي ..


إبتسمت وكملت حتى تطمئنهم: حالته مو خطيره .. راح يعدي المرحله هذه بخير إن إستجاب للعلاج النفسي
وراح يرجع أحسن من أول في فتره قصيره بإذن الله ..
إبتسم عزام وكلامها ريحه كثير فقال: إن شاء الله ..
لف على جهاد يقول: جهاد تعال معي شوي ..
تابعتهم بنان بنظرها حتى خرجوا من بوابة القسم بعدها تنهدت ودخلت عند كِرار ..
إتكأت على الجدار تطالع فيه بهدوء ..

* إذا بتمشي عالقانون فراح تضيع صحة أخوك بدون لا تصلحي أي شيء *

همست بهدوء: تهمني صحته .. اكيد تهمني على الرغم إنني ما عرفته غير قبل أيام .. حتى لو مريض عادي
فطبيبي كمان تهمني مصلحته .. أنا طبيبيه .. وأخذنا محاضرات طويله بهالمجال .. عن الإنسانيه .. مافي طبيب
دخل هالمجال وهو ما عنده ذرة إنسانيه بقلبه .. طبيبي يخاف على المرضى .. يعطيهم اولى إهتماماته .. يحاول
ينقذهم من الموت وكان أرواحهم هي روحه ..

صمتت لفتره بعدها كملت: دكتور ثامر .. الدكتور وليد هو دكتور .. وكِرار هو مريضه ... ما أقدر أصدق إنه ما
يملك ذرة إنسانيه بقلبه حتى تشك بانه من هالنوع .. التجاره بالأعضاء ماهي جريمه سهله ..! الشخص اللي
يتاجر بها أكيد ماهو إنسان .. مجرد روح داخل جسد .. الدكتور وليد حريص .. حريص كثير على مرضاه وكذا
مره عاتبنا وصرخ في وجهنا على أتفه الأغلاط اللي مُمكن تضر المرضى .. كيف تبغاني أصدق إنه من هالنوع
..؟! صعبه ..

تقدمت بهدوء من كِرار الغارق في نومه وطالعت فيه لفتره بعدها همست: صحيح أنا إنسانه أقدر القانون كثير
.. لكنه ٥٠٪ بس كان سبب رفضي .. لي سبب ثاني غير عن عادتي في إتباع القوانين .. خايفه .. خايفه
أكتشف إن كُل شكوك تجاه الدكتور وليد تكون صح .. سمعت عن هالقصص .. قصص عن وحوش تجارة
الأعضاء .. فكرة إن واحد من هالوحوش موجود حولي ترعيني .. متردده كثير ..
جلست على الكرسي بهدوء ودخلت بتفكير عميق ..



الساعة ثنتين الظهر ..

أجابته بالنفي فشد على أسنانه وجلس على كنبه الصالة وهو يقول: أجل وين راح بالضبط...!!! أرسلت عناصره بشكل سري تدور عنه ولا أثر .. حتى إنه ما رجع والجوال اللي سرقه حق ياسر قفله فما أقدر أتعبه .. وين إختفى بالضبط...!!!

جلست بجنبه تقول: مشعل خلك هادي وبإذن الله نلاقه .. يعني وين بيروح...؟! راح يرجع أكيد .. هز راسه بالنفي يقول: إنتي ما تعرفين كيف يفكر هذا المجنون...!!! أقدر أحلف لك إنه فيه احتمال كبير هرب عشان بس يودي نفسه للموت بأي طريقه .. الولد مجنون بأخته ومو بعقله أبداً...!!! حط راسه بين يديه وكمل: كان هادي في الأيام اللي راحت فأرخيت دفاعي وبلحضة غفله مني هرب...!!! غبي...!!! وربي إني غبي...!!!

أميره: حبيبي وربي لوم نفسك والإنفعال بالطريقة ذي ما بتفيدك بشيء .. توكل على الله وإسترخي وبإذن الله تلاقه .. وخلص مو بس تتفاول سوء .. تفاول خير .. يمكن راح يزور قبر أخته أو راح لبيت خاله وشقتهم القديمة يسترجع ذكرياته معها ..

ضاقحت عيون مشعل يقول: لا .. الولد راح يودي نفسه بمصيبه .. الشاب اللي رد علي بدل حُسام كان يبين من صوته وطريقته بالكلام إنه مو شاب عادي .. شاب خطير وخبيث ولا تقدر تشكيني بهالشيء .. مرت علي منات الأصوات في تحقيقاتي وأقدر أميز الأشخاص بسهولة ..


شد على أسنانه وهمس: ذاك المجنون...!!!
أميره: ومع هذا بطل تعطي المواضيع أكبر من حجمها لأنك بكذا بتأذي نفسك...!! تفانل بالخير .. بإذن الله يكون حُسام بألف صحة وسلامه ويكون قلقك...

قاطعها وهو يقوم ويقول بانزعاج: يووووه برودك هذا ذبحني...!!!
لف وخرج من الصالة فتنهدت بعمق في حين دخل ولدها اللي كان يطالعهم من فتره ..
جلس جنبها وقال: ماما ..
طالعه تقول: هلا حبيبي ..

تنهد وقال: يعني جوالي خلاص راح...؟! جيبوا لي جوال جديد ..
ميلت شفتها وحطت أنفه بين أصابعها تقول: وااه يا المُتطلب...!! ولا كأنك أصلاً رامي الجوال ولا تستعمل غير الآيباد .. اللحين فجأه صار مهم وتبغى بدل عنه...؟! بطل دلع ..
إنتفخت خدوده بزعل بعدها قال: لما بابا يصير فاضي راح أطلب منه .. بابا أحسن منك ولا يرد لي طلب ..
وقام فتنهدت تقول: إن شاء الله يفصل عليك أبوك حتى تعرف إنك ما راح تظل مدلع دايم ..
خرج من الصالة بدون أي تعليق وراح لغرفته ..
إسترخت بجلستها وأخذت نفس عميق ..
شوي جتها رساله عالجوال ..
فتحتها فكانت من نادر ..

* أميره معلش راح أشغلك شوي ، تقدر تروحي للهونف وتحاولي تغيري جوها شوي؟ مثلاً جربي تاخذيها لأهل أبوها اللي حضرت العزاء حقهم ؟ أصري عليها حتى تتغير نفسييتها شوي لما تتقابل مع أشخاص جدد ماشي ؟ لو مشعل مو فاضي يودكم فقول لي أقول لفراس لأن السواق ما يعرف طريق بيتهم*
طالعت بالرساله لفتره بعدها همست: الله يكون في عونك ياخوي ويكتب لك طولة العمر ..
قفلت الجوال وسرحت بأخوها شوي بعدها تنهدت وأرسلت رساله لنادر حتى تخليه يطلب من فراس لأن زوجها حالياً إستحاله يوديها لأي مكان ..


وبعدها أرسلت لزوجها تعطيه خبر عن المكان اللي راح تروح له ..
همست: ياللا إن شاء الله تنحل كل المشاكل الليلة .. الهنوف تطلع من جوها اللي هي فيه وتفكر عدل ومشعل
يلاقي أخوه المتهور هذا ..
قامت ورفعت صوتها تقول: ياسر إلبس لك ملابس راح نروح لبیت جده ..
جاها صوته بالإيجاب فراحت تجهز نفسها عشان بعدين تصحي مايا النايمة وتاخذها هي بعد ..



بعد صلاة العصر ..
تعبانه اليوم وصوتها نوعاً ما متغير من الزكام ..
لسى الأجواء مو بارده فما تدري كيف زكمت ..
البيت هادي .. عمتها راحت لعند عيله تنقشهم لأن زواج قريبهم بكره .. وحوار مالها صوت ..
يمكن تتابع لها مسلسل أو برنامج عالتلفزيون ..
فتحت عيونها تطالع في سقف الغرفة المظلم بعدها لفت على اليسار وهي تلف اللحاف على جسمها المتخدر من
التعب ..
أسوء تعب جسدي هو تعب الزكام اللي يجبرك تنام غصب عنك ..
فيه بحث للجامعة تبغى تنجزه والتعب هذا مخليها عالفراش ..
تنهدت بعمق لما ولعت شاشة جوالها معلنه وصول رساله ..
أكيد من الشركه .. عروضهم ذي متى تخلص ..!؟
رجعت غمضت عينها فطلع وجه أسامه بمخيلتها ..
فتحت عينها من جديد وظلت تتأمل دولا ب غرفتهم اللي يادوب بيان مع ظلمة الغرفة ..
همست بهدوء: مُستحيل يكون يكذب ... هو أكيد قدر يعرف وين مكان أمي ..
أمها إنسانه جبانه ضعيفه وأنانيه ..
هذا اللي عرفته من اللي صار ..
مات أخوها الصغير ... وأمها الضعيفه هذه ما قدرت تتحمل الحياه من بعده ..
أمها الجبانه تركت كل شيء وراها وهربت لمكان مافيه شيء يذكرها بولدها ..
هربت وتركت وراها زوجها وبناتها ..
ولا فكرت بعدين تسأل .. عاشت حياتها بشكل مُستقل وأناني ..
إنشغلت تشوف مُستقبلها وتناست تماماً إن فيه بنت لها ..
بنت أكثر شيء تحتاجه بحياتها هو الأم ..
بنت عاشت حياة أيتام بوجود هالأم بالحياه ..
أخذت نفس عميق وزفرته بحراره ..
مهما كان ... تركتها وتخلت عن هالعيله ولا سألت عنها مره وحده ..
ومع هذا تبغاها ..
ما تعودت تكون إنسانه تتنازل كذا ... بس عشان أمها بتتنازل ..
ما بتعاتبها على غيابها ولا بتسألها حتى ..

هي بس تبغى تشوفها .. تكلمها ... وتبكي على صدرها ..
والشخص الوحيد اللي بيقدر يحقق هالأمنية يطلب مُقابل ..
وهالمُقابل مو شيء بسيط ..
هالمُقابل يحدد لها كيف بتعيش النصف الثاني من حياتها ..
الزواج ماهو شيء اسمه *فكري لأسبوع وأعطيني رايك* !!!
هذا مُستقبل ..
من اللحضة اللي توافق فيها لحد ما تموت حيكون معها ..
كزوج .. وأب لأولادها .. وجد لأحفادها ..
حيكون كعضيد لها بحياتها .. وداعم لها ولطموحاتها ..
ومو كل رجال يكون قد ما تتمنى ..
فخايفه ..
وتحس إن الوقت لسي بدري حتى تشغل نفسها بهالمواضيع ..
قدامها لسته طموحات تبغى تنجزها قبل لا تشغل بأمور الزوج والبيت والأولاد ..
لا ... فعلاً لسي بدري ..
ماهي راضيه عن هالزواج ..
مو عشانه ك شخص .. لا السبب منها هي ..
لو قال مثلاً بعد سنتين أو أربع فيمكن توافق ..
لكن اللحين لا ..
متخوفه .. بداخلها خوف من هالزواج ..
ف
موعارفه .. ما تبغى تضايق عمتها ..
عمتها ربتها من صُغرها وكانت كالحمل على ظهرها وطبيعي تتمنى إنها تشوفها عروس بإيد رجال ثاني حتى
تطمئن ..
بس
غمضت عيونها من جديد وأخذت لها نفس عميق ..
دقايق مرت قبل لا تفتحها مره ثانيه تطالع بجوالها في هدوء ..
مدت إيدها وسحبته ..
فعلاً .. الرساله من الشركه ..
فتحت قفل الجوال وراحت على قائمة الأرقام ..
وقفت على رقم تطالعه بهدوء ..
هالجوال مو لها بس .. للعيله كلها لكن هي أكثر من يستخدمه بحكم دراستها ..
وهنا عمتها تسجل أرقام جيرانها وعميلاتاها و
كمان سجلت رقم أسامه ..
ظلت تطالع برقمه لفته وبعد تردد ضغطت الزر الأخضر ..
زر الإتصال ..
حطت الجوال على إذنها وهي تشد عالحاف أكثر وكأنه تتشجع بواسطته ..
ثواني ثقيه مرت وهي تسمع الرن وبداخلها تتمنى ما يرد ..
مع إنها تبغى تتكلم معه بس غصب عنها تتمنى ما يرد ..
وبنص الرنه الرابعه وصلها صوته يقول: هلا هلا عمتي أم حور ..
بلعت ريقها بتردد بعدها أخذت نفس عميق وقالت بهدوء: السلام عليكم ..
لثانيتين ما وصلها رد بعدها جاها صوته يقول: و عليكم السلام طيف ..؟!
فعلاً .. كانت حاسه إنه بيعرفها ..
طيف: إيوه ..
جاها صوته يقول: واه فاجئتيني ... ما توقعت تتصلي كيفك طيف وأخبارك ..؟!
طيف: الحمد لله أنا إتصلت عشان أعطيك رايب ..
سمعت صوت التلفزيون اللي عنده ينطفي وبدأ صوته جدي وهو يقول: رايك ..؟! بموضوع الزواج صح ..؟!
هزت راسها وهي تقول بنفس صوتها الهادي الرسمي اللي تحاول ما تبين التردد فيه: إيوه ..
أسامه: طيف أنا مو مستعجل .. يعني إذا بغيتي وقت كمان فما عندي مُشكله ..
طيف: بخصوص أمي أنا متأكده إنك صادق بكلامك وتعرف مكانها
سكتت شوي بعدها كملت: لو سمحت تقدر تعلمني مكانها حتى لو ما كنت موافقه على الزواج ..؟!!

لحضة صمت مرت خلتها تحس بتوتر مضاعف حتى جاها صوته الهادي يقول: أفهم من كلامك إنك مو موافقه ..؟!
غمضت عيونها وهي تحس بجسمها يرجف من التوتر وجاوبت: آسفه .. أنا يمكن أفكر بهالموضوع بعد ما أخرج من الجامعه .. السبب والله مو فيك .. الله يسعدك بحياتك ..
ثانيتين بعدها جاها صوته البارد يقول: آها ... راح يكون بيننا إتصال إن شاء الله ... مع السلامة .. وقفل الخط ..
نزلت الجوال عن إذنها وهمست: تضايق ما ألومه ..
حطت الجوال بهدوء جنب مخدتها وهمست: يا رب يوافق يقدم لي هالخدمة بعد ما رفضته كذا .. غمضت عيونها تتأمل بهالشيء حتى غلبها التعب ونامت ..



وعلى طول خط جده السريع ..
جالسه بالسياره بهدوء شديد تطالع من القزاز أجواء المدينه المايله للإحمرار بسبب غروب الشمس .. قلبها مثقلته الهموم الشديده ففي جوشي كذا روحها تستغل الفرصه وتختار الشرود والسرحة بدل التفكير بالألم الكبير اللي تشيله حواسها ..
شوي شوي بدأ الظلام يسيطر على سماء المدينه ويعم المكان الأضواء الإصطناعيه اللي تملئ المحلات والشوارع ..
غمضت عيونها بهدوء وهي تتكي بجانب راسها على القزاز وهمست: ليه كل هذا يا ربي ..؟!
لفت عليها لما حست عليها تهمس وسألت: الهنوف قلتي شيء ..؟!
ما جاها أي رد فتنهدت وهي تطالعها بعدها طالعت قدام وإختارت الصمت ..
وقفت السياره عند الإشاره فلفت الطفله اللي تجلس جنب السائق وقالت: عمو فراس إنتا صح ..؟!
إبتسم فراس ولف عليها يقول: إيه إسمي عمو فراس ..
إبتسمت له تقول: طيب عمو فراس ليش دايماً في الطريق توقفون كل شويه ..؟! حتى خالو جواد وجدو مشعل وبابا يوقفون .. ليه ..؟!
إنحنى قريب منها وأشر على الإشاره يقول: شفتي النور اللي هناك ..؟! إذا صار أحمر لازم توقف كل السيارات لين يصير أخضر ..
طالعت في الإشاره بعدها طالعت فيه تقول: وليه طيب ..؟! كذا يخلون الناس تتأخر ويخلونهم يطفشون .. مين حطها ذيه ..؟!
فراس: بالعكس .. هي تنظم سير السيارات واللي حطتها الشرطه ..
مايا: كيف يعني تنظم السيارات وهي تمنعها تتحرك مثل ما تبي ..؟! الشرطه أغبياء صح يا عمو فراس ..؟!
إبتسم لها .. تفكير الأطفال بريء بشكل ممتع ..
فراس: إنتي لسي صغيره وما راح تقدر تفهمي .. بس تكبري شوي راح تفهمي ..
مايا بإندفاع: وكيف ما أفهم ..؟! وكمان خلاص أنا صرت كبيره .. ياللا قول لي كيف يعني ..؟!
فراس: هههههههه خلاص بس يجي وقت نكون فاضيين ذكريني وراح أشرح لك .. بس طبعاً لازم ورقه وقلم خلاص ..؟!
صلحت علامة أوكي بإيدها تقول: طيب خلاص ..
ربت على شعرها والإبتسامه على وجهه ..
شوي إختفت تدريجياً وهو يطالع بإبتسامتها اللي ما فارقت شفتها ..
لف بشيء من الندم وطالع بالطريق ..
ثواني إلا وحرك السياره بعد ما نورت الإشاره الحمراء ..
لفت مايا تطالع من بين المقعدتين في أميره والهنوف فشافت وحده تطالع بالطريق والثانيه ماسكه جوالها المقفل وسرحانه ..
طالعتهم شوي بعدها لفت على فراس تقول: يطفشون صح ..؟!
طالعتها بعدها ضحك لما فهم قصدها في حين تنهدت أميره تقول: مايا إنتي ما تقصديننا صح ..!؟

طلعت مايا فيها تقول: خاله ليه كنتي قبل شوي تطفشين ..؟!
رفعت أميره حاجبها بعدها قالت: أسفه لأنني كنت أطفش ..
مايا: خاله ليه ما جاء يسوري معنا ..؟!
إبتسمت على هالدلع وقالت: لأنه يحب يقعد مع خالته منار وجدته ..
مايا بحماس: زي ما أحب أنا أجلس مع بابا وخالو حُسام صح ..؟!
أميره: صح عليك ..
إبتسمت مايا بسعاده بعدها رجعت تطالع قدام ..
دقايق حتى وقف فراس قدام عمارة أهل يحيى وقال: خلاص أميره انا راح أكون بمكان قريب من هنا ... بس
تخلصون دقي علي .. وترى راح أكون فاضي فخذوا راحتكم ..
شالت أكيره شنطتها تقول: ما قصرت والله تعبناك معنا ..
لف فراس على يمينه يكلمها: لا والله مافي تعب ولا حاجة ..
لاحظ قدام وجهه بقاله مفتوحه فطالع بمايا يقول: تبغي تشتري ..؟!
طلعت مايا فيه بعدها لفت حولها ولما شافت البقاله إستانست وطلعت فيه تقول: إيه ..
بدأت أميره والهنوف ينزلوا في حين فتح فراس محفضته وطلع لها عشرين ريال وقال: ها كذا كفايه ولا أزيد
كمان ..؟!
مايا: وaaaa أربع خمسات ..!! مررره حلو ..
طلعت فيه تقول: بس ..
وقفت على ركبتيها وباست راسه تقول: شكراً عمو ..
ونزلت بعدها من السيارة بحماس ..
إبتسم وهو يطالعها راحت لأميره وشدتها حتى تروح معها للبقاله ..
حرك السيارة بعدها راح يشوف له شغله قريب من هنا حتى يشغل وقته ..

كانت لابسه لها بنطلون جينز فاتح على هودي رمادي وماسكه شعرها تحاول تلمه ذيل حصان لكن الربطه
ماهي راضيه تضبط معها ..
رمتها بتأفف بعدها خرجت وقررت تخلي شعرها الشبه قصير مفتوح مثل ماهو ..
إنسانه دمه حار وما عندها صبر لأي شيء فبسرعه ملت من المحاولة ..
جلست بالصاله وشافت أمها تطالع ببرنامج على دبي فقالت: برنامج خايس شوفي لك فيلم أفضل .. هات أقلب
على فيلم ..
طلعتها أمها وبصراحه ودها بالبرنامج أكثر لكن ... مع بنتها ذي ما تبي تبدأ معها حرب فكالعادة راح تتصنع
بانها كانت تطالعه من باب الملل ..
وقبل لا تتكلم طلع ولدها الكبير من غرفته وهو يصلح كبك ثوبه ويقول: ترف وبعدين ..؟! لازم تجبري الكل
يتابعوا اللي تبغيه ..؟! وكمان ذي أمك ..
تأففت ترف وزحلفت شوي بجسمها على الكنب وهي تحط إيده بجيب بلوزتها وتتأفف بينها وبين نفسها ..
إبتسم على شكلها بعدها لف على أمه يقول: وين بنان ..؟!
طلعت فيها تقول: للحين ما رجعت من المستشفى .. إتصلت تقول راح تتأخر كثير ..
تعجب وهمس لنفسه: لا يكون أخذت لها مناويه ليليه ..؟! والله المتكسره ذي عندها نشاط وحب للعمل فضيع
!!!..

سألته أمه: وين بتروح ..؟!
إبتسم يحيى يقول: لعمري أشوف إذا يحتاج أساعده بشيء كذا ولا كذا وبغيت بنان تجي معي عشان تشوف إذا
البنيت تحتاج منها إستشاره ولا مساعده لكن في المره الجايه إن شاء الله ..
رفعت ترف حاجبها تقول: شف بس ...!! من اللحين يناديه عمي .. وقسم فرحة الأطفال بالعابهم الجديده أقل من
فرحتك بهالزواج ...! طفل ..
إبتسم وطلعها يقول: حبيبتنا المبرطمه نقبل منها أي تعليق ..
إنزعت وقالت: لا تقول مبرطمه ...!!!
طلعت الأم بيحي تقول: شفيك إنت على خواتك ..؟! وحده تناديه متكسره والثانيه مبرطمه ..؟! خلهم بحالهم ..
ضحك يحيى وبعدها حرك إيده يقول: ههههه ياللا أشوفكم على خير ..
وراح للباب .. أول ما فتحه حتى طلع بوجهه حرمتين ومعهم طفله توهم واقفين قدام الباب ..
ما أمدها يستوعب حتى حضنته الطفله تقول بفرح: خالوو ...!!!

إندهش بعدها إبتسم غصب عندها ومسكها .. طيرها بالهوا قبل لا يحضنها وهو يقول: مايا العسل ...!!
بعدها عن صدره يطالع بوجهها يقول: إيش المفاجئه الحلوه ذي ..؟! ليه ما علمتيني ..؟!
برطمت تقول: ما عندي جوال عشان أدق عليك وأقولك ..
ضحك على ملامح وجهها في حين وقفت ترف وقربت للباب تقول: يحيى إبعد ... شكله فيه ضيوف ..
بعد يحيى وهو شايل مايا على إيدته في حين فتحت ترف كل الباب فلف يحيى وراح لجهة مجلس الرجال بما إن
الضيوف شكلهم ما يقربوا له ..
دخلت أميره ووراها الهنوف بعد ما سلموا على ترف ..
قفلت ترف الباب وطالعتهم وهم يكشفوا على وجههم فلما عرفتهم قالت: أووه هلا هلا ..
قامت أم يحيى فجت عندها أميره تقول: كيفك يا خاله ..؟! إعزينا والله على الزياره المفاجئه لكن ما عندنا أي
وسيلة إتصال حتى نبلغكم عن طريقها ..
أم يحيى: لا لا عادي .. متعودين على زيارة الجيران المفاجئه ..
لفت أميره على الهنوف فتقدمت الهنوف بهدوء وسلمت على أم يحيى ..
أشرت أم يحيى على الكنب تقول: تفضلوا أجلسوا ..
جلست أميره وهي تحط جنبها كيس مايا المليان بخرايط من البقاله فجلست الهنوف جنبها من الجهة الثانيه ..
إتجهت أم يحيى للمطبخ فقالت أميره: لا يا خاله مو لازم قهوه .. وربى توي متقهويه في بيت الأهل ..
أم يحيى: ما يصير ما نقدم للضيوف شيء .. طيب شاي ..؟!
أميره: وكمان شارب شاي وماكله حلى وفصفصوكل شيء الله يجزاك خير .. لا تعذي حالك .. خلاص يكفيننا
كوب عصير إذا مصره ..
إبتسمت أم يحيى ودخلت المطبخ في حين جلست ترف بالكنبه المقابله تقول للهنوف: إنتي الهنوف صح ..؟!
اللي جيتي بالعزاء ..!
طالعتها الهنوف وبعدها هزت راسها بالإيجاب ..
طالعتها ترف شوي بعدها لفت على أميره تقول: أخت زوجها صح ..؟! إسمك
وسكتت تتذكر فقالت لها: إسمي أميره ..
ترف: يب يب أميره ..
بعدها إبتسمت وهي تطالع بالهنوف بشيء من الفضول ..
ودها اللحين تنهال بالأسنله بس بتصبر كذا شوي .. مو من بدايتها تحقيق ..
همست أميره للهنوف: شفيك ..؟! وجهك يقول كأن عندك عزا ..! الهنوف إحنا عند ضيوف والضيوف
يُعتبروا من عيلتك .. إبتسمي وسولفي معهم حتى لا ياخذوا عنك إنطباع بانك كئيبه .. سامعتني ..؟!
هزت الهنوف راسها بهدوء وحاولت قد ما تقدر تتناسى موضوع الشخص اللي يكون حالياً زوجها ..
زوجها اللي كذب عليها وتزوجها مستغل غبانها عشان بس يرضي نفسه ..
زوجها اللي من قلبها حبه وأخلصت له ..
زوجها اللي ما زالت تحبه على الرغم من كذبه عليها وقسوته اللي ما راعى فيها مشاعرها ..
زوجها اللي مُستحيل تتقبل موضوع إنه يمكن يتركها ويغادر العالم للأبد ..
اللي تحبه بس ما تبغى تفقده ..
اللي مصيره يموت في أي لحظه وأي يوم ..
نزلت راسها بسرعه لما حست بدموعها تجمعت في عينها ..
همست بهدوء: مُمكن الحمام ..
طالعتها ترف بتعجب بعدها أشرت عالباب الموجود باللفه وقالت: شوفيه ذاك ..
قامت الهنوف ودخلت له ..
قفلت الباب وراها وبعدها ضغطت بقوه على فمها تمنع نفسها من البكي ..
كذاب ...!!!
كذب عليها وخدعها .. إستغل عفويتها وكذب عليها ..
راح أسعدك ..!!!!
ما بخليك تندمي على هالزواج ..!!!
كل وعوده هذه هي كذب ..!
كيف يقول كذا وهو عارف إنه يموت قريب ...!!!
كيف يرفع آمالها لفوق كذا بعدها يصدمها بواقعه المر الكاذب ...!!!
على الرغم من كل هذا فليه للحين تحبه ..؟!
مو قادره تكرهه على إستغلاله لها ..
هو أول رجال بحياتها ..

كان لها الأبو اللي ما ذافت حنانه .. والأخو الكبير والزوج ..
كان سندها الوحيد بالدنيا وما زال هو الوحيد بالنسبة لها ..
تبغاه .. تبغى يكون كل هذا كذب ..
ما تبغاه يموت .. تبغى تعيش معه طول حياتها ..
تبغى معاه تشوف أولادها وحتى أحفادها ويساعدها بإختيار أسمائهم ..
!!!!....

زمت على شفتها بقوه تحاول تمنع شهقاتها وهي تبكي بصمت ..
اللين لقيت جواب لسؤالها اللي عمرها ما تجرات تسأله هو ..
عرفت ليش ما عمره قرب منها أو لمسها ..؟!
كانت تضن إن الأسباب بسيطه وخجلها منعها تسأله أو تسأل أمها ..
لسبب غامض كان هالأمر مضايقتها كثير ..
تحسبه عاجز أو شيء زي كذا ..
لكن من عرفت إن عنده بنت عرفت إن هذا مو سببه ..
ومن هنا ضايقها الأمر .. لكن ما توقعته بالسوء هذا ..!!!!
ليه ..؟! ليه ..!!!!

طلعت شهقتها غصب عنها ..
تقدمت من المغسله وفتحت المويه ..
غسلت وجهها كذا مره لعل هالبكي يوقف ..
لعل هالكابوس اللي عايشه فيه يخلص ..
لكن ولا شيء صار ..
لا وقف بكياها .. ولا صحيت من كابوسها ..
بلعت ريقها ..
أكل ما تاكل .. ونوم ما تنام .. والدموع ما توقف ..
هذا كله بس لأنها عرفت بمرضه ..
كيف إذاً بتتحمل لما يجي اليوم اللي تنتكس فيه حالته ويغادر الدنيا ..؟!
اللحظه ذيك ما بتقدر تتحملها ..
ما بتقدر تتحمل تشوفه وهو يوصل لمراحل مرضه الأخيره ..
ما بتقدر تتحمل تشوفه يموت قدام عينها .. ما بتقدر أبد ..!!!!
رفعت راسها تطالع بوجهها بالمرايه ..
تقوست شفتها وهي تفكر بالهروب .. الهروب من كل هذا ..
ترجع لعيلتها وتنسى كل شيء يخصه ..
لأن المستقبل اللي ينتظرها هو الجحيم بالنسبة لها ..
فكت المويه من جديد ورجعت تغسل وجهها حتى تكون طبيعیه قد ما تقدر ..
هي ما وافقت تجي مع أميره إلا لأنها تبغى تنسى ..
على الأقل لو لفترة قصيره ..

بعد خمس دقائق فتحت الباب وطلعت ..
راحت لهم وشافت أم يحيى جالسه معهم وقدام كل وحده كاسه عصير ..
جلست بمكانها تطالع في أم يحيى بهدوء ..
واضح من ملامحها إنها الشغاله اللي كانت تشتغل عند أمها قبل لا تتزوج أبوها ..
ظلت تطالعها وهي شخصياً ما تكرهها ولا حتى تحبها ..
لكن ... جلوسها معها كذا بشكل طبيعي ما تدري ليه لكن يحسبها بالخيانة ..
بخيانة أمها المظلومه اللي تألمت وحزنت وعانت بسبب هالحرمة اللي أخذت أبوهم منها ..
صحيت من تفكيرها وطالعت في ترف اللي نادتها بإسمها ..
ترف: شفيك اليوم ..؟! تعبانه ..؟!
الهنوف: ها لا لا ..
ترف: صف ثاني صح ..؟! كيفك بالمدرسه ..؟! عاقله ..؟!
هزت الهنوف راسها بالإيجاب فظهر الأسى على وجهه ترف تقول: ملل ..

الهنوف: أصلاً دأيم أغيب فما عندي صحبات كثير فعشان كذا وضعي بالمدرسه عادي .. ما أحب المشاكل مع الإدارة أصلاً ..

ميلت ترف شفتها بعدها رجعت تسأل: عندك إخوان ؟! كم ؟!
الهنوف: ثلاثه .. لا لا إثنين .. حور أكبر مني بست سنوات تقريباً وثائر سنه سادس ابتدائي ..
ترف: واااه .. لازم أشوفهم وأعرف كيف شخصياتهم .. الموضوع فيه مُتعه ..
كملت بعدها: إحنا أربع .. يحيى اللي شفتيه وخلص باقي له أقل من سنتين حتى يدخل الثلاثين .. وبنان عمرها ٢٥ وأنا نفس سنك و.....

وقفت عن الكلام مدهوشه بعدها همست بهدوء وضيقه: بس .. يعني ثلاثه مثلكم .. بنتين وولد ..
طالعتها أميره بشيء من التعجب بعدها لفت على أم يحيى اللي لفت وجهها بعد ما وضع الحزن عليه ..

الهنوف: طيب وينها ؟! بنان هذه ؟!

ترف: ها .. في المُستشفى ..

الهنوف بدشه: ليه ؟! شفيها ؟!

ضحكت ترف غصب عنها تقول: هههههه لا لا هي طبيبه فعشان كذا بالمُستشفى ..

تنهدت الهنوف براحه .. طاري المرض والمُستشفيات صار فوييا عندها ..

أميره: ما شاء الله عليها .. مهنة الطب مو أي أحد يقدر يمتنها .. وإنتي طيب وش ناويه تطلعي ؟!

ترف: عاطله عن العمل بإذن الله ..

طالعوها بشيء من الدهشه من ردها فقالت: مالي بذى الأمور أبد ..

ضحكت أميره تقول: عكس أختك ها ؟!

ترف بملل: الكل يقول كذا ..

طنشت الموضوع ولفت على الهنوف تقول: هيه أبغى أزوركم ببيتكم .. ودي أشوف أهلك .. أقدر ؟!

الهنوف: ها ؟!

سكتت شوي بعدها قالت: إيه ... إن شاء الله ..

طلعت ترف جوالها من جيبها تقول: هات هات رقمك .. عشان أتصل عليك لما أطفش ..

الهنوف: صفر .. خمس .. تسعه تسعه ثلاثه ..

وكملت تعطيلها الرقم ..

حفضته ترف وأعطت رنه للجوال وهي تقول: دقيت عليك .. بتلاقي رقمي ماشي ؟!

هزت الهنوف راسها فحطت ترف الجوال جنبها وهالمره لفت على أميره تسألها عنها وعن شغلها وفضول كالعاده ..

ظلت الهنوف تطالعها لفتره وهي تقول في نفسها: "ترف هذه إجتماعيه بقوه .. مدري من فين تطلع كل هالأسنله .. تسولف بشكل طبيعي وأنا اللي كنت شايله هم أتعرف عليهم .. الموضوع فجأه صار بسيط .. واااه أحسدها" ..

لفت ترف على الهنوف تقول: إذا كانت أخت زوجك مدرسه فزوجك وش يشتغل ؟!

الهنوف: بشركه وكذا ..

ترف: طيب سؤال يعني إذا مافي إحراج

كملت بفضول: ليه تزوجتية كذا ؟! يعني لسي إنتي بعمرى .. لو أنا وربي ما أتزوج حتى لو كان ملياردير ..

ولا يعني عندكم بقبيلة أمك عادي تتزوجوا بهذا العمر ؟!

فتحت الهنوف فمها بتردد بس ما لقت أي رد مُناسب ..

وفجأه كذا الموضوع ضابقتها ..

ليتها ... تملك نفس تفكير هالأخت ..

على الأقل وقتها لما جاء نادر يخطبها كان رفضت بدون أي تردد ..


لو رفضت كان ما عرفته ولا تألمت كل هالآلم عشانه ..

أميره تنقذ الموقف: الزواج بهذا العمر طبيعي في الحي اللي عاشت فيه فهمتي ؟!

ميلت ترف شفتها بعدم رضى ..

كان واضح إن جواب أميره هذا كان إنقاذ للموقف ..

تبغى تعرف السبب .. تبغى ترضي فضولها ..



بمثل هذا الوقت ..
وبالمُستشفى عند بطلتنا بنان ..

جالسه بهدوء تام على مكتبها وواضح إن لها فترة طويلة وهي بعالم التفكير والسرطان ..
وكرار هو محور هالتفكير كله ..
حتى إنها عشانها أخذت مناوبه هالليلة بعد ما بالقوه لقيت لها واحد تتبادل معه ..
متردده كثير وزاد ترددها جيت أبوها وأخوها اليوم لكرار ..
كلامهم لها تحس وكأنها حالياً هي أملهم في إن كرار يرجع مثل أول ..
وذاك الدكتور المحب لإختراق القوانين كلامه ما فارق راسها ..
تحب أخوها أكيد وتهمها مصلحته بس ...
آآآآ آخ هالـ"بس" هو اللي متعبها كثير ..!!
هو اللي يخليها تتردد في معظم قراراتها ..
حطت راسها على المكتب تطالع بكوب النسكافيه الفارغ بشرود ..
الدكتور وليد ..
إبتسمت بيأس تقول: آه خلاص الثقة بيني وبينه تزعزعت مبدئياً من بعد ما طالبته بإعادة التحاليل تحت إشرافي ..
مخها اليانس هذا قاعد يقول لها / خلاص هي خاربه خاربه ..
غمضت عينها تبعد هالتفكير عن راسها ..
وشو خاربه خاربه ..؟!
وش كلام الناس المراهقين هذا ..؟!
لا .. مهما كان فقيه لسي شيء من الثقة المتبادله ..
حتى لو شيء بسيط دامها للحين ما عملت التحاليل مثل ما إتفقت معه فكل شيء نوعاً ما كويس ..
!.....!
ظلت تطالع بالكوب بهدوء تام ..
لو لو حصل شيء لكرار ..؟!
يعني لو كان الدكتور ثامر مُحق ولو بنسبة ١ % ..؟!
وقتها كيف بتقدر تتحمل تأنيب ضميرها ..؟!
هذا صعب ..
غمضت عيونها بعدها شدت على أسنانها وجلست ..
همست لنفسها: ما عيش .. بأتبع المراهقين طلاب الثانويه اللي يعملوا المشكله ويزيدوها بله تحت جملة *خاربه خاربه* ..
ما بتقدر ..
فكرة -إن ممكن ضميرها راح يأتبها- تخوفها ..
فخلاص راح تتفادى هالشيء حتى لو كان هذا ضد مصالحها العمليه ..
عالأقل ... تكون مرتاحة في داخلها ..
أخذت الكوب ورمته بالزباله قبل لا تطلع من الغرفه ..
خلاص حتروح اللحين تعمل له الفحوصات واللي فيها فيها ..

ولهنّا ننّتهى البارت الحادي والستون ..
نلتقي على خير بعد ثلاث أيام بالبارت التالي ..
توقعاتك وآرانكم حبايبي ()

..X || part end || X..

..X || البارت الثاني والستون || X..

سياره سوداء وقفت لتوها قدام فله رايقه بإحدى أحياء جده الهاديه ..
واااه .. اليوم تعب كثير وكل اللي يبغاه اللحين هو عشاء رايق وعلى طول المخده ..
نزل من السياره وهو يدندن لأحد الأغاني المصريه اللي تصف حالته الجسديه حالياً ..
حط المفتاح بجيبه بعدها إتجه لباب فلتة ..
تنهد من الغباء اللي فيه ورجع يطلع المفتاح حتى يفتح الباب ..
طلع معها جواله اللي رن من وقت من نزل من السياره ..
جد ما وده يرد على أي أحد حالياً ويدخل معه بنقاش ماله نهايه ..
طالع باسم المتصل بعدها تنهد لما شافه الممرض اللي يشغل تحت قسمه ..
رد عليه يقول: إيوه يا عامر .. وش عندك ؟! ..
عامر: كيفك يا دكتور وليد ..؟! إعزرنى على الإتصال بالونت ده وإنت برى وقت شغلك بس يعني فيه حاقه
حصلت وما قدرت أعمل أي حاقه عشان أونفها ..
دخل الدكتور وليد المفتاح بالباب وهو يقول بتعجب: مشكلة وشو بعد ..؟! إذا تتأجل خبرني إياها لما أجي
المستشفى بكرة ..
عامر: يا دكتور دا فيه وحده ست .. طبيبه مُش فاكِر إسمها بتدخل على المريض بتاعك وتعمل له الفحوصات
.. نالت لي إنك سامح لها بس مُش عارف ليش ما إدّرت أصدنها وخصوصاً طلبت منها تأجله لبكره بس ما
رضيت خالص ..
عقد الدكتور حاجبه وهو يدخل للبيت وقال: طبيبه ..؟! وأي مريض ..؟! لحضه لا يكون الدكتور ه اللي حابه
تمسك المريضه عاليه الصالح و....
قاطعها عامر: لئه .. دا المريض اللي عمليته بكرة .. اللي إسمه كِرار ..
وقف الدكتور في مكانه بدهشه بعدها قالت بسرعه: والطبيبه هي بنان ..!!!!
عامر: أيوووووه صح صح .. هو ده إسمها ..
ظلت الصدمه مرسومه على ملامحه لفتره بعدها شد على أسنانه يقول: عامر تصرف بالموضوع لحد ما أجي ..
إمنعها وإن رفضت بلغ اللجنه التأديبيه بالمستشفى على هالمُخالفه قبل لا تبدأ تجري الفحوصات سامعني !!!
أنا جاي الحين ..
عامر: حادر حادر ..
وبعدها قفل وليد الجوال وهو يهز راسه بعدم تصديق ..
خرج من جديد متجه للسياره وهو مو قادر يصدق هالورطه الجديده اللي طلعت له ..
ما يدري كيف طلعت بنان ذي بوجهه ..
ركب السياره وحرك للمستشفى ..
هو ... لو من البدايه كان يعرف إن اللي إسمه كِرار هو أخوها كان ما فكر يختاره من بين مرضاه حتى يتجنب
أي مُشكلة مُمكن تصير ..
هو شاف إنه مُجرد شاب جابه أخوه اللي واضح إنه ما علم الأهل عن حالته وكل همه إنه يتشافى بأسرع وقت
..

مبدئياً كان شخص مُناسب تماماً لكن من سوء حظه تطلع بنان أخت له من الأب ..
خلاص هو بدأ الأمر ولو يقدر يتراجع كان تراجع ..
خلاص كتب الفحوصات اللي بيغاها وأنتهى من كل شيء فصعبه كثير بحقه كدكتور مشهور يتراجع اللحين
وينكتب في سجله * غلط في عمل الفحوصات * !!!..
دكتور مشهور وله مركزه يغلط غلطه ساذجه مثل ذي !!!..
حاول يلف مع بنان قد ما يقدر حتى إنه استخدم خدعه بسيطه لدفعها من الدرج حتى تنشغل عن كِرار لفتره ولما
إطمئن إن الموضوع إنتهى ترجع له من جديد ..
هي تجبره يتصرف تصرف ثاني ..
تصرف ما بيعجبها أبد بس سمعته كدكتور هي أهم ولازم يحافظ عليها أياً كانت الطريقه اللي راح يستخدمها ..
مجال سرقة الأعضاء صار مجاله من سنين ولما خلاص نوى تكون هذه سنته الأخيره تطلع في وجهه !!!..
ضاقت عيونه وهو عارف مين وراها .. مافي غير ذاك الدكتور المزعج ثامر ..
من أول ملاحظ نظراته وتصرفاته ما كانت طبيعیه .. وبس لما قرأ اسمه شاف إن اللقب مُشابه للقب البننت اللي
كانت تكه وتكشف حقيقته للعالم ..
وهذا اللي خوفه منه ومن وقتها حاول يبعد عنه قد ما يقدر وحتى إنه طالب بنقل لمُستشفى ثاني بس
هالإجراءات تأخذ وقتها ..
هالدكتور ... لاحضه كثير حول بنان ..
خايف إنه يتأخر والفضيحة ما تكون فضيحة غلطته في الفحوصات ..
يمكن يكون الأمر أسوء من كذا ..
شایل هم وبقوه !!!..
وقف قدام الإشاره وهو يهمس: وليد ما بيقدروا يثبتوا شيء .. إهدأ ولا تخلي التوتر يشتتك ..

//

كان مسند ظهره علي الجدار يطالع في وجهها المصدوم اللي يقابله ..
هزت راسها تقول: عفواً ..؟! مُمکن تعيد اللي قلته يا حضرة الدكتور ثامر ..؟!..
إبتسم لها يقول: قلت لك خلي الدكتور وليد يعمل العمليه .. واه بنان ضنيت إن الخلل بعضامك المكسوره مو
بسمعك ..
ظلت تطالعه لفتره وهي مو فاهمه مين هالآدمي بالضبط !!!..
له أيام وأيام يقتنعها إن الدكتور وليد دكتور سيء ويقتنعها تمنع هالعمليه والحين يطلب منها تخلي العمليه
تصير وكمان يستخف دمه وكان الموضوع مرره بسيط !!!..
إيش به ..؟!..
ما عاد صارت تفهم !!!..
لف وجهه يكتم ضحكه على ملامحها اللي تجمع الصدمه والإستنكار والضياع ..
شدت على أسنانها شوي بعدها قالت بشيء من الصرامه: دكتور ثامر رجاءً إحنا بموقف جاد فبطل لعبك هذه
اللي تحب تلعبها !!!..
مُمکن تشرح لي معنى كلامك !!!..
وشو هذه اللي خلاص خلي العمليه تصير !!!..
فهمني .. أفنعني ياللا !!!..
د.ثامر: الله يهديك ليش دمك حار كذا ..؟!..
آآآخخخ .. بيجننها فعلها !!!..
إبتسم يقول: معليش روعي هدي شوي لأن الموضوع ما أقدر أقوله لك وإنتي بالإنفعال هذا !!!..
مطت شفقتها منز عجه من طريقته بالكلام ..
أياً يكن ... هي الغلطانه اللي تسمع له ..
لفت وراحت لجهة غرفة أخوها ..
راقبها ثامر بهدوء بعدها لف ورجع لقسم الفحوصات ..
جاء عند الموضفالي على المكتب وقال: لو سمحت ... نتائج الفحوصات لا تتطلعها بشكل ورقي ... أرسلها
على لحساب الدكتور المسؤول عن المريض ففي النهايه هذا المريض خاص فيه وما يحق لنا نشوف
الفحوصات ماشي ..؟!..

طالعه الموصف بتعجب بعدها هز راسه يقول: إن شاء الله ..

فتحت بنان الغرفة ودخلت فشافت كِرار منسوح ومغطي عيونه بساعده الأيمن ..
تنهدت وقربت منه ..

جلست على الكرسي وظلت تطالعه لفته بعدها همست داخل نفسها: "الفحوصات وخلص سويتها .. والنتيجة راح تظهر قريب .. بالقوه قدرت أقتع الموصف المسؤول يعطيني النتائج بدل لا كالعاده يرسلها لحساب الدكتور المسؤول .. لما قررت أصلح الفحوصات .. بدت قناعه بداخلي تكبر في إن اللي أسويه مو غلط" ..
أخذت نفس عميق وهمست: وإن شاء الله ما يكون غلط ..
إبتسمت وقالت: كِرار .. يصير أسولف معك شوي ..؟!
ما سمعت له رد ..

لا .. ما بتسكت وتخليه على راحته ..
مدت إيدها وشالت إيده على عيونه تقول: خلاص نمت بما فيه الكفايه .. خلنا نسولف شوي ..
لف بنظره لجهتها بعدها سحب إيده بهدوء من إيدها وحطها على صدره وهو يلف راسه للجهة المُعاكسه ..
معليه .. لازم تصير شوي مُزعجه حتى تغير جوه شوي ..
قامت من مكانها وراحت للجهة الثانيه من السرير وهي تأخذ الكرسي معها ..
حطته وجلست فوقه ..

إبتسمت بوجهه تقول: ما قلت لي وش نوع الأكل اللي تحبه ..؟! ودي أنقذك وأشتريلك بكره الأكل اللي تحبه بدل أكل المُستشفى الروتيني المُمل ..
طالعهها بهدوء بتنهدت وقالت: كِرار ... إنت يعني صاير أحسن من أول شوي .. معليش على جُرنتي بالكلام لكن أنا عرفت كل اللي صار معك .. الفحوصات المبدييه تقول إن الإعتداء كان من أكثر من شخص .. أعرف .. أنا وأنا ما صار لي هالموقف حسيت بآلم كبير ضايقتي لفته طويله فكيف عاد إنت بس مع هذا لازم تتجاوز مثل هالمرحلة ... كِرار إنت لازم تكون أقوى من كذا .. أنا مُتأكد بآنك راح تقدر .. فمثلاً شوف حالتك أول ما صحيت وحالتك اللحين ..؟! فيه فرق صح ..؟! صاير أهدأ والمُهدنات خلاص من أمس ما صاروا يعطوك هيه .. هذا شيء حلو .. بس ما أبغي الموضوع يقتصر على إنك تكون هادي .. لا .. تكلم هالتجربه اللي مريت فيه إعتبره إبتلاء من الله يختبر فيه صبرك .. لا تضايق اللي حولك بحبس نفسك بقوقعه ترفض فيها تقابل أي شخص يذكرك بالحيوانات اللي هاجموك مدري .. أدري كلامي ملخبط نوعاً ما ومافيه أي توازن أو تسلسل واضح فيه .. كل اللي أقوله هو خلك أقوى من كذا .. إنت ما شاء الله بتدخل الـ ٢٢ قريب .. مو مراهق حتى تخلي حادثه مثل كذا تأثر على حياتك وتحكم مُستقبلك .. الشرطه ترى أكثر من مره طلبوا يستجوبوك لكني طلبت من الدكتور وليد يمنعهم لحد ما تنتهي من علاجك .. لأن عندي شعور كبير بآنك ما راح تتجاوب معهم بحالتك هذه وأخاف بالنهايه تنتهي القضية عند هذا الحد ..
سكتت شوي بعدها كملت: لا ... لازم يا كِرار تتكلم وتقول كل شيء صار معك ...!!! لا تخليهم يعيشوا حياتهم مبسوطين وإنك كذا ...!!!

طالعت فيه شوي بعدها طلعت جوالها وقلبت بين الصور حتى وقفت على صورة طفل بعمر ثمان سنوات ..
لفت الجوال على جهته تقول: شايف هالولد ..؟! إسمه غيث .. كان مريض عندي أنا تعرض للإعتداء من خاله لدرجة إن الولد دخل باغماء وحالته كانت خطيره ...!!!
نزلت الجوال وكملت: تخيل ... كان طفل ومع هذا كانت إرادته أقوى وأدهشني .. إعترف على خاله مع إنه كان يرتجف خوف .. أعجبني وتمنيت لو كل الأطفال المُعنفين مثله .. من عرف إن خاله إنسجن فرح كثير .. ما تصدق قد إيش كان سعيد .. طلع من المُستشفى والإبتسامه على شفته .. ما عرفت شيء عن أخباره لكن أقدر أقولك إنه أحسن منك .. يمكن هالتجربه كانت مُربعه بالنسبه له وللحين مسببه له تعب نفسي لكن إبتسامته وجُراته تقدر تخليك تعرف إنه راح يتخطى هالتجربه داخلياً وخارجياً .. هذا وهو طفل ..
طالعت فيه شوي بعدها قالت: إنت خلاص شخص كبير وعاقِل .. المفروض ردة فعلك تجاه هالتجربه تكون أكثر تماسكاً .. إنت رجال والرجال المفروض ما تهزه مصايبه وتخليه ضعيف قدام الكل ...!!!
مدت إيدها وأخذت إيده تحطها بين كفيها وهي تكمل: أنا هنا موجوده .. أخوك جهاد بشكل يومي يتواجد بالمُستشفى .. أبوك كمان موجود .. إنت مو طفل تخلينا نقلق عليك ونشيل همك صحيح ..؟! أمك .. أخواتك وأخوانك .. لو عرفوا باللي صار أكيد حيتضايقوا ... لكن بدل لا تبعد هالضيقة عنهم راح تزيدها أضعاف لما يشوفوا قد إيش أثرت الحادثه عليك ...!!!

هزت راسها تقول بشيء من التمني: كِرار طلبتك لا تكون جسد من غير روح ..
ظلت عيونه الهاديه تطالعه لفته بعدها لف راسه لقدام وحط ساعد إيده الثانيه على عيونه ورجع على نفس وضعيته قبل لا تدخل عليه ..

ضغطت علي إيدته شوي بعدها قالت: إذا بغيت شيء نادني خلاص ..؟! راح عليك بين فتره وفتره ..
 شخصياً راح أرجع للبيت يمكن ٢ الليل فعشان كذا لو إحتجتني قبل لا أرجع فبأكون متواجده ..
 تركته بهدوء بعدها قامت وخرجت من الغرفة ..
 أخذت نفس عميق وهمست: ماني مختصه بالطب النفسي بس أتمنى أكون قدرت أغير فيه شيء ..
 حطت إيديها بجيب البالطو ومشيت بهدوء وعقلها مشغول فيه ..
 وقفت وتكت بظرها على الجدار اللي قدام باب قسم التحاليل تنتظر النتيجة تطلع ويعطوها إياها ..
 مستعجله .. ما بترجع البيت إلا لما تطلع النتائج حتى لو ما طلعت غير الفجر ..
 طالعت بالباب لما إنفتح فرفعت حاجبها لما شافت الدكتور ثامر خارج ..
 سألت بشيء من البرود: إيه يا دكتور ثامر .. تقدر تقول لي ليه كنت داخل ..؟!
 إبتسم وتقدم منها حتى وقف قدامها يقول: أكلم واحد من الموظفين اللي داخل ..
 بنان: وإيش تبغى منه ..؟!
 طالعها شوي بعدها قال: يعني ... أطلب منه ما يعطيك التحاليل ويستمر ماشي عالقانون ويرسله كالعاده الى
 جهاز الدكتور المختص ..
 إتسعت عيونها من الصدمة تقول: إنت مو من جدك ..؟!
 د.ثامر بتعجب مُصطنع: شفيك ..؟! أحاول أصير قانوني مثلك ..
 بنان بنفاذ صبر: أنا أسألك فجوابني على سؤالي ..!!!!
 تنهد يقول: شفيه دمك صاير حار كذا ..؟! بدل لا تهدي صايره ألين ..!!
 بنان: لو سمحت يا دكتور ..!!!! فهمني وش اللي سويته بالضبط ..!!!!
 طالعها شوي بعدها قال: طيب وإذا عرفتي النتيجة .. وش حتسوي بعدها ..؟!
 بنان: أمتنع العمليه أكيد ..!!
 د.ثامر: وراح تقدرين صح ..؟!
 بنان: إنت شقاعد تقول ..؟! طبعاً بأقدر .. بأعرض الفحوصات عالدكتور وليد وما بيقدري يعمل العمليه ..
 د.ثامر: وبعدين ..؟!
 بنان: تبغى تجنني إنت ..؟! وشو وبعدين ..؟!
 تنهد وقال: أقصد وبعد ما تمنعي العمليه .. وش بيصير ..؟!
 ظلت تطالعه وهي مو فاهمه عليه ..
 هذا لوين يبغى يوصل ..؟!
 بنان: بس .. مافي بعدين ..
 د.ثامر: تعرفي إن الدكتور وليد طلب نقل لمستشفى ثاني ..؟! بنان إنتي لما تصارحيه باللي صار راح يعتذر
 ويخلي الموضوع وكأنه موضوع خطأ وتنتهي المسأله عند هذا الحد .. وليد بعدها ما بيحاول يحتك فيك قد ما
 يقدر ويتكون مسألة وقت قبل لا يبعد لمستشفى ثاني ..
 بنان: طيب .. وبعدين ..؟! وش المغزى من كلامك ..؟!
 د.ثامر: المغزى هو إنك راح تقدر تمنعيه من سرقة أحد أعضاء أخوك بس ما بتقدر تمنعيه من سرقة
 الأعضاء مُستقبلاً ..
 عقدت حاجبها فكملة: ما بنستفيد شيء ولا نقدر نلاقي دليل ضده يعرضه للمحاكمة القانونيه .. بمعنى إنك
 بحياتك الجايه بتشيلي هم إنك كنتي تعرف عن مجرم من هالنوعيه بس ما قدرتي تفضحيه وإهتميتي بس تنقذي
 أخوك ..! بنان أمثال وليد المفروض مو نمنعهم بس من مخطط من مخططاتهم .. المفروض نبلي عنه ونخليه
 يأخذ جزاء كل الجرائم اللي أقترفها بحق كل ضحاياه ..
 فعلاً كلامه صح ..!!
 لو فعلاً الدكتور وليد من هالنوعيه .. فالمفروض يتحاكم ..
 المفروض يتعاقب ..
 أمثال هالوحوش البشريه المفروض يندبحوا مو بس يتحاكموا ..!!
 طالعت فيه شوي بعدها قالت: طيب كيف ..؟! منعك من إني آخذ النتائج في إيش راح يفيد ..؟! لو كان فعلاً
 مجرم من هالنوع فكيف بنبلغ عنه بدون دليل ..؟! ولية أصلاً خربت محاولاتي في أخذ النتائج ..؟! كيف
 هالموضوع راح يفيد ..؟! أنا مو فاهمه .. قول كلام يوازن تصرفاتك .. وغير كذا فيه ترى إحتماليه إن كلامه
 يكون صح ويكون فعلاً كرا مريض بهالمرض ..!!
 تنهد وقال: إسمعي .. وليد إحتمال يجي بعد شوي وإحتمال ما سمع عن الموضوع وراح يجي بكرة .. إحنا
 راح نقدر نطلع ضده دليل صدقيني ..

حط إيدہ بجيب البالطو وكمل: لو كان فعلاً مُجرم فإنتي لما تقابليه يا بعد شوي أو بُكره لازم تقولي له بنفسك إنك عملتي التحاليل سامعه ..؟! يعني تصرفي وكأنتك حاسه بالذنب وخبريه إن التحاليل ما قدرتي تشوفيها لأن الموظف رفض وأطلبني منه نسخه من اللي أرسله الموظف له حتى يعني تتطمني مثل ما هو وعدك سامعه .. تكتفت تقول بشيء من السُخريه: ذكي ما شاء الله عليك ..

رفع حاجبه فكلت: لو كان فعلاً مُجرم ففي ضنك راح يوريني التحاليل الصحيحه ..؟! طبعاً بيكلف فيها مثل التحاليل اللي صلحها قبل أيام ...!!

إبتسم وقال: هذا شيء أكيد ..
إندهشت وقالت: وبعدين معك ..؟! ياخي إشرح عدل ..

تنهد يقول: شسوي ..؟! إنتي المُستعجله وما تخليني أشرح كُل شيء ..
مطت شفتها وسكتت فكلت: طبعاً راح يوريك التحاليل ويتكون غير عن الأصليه .. إنتي إدعي الطمأنينه واعتذري عن شكك بالموضوع بعدها خبريه إنه يبذل جهده في عملية أخوك وإنك بتروحي للبيت حتى مثلاً تجيبي أمك أو أي واحد من عيلتك حتى تقابلو أخوك بعد ما يطلع من العمليه .. يعني بالمره إسحبي نفسك من العمليه ومن المُساعدة فيها حتى توهميه بإنك فعلاً مصدقته بالكامل ..
بنان: للحين الموضوع ما وضع .. بالعكس جالس يتعقد بتصرفات مو مفهومه أبد ..
إبتسم يقول: بعدها خلي الباقي علي ..
عقدت حاجبها تقول: ما فهمت ..

د.ثامر: راح أكون مقدم شكوى ضده بإنه يعالج مريض ما يعاني من أي مرض .. بما إني دكتور معروف فما بيطلبوا الدليل وبيروحوا يتأكدوا .. فقبل لا تبدأ العمليه راح يطالبوا بالتحاليل منه .. لا راح يطالبوه يفتح سجلات المريض اللي بحسابه وهنا بيتأكدوا إن كلامي صح .. التحاليل اللي بالجهاز ما بيكون أمدها غير هازي تحاليله الأولى وكمان بيقدّر يوريهم تحاليله الأولى اللي تثبت مرض كِرار لأن التحاليل الجديده هي اللي يناخذ فيها .. وبرضوا ما بيقدّر يقول إني ما دريت عن هالتحاليل الجديده اللي صلحتها وحده من طبيباتي لأنه سجل التحليل بالجهاز بيكون قد فُتح وقرأه بما إنك طلبتي منه سابقاً صوره من التحاليل .. بكذا يكون إنتهى وليد لأن هالحادثه بتكتف عليه التحقيقات في كُل شيء وبتطلع جميع سجلات المرضى السابقين كمان ...!
طالعه بدهشه وهي شوي شوي بدت تستوعب هالكلام ...!!

د.ثامر: لو الموظف عطاك النتائج فراح يعرف وليد بالموضوع وعشان لا يفضح فما بيكون قدامه خيار غير الإعتراف بالخطأ الطبي فقط وبيكنسل العمليه وبكذا يطلع منها هذا إذا ما إستعمل طرق ثانيه .. فعشان كذا لازم تحسسيه بالأمان وتطلعي من السالفه كُلها حتى يكمل خطته في سرقة العضو .. وبعدها حيصير مثل ما قلت لك


بنان: طيب إفرض إنه في الحقيقه مو مجرم ..؟! وش حيصير ..؟!
د.ثامر: هو مُجرم ولو كان مو كذا فأنا اللي راح أتحمل المسؤوليه بما إني حابُغ عنه .. فتعرفي لو البلاغ طلع خاطئ فأنا اللي راح ياكلها فعشان كذا قلت لك خلي الباقي علي .. أهم شيء تطالبه بصوره من التحاليل حتى تجبريه يفتح السجل المُرسل من قسم التحاليل لأنك لو ما طالبتيه يقدر يطلع من الموضوع بحجة إنه ما فتح السجل ولا يدري عنه وإنه مُعتمد على التحاليل الأولى ..

ظلت تطالع فيه لفتره ..
هو ... واثق يقوه من إتهاماته ..
حتى إنه مُستعد يحط نفسه بمُشكله وهو متأكد إنه ما بيصير فيه شيء ..
وإن فعلاً كلامه صح ميه بالميه ..
من بعد هالمحاوره صارت تثق فيه ..
في إنه صادق والدكتور وليد هو المُجرم المُخادع ..
ضافت عيون الدكتور ثامر لما لاحظ الدكتور وليد جاي بجهتهم ..
مثل ما توقع .. وصله الخبر وجاء ..

إبتسم يقول لبنان: فعشان كذا ودي أزوركم بالبيت ..؟! متى مستعده تستقبلوني ..؟!
عقدت حاجبها وهي مو عارفه وش هالموضوع الغريب اللي فتحه ..
ضحك يقول: بنان ماله داعي هالإحراج .. أنا جدياً أتمنى أتعرف على أخوك لأسباب خاصه ..
إندهشت من كلامه في حين كان الدكتور وليد توه جاء وسمع آخر كلام ثامر ..
إبتسم يقول: مساء الخير ..


لفوا على جهته فإبتسم ثامر يقول: أوه أهلاً ..
د،وليد في نفسه: "خوفتني وضعيتهم هنا لكن بالنهايه هم ما كانوا يتكلموا عن التحاليل" ..
لف على بنان اللي ما ردت عليه فقال: أهلين طبيبه بنان ..
طالعت فيه تقول: هلا دكتور وليد ..

طالعت فيه شوي بعدها قالت: غريبه جاي بهالوقت ..؟! مو على أساس اليوم ...
قاطعها يقول: بس إضطريت لسبب .. شفيك واقفه هنا ..؟!
تنهد الدكتور ثامر وقال: خلاص نتقابل بكرة بنان ماشي ..؟!
وبعدها لف وراح فتابعه الدكتور وليد بنظراته حتى إختفى بعدها لف على بنان اللي بادرته تقول بشيء من
الإحراج: دكتور وليد بصراحه ...
عقد حاجبه فكملت: أعتذر منك بشده ..
ضماقت عيونه شوي بعدها سأل: وليه ..؟!
بنان: شفت نفسي اليوم فاضيه وجيت للمستشفى على أمل الأفيك وتخليني مثل ما وعدتني أصلح التحاليل ..
أعتذر تجرأت وصلحتها بدون إذن ..
طالعتها بهدوء فقالت: دكتور أعتذر لو أزعجك الموضوع .. قال لي مسؤول التحاليل إنها بتأخذ وقت على ما
تطلع فلو سمحت يا دكتور ... يعني لو أرسلها لك تطلعني على نسخه منها ما قصدي أشكك بس هذا أخوي
ومن حبي له أتمنى تطلع التحاليل السابقة خطأ وهذا اللي خلاني أتصرف هالتصرف اللي يخالف مبادئي
وقناعاتي .. أتمنى تعذرنى ..
طالعتها شوي بعدها قال: طبيبه بنان إذا تبغي الصدق ... الموضوع فعلاً أزعجني .. التشكيك بقدراتي يجرح
كبريائي كدكتور له اسمه وشهرته أضنك بنيتي بالفعل حاجز بيننا خلاص راح أعذرك وأخذ حالتك
العاطفيه .. النتيجة راح تطلع بعد ثلاث ساعات على أقل تقدير .. تقدرى تروحي البيت وبكرة تكون النسخه
جاهزه ..
بعدها لف وجهه بشيء من الضيقه المصطنعه فقالت بنان بإحراج: أعتذر كثير دكتور وأشكر لك تفهمك .. بإذن
الله بكرة أكون متواجده ..
لفت وراحت فلف الدكتور وليد يراقبها حتى توارت عن أنظاره وهمس: معناته ما إطلعت عليها .. كويس ..
لف ومشي وهو يكمل: ويعني أطلعها على النتائج الحقيقيه وأخلي الموضوع موضوع غلط حتى أبعد عن
أي خطر ممكن يصير ..؟! أو أعدل بالتحاليل حتى تقتنع وأمشي على نفس خطتي ..؟!
خرج من المستشفى وهو بين هالخيارين وما بيروح المستشفى بكرة إلا بعد ما يقرر أي واحد فيهم هو الأفضل
..




الساعه بعد ٢ الليل ..
الجو في هالمكان الشاسع شبه مظلم والهدوء يعم المكان ..
المكان هذا من أوله لآخره ما يدخل فيه إلا هو وعامله مرسوم خاص فيه ..
جالس ببرود على كرسي خشبي وبهدوء ماسك له الريشه يرسم على هاللوح ..
رسمه غريبه ما يفهمها إلا القلة من الناس ..
رسمه مغمضها لون أزرق على أسود ونيلي متداخله بجوات دائره غير مستويه الدوران ونقط خضراء منتشرة
..
رفع راسه لما سمع صوت أحد يقرب منه فشاف ظل أحد جاي لعنده ..
المنطقه بس اللي هو جالس فيها منوره والباقي ظلام كامل ..
تجاهل الشخص اللي جاي أياً كان وكمل يرسم حتى حس فيه وقف جنبه ..
إبتسم بهدوء لما عرفها من ريحة عطرها فتنهدت وسحبت المقعد اللي عادتاً يحط أغراضه فوقها ..
طالعت فيه وشافت إنه نظيف فجلست تقول: أصيل ..
تجاهلها أصيل ولا رد فتنهدت تقول: أصيل رد علي ..
برضوا مستمر برسمه ولا طالع فيها ..
ظلت تطلعه لفته بعدها قالت: ترى مو عاجبني وضعك كذا ...!! محبوس هنا بمرسمك لك كم يوم .. لا إنت
راضي تقول لي السبب ولا أبوك راضي يعلمني ..!! ليش ..؟! أصيل حبيبي علمني ليه أبوك طلب منك ما تطلع

من هالمكان !!! حبيبي أنا حاولت معه يسامحك بس ما قدرت أقنعه .. ما بقدر أقنعه وأنا مو عارفه شنوع
هالغلط !!!
ما علق على كلامها فقالت: أصيل يعني راضي على وضعك كذا ..!!!! إذا غلظت فروح طيب إستسمح من أبوك
وإذا على أبوك الغلط خبرني !!
وقف عن الرسم بعدها طالع بأمه يقول: لا .. حاشا لأبو أصيل الموقر يغلط ..
كمل بسخريه: أنا اللي غلظت ..
الأم: أصيل بطل عبط وخبرني الحقيقه !!! يعني أبوك اللي غلط ..؟! فهمني ..
رجع يرسم بلا مبالاه وهو يقول: خليه هالنفسيه .. بأقعد هنا لين يطفش ويغسل إيداه مني .. والمكان عاجبني ..
أكل يوصلني بوقتته واللي أطلبه يوصل .. تلفزيون وغرفة نوم وحمام ومساحه كبيره ما ينمل منها وكمان فيه
لاب قديم وخدمة الإنترنت توصلني .. عايش برفاهيه ..
الأم: أصيل حسن أفاضك تجاه أبوك !!!
تجاهلها ولا رد عليها فتنهدت وهي تطالعه لفتره وشغلها الشاغل تعرف وش اللي بين زوجها وولدها ..
تبغى تعرف على الأقل مع مين الحق فيهم !!
قامت وبعدها راحت بهدوء فابتسم بسخريه وكمل رسم وهو يهمس: للحين ما شرف هو يجي يزورني يسألني
!!! مكبر الموضوع بزياده ..
رجع بظهره يلقي نظره على الرسمة بعدها كمل بهمس: أنا ما ذبحته مع إنه ذبح مُعَاذ مين المُجرم فينا ..?!



بصباح يوم جديد .. يوم الأحد ..
الساعة بعد ثمانيه ونصف ..
ماشي على طريق الخط السريع متجه لفيلا أبوه ..
اليوم يوم دراسه .. بس مُستحيل يروح للجامعه وعملية أخوه حتكون بعد ثلاث ساعات من الآن ..
بيمر حالياً على أبوه اللي طلبه عنده وبعدها بيروح للمستشفى ..
دخل للحى وكلها دقايق حتى دخل من بوابة سور الفيلا ووقف سيارته بالمكان المُعتاد ..
نزل وقف الباب وراه ولما لف بيروح للباب وقف يطالع بعامل جديد يساعد العجوز بالمزرعه ..
طالع فيه شوي وتوه تذكر موضوع قُصي ..
هالشخص ... نساه كثير ..
إنشغل بمشاكل توالى عليه ورى بعض خلته ينسى كل شيء يخصه ..
لازم يساعده ..
حرام أبوه يكون مسجون بتهمة هو ما إرتكبها أبد ..
هذا ظلم ... والظالم
رفع راسه يطالع بالفيلا وهو يهمس: أمي ..
غمض عيونه شوي بعدها تقدم ودخل لداخل ..
لف بنظره بالمكان يدور على أبوه بس ما حس إلا بإيد ناعمه تشده وتدخله معها لأقرب غرفه ..
لف متفاجئ فشاف قدامه أنجي ..

تعجب وقال: ما رحتي للمدرسه ..؟!
 أنجي بدون مُقدمات: إنت ليه مُتفتي ..؟! وجوالك يعني دايم دايم مقفل أو ما ترد ..؟! وليه أنت عندك مو شغال ولا وصلت لك أي وحده من رسائلي ..؟!
 عقد حواجبه وسأل: ليه أنجي صاير معك شيء ..؟!
 تكنتت بهدوء تطالع بتحفه على شكل نورس قريبه منها وهي تهمس: إيه .. ومو لاقية أحد أتكلم فيه .. أسامه مجنون رسمي ويتفوه بخرابيط مو معقوله .. وحلا صغيره على هالمواضيع .. أما إنت وكرار مدري وين مختفين كذا ..
 طالعه شوي بعدها مسكها من أكتافها وراح جئسها بأقرب كنبه موجوده بهالغرفه الهاديه اللي شكلها غرفه قراءه أو شيء من هالنوع ..
 جلس جنبها يقول: أنجي وش صار ..؟!
 طالعت فيه تقول: إنت مو مشغول ..؟!
 جهاد: إلا أبوي طلبني .. بس مافي مُشكله لو تأخرت عنه نص ساعه .. تكلمي ..
 ظلت تطالعه شوي بعدها قالت: ليه العلاقه بينك وبين مام شوي متوتره ..؟!
 تفاجئ من سؤالها اللي ما توقعه وقال: هذا هو موضوعك ..؟!
 أنجي: لا .. بس جاوبني ..
 طالعه شوي بعدها قال: ما عليك .. مُشكله صغيره ما تتذكر .. مافي عيله ما تصير فيهم مثل هالمشاكل الصغيره بين فتره وفتره .. الموضوع مو كبير فلا تشيلي هم ..
 أنجي: طيب ... إنت تعرف إن بابا متزوج كذا وحده صح ..؟!
 تعجب من تغيرها للموضوع فقال: إيه أعرف ..
 رجعت تطالع قدام تقول بهدوء: يوم الجُمعه بالليل جاء ولد لعندنا .. وشكله ولد وحده من زوجات بابا .. عقد جهاد حاجبه فرجعت تطالع فيه تقول بانفعال: كان مجنون يا جهاد ...!!! ما تصدق كمية الكذب والإفتراء اللي طلعه من فمه ...!!! كذا جاي بس يتهم مام .. يقول إنها قتلت أمه وسجنت أخته ولبسته قضية قتل بعد ...!!! وكلام كثير ملخبط عبارته عن مجموعة جرائم متنوعه لصقها بمام ...!!! تخيل كمية الجنون هذه ...!!! مو من جده أبد ..
 إندھش من كلامها وقال: أنجي إنتي من جدك ..؟!
 أنجي: جهاد وشو اللي يخليني أكذب ..؟! تخيل حتى إن بابا ما وقفه أبد عند حده ...!!! وفوق هذا كان يذل نفسه ويستسمح منه ...!!! جهاد إنت مصدق كمية الجنون اللي حصلت بذك الليله ...!!! مام تُتهم بسيل جرايم من واحد أصغ مني حتى وبابا بدل لا يهاوشه ظل يستسمح منه وكأنو هو الغلطان مو ذاك المجنون ...!!!
 غصب عنها نزلت دموعها وهي تحرك إيدها بشكل عشوائي وتكمل بنفس الإندفاع: قهرني يا جهاد والله قهرني ...!!! أكرهه ...!!! مو قادره أرتاح من كثر ما أفكر بكلامه هذا .. وكُل ما أتخيل بابا لما سكت له أنترفز كثير ...!!! هزت راسها وكملت: كُله كوم وكلام أسامه كوم ثاني ...!!! تخيل يقول لي وش اللي يخليك متأكده إن اللي قاله الولد عبارته عن خرابيط ...!!! يقول إنه متأكد إن الولد جاد وصادق بكلامه ...!!! شايف هالمجنون الثاني وش يقول بعد ...!!!
 جهاد يحاول يخفف من إنفعالها: أنجي إهدي . إذا إنتي متأكده إنه كلام غلط فلا تتعبي نفسك كذا و...
 قاطعته تقول: جهاد لو إني متأكده إنه غلط كان ما إنفعلت كذا ..
 عقد حاجبه فعضت على شفتها وحطت راسها بين إيدها وهمست بعد سلسلة صراخ: مام من بعدها مو راضيه تجاوبني على أي إستفسار .. بابا يقول لي إنه هو الغلطان مو الولد .. أسامه يقول إن هالمجنون صادق ميه بالميه في كلامه ... جهاد شلون أهدأ وكُل اللي حولي يأكد إن هالموضوع صح ..؟! مهما أنكرت فمافي أي أحد بصفي .. خايفه كثير ..
 طالعه جهاد لفتره بعدها إبتسم يقول: تصدقي أنجي ... ما توقعت حنونه ومهمته بأهلك كذا .. إنطباعي الأول عنك إنك لا مُباليه وعائشه بعالم خاص فيك بعيد عن اللي حولك حبيت هالصفه فيك ..
 رفعت راسها تطالعه بعدها طالعت لقدام وهي تقول: يا ليت عندي روقانك هذا ..
 ضحك بعدها تنهد وقال: أنجي لا تضايقي نفسك كذا .. أنا بنفسني راح أسأل أبوي وأكيد الموضوع فيه سوء فهم سوء فهم ..؟!
 لف وجهه بهدوء وهو يتذكر حكاية قُصي ..
 إذا كانت جابت حلا بطريقه غير شرعيه وسجنت أبوها البيلوجي بتهم ملفقه ف....
 سوء الفهم هذا إحتمال كبير ما يكون كذا ..
 تضايق كثير ونفسيته قلبت أكثر مما هي مقلوبه ..



منسوح على فراش شوي قديم ويطالع بالسقف الخشبي بسرطان تام ..
إشتاق لها ..
غمض عيونه يحاول ينام بس توه صحي من النوم فعشان كذا مُستحيل يقدر يرجع ..
ما يبغى يفكر فيها ..
في الطفلة صاحبة الخمس سنوات ..
خلال هالفترة هي اللي ساكنه خياله وتفكيره ومستوطنه بروحه بشكل يتعبه ..
هو قبل لا يروح ... حرص يودعها لآخر مره ..
بس بسرعه إشتاق لها ..
على عكس الأيام اللي راحت واللي تفكيره كله بأخته اللي ماتت ..
تفكيره هالمره صار ببنتها يتيمة الأم ..
ليه الموضوع يمشي معاه بالعكس ..؟!
يشتااق لأخته ويبغى يقابلها بس ما يقدر ..
يحاول يمنع نفسه يفكر بالطفلة فيلاقي نفسه يشتااق لها ..!
عقله هذا ... فعلاً يلعب فيه لعب ..
رفع جسمه وجلس .. أخذ له نفس عميق ..
لا لا .. لو ظل على هالحال أكثر بيتراجع عن كل شيء ..
وهو معهم بينهم ما يفكر غير بالأفكار السوداء بخصوص أخته وموتها ..
ولما بعد بدأ يفكر بالعكس ويشتااق لهم ..
سحب جواله اللي حطه على وضعية الطيران وفتح له وحده من الألعاب يشغل نفسه فيها ..
بدأ يعدل بألوان السيارة ودخل بالسباق وبدأ يلعب ..

* *Winner

إبتسم برضى لما فاز بعدها تنهد وترك الجوال جنبه ..
أسند بظهره على المخده اللي رفعها شوي وظل يطالع بالغرفة الصغيره اللي جالس فيها ..
رجع يطالع بالجوال لفترة وهو يتذكر مشعل ..
هو اللحين أكيد معصب وشايل هم ..
هذا الأخ صدمه لما علمه إنه أخوه ..
داخلياً ما تقبله بس إضطر يتكلم معه حتى يساعده بقضية أخته ..
شوي ما لقي نفسه إلا يعتمد عليه بأشياء كثير ..
يطلب منه المساعدة كل ما إحتاجها وهو ما قصر معاه أبد ..
نوعاً ما .. يحس بالذنب تجاهه ..
دايم يتعبه بمشاكله .. كان المفروض على الأقل قاله شيء قبل لا يطلع ..
بس هو عارف إنه بيمنعه من تنفيذ أفكاره الغيبه هذه ..
أفكار غيبه ..؟!
إبتسم .. هو بنفسه يصف تفكيره بالغباء ..
لف جهة الباب لما سمع صوت إزعاج برى ..

تنهد بعد سحب الجوال ورجع يلفلف بالألعاب يشغل نفسه ..
وقف يطالع بلعبة سونيك وتذكر روحته لبيت ملك ..
روحته اللي فشلت تماماً وخلته يرجع متضايق بعد شوفة أبوه ..
روحته الإنتحاريه هذيك مو عارف كيف يوصف شعوره فيها ..
هو متأكد إنه لما راح ولما فكر في هالشيء كان مستعد لكل شيء لكن لما يبعد ..
يبعد تفكيره عن اللي صار برغد .. وعن ملك وفعاليها .. ولما يشناق لبنت أخته الصغيره ولما يتذكر خاله
ومشعل اللي ساعده بكل شيء ويحيى اللي خرج به بكفالتة يتردد ..
يحس إن اللي كان يسويه غياب ..
مو عارف يثبت له على شيء ..
مشاعره اللحظيه هي اللي تتحكم فيه ..
يكره هالشيء .. وده يعرف وش الأصح .. بكل مره تتغير آرائه ..
تعب من هالتغيير اللي لعب فيه لعب ..
تعب كثير ووده يستقر له على شيء ..

إنفتح الباب اللي كان مفتوح شوي منه ودخل عثمان ..
تقدم من حُسام وجلس قدامه يقول: شتسوي هنا ؟!..
طالعه حُسام بهدوء بعدها رجع يطالع بالجوال وفتح على لعبة سونيك وهو يقول: ولا شيء ..
عثمان: مو كائنك نسيت موضوع ملك ..! قلت لي ما بنروح على طول إلا لما نتأكد إنه مافي بالبيت غيرها
لكن أنا أشوفك بس جالس لوحذك أو تلعب بهالجوال ولا شفت منك أي تحرك .. لا يكون بس هونت ..
حُسام وهو يختار المرحله اللي يلعب فيها: لا ..
عثمان: أجل وشو ؟!..


حُسام: لا تزعجني وخلني بحالي مثل ما أنا مخليك بحالك ولا مزعجك ..
عثمان: وشو هذه اللي خليني بحالي ؟!..!! ملك ذي أكيد من بعد هالحادثه بتدور عنك بكل مكان وأنا كمان
بتورط لأن حظرتك أكيد قايل لها كل شيء عني ..!! تعرف إني ملبت من فلوسها اللي تمطرها علي بعد ما
تعطيني أوامرها وأبغى أفتك منها ...!! مابغى حياتي مرهونه فيها ..
شد حُسام على أسنانه بانزعاج لما نط بالبحر بدل لا ينط عالخشب فرجع يعيد المرحله فقال عثمان بانزعاج:
حُسام أنا أتكلم معك فأترك هذا اللي بيديك سامع ...!!
حُسام وعينه على الجوال: قلت خلك بحالي .. إذا مره مستعجل روح بنفسك ..
رفع عثمان حاجبه يقول: تستهبل حظرتك ؟!..!! مين اللي كان يهدد ويقول أنا اللي بأخذ بحق أختي ؟!..!! مو إنت

..
إنزعج لما ما رد عليه حُسام فسحب الجوال من إيده يقول: أنا أتكلم معك ...!!!
شد حُسام على أسنانه .. خلاص وصل للفوزه بس ذا خرب عليه ...!!
وكمان مين هو حتى يسحب الجوال وكأته ولي أمره ...!!
مد يده بياخذ الجوال بس رفع عثمان إيده يقول: خلنا نخلص كلامنا بعدها خذ ..
وقف حُسام بياخذه بس بعده عثمان ووقف يرفع الجوال يقول: قلت لك بيننا كلام لازم نخلصه وبعدها أقعد على
الجوال لحد ما تموت ...!!!
إنقهر حُسام منه .. إيش فيه هذا كذا ؟!..!!
يكرهه ..

حُسام: هتلر وقسم بالله لو ما ترجعه للحين لأخليك تندم سامع ؟!..
عصب عثمان من هالمُراهق اللي مو متحملة إلا عثمان يستخدمه في التخلص من ملك ..
مو قادر يستحمل إزعاجه أكثر من كذا ..
جد جد وده اللحين يقتله ويفتك منه ..
عثمان: أنا طالع .. أببك تجيني وإنت مفكر بخطه أو على الأقل ناوي تفكر فاهم ؟!..
تترفز حُسام فرفع رجله وضرب عثمان من بين رجليه فلما إنحنى متألم أخذ الجوال من إيده يقول بحدته: إلترم
حدود معي ولا تعاملني وكأنني صبي عندك ...!!
تفاجأ بعثمان اللي فقد أعصابه وضربه بوجهه .. ما أمده يدافع إلا وضربه مرتين وثلاث وبالنهايه دفعه بقوه
على الجدار وهو يصرخ: والله لتندم يا حيوان ...!!
بعدها لف وخرج صافق الباب وراه بقوه ..
جلس حُسام وهو حاس بالأم وحقد كبير ..
يكرهه .. فعلا يكرهه هالتهلر المتوحش ...!!

لولا الحاجة كان ما جاء عنده حتى يساعده ..
ما يعرف غيره ..
بدأ يدلك كتفه اللي أبعته من الدفه وهو يعض على شفته بقهر ..
ما كان حاسب حساب إنه ممكن ينذل كذا بالضرب !!!..
هالشعور ألمه ..
وصوت بداخله ينطق بإن إنت اللي جبت هذا لنفسك !!!..
خلاص كره هذا ..
كره التفكير اللي وصله لهننا ..
يحتاج لخاله جواد ..
لأنه كل ما تصرف تصرف من راسه يندم في النهايه عليه ..
يبغى أحد يقوده ويعله وش الأفضل مثل ما كان جواد معاه بكل شيء ..
لأنه ولا مره وحده تصرف من راسه وكانت النتيجة إيجابيه ..
دايم سلبيه .. دايم ..
بس جواد اللحين مو موجود جنبه ..
لف بعيونه بهدوء جهة الجوال اللي طاح منه بعدها مد إيده وأخذه ..
رجع يركب البطاريه وشغل الجوال ..
طالع بهدوء بخلفية الشاشة بعد ما إشتغل الجهاز ..
كانت صورة أبوه .. مشعل أبو ياسر ..
عض على شفته وترك الجوال ..
وش هالفكره الغبيه اللي طرت براسه ..؟!
يتصل عليه !!!..
مُستحيل .. مشعل تفكيره مُعاكس له ..
وغير عن كذا ما يبغى يسمع أي هواش من أحد على تصرفاته الغبيه هذه ..
بس ...
خلاص يبغى يفتك من الوضع اللي هو فيه ..
وكمات محتاج لأحد ..
هو جدياً محتاج لأحد معاه ..
!!.....
خلاص اللي فيها فيها ..
أخذ الجوال وطفى وضعيه الطيران ..
ثواني حتى إنهالت عليه مجموعة رسائل ..
بعض رسائل نصيه وبعضها إشعارات إتصال ..
أغلبها من رقم *بابا* وكم إشعار من رقم *ماما* ..
طالع في الشاشة لفتته بعدها أعاد الإتصال على مشعل ..
من الرنه الأولى رد وجاه صوت مشعل يقول: حُسام !!!..
سكت حُسام شوي بعدها قال: إيه ..
جاه صوت مشعل المندفع يقول: وين إنت يالمجنون !!!.. ليه مقفل الجوال وإيش اللي ناوي تسويه كمان
!!!.. مو حذرتك كذا مره فليه ما تسمع كلام اللي أكبر منك وأفهم منك وتبطل من أفكارك اللي عُمرها ما فادتك
بشيء ..!! لا تنسى إنك للحين ما خلصت قضيتك و....
قطع كلامه وكأنه يأخذ نفس يحاول يهدي من نفسه بعدها قال بهدوء: المُهم حُسام إنت بخير ..؟!
حُسام بهدوء: إيه ..
مشعل: وينك ..؟! بنتكلم بكل شيء بالبيت .. المهم وينك اللحين ..؟!
سكت حُسام شوي بعدها قال: إذا بتهددني كذا فراح أقفل الجوال ..
مشعل وهو يحاول يحافظ على صبره من هالمجنون اللي يتصرف زي الأطفال وقال: ما أهددك .. أقولك بنتكلم
بالبيت مو نتحاسب بالبيت .. وينك ..؟!
ما رد عليه حُسام لفتته بعدها قال: مشعل .. إنت عارف إن ملك هي السبب بكل شيء صح ..؟! أنا قد قلت لك
هذا الكلام من قبل ..
تنهد مشعل وقال: تعال للبيت وراح نتكلم بهالموضوع وبأي موضوع إنت تبغاه .. أهم شيء عندي اللحين هو
إنت .. وينك ..؟!
نوعاً ما حس بالذنب ..

وضاح إن مشعل خايف عليه كثير ..
 بلع ريقه وقال: طيب مشعل بتساعدني لو بغيت أنتقم من ملك ..؟!
 مشعل: أكيد يا حُسام وأوعدك بهذا لكن من بأفكارك إنت .. بأفكار عاقله وقانونيه ..
 سكت حُسام لفتره بعدها قال: طيب .. دامك وعدتني فراح أقولك شيء ..
 مشعل: وشهو ..؟!
 طالع حُسام جهة الباب شوي قبل لا يقول: أنا عرفت مين قتل حميدان .. ومثل ما قلت لك ملك هي السبب لأنها
 هي اللي طلبت منه ..
 إنصدم مشعل وقال: حُسام إنت من جدك ..؟!
 حُسام: إيه ..
 مشعل: ومين هو ..؟! لحضه لحضه خلك من هذا اللحين .. خلنا نرجع البيت ووقتها علمني كل شيء ..
 حُسام: ما بينفع .. أنا عنده اللحين فلو جيت تاخذني هو راح يغير مكانه على طول و...
 قاطعه مشعل بصدمة: حُسام إنت بأي مُصيبه مودي نفسك ...!!! كيف تفعد بالشكل هذا وكأنه زميل أو
 آآخخ ..
 وسكت وكأنه يحاول يهدي نفسه المصدومه من شدة تهور أخوه هذا ..
 ظل حُسام على الخط حتى جاه صوت مشعل يقول: وينكم ..؟! وهو لوحده ولا لا وعطني اسمه ومعلومات عنه
 حتى أجيّه بمذكرة إعتقال ..
 حُسام: بأرسل لك كل شيء اللحين مع بيانات الموقع .. بس لما تحقق معه أجبره يعترف على ملك ..
 مشعل: خلاص بسرعه إرسله اللحين .. ما بيطول الوضع وإنت إنتبه تتصرف أي تصرف متهور .. وصدقتي
 بالبيت راح نتحاسب كثير ..
 وقفل الجوال ..
 إندهش حُسام وطالع بالجوال ..
 نتحاسب ...!! خدعه ولما عرف كل شيء هدده بإته راح يحاسبه ...!!!
 واهاه نذل بشكل ...!!!
 تنهد وهمس: أتمنى ... ما أندم كمان على هالتصرف ..
 بعدها فتح على الرسائل وبدأ يكتب كل اللي يعرفه ..



الساعة عشر الصباح بالمُستشفى ..
 خرجت من غرفتها -بعد ما لبست البالطو وتجهزت بالكامل- وإتجهت بمباشرةً لمكتب الدكتور وليد ..
 دقت الباب فجاءها صوته يقول: أدخل ..
 دخلت تقول: السلام عليكم ورحمة الله ..
 د.وليد وهو على كومبيوتر: وعليكم السلام ..
 صوته فعلاً صوت واحد متضابق من هالزيارة ..
 تقدمت من المكتب ووقفت تنتظره يخلص فرفع راسه لها يقول: إيوه .. بغيتي شيء ..؟!
 بنان: السجل إذا سمحت ..
 فتح ملف وطلع ورقه منه ..
 قدمها لها يقول: هذه النسخة اللي طلبتها ..
 وبعدها رجع على الكومبيوتر فأخذت النسخة وطالعت فيها ..
 البيانات كانت تقول بأنه فعلاً مُصاب بالكبد ..
 إذاً مثل ما قال الدكتور ثامر .. إما يكون هالكلام صحيح وإما إنه تلفيق ..
 رجعت تطالع بوقت عمل التحاليل فكان مُطابق للوقت اللي عملته هي لكرار ..
 هذا يعني بأنها النسخة الخاصة بيوم أمس فعلاً ..
 رفعت عيونها تطالع بالدكتور وليد اللي مو عارفه إن كان فعلاً متضابق من تصرفها أو يمثل هالشيء ..
 إبتسمت تقول: دكتور أعتذر كثير على التصرف اللي تصرفته .. أخوي وتمنيت له العكس فغصب عني
 تصرفت مثل هالتصرف ..
 د.وليد: قلت لك أمس إنه خلاص عادي ما صار شيء ..

طالعتة شوي بعدها قالت: دكتور أتمنى لك التوفيق بالعملية .. أعهد بأخوي لك وأنا واثقه إنها بتكون عملية ناجحه ..
رفع عيونه يطالعها فكملت: أعتذر كثير .. عملية أخوي وأتمنى أساعدك فيها بس ما أضمن نفسي .. راح أخاف عليه وهالشيء بيأثر عليه سلبياً ..
د.وليد: حتى لو طلبتي تدخلتي العملية ما كنت راح أوافق ..
تنهد وكمل: لأن فعلاً صعب على الدكتور يعالج قريبه .. المشاعر بتأثر كثير ويمكن لو حصل مطب بالعملية يخاف ويأثر هالخوف على تفكيره وإختياره للتصرفات الصحيحة ..
هزت راسها تقول: معاك حق راجعه اللحين للبيت وبإذن الله قبل لا تخلص العملية بأكون متواجده أنا والأهل دكتور أتمنى جدياً لك التوفيق ..
إبتسمت له فتنهد وإبتسم لها يقول: أكيد ..
لفت بعدها طلعت ..
إختفت إبتسامته لفته قبل لا يهمس: واضح إنها مو شاكة بشيء .. كويس هالشيء ريحني كثير ..
نزل عيونه يطالع بشاشة الكومبيوتر وشاف باقي ساعه تقريباً عن العملية ..
الوضع .. مريح فعلاً ..
وعملية زراعة الكبد سهله وأكيد ما بتكون فيه مضاعفات أثناء العملية وبكذا كل شيء بينتهي على خير ..
أخذ نفس عميق بعدها قام وراح يتأكد من تجهيزهم لغرفة العمليات ويتأكد من تواجد الأطباء والممرضين المُساعدين ..

//

بعد ٤٥ دقيقة ..
وقف جهاد بعدها لف يقول لأبوه: يقولوا إن العملية راح تتم بهالقسم وممنوع ندخل أكثر ..
هز أبوه راسه بعدها لف على زوجته يقول: تعالي نجلس هناك ..
وراحوا يجلسوا على كراسي الإنتظار بينما جهاد ظل واقف بمكانه لفته بعدها لف يطالع بأبوه وأمه بهدوء تام ..
أسند ظهره على الجدار بعيد عنهم شوي وطالع بالأرض ..
شد على أسنانه بآلم وهو يهمس: الله يسامحك يا أنجي كفايه المشاكل اللي أنا فيها حتى تعلميني عن هالشيء اللي ما تمنيت أعرفه عن أهلي ..
رفع عيونه يطالع بأمه وأبوه وهو يتذكر اللي شافه ..
أمه اللي كانت تعامل وحده مُقعدة بسوء واضح ومعامله ما يعاملوها للحيوانات حتى !!
وأبوه اللي نوى جدياً يقلب الموضوع لمُحاكمه !!!
هذا كثير عليه ..
ليه عيلته كذا !!؟
أب مُهمل تفكيره غريب ولا له أسباب مُقتعه وكمان ما عنده مُشكلة يتخلى عن زوجاته بفضيحة قدام الناس ..
وأم عُنْف وقتل وإتهامات و.... عباره عن مجموعة جرائم على بعض !!!
ما تركت نوع ما جربته ..
جريمه كان ضحيتها يكون لها بنت بطريقه غير شرعيه ..
وجريمه تزوير دخلت فيها أحد للسجن ظلم ..
وجريمة عنف ما يدري وش صار بالمُعاقه منها ..
وكمان سلسلة الجرائم اللي قالها الولد اللي حكته عنه أنجي !!!
أمه كاسره له ظهره كثير ..
متألم من وضعها اللي هي فيه ..
ليه هي كذا !!؟
أخذ نفس عميق بعد ما حس إن العبره خانقته ..
هو بضياح كبير ..
يا ليت هذا ما صار ..

ليت أمه ماهي كذا ..
هو تمنى عيله بس مو عيله كذا ..
أخذ نفس عميق وهو يهمس: لا حول ولا قوة إلا بالله ..
بعدها لف وراح ..
مكتوم جد جد يبغى يأخذ له هوا ..
باقي على العملية يمكن عشر دقائق وبتأخذ ساعه يمكن ..
بيرجع إن شاء الله قبل لا تخلص العملية ..
خرج من البوابه في الوقت نفسه اللي دخل فيها الدكتور ثامر وإتجه دايركت على قسم الإدارة يحط شكوته ..


خلصت تجهيزات العملية وما عاد باقي غير يجي الدكتور حتى يبدأ فيها ..
بنان في هالجلسه جالسه بمكتبها من فتره بعد ما أوهمته إنها راح ترجع للبيت ..
ما تقدر ترجع وتجي بعدين .. شايله هم كبير ..
والمشكله اللي شايله همها إنها قبل شوي سألت عن الدكتور امر بس قالوا ما جاء ..
تخلوا يسحب !!؟
هزت راسها من هالتشاوم ..
فعلاً القلق والتوتر يخلي العقل يفكر بأشياء غريبه ..
وقفت وراحت للمرايه ..
عدلت البالطوا حقها وقفلت كل الأزارير .. بعدها عدلت غطا راسه وطلعت طرفه حتى تتلثم ..
لو شافها بيشك بكلامه وفي نفس الوقت ما بتقعد هنا أطول ..
بتطلع على أساس إنها طبيبه ثانيه أو ممرضه وتشوف للوضع ..
أكيد ما بيعرفها وهي متلثمه ..
قلبت بطاقتها بعدها خرجت ..
راحت دايركت على غرفة كِرار ودخلت فشافته مو موجود عالسرير ..
معانته أخذوه !!؟
تنهدت ورحت تسأل عن رقم غرفة العمليات وراحت لها بعد ما عرفت رقمها ..
وقفت قبل لا تدخل القسم ولفت عن يمينا لما لاحظت أحد تعرفه وفعلاً لقيته أبوها وجنبه وحده متلثمه وكاشخه
بعبايتها ..
على الرغم من هالة الغرور اللي بهالحرمة إلا إن وجهها كان يحكي كلام ثاني ..
قدرت تخمن إنها زوجة أبوها .. أم جهاد وكرار وشكلها عرفت باللي صار ..
جت تقول: السلام عليكم ييه ..
طالع فيها أبوها بعدها قال: أهلاً بنان ..
رفعت ملك راسها تطالع فيها ومن عيونها بس عرفت إنها بنت الشغاله ..
عرفت من قبل إن وحده من بنات ذيك الشغاله دخلت الطب .. ما توقعت تشوفها هنا ..
تجاهلتها وشغلها الشاغل هو ولدها اللي كسر قلبها كثير ..
طالعت بنان بهالحرمة اللي تجاهلتها وفعلاً طلعت مغوره مثل ما تخيلت ..
تجاهلتها هي كمان وطالعت بأبوها تقول: ييه بغيت أقولك تظمن .. كِرار بعيداً عن حالته الصحيه فانا أحس بأن
حالته النفسية أحسن من أول وبإذن الله يكون أحسن وأحسن بالأيام الجايه ..
إبتسم أبوها يطالعها بعدها قال: الله يطمّنك حبيبتي ..
بادلته الإبتسامه نفسها بعدها قالت: خلاص أعذر منك يا ييه .. عندي شغله ..
بعدها راحت وملك تطالعها بهدوء ..
لفت على عزام تقول: أشوفك رحت تزور زوجاتك !!؟
ما رد عليها وهي بعد ما ناقشت أكثر ..
همها الأكبر هو ولدها كِرار ..

دخل على غرفة العمليات فجت لعنده الممرضه لبسته البالطو الخاص والفقايزات بينما عينه لفت على جهة الكبد
اللي راح تتم زراعته في هالعملية ..
كل شيء موجود وتمام ... بس ليه شايل هم !!؟
يمكن موضوع بنان لخبطه شوي ..
لف على طبيب التخدير يسأل: تم التخدير ولا لسي !!؟

الطبيب: أعتذر لسي ..
دوليد: مافي مشكله .. أنا اللي فاجنتكم بجيتي بدري ..
تقدم من كِرار وطالع فيه لفتره ..
كان نايم بهدوء كبير فعقد حاجبه ولف لما سمع صوت ..
أشر لواحد من الممرضين يطلع يشوف وش فيه ومين اللي يطلب يدخل للعملية بهالوقت ..
ثواني حتى رجع الممرض وهمس له بأن فيه مجموعه من اللجنة الطبيه يطالبون بإيقاف العملية اليوم ويطلع
لهم ..
عقد حاجبه وتوتر غصب عنه ..
وشو ..؟! وش السبب ..؟!
كشفوه صح ..؟!
لا مُستحيل ... يعني هو ماخذ كل احتياطاته ..
ويعني كيف كشفوه .. لا أكيد السالفه سالفه ثانيه ..
ما بيتوتر على الفاضي ..
لف عليهم يقول: خلاص كنسلوا العملية وبإذن الله نرجع بكرة أو بيوم ثاني قريب ..
طلع فطالعوا الممرضين والأطباء ببعض بعدين بدأوا يلغوا التحضيرات ..

برى كانت بنان واقفه قدام لوحة تعليمات وعيونها على الدكتور وليد اللي طلع يتكلم مع إثنين موظفين بعدها
راح مع واحد منهم بينما الثاني واقف عند الباب ..
عقدت حاجبها وهمست: قال لهم صح ..؟! إيه أكيد فعشان كذا وقفوا العملية حتى يتأكدوا من صدق الشكوى ..
إبتسمت وكملت: يا رب عدي الموضوع على خير .. ويا رب يكون كلام الدكتور ثامر صحيح وأخوي ما يكون
فيه أي بلاء ..
شافتهم يطلعوا سرير كِرار يرجعوه للغرفة بينما وقف الموظف مع الطبيب المُساعد يتكلم معه بعدها راحوا مع
بعض ..

عقدت حاجبها وعندها فضول تعرف وش اللي بيصير اللحين ..
الدكتور وليد راح أكيد للجنة يتكلم معهم بس وش دخل الطبيب المُساعد ..؟!
لحظه ... أكيد بيروح معه يعيد الفحوصات من جديد للتأكد ..
أخذت نفس عميق بعدها نزلت اللثمة وراحت تراقب اللي يصير من بعيد ..
وكلها أمل بأن النتيجة النهائية تكون مرضيه ..



الساعة خمسة العصر ..
صحي من النوم على إز عاج كبير بالغرفة ..
فتح عيونه ولف بجسده فشاف ثلاثه بالغرفة يقلبوا بالدواليب يدورا عن شيء وهم يسولفوا ويضحكوا ..
زياده على أصواتهم العاليه فالدواليب كانت قديمه فتصدر هي بعد أصوات أكثر إز عاج من أصواتهم ..
جلس وهو يتأفف بحلطمه .. فيه نوم بما إنه من الصبح صاحي ..

ويمكن من طفش الإنتظار نام ..
وينه مشعل هذا ؟! من الصبح إتصل واللحين هم بالعصر ولا بين ..!
شال الشرشف عن جسده بعدها قام وأخذ الجوال معه وهو طالع برى ..
لف عيونه بالصالة الصغيره ولف جهة المجلس فكان فيه إثنين يلعبوا بلوت هناك ..
خرج من باب هاإستراحه القديمه وطالع بالحوش فشاف عثمان مستند على الجدار ويدخن سيجاره وهو
سرحان يفكر ..
طالع فيه حُسام شوي بعدها لف عالججه الثانيه وشاف رصة السيارات حقت عثمان وأصحابه ..
تنهد فجاء صوت عثمان يقول: شتسوي هنا ؟!..
لف يطالعه فكمّل: لا يكون عقلت وقررت تكمل شُغلك بدل الأكل والنوم واللعب بالجوال ؟!..
تجاهله حُسام فعصب عثمان وصرخ: مو قلت لك إحترم اللي أكبر منك ؟!..
حُسام: متى قلت هذا ؟!..
تترفز عثمان وقبل لا يتكلم إنفتح الباب ودخل آخر واحد من جماعة وشلة عثمان وهو يقول بشيء من التوتر:
هيه عثمان .. بطريقي شفت سيارات شُرطه متجهه لشارع الإستراحات هذا .. لا يكون متقصدينا ؟!..
إندهش عثمان وقال: لا مُستحيل ..!! ما صلحنا أي شيء يجذب الشبهات ولا
هز راسه وكمّل: المُهم خلن نشرد من هنا بسرعه ..!! أدخل للشباب وخلهم يتركوا كل شيء وراهم ويفروا
بجلدهم ..!! لا تنسى إن القضايا راكبتنا من فوق لتحت ومو ناقصين تحقيق ..!
وقبل لا ينهي حتى كلامه كان الشاب يجري لداخل يعلم الخمسه الباقين في حين عثمان رمى السيجاره وراح
باتجاه السياره بما إن المَفْتاح بإيده بس وقف بعدها لف يطالع حُسام اللي شافه واقف بهدوء ..
إتسعت عيونه للحضه بعدها تقدم منه يقول: ليه إنت بارد كذا ؟!..
ويمكن أكثر منا بما إن سجلك حافل عندهم ..!!
هز راسه يكمل: لا تقول لي إن ..
ما أمداه يخلص كلامه حتى دق جوال حُسام في اللحضه ذي ..
وهنا شكوك عثمان كُلها تأكدت ؟!..

لها ننهي البارت على خير إن شاء الله ..
يمكن تشوفوه صغير بما إنه أحداثه قليله ومنحصره بكم شخصيه بس ترى حجمه مُناسب ..
والبارت الجاي بببدأ التحرك الفعلي للأحداث حتى تتجه لنهايتها ..
آرانكم وتوقعاتكم ()

..°°X || end part || X°°..

..°°X || البارت الثالث والستون || X°°..

منطقه شبهه مسكونه تقع في شمال جده ..
مليئه بالإستراحات المتنوعه ما بين فاخره وعاديه وبسيطه جداً ..
غير مشبوهه نوعاً ما فأكثر المُستأجرين هم عوائل وحفلات عاديه كأعياد أو جماعات وغيرها ..
فكانت أنسب مكان يختبئ فيه عثمان وجماعته اللي إعتادوا على العمليات المشبوهه كالسرقة والإبتزاز
والتزوير وغيرها من الجرائم المتنوعه خارج إبطار القتل العمد ..
بمعنى مُجرمين بما فيه الكفايه لحتى يخافوا من مرور دوريات الشرطه في المكان ..

راجع للإستراحة كان بما إنه ناسي محفضته وما بيديه يروح يخلص مُراجعة ولده بالمُستشفى بس خاف من شاف حول أربع سيارات شُرطه تمشي على مسافه وراه ..
ما لقي غير إنه يدعس عالبزين ويسرع لحتى وصل لهم يخبرهم وكمان يسترد محفضته اللي راح تورطه لو كان هدفهم هي هالاستراحة ..
مُجرد شكوك بس برضوا الإحتياط واجب .. لقي بوجهه عُثمان .. خبره كل شيء عالسريع ودخل يسترد محفضته ويبلغ البقيه ..
في حين عُثمان خاف لأنه أكثرهم جرائم هنا ..
أول شيء طرى بباليه هو إن ملك تغدت فيه قبل لا يتعشى فيها وبلغت عنه وعشان كذا جايين يقبضوا عليه بتهمة قتل حميدان ..
لأن محد يعرف مكانه غير إثنين ومحد يعرف إنه قتل حميدان غير كمان إثنين واللي هم ملك وحُسام ..
حُسام ..؟!
وقف ولف على جهته فإندش لما شافه هادي بزياده ..
ليه ..؟! مو سمع عبد القادر وهو يحذرهم فليه ما إرتبك ..؟!
تقدم منه يقول: ليه إنت بارد كذا ..!!! الشُرطه لو جت فراح تتورط إنت بعد ويمكن أكثر منا بما إن سجلك حافل عندهم ...!!!
تعجب من سكوته وهدونه ...!!!
ليه ..؟!
لحضه ... الشُرطه وش يدريها عن المكان ..؟!
المكان آمن وخالي من الشبهات تماماً ..
لحضه .. إتسعت عيونه من الصدمه وهو يقول بحذر: لا تقول لي إن ...
قطع كلامه رن جوال حُسام فإتصدم أكثر ..
صح ...!!! حُسام يعرف كل شيء ...!!!
عن مكانهم .. وهو كمان شاهد على إعترافه بالجريمه ...!!!
كان بالبدايه ماخذ حذره منه بس بعد ما حس إن حُسام مُصر على رايه بالإنتقام أرخى دفاعه وما صار يدقق بتصرفاته ..
صار هادي .. مو مثل أول مصر على الإنتقام بشكل مُتهور ..
غير عن تهديداته الغبيه اللي ينطقها كتهديد بـ إنه راح يبلغ عنه ...!!!
كان واضح إنها مُجرد تهديد بس
غير كذا كيف تجاهل موضوع إنه كان يعيش قبل لا يهرب مع أخوه اللي بالشرطه ..
مُستحيل ...!!!
إتسعت عيونه بغضب وبغنف مسكه من قميصه يقول بعدم تصديق: أيا الحقيـر ...!!!
حط حُسام الجوال عالصامت وهو يدخله لجيبه .. مسك إيد عُثمان يبعده وهو يقول: إنت شقاعد تخربط ..؟! ما فهمت عليك ..؟!
عصب عُثمان زياده وصرخ بوجهه: إلا فاهمني فلا تستعبط وتضيع وقت ...!!! إنت اللي مبلغهم عنّا أكيد صح ..؟!
حُسام: مُستحيل ...!!! وكمان عبد القادر ما قال إنهم جايين لنا ...!!! يمكن جايين لإستراحة ثانيه أو
دفعه عُثمان بقوه العالدار وهو يصرخ: كذاب ...!!!
طلعوا إثنين من الباب .. راحوا لجهة سياراتهم وواحد منهم يقول: عثمان وش مستني ..؟! خلاص أكيد جايين لنا ..
طالع عُثمان في حُسام بقهر بعدها صرخ لبقيه أصحابه: بسرعه إحنا رايعيين ..
وراح للسياره وهو يكمل لحُسام: وإنت أقعد هنا ...!!!
وقف ولا تقدم أكثر ..
وشو ذي أقعد هنا ..؟!
هذا يا يموت هنا أو يجي معه .. مو ناقص ينمسك كقاتل بسببه ..
فتح فمه بيتكلم بس وقف وعيونه تتسع تدريجياً من الصدمه ..
الأصوات واضحة ..
أصوات صفارات الشُرطه تطوق المكان وواصلتهم بشكل واضح ..
مُستحيل ...!!!
نزل واحد من السياره يقول بصدمه: تورطنا ..!!! كانوا جايين لنا فعلاً ...!!! وش الصرفه ..؟!
الثاني ظل بسيارته مصدوم ويتخيل نهايته المأساويه ..

طلعوا إثنين كمان يطالعوا جهة البوابة المفتوحة بصدمة كبيره ...!!
طالع حُسام ناحية البوابة في حين لف عثمان جهتها كمان فأنصدم من وجود سيارتين يسدوا طريق الهروب
وأربع عساكر نازليين منها ويصوبوا مسدساتهم جهتهم ..
بدأوا يتقدموا حتى يدخل مجال الحوش هذا فشد عثمان على أسنانه .. مسك حُسام من بلوزته وسحبه معه
للدخل ..

لحقه واحد بينما الثاني إنطلقت رصاصه عند رجله تمنعه من التقدم ..
ثواني بس ودخلوا مجموعه من الشرطه .. خمسة يحاوطون الإثنين اللي عند السيارات وثلاثه عند اللي
إنطلقت قدام رجله رصاصه ..
تقدم سلطان يصوب المسدس بإيد والإيد الثانيه يكلم عبر اللاسكي يقول: حاوطوا المخارج من الخلف زين ...!!
وأي مخرج مُحتمل تجمعوا عنده وإمنعوا أي محاولة هُروب مُحتمله ..
قفل الجهاز بعدها نزل المُسدس وتقدم من الباب المغلق يقول: ما بيستمروا داخل كثير ..
دخل مشعل بهالوقت وهو يدخل مسدسه بالحزام ويطالع بالثلاثه المُجرمين ..
أشر لهم يقول: كلبشوهم وبسرعه عالجيهم ..
واحد من الضباط: أمرك ...!!

تقدم مشعل من سلطان وعينه على الباب يقول: مختبين داخل صح ...؟!
سلطان: راح نقتحم الباب اللحين ونطلعهم .. مالهم مهرب ..
طالع مشعل في الثلاثه وهم يقتادون لبري وهمس: كم عدد أفرادهم ...؟!
أشر سلطان لمجموعه ضباط يجوا حتى يداهموا المكان معه ..
أشر لهم بإشارات وبالإشاره الثالثه ركل الباب بقوه فأنكسر جزء القفل بس ما تحرك الباب من مكانه ..
رفع مشعل حاجبه وهو يتقدم يقول: وش البزرنه هذي ...؟! حاطين أثاث وري الباب ..!
جاء ضابط لعند مشعل مع مذكرته فسأله مشعل: عرفت اسمائهم ...؟!
الضابط: إيه نعم .. جابر ال#### وخليل محمد .. وأخيراً صهيب بال##### .. عرفناهم من بطانقهم اللي كانوا
يحملوها ..

لف مشعل يطالع بالباب وهو يقول: ولا واحد منهم .. على أقل تقدير فيه ثلاثه بالداخل ذكر لي حُسام أسمائهم ..
عثمان ومخلد وسعيد .. المُشكله ما ذكر لي عددهم كم حتى أعرف إن كان فيه غيرهم ولا لا...؟!
همس بينه وبين نفسه: هذا رصيد ولدي فليه رسالته مختصره وكأنه بيبي يقلل خسارة الرصيد ...!!
خرج مُسدسه وقرب من الباب فقال سلطان: مشعل خلك وري .. جعفر بيحاول يدف الباب .. خطر تكون إنت
بالمقدمه .. يمكن يكونوا حاطين كمين ...!
أشر بأصبعه فتقدم مجموعه حتى يبدأوا هم بالدخول فوقفهم مشعل يقول: لا لحضه ..
عقد سلطان حاجبه فكمل مشعل: أشوف إننا نتكلم معهم أول أفضل ..
سلطان: مشعل إنت مو من جدك ...!! الإقتحام اللحين هو أفضل خيار .. التأخير راح يعطيهم فرصه يخططوا أو
يلاقوا مهرب .. مافي سبب يخلينا نختار
قاطعه مشعل يقول بشيء من الإنفعال: حُسام داخل ...!! شايل هم مدري ليه ..
طالعه سلطان بهدوء وينظره فيها شيء من عدم الرضى فلف مشعل على أحد الضباط يقول: روح جيب جهاز
مكير الصوت ..
لف على واحد ثاني يكمل: ناصر روح إسأل المجرمين كم عدد جماعتهم بالضبط ...؟! حاول تطلع منهم إجابته ..

بالداخل ..
حُسام جالس على كنبه الصاله القديمه وقدامه عثمان يقول لعبد القادر: مافي غير حُسام اللي بلّغ علينا ...!!
أشر عليه يكمل بحقد: هالإنسان قريب إكتشفت أن أخوه يشتغل بالشرطه ...!! أكيد هو ..
ظل عبد القادر يطالع في حُسام بعدم تصديق بينما طالعههم سعيد يقول: فتشت جواله شوفوا الرساله اللي
حصلتها ...!

إنصدم عثمان وسحب الجوال يطالع فيه هو وعبد القادر ..
رفع عثمان راسه لعبد القادر يقول بحقد: ها صدقتني اللحين ...!!
طالع عبد القادر في حُسام بصدمة في حين دخل مخلد يقول بقلق: باب الحديد الخلفي مليان شُروطه .. ما بنقدر
نهرب من هناك كمان ...!! ما بنقدر نهرب ...!!
شد عبد القادر على أسنانه وركل الكنبه حقت حُسام بقوه وهو يقول بحقد: ليه سويت كذا ...!! جواد عمره ما
خاتنا ووثقت فيك لأنه خالك ...!! حقير واطي ..
طالعه حُسام بهدوء وفي الحقيقه من داخل حاس بشيء من الخوف منهم ..

اللي محسسه بالإطمئنان هو إن مشعل برى ..
مخلد: وش نسوي ؟! مافي مهرب والشرطه محاطه المكان من كل جهه ...!!
عبد القادر بحقد وهو يطالع بخسام: الله يلعن والديك يا الحقير على هالورطه اللي حطيتنا فيها ...!!
خسام بهدوء: لا تلعن أُمي ..
إنقهر أكثر وتقدم بيسكته فتنهذ سعيد يقول: وقف .. ما بتكسب شيء غير إن دمه بيكون برقيتك .. طفل فطنشه
ولا تنزل نفسك له ...!!
مخلد: يا جماعه أتكلم معكم ...!! وش الحل خلونا نتصرف قبل لا ننمسك اللحين ؟!
عثمان بحقد: ما بابدنا شيء .. عددنا قليل وما معنا أسلحه .. وجع ...!!
لف على سعيد وكمل: ما عندك حل ...!!
أشر سعيد بعينه على خسام يقول: عندنا هذا ..
عثمان: قصدك ...
سعيد: لو كان هو اللي بلغ فأكيد اللي جاء هو أخوه .. مهما كان ضابط وهمه العدالة فأكيد العيله أهم عنده ...!!
خلونا نساوهم عليه .. يخلونا نهرب في سبيل نطلعه لهم سالم ..
مخلد بفرح: صح صح فكره حلوه ..
عثمان: بالمره ما تنفع ...!! قلت لك أخوه ضابط بس ما ندري وش رتبته بالضبط ...!! لو كان ضابط عادي
فمستحيل رئيس هالفرقه يوافق على هروب المجرمين مُقابل بس حياته ..
سعيد: الشرطه تهتم حياة المواطنين .. مُستحيل يتهاونون بروح وحده مُقابل بس يمسكوا بشوية مُحرمين ..
عثمان: بس هالروح راجعه لواحد هو كمان يُعتبر واحد من المجرمين وكمان كان مُتهم بجريمة قتل ...!!
بالنسبه لهم فهو عباره عن مُجرمين يصنعوا تمثيلية غبيه ويضحوا بواحد من زملائهم .. لو الحياه تمشي كذا
كان كل المجرمين صلحوا نفس الحركه حتى يهربوا ..
تنهذ سعيد يقول: عثمان .. مثل مافيه احتمال يكون مُجرد ضابط عادي فأكيد فيه احتمال إنه ضابط مو عادي ..
أشر على خسام وكمل: وخسام اللي ما يثق غير بخاله .. حتى نفسه ما يثق فيها فأكيد ما بيعطي مثل
هالمعلومان لضابط عادي .. ما أعطاه إلا وهو واثق إنه بيقدّر يصلح شيء ..
هز كتفه وكمل: وكمان ما بنخسر شيء من المحاولة ..
أول ما خلص جملته جاهم صوت مشعل عبر المكبر يقول: عثمان ##### ومخلد فواز وسعيد مفلح #####
والبقية اللي معكم ... لكم مُهلة ثلاث دقائق تطلعوا فيها رافقين إيدكم وري راسكم مُستسلمين وإلا راح نضطر
نقتحم المكان وأكيد بيكون فيه إراقه للدماء ... مُحاولاتكم البائسه في الصمود أكثر ما بتفيدكم .. الهرب مُستحيل
.. كتيبة الضباط اللي عندي محاطين المكان من جهاته الأربع .. إن كنتم تملكون مجموعه من الأسلحه
وتفكرون بتفكير جنوني من الأفضل تتراجعوا عنه الآن ... كل اللي بتستفيدوه هو مجموعه جرائم جديده
مُضافه لسجلكم المشرق ...!!
عثمان بحقد: مسوي يقطع علينا ...!!
تنهذ سعيد وطالع بخسام يقول: صحيح بغيت أسألك هالسؤال لما قرّيت رسالتك ليه أن الوحيد اللي مرسل
لهم إسمي الرباعي ؟!
خسام: لأنه غبي ..
عثمان بغضب: لسانك هذا فعلاً يحتاج له قص ...!!!! توني تذكرت إنك كمان كاتب قدام إسمي هتلى يال #####
ال ##### ...!!
مخلد: يا جماعه خلاص خلاص خلونا نخلص منهم تكفون ...!!
عبد القادر: ما نطق إسم خسام من بينهم ..
هز سعيد راسه وقال: لو كان أخو خسام شخص عادي كان رئيس هالفرقه -اللي أخذ هالمعلومات من أخو
خسام- حط إسمه في قائمتنا لأن خسام في النهايه لا يزال مُجرم ..! إذاً يا إن أخو خسام شخص له مكانه عندهم
بالشرطه ... أو هو نفسه رئيسهم هذا ..
طالع بخسام وكمل: وأكيد ما بيجاوبنا لو سألناه ..
راح عبد القادر لجهة الباب يقول: باتكلم أنا معهم ..
نزل مشعل مكبر الصوت وطالع يساعته ..
سلطان: ما زال الجو هادي داخل ..
مشعل: وربي شايل هم .. لا نعرف عددهم ولا إن كانوا يملكون أسلحه ولا لا .. والمُشكله الأكبر معهم أجهزتهم
ولو عندهم شركاء يبطلبوا منهم المُساعده ..
لف على سلطان يقول: شايف هالمشاكل كلها اللي شايل همها في كفه وحكاية إن خسام معهم في كفه ثانيه
..

تنهد سلطان وقال: وإيش اللي بيدريهم إن حُسام اللي بَلَّغ .. م...
قاطعه مشعل: دقيت عليه بس ما رد ...!! وللحين ما رجع يتصل ...!! بالله مو الموضوع يجيب القلق ...!!
سلطان بشيء من الحدة: مشعل ...!!
تنهد مشعل وأخذ نفس عميق ..

لا .. لازم ما يتوتر كذا .. شخص بمركزه المفروض يكون أكثر تحكم بتصرفاته وإنفعالاته ..
المفروض مهما كان مدى صعوبة المُشكلة اللي هو فيها لازم يشتغل فيها عقله بس مو عواطفه ..
الضابط اللي يخلي عواطفه تسيطر عليه ما راح يدوم أكثر في هالمهنة اللي تحتاج قوة قلب وقدرة تحكم
بالأعصاب ..

شوي جاهم صوت يقول: أبغى أتكلّم مع الشخص المسؤول هنا ..
إستعدوا كَل الضباط مصوبين أسلحتهم جهة الباب اللي طلع من وراء الصوت فضاقت عيون مشعل شوي بعدها
قال: تفاوض ..؟! أتمنى ما يكون هذا اللي تبغاني عشانه .. ما نتفاوض مع مجرمين ...!!

جاه الصوت يقول: إنت تعرف حُسام صحيح ..؟!
إندهش مشعل للحضه وفعلاً مخاوفه كانت في محلها ..
صمت لفترة قبل لا يقول: ما نتجواب مع أسئلة المُجرمين .. بقي من مهلة الثلاث دقائق دقيقة وحده ..
إبتسم عبد القادر يقول: معناته يا إنت أو أحد حولك يعرفه بأقول اللي عندي باختصار شديد .. خروجنا من
المكان بسلام مُقابل يرجع لكم حي .. أقصد حُسام طبعاً ..

ضغط مشعل على مُسدسه بقوه وفتح فمه بيتكلم بس قاطعه سلطان يقول لهم: حلو والله مُجرمين يساوموا
حياة بعض .. سرقه وتزوير وسطو وإبتزاز وتحرش .. جرائم متنوعه تدخل الواحد السجن فوق عشرين سنه
.. إذا تبغى تريخ نفسك من عيشة السجن فأقتله حتى نوديك دايركت للقصاص ..
عبد القادر: أوه يعني ما عندكم مُشكلة لو مات مواطن بسبب عزم إستجابتكم لمُتطلباتنا ..؟!
سلطان: على أساس هو أحسن منكم ..؟! للحين قضية إشتباهه بقتل حميدان ما أغلقت ولا زلنا متأكدين إنه هو
القاتل بس تنقصنا بعض الأدله .. كذا ولا كذا بيموت يا على إيدكم يا بحد السيف ...! للأسف فشلتُم في محاولة
إنقاذ أنفسكم من هالوضع ..

شد عبد القادر على أسنانه شوي بعدها قال: ماشي .. بنقتله مثل ما تبغى لأن لو برانته بعدين أثبتت فيكون
الغلط راكبكم لتسببكم بقتل نفس بريئه ..
سلطان: تفضل إذا كنت مشتاق للقصاص كمان ..

طالع مشعل في سلطان بصدمه وهمس له: إنت شقاعد تقول ...!!!! لا تستفزه على حساب حُسام ...!
سلطان بهمس: أجل تبغى تضعف لهم وتلبي مطالبهم ..؟!
هز راسه وكمل: ماهي أول عمليه لنا من هالنوع .. ودايم نستخدم مثل هالأساليب فليش اللحين تشوفها خطأ
..؟! مشعل إذا ما تعرف تتصرف صح فكلك ساكت وأنا اللي أتصرف معهم ..
أشر لجهة الباب وكمل: لو داهمناهم من وقتها كان ما تركنا لهم فرصه يستخدموا مثل هالخدع ضدك ...!!
عواطفك هي اللي منعنا وإخترت تحذيرهم وبكذا وصلنا لهالحال ..

طالعه مشعل لفترة بعدها لف جهة الباب لما لاحظ إنه ما عاد سمع شيء لعبد القادر ..
أخذ المكبر من جديده يقول: مهلة الثلاث دقائق خلصت ...!!
جاه ناصر بالهوقت يقول: إستجوبناهم .. واحد إستخدم حقّه في البقاء صامتاً والثاني يردد إنه مظلوم وإن ماله
دخل بأي شيء .. والثالث قال بقي خمسّه داخل ..


مشعل: خمسّه ..؟! باستثناء حُسام أربعة يكونوا .. طبعاً إذا كان صادق بكلامه ..
ناصر: ينشك في الموضوع بما إنه الوحيد اللي أعترف فما بنقدر نطابق أقواله مع البقيه ..
هز مشعل راسه ولف جهة الباب يقول: دامهم أربعة ... بنقدر عليهم بسهولة .. توقعتم جماعه كبيره بحدود
العشره أو العشرين ...!!

شوي إلا جاهم صوت عثمان يقول بحدّه: وينه رئيسكم يتكلم معي ..؟!
تنهد واحد من الضباط يقول: ما بيخلصون ..؟!
كمل عثمان بحدّه: إنت تعرف حُسام أكيد .. ويمكن ما تدري لكني شخصياً أكرهه وأتمنى موته فعشان كذا لا
تضن إن الكلام اللي كنّا نقوله مُجرد تهديدات بدون فعل ...!! مُستعد اللحين أسمعك صراخه حتى تتأكد إننا
جماعه ما تمزح ...!! سامعني ..؟!
طالع سلطان في مشعل اللي كان هادي لفترة بعدها قال بهدوء: إقتحموا المكان ..

وبدون تردد إتجهوا الضباط للباب بأسلحتهم في حين إتسعت عيون عُثمان من الصدمه وراجع بسرعه لهم
يقول: خلاص ثواني ويكونوا هنا ..
لف على حُسام بعدها شد على أسنانه ووقفه بقوه وهو يشد على ياقة قميصه يقول بحدّه: كُلّه بسببِك ...!!

ولكمه في وجهه خلاه يرجع يجلس على الكنبه ولما كمل بيفرغ حرتة قال سعيد: عثمان خلاص ...!!! في
النهايه محد ورطنا إلا إنت لما جيتته معك هنا ...!!!
رفع حُسام إيده يتحسس فكه اللي حس إنه إنكسر وبدأ يحس بطعم شيء لزج بفمه وهو يطالع في عُثمان اللي
لف على سعيد وصرخ بوجهه: ولو كان الموضوع خطأ فليه وافقت على وجوده ...!!! إنت كمان غلطان فلا
تحط الغلط على غيرك ...!!!
مخلد بخوف: سامعين أصواتهم ...!!! خلاص دخلوا من الباب ...!!!
لحضات بس حتى دخلت تسعه من عناصر الشرطه للصاله وهي تشهر المسدسات بوجههم ...!!!
على طول جلس مخلد بخوف وهو يرفع إيده في حين صرخ واحد من الضباط: لا حركه وحده وخطوا أياديكم
بمكان واضح ...!!!
رفع عبد القادر إيده بهدوء في حين طالعهم سعيد بعدها عض على شفته وهو يرفع إيده ..
ألقي عُثمان نظره خاطفه لجيبه بس ترك هالتهور فالسكين ما بتنفع ضدهم ورفع إيده وهو حده منزعج وحاقه
وقف حُسام وهو كمان رفع إيده وعينه تدور على مشعل ..
تقدموا منهم خمسه واتجه كل واحد لواحد منهم حتى يكلبشونهم بالأصفاة في حين دخل مشعل ووراه سلطان ..
طالع مشعل في حُسام ببرود بعدها لف بعيونه على البقيه قبل لا يقول للشرطه: فتشوا البيت وصادروا كل شيء
مريب ..
وعلى أمره هذا تحركوا أربعة وبدأ يفتشوا الغرف ..
نزل حُسام إيده وبدأ الضابط يكلبشه وهو يطالع في مشعل اللي تجاهله ..
شكله ... معصب ..
في حين كان عُثمان يراقب الضابط اللي اللي جاي يكلبشه وشاف إنه جسدياً شخص مو سهل التغلب عليه ..
لف على حُسام الاي جنبه وشافه يطالع برئيس الضباط بهدوء ..
لحظه ...؟! هذا يعني بانه أخوه فعلاً ...؟!
فرصة ..
أول ما مسك الضابط إيده حتى يكلبشه سحب سكينه وبسرعه حاوط رقبة حُسام بإيد وبيايده الثانيه اللي فيها
سكين أشرها لجهتهم وهو يصرخ: لحد يتحرك لا أذبجه ...!!!
وقفوا كل الضباط اللي كانوا توهم متأهين يمسكوه في حين إنصدم مشعل وهو يطالعه ..
شد حُسام على أسنانه ولولا إن إيده مو مكلبشه كان بيقتلهم ..
كمل عُثمان بتهديد وهو يلف السكين جهة حُسام: وقسم بالله لأقتله لو فكر واحد فيكم يتقدم ..
رفعوا بقية العناصر أسلحتهم بوجهه ورفع مشعل إيده يأمرهم بالتوقف ..
شنت عُثمان عينه بينهم وهو حده متوتر وخايف وحاس بضغط كبير ..
حتى لو كانت فرصة هروبه من هنا هي واحد بالميه لازم يستغلها ..
مُستحيل يتركهم يمسكوه ..
هو قاتل .. مصيره القصاص ...!!!
ما بيغى مصير من كذا ..
مُستعد يقتل ثلاث وأربع بس ما يموت ..
مشعل بهدوء: أترك عنك هالسكين لأنها بتضررك أكثر مما هي تفيدك ...!!
عُثمان بتهديد: وقسم بالله لأذبجه لو ما اللحين دبرتوا لي طريق هروب ...!!! بسرعه ...!!!
رفع سلطان مُسدسه وهو يقول لمشعل: جسمه واضح وأقدر أصوب عليه فايش رايك ...?!
هز مشعل راسه وهو يقول بشيء من القلق: لا لحظه ...!!!
تنهد سلطان في حين شد مشعل على أسنانه ..
هذا ... أكيد عُثمان اللي قتل حميدان ..
قاتل مثله طبيعي ما يكون عنده مشكله يقتل أحد ثاني ..
طالع عثمان بمشعل يقول بحدته: بسرعه أتركهم يبعدوا قبل لا تشوف الدم يتطاير من جسد أخوك ...!!! بسرعه ..
إندهش بعض الضباط وطالعوا بمشعل بعدم تصديق ..
واحد من ذولا المجرمين ... أخوه ...?!
شد حُسام على أسنانه وهو يحاول يحرك إيده اللي مكلبشه على وري بس عثمان يضغط عليه بجسده فصعب
يقدر يحركها بسهولة ..
صرخ عُثمان: بسرعه ...!!!
طالع مشعل شوي بعدها رفع إيده يقول: أبعادوا عن طريقه ..
طالعوه بصدمه فقال لهم بحدته: قلت إبعادوا عن طريقه ...!!!

ابترسم عُثمان غصب عنه .. فيه أمل ..
 بيقدّر يهرب من مصيره الأسود هذا ..
 بدأوا الضباط يبعدوا في حين قال مخلد بترجي: عثمان خذني معك ..
 تجاهله عُثمان وهو يقول: أبعادوا من طريق المخرج ..
 مشعل: أترك حُسام وأعدك تطلع ..
 طالع سلطان في مشعل بعدم رضى في حين قال عُثمان بحدّه: لا تستهبل ...!! ما بطلع وما يهرب إلا وهو معي
 وبعدها أتركه يرجع لكم .. ماني غبي حتى تفكر تضحك عليّ ...!!!
 سلطان بهمس: خلني أهاجمه وبثواني بأقدر عليه قبل لا يآذيه بدل لا تستمع له كذا ..
 مشعل بهدوء: ما أبغى أي مُخاطره ..
 أشر للضباط فبعدوا كُلهم من طريق المخرج ..
 هز حُسام راسه بصدمه ..
 لا ... عثمان المفروض ما يهرب ...!!!
 لو هرب ... فراح يظل يلاحقه حتى ينتقم ..
 هذا إذا وفى بوعده وما قتله أول ما يهرب ..
 حاول يقلت بس إيدّه مقبده وإيد عثمان أقوى من جسده الضعيف هذا ...!!!
 بدأ عُثمان يتحرك بحذر وهو يطالع فيهم وقرب من فتحة السيب اللي تودي للمخرج ..
 شد حُسام على أسنانه بعدها أرخى رجله وكأنه يبغى يجلس بمكانه فاندش عُثمان فصر بـ رجل حُسام
 وهو يقول: بتتجرح لو حاولت تصلح أمور مالها داعي ...!!!
 وباللحظه هذه اللي غفل عنهم عُثمان تقدم مشعل وبسرعه مسك إيد عثمان اللي ماسك فيها السكين ولفها فتألم
 عُثمان وطاحت السكين من إيدّه في حين صوب سلطان عليه وهو يصرخ بأمر: أتركه ...!!!
 لف مشعل إيد عُثمان لورى ظهره وهو يقول بأمر: بسرعه قبل لا أمر يقتلوك اللحين ...!!!
 حس عُثمان بانه جاد فعلاً بكلامه فترك حُسام في حين طلع مشعل الأصفاد وكلبش إيدّه وبالقوه لف إيدّه الثانيه
 لورى حتى يكلبشها ..
 قاومه عثمان قد ما يقدر لكنه تكلبش في الأخير ..
 مسكه مشعل ببلوزته من عند الرقبه من وري ودفه لقدام يقول: هذا أول واحد تركبوه الجيمس ...!!!
 مسكوه إثنين من عناصر الشرطه وبدأوا يسحبوه بالقوه بينما يحاول يقاومهم قد ما يقدر ..
 لا .. لا ما يبغى ينمسك ..
 لازم يهرب .. فيه أشياء كثير لازم يسويها ..
 طلعه لبرى وهو يصرخ بتهديد: والله لتندم يا حُسام ...!!!
 لف مشعل على البقيه وهو يقول: خذوا ذولا بعد للجيمس ..
 بأوامره هذه اللي أمرها كان واضح من نبرة صوته إن مزاجه متعكر بقوّه ..
 أخذوهم واحد وري الثاني في حين وقف ضابط عند حُسام متردد بعد ما عرف إنه أخو رئيسهم ..
 طالع في مشعل فقال مشعل بنفس مزاجيته المتعكره: هو بعد خذوه معهم ..! بس حظوه بمكان مُغاير لمكان
 عثمان ..
 مسكه الضابط وبدأ يمشي معه لبرى ..
 إختنق حُسام شوي وغصب عنه كح بما إن اللزوجه في فمه زادت نتيجة الدم اللي نزف من وحده من أسنانه
 اللي أكيد تأذت من لكمة عثمان ..
 تساليت قطرات الدم من فمه وهو يكح ويبصقها لبرى فأتسعت عيون مشعل من الصدمه وقال بسرعه: حُسام
 شفيك ...!!!
 تنهد سلطان يقول: مشعل ترى واضح إنه دم نزف من لثته أو أسنانه فلا تكبر الموضوع ..
 خرج حُسام بهدوء مع الضابط فأخذ مشعل نفس عميق بعدها جلس على الكنبه وهو يحط راسه على إيدّه ..
 همس بهدوء: الولد هذا لعب بأعصابي هاليوم ... عشر سنين من عمري راحت بسببه ..
 سلطان: الحمد لله إن الموضوع مر على خير على الرغم من بعض تصرفاتك اللي سببت بعض المشاكل ..
 وقف مشعل ومشى يطلع وهو يقول: لا تلومني ... هو الشخص الوحيد اللي بقي لي من عيلتي ..
 تنهد سلطان وهو يراقبه بعدها همس: ما أقول غير الله يحفظه لك ويزيد العقل في مخه هذا ..



[illegible]


إبتسمت طيف براحه في حين قالت الهنوف: هيه وشو هذه اللي زواج ومدري إيش ..؟! طيف إنتي إنخطبتي ..؟! ..

فتحت طيف فمها بتتكلم بس قاطعها صوت رن جرس البيت ..
الهنوف بإنزعاج: مو وقته أبد ..
وقامت حتروح فقالت حور: خليكي أنا رايحه .. وبعدها إتجهت للبواب ..
رفعت شوي صوتها تقول: مين ..؟! ..
جاها صوت شاب يقول: نادر .. جاي أشوف الوالده ..
إستغربت حور من جيته .. لو كان ناوي يجي كان مو المفروض جاء هو والهنوف مره وحده ..
حور: دقيقه أناديها لك ..
وبعدها دخلت تقول: يمه نادر عند الباب يطلب يشوفك ..
إنصدمت الهنوف في حين قامت الأم تقول للهنوف بتعجب: وليه ما جابك معه مره وحده بدل لا تأخرين أميره ..؟! ..

وبعدها راحت للبواب ..
فتحتة تقول: هلا هلا نادر تفضل ..
إبتسم نادر وسلم على راسها يقول: إغذريني على الجيه المفاجئه وكمان معي ضيف وده يتكلم معك .. زميلي فراس ..
الأم: الله يحييكم إن شاء الله .. تفضل أدخل إنت وصديقك تعرفوا طريق المجلس وأنا رايحه ألبس لي شيء وأجيك ..
وراحت تاركة الباب وراها مفتوح فلف نادر على فراس يقول: تعال ياللا ..
ظل فراس واقف لفتره بعدها قال: تدري خلاص مره ثانيه ..
ولف بيروح فمسكه نادر يقول: على وين على وين ..؟! جاي معي غصب عنك .. ما بتظل هارب كذا طول عمرك ..
ودخله معه بالقوه للمجلس ..

طالعت حور في أمها اللي لبست العبايه وبدأت تلف الطرحه وسألت: يمه ترى نادر محرم لك ..!
الأم: أدري بس جاب معه زميله فراس يقول إنه يبغى يتكلم معي ..
تغطت بعدها راحت للمجلس في حين لفت حور على الهنوف تسأل: الهنوف وش يبغى صديق زوجك من أمي ..؟! ..

ظلت الهنوف تطالع في فنجانها بسرحان شديد ولا إنتبهت لها ..
رفعت حور صوتها تقول: الهنوف !! ..
طالعتها الهنوف تقول: ها ..
حور: ليه صديق زوجك يبغى يكلم أمي ..؟! اللي اسمه فراس ..
عقدت الهنوف حاجبها تقول: يعني هو جاء مع نادر عشان يكلم أمي ..؟! ..
هزت حور راسها فظلت الهنوف سرحانه وعلى طول طرى ببالها موضوع مرض نادر ..
هزت كتفها بهدوء وهي تهمس: مدري ..
لفت حور لجهة المجلس وهي تهمس: عندي فضول أعرف ..



المُستشفى .. الساعة ثمان الليل ..

عزام وزوجته وبناته الثنتين حلا وأنجي كُلهم مجتمعين بغرفة كِرار ..
أمه جالسه جنبه على كُرسى وحاطه إيدِه بين إيديها بينما عزام جالس بهدوء على كنبه قريبه من السرير
وأنجي وجالسه على طرف السرير من الجهة الثانيه ..
إبتسمت أنجي تقول: واه لما قال لي جهاد إنك متهاوش مع جماعه ما صدقت .. وحتى لما اليوم بابا خيرنا
كمان ما صدقت .. ههههههههه واللحين وأنا أشوقك أحس لسي مو مصدقه ..! كِرار يتهاوش ..؟! من متى ..؟!
حلا اللي جالس على السرير جنب رجليه قالت: كم عددهم ..؟! لو كانوا واحد ولا إثنين فراح أعتبرك ضعيف
ولو كانوا كثير فراح أقول أخوي شُجاع بس الكثره تغلب .. ها كم كم ..؟!
عزام بهدوء: لا تسألوه أسئلته مالها داعي ..
مطت أنجي شفتها بعدم رضى بعدها طالعت بكرار تقول: هيه كِرار صف لنا مشاعرك في مُشاجرتك الأولى بعد
سنوات ..؟!
عزام: وبعدين ..؟!
طالعت في أبوها تقول: طيب سألته سؤال ثاني ..!
عزام: أي أسئلته بخصوص اللي صار له مالها داعي ..
تأففت أنجي في حين قالت حلا: كِرار تدري مرات حسيت بملل وصرت أول واحد أفكر أروح له بس ما ألاقيك ..
مو عدل صح ..؟! دايم موجود ولما صِرت أمل ما صِرت موجود ..
دفته أنجي بأصبعها على خده تقول: هيه كرووي .. تعلم تجامل شوي .. بُكره راح يجي خالي وخالتو منال
وأولادهم يزوروك .. توها مام متصله تعلمهم ..
لف بعيونه يطالعها فقالت: أخيراً عطيتنا وجه ..
لف يطالع في أمه شوي بعدها لف على أنجي يسأل بنبرته الهاديه: كُلهم ..؟!
أنجي: يب يب كُلهم من أولهم لآخرهم .. ههههههههه عالرغم من إنك ما تعطيهم وجه ودوم تسحب على حفلاتهم
وحتى إن فسخت خطبتك من رودي بكل برود إلا إنهم يحبونك .. واه عطني هالوصفه السحريه ..
ضحكت وكملت: بس تصدق .. هذه أول جُملة أسمعها من أسبوع .. لا يمكن أسبوعين أو ثلاثه .. مرررا ما
أذكر ..
حلا: كلمه كلمه مو جملته .. غيبه ما تعرف تفرق ..
أنجي: ها ها ظريفه حبيبة الماما ..
حلا: من زمان ..

عقدت أنجي حاجبها ولفت تطالع بكرار اللي حست عليه يرجف ..
رفع إيدِه اليمنى غطى فيها عيونه فقالت أمه: حبيبي شفيك ..؟! تيغى تنام ..؟!
هز راسه بالإيجاب فتنهد عزام ووقف يقول: أجل ياللا إرجعوا مع السواق للبيت وتعالوا بُكره لو بغيتوا ..
بروح أسأل إن كان يمديني أتتوم معه ولا لا ..
ملك: لا عزام خلني أنا أتتوم عنده ..
عزام بهدوء: كلامي واضح .. حلا أنجي ياللا قدامي ..
نزلت حلا بتأفف وهي تهمس: أنا بعد أبي أتتوم .. ما قد جربتها من قبل ..
وخرجت فخرج عزام بعدها حتى يسأل في حين وقفت ملك وضغطت على يد ولدها وهي تقول: أول ما تصحى
بالسلامه وترجع راح أتكلم معك حبيبي خلاص ..؟!
بأسته على جبينه تقول: نوم العوافي ..
وبعدها لفت وخرجت ..
ظلت أنجي جالسه على طرف السرير تطالع في كِرار -اللي كان ما يزال يغطي عيونه- بهدوء بعدها قالت: كِرار

سكتت شوي بعدها همست: شُكراً ..

نزل إيدِه بهدوء وطلعها فلفت نظرها بعيد وهي تقول: عرفت اللي سويته عشائي بموضوع جامور وشيران

....

سكتت شوي بعدها كملت: أشياء كثير سويتها عشائي ما إكتشفتها إلا بوقت متأخر ... تسببت بطرد
الشغاله حتى تحميني منها كذا مره حاولت تعرف اللي يصير من السواق اللي ما رضى يجاوبك ... بعدها
طلبت منه يجيب تسجيلات لحفلات جامور ولكل اللي يسويه تسجيلاتك هذه إستفدت منها وقدرت بواسطتها
أمسك جامور وأسجنه ..

اتسعت عيون كِرار للحضه وبعد فترة صمت كملت أنجي: وكمان شفتها ..
سكتت لفته ثانيه قبل لا تهمس: تسجيلات الفيديو المصوره لمام ولأوراق القضية اللي نوى بابا يرفعها ضدها
.... شفتها تحت سريرك ..


جلس كِرار بسرعه من الصدمه وهو يطالعها بعدم تصديق ..
بعدت عيونها أكثر وهمست: إنت سرقتها من مكتب بابا صح ..؟! أدري هذا غلط .. اللي سوته مام غلط
لكن أشكرك كمان على هالسرقه ... لأنه بالنسبه لتاريخ رفع القضية فراح يعني هذا إنه كنا بنفقد أمانا بدري
كثير ... مهما غلطت فما أقدر أساعد بسجنها ... لو كنت مكانك فراح أصلح نفس الحركه ... كِرار صدمتني
... إنت تختلف عن كِرار اللي كنت راسمته ببالي

همست بصوت منخفض وهي تشد على أسناتها: أحس بالذنب ..
وش ذا ..؟! جسمها يرجف وحراره تسري فيه ..
تحس إنها راح تبكي .. لا ما تبغى ..
بلعت ريقها بعدها لفت عليه فشافته يطالعها بهدوء ..
إندهشت ولفت وجهها بإحراج تقول: مـ ما كنت أشكرك ... أنا كلامي مـ ما يعني إني كنت على خطأ ...!! لا لا
لسى أنا عند رايبى ..

لفت عليه تقول باندفاع: إنت مغرور وشايف نفسك .. غلطتك إنك كنت ساكت وما وضحت لنا كل شيء ..
بلعت ريقها وكملت: ولآني وحده طيبه فراح أفضّل عليك وأتنازل وأفكر أعاملك بطريقه أفضل من قبل ..
خلاص ..!؟


نزلت من فوق السرير وكملت: فعشان كذا إنت محظوظ ... أنجي بنفسها راح تتنازل وتنسى اللي راح .. فيعني
لازم كمان تتنازل وتنسى اللي راح ماشي ..؟! ترى الموضوع إجباري فاهم ..!؟
طالعها بهدوء بعدها هز راسه بالإيجاب ..

إنصدمت من تقبله لكلامها بهالسرعه وحست بإحراج فضيع ..
أخذت شنطتها تقول بشيء من الغرور: جواب مُتوقع ..
مسحت على شعره تقول وكأنها تكلم الأطفال: حبيبي إنت .. خذ دواك بوقته وتجاوب مع الدكاتره وعلمهم عن
أي ألم تحس فيه .. أشوفك على خير ..
بعدها لفت وخرجت برضى تام عن نفسها في حين ظل كِرار يطالعها حتى إختفت عن أنظاره ..
ظل على وضعيته لفته بعدها إنسبح بهدوء وسرح في السقف ..



في صباح اليوم التالي ..
خَلَصَ فطوره من نص ساعه وهذا هو واقف قدام المرايه يعدل الكبك حقه ..
دخل أخوه الصغير وهو ماسك غوار يشربه وهو يقول: ذياب على وين بتروح ..!؟
تنهد ذياب وقال: مؤيد راح بي راشد اليوم فجهز حالك حتى ترجع معه عالكويت ..
عقد مؤيد حاجبه بانزعاج يقول: إنت مو من يدك ..!
ذياب ببرود: ومن متى المعرفه حتى أتغشمر معك ..!؟
إندهش مؤيد وهو يقول: ذياب ليه جددتني جذي ..!؟ أنا أخوك ..!؟

قريب منه وانت بنفسك وبكلامك تغير تفكيره وتوجهه للصح .. كل ما ضل لوحده كل ما ازداد سوء عن قبل
وانت بنفسك شايف اللي صار ..
طالعها لفته بعدها قام يقول: خلاص شبعنا ..
أخذ جواله وراح فرفعت صوتها تقول: لسي ما كملت كوب الحليب حتى ...!!
جاها صوت قفل الباب كرد على كلامها ..
ابتسمت غصب عنها بعدها لفت وكملت تاكل هي ومايا بينما ولدها من الفجر جاء الباص وأخذه عالمدرسه ..



الساعة ١١ الظهر ..
خرجت من آخر غرفه من غرف مرضاها بعد ما أنهت جولتها حولهم ..
أخذت نفس عميق بعدها مشيت متجهه لمكتبها ..
إتجهت أولاً للكافتيريا تأخذ لها شيء بارد ..
وقفت بالطابور القصير تنتظر دورها الي بعد ثلاث دورات ..
طلعت جوالها تشوف للإشعارات الجديد فعقدت حاجبها ورفعت راسها تطالع في الطبيبتين اللي قدامها لما قالت
وحده منهم: ما يندرى إن كان خطأ ولا فعلاً الدكتور مُتهم بجريمة السرقة ...!! ننتظر تطله نتائج التحقيقات
ونعرف ..
ردت الثانيه: يا بنت لسي أقولك مُستحيل .. الدكتور حيل طيب وماهو من النوع هذا .. تلاقيها مكيده من واحد
من مُنافسيه حتى يورطه ..
تنهدت الأولى تقول: يا خبر اليوم بفلوس بُكره ببلاش حبيبتي .. ياللا ياللا جاء دورنا .. وش تشربي ...!!
ردت عليها صاحببتها وبنان تطالعهم ..
تنهدت وهي تهمس: ليه التحقيق طوّل لليوم كمان ...!! ما عليه الإجراءات هذه بيغالها وقت على الرغم إني
أبغى أعرف النتيجة ..
مطت شففتها وأكثر شيء شايله همه إنها مو متأكد ١٠٠% من إن أخوها سليم .. فيه نسبه يكون برضوا
مُصاب ...!!
كرار ..!! بتروح تشوفه قبل لا ترجع لمكتبها ترتاح ..
تقدمت من الشُّباك وسكتت شوي بعدها طلبت إثنين إسبرسو على أمل إنه يشربه ..
أخذت طلبها وراحت مُباشره لغرفة كِرار ..
فتحت الباب بهدوء فلقت جهاد جالس بهدوء على الكرسي وسرحان بينما كِرار كان نايم ..
دخلت وقلقت الباب وراها بهدوء .. تقدمت من جهاد فحس عليها ورفع راسه لها ..
ابتسمت تقول: صباح الخير ..
جهاد: أهلين بنان ..
طالعت بكِرار الناييم بعدها مدت لكوب له تقول: دام كِرار نايم ففضل ..
جهاد: لا مالي نفس ..
بنان: جهاد ترى ما بخلص إثنين ويكون مصيره ينكب ...!! خذ ..
تنهد بعدها أخذه ..

سحبت كُرسى لجهته وجلست فوقه تقول: أبوي تنوم أمس معه .. إنت جاي تجلس معاه في حين يرتاح أبوي
صح ..؟!

هز جهاد راسه بالإيجاب فعقدت حاجبها وقالت: جهاد شفيك ..؟! وجهك مو طبيعي ..
هز راسه يقول: لا مافيني شيء ... إيه صح الدكاتره ما عطونا جواب واضح .. بنان ليه تأجلت عملية كِرار
!!..؟!

إبتسمت تقول: عُطل في الجهاز ..
رفع حاجبه يقول: بس ...!! أجل ليه يلقوا بالكلام .. الموضوع بسيط ..
بنان: بس مو زين لسمعة المستشفى إن ينتشر موضوع عطل أجهزتها ..
تنهدت وكملت: مو هذي الإجابة اللي أبغاها ..! جهاد جد قول وش فيك ..؟! لا تقول مافي شيء لأن وجهك
يقول كلام ثاني وكأنك شايل هموم أمه فوق ظهرك ..!
طالعها بهدوء بعدها قال: مشاكل شخصيه ..
بنان: أقدر أعرفها ..؟!

إبتسم يقول: يا شيخه مين اللي يبغى يجيب الهم لنفسه ..؟!
بنان: أنا دام هذا الشيء راح يخفف من همومك ..
تنهد وهو يقول: إنسي ..
وبعدا شرب من الكوب بهدوء فظلت تطالعه لفتره بعدها قالت: شوفتك كذا ... تضايقتني أكثر من لو عرفت
وش فيك .. صدقتي ..

سكت شوي بعدها كملت: الموضوع ما يخص كِرار صح ..؟! طيب مين ..؟! أبوي ..؟! ولا أمك ..؟!
إبتسم يقول: وإيش معنى هالأتنين ذاكرتهم ..؟!
بنان: لأن واضح إن السبب واحد منهم .. أمس إنت جيت معهم لعملية كِرار لكن ظليت بعيد .. بعدها جيت تزوره
بالعصر لوحذك .. وبعدها أمك وأبوك لوحدهم جوا يزوره الليل .. تجنبك لهم .. كان واضح ..
إندهش فكملت: وأكثر الشك هو إن الموضوع يخص أمك ..؟!
طالعها شوي بعدها إبتسم بهدوء يقول: على هالفتنه اللي عندك ... فهمت كيف طلعتي طبيبه ..
هزت راسها بطريقه مسرحيه تقول: شكراً على هالاطراء ..
ضحك ضحكه قصيره بعدها تنهد ورشف من كوبه بهدوء ..
ظلت تراقبه لفتره حتى جاها صوته يقول بهدوء: أمي ... غلظت كثير بحياتها .. غلظت لو تحاسب عليها
بالمحاكم ب يكون الحكم أقسى شيء تتخليه ..
عقدت حاجبها في حين سكت هو لفتره قبل لا يقول: هالشيء كاسرني كثير من جوا مسيب لي ضعف
كبير وضياع ماله فرج ...

تنهد بمراره وكمل بهمس: ذي أمي مهما حاولت أكذب وأهرب من هالإتهامات اللي حولها ألاقى إتهام
جديد ضدها تعرفي وش مكانة الأم بكل قلب إنسان ..
هز راسه وكمل: ليتني مو إنسان .. لو إني حجر كان ما تضايقت ولا تألمت عشائها .. صعب والله صعب ..
حزنت كثير على حاله وبغت تتكلم توأسيه بس مو عارفه بإيش توأسيه بالضبط ..
أخذ نفس عميق وقال: إعذريني ... ضايقتك بمشاكل مالها علاقه فيك ..
طالعه لفتره بعدها قالت: هي أمك ومافي أحد ما يحب أمه .. وحاسه بالكلام اللي قلته .. بس لكل شيء حل
..... أمك غلظت ..؟! إذا بصفتك ولد لها صحح غلطها ..! واضح من كلامها إن أغلاطها مو هيئه .. ساعدها
بالي تقدر عليه ... واجهها وحسبها بالذنب حتى هي بعد تصحح غلطها ..! روح كلمها بنفسك .. الهروب منها
بيخليك تظل على هالوضع اللي بيتزايد عليك يوم بعد يوم ويأثر على حياتك الإجتماعيه والدراسيه والنفسيه
!!.. هذا مو كويس .. واجهها .. هذا هو الشيء اللي راح يرحك صدقتي ..!!
طالعها فهزت راسها تقول: إيه .. واجهها وخبرها إنك تعرف كذا وكذا عنها .. مافي أم بتستمر بغلطها لما
تعرف إن أولادها كشفوها ومتألمين من اللي سوته .. صدقتي راح تندم أمك وراح تصحح غلطها .. سكوتك
وهروبك بالشكل هذا بيخليها تستمر على عملها وتزيد أغلاطها وإنت مُتفرج لا حول لك ولا قوه ..!! لا
تكون جبان يا جهاد ..

ظل يتأمل كلماتها لفتره بعدها أخذ نفس وهمس: يااه ما ضنيت إن شعور يكون لك أخت كبيره دافئ ومُريح
لهالدرجه ..

إبتسمت تقول: إذا بلاش تتأخر أكثر صح ..؟! خل كِرار عندي وإنت روح ..
جهاد: لا بعدين .. أنا ...

قاطعته: لا .. لو رحت بعدين فتأثير كلماتي بنفسك راح يتناقص وراح تجبن مره ثانيه .. قلت لك خل كِرار
عندي ..

طالعها شوي بعدها إبتسم يقول: حاضر ..

أشرت بإيدها على الباب بضحك بعدها قام وخرج ..
إبتسمت تقول: إنسان عطوف بشكل الله بحميه إن شاء الله ..
طلعت بكرار لفتره وهمست: الله يكون بعونه .. صعب الواحد يكتشف مثل هالحقائق الفُره عن أقرب الناس له ..
للحين أتذكر صدمتي لما عرفت إن حُسام متهم بجريمة قتل ...!! كان الوضع لا يُحتمل مع إنه مُجرد أخ مالي
فتره من عرفته فكيف عاد بأم ...!!

!!

شوي شوي رجعت لذاكرتها سالفه كانت مضايقتها في ذيك الفتره ونستها ..

الللحين ... تذكرتها ..

كلام جهاد خلاها تتذكر هالحادثه الصغيره ..

ذاك الصندوق اللي أمها تخبيه عنها كُل ما شافتها ..

!!!

ليه كذا ؟! فجأه بدأت توسوس ..!

هزت راسها وهي تهمس: أعوذ بالله من الشيطان الرجيم ..! بطلي هبل ..

بس الوسوسه مو راضيه تروح ...!!

أمها ... ليه تخبي الصندوق ؟!

لو مو كان شيء غلط كان ما خبته ...!!

أخذت نفس عميق ورجعت تكرر: أعوذ بالله من الشيطان الرجيم .. أعوذ بالله من الشيطان الرجيم ...!!

شربت من كوبها حتى خلصته من مره وحده ..

لفت تطالع بكرار وهي مو مصدقه كمية الضيقه اللي حلت عليها من تذكرت هالشيء ..

لا ... الضيقه ذي أكيد راح تزداد ..

ماهي راضيه تختفي أو تقل ..

أمها طيبه .. حنونه

بس كمان لها تصرفات غريبه ...!!

بُكائها ذاك اليوم لأبوها وهي تردد كلمة أسفه ...!!

وش معناه ؟! ..!!

لا ... الوسوسه زادت ..

زادت كثير ..

بدأ القلق يبان على وجهها وهي تهمس: بطلي ...!! ما تشكي بأمك بالشكل هذا ...!!

بس ... عقلها وقلبها ما يستجيبوا لكلماتها ..

لا لازم تتخلص من كُل هذا ..

وما بتخلص منه غير لما هي نفسها تسأل أمها وتلاقي الإجابة اللي تريحتها ..

ولهننا ننهي البارت ..

البارت القادم بيشهد مواجهة جهاد لأمه .. وبتكتشف عدة أمور عن أم بنان ..

وزيارة عيلة أقارب كرار ما راح تمر على خير أبد ..

أحداث قويه ومو متوقعه راح يشهداها البارت الجاي ..

..× || part end || ×..

••X || البّارت الرابع والستون || X••.

الساعة ١٢ الظهر..

وقّف سيارته في ساحة القصر الواسع ونزل منها ..
قفّلها بعدها لف يطالع في البيت قبل لا يدخل لداخل ..
إتجه للدرج يشوف إن كانت أمه بغرفتها بس وقّف لما لاحظ أسامه خارج من المصعد ومتجه للبواب ..
طالعه شوي بعدها قال: أسامه ..
وقّف أسامه ولف يطالعه فسأله: وبين رايح ؟!!
رفع أسامه حاجبه بعدها إبتسم يقول: وبصفتك مين تستفسر ؟!
تنهد جهاد بعدها قال: كِرار من أوّل بالمُسْتَشْفَى .. أُمي وأبوي والبنات راخوا يزوروه .. ليه ما تروح تزوره
وتتحمد لله بالسلامه ؟!
طالعه أسامه شوي بعدها كتّم ضحكّه وهو يقول: جهاد إنت مو جاد صح ؟..
عقد جهاد حاجبه يقول: وليه ؟!
أسامه: أمّا عاد جاد ...!!! ههههههههه جهاد ما توقعتك مُمتّع كذا ..
بدأ جهاد ينزعج وهو يقول: شفيك ؟! وين الغلط بكلامي ؟!
خطّ أسامه إيده بجيبه وهو يقول: يعني الموضوع ظريف شوي تخيل بس أروح أزوره بسبب هوشة عيال
صارّت بينه وبين بعض من زملاه ..
كمل بإستهزاء: ههههههههه بأقول له الحمد لله على خروجك من الهوشة وإنت سالم وكامل بدون لا إيد
مقطوعه ولا أمراض مُستعصية !!!
ضحك وهو يكمل: أول مره أعرف واحد يتنوم بالمُسْتَشْفَى بسبب هوشة ...! قسم نكته لا والمضحك أكثر
إن العيله تزوره وكمان راح يزوروه أقاربه !!!
وبعدا خرج وهو يضحك بينما ظلّ جهاد واقف بمكانه بهدوء ..
لف وطلع الدرج وهو يهمس: على الرغم من أسلوبه المُستفز إلا إني نوعاً ما يمكن أتفهّمه .. بالنسبة له كِرار
بس تهاولش .. مو عارف القصه عدل ..
وقّف بنص الدرج ولف يطالع بالبواب لفتره قليل لا يهمس: بس كان المفروض تكون ردّة فعله أحسن من كذا ...
هذا أخوه مو عدوه ..
لف بيطلع بس لقي بوجهه أمه واقفه أعلى الدرج مندّهشه من وجوده ..
ظلّ يطالعه لفتره ماهي قصيره ..
هذه أمه ..
هذه اللي يقولوا إنها جنّة الإنسان بالدنيا ..
أمه .. اللي هي تكون محور الكون بالنسبة لأولادها ..
الصورة .. النقيه .. الحنونه .. الطيبه حطمتها ..
ملك: مساء النور جهاد ..
ظلّ جهاد يطالعه لفتره قبل لا يقول: مساء الخير ..
سكت شوي بعدها كمل: البنات ما رجعو من مدارسهم ؟!
ملك: آنجي بتجي حول الساعه اثنتين وحلا تقريباً بعد نص ساعه أو ساعه بالكثير .. بغيتهم بشيء ؟!
طلع الدرج لها بعدها قال: تعالي يمه بأكلكم ..
وراخ لأقرب جلسه بوجهه ..
جلست على الكنبة وحطت رجل على رجل طالعه وهو واقف بهدوء ..
تنهدت وقالت: جهاد .. حتى أنا أبغى أكلمك بموضوع ..
طالعه جهاد شوي بعدها قال: يمه .. أبو قُصي ... طَلَعِيهِ مِنَ السَّجْنِ ..
إندهشت لو هله بعدها حل الهدوء على وجهها تقول: إنت ... صدقت كلام ذاك المُزارع ؟! صدمتني ..
طالعه بالألم .. ليه تكذب ؟!
ليه تصعب الموضوع عليه ؟!
جلس على ركبتّه قدامها ومسك بإيديها يقول: يمه تكفين كفايه ..
أتسعت عيونها من الصدمة من تصرفه الغير مُتوقع أبد ...!!!

بأيديه الثنتين بدأ يشد على إيديها وهو يقول بترجي: يمه وقفي عن كل هذا .. تكفين يمه صلحي كل أخطائك بدل لا تستمري فيها يمه من بعد عمر طويل ما أبغاك تموتي وإنتي تاركه وراك كم هائل من الذنوب بدون لا تصحيحها .. تكفين يا يمه

ما قدرت ... ما قدرت تفتح فمها من شدة صدمتها ..
تصرف ما توقعته ... ولا كانت تتوقعه ..
ظل يطالعها بنظرات ترجي ينتظرها ترد عليه برد إيجابي ..
في حين ظلت تطالعه لفتره مو قصيره ولأول مره تحس بهالمقدار الكبير من الضعف ..
غمض عيونه بهدوء وأسند براسه على رجلها وهو يهمس: أبو قصي غلط أكيد ... لكن المفروض يتعاقب على غلطه مو على غلط هو ما سواه ..
سكت شوي بعدها كمل: إنسجن حتى الآن ١٢ سنه في حين اللي شاركة الجريمة ما تعاقب لك إنك تتخلي كمية الظلم اللي يحس فيه ..
ضغط على إيديها وهمس: يمه توبي من هذا الذنب ... تكفين توبي توبه نصوحه لأن حد الزاني المحصن ماهو شيء بسيط .. إنتي أكيد ما تبغي تُرجمي حتى الموت ..؟! توبي فالله تعالى بإذنه راح يمحي لك سيناتك وذنوبك ويحولها لحسنات .. التوبه النصوحه تجب ما قبلها يا يمه ..
عض على شفته لما حس حاله ضعف لحد إن دموعه تجمعت بعيونه ..
همس لها يقول: كفايه إنك ألصقتي بحلا لقب ما راح تتخلص منه طول حياتها .. كونها بنت غير شرعيه هو شيء ماهو سهل لا لها ولا للمجتمع اللي حولها الطفله هذه .. راح تعاني كثير بسببك يا يمه ..
شد على أسنانه يمنع نفسه من إنه يضعف أكثر ويبكي وهو يكمل: كافي كمان الحرمة المعاقه اللي عاملتيها بسوء قبل كم سنه .. إهاناتك لها و.....
سكت شوي بعدها كمل: كفايه كمان المشاكل اللي سببتيها لأخوي من الأب اللي إتهمك بتدمير حياته وحياته أمه وأخته .. ما بسالك عن المعنى من كلامه ولا عن التفاصيل لأنني خايف من إن الإجابة تكون نفس اللي تدور براسي ... يمه تكفين هذا والله كثير ..!
كمل بصوت متحشرج و أكثر همساً: والله كثير على إني أتخيله وأتحمله ..
وبعدها غصب عنه بكى بصمت وملك تطالعه وهي في حالة ذهول تام يغطيها من راسها لساسها ..
موية تلج إنكبت عليها وجمدت كل خليه بجسمها ..
كأنها بعالم ثاني ولا هي تحس بهالعالم الواقعي أبد ..
فقط إحساس طفيف حسست فيه .. إحساس بوجود خيط حار يشق طريقه من عيناها لأسفل ذقنها من دون لا تعي حقيقة هاإحساس أو معناه ..

\\

نزل من السيارة أول ما وصل للشركه ..
ما كان ناوي يروح لها اليوم بس قرر على الأقل يمر عليها ويشوف إن كان فيه شيء مهم ولا لا ..
مشي متجه للدرج الصغير الخارجي اللي يدخل عالشركه لكن وقف لما وقفت قدومه بنت بعباية قوتشي على الكتف وشعرها الأشقر القصير يتطاير مع هالنسمات الحاره بمثل هالوقت ..
نزل نظارته الشمسيه ورفع حاجبه لما شافها وهو يحاول قد ما يقدر ما يبتسم ..
طالعه شوي بعدها قالت: مبسوط من اللي عملته معي ..؟!
أسامه: ومن أي ناحيه ..؟!
ظلت تطالعه بهدوء وقالت: إفسادك لأعمالي وإجراءات إخراج وثائق رسميه لي ماهو شيء مُمتع يا أستاذ أسامه .. إنت جالس تطوقني من كل الجهات ولا خليتني أخطو خطوه وحده بس لقدام .. لا تضن إن أعمالك دي معي ما راح تعود عليك بالضرر ..!

أسامه بابتسامه: قلت لك إنك تكوني ضدي هذا هو أكثر شيء راح تندمي عليه .. وترى اللي صار هو بس قطعه من بحر من اللي ناوي أعمله كمان .. إنتظري وخلال شهر بتكوني مع أمك يا بالشارع تتشحنوا يا مسجونات بسجن النساء ..

طالعه لفته بعدها قالت: كنت متردده بالبدايه لكن اللحين أصبحت متأكده إنني لما أخرج من تحت إيدك حيكون هذا أفضل شيء عملته بحياتي .. إستمر بقطع كل أعمالي اللي أحاول أعملها وسكر كل الأبواب بوجهي وشوف شو بتكون النهايه ..

لبست نظارتها وكملت: وكمان المثل إسمه نقطه من بحر مو قطعه من بحر ..

كملت بسخرية: يعرف أمثالكم أكثر منكم ..

بعدها لفت وراحت وأسامه يطالعها بهدوء تام ..


ليه شهر ..؟!

هو كان وده يعذبها بحياتها شوي شوي حتى يستمتع ..

بس خلاص ... لعبته هذه ما صارت ممتعه .. راح يتخلص منها بأقل من أسبوع مو شهر ..

تقدم بيدخل الشركه بس وقف شوي ..

لف للسياره وهو يهمس: سدت نفسي ..



جامعة الملك عبد العزيز - مبنى ٤٢٠

الساعة ١٢:٣٠

خرجت من الكلاس بملل واضح وهي تقول: متى بس تموت ذي وتفكنها ..

ضحكت صاحبته زوز وهي تقول: حبيبتي هذه آخر وحده بالعالم ممكن يصيبها بلا .. قطه بسبعة أرواح ..

تنهدت أنجي وقالت: على العموم أفكر أرجع البيت .. مافيني شدة على المحاضرة الجايه اللي بوقت غلط ..

كفايه تحملت هالمحاضرة عشان نظام هالجامعه الغبي ...!!

زوز: يا حياتي عليهم تشدد فضيع .. مستحيل تطلعي قبل ١١ بدون إثبات إنك رايحه مع ولي أمرك ..

هههههههه أخاف السنوات الجايه يطالبون بالبصمه وتعهد وشهادة الميلاد وحلفان على المصحف إن اللي

بياخذك أبوك وإنه هو نفسه الموجود بكرت العيله هههههههههههه ..

ضحكت أنجي تقول: يا شيخه الدنيا كل مالها تتعقد على أساس إنها تتطور .. فاهمين التطور غلط ..

وقفت تقول: دقيقه أشتري لي كابتشينو ..

وطلعت محفضتها حتى تحط فلوسها بهالآله الموجود بالممر ..

زوز: إشتري لي معك ..

أنجي: أوك المهم زوز تعرفي ليه ديلي لها فتره غايبه ..؟!

هزت كتفها تقول: مدري .. ههههههههههههه وماهي المره الأولى لها ..


أنجي: ودي أزورها بس هالأيام مو فاضيه بالمره .. أصلاً بالعافيه سحبت نفسي للجامعه ..

زوز: ههههههههههههه مره واضح لدرجة بغيتي من ١٠ ترجعي البيت ..

أنجي: أنا لو بس عندي أخوان صاحيين كان دقيت عليهم ياخذوني ويخلصوني من بئارة حارسات البوابه ..

[illegible]

تنهدت وشكل أسامه له شهرته الخاصة بعدة مجالات ..
 طيف: لا .. مو جايه لهالسبب ..
 رفعت أنجي حاجبها تقول: أجل وشو ..؟!
 ترددت طيف شوي بعدها قالت: تقدرى تكلميه ..
 أنجي: بخصوص وشو ..؟!
 فتحت طيف فمها بتتكلم بس مو كأنه مُستعجله ..؟!
 هي مفطور قلبها على إنها تقابل أمها وأسامه قال بفكر وأرد عليك ..
 ما رد عليها .. ودها تطلب المُساعدة من أخته بس ...
 هو ماله فتره من قال *بأفكر وأرد عليك* ..
 يعني المفروض تصبر شوي ..
 بس خافه ينسى أو مو عارفه ..
 أنجي بملل: إكلمه بخصوص وش بالضبط ..؟!
 طالعتها طيف شوي بعدها قالت بإبتسامه: إعذريني .. تسرعت شوي ..
 وبعدها لفت وراحت في حين رفعت أنجي حاجبها تقول: وش فيها ذي ..؟!!
 طالعت ببنت مرت من جنبها وقالت: هيه انتي ..
 طالعتها البنت فأشرت أنجي لجهة طيف تقول: أم تنوره جينز ذيك مين هي ..؟!
 لفت البنت تطالع بعدها لفت على أنجي تقول: هذه طيف .. بنفس كلاسي ..
 ميلت أنجي شفتها بعدها قالت: إجابتك بالمره ما فادتنى ..
 بعدها لفت ومشيت تهمس: طيف .. سامعه مثل هالاسم من قبل .. عالعموم إذا كانت مو من البنات اللي يطلبون
 رقمه ولا اللي يبغوا يتعرفوا عليه أو يطلبوا فك الهكر فايش هي تبغى بالضبط ..؟!
 ضحكت بسخرية تقول: معقوله يكون لأسامه مواهب ثانيه ما أدري عنها ..؟!
 شوي كملت: بس مو باين عليها من هالنوع من البنات .. عاديه جداً وبسيطه ومُمله وبرينه .. وشو اللي مُمكن
 يخليها تعرف أسامه ..؟!
 برينه ..؟!
 إندهشت لما تذكرت وصف جهاد الطفولي للبنات اللي يحبها ..
 إيه تذكرت ... هو قال إسمها طيف ..
 إنصدمت بعد ما تذكرت أكثر .. عن مهاوشة جهاد وأسامه ..
 معقوله ..؟!!
 لفت على جهة المبنى بعدها رجعت تمشي وهي تلف تدورها بس ما لقتها ..
 طلعت جوالها ودقت على أسامه ..
 أول ما رد قالت: البنت اللي إنت خطبتها إسمها طيف وتدرس أول جامعه صح ..؟!
 تفاجأ أسامه من سؤالها الغير متوقع فقالت: صح ولا لا ..؟!
 ظل أسامه ساكت لفتره بعدها قال ببرود: ما أضن الموضوع يهكم ..
 بعدها قفل الجوال ..
 إنصدمت فردّه هذا يأكد هالموضوع ..
 معناته فعلاً ... البنت اللي كلمتها قبل شوي هي نفسها اللي حبها جهاد واللي خطبها أسامه حتى يستفز جهاد ..
 مو معقوله ..!!



منسدحه بالصاله على الكنبه وبايدها جوالها تطلق فيهِ ..
ميلت شفتها لما قرأت خبر إن فلمها اللي لها شهور تنتظره تأجلت ترجمته لعدة أسباب سحبت عليها ..
وجع .. إيش فيهم ذولا ..؟!
إيش الكسل اللي هم فيه ..؟! وليه مافي مواقع ثانيه تترجمه ..؟!
شكلها حتسحب عالترجمه وتتابعه إنقلش ..
تأففت بعدها راحت تراسل صاحبته تبلغها إنها بتتابعه إنقلش ولازم هي بعد تتابعه حتى بُكره بالمدرسه
يسولفوا عنه ..
راسلتها بس لسي ما فتحت رسايلها ..
بدأت تلفلف بالجوال بطفش وشوي تذكرت الهنوف ..
راح تجرب تراسلها .. ودها تتعرف عليها أكثر ..
دخلت عالواتس وبعدها أرسلت لها ..
[ترف] - الهنوف ، موجوده ؟
إبتسمت لما وصلت لها الرساله وانتظرت دقيقتين إلا وهي أرسلت لها كمان .. حلو موجوده ..
[الهنوف] - هلا إيه موجوده
[ترف] - أخبارك ؟ رحتي المدرسه اليوم ؟
[الهنوف] - لا
[ترف] - ليه ؟
[الهنوف] - يعني لأنني نمت ببيت أهلي والمدرسه بعيدة
[ترف] - اها .. الهنوف عندك سناب ؟
[الهنوف] - لا
[ترف] - انستا ؟
[الهنوف] - لا
[ترف] - تويتر أو فيس ؟
[الهنوف] - لا
[ترف] - ☹️☹️ تستهيلي ؟
[الهنوف] - لا والله ما عندي
طالعت ترف في الشاشة بصدمه ...!!
هذه مو من جدها ..؟!
وين عايشه ..؟! لا أكيد تستهبل معها !!
[ترف] - لا جد أنا أكلّمك ، عطيني أي حساب
[الهنوف] - وربّي ما عندي
[ترف] - تمزحين !!!!
[الهنوف] - ليه ؟
[ترف] - مين بالدنيا هذه ما عنده ولو حساب واحد بوحده من هالمواقع !! كيف عايشه ؟ إنتي بشر !
[الهنوف] - ههههههههه ترف ما تهمني هذه الأشياء
[ترف] - كائن غريب
[الهنوف] - ☺️☺️
[ترف] - طيب شرايك أعمل لك حساب ؟ بالسناپ
[الهنوف] - ما أحبه
[ترف] - وليه ؟ جربتيه ؟
[الهنوف] - مدري ، لا ما جربته بس ما احب هالأشياء
ترف: واه فعلاً كائن غريب .. لازم يجي يوم أعلمها على هالأشياء حتى تصير مثل البشر ..
[ترف] - المهم ايش اخبارك ؟
[الهنوف] - تمام والحمد لله ، اخبارك انتي وبنان ويحيى وعمتي ؟
[ترف] - كويسين ، أقول الهنوف ابغى أزورك
[الهنوف] - جد؟؟ وناسه ، حياك

[ترف] - بس اتكلم مع اهلي واقولهم نجى كلنا نزوركم
[الهنوف] - انتظرك ، تدري علمت اختي عنك وممرره ودها تشوفكم ، هيه ترف انتي تعرفي ان ابوي
متزوج اربع .. تعرفي عن اولاده الثانيين ؟
طالعت ترف في الشاشة لفته بعدها كتبت ...
[ترف] - ايه ... واحد حقير اسمه اسامه
[الهنوف] - حقير !! ليه ؟
[ترف] - المهم لو حصل وتعرفتي عليه حاولي ما تتقربي منه ... هذا افعى بشريه تمشي عالارض
[الهنوف] - كلامك خوفني ، ليه تقولي كذا ؟
قررت ترف تقولها عنه ..
[ترف] - هذا هكر حساباتي ودوم يرسل رسائل يضايقتني فيها ويخوفني ويهددني ... حقير تحسبني ما عنده قلب
او احساس شايفني لعبه عنده يحركني مثل ما بيبي تخيلي الحقير يهدد ان زواج يحيى ما راح يتم على
خير !! وربى كل يوم ادعي عليه تصير له مصيبه تمنعه من انه يضرنا باي شكل
[الهنوف] - قلولي والله !! كيف ؟ ليه يسوي كذا ؟ حرام عليه !
[ترف] - مدري عنه هالمختل !! اكرهه يا شيخه
[الهنوف] - طيب علمي ابوي ، انتي قلتي انه قد زاركم كذا مره !! يعني خليه يشوف له ، يا الله مو مصدقه انه
عندي اخ كذا !!
[ترف] - يا حياتي بس !! ترى أنا حكيت لك شوية مقتطفات ، اجل لو تعرفي التفاصيل وش بتقولي ؟
[الهنوف] - والله بديت اخاف
لفت ترف ناحية الباب لما شافت بنان دخلت ..
ترف: جيتي متأخر اليوم ..؟!
بنان: تغديتوا ..؟!
ترف: من زمان ..
بنان: وين يحيى وأمي ..؟!
ترف: يحيى طلع مدري وين وأمي بغرفتها ..؟!
لفت بنان تطالع في غرفة أمها لفته بعدها لفت وراحت لغرفتها تنزل عباتها وتبدل ملابسها ..
طالعتها ترف بعدها جاها اشعار من السنان فشافت إن صاحببتها ردت عليها ..
راحت تدردش معاها ونسيت موضوع الهنوف ..

في الجهة الثانيه كانت الهنوف جالسه بالغرفة تطالع في المحادثات بتأمل ..
معقوله كلام ترف صحيح ولا تبالغ ..
لو كان صحيح فالموضوع يخوف شوي ..
عمرها ما طرى عبالها تفكر إنه ممكن مو كل أخوانها طيبين ..
تنهدت فجاءها صوت حور تقول: الهنوف ..؟!
طالعتها الهنوف تقول: ها ..
جلست حور قدامها تقول: جربي إنتي ..
الهنوف بتعجب: أجرب إيش ..؟!
حور: تتكلمي مع أمي من بعد زيارة زوجك لها وهي دوم سرحانه ومتضايقه .. أسولف معها بس ما
تعطيني وجه جربي إنتي ..
طالعتها الهنوف لفته وهي تقريباً عارفه السبب ..
أكيد قال لأمها عن مرضه فعشان كذا هي منضايقه ..
لو راحت تكلمها ... بتتضايق أكثر ..
إبتسمت الهنوف تقول: إذا إنتي ما قدرتي فكيف أنا أقدر ..؟! خلك واقعيه ..
حور: يا بنت عالآقل تضحكيها بغبانك ..
شدت الهنوف على إيدها تقول: تبغي تنضربي صح ..؟!
ضحكت حور تقول: ليه معصبه ..؟! قلت الحقيقه ..
الهنوف: حقيقه طل ...!!
وكملت بدراما: حرام عليك .. ما فكرتي بيوم وش ممكن يكون شعوري لما عالطالعه والنالزله تقولوا عني غيبه
..؟!
حور: هههههههههه خلاص نراعي شعورك ونقول إنتي أذكى من في العالم ..

تنهدت الهنوف تقول: فاضيه تستهبلين ..
حور: وربى أنا الغلطانه أطلب منك مُساعده .. بروح لطيف أبرك ..
بعدها قامت والهنوف لسى متضايقه من الموضوع اللي قالتها لها ترف ..
وكلام حور عن أمها ذكرها بموضوع نادر وتضايقت أكثر ..

//


رفعت إيدها ودقت الباب فجاءها صوت أمها تقول: أدخل ..
دخلت للغرفه وهي تقول: سلمات ملام !!!
إبتسمت أمها وردت: سلمات ملام ..
* مساء الخير - بالاندنوسيه *
دخلت وقفلت الباب وراها ..
جلست فوق السرير عند أمها تقول: شفيك جالسك هنا ؟!
الأم: كنت بأنام بعد شوي ..
بنان: طيب عادي أسولف معك كذا نص ساعه ..
إبتسمت الأم بفرح تقول: عادي طبعاً ..
تربعت بنان تقول: يمه إشتقتي لإندنوسيا ؟!
تنهدت الأم بمراره تقول: كثير ..
بنان: خلاص أبوي صرنا على إتصال معه .. أوعدك أكلمه يدور على أوراقك ويسفرك تشوفي أجدادي هناك ..
إبتسمت الأم لها فسألت بنان: بس يمه ... هو ليه أخذها من البدايه ؟!
إندهشت الأم للحضه بعدها قالت: هيه معه من أول وما كان يدري .. أضن هذا السبب ..
بنان: آها ..
إبتسمت وكملت: يمه عندك ألبوم صور لك ولأبوي ولنا وإحنا صغار ..؟! مدري ليه أحس إنه عندك ..
هزت الأم راسها تقول: ما عندي غير اللي عطيتكم إياها من قبل ..
بنان: أمما عاد .. وأنا اللي كنت متأمله بعد ما شفته ..
عقدت الأم حاجبها تقول: شفتي إيش ؟!
بنان: الصندوق اللي يكون بعض الأحيان معك .. شكله قديم وتراثي وكأن فيه حاجات قديمه ..
إندهشت الأم للمره الثانيه بعدها قالت: لا لا مافيه .. مافيه صور ..
بنان بفضول: طيب وش فيه ؟! أكيد حاجه تراثيه قديمه وحلوه .. رسائل غراميه بينك وبين الوالد ها ؟! يمه
عادي لا تخجلي قولي لي ..
بلعت الأم ريقها تقول: لا لا مافي ..
تضايقت بنان من رد أمها اللي يأكد إن اللي موجود شيء مو عادي ..
ليه أمها تخبيه عنها ؟! ليه تتصرف وكأنها غلطانه ؟!
بنان: طيب يمه وربي اللي فيه .. أبغى أعرف ..
الأم: حاجات عاديه .. تجاهليها ..
بنان: أنا طيب أبغى أشوف هالحاجات العاديه .. صدقيني أكيد بتكون مو عاديه بنظري ..
الأم: مو لازم مى لازم بنان ..
بنان: ليه ؟!
ما عرفت الأم بإيش تجاوبها ... أول مره تشوف بنتها فضوليه لهالدرجه ..
بالعاده تهاوش ترف إذا تلقفت بخصوصيات أمها لكن اللحين هي تشوف العكس ..

خافه إن رفضها المتكرر هذا يولد الشك في قلب بنتها اللي بسهولة تلاحظ مثل هالأمور ..
الأم: بنان حبيبتي قلت لك مواضيع ما تهكم .. يعني تسبب لي إحراج وطبيعي ما أحب أحد من أولادي
يشوفها ..

إندهشت بنان للحضه بعدها قالت: آسفه يمه ما قصدي ..
إنحت تسلم على راسها وكملت: إنجرفت بحماس فأعذريني ..
الأم: لا عادي حبيبتي ..
إبتسمت بنان تقول: إذا أتركك لوحدي تنامي .. أنا بعد بروح أخذ لي غفوه قبل العصر .. تمسي على خير ..
بعدها قامت من فوق السرير وطلعت برى الغرفه ..
ظلت الأم على وضعها لفتره بعدها تنهدت وهمست: موتك يا جواهر معيشني بذنب كبير ..
أخذت نفس عميق وبعدها قامت من فوق السرير واتجهت للمبه تطفئها ..
وقفت بمكانها عند الكومدينه بعدها فتحت وحده من الأدراج وطلعت الصندوق الصغير القديم من ناحية الطراز

فتحت بهدوء وطلعت جوال نوكيا قديم وطلعت فيه لفتره ..
شغلته فاشتغل معها على الرغم من كل السنوات اللي راحت ..
كانت تقريباً كل ما ضاق بها الحال فتحت .. يمكن مره كل أربع سنوات أو مرتين ..
دخلت على الإستديو وفتحت وحده من الصور ..
إرتجفت شفتها وهي تطالع بصورة جواهر وهي مرميه كجثه هامده على الأرض ..
قفلت الجوال فوراً ورجعته بالصندوق فوق الأوراق الخاصه الموجوده ..
لمست الأوراق بإيدها المرتجفه بعدها تكت براسها على المرايه تبكي بصمت وهي تهمس: كانت طيبه كنت
أحبها ... كانت راح تنقذني من اللي أنا فيه .. وأنا جازيتها بسكوتي ما كانت عندي الجرأه إني أقولها
إني أعلم عزام عن اللي قتلها ..

ومن برى كانت بنان تمشي بالصاله بهدوء وهي تهمس: معقوله بالغت في شكوكي ..؟! أمي معها حق .. مو
شرط إنها لما تخبي شيء معناته سوت غلط .. معها حق ..
شدت على أسنانها تقول: بنان يالهيله !!!



الساعه أربعه ونص العصر ..
وبداخل المستشفى ..
فتحت الباب والإبتسامه شاقه حلقها ..
دخلت ودخل وراها أمها وأبوها ..
تقدمت منه وإبتسمت لما شافته صاحي فقالت: هاااي ريكو ..
لف كِرار على جهتها فقالت: ألف الحمد لله على سلامتك .. مرررا ما تستاهل وقسم ..
جت خالته منال تقول بإبتسامه: حبيبي والله كِرار .. ألف الحمد لله على سلامتك ..
طالعها كِرار بعدها همس: الله يسلمك ..

[illegible]

عيون كِرار غصب عنها تحاشت تطالع في عيونه ولا رد عليه بأي ردة فعل ..
 ابتسم أصيل بشيء من الرضى بعدها قال: بس ما قلت لنا وش كان سبب..
 قاطعه صوت يارا تقول: كِرار ..!! الحمد لله على سلامتك ..
 طالعها أصيل بهدوء وكان واضح إنها تدخلت بشكل مُتعمد وهو اللي كان ناوي يذكره باللي صار بذيكَ الليلة ..
 بلغت ريقها وكملت تغير الموضوع: شصار على الجامعة ..؟! أخذت إجازة منها ولا كيف ..؟!
 آنجي بتفكير: صحيح كِرار إنت لك فتره طويله غايب .. مُمكن يعطوك حرمان .. لا تنسى قبل لا تطلع من
 المُستشفى تطلب منهم تقرير لحالتك حتى يكون عذر وينقذك من الحرمان ..
 حلا: واهاه أما عندكم حرمان لو غبثوا كثير ..؟!
 كملت رودي: الجامعات مُعقده فعلاً .. ما أضن بأدخلها ..
 حلا: أنا بعد ..

رفع خالها حاجبه يقول: فيه فرق بين الزيارتين يا آنجي .. حابه أذكرك ..؟!

آنجي: الله يهديك يا خال .. مداخلتك ما تفيد وربي ..

رفع حاجبه فضحكت منال تقول: أبو أصيل من يومه كذا ما يعرف بجمال ههههههههههه ..

طالع أبو أصيل بآنجي يقول: وين أمك ..؟!

منال: ههههههههه وعادي تلاقينه فجاء يسأل سؤال برى الموضوع تماماً ..

ضحكت آنجي بعدها جاوبت تقول: ما أضنها بتجي .. قالت روجي إنتي وأختك مع السواق ..

عقد حاجبه بتعجب بعدها سأل: ليه وش فيها ..؟!

هزت آنجي كتفها فقالت حلا: اليوم الصباح كانت تمام .. بس بعد ما رجعت من الظهر ... سُبرايِز تحولت ماما الى إنسان ثاني .. جد جد يا خالو أكلها فقتالعين فيني بتأمل وكأنني ميتة وهي حزينه على فراقني .. ولما نكلمها ما ترد .. لا لا أصلاً ما تسمع وش نقول .. ماما صارت اليوم زومبي ..


ضحكت آنجي غصب عنها وحاولت قد ما تقدر توقف ضحكاتها في حين قال خالهم: مو عيب تقولوا هالكلام عن أمكم وتضحكوا عليه ..؟!

مو المفروض ما يقدر حتى يحط عينه بعين أي أحد ..؟!
 المفروض يفقد الثقة بنفسه ويكره دنيته ..
 المفروض يتكوم حول نفسه ويعاني من زُهاب إجتماعي مُضاعف ..
 هذا الشيء اللي تخيله طوال الأيام اللي فاتت واللي ما جاء اليوم إلا حتى يشوف هالشيء بعيونه ..
 بس اللي شافه ما أرضاه ..
 تحمل حبس أبوه له واستجواباته على غير فايده ..
 هالشخص ... المفروض يعاني مو يكون هادي بالشكل هذا ..
 ليه ما يعاني ؟! ليه ما يتألم ؟! ليه هو طبعي على الرغم من اللي صار له ؟! ..
 لا ... هذا أبد ما يرضيه ..!!!!

قاطع حوارهم يقول: كرار وش سبب هوشتك معهم ..؟! أكيد سبب قوى وأكيد النتائج كانت أقوى ..!؟!


منال: واه أيل .. هالأسنله مالها داعي حالياً ... هوشه وخلص .. الموضوع راجع له يجاوب ولا لا ..
أصيل ببرود: لا لازم يجاوبني ..
إندهشت منال من رده في حين قالت أمه: أصيل شفيك ..؟!
ما رد عليها وكمل: كِرار جاوبني .. ما أضن الموضوع موضوع هوشه عاديه ..
عقدت أنجي حاجبها ..
إشبه هذا ..؟! طريقة كلامه ونبرته ما حبتها ما تدري ليه ..!!
لفت على كِرار فشافته هادي ظاهرياً ويطالع بالفراغ يهدوء ..
في حين هو ما قدر ..
بالقوه جسده الخارجي يخفي إنفعالاته الداخليه ..
ذكرى ذاك اليوم اللي حاول قد ما يقدر يتجاهل التفكير فيها بدأت ترجع لراسه ..
جسده إقشعر وإنفعالاته الداخليه بدأت تدريجياً تبان على ملامحه ..
سأل أصيل: ليه ما ترد ..؟! الموضوع يفشل ..؟! تبغاني أنا أتكلم بدل عنك منعاً للإحراج ..
يارا: أصيل خلاص ..
لف عليها يقول بحدّه: إنكتمسي ..!!!
إنصدموا كُلهم من رده العالي والمُفاجئ ..
قامت أمه له تقول: أصيل وش هالتصرفات ..؟!! شفيك ..؟!
ما رد عليها وعيونه معلقه على كِرار ..
لفت أنجي على كِرار بدهشه لما حسّت عليه يرجف ..
مسكت إيده تقول: كِرار شفيك ..؟! كِرار ..!!
سحب إيده بطريقه حاده من إيدها فتفاجأت من تصرفه في حين إبتسم أصيل يقول: شفيك حاد مع أختك ..؟!
تراها شايله همك ..
إنزعجت أنجي ولفت على أصيل تقول: أصيل لو سمحت أكرمنا بسكوتك ..!!
إنزعجت منه .. ما تدري ليه .. بس تحس إنه السبب ..
أخوها تصرف بطريقه غريبه بسببه .. هو حتى كلماته مُستفزه ..
كرهته ..
حطت إيدها على ظهر كِرار تقول: كِرار أنادي لك الطبيب ..؟! محتاج أناديه لك ..؟!
جاها صوته المتحشرج يقول: لا .. لا تتدخلني ..
إندهشت من كلامه فقال أصيل: أنجي غباء وتهور منك تنادي طبيب .. ما تدري إن أخوك عنده فوبيا منهم ..!
نادي له طبيبه أفضل ..
منال: أصيل إذا بتستمر على هالتصرفات الوقحه فإطلع من هنا ..!!!
أصيل: وليه ..؟! جاي أزور ولد عمتي .. حبيبي اللي هرب من جريمته بذيك الليله .. كِرار اللي ...
صرخت يارا: بــــس ..!!!
وقف ولف يطلعهما في حين تفاجؤا من صراخها المُفاجئ هذا ..
رفع أصيل حاجبه يقول لها: يارا إنتي مو قصدك توقفي بوجهي صح ..؟!
الأم: أصيل بس ..!! شهالتصرفات الشاذه ..؟!!
لفت منال على حلا اللي تراقب بتوتر وهمست لها: روجي دوري على خالك وناديه ..
هزت راسها وطلعت برى الغرفه ..
طالعتهم أنجي بعدم فهم بعدها لفت على كِرار اللي حسّت حالته بدأت تسوء أكثر ..
جسده كُلّه يرجف وكأنه مو بوعيه أبد ..
شفيه ..؟! وش صار عليه ..؟!
هزته تقول: كِرار .. كِرار رد علي ..
خافت .. تحس حالها بتبكي من الخوف وهي تشوف إن رجفاته كُل مالها تزيد ..
تحس إنه مُمكن يدخل لمرحلة الصرع بهالحاله ..
ضمته بسرعه لصدرها وهي تضغط على راسه وتكرر بخوف: كِرار خلاص .. كِرار تكفي خلاص ..
لفت على رودي تقول بخوف: رودي بسرعه نادي أي طبيب أو مُمرضه أو أي أحد ..
هزت رودي راسها وخرجت في حين ضحك أصيل يقول: إيه هالوضعيه ترضيني نوعاً ما فأتمنى تستمر عليها ..
شد على أسنانه وكمل: القتله أمثالك لازم يعانوا ويذوقوا رشفه من الكاس اللي ذوقوه لأحبه اللي قتلهم بدون تردد ..!!
صفقته أمه كف غصب عنها فإتسعت عيونه من الدهشه ..

لف يطالعها بعدم تصديق في حين وضح الألم على وجهها وهي تهمس: أصيل على الأقل هالفتره بس
لا توريني وجهك ..
شد أصيل على أسنانه بغضب بعدها قال: دافعي .. دافعي عن هالقاتل اللي ذبح أعز أصدقائي وأوقفي ضدي أنا
اللي ما سويت ولا شيء ..
لف طالع بكرار وكمل: حتى إنتقامي ما كان بالمفعول اللي تمنيته !!! المفروض
قطع عليه فتح أبوه للباب ودخل وهو قلقان من كلام حلا عن وجود مشكله داخل ..
طالع أول شيء بأصيل اللي من شافه شد على أسنانه بعدها طلع فصرخ أبوه عليه: أصيــــل وقّف ..!!!
لكن ما رد عليه أبد ..
لف على زوجته يقول: وش صار ..؟!
ترددت زوجته ولا قدرت تتكلم ..
لف على منال اللي كان على وجهها بعض آثار الصدمه بعدها لف على أنجي اللي عيونها كانت مُعلقه في
المكان اللي كان يوقف فيه أصيل وخيط من الدموع تسيل من عيونها ..
إندهش من وضعها وإندهش أكثر من حالة كِرار اللي واضح إنه فاقد السيطرة على جسده وهي شاده عليه
تحاول توقفه ..
شوي إلا دخلت الممرضه وأول ما شافته قالت بسرعه: ياللا ياللا كلو نفر يطلع بسرعه .. هدا حاله مو كويس
... ياللا ياللا برا ..
ودفتهم على برى وهي تأشر لمرضه ثانيه تجي معها بعدها دخلوا وقفلوا الباب وراهم ..
رفعت أنجي إيدها ومسحت دمعته اللي نزلت من غير شعور بعدها همست: حلا تعالي ..
وراحت فلحقتها حلا في حين راقبها خالها حتى إختفت بعدها لف عليهم يقول: وش صار ..؟!
منال بهدوء: ولدك قال خرابيط المفروض ما تنقال ..
عقد حاجبه يقول: وش قال ..؟!
سكتت منال شوي بعدها قالت: هي مشكله ولدكم وما أحب أتدخل .. زوجتك بتقولك ..
أشرت بعينها وكملت: بانتظر هناك في الإنتظار حتى أتطمئن على صحة ولد أختي ..
وراحت فلحقتها رودي في حين همست أم أصيل: اللي قاله شيء ما توقعته بينطق فيه أبد .. الله يسامحه ..
طالع أبو أصيل فيها لفتره بعدها لف وطالع بينته اللي واقفه بهدوء وسرحانه ..
يحس كأنه فهم شيء من الي صار ..
أصيل هذا لازم يشوف له صرفه اليوم قبل بكره ..



دخل البيت على أهله فشافهم كُلهم على التلفزيون يتابعوا برنامج مُسابقات وقدامهم شاي وفصفص ومكسرات
..
إبتسم وتقدم يقول: هالحركات ما تجي إلا وأنا مو موجود ..؟!
إبتسمت أمه تقول: أهلاً يحيى ..
سلم على راس أمه يقول: هلا يمه كيفك ..؟!
طالع بخواته يقول: النفسيه والمكسره وش أخبارهم ..?!
..

همست ترف: غَيْر وصار يناديني نفسيه ...!! هو النفسيه ..
ضحكت بنان بعدها ردت على أخوها: بخير يا عزيزي العاشق .. وين كنت اليوم من الظهر للحين ..؟!
إبتسم وجلس على الكنبة يقول: خلاص .. بإذن الله بعد بكره الملكه ..
شرقت ترف بالفستق وشربت دايركت فنجان الشاي قيل لا تلف عليه تقول: كذاااااب ...!! وش هالسرعه ..؟!
رفع حاجبه ومن شدة سعادته هاليوم تجاهل كلمتها وقال: يا شيخه الزواج بعد شهرين فتقديم الملكه أو تأخيرها
ما بغير شيء .. وبصراحه أبوها حب تكون مقدمه شوي ..
إبتسم غصب عنه يقول: لأنه يقول ما عنده الطاقه ياخذها ويوديها للسوق فيخليني أنا أوصلها وعشان كذا قَدَم
الملكه حتى يعني أكون محرم لها ..
رفعت بنان حاجبها تقول: شف شف طيور السعاده تحلق حوله ..
يحيى: يا شيخه مو متخيله الوضع .. يومين بس وأصير أقدر أشوفها ..
بنان: إذا لو وقتها يتاخذها للسوق لازم يا تاخذني معك يا أمي .. إنتم يا الشباب مالكم أمان ..
إنصدم يحيى من كلامها وفتح فمها بيتكلم بس سبقتة ترف تقول بانزعاج: وليه أنا مو موجوده عالقائمه ...!!
شايفتني وحده طفله مامني أمان بعد ...!!!
ضحكت بنان تقول: بصراحه إيه .. أحس أخوك لو الشيطان بدأ يوسوس له بتشجيعه بدل لا تمنيعه ..
إنصدمت من كلامها في حين ضحكت الأم تقول: الله يهديكم .. يحيى مو من هالنوع من الشباب ..
يحيى: خبريها تكفين يا أمي .. بنتك المكسره ذي بتجلطني ..!
ضحكت بنان وقالت: على العموم مبروك يا عريس ..
إبتسم لها يقول: الله يبارك فيك ..
ترف: ما بقولك مبروك فلا تتحمس .. وشو نبارك وإنت لسي ما ملكت ...!! سخافه ..
يحيى: على أساس توقعت منك أكثر من كذا يعني ..؟! طبعاً لا ..
ترف: كويس ..
الأم بابتسامه: ألف مبروك حبيبي .. ويا رب تكون معك على طول العمر وتسعدك وتعوضك عن كل سنينك اللي
راحت ..
إبتسم وباس إيدها يقول: دعوتك هذه كافيه لأنها تسعدني طول العمر يا يمه .. الله يخليك ليا ولا يحرمني منك يا
رب ..
قام بعدها يقول: على العموم تجهزوا .. الملكه بعد يومين .. لو محتاجين السوق قولوا لي من بدري ماشي ..؟!
قامت ترف من فوق الكنبة تقول: أنا أنا بروح .. ياللا ..
يحيى: اللحين ...!!!
ترف: بب .. بالبس عباتي ..
وبعدا دخلت الغرفه فقال يحيى: من جدها ذي ..؟!
بنان: وليه ..؟! تعبان ...! مو مشكلتها .. تتعب عشان بنت الدلال ولا تتعب عشان أختك ...!
رفع حاجبه يقول: بدأت غيره البنات ..
بنان: هههههه لا بس حبيت أتفلسف شوي .. على العموم الله يعينك ..
هز راسه بشيء من الأسى ..
فعلاً الله يعينه ..
روحة السوق مع ترف هو الجحيم بعينه ..



بعد غروب الشمس ..
كان ينطلق بسيارته بسرعه في خط التحليه السريع بجده وهو أخيراً حصل العنوان ..
عنوان الشخص اللي راح يكشف له القاتل الحقيقي بقتل جواهر ..
الشخص اللي بينهي هالمسرحيه ويسدل الستار على أحداث هالقضيه اللي طولت أكثر مما ينبغي ..
وأخيراً وصل للحضه اللي تمنّاها من زمان حتى ينهي هالموضوع ويكون رد دين عمه الكبير المعلق برفيته ..
ساعدهم كثير لما كانوا لسي أطفال وما زال يساعدهم وهو واجبه يرد هالدين فعشان كذا بدأ من البدايه يحقق
في هالموضوع لحتى خلاص حانت النهايه ..
ويتمنى تكون هالنهايه كافيه ..
لف على طريق فرعي وبدأ يخفف من السرعه ..
شوي بدخل لمدخل آخر ودقايق حتى دخل لحي سكني مرتب وهادي ..
هنا بدأ يخفف أكثر من سرعه السياره ويمر من بين كل البيوت يدور رقم البيت اللي يقصده ..
هدأ من السرعه أكثر لما قرّب من الرقم لحتى وأخيراً وقّف قدام البيت اللي يحمل العنوان المطلوب ..
إرتاح لما شاف السياره واقفه وهذا يعني بانه موجود بداخل البيت ..
نزل من سيارته وقفلها وراه بعدها تقدم من الباب حتى وقف قدامه ..
دق الجرس وظل ينتظر حتى سمع صوت مقبض الباب يفتح ..
ظهر هالشاب من وري الباب وعقد حاجبه لووله فشكل ذياب مو غريب عليه ..
فقال: هلا والله أي خدمه ..؟!
طالعه ذياب بعدها قال: أهلين مشعل أحتاج أتكلم معك لدقيقه فممكن ..؟!
عقد مشعل حاجبه .. مين هذا .. وإيش بيغى بالضبط ..؟!

وهنا ننهي البارث على قفله كما هو المعتاد :p
آرائكم كثير تهمني فالبارث القادم هو البارث ما قبل الأخير بإذن الله تعالى ..
توقعاتكم للأحداث القادمه وللشخصيات وكل كل حاجه ..
نلتقي على خير قريباً ..



..••X || part end || X••.

..••X || البارث الخامس والستون || X••.

قبل نص ساعه ..
وفي الصاله الداخليه اللي تفتح على غرفة ولده ياسر ..
جالس على الكنبه بهدوء وأخوه جالس بالكنبه المقابله ..
كان يطالعه لفتره ما هي قصيره قبل لا يتنهّد وهو يقول: عساك بس تأدبت لما ظليت بالسجن يوم كامل ..؟!
طالعه حُسام بعدها قال: مشعل ..
مشعل: وقت الأسئلة بعدين .. أول شيء جاوبني ..
أشاح حُسام بنظره يهمس: لما الواحد يندم على خطاه تذّلوّنه وبعدين لما يخطئ مره ثانيه تقولون كيف ...!!
مشعل: ترى أسمعك ..
لف حُسام عليه يقول: مشعل خلاص .. ما أبغى أتكلّم في هذا الموضوع ..!
مشعل: إذا تبيّغاني أرجعك السجن ليوم كمان ..؟!
حُسام بفقدان صبر: مشعل ...!!!
مشعل بحدّه: أنا ما أمزح ...!! لما أسأل معناته أبغى إجابته ..!
طالعه حُسام لفتره بعدها أشاح بنظره مره ثانيه ..
إنّظره مشعل يرد بس شكل حُسام مصر على عناده ..
إيه هو عارف إن حُسام ندمان ومع هذا لازم يخليه يعترف بخطاه .. لازم يتعلم إنه لما يخطئ يعتذر ..
إذا تساهل معه اللحين معناته يحكم عليه بيانه يطالب بالتساهل طوال فترات عمره الجايه ..!
مشعل: مثل ما طلعتك من السجن أقدر وبسهوله أرجعك له لحتى تتعلم أكثر ... الإعتراف بالغلط مو عيب حتى
تعاود وترفض كذا ...!
طالعه حُسام يقول: إنت تهددني ..؟!
مشعل بحدّه: إيه أهّددك ...!!
إنفجّع حُسام من رد مشعل الحاد في حين رفع مشعل حاجبه يقول: ها ..؟! بتكرّر هالشّيء مره ثانيه ولا لا ..؟!
سكت حُسام لفتره بعدها قال: لا ..
مشعل: طيب ليه أخطأت من البدايه ..؟!
تنرفّز حُسام .. شفّيه هذا مُصّر يزّعه كذا ..؟!
وده يتكلّم ويرد عليه بأسلوب أكثر إستفزاز بس
بس فعلاً هو يحس بشيء من الندم ..
طيح نفسه بمشكله وندم بعدها ..
مشعل هو اللي جاء وطلّعه من كلّ هذا ..
في ذيك اللحضه حس بيانه فعلاً له سند يسانده وقت حاجته له ..
في ذيك اللحضه ... حبه أكثر من قبل ..
في فترة جلسته بالسجن كان متضايق بس لأنّه ما كان يناظره ولا حتى كلمه من وقت المداهمه لحتى دخوله
للسجن ..
مهما أنكر فهو داخلياً صار يعزّه كثير ..
صار شيء مهم بحياته يعتمد عليه بشكل كُلي ..
هو صار له أهل مثل ما كانت رغبه هي كلّ أهله ..
صار له سند مثل ما كان جواد هو ظهره وسنده ..
رد على مشعل بهدوء بدون لا يطالعه: مشعل ... شكراً ..
رفع مشعل حاجبه يقول: عشاني طلعتك من المشكله اللي رميت نفسك فيها ..؟!
هزّ حُسام راسه بلا فعقد مشعل حاجبه في حين سكت حُسام للحضه بعدها قال: لأنك ... عوضت مكان رغبه
وجواد ..
إندهش مشعل من كلماته اللي فاجنته في حين كمل حُسام: آسف أنا غبي وصلحت مشاكل كثيره لك
تحملني ..
تنهد مشعل بعدها إبتسم يقول: أكيد بأتحمّلك بدون لا تطلب حتى .. إنت الوحيد اللي بقي لي من ريحه هلي ..
إنت جزء كبير من عيلتي وطبيعي أتحمّل مشاكل مهما كانت شدتها ..
ظل يطالعه لفتره بعدها قال: حُسام .. أبغاك توعدي ..
طالعه حُسام فكمّل مشعل: أوعدني إنك مُستقبلاً .. لا من اللحين ... أياً كانت نوع الأفكار اللي جتك تصارحني
فيها ..! حتى لو كانت جنونيه فصارحني وما راح أمنّك تسويها ... راح أقنعك بطريقتي إنها خطأ وإنت بنفسك
راح تتراجع عنها خلاص ..؟! أبغى أسمع الوعد منك ..
طالعه حُسام لفتره مو قصيره فتعجب مشعل من صمته الطويل ..

نزل حُسام راسه يطالع بالأرض لما حس بألم كبير بصدرة ..
الدنيا من بعد موت رغد وإبتعاد خاله عنه صارت سوداء ..
تصرف مشعل وكلامه له ألم صدره كثير ..
شعورياً بدأ يحس إن الدنيا لسي ما خلصت ..
يحسها لسي ما أظلمت ..
كُل شيء ... ما خلص مثل ما كان يظن ..
هو ... ما صار لوحده مثل ما كان يتخيل !!!
فيه أحد بجنبه يساعده ... وطريقة كلامه فيها كمية حنان ..
حنان ما كان يحس فيه بحياته إلا نادراً ..
هو جدياً صار يشوفه بمنزلة أخته وخاله ..
عض على شفته لما حس حاله ببيكي ..
مشاعره كلها تلخبطت فوق تحت ..
حنان أخته وخوف خاله عليه تجمعت بهالشخص ..
هالشخص اللي من عرف عنه ما حبه واللي للحين ما ناداه بـ أخوي حتى !!
أخوي !!! توه إستشعر كمية الإنتماء الموجودة في هالكلمة الصغيره ..
إنتماء كبير أضعفه وزاد في صدره كمية الندم على كُل ما فات ..
بلغ ريقه وفتح فمه يهمس بصوت طلعت فيه رجفة ألم: أوعذك ..
طالعه مشعل بهدوء وحس عليه من صوته بانه متأثر كثير ..
يمكن تذكر أخته أو حس بالندم من أفعاله ..
قام وجلس بجنبه .. تنهد وضمه لصدرة بإيد وحده وهو يقول: الله يهديك .. إذا كنت بتندم بالشكل هذا فمن
الحين فكر مية مره قبل لا تصلح أي شيء ..! حياتك ثمينه .. إذا ماهي ثمينه بالنسبه لك فهي ثمينه للي حولك
.. ربنا أخذ وعطى .. موت رغد ما يعني إنك ما راح تشوفها أيد ..! كُل الحكاية إنها تركت هالعالم وراحت لعالم
ثاني .. عالم مؤبد .. تضيع نفسك وترميها للهلاك عشان بس لأنك حزين أو ندمان هذا شيء أشبه بالإنتحار
.. تبغى تقابلها ..؟! أحسن بدنياك حتى تعيش معها بذاك العالم المؤبد بإذن الله تعالى .. هي بأمان .. بحفظ الله
فعشان كذا إلتفت إنت لحياتك .. للجانب الإيجابي فيها مو السلبي .. الإنتقام وهالخرابيط لسي أشياء كبيره عليك
.. وعدتك بنفسك أودي كُل ظالم للمكان اللي يستحقه .. إنت بس كمل دراستك و إلتفت لمستقبلك ومشاكلك هذه
وهومك إرمها عليّ أنا ولا تهتم .. خلاص حُسام ..؟!
هز حُسام راسه وأصابعه تشد على ثوب مشعل ..
كلامه مره عن مره يوجع صدره كثير ..
يحس ... إنه أبدأ ما يستاهل أخ مثله ..
همس له: شكراً ..
إبتسم مشعل ولحظات حترن جرس البيت ..
بعد حُسام ووقف يقول: بروح أنا ..
وبعدها دخل لغرفته فوق مشعل وراح للباب يشوف مين ..
أكيد ما غيره فراس .. من أول يطلب منه يجي يشوف حُسام بس كان يتعذر بأسباب كان واضح إنها كاذبه ..
ما ضغط عليه وتركه على راحته وشكله اللحين قرر يجي يشوفه ..
فتح الباب بس تعجب لما شاف شاب غريب قدامه ..
صحيح غريب بس يحس إنه قد قابله مره من قبل بس مو متذكر فين ..
فقال: هلا والله .. أي خدمه ..؟!
طالعه هذا الشاب اللي ما كان غير ذياب وقال: أهلين مشعل أحتاج أتكلم معك لدقيقه فممكن ..؟!
تعجب مشعل ففتح له الباب يقول: تفضل ..
دخل ذياب فوصله مشعل لمجلس الرجال بعدها إستأذن وراح لزوجته ..
فتح باب الغرفه عليها يقول: أميره عالسريع جهزي لي قهوه .. فيه رجال عندي ..
بعدها طلع فعقدت حاجبها بإستغراب بعدها قامت وراحت للمطبخ تجهز القهوه ..
في حين كان مشعل بالمجلس وتوه رَحِب فيه وبعدها سكت ينتظر الرجال يعرف عن نفسه ..
تنهد ذياب وقال: أنا ذياب أقرب لعزام الواصلي من جهة والدتي ..
عقد مشعل حاجبها بعدها ملامح عدم الرضى إرتسمت على وجهه ..
تذكره .. شافه باليوم اللي جاء عزام يزور فيه حُسام بالسجن ..
جيتة اللحين أزعجته فهي أكيد أوامر من عزام لحتى يرجع ولده ..
إبتسم ذياب يقول: أنا مو يايك عشان حُسام .. يايك لموضوع ثاني ..

إستغرب مشعل وقال: أي موضوع ..؟!
طلّعه ذياب لفتره بعدها قال: لموضوع قضية والدتك ..
إندهش مشعل من كلامه فكمل ذياب: قضيتها ولاني إياها عمي عزام قبل فتره لحتي أطلع له اللي قتلها ..
وصلت لفرضيه وأبغى أسمع رايبك فيها بما إنها تتعلق فيك ..
ظل مشعل يراقبه لفتره بعدها قال: هالفتره إنشغلت بمواضيع أبعدتني عن هالقضية .. قضية قتل أمي ما أبغى
أحد يحقق فيها غيري ..! أتمنى هالكلام يوصل لعزام ..
هز ذياب راسه يقول: ماكو حد بيققق فيها إلا إنت .. أنا بس أحقق بطريجه غير رسميه وحتى لو لقيت اللي
ذبحها فما راح أصلح له شيء .. هالتحقيق كان فقط نزولاً عند رغبة عمي عزام .. وأنا ياي أعطيك فرضيتي
وإنت بنفسك تكمل هالتحقيق بطريجه رسميه ..
طلّعه مشعل وبصراحه حس بشيء من الإحراج ..
هالرجال باين من أسلوبه إنه محترم وطيب .. ما يدري ليه بدأ معاه بأسلوب هجومي ..؟!
يمكن لأنه من طرف عزام وعشان كذا كرهه من دون لا يعرفه عدل ..!
تنهد وقال: أعتر منك ... وش هي فرضيتك ..؟!
سكت ذياب شوي بعدها بدأ يتكلم ويقول اللي عنده ..
سمع له مشعل بهدوء بعدها شوي شوي بدأت عينه تتسع تدريجياً من الصدمه من هالمنحنى الغريب اللي مشي
فيه تحليله ..
وقفه بنص كلامه يقول: لحضه لحضه يا الأخو شكلك ملخبط ..!!
تنهد ذياب وهو متوقع ردة الفعل هذه في حين كمل مشعل: كلامك بالبدايه كان ماشي تمام لكن فجأه قلبت
الموضوع وتركت خيالك يسرح فيك بزياده ..!! هالشيء مُستحيل سامع ..؟!
ذياب: وليه مُستحيل ..؟!
مشعل بحدّه: لأنه مُستحيل ..!! صفي ذهنك وفكر عدل ولا تخلي كلام عزام اللي عبي راسك يآثر على تحليلاتك
..!! تدري شكلك هاو مالِك في التحقيق شيء .. المجال هذا ما يناسبك ..!
ذياب: ما يابوتني على سوالي .. ليه مُستحيل ..؟! مشعل إنت اللي المفروض تصفي ذهنك وتفكر عدل ..! راجع
أوراقك وتحليلاتك وكمان ذكرياتك ووقتها راح تشوف الحقيقه واضحه .. التسرع في الحكم هي أسوأ صفه
المفروض يتجنبها المُحقق يا مشعل ..
طلّعه مشعل بعدم رضى .. كلامه ما يدخل العقل ..
كيف يعني ..!! مُستحيل يصدق ..!
قام ذياب يقول: تاركك تفكر وإنت بنفسك خلّص الإجراءات الباقيه .. عن إذنك ..
طلّعه مشعل بعدها وقف يقول: دقيقه لسي ما شربت قهوتك ..
ذياب: إعتبرني شربتها .. مع السلامه ..
مشعل بهدوء: الله معك ..
بعدها وصله للباب وبعدها رجع المجلس وجلس على الكنبه ..
شوي دخلت أميره تقول: شفیه راح بسرعه ..؟! القهوه خلاص خلصت ..
ما رد عليها فجّت عنده وجلست بجنبه تقول: مشعل شفيك ..؟!
مشعل بهمس: أميره أبغى أقعد لوحدي شوي .. طفي اللمبه وإنتي طالعه ..
تنهدت أميره وقالت: مثل ما تبغى ..
خرجت وطففت اللمبه لما طلعت ..
غمض عيونّه وأخذ له نفس عميق ..
الخرابيط هذه اللي قالها ..! مُستحيل تكون حقيقه ..
يعني مو عارف ..
ما يبغى ينظر للأمر نظره عاطفيه بس مو قادر ..!
صعب جداً ..
بعد سنوات من بحثه عن قاتل أمه يكون بهالقرب الشديد منه ..!
شيء صعب يتصدق ..!



ثائر يلعب بالحاره مع أصحابه ..

الأم وحوار راحوا لزيارة حرمه بنتها ولدت وهابنت كانت كثير تسولف معها حوار ..
طيف جالس بالغرفة بإيدها كتاب تذاكر والهنوف عندها تغلب بالجوال بملل ..
تنهدت وطالت بطيف تقول : هيه طيف .. ملل ..
طيف : وإيش أسوي لك ؟!..
الهنوف : أي شيء يسعدني ..
طيف : حببتي وربى مشغولة أذكر ..
مطت الهنوف شفتها في حين رفعت طيف رأسها وكملت : وإذا مآله لهالدرجه إرجعي لزوجك .. بصراحه مو
فاهمه هالنقاهة على قولتك ..
تنهدت الهنوف ولا قالت شيء ..
شوي جتها رساله نصيه على الجوال ..
فتحته فكان مكتوب فيها ...

* الهنوف متى ترجعي البيت ؟ خاطري أنزل السوبر ماركت *
عقدت الهنوف حاجبها وطالت في اسم المرسل بعدها إبتسمت تقول : هيه طيف ... ميرال راسلتني ..
طيف وهي منزجها بالمذاكرة : والمطلوب ؟!
الهنوف : لا بس أول مره ترأسلني ... واااه أحس من زمان عنها .. ههههههههه لا وبعد مشتاقه تنزل معي
خلسه للبقالة مثل ما صلحنا أول .. ههههههههههههههه وقتها نادر هزأنا بشكل ..
إختفت الضحك تدريجيًا من شفتها أول ما ذكرت اسمه ..
نادر ؟!

ظهرت ملايح الألم على وجهها وحست حالها راح تبكي ..
بلعت ريقها كذا مره وهي تحاول تنسى الموضوع قد ما تقدر .. هي جت هنا بس عشان تنسى الموضوع ولو
شوي ..
لحتى تجرب إن كانت راح تقدر تعيش من دونه ولا لا ..
رجعت تطالع بالرساله بعدها إبتسمت وهمست : جد وحشتني ميرال ما ضنيت إني ممكن أوحيشها كمان ..
يا زينها ..
شوي جتها إشعار بالواتس ..
خرجت من الرسائل وراحت فشافت إنه من ترف ..


[ترف] - بت !!
[ترف] - بتجين ؟
إستغربت الهنوف وردت : وين ؟
[ترف] - ؟؟؟؟؟
[ترف] - فاغره
[الهنوف] - ليه ؟
[ترف] - وشو ليه ؟ مو أمس أرسلت لك العنوان
[الهنوف] - أي عنوان ؟
[ترف] - فاغره ٢
[الهنوف] - ترف مى فاهمه عليك
[ترف] - عنوان بيت ، الليله ملكة يحيى
[الهنوف] - إحلفييبيبي

وفرزت من جلستها تقول لطيف : هيه طيف !!! اليوم ملكة يحيى !!!
طالعتها طيف تقول : جد ؟!


الهنوف : يب ترف تقوله .. تقول أرسلت لك العنوان !!! واااه طيف فشل ! أنا شفت العنوان أمس قبل لا أنام
بس لما شفت الرساله طويله سحبت عليها وقلت بعدين أشوفها .. شسوي ؟!
طيف : عادى اعتذرى وقولي ما قريتها لأنها إترسلت بوقت متأخر .. وبعدين إذا كنتي بتروحي قولي لها أنك
بتيجي وإذا ما يمديك اعتذري ..
طالعتها الهنوف شوي بعدها بدأت ترأسل ترف ..

[الهنوف] - وااه ترف وربى ما قرئت الرساله زين أمس كنت توي بأنام ، والله ودى أجى بس مافى أحد
يجيبني لأنى عند أهلي
[ترف] - وزوجك ؟
[الهنوف] - مشغول
[ترف] - طيب تعالى انتى وأهلك كلهم

[illegible]



دخل على الصاله وحط كوب القهوة قدامه بعدها جلس وهو ماسك كوبه ..
طالع في الكوب اللي جاء بتعجب بعدها لف عليه يقول: فراس أنا طلبت بيبسي ..!
فراس وعينه على الفلم: القهوة أفضل .. مو كويس البيبسي بشكل يومي ..
رفع نادر حاجبه بعدها تنهد ولف يكمل متابعة الفلم ..
أول ما جاء الفاصل جاء صوت فراس يقول: مو كأن الأسبوع خلّص ..؟!
طالع فيه وهو مو فاهم فتتهد فراس وقال: موضوعك إنت وزوجتك ..
أخذ نادر الكوب وهو يقول: بأظل لأسبوعين .. ويمكن أكثر لحتى هي تتصل علي ..
فراس: طيب جرب تتصل عليها ..
نادر: ما بستفيد غير إني أكدر نفسييتها .. إنسى الموضوع ..
فراس: طيب ما إشتقت لبنتك ولأهلك ..؟!
نادر: لا ..
إندهش فراس وقال: أمما من جدك ..!
تنهد نادر وقال: خلاص فراس خلنا نقفل هالسيره ..
فراس: مثل ما تحب ..
رجع الفلم بعد الفاصل وبعد دقائق من المتابعه رن جواله ..
طلّعه فإستغرب لما شاف إنه مشعل ..
رد عليه يقول: هلا هلا مشعل كيفك ..؟!
مشعل: الحمد لله تمام .. كيفك فراس ..؟! فاضي بكرة ..؟!
فراس: الحمد لله عال العال .. إيه فاضي بغيت شي ..؟!
مشعل: تقدر الصبح تجيني المكتب ..؟!
فراس بتعجب: إن شاء الله بس ليه ..؟! مشعل فيه شيء لأن صوتك مو طبيعي ..
مشعل: لا لا مافي شيء .. مرني بكرة لا تنسى ..
فراس: إن شاء الله ..
مشعل: ياللا أشوفك على خير .. مع السلامة ..
فراس: الله معك ..
قفل الجوال فقال نادر: وش كان يبغى ..؟!
فراس: مدري .. شكل فيه سالفه ييغاني فيها ..
نادر: حُسام أكيد ..!
فراس بدهشه: لا لا ما أضن .. قلت له بعدين وهو بيتفهم ..
نادر: وشو بيتفهم ..؟! هو مو عارف حتى يتفهم .. أنا لو مكانه بأستغرب رفضك لمُقابلته .. إنت ولد عمه اللي يعرفه من طفولته واللي ياما وياما فضفض لك بخصوص شوقه لعيالته واللحين لما لقي فرد فيهم ترفض تشوفه ..؟!
فراس: خلاص نادر خلنا نسكر السيره ..
نادر: لا ما راح أسكرها ..
فراس: ياخي ليه ما تكون مُراعي مثلي ..؟! سكرت السالفه لما طلبت مني فـ..
قاطعه نادر: تدري ... بكرة إستغل الفرصه وعلمه هو الأحق بإنه يعرف ..
فراس بدهشه: مجنون ...!! أنا بالقوه رضخت لرغبتك وعلمت أم حور فـ..
قاطعه نادر: خلاص لا تناقش كثير .. شف لنا قناه ثانيه هالفلم يطفش ..
طلّعه فراس بعدها مسك الريموت وبدا يقلب وهو يفكر بالموضوع اللي مُمكن ييغاه فيه مشعل ..



×× • قبل عدة سنوات • ××

يوم الجمعة الساعة ثمانية وعشر الليل ..
جالسه بغرفتها المظلمه وهي شاده اللحاف على جسمها ..
عقلها كله محوره وحده إسمها جواهر وبس ..
جواهر اللي جابها زوجها قبل يومين لحتى يعلمها إنه تزوجها ..
كنظره أولى لها كرهتها .. أخذت زوجها منها ..
كرهت نظرات زوجها المتيمة لجواهر هذه ..
لولا إن حياتها بايد عزام كان طردتها من باب البيت بس ما تقدر ..
هي تتصرف بكل لطف بس عشان عزام يرجع لها وثائقها حتى تقدر ترجع لديرتها وترتاح من هالعيشه ..
إستقبلتها بإبتسامه مزيقه وضيقتها بتصرفات مُنمقه ..
كانت تكرهها ..
البت أصغر منها .. أحلى منها .. وأسلوبها يجذب بشكل كبير ..
يجذب ...؟!
لا إيرادياً بدأت تخش جو بسواليفها ..
حست نفسها إنسحرت .. هنا تأكدت إن البنت كمان ساحره ..
لكن

في اللحظه اللي تركهم فيها عزام لحتى يروح الحمام سألتها جواهر عن بلدتها ..
لا إيرادياً انفجرت بوجهها تتهمها بإنها ساحره .. كانت متوتره .. كلامها يخرج لا إيرادياً ...!!
قالت لها إنها نوت تطردها من باب البيت بس تحملت عشان وثائقها ..
إندهشت جواهر وقتها وسألتها إن كان عزام فعلاً أخذ وثائقها ومنعها من السفر فجوابتها بطريقه حاده ..
والصدمة صارت بعدين .. لما خرجت هي وعزام برى ..
رجعت لها وسجلت رقمها بجوالها وهي تهمس لها
* إذا تبغي مساعدتي بخصوص أوراقك قللي لي .. عزام طيب بس اللي يصلحه فيك مو قادره أرضي فيه *

رفعت جوالها وشغلته تطالع في الرقم ..
صدمتها ذيك الحرمة بتصرفها هذا .. لها يومين بس تفكر فيها ..
معقوله بتساعدها ..؟! يعني لو طلبت المساعدة فما راح تقصر معها ...!! معقوله ..!
طيب تجرب ..؟! تجرب وتتأكد من هذا ..؟!
مو عارفه .. متردده ..
لكن داخلياً بدأت تحس إن ذيك الحرمة طيبه ..
راح تتصل .. راح تتأكد ..
لأنها خلاص ملّت من الجلوس هنا أكثر ..
من بعد تصرفاتها الشنيعة تجاه عمّة عزام وهو كارهاها ومطيّن عيشتها وحابسها بهالمكان تربى عياله ...!!
راح تكلمها وهي أكيد بتقدر ترجع لها أوراقها لحتى تسافر وتهرب من هالعيشه ..
رفعت الجوال بعد ما ضغطت الأزّر الأخضر وحطت الجوال على إذنها ..
شوي سمعت صوتها تقول: ألو ..
ترددت شوي بعدها قالت: جواهر ..؟!
جواهر: إيه جواهر .. مين إنتي ..؟!
تكلمت بهدوء وبلهجه مكسره: جواهر ... أنا أبغى .. مساعده .. منك ..
جواهر: من عيوني بس أولاً أعرف مين إنتي ..!
سكتت لفت ه بعدها قالت بنفس اللهجه المكسره: أنا .. زوجة ... عزام ... الثاني ..
جواهر: أم يحيى صح ..؟! وااه كنت حاسه من طريقتك المكسره بالكلام ..

شوي كملت: قابلتك بس مره وحده وتمنيت صدق نتقابل كثير ..
ظلت هارام ساكته وما قدرت تتكلم شوي جاها صوت جواهر المتوتر يقول: أه كيفك وإيش أخبارك ..؟! كيف
يحيى وبنان وترف ..؟! وسمعت باتك حامل صح ..؟!
ما ردت عليها فجأها صوت جواهر يقول: ألو أم يحيى ..؟!
ترددت شوي بعدها قالت: أنا ... أبغى أشوفك ... بدون لا .. يعرف .. عزام ..
جواهر: من عيوني .. متى تبغينا نتقابل ..؟! ووين ..؟!
ترددت هارام كثير بعدها قالت: اللحين تقدرين ..؟!
تعجبت لما ما سمعت رد فشالت الجوال عن إذنها وشافته طفى من الشحن ..
سكتت شوي بعدها قالت: أكيد ... سمعت .. اللي .. قلته ..
قامت وحطته على الشاحن بعدها راحت وبدأت تلبس عباتها ..
خرجت وشافت لأولادها فشافتهم كلهم نايمين ..
تنهدت براحه بعدها رجعت وجلست عند جوالها حتى شحن شوي منه يكفيها ..
خرجت ونزلت من العماره ووقفت لها تاكسي ..
أول ما ركبت سألها عن المكان فتوترت لأنها ما تعرفه ..
أرسلت رساله تطلب العنوان من جواهر وخلال ثواني جاها الرد فأعطته التاكسي وهو بدوره وصلها ..
دقايق مرت قبل لا يوقف عند عماره فنزلت ودخلتها بعدها ركبت المصعد واتجهت للدور المدون في الرساله ..
كانت متردده وخايفه ..
خايفه تكون تكذب عليها .. أو إن عزام يطلع فجأه بوجهها ..
فيها إحساس غامض بانها ما بتوصل للي تبغاه ..
خرجت من المصعد واتجهت مباشرة الى الشقه المقصوده ..
تقدمت وخافت شوي لما شافت طرف باب الشقه مفتوح ..
ليه ..؟! وش صار ..؟!
لا يمكن هي تعمدت تفتحه شوي عشان تدخل لما تجي ولا تنتظر عند الباب ..
فتحتة ودخلت ..
شوي إتسعت عيونها من الصدمه لما شافت جواهر قدامها طايحه على الأرض بدون أي حركه ..
وبسرعه حطت إيدها على فمها تمنع الشهقه من إنها تطلع من حلقها ..
وش يصير ..؟! هي مو فاهمه ..
تقدمت منها بخوف كبير وتحسست نبضها فأنصدمت لما طلعت توقعاتها في محلها ..!
الحرمة ... ميتة ..
لا .. لازم تهرب ... لو قعدت هنا فراح يحسبوها هي اللي قتلتها ..
خرجت بخوف كبير يسكن صدرها بعدها وقفت ولفت جهة الشقه ..
طيب وأوراقها ..؟!
موت جواهر بيعني شيء واحد ... وثائقها خلاص بتكون تحت رحمة عزام وأكيد بعد خبر موت زوجته الغاليه
مُستحيل يلين ويتركها تسافر .،
هذه فرصتها .. لازم تستغلها ..
دخلت بسرعه لكن بغت تطيح لما تعقلت بحزمة مفاتيح كانت عند رجل جواهر ..
طالعت في المفاتيح فكان واضح إن أغلبها مفاتيح سيارات ..
أكيد هالمفاتيح ما تخص جواهر أبد ..
معقوله تكون تخص اللي قتلتها ..!
لحظه ...!!! مفاتيح سيارة ...!!!!
معناته اللي قتلها راح يرجع قريب ..
دخلت بسرعه لغرفة النوم وقلبت في الدواليب وأنصدمت لما لقت بوجهها وثائقها جاهزه تماماً وكأن اللي
جهزها كان ناوي يعطيها لأحد ..
أكيد جواهر صح ..؟!
تجاهلت التفكير وطلعت برى بس وقفت بخوف ..
دقيقه .. لو رجع عزام ولقى زوجته ميتة فراح يحقق بالموضوع ..
لو ما لقي وثائقها فراح تكون هي اللي قتلتها بنظره ..!
لا ... وش تسوي ..؟!
لازم تجيب لها شيء يدل إنها مو هي .،
إيه صح المفاتيح ...!!

خرج جهاد من غرفته الموجوده بشكل مُستقل عن البيت في الحوش وإتجه للباب وهو يقول: ما لَحَقْتُ أَشُوف
أبوي اليوم .. سلمني لي عليه وقولي جهاد سال عنك ..
جمانه: طيب ..

شوي جاهم من وري صوت جود تقول: جهاد ..
إنصدم جهاد لما سمع صوتها وبدون مقدمات حط رجله وطلع من البيت بشكل سريع فاجأهم ..
طلعت جود من وري الجدار تطالع في اللي سواه بصدمه ..
إيش فيه ؟!.. !ليه هج وكأنه سمع صوت جني ؟!
لحظه
صح تذكرت ..

كانت دايماً تتعمد تطلع بوجهه وتعلم أبوها حتى يهاوشه ..
لا يكون كان يحسبها بعد بتكرر نفس الموضوع وعشان كذا هج ؟!..
غضب عنها ضحكت وهي تقول: هههههههههه غبي والله غبي !!..
طالعتها جمانه بعدم فهم فميلت جود شفتها تقول: بس أنا جدياً كنت ناويه أقول له شيء هالووقع !!! تصرفه
مز عج !!!
سحبت المكنسه بكل إنز عاج وكملت تكنس فطالعتها جمانه بعدها قالت: هيه جود ليه كنيتي تضحكين قبل شوي
؟!..
جود: مالك شغل .. إقلى وجهك !!

دقیقتیں بعدھا تنہا جہاد وقال: ولیہ ما تحبہم ..!؟!

جہاد: عشان أبوي تزوج أمهم على خالتي..!؟!

ضحك جهاد يقول: طيب أبوي تزوج أمي عليهم التثتين ... تكرهني بعد ..!؟

صفر جهاد باندہاش يقول: أفا...!! أثاريني كنت ماخذ في نفسي مقلب ..

حور بهمس: الهنوف ..! يرحم أمك ريحيني ...!!

كثير لما تزوجها عليها ..!! عشان كذا ما أحبهم ولا راح أحبهم ..

تأثر: ما راح أحبهم ..

تأثير بانز عاج: السالفه غصب يعني...!!!

عندك أخوان وأخوات أكبر منك ..؟!!

جہاد: ہتھیاروں کے بغیر انتہائی غلطان .. شکوک عاکس الجملة ص ح ..!؟

إِكْتَفَى جِهَادَ بَضْحَكِهِ قَصِيرَهُ وَلَا عُلُقَ ..

تأثر بیرونی: طلقتہ ..

طالعه نائر يقول: يوووه ما تفهم معناته طيف رفضت .. وخلص ..

ضحك غصب عنه فقال ثائر: بسم الله شفيك !؟!

وقف السياره جنب كشك كافيه وهو يقول: بما إن البيت باقي بعيد فأيش حابين تشربون..؟!

جہاد: ہہہہہہ من یومی .. المهم وش تبغی ..!؟!

جہاد: اُکی واذا ما أعجبك مو مسؤوليتي .. حور وش تحبي تشربي ..!؟

ضحك بعدها قال: إن شاء الله .. وإنتي يا حور ..؟!!

جهاد: ماشی ماشی ..

رفضته..؟! ما توقع هالشيء أبداً..

رفضته...!!!! واه اه هذه هي البنت اللى حبها..

صحى على نداء العامل له فابتسم لها وأخذ طلبيته بعدها دفع له ميه وهو يقول: الباقي لك ..

ضحك ضحكه قصيره وهو يحط كوبه وكوب ثائر عندهم وبعدها رجع الاثنین لوری وأخذتهم حور منه ..

جہاد: ہلا حبیبی ..

[illegible]

إبتسمت ترف وهي تاكل قطعة الشوكولا: المُتعه الحقيقيه منبعها المشاكل حبيبتي ..
ديمه: ما أقول إلا الله يعينه ..
حركت ترف يدها بدون إهتمام وقامت تروح للديجي تشغل لها شيء في كين دخل بنان وهي تقول بإبتسامه:
وربي المكان ما نور إلا بجيتكم .. زدوا الفرح فرحين وقسم ..
حور: تسلمي حبيبتي .. وربي إحنا المبسوطين فيكم ..
جلست بنان وسألت: بس وبينها خالتي ..؟! ليه ما جت ..؟!
حور: بنت خالتي عندي مشروع جامعه بكره فقعدت أمي عندها لأنها مُستحيل تخليها لوحدها بالبيت ..
بنان: خساره .. كان ودي أشوفها ..
شوي عقدت حاجبها بإنزعاج لما شغلت ترف أغنيه أجنبيه لتايلور فقالت: ترف بالله عليك إرحمينا من ذوقك
هذا .. شغلي لنا طق .. سامعه ..
ميلت ترف شفتها بعدم رضى وبدأت تغير في حين لفت بنان عليهم وبدأت تتعرف أكثر وأكثر ..

//

طفش ثائر وهو يسمع لسوالفهم ..
الرجال ذا اللي واضح إنه أبو العروسه حسه شوي طيب وعلى نياته ..
ما عجبه الوضع .. معناته بنته بتكون طيبه .. معناته يحيى بيتزوج من وحده طيبه ويعيش حياة سعيدة ..
لا جد ما عجبه الوضع ..
وبعد وش فيه جهاد يتكلم معهم براحه وشفافيه وكأنه يعرفهم ..؟!
لا صح هو أخوه بس ما يتكلم معه كذا ..
آآخ خلاص يحس طفش حتى من كميات الكره اللي يرسلها ليحيى ..
متى تخلص هالحفله اللي تطفش ..؟!
قالوا عائلته بس ما يشوف غير عريس النحس وأبو العروسه وصاحب عريس النحس ..
وين أهل العروسه ..؟! وين كمان عيلة الفلبينيين حقون عريس النحس ..؟!
هم فلبينيين ولا إندونيسيين ..؟!
ما يهم ..
جد طفش .. بدأ يحس بمغص من كثر ما أكل من الشوكولاته والحلويات والمعجنات ..
والله عليهم ترف كبير بالأطعمه .. وين بيودون كل هذا ..؟!
إبتسم وكأنه لقي سب جديد ..
لف على يحيى يقول في نفسه: "حتى إنه ما يقدر النعمه .. أكيد بالنهايه بيكون مكانها الزباله ...!! من أول وأنا
مو مرتاح له " ..
إستغرب لما وقف يحيى فسأله جهاد: على وين ..؟!
إبتسم يحيى يقول: أستقبل أبوي ..
جهاد: أووه الوالد .. غريبه تأخر كذا ..!
لف يحيى على عمه يقول: عن إذنك بروح أستقبله وراح أعرفه عليك .. أكيد بستانس عليك ويحبك ..
ومر من قدام ثائر اللي كان يطالعه بصدمة ..
أبوه ...!!!
أبوه بيحيى اللحين ...!!!
لف بسرعه على جهاد وكأنه يسأله *ليه ما قلت لي * ...!!!
طالع فيه جهاد بعدها تنهد وقام له ..
جلس جنبه يقول: ثائر شفيك ..؟!
ثائر: ليه ما قلت لي إنه بيحيى ...!!!
جهاد: زواج ولده طبيعى بيحيى !! مـ...
قاطعه ثائر بحقد: وزواج بنته ليه ما جاء ...!!! ولا يحيى ولده والهتوف مو بنته ها ...!! صرنا ليلتنا مصخره
ولا كان وري أختي رجال يقدر يسكت خرابيطهم اللي تفوهوا فيها ...!!!
طالعه جهاد لفته بعدها قال: ثائر وقتها كان مسافر ولا يدري عن الموضوع و...

قاطعته ثائر: هذا مو عذر !!! جهاد أنا ما أبغى أشوفه !!!
سكت شوي بعدها كمل: إلا إلا أبغى أشوفه حتى أسأله عن السبب !!! السبب اللي خلاه يتركنا ولا يسأل عنا
!!! جهاد إنت مو عارف قد إيش أمني تعبت عشاننا وهو ولا سائل فينا حتى !!! والله ما أسامحه ولا ...
قاطعته جهاد بصدمة: ثائر لا لا تحلف !!! الله يهديك المفروض ما تحلف بشيء زي كذا !!!
ثائر بصدمة: ليه !!! تبغى غصب عني أسامحه !!! جهاد ليه واقف بصفه !!! ليه مو واقف بصفنا وإنت اللي
تعرف كيف كانت حالتنا !!!

إرتجف صوته يقول: جهاد هذا مو أبو أبوي مات ..
نزل راسه لما بدأت دموعه تتجمع في عيونه فتنهد جهاد وقال: حبيبي ثائر .. مسألة مسامحته أو لا مو
المفروض تقرررها بعد ما تسمع للطرف الثاني !!! تسمع لأعداره ولمبرراته !!! ثائر ما أبغاك تكون من النوع
الظالم ..

شهق ثائر وهو يهمس: هو اللي ظلمنا هو الظالم مو أنا .. جهاد حرام عليك ليه واقف معه !!! ليش
إنت كذا !!!

طالعه جهاد لفتره ولما فتح فمه بيتكلم وصله صوت يحيى عند الباب يقول: حياك يا بيه .. تفضل ..
إندهش ثائر وبسرعه رفه إيدوه ومسح بشكل عشوائي دموعه وقام بسرعه متجه لأقرب باب عنده في حين دخل
عزام ولاحظ ولد يدخل بسرعه لوحده من الغرف ..

مين ذا !!! ما لاحظته زين ..
شوي إلا جهاد عنده سلم على راسه يقول: هلا بيه كيفك !!!

عزام: الحمد لله حبيبي ..

جهاد: إعذرنى شوي ..

وبعدها راح لنفس الغرفه اللي دخلها فعقد عزام حاجبه وهمس ليحيى: وش فيه !!!

تنهد يحيى وقال: ثائر كان هنا وراح للغرفه هناك فلحقه جهاد ..

إندهش عزام وطلع بيحيى يقول: من جد ثائر هنا !!!

لف يطالع في الغرفه بعدها تنهد ودخل فبدأ يحيى يقدمهم لبعض ..

جلس جهاد جنب ثائر اللي جلس على الكنبه اللي بهالغرفه .. واضح إنها صاله داخلية تربط مجلس الرجال
بقسم الحريم ..

طالع فيه وهو ضام ركبته لصدره ودافن وجهه فيها فتنهد جهاد وقال: ثائر ..

ثائر بهمس: أبغى أقعد هنا .. إذا بتتكلم عنه فروح له وخلصي ..

جهاد: ثائر .. الموضوع مو موضوع إني بصفه ضدك .. أنا بس أطلب منك تسمع له وبعدها مهما كان رايك فيه
فما راح أحاول حتى أغيره .. أنا كل اللي أبغاه منك إنك ما تحكم على أحد قبل لا تسمع له .. أدري .. تصرفاته
معكم تدل ميه بالميه إنه ظالمكم وتاركم بدون لا يسأل أو يتظمن .. ومع هذا ... لا تحكم على أحد من تصرفاته
بس .. إسمع له .. لا تظلم أحد .. هالقاعده لازم تمشي عليها بحياتك يا ثائر .. عاملهم مثل ما تحب إنهم
يعاملوك .. لما تحكم من البدايه لواحد إنه غلطان من تصرفاته فراح يجي أحد بيوم من الأيام ويحكم عليك غلط
من تصرفاتك .. كما تدين تدان .. أبغاك ما تقع بمثل هالغلطه .. ما أبغاك تندم مستقبلاً .. بس إسمع له ولك
الخريه تتصرف التصرف اللي تبغاه .. ما أقول هالكلام لأنني بصفه .. أقولها عشانك إنت يا ثائر ..

زم ثائر على شفته وهو يهمس بصوت مرتجف: كيف أسمع له !!! كيف أوقف قدامه وهو السبب بكل اللي
يصير لنا !!! حور أكلوها الناس بإشاعتهم وهو ما كان موجود لحتي يسكتهم .. ما كان عندنا سند بسببه ..
الهنوف زواجها تحول الى علك بحلوقهم من كثر ما أكلوها بكلامهم .. أنا تعذبت وإتخطفت وصارت لي مشاكل
وماحولي أي أب يساعدي .. لو هو موجود كان عشنا أحسن عيشه .. حور ما كان أحد يسترجي يطلع عنها
كلام .. الهنوف كان يمكن حتى تزوجها واحد ملتزم بكلماته ومواعيده خوفاً من السند اللي يوقف وري ظهرها
.. كان حالنا أفضل وما سكنا بذيك الحاره ولا كان صار لي كل اللي صار !!! بسببه أمني تتعب ليل نهار حتى
تجمع لنا المصروف .. بسببه كانوا بعضهم ينادوني بولد أمك !!! بولد النقاشه .. بمسميات كثيره .. كيف
تبغاني أوقف قدامه وأسمع له !!! جهاد أنا أكرهه .. ما أقدر أسامحه .. ما أقدر حتى أفكر بهالشيء !!!

أكرهه كثير ..

حط جهاد إيدوه على ظهر ثائر يقول: حبيبي هذا إبتلاء كتبه لك رب العباد .. وربنا صدقني ما يختار إلا الخير
لعباده .. مافي مصيبه صارت إلا وأكيد وراها حكمه .. تحصل بحياتنا مشاكل ونقول ليت ما صار ولبت ما صار
!!! ربنا يختار لنا الأفضل حتى لو كان الأفضل هو مصيبه تصيب العبد .. مين يدري يمكن اللي يشوفه العبد إنه
الأفضل يكون أسوء له .. من يدري يا ثائر .. يمكن لو عاش معكم أبوي ما تكون حياتكم بالشكل هذا !!! يمكن
تتحول لمنحنى أسوأ بكثير من اللي إنتم فيه !!! ربنا يختار الأفضل لعباده ولازم تؤمن بهذا الشيء ..


ثائر: وين الخير !!! جهاد لا تضحك علي بكلامك !!! لو ما تركنا كان ما صار فينا كل اللي صار !!!

بعد مرور ساعتين ..
بصالة الحريم كانت ضحى من ساعه جالسـه معـهم وهـي لابـسـه فـسـتان هـادي تـيـفـاني اللـون وعاملـه بشـعرها
تسريحـه خـفـيفـه عـلى مـكـياج ناعـم ..
كانت إنسانـه لطـيفـه هـاديـه .. دـخـلت قـلوبـهم بـسـلاـسـه كـبـيرـه وأخـذتـهم السـوالـيف مـعـها لـدرجـة ما حـسـوا بـالوقـت ..
دـيـمـه صـاحـبـة تـرف إعـتـذرت وخلص رجعت لبيتها في حين بنان توها جاها إتصال من يحيى يقول لها إنه داخل
هو وأبوه وعمه يشوفوا العروسه ..
قامت تقول: بنات ياللا خلونا نروح للغرفه الثانيه .. أبوي ويحيى وأبو ضحى داخلين اللحين ..
إندهشت الهنوف ولفت دايركت على حور اللي ما كانت أقل دهشه منها ..
أشرت لهم بنان على الغرفه فلحقوها .. دخلت وقفلت الباب وأرسلت ليحيى إنه خلاص يدخل ..
ظلت ضحى وحدها جالسـه بتوتر كبير تفرك إيدها ببعض من شدته ..
دقائق حتى إنفتح الباب ودخل أبو ضحى وهو يدخل وراه يحيى وأبوه ..
خافت ضحى وزاد التوتر فيها وهي تسمع خطواتهم تقدم منها وهم يتكلموا كلام ما قدرت تفهمه أو تستوعبه
من شدة إرتجافها وخوفها ..
وقف أبوها جنبها يقول: حبيبتي هذا عمك .. أبو زوجك .. سلمى عليه ..
هزت راسها وهي تبلع ريقها وتقدمت من عزام وهي يا دوب تقدر تلاحظه بدون لا تحط عينها بعينه وباست
على إيده تقول: هـ هـ هـ عـمـي ..
إبتسم عزام ورفع راسها يطالعها ..
ظلت الإبتسامه على شفته لفتره بعدها حس بدموعه بعيونه ..
تزوجوا إثنين من بناته بس هذه المره الأولى اللي يحظر فيها زواج أحد من عياله ..
أول مره يحظر مرحلة إنتقال أحد عياله من مرحله لمرحله ثانيه ...!!
شعور سعادة مُختلط بشعور غريب يجتاحه ..
إبتسم يقول: يا زين من إخترت يا يحيى .. الله يكتب لكم السعاده يا رب ..
يحيى: آمين يا ييه ..
يرد على أبوه لكن عيونه ما إنشالت عن ضحى ..
من وجهها بس يقدر يستشعر كمية الحنان والطيبه اللي تحملها هالبنات ..
جميله .. ناعمه وهاديـه .. يحسها خلاص كامله ومو ناقصها شيء ..
أي سعادة هذه اللي هو فيها ...!!!
رجع يشكر ربه بداخله بدل العشر ألف ..
أشر أبوها على يحيى يقول: وهذا هو زوجك يحيى ..
قبل لا تتكلم حتى إبتسم يحيى يقول: كيفك ضحى ..؟!
هزت راسها وهي تهمس: الحمد لله ..
إبتسم أبوها وهو يطالعها بعدها لف على عزام يقول: تعال نخليهم شوي مع بعض ..
هز عزام راسه وهو يشوف ولده واقف قدام زوجته ..
إبتسم بعدها خرجوا من الصاله ..
ظل يطالعها يحيى بعدها تقدم وباسها في جبينها وهو يقول: ما شاء الله تبارك الله .. الله يحميك من كل عين
ويحفضك من كل سوء ..
مسكها من أكتافها وجلسها بهدوء .. جلس جنبها وهو يقول بإبتسامه: ضحى ما تخيلتك كذا ..؟!
إنحرجت ونزلت راسها أكثر فإبتسم يقول: سبحان الخالق .. محظوظ أنا فيك والله ..
بلعت ريقها وهمست له: شكراً ..
طالعها بتأمل بعدها قال: ضحى إنتي ... راضيه بهالزواج ..؟! موافقه عليّ كشخص أو أحد ضغط عليك أو
يعني ما وافقتي إلا عشان تخرجي من هالبيت .. ضحى أتمنى تصارحيني ..
ظلت منزله راسها لفتره بعدها رفعتـه بهدوء ولفـت عليه ..
ما قدرت تحط عينها بعينه من الحرج وهمست: هذه مرحله ... تحدد كيف بتكون حياتي الجايه .. ما بختار
بتهور وخيار الموافقه جاء بعد تفكير طويل .. وافقت عليك أكيد كشخص ..
إبتسم غصب عنه وحس الدنيا مو سايعة من الفرحة ..
مسك إيدها الصغيره بالنسبه له وحطها بين أياديـه يقول: بإذن الله حأخلي هالخيار ... أحسن خيار تختاريه بكل
حياتك الله يخلي لي كل هالجمال والطيبه .. وربـي دـخـلتـي قـلـبي مـن بـس كـلام بـنان ولـما شـفـتك اللـحـين
إبتسم وقرب منها يهمس: إستحليتي القلب لك وحدك ..

[illegible]

حور غصب عنها نزلت الدموع على خدّها وتقدّمت منه ..
وقفت قدّامه تتطلّعه بعيونها المليّانه دموع ..
هذا أبوها .. أكثر وحده تمنّت شوفته كانت هي ..
الشخص هذا هو السند اللي طول عمرها تنتظر رجوعه ..
هو اللّحين واقف قدّامها .. هو اللّحين ما تفصلهم حتى متر واحد !!
بدون مقدّمات .. مشاعرها المهتّاجه دفعت بها لأنّها تحضّنه وتبكي بصدّره ..
إندهش عزام للحضه بعدها طالعها بحزن ورفع إيده وضّمها وهو يهمس: حبيبتي حور ..
شهقت حور وهي تقول: يبه .. يبه ..
وظلت تكرر هالكلمه كذا مره وكأنّها هي وحدها كافيه لتشرح كلّ اللي بصدّرها ..
في حين طالعتهم الهنوف وهي تحس حالها بتلحق أختها في البكي ..
ما توقّعت بتتأثّر لهالدرجه لما تشوف أبوها ..
بلعت ريقها وتقدّمت منه مو عارفه كيف تكلمه أو إيّش تصلح ..
طالعها بعدها مد يده الثانيه وكأنّه يناديها لحضّنه ..
تقوسّت شفتها بعدها تقدّمت وحضّنته فضّمها بقوه وهو ساكت يسمع بألم لأنّينهم وبكاهم ..
هو .. جدّيّا جالس يوم وري يوم يندم أكثر وأكثر على أفعاله ..
في حين الهنوف وهى بين هالأحضان حسّت بأنّها خلاص لقت الحنان والسند اللّى فقدّته وما لقتّه غير عند نادر

جهاد راح بدري بعد ما أخذ حور والهنوف معه .. حتى ثائر ما قدر يشوفه ..
 سهروا لساعه عند أبو ضحى بعدها طلبت بنان يجي يسهر عندهم شوي فاستجاب لطلبها واللحين توه رجع ..
 اليوم انضغط مشاعر بشكل كبير ..
 ملكة ولده البكر ومقابلته لزوجته وأخيراً شوفته لبناته من زوجته الأولى ..
 أخذ نفس عميق بعد ما دخل القصر واتجه للدرج حتى يطلع لغرفته وينام ..
 لف لما سمع الباب يفتح فشاف أسامه توه راجع ..
 رفع صوته يقول: أسامه ..!
 لف أسامه عليه بعدها تنهد وجاء لعنده ..
 ابتسم يقول: هلا بأبو أسامه ..
 عزام بهدوء: وينك هالأيام ما تنشاف ..؟! كل ما بغيتك ما ألقاك ..؟!
 أسامه: أشغال هنا وهناك .. ليه وش بغيت ..؟!
 عزام ببرود: إنت تعرف اللي أبغاه ..
 تعجب أسامه وبصراحه مافيه حيل يفكر أو يتجادل .. جاي مسطل ويبغى ينام وبس ..
 أسامه: بختصر عليك المشوار وأقولك إني وقسم مو عارف وش تقصد ..؟!
 عزام: يعني طول هالأسبوع ما صلحت ولا شيء غلط ..!
 ضحك أسامه يقول: ههههههههههه كثير يا بيه بس أنا متأكد إن ولا وحده من هالأغلاط ممكن توصل لك
 بأي شكل من الأشكال ..
 طالعه أبوه ببرود فتنهد أسامه بملل يقول: خلاص قول وش صار وريحني ...!!
 عزام: وين أخذته ..؟!
 أسامه بملل: مين ..؟!
 عزام: مين غيره ..؟! ولدك الغير شرعي ..!
 رفع أسامه حاجبه يقول: وش فيه ذا بعد ..؟!
 عزام: أنا أسألك وين أخذته ..؟!
 عقد أسامه حاجبه يقول: عن وش تتكلم ..؟!
 عزام ببرود: لا تتظاهر بالبلاهة .. لا يكون رميته بالدار أو حتى عنده من المساجد ...!!
 ظهر الإنزعاج على وجه أسامه يقول: أنا بالمره مو فاهم عن وش تتكلم ولا أبغى أفهم فهالموضوع ما يهمني
 ...!!
 عزام بحده: قبل يومين المربيه اللي تهتم فيه ما لفته بمكانه ولما بحثت بالقصر ما لقت له أثر ...!!! يعني مين
 غيرك يكون أخذه وتخلص منه يا أستاذ أسامه ...!!!!
 إندهش أسامه من كلام أبوه ..
 الولد الصغير إختفى ..؟!
 كيف وليه ..؟!
 أمه مستحيل تكون هي اللي تخلصت منه لأنها تعاطفت معه كثير ..
 البقيه مو عارفين وش سألته فمستحيل يصلحوا شيء ..
 ظل الإندهاش على وجهه لفته بعدها ميل شفته وقال: كويس .. الحظ يحبني .. وأخيراً إفتكيت منه .. بصراحه
 أشكر اللي خلصني منه جزيل الشكر .. واللحين بيه تصبح على ألف خير ..
 وبعدها راح وعزام واقف بمكانه بهدوء تام ..
 من سمع بهالشيء وهو متأكد إن أسامه تخلص منه ..
 بس ردة فعل أسامه اللحين تأكد إنه ماله دخل ..
 أجل مين أخذه وكيف ..!!!



في صباح اليوم التالي ..
نزل من سيارته ورفع راسه يطالع في مركز الشرطة الفخم والكبير اللي زاره عشرات المرات ..
فهنا يشتغل ولد عمه اللي كل ما يشوفه يحس بالذنب اللي يحمله يتضاعف ..
تنهد ودخل وخلال دقائق كان قدام باب المكتب ..
دق فجاء صوت مشعل يقول: أدخل ..
دخل وهو يقول بإبتسامه: صباح الخير مشعل ..
طالعه مشعل بعدها قال بهدوء: صباح النور إقفل الباب وراه ..
إستغرب فراس من مود مشعل اللي مو طبيعي فقفل الباب بعدها جلس على الكرسي يقول: مشعل فيك شيء ؟!..

قفل مشعل الملفات اللي قدامه وحطها على جنب ..
شبك أيديه ببعض بعدها طالع بفراس بهدوء ..
فراس: مشعل لا جد شفيك ؟!..
أخذ مشعل نفس عميق بعدها سأل: فراس أنا تقريباً عرفت مين اللي قتل أمي ..
إنصدم فراس أولاً من هالموضوع المفاجئ وثانياً من الكلام اللي قاله ..
مشعل بهدوء: جاني واحد وعطاني فرضيه .. شخصياً رفضتها ولا إقتنعت فيها أبداً .. لكن أجبرت نفسي أتأكد
من الموضوع وبحثت بكل الأمور من جوانبها .. طبعاً الأمور هذه ماهي على الورق أبداً .. الأمور هذه عبارته
عن قطع متقطعة من ذكرياتي .. من طفولتي لحتى هذه اللحظة اللي أشوفك واقف فيها قدامي ..

غضب عنه فراس حس بتوتر كبير ..
كلامه .. خوفه .. خايف من إن مشعل يكون فعلاً عرف ..
لا ما يبغاه يعرف على الأقل مو اللحين ..
على الأقل يعرف منه هو مو من برى !!!..
فراس بشيء من الحذر: ما فهمت ..
ظل مشعل يطالعه لفتره بعدها قال: لا فراس إنت فاهمني ..
شئت فراس نظره غصب عنه لما تأكد الآن إن مشعل عرف ..
بس مُستحيل .. مافي مجال لأنه يعرف ..
ظل مشعل يطالعه لفتره بعدها قال بهدوء وبنبيره واضح العتب فيها: ليه خبيت عني ؟!..
طالعه فراس وهو يحس بخجل شديد وندم فضيع يخالجه ..
مشعل بهدوء: كم لي سنه يا فراس وأنا أحقق بهذا الموضوع وإنت بجنبي طوال هالسنوات وعارف بكمية
التعب اللي أتعبها ومع هذا ساكت ..
تردد فراس شوي بعدها قال: مشعل في...

قاطعه مشعل بنفس الهدوء: عشان كذا كنت دايم تقول لي ربح نفسك أو إنسى الموضوع وأتركه لله !!!.. ليه
؟!.. كنت تشفق علي لبحثي وري قاتل مُستحيل أشك فيه ولا لمره !!!..

سكت شوي بعدها قال بهدوء تام: شاكر لك شفقتك هذه ..
لا لا هذا هو المُنحني اللي كان يتجنبه من سنين ..
فتح فمه بيتكلم بس ما قدر ..
وش يقول ؟!.. مشعل حالياً أكيد في قرارة نفسه كارهه من كل قلبه ويحاول قد ما يقدر يظل على هدوئه ..
مو عارف .. لازم يتكلم ويقول له شيء ..

هالموقف كله مو مستعد له أبداً ..
أخذ له نفس عميق بعدها قال: مشعل ... أعتذر منك ..
إبتسم مشعل بهدوء يقول: إعتذارك ذا حل الموضوع برايك ها ؟!..
سكت فراس شوي بعدها قال: مشعل لازم تفهم .. أنا ما سكت طول هالسنين إلا
قاطعه مشعل بحدّه: لا تكذب وتقول إنه عشانني أنا ؟!.. سكوتك هذا ما جاب لي أي مصلحة أبد !!!..
رد عليه فراس بشيء من الهجوم: أبوي كان كآب لك يا مشعل فكيف

قاطعه مشعل بانفعال: بس كان قاتل لأمي بعد كل شيء ..!!!!
طالعه فراس بهدوء .. كان الغضب يملئ كل خليه بوجهه ..
هذا كان واضح من ملامحه ..
ظل ساكت لحتى يهدأ مشعل في حين عض مشعل على شفته وحط راسه على إيدته وهو يحس بآلم فضيع يمزق صدره ..
سكاكين تقطع شرايينه وتمزقه تمزيق من الداخل ..!!
فراس بهدوء وهو يطالعه: لهذا السبب ما قلت لك ..
بدأت دموع مشعل تنزل غصب عنه وفراس يكمل بنفس الهدوء: لهذا السبب ما كنت أبغاك تعرف فأبوي كان بديل لعيلتك .. لأمك وأبوك ورباك وإهتم فيك أكثر مني أنا .. بالنسبة لك هو النور والحياة في طفولتك فكيف أقولك إنه هو اللي قتل أمك ..!!؟ ما قدرت .. كل شوي أجّل وكل ما أجّلت زادت الصعوبة في إنني أعترف لك بهالشيء ..! هالضعف اللي إنت فيه هو اللي كان يمنعني طوال السنوات اللي راحت .. مشعل والله العظيم إنه إنت الشيء الوحيد اللي شلت همه وخلاني ساكت طوال هالفترة وظلّيت أقنعك حتى إنك تنسى موضوع قاتل أمك حتى ترتاح بحياتك بس رفضك كان يتعبني كثير .. لأنك كل ما ترفض يزداد الندم فيني وأبدأ أتخوف من اللحضة اللي بأضطر فيها أعلمك عن اللي صار .. مشعل أ....
مشعل بهمس وهدوء: فراس ..
طالعه فراس شوي بعدها قال: نعم ..
ظل مشعل ساكت لفته بعدها قال بهدوء من دون لا يرفع راسه ويطالعه: ليه قتلها وكيف إنت تعرف ..
أبغاك توضح لي هالأشياء اللحين ..

ولهنّا ننهي البارت الما قبل الأخير من رواية شظايا ..
كثير أمور صارت بهالبارت والبارت الجاي حتصير أمور مضاعفه وأشياء غير متوقعة ..
بإذن الله يكون بارت مليء بالحوادث اللي راح نشهد فيها نهاية شظاياتنا ..
يا تكون نهاية سعيدة أو تعيسة ..
الشيء المؤكد إن النهايات مستحيل تكون متشابهة ..
البارت الجاي بياخذ لي وقت طويل بكاتبته لأن حجمه بيكون ضعف حجم هالبارت ..
فيمكن أخذ أسبوع .. خلال يومين بأعطيك الموعد النهائي لنزوله لما أستطلع وضعي ووضع الأحداث ..
أشوفكم في آخر لقاء لي معكم في هالرواية ..

..X || part end || X..

..X || البارت السادس والستون || X..

وحيد .. عمته هي كل حياته ..
عمه مُعاقه لا تقدر تأخذ وتعطي معاه بالكلام ولا تساعد كُله ما إحتاجه لمُساعدته ..
من صغره .. إعتد على نفسه ..
كبر .. وقرر يتزوج بوحده ... يضمها لعيالته الصغيره وتلبي له الأشياء اللي إحتاجها بحياته ..
حينها كانت المره الأولى اللي يحس فيها بالراحه التامه ..
إعتد على زوجته بكل شيء يخص عمته ..
ما صار يضطر كل يوم يهتم فيها ويلبي إحتياجاتها كإطعامها الأكل أو أخذها لدورة المياه كُله ما إحتاجت وتغيير مستلزماتها كُله ما إحتاجت ..
الراحه هذه كانت نوع جديد من حياته ما جربه ..
بدأ يأخذ راحته في الروحه والجيه ما بين أصحاب وصار حتى ينام عندهم بالإستراحات والسفرات ..

هالحياء والمرح مع الأصدقاء كان يتمناه بس كان يختار الاهتمام بعمته على هالأشياء ..
ما حس أبداً بالضغوط الكبيره اللي عطاها لزوجته الجديده ..
عروس جديده بدل لا تستمتع بالسفر والإهتمام والخُب لقت نفسها مسؤوله بشكل كامل على وحده مُعاقه ..
زوجها كان يلاطفها بالأيام الأولى لكن فجأه بدأ شوي شوي يبعد عنها ..
يتأخر ويسهر ويسافر ونادر ما يجلس معها هذا وهي وافقت تتزوجته رغم عن أهلها ..
لو فكرت تتشكى لهم ما بتلقى الرد اللي يرضيها ..
كرهت حياتها .. حسست حالها خدامه مو زوجه !!!..
نفسيتها كُل مالها تقلب وتقلب ..
لسى هي صغيره بالعُمر وتفكيرها لسى ما هو عاقل حتى تصبر ..
في عز ضيققتها كنت دايم تصير مشاكل بسبب عمته هذه ..
تكسر لها مزهريات !!! تعفس لها الأثاث !!! وغير كذا تعدم نفسها بالقذاره !!..
هالحرمة ... كانت الوحيده اللي تطلع كُل كبتها فيها ..
ما تقدر تسيطر على أعصابها ودوم تنفجر في وجهها ..
مخنوقه ولا حولها أحد ..
جت الخدامه الجديده فصارت دوم تخلّيها هي تهتم بهالعمه !!!..
ومع هذا الخدامه طلعت غيبه بشكل وغير كذا حضرتها كانت تتقرف وما تحب بنفسها تدخل العمه للحمام ..
زادت المشاكل بينها وبين زوجها .. دووم تتشكى ..
لا ... مو هذه الحياه اللي تخيلتها لما وافقت على الزواج ..
مو هذه الحياه اللي المفروض تعيشها ..
هذا عقاب .. تزوجها عشان بس تخدمه هو وعمته ..
كبرت المشاكل يوم عن يوم ونفسيتها كُل مالها تصير في دمار تام !!!..
وتدمرت أضعاف لما سمعت بزواجه من الإندونيسيه هذه !!..
بعدها إختفى هو وهالزوجه وعمته وصار نادر يجيها !!..
حتى لو جاء تكون نفسيتها معها شوي زفت ..
وهي بسبب نفسيتها اللي تدمرت يوم بعد يوم صار صعب عليها تتحكم في أعصابها وعشان كذا كُل ما جاء كان
يشوف بوجهه النكد والهّم والمشاكل فعشان كذا صار يقلل من حياته ..
يمكن هذا هو السبب ويمكن لأنه بنفسه قد شاف معاملتها القاسيه لعمته المريضة ..
حتى إنه ركب كاميرا بس عشان يقاضيه على هالمُعامله ..
كُل شيء إلا عمته .. هنا فيه خط أحمر عريض يخليه يقلب شيطان ضد كُل من يسيء لها ..
إنشغل وقتها بجية أول فرحه له بالدنيا .. بولده يحيى وشوي شوي نسي موضوع معامله زوجته الأولى لعمته

ويمكن بردت السالفه فعشان كذا قرر يحتفظ فيها لبعدين ..
لكن ... فتح بيتين بالنسبه له كثير .. وبدأت حالته الماديه تنزل عالقاع ..
لها حتى إقترح عليه واحد من أصحابه يشوف له وحده شبعانه فلوس ويتزوجها ..
وهذا اللي صار ..
وتمر السنوات .. زوجته الإندونيسيه كثرت طلباتها للسفر وهو يرفض لأنه يبيها تظل تهتم بعمته ..
لكن هي من كُل هالضغط شافت هالعمه جبل كبير بوجهها وحمل ثقيل ..
فما كان قدامها غيرها تفرغ فيها كبتها وقهرها ..
واللي صار مع الزوجه الأولى تكرر مع الثانيه ..
وكمان تكرر في الثالثه ..
والرابعه .. كانت الوحيده اللي قدامه وأمنها على عمته وهو ...
متأكد إنها بتكون مثل اللي قبلها ..
كذا هم الحريم .. أنانيات حقودات وقاسيات بشكل كبير ..
يكرههم ويحقد عليهم لدرجة الرغبه في تحطيمهم بشكل مؤذي ومُنتالي ..
بس النتيجة صدمته ..
هي الوحيده اللي كانت غير ..
وحسسته إن الحريم مو مثل بعض .. وإنها الوحيده المُميزه فقط !!..
بس ماتت بع أسبوع واحد فقط من إعلانة لزوجاته بحقيقه زواجه منها ..
مافي أي شك .. وحده منهم أكيد سوتها ..
اللي بقلبها قسوه تآذي مُقعده مُسالمة مالها علاقه فيها

طبيعي تقتل وحده بريئه شاركتها بزواجها !!
وبدون مقدمات مر عليهم كلهم ووجه أصابع الإتهام ناحيتهم بعدها إختفى ..
الثالثة كانت الوحيد الذي كان يزورها رغماً عن إرادته ..
الفلوس وحدها التي أجبرته ..
سافر مكسور القلب ..
زوجته حبيبته الفريده بهالعالم ماتت ..
وعمتها غادرت العالم كمان ..
وكل الأشرطة والتسجيلات التي من بعد موت جواهر قرر يقاضي زوجاته فيها إختفت ..
ولا لقي فرصة ينتقم منهم غير بتركهم كذا ..
بدون لا سند ولا حتى سؤال !!!
زجاج وكسره بعنف متجاهل حقيقة إن هالزجاج ..
راح يخلف الكثير من الشظايا التي هو مسؤول تماماً عنها ..
شظايا مُشنته بزوايا مختلفه والتي لازم تتجمع لتعيد الزجاج لحالته السابقة ..
والا إلتقطتهم الحياه ورمتهم بحاوية الضياع ..

× • البارت الأخير • ×

صمت رهيب حل على المكان من بعد سؤاله ..
هو نظراته قمه بالهدوء ينتظر الإجابة والثاني يطالعه بتردد كبير وذنب يغرقه بشكل أكبر ..
على الرغم من هذه النظرات الهاديه التي يشوفها فهو أكيد يحمل بداخله كميات ألم تناقض ملامحه الخارجيه ..
يعلمه ..؟!
لازم .. ما عنده خيار غير كذا ..
بس .. هو ما كان مُستعد ... ولا ضن إنه بيوم من الأيام راح يكون مستعد ..
كان عايش على التهرب والتأجيل المجهول له نهايته ..
كل ما قعد معاه أكثر وكل ما تأجل الموضوع أكثر يزداد صعوبة ..
واللحين ... حس بالندم .. لو قال له من وقت ما عرف لكان الموقف أسهل بكثير ..
الموقف اللحين صعب ... والله صعب !!

أخذ له نفس عميق فصمت مشعل اللحين يأكد بأنه مافي مهرب وإنه ينتظره يتكلم ..
طالعه وبدأ بدون مقدمات: عمي والتي هو أبوك كان الأخ الأصغر لأبوي .. عمي كان يشتغل بإحدى المصانع ..
هناك إنتشرت إشاعه ضد أحد العاملين .. عن إنه تاجر حشيش وممنوعات .. على حسب كلام أبوي فعمي ما
صدق هالخبر لأنه يعرف الرجال كثير .. الرجال كان بأواسط الأربعينات وتعبان بالقلب .. الشرطه داهموا بيته
وفتشوه .. خبره نزل بالجرايد والكل حكى عنه بالسوء ... الرجال ما تحمل ومرض بقلبه ومات من نفس الليله
.. زوجته يقولوا إرتفع عندها الضغط والسكر وماتت بعده بفترة قصيره .. مات قبل لا يقدر يثبت برانته وضلت
هالفضيحه تلاحق عياله كمان .. عياله كانوا بنت وولد .. البنت هي أمك والولد هو جواد ..
ضاققت عيون مشعل فقال فراس: والصحفي التي كتب هالمقاله الكاذبه عن الأب هو نفس حميدان ..
إنصدم مشعل من كلامه فطالعه فراس وقال: فعشان كذا أضن بأن روحه جواد وحسام بلبلة صفقة حميدان لها
علاقه بالانتقام .. لو سألت حسام فأكيد راح يقولك ..
عض مشعل على شفته وهو موضوع هالخبر الصحفي ما كان يعرفه بشكل مُفصل .. يعرف إن جده وجدته
توفوا بسبب خبر كاذب بس مالمقى أي تفاصيل تفيده ولا أحد يجاوب على أسئلته بما إن عمه عبد العزيز مات
بدري ..

لكن ... الأمور بدت تتوضح .. عرف اللحين ليش حسام وجواد كانوا موجودين بلبلة مقتل حميدان ..
ذاك الواطي ..!!!!

كمل فراس يقول: عمي كان لسي موضوع جدك شاغل تفكيره .. يعرف إنه بريء بس مات قبل لا أحد يعرف إن
كان بريء ولا لا وتسكرت قضيته .. الأشاعات ظهرت وكبرت وسمع من العاملين بالمصنع إن له بنت وولد
واللحين يعيشوا لوحدهم .. إنكسر خاطره عليهم فراس كفضول يشوف كيف عايشين .. حالتهم الماديه كانت

صعبه وكلام أهل حبيهم عنهم كان قاسي .. شاف وقتها جواد يتشابك مع بعض الصايغين ففرق بينهم وتكلم مع جواد شوي .. كسر خاطره أكثر ودخل لقلبه مرت أيام وأسابيع بعدها فاجئ أهله بأنه يبغى يتزوج .. واللي يبغى يتزوجها هي جواهر .. لما عرف جدي وأبوي عن حماية جواهر رفضوا هذا الزواج رفض تام .. ما كانوا يبغوه يتزوج وحده عيلتها عليها هالنوع من التهم بس هو أصر .. ركب راسه وخالف أهله وتزوجها فعلاً .. جدي بعد فتره بدأ يتقبل الأمر بس أبوي لا وخصوصاً إنه بنفسه كان يسمع كلام الناس عن أخوه وزوجته وهذا يضايقه مره بعد مره ..

سكت لفتره بعدها كملت: حاول أبوي معاه كثير .. بس عمي ركب راسه ولا سمع له .. وبيوم عزم أبوي عمي عالعذاء بس عمي وقتها إعتذر وقال بأنه رايح مع ولده -واللي هو إنت- لوحده من المجمععات يجيبوا الفستان حق زوجته والمكان بعيد وما بيمديه .. في ذاك اليوم صار الحادث وتوفي عمي الله يرحمه ويغفر له .. همس مشعل بينه وبين نفسه: الله يرحمه ..

فراس بهدوء: مرت أيام واتصل أبوي مره ثانيه عليه بس ما لقي رد وب نفس اليوم إتصل مره ثانيه وبرضوا الجوال مغلق .. بدا يقلق وراح للحي اللي يعرف إنه موجود فيه بس ما كان يعرف حتى مكان البيت .. مر يوم إثنين والقلق ما راح وبشكل دائم يتصل وبلغ الشرطه و و حتى في النهايه توصل الى سيارته وخبر إن الحادث قضى على كل الطرفين .. تعرّف وقتها على جُثّة عمي وبكذا عرفوا هويته وقدرت الشرطه توصل الخبر لزوجته .. أبوي بعدها يكلم يوم عرف إنك حي فصدمة بموت أخوه خلته ينسى موضوعك لفتره .. خرّجك وبدأ يعتني فيك وهو كُله كره وحقد لزوجة أخوه .. حظ لوم موته عليها فالشرطه حددت له يوم الوفاة وهاليوم يوافق اليوم اللي إتصل فيه يعزمه على الغداء .. كرهها ولازال يشوفها السبب في موته .. كان يقول المفروض هي اللي تموت مو هو .. كانت تراوده أفكار جنونيه بس ماسك نفسه واللي جننه أكثر إنه للحين ما لقي إتصال من الشرطه يبلغونه إن والدته الطفل تدور عليه .. ما سألت عليك ولا لمره وهذا اللي خلاه يجن جنونه .. مرت أيام وأسابيع وحتى سنوات لحتى بالصدفه قابل جواد واللي عرف فوراً إن أسمه يطابق إسم زوجة أخوه فسأله عنها ولك إن تتخيل صدمته لما عرف إنها بعد ما تسببت بموت أخوه وتخليها عن ولدها تتزوج مره ثانيه وتجبب كمان بنت وولد من زوجها !!! حتى عمر البنت يقول إنها ما قعدت سنه وحده من بعد موت زوجها !!! صمت لفتره بعدها كمل بصوت خافت: بحث عنها مثل المجنون لحتى لقيها ودخل معها بنقاش حاد أدى لفقدانه أعصابه وخنقه لها حتى الموت ..

وبعدها .. وقف يطالع في ردة فعل مشعل اللي كانت قمه في الهدوء .. بعدها تكى مشعل براسه على إيداه يطالع في الملف اللى قدامه بسرحان تام بعدها همس: ما قال لي عن أي شيء يخص علاقة أمي بأبوي ... قال بس إن أبوك تزوج أمك بدافع الشفقة بعد إشاعه نزلت مستواهم للحضيض .. هذا بس اللي قاله لي ..

فراس: كنت صغير فطبيعي ما يعطيك تفاصيل .. سكت شوي بعدها قال بهدوء: لكن ربي جازه .. أبوي رحمة الله عليه مات بعد معاناه من ورم سرطاني .. قبل لحضاته الأخيره حكى لي كل شيء وكرر لي إنه نادم .. وطلب مني إني كمان أظل ساكت ولا أعلم أحد وتظل القصة مدفونه للأبد .. يقول إنك كنت بحسبة ولده الكبير ... وإنه ما يبغاك تعرف إنه اللي قتل أمك .. ما يبغاك تكرهه بعد ما صار لك الأب والعيله .. سألني بالله إني ما أقول لأحد أي شيء .. سمعت له وسكت .. بس بعد ما شفتك عرفت عن موت أمك ودخلت قانون عشانها بديت أحس بالذنب .. ما بين أمشي على وصية أبوي وأسكت على الرغم من الخطأ والجُرم الكبير اللي ارتكبه أبوي وما بين أقولك وأتحمل ردة فعلك اللي ما بتكون عاديه .. ترددي طال .. وإذا طالت مثل هالمواضيع تزداد صعوبة .. لحتى وصلنا لهاليوم إعذرني مشعل .. أعرف إن الإعتذار ما بيحل شيء .. سكوتي بحد ذاته جرم كبير ما يقل عن اللي سواه أبوي .. طالع بمشعل لفتره بعدها قال: أتفهمك وصدقني مهما كان اللي بتقوله فما راح آخذ بخاطري منه .. أعتذر لسكوتي طول هالفتره وما أطلب منك تسامحي قد ما أطلب إنك بس تتفهمني .. هذا أبوي ووصاني ... آخذ جزاه بالكامل من مُعانة مرضه قبل لا يموت وضنيت الموضوع إنتهى عند هالحد ولا توقعت إنك راح تفكر تبحث خلف أمك أكثر .. ذاك الوقت اللي عرفت فيه الحقيقه كنت لسي طالب بالثانويه لك إنك تتخيل الضغط الرهيب اللي مريت فيه بعمرى ذاك .. والضغط هذا زاد لحد هاليوم ... سنين كتار مرت يا مشعل .. أتمنى تتفهمني ..

مشعل بهمس دون ما يرفع راسه له: لو خبرتني وقتها ما كنت راح تستمر بهالضغط !! ولا أنا كنت راح أستمر بقضيه مجرمها مات من سنوات !!

فراس بهدوء: أعتذر هذا .. كان أبوي .. مشعل هذا ...

قاطعه مشعل بحده: وكان مثل أبوي كمان !!!..

طالعه فراس شوي بعدها قال: وعشان كذا ترددت ... يكفي يكون ضني أنا خايب فيه ... ما كنت أبغى ضنك كمان يخيب .. تمنيت يكون الأب المثالي في عيون شخص واحد على الأقل .. آسف يا مشعل .. تصرفت بأنانيه وجُبن ..

طالعه جهاد وما عرف وش يقول .. حس إن كِرار عنده شيء يقوله بس يمكن يكون كِرار لف عشان يسمع له

فجأه توتر ولا لقي براسه شيء يقوله ..

عقد حاجبه لما لف كِرار وجهه وطالع لقدام بهدوء فابتسم جهاد غصب عنه يقول: كِرار والله إنت إنسان مو عادي .. ياخي من حركه وحده تسبب التوتر للي حولك .. حتى أنا توتر وحسيت حالي مفهي وغبي ..

تكلم كِرار يقول بصوته الهادي: جهاد ..
إندهش جهاد ... معقوله كِرار بيتكلم معه ..؟!
مو دايماً يسففه ولا يعطيه وجه ..
وأخيراً ..!!!!

لا لا هالحركة قد صارت قبل ...
إيه يوم أهانه أسامه ولما دافع عنه تكلم وطلب منه ما يتدخل باللي ما يخصه ..!
ذاك اليوم ما ينساه أبد ..

كانت أول مره كِرار يتخاطب معه ... والخطاب كان فيه كمية قسوه ..!
إنفتح الباب في هالوقت وجاهم صوت مُستفز يقول: أووووه أخواني التّوأم مع بعض ..؟! صدقه سعيده والله ..
لف جهاد على وري وطالع بأسامه وهو يتقدم لهم فقال له: ما توقعت تجي تزوره بعد كلامك ذاك ..
إبتسم أسامه وطالع بكِرار يقول: وليه ما أجي أزوره وهو أخوي الصغير .. كنت وقتها أمزح معك ..
إنزعج جهاد .. هالشخص عايش حياتها على الإستفزاز والهبل ويتكلم بشكل طبيعي وهو في الحقيقه يستفزهم
!!!..

تكي أسامه على حافة السرير الخشبيه قدام كِرار وهو يقول بإبتسامه: كيف أخوي الصغير اللي دخل المُستشفى
من هوشة بزران شوارع ..؟! عسى بس الكدمات خفت ..؟!
طالعه كِرار بهدوء فقال جهاد: أسامه إنت ...
قاطعه أسامه يقول بنفس الإبتسامه: سألت كِرار يا حبيبي ..
لف جهاد وجهه وقرر يسكت مع إن الموضوع يزعجه ..
بس ... ما عاد يبغى يتدخل بينهم حتى لا يتكرر ذاك الموقف مره ثانيه ..
أسامه: ما قالوا لك متى بتطلع من المُستشفى ..؟! لك فتره طويله هنا .. شوي وتكمل نص شهر ..
كمل بعدها: وكمان وش حكاية هوشتك مع أصيل .. سمعت حلا تسأل أنجي والثانيه تطنشها فما فهمت ..
عقد جهاد حاجبه وطالع بكِرار ..

هوشه ..؟! ومين أصيل هذا ..؟! يحس قد سمع إسمه ..
تذكر إن عنده ولد خال إسمه أصيل فلف على كِرار يقول: تهاوشتم ..؟! ليه ..؟!
إبتسم أسامه يقول لكِرار: تبغاني أضمن السبب ..؟!
طالع جهاد في أسامه في حين كان كِرار يناظره بهدوء كالعاده فظل سامه يطالعه بإبتسامه حتى همس: مُعاذ
صح ..؟!
إتسعت عيون كِرار من الصدمه فكمل أسامه بشيء من الإنتصار: واهه يعني وأخيراً أصيل عرف ...!! أنا منبهر


من كمية غبائه اللي خلته يتأخر كذا !!!
ما فهم جهاد عليه .. بس حس إن الموضوع شوي مو عادي وخصوصاً إن كِرار اللي نادر تظهر إنفعالاته
إنصدم ..

إبتسم أسامه يقول: خساره يا كِرار .. ليتني سمعت لنصيحة جهاد وجيت ذاك اليوم .. شكل الوضع وقتها كان
مُمتع ..

تنهد وكمل: واللحين .. وش ناوي تسوي ..؟!
عقد حاجبه بعدها كمل بتفاجؤ: لا ... لا يكون هو اللي أرسل لك الشباب حتى يضربوك كذا ..؟! واهه هذا هو
التوقع الوحيد لأنني ما قد سمعت إنك إنضربت بدون سبب .. واهه هذا هو إنتقام أصيل !! جداً صغير توقعت
يعني إنتقام أكثر بشاعه من كذا ..
إبتسم وكمل: أو يمكن قرر بس يعطيك درس وبعدها يبلغ عنك الشرطه .. واهه ولد الخال قانوني ..
وقف جهاد يقول لأسامه بعدم تصديق: شتقصد بكلامك ..؟! أصيل هذا هو اللي أرسل الشباب لكِرار ...!!! ليه ..؟!
وايش اللي خلاك تتوقعك هذا ..؟!
رفع أسامه حاجبه وطالع في جهاد يقول: مو كائنك ماخذ الموضوع بجديه أكثر من اللازم ..؟!
جهاد بحده: أسامه جاوبني ...!!! ولد خالي أصيل هذا هو اللي أرسل الشباب لكِرار ...!!! طيب ليه ..؟! فيه سبب
عشان تشك فيه ..؟! أبغى أفهم ..!

كِرار بهدوء: لا تتدخل ..
طالع جهاد في كِرار بصدمه بعدها شد على أسنانه وقال بحده: ما كلمتك !!!

لف على أسامه وكمل: جاوبني أسامه ..
رفع كِرار عيونه لجهاد وهالمره قال بحده: قلت لا تتدخل !!!
تجاهله جهاد وطالع في أسامه اللي كان رافع حاجبه وهو يطالعهم ..
وااه جهاد هذا إنسان مو طبيعي ..
فار دمه بس عشان هوشة أطفال !!
إبتسم وقال: روح أسأله ..
طالع كِرار في أسامه بصدمه في حين شد جهاد على أسنانه بعدها لف وإتجه للباب بدون مُقدمات ..
نزل كِرار من فوق السرير وقبل لا يطلع جهاد من الباب شده من إيداه يقول بحده: ما تفهم !!! مشاكلي ما أبغى
أحد يتدخل فيها !!! إطلع منها ..
طالع جهاد فيه وفي إنفعاله اللي فاجنه ..
من حقه ... رغم إن هالتصرف مُفاجئ لأن كِرار الهادي دوم يسويها لكن من حقه يعصب لما أحد يحاول يتدخل
بمشاكل أحد ..
هو لو الموضوع ماهو موضوع إعتداء كان سمع له وما تدخل في خصوصياته ..
بس لا ... هالمره ما بيسمع له ..
كرار شخص منطوي وعارف إنه راح يترك الموضوع كذا بدون لا يحاول يحله حتى ..
لا .. اللي صلحوا فيه كذا وآدوا نفسيته وكرامته قبل لا يآدوا جسده لازم يتعاقبوا !!!
لازم ياخذوا جزائهم بالكامل مهما كان !!
ما يبغى أخوه يظل يعيش حياته وهو كل يوم يتذكر هاللطخة الفضيعة اللي مر فيها ..
لازم يتعاقبوا حتى هو ينسى ويبدأ من جديد ..
سحب يده وهو يقول لكرار: لا .. حاسأعدك تنتقم منهم .. اللي مثلهم المفروض ما يعيشوا ..
لف وخرج وكِرار واقف في مكانه في حين ضحك أسامه غصب عنه يقول: هالجهاد تحفه !!! جد ماخذ
الموضوع بجديه مُضحكه ..
إبتسم وكمل: بس روحته لأصيل تعني إن جريمة قتلك لمُعَاذ راح توضح له .. وااه جهاد المعروف بحبه للعدالة
واللي يكره الغلط ويستحقه يا ترى وش بتكون ردة فعله تجاهك ..؟! متحمس أشوف ..
شوي لف عليه كِرار وتقدم له ..
وبشكل مُفاجئ مسكه من ياقة ملابسه وطالعه بنظرات ترتعش وخايفه وبنفس الوقت حاqqه ..
إختفت إبتسامة أسامه وطالعه ببرود بعدها قال بهدوء: إنت مو بعقلك .. شيل إيدك ..
بدأ كِرار يشد على يافته بشكل أكبر ولا هو قادر ينطق بكلمه وحده ..
شوي قال أسامه: لهالدرجه ما تبغى جهاد يعرف ..؟!
إبتسم وكمل: لهالدرجه ما تبغاه يستحقرك ويكرهك ..؟! هذا شيء جديد علي .. من متى وإنت تهتم بحب الناس
لك ..؟!
مسكه من معصمه وبعد إيداه بقوه وهو يهمس بنبره حاده: الشخصيه هذه ما تناسبك !! إرجع مثل ما كنت ..
نزل كِرار إيداه الثانيه بعدها جلس على السرير بهدوء ..
ضغط الزر اللي على جانب السرير في حين ظل أسامه يطالعه لفته بعدها قال: فعلاً جهاد هذا إنسان مُزعج ..
من جاء والكل شوي شوي بدأوا يهتموا بموضوعك .. حلا وأنجي ..
شد على أسنانه بحقد وكمل: يُفضل تحاول ترجع مكروه مثل قبل ..
شوي دخلت مُمرضه للغرفه فعقد أسامه حاجبه وطالعه فجت المُمرضه عند كِرار تقول: ايس فيه ..؟!
كرار بهمس: طلعيه ..
إتسعت عيون أسامه من الغضب في حين لفت المُمرضه على أسامه تقول: لازم يطلع .. هذا مريض ..
عصب أسامه من هالتصرف فتقدم منه وشد قميصه من عند كتفه وهو يقول: كِرار إنت
مسكته المُمرضه بسرعه وهي تقول: لا لا لازم يطلع بسرعه !!! اترك مريض ولا يجي امن !!
أسامه بحقد: تصرفاتك هذه لازم تعدلها يا كِرار ولا قسم بالله أعدلها لك
وبدأ يهدد في حين المُمرضه تحاول تبعدوه وهي تدق الجرس كذا مره ..
دخلوا عدت ممرضين فبعدوه عن كِرار اللي ظل على نفس جلسته يطالع الأرض بهدوء ..
سحب أسامه نفسه منهم وطالع بكرار بشوية حقد بعدها لف وطلع من نفسه ..
حط كِرار راسه بين إيديه وهو مو قادر يتخيل وش مُمكن يصير بعدين ..
خلاص ... اللي صار له مو شوي ويبغى ينتهي كل شيء بهدوء ..
بس ... لو عرف جهاد ...
لو عرف



بعد الغداء ..

جالس بهدوء على الكنبة وسرحان في حين زوجته جالسه جنبه تطالعه ..
رجعت تكرر سؤالها تقول: اكيد إنت تعرف اللي صار !! وش هي حكايته ..؟! وش معنى هالكلام اللي قاله
لكرار بالمُستشفى ..؟! كِرار قتل أعز أصدقاء أصيل ..؟! هالكلام صح ولا خرابيط خربطها ولدك ..؟!
ما رد عليها فقالت بقلق: أبغى أعرف .. جاوبني ..

تنهدت لما شافته ما يرد عليها ..

شايله هم وبقوه .. ذاك اليوم تصرف أصيل وكأنه الغلطان ...

وفي نفس للوقت كلامه يعني إن كِرار الغلطان !!

واللي مجننها تحس الموضوع كأنه غلط أصيل مو كِرار مع إنه واضح إن كِرار هو الغلطان ..

الوضع مُشربك ومو قادره تفهمه ...!!

وزوجها من ذاك اليوم يتجنب يتكلم عن هالموضوع ويشغل إتصالات بأصيل اللي مطنش ولا يرد ..

حطت راسها بين إيديها وهي تهمس: يا رب رحمتك ..

شوي لفت عليه تقول: طيب بس جاوبني على هالسؤال .. أصيل بكلامه كان يقصد حادثة موت مُعاذ صحيح
..؟! كان يقصد إن كِرار هو اللي قتله صح ..؟! ..

كمان ما رد ..

قامت تقول له بشيء من الحده: ياخي ما تحس إنت وتعرف شقد أنا قلقانه وتريحني ..؟! الجواب ما بينقص
منك أي شيء ..

طالعه لفتره ولما ما رد لفت وراحت عنه وهي بقمة قلقها وخوفها وشكوكها ..

في حين ظل أبو أصيل على وضعه لفتره يفكر حتى قاطع سرحانه صوت هامس يقول: أبغى ... أتكلم معك ..

رفع راسه يطالع ببنته اللي كانت واقفه قدامه بهدوء ..

طالعه لفتره بعدها هز راسه فتقدمت وجلست جنبه على الكنبة ..

لف يطالعه يشوف وش عندها فقدمت له ورقه ..

إستغرب وأخذ الورقة منها يطالع باللي فيها بعدها طالع فيها يقول: وش هذا ..؟! ..

يارا بهدوء: ردة فعلك للي صار بالمُستشفى كانت هاديه .. إنت تعرف اللي صلحه أصيل صح ..؟! ..

ما رد عليها فتأكدت شكوكها وإنه فعلاً صار يعرف كل شيء تقريباً ..

ظلت تطالعه لفتره بعدها أشاحت بنظرها عنه وهي تقول بصوتها الهادي: اللي مكتوبه أسمانهم هنا هم ثلاثه

من أصحاب أصيل .. بنسبة ٩٠٪ أشك بأنهم اللي أرسلهم أصيل لكِرار ..

ضافت عيونه في حين كملت بهمس: بلغ عنهم ..

لفت عليه لما ما سمعت رد فبلعت ريقها وقالت: لازم تبلغ عنهم .. وعن أصيل .. هو أخوي وأبغى أحبه مثل

زمان .. لما يتعاقب يمكن يرجع أصيل اللي كنت أحبه ..


الآب بهدوء: ما عندك مانع أخوك يتعاقب في الشرطه ..؟! ..

شدت على أسنانها بعدها غصب عنها إنفعلت تقول: الموضوع يربكني لأنه أخوي بس كِرار شذنبه ...!!! ليه هو

اللي يتعذب لأنه بس قتل بالغلط شخص المفروض يموت ...!!! أخوي لازم يوقف قذارته اللي عذبتني لسنين ...!!!

الله يخليك بلغ عنه وعن جماعته هذه .. وقفه لهنا خلاص ..

ظل يطالعها لفتته فبدأ إنفعالها يختفي وهي تهمس: أعتذر ..
تنهد ومثل ما كان يتوقع .. بنته تعرف كل شيء عن ولده ..
قامت يارا بهدوء وخرجت فغمض الأب عيونه وإسترخى بجلسه ..
يتعبه موضوع معرفة بنته بتصرفات ولده القذرة ..
وتتعبه الحادثه اللي صارت لكرار من وري ولده ..
بس متردد ..
لو وصل هالشيء للشرطه فأولاً ولده وضعه راح يكون سيء بشكل وبينتشر موضوعه بين الكل .. السمع
مهمه كثير لأي تاجر ..
ثانياً هالشيء راح يفتح موضوع موت معاذ اللي حاول ما يفتحه عشان بس ولد أخته كِرار اللي أكيد ما قتله إلا
كغظه أو يمكن لأسباب ثانيه هو متأكد إن معاذ هو الغلطان فيها ..
البلاغ راح يفتح لهم مشاكل بتضر كل الطرفين ..
وده ينتهي الموضوع بهدوء بينهم بس كاسر ظهره الشيء اللي صار لكرار ..
الإعتداء شيء مو سهل .. كان شاك بس تأكد لما سأل الدكتور آخر مره ..
موضوع مثل كذا يحس وقاحه لو حاول ينهي بهدوء ..
هالشيء هو الشيء الوحيد اللي كاسر له ظهره ..
فـ مو عارف ..
رجع يطالع بأسماء الثلاث أشخاص اللي كتبتهم بنته في الورقه بعدها قفلها وحطها بداخل مزهرية ورد صناعي
كانت عالطاوله اللي قدامه ..
مهما كان الوضع صعب فهو لا يُحبذ وصول الموضوع للشرطه ..



الساعه ١٢ الظهر ..
وبالمُستشفى ..

مشيت بهدوء بالممر وهي تقرأ تقرير أحد المرضى حتى وقفت لما إعرض طريقها أحد ..
رفعت راسها فتنهدت لما شافته الدكتور ثامر ..
إبتسم يقول: مساء الخير بنان ..
مشيت تقول وهي تطالع بالتقرير: كم مره قلت لا تسقط الألقاب ..؟!
مشي معها يقول: بس لي فتره أناديك كذا ولا سمعتك تقولي شيء ..
بنان: وقتها كنا نتكلم بموضوع ما يسمح إني أعطي فيه تعليقات جانبيه فكنت أمشيها بمزاجي ..
د.ثامر: اها فهمت عليك ..
شوي إبتسم يقول: بنان سمعتي شصار بوليد ..؟!
وقفت ولفت عليه تقول بشيء من الإنزعاج: مو قلت لك قبل شوي لا تسق..
قطعت كلامها تكمل بدهشه: الدكتور وليد ..؟! ليه وش صار على موضوعه ..؟! صار شيء جديد ..؟!
وقف يقول بإبتسامه: وإيش اللي توقعته ..؟!
أشر بأصبعه على وري يكمل: قبل شوي سمعت الخبر .. وليد إنفتحت جميع أوراقه المخفيه وطلعت كل جرائمه
للعلن .. وحالياً بدأوا يحققوا في جرائمه ويحصوها ويحاولوا يعرفوا الأطراف المتعاونه معاه .. طلع له صلات
خارج المملكه كمان .. خلاص إعتبري إن حياته كدكتور إنتهت .. هذا إذا ما كانت حياته بأكملها بتنهي كمان ..

الساعة ٢ الظهر ..

كانوا كُلهم على سَفرة الغداء يتغدوا والجو هادي جداً بينهم ..
طيف سرحانه تفكر بكلام أنجي هذا الصباح .. الأم فيه موضوع شاغل بالها ومُتردده تخبر عيالها عنه ..
ثائر سرحان بمشكلة صارت اليوم بالمدرسه ويفكر كيف يرد الصاع صاعين بُكره بينما حور تفكر بأبوها
وينفس الوقت بأُمها اللي للحين ماهي مُتقبله عزام بعد ما تركها كذا ..
أمنيتهما يرجعوا عيله وحده مع بعض بس شكل أُمها ما بترضى بهالشيء ..
بينما الهنوف سرحانه بموضوع نادر ..
كُل ما فكرت فيه تضايقت .. بس هي خاص قررت ..
قررت إنها ما عاد تحتاجه بعد اللحين ..
أبوها ورجع .. صحيح بيكون بينها وبين أبوها مشوار طويل من التساؤلات اللي مكبوتة بداخلها لكن بالنهايه
هو أكيد ما بيتركها ..
هو وعداها بهالشيء في ليلة ملكة يحيى ..
بس .. على الرغم من إنها قررت إلا إن قلبها يوجعها بالشكل هذا وعقلها لا إرادياً يذكرها ببعض الأوقات
الحلوه اللي عاشوها مع بعض ..
متضايقه .. هي ما زالت تحبه ... بس لازم تتركه ..
لأنها عارفه نفسها .. ما بتقدر تتحمل تعيش معه مع كُل هالقلق من إنه بيموت في أي لحظه ..
ما بتقدر تعيش معه وهي عارفه إنه راح يموت قدامها .. ما بتقدر تتحمل فجعتها بموته أبداً ..
رفعت عيونها لأهلها .. إيه بتركه بس كيف بتفتاح أهلها بالموضوع هذا ..؟!
كيف بتكون ردة فعلهم ..؟! تعلمهم الحقيقه ولا تتكتم عليها ..؟!
متردده كثير ..
لفت على أُمها لما نادت عليها تقول: هلا يمه ..
طالعتها الأم شوي بعدها قالت: دقي على نادر وعطيني أكلمه ..
إندهشت الهنوف تقول: وشو ..؟! ليه ..؟!
رفعت الأم حاجبها تقول: وشو اللي ليه ..؟! أبغى أكلمه يا بنت .. دقي عليه ..
بدأت حور تلم الأكل بما إن الكل شبع في حين الهنوف تطالع أُمها بدهشه كبيره ..
اللحين .. وش تقول ..؟!
وش هالورطه ..؟!
ضحكت بعبط تقول: هه هه هه يمه ما عندي رصيد ..
تنهدت أُمها تقول: دقي على حسابيه ..
تورطت الهنوف بس جتها كذبه فقالت: يمه أنا شركة إتصال غير عنه .. ما أقدر لازم نكون نفس الشركه ..
الأم يانزعاج: أرسلني له كولمي ...!!!
لاااه .. ما عاد فيه كذبه مناسبه ...!!!
رفع ثائر حاجبه يقول: هيه .. متهاوشه معه صح ..؟!
طالعتة بصدمة ..!! أصاب لب الهدف هالمفحوص ...!!!
إبتسم وهو يشوف صدمتها فلف على أُمه يقول بتهنيهده: بنتك ما جت هنا إلا وهي متهاوشه معه .. طبيعي تطلع
أعذار حتى ما تتصل عليه ..!
إندهشت الأم ولفت تطالع في الهنوف تقول: وشو بعد ..؟! توكم بأول شهور زواجكم وهذه الهوشه الثانيه اللي
تجي فيها البيت زعلانه ...!!! وش صار ..؟!
طالعت أخوها بحقد بعدها لفت على أُمها تقول بغياء: ههه لا يمه ما عليك من ذا القزم .. مافي لا هوشه ولا
شيء بس يعني بينشغل بذي الأيام وعشان كذا طلبت منه يحطني عندكم لين
وكملت كذبتها وهي تفكر بداخلها ..
إذا هي راح تطلب الانفصال فليه مُستمره بالكذب ..؟!
خلاص ... لازم تقول الحقيقه ..
أو على الأقل تمهد لرغبتها بالإنفصال ..!
الأم: طيب دام هذا اللي حصل فأرسلني له كولمي .. أبغى أتكلم معه ..
الهنوف: يمه جوالي بصراحه خلصت كُل الكولميات اللي فيه هاليوم .. كذا مره أرسلت حتى يتصل علي وعشان
كذا ...

قاطعتها أمها تقول لثائر بانزعاج: ثائر خذ عشره ريال من فوق التلفزيون وروح إشتري لنا بطاقة شحن ..
الهنوف لا إرادياً: لا لا لا ...!!
طالعتها أمها فابتسم ثائر يقول: وشو بعد ؟! شريحتك من شركة إتصال جديده ما توزعت بطايقها في البقالات
حتى اللحين ؟!
بلعت ريقها بتوتر بعدها جاوبت بعبط: لا بس اللحين الظهر وأخاف عليك من الشمس ههه ههه ..
ثائر يجاريها: ههه ههه ظريفه أختي ..
خرجت حور من المطبخ بعد ما خلصت شغلها بينما طيف لا زالت ترتب اللي عليها ..
حور: شسالفتمك ؟!
أخذ ثائر العشره ريال وخرج في حين حست الهنوف بورطه ..
تنهدت حور لما ما سمعت رد بعدها راحت للغرفه ..
قامت الهنوف وما لقت قدامها غير حور ..
لحقتها للغرفه وجلست قدامها تقول: حور ساعديني ..
حور بتعجب: أساعدك في إيش ؟!
توترت الهنوف شوي بعدها طاحت عينها على جوال طيف فلفت على حور تقول: هيه ليه أُمي ما تكلم نادر من
هالجوال بدل من جوالي ؟!
طالعت حور بالجوال بعدها طالعت بالهنوف تقول: خلص الرصيد اليوم .. ليه ؟! وش فيها لو تكلمت من
جوالك ؟!
الهنوف: ها ؟! لا لا بس طيب ليه ما ترسل كولمي من هالجوال بدل جوالي ؟!
حور بعدم فهم: وااه الهنوف شفيك بالضبط ؟! اللحين إنتي زوجته فتيغينها تكلمه من رقم غريب !!! وبعدين
وش القلق اللي إنتي فيه ؟! ليه جوالك فيه مصايب ؟! وإذا فأمي ما بتفتش يا الحمى !!!
الهنوف بانزعاج: حمى تصيبك ..
بعدها لفت وجهها بتوتر ..
غيبه .. أكيد أمها شكت بتصرفها اللحين إنه فيه شيء !!!
معناته لما تكلم نادر راح تسألها بس لحتى تظمن !!!
طالعتها حور شوي بعدها قالت: الهنوف شفيك بالضبط ؟! صاير شيء بينك وبين نادر ؟!
هزت الهنوف راسها بالنفي فتنهدت حور تقول: يا زينك وإنتي تحاولي تكذبي علي !!! كُل هالإنفعال وتقولي لا
؟! أقص إيدي لو كنتي جاده !!!
طالعتها الهنوف تقول: يووه حور الموضوع مو غصب !!!
حور: متهاوشه معه صح ؟! صار واضح الموضوع بالنسبه لي ..
طالعتها الهنوف لفته بعدها لفت وجهها تقول: تقريباً ..
حور: لا يكون سبب غبي كالعاده ؟! أدري إنتي تطنقرين من ألقه الأسباب ..
ضاقت عيون الهنوف وهمست: ليتة سبب غبي ..
إندهشت حور فحطت إيدها على كتف الهنوف تقول: الهنوف .. وش صار ؟! السبب كبير صح ؟!
زمت الهنوف شفتها وحست حالها راح تبكي غصب عنها ..
فعلاً تمن لو يكون السبب غبي ..
على الأقل راح تزعل يوم يومين وترجع ..
بس اللحين ماهي قادره ترجع ..
كذب عليها .. تزوجها بس عشان نفسه مو عشانها !!!
وبالنهايه يعتذر!!!
بعد إيش ؟!
بعد ما خلاص أكلت كذبته ذي وحبته بكُل مشاعرها !!!
إستغل حتى قلبها اللي ما شاف غيره بالحياه ..
وفوق كُل هذا يطلع مريض ..
بمرض ما منه شفاء ..
تحس إنه فيه مجال تسامحه مع الوقت .. بس مافي مجال يرجع كُل شيء مثل قبل ..
ما بتقدر ترتاح بحياتها معاه وهو مريض بذا المرض ..
راح تعيش كُل يوم بكابوس أسوأ من اللي قبله ..
راح تتركه .. راح تتركه ..
شهقت غصب عنها وبكت فأندهشت حور تقول: حبيبتي الهنوف شفيك ؟! !!!

الهنوف من بين شهقاتها: راح أتركه .. راح أتركه بس ليه ..؟! مو قادره .. أبوي موجود فليه مو قادره ..
خلاص أبوي صار موجود ... وعدني ما يتركني أبوي ... هو اللي بيظل معي ..
ما قدرت حور تفهم منها شيء فقالت: الهنوف بالله عليك إهدي وفهميني عشان أقدر أساعدك ..! وش صار بالضبط ..؟!

سحبت علبة المناديل وأعطت الهنوف منديل تقول: هدي بس حبيبتي .. هدي ..
أخذت الهنوف المنديل وحاولت توقف بكانها وتمسح دموعها ..
تهددت حور تقول: لهالدرجة المشكله مع نادر ماهي قليله ..؟!
عضت الهنوف على شفتها تهمس: لا أنا بأطلب الطلاق ..
إتسعت عيون حور من الصدمه ...!!
طلاق ...!!! لا مو لهالحد ..؟!!

حور: الهنوف لا إستهدي بالله ...!! الطلاق ماهو حل للمشاكل .. أكيد فيه حل ثاني .. صدقيني ..
هزت الهنوف راسها تقول: فيه حل بس ما أبغاه .. ما بقدر أتحملة ..
طالعتها حور لفتره بعدها تهددت وقالت: وبتقدري تتحملي العيش بدونه ..؟!
الهنوف: إيه بأقدر .. أبوي موجود ...!! أبوي هو سندي خلاص .. أنا مو بحاجه له ..
هزت حور راسها تقول: غلطانه يا الهنوف .. صح أبوي موجود لكن إنتي غلطانه في مواساتك لمكانة الزوج والأب .. الأب شيء والزوج شيء ثاني ...!!
تهددت وكملت: معنى كلامك إنك للأسف كنت تنتظري لنادر نظرة إنه الأب اللي بيكون سندك ويحميك من كل شيء وإنتي تكوني أميرته الصغيره اللي يلبي لها طلباتها .. فهمك للزواج خطأ .. نادر .. مو أبوك .. هو زوجك .. حب الأب ومكانته غير تماماً عن حب الزوج ومكانته .. الزواج شراكه مو حماية القوي فيهم للضعيف ...!!
هزت راسها وكملت: واااه مو قادره أوصل لك الكلام اللي براسي بالضبط ومو عارفه إذا فاهمتني ولا لا ..
شرحي أحسه معوق ومو مفهوم أو غير منطقي .. بس الأهم هو إنك تغيري تفكيرك هذا ...!! مو معناته لقيتي الأب فخلاص راح تتخلي عن الزوج ...!! الزوج هو النصف الثاني منك .. هو اللي يكملك وإنتي اللي تكمليه ..
وجود الأب والزوج مهمين إثنينم ..

طالعتها الهنوف لفتره وللتو فهمت معنى كلامها ..
كلامها صح ..


وكانت أكيد بتقتنع فيه لولا خوفها هذا ..
لا حتى لو كانت غلطانه في إعتقادها إن وجود أبوها يكفي فهي مو قادره تتحمل هالخوف ..
خوف إنها تعيش حياتها بكابوس كل يوم ..
حور مو عارفه مشكلتها ولا هي قادره تقول لها اللي صار فعشان كذا هي ضدها ..
لو عرفت ... هي متأكده إن حور راح توافق على كلامها ..
حتى لو ما وافقت فهي تعرف نفسها ..
ضعيفه جداً من الداخل وفعلاً ما بتقدر تتحمل موضوع حياته المخيفه الجايه ..
الإنفصال عنه كمان مخيف بس أقل خوفاً من اللي راح تعيشه لو وافقت ترجع له ..
تحبه تحبه وعشان كذا هي عارفه إنها ما بتتحمل ..

دخل ثائر في هالوقت فلفت الهنوف وجهها تمسح بقايا دموعها في حين قال ثائر: هيه هنييف .. جبت البطاقه فإشحنني وإتصلي على نادر .. أمني تبغى تكلمه مثل ما تعرفي ..
الهنوف بهدوء: جوالي بالصاله .. دقوا عليه إنتم .. وكمان تذكرت إن عندي رصيد ..
رفع حاجبه يقول: تذكرتي ..؟!!

قامت حور وأخذت أخوها لبري تقول: بطل إز عاج ومُحاشره لأختك .. تعال بس ..
ظلت الهنوف جالسه بعدها إنسدحت على جنبها بالأرض وسرحت لفتره ..
همست بهدوء: خلاص يا الهنوف .. خلاص تردد .. بروح بُكره أو بعده البيت وأخذ إغراضي من هناك ..
غمضت عيونها دايركت وبدأت تحاول تفكر بشيء ثاني ..

إبتسمت .. اما ترجع هنا راح ترجع لمدرستها القديمه ولصحباتها ..
مدرستها الجديده ما تصاحبت إلا مع وحده إسمها سماح وكانت طيبه بس كثيرة الغياب ..
بتشفاق لها .. بس هي مشتاقه للحين لصحباتها اللي هنا أكثر ...!
دخلت طيف في هالوقت ولما شافتها قالت: معك نوم ..؟! طيب أفرشي لك فراش أحسن من النومه كذا ..
الهنوف: لا .. بس بريح شوي بعدها أقوم ..
فتحت عيونها وشافت طيف وهي تجلس وتفتح شنطتها الجامعيه تراجع موادها اللي أخذتها اليوم ..
ظلت الهنوف تطالعها بعدها فزّت فجأه لما تذكرت موضوع أسامه ..

الهنوف بشكل مفاجئ: طيف ...!!
 انفجعت طيف وقالت: بسم الله الرحمن الرحيم .. شفيك ..؟!
 تقدمت الهنوف منها تقول: لا توافقي على الزواج من أسامه .. لا توافقي أبدا مهما كان ...!!
 عقدت طيف حاجبها في حين تعجبت الهنوف لفترة وكملت بتفكير: صح ... أذكر إنك رفضتية ..
 ابتسمت وطالعت بطيف تقول: أحلى خيار اخترتية ...!! برافو عليك ..
 ظلت طيف تطالعها لفترة بعدها سألت: وليه تطلبي هالطلب ..؟! تعرفيه ..؟!
 هزت الهنوف راسها تقول: صح هو أخوي بس ترف حكنتي عنه تقول إنسان خبيث وشرير وكذا مره أزعجها
 وهددها مع إنه يعرف إنها أخته وفوق كل هذا هددها يخرب زواج يحيى ويقلبه فوق تحت شايفه أخيث من كذا
 اللي ما فيه خير لأهله كيف يكون له خير فيك ؟ أفضل خيار سويتيه إنك رفضتي الحمد لله ربي نجاك منه ..
 بعدها رجعت تنسح وهي مستأنسه في حين ظلت طيف تطالعها ..
 كلامها ... نفس كلام أنجي اليوم ..
 لهالدرجة هالإنسان سيء ..؟!
 إذا كان صح فأيش بيصير على موضوع أمها ..؟!



الساعة خمس العصر ..
 كان يمشي بسيارته بهدوء تام بعد ما دخل الحي اللي فيه بيت أهله ..
 يسوق بهدوء وتفكيره كله في النذل اللي أسمه أصيل ..
 أسامه إنسان صريح بوقاحه فعشان كذا مُستحيل يكذب وهذا يعني إن أصيل ميه بالميه هو اللي أرسل مجموعة
 الكلاب لكرار ..
 دامه قال روح إسأله معناته واثق من صحة كلامه ..!
 تصرف كرار يأكد هالشيء أكثر ..
 أخذ العنوان من أنجي ولما راح خبره حارس بوابة القصر إن أصيل له أيام ما رجع للبيت ..
 تنرفز وأخذ رقمه من أنجي وما يرد عليه ..
 شد على أسنانه يهمس: وين بتروح يعني ..؟!! بأقابلك وأعرف كل شيء منك عاجلاً أم آجلاً ..
 ضرب الدركسون بإيده يقول بحده: الحقيـر ...!!
 مقهور .. مقهور منه لدرجة مو قادر يتخيلها أو يتصورها ..
 مو قادر يصدق ...!! هذا ولد عمته فكيف يصلح فيه كذا ...!!
 مو قادر يتقبل منه أي عذر مهما كان نوعه ...!!
 اللي سواه ما يزيله أقوى الأعذار .. كمية حقاره ودنائه عمره ما تخيلها ..
 وفي أقرب الناس له كمان ...!!
 حقير لدرجة إن الحيوان أكثر كرامه منه ...!!!!
 إنتقام ...!! إنتقام من وشو ...!!!
 مافي عذر أبداً مهما كان نوع الغلظه اللي أرتكبها كرار في حقه ...!!
 أخذ نفس عميق يحاول يهدي نفسه ودخل بسيارته للقصر بعد ما إنفتحت البوابه له وبعدها وقفها بالمكان اللي
 دايم يوقف فيه ..
 نزل ودخل للقصر وأول ما لاحظ أنجي راح لها ..
 جلسها على أقرب كنبه وسألها بدون مُقدمات: أنجي كرار قد أذى أصيل بشيء ..؟!
 طالعت أنجي بدهشه تقول: جهاد فجعتني ..!
 جهاد: أنجي ركزي معي .. أصيل ولد خالكم هذا ... قد آذاه كرار بشيء ..؟!
 طالعت لفترة بعد ما بدأت لحضاتهم بالمستشفى تمر براسها بعدها جاوبته: مدري ..

جهاد: كيف ما أدري ...!! هو أخوك فكيف ما تعرفي هالشئ عنه ...!! طيب إنتي تعرفي كِرار أكثر مني ..

تتوقعي إنه مُمكن يآدي أصيل بشيء ..؟!

هزت راسها بالنفي وسألت: ليه تسأل ..؟!

عض على شفته وما رد عليها ..

ما لقي الإجابة اللي مُمكن تخليه يفهم ولو شيء بسيط ..

ظلت تطالعه لفتره وتوتره هذا يعني إنه يعرف شيء ..

أنجي: جهاد ..

طالعتها فترددت شوي بعدها قالت: أنا ما أضن أبداً إن كِرار يسويها ومتأكد إنه أصيل يكذب بس ترى باليوم

اللي زرنا فيه كِرار بالمُستشفى أصيل إتهم كِرار بإنه قتل أعز أصدقائه ..

قالت اللي كان مضايقها طول الأيام اللي راحت بشكل مُباشر وكأنها كانت تنتظر أحد تحكي معه عن اللي

يضايقها ..

في حين كان جهاد يطالعهما بصدمه ماله حد ومو مصدق الكلام اللي قالت له ..

هز راسه يقول: أنجي عيدي اللي قلتيه .. تكلمتي بشكل سريع فأحس إنني ما فهمت عليه ..

طالعه بعدها قالت: اللي سمعته .. أصيل إتهم كِرار إنه قتل صديقه .. بس أنا ما أصدقُه ...!! لأول مره أحس

أصيل حقير لهالدرجة ...!! كذبتة هذه قلبت حال كِرار فوق تحت .. أكرهه حيل يا جهاد ..

ما صدق .. وشو قتل هذه ..؟!

كِرار قتل له أحد من قبل ..؟!!

كيف ...! مو قادر يتقبل هالكلام أبداً ..

أنجي: جهاد لا تنصدم كذا .. أكيد أصيل يكذب .. هو من زمان إنسان فيه كمية حقاره .. لأول مره أعرف مدى

حقارته وخساسته ...!! كِرار بيرجع البيت اللحين من المُستشفى وبيزوروه أخوالي ووقتها بأسأل خالي وهو

أكيد بياكد لنا إن ولده كان يكذب ..!

ما سمع لكلامها .. كان عقله شبه موقف تماماً ..

توأمه ذاك الهادي مُستحيل يكون قاتل ...!!

طيب إذا كان فعلاً مو قاتل فأيش اللي يخلي أصيل يكذب مثل هالكذبة قدام الكل ...!!

لا محد بيقدم على مثل هالكذبة ويستمر فيها للحين ..!

معناته هو صادق وردة فعل كِرار تأكد هذا ..

بس ... إذا كان قاتل فليه مو مسجون أو شيء ..؟!

مقوله يكون أهل الميت عفو عنه ..؟! إذا كان هالكلام صحيح فليه محد من هالعيله يعرف عن مثل هالموضوع

اللي صعب يتخبي ...!!

مافي غير احتمال إنه فعلاً قتل ومحد درى عنه ..

وقف وهو يمسح وجهه بإيده ويخلل أصابعه بشعره وهو يحس حاله راح ينجن من هالموضوع ..

ليه ..؟! ليه هالشئ يصير ..؟!

مو قادر يستوعب أو يصدق ..؟!

قامت أنجي تقول: جهاد ياخي لا تحسّسني إن هالكلام صح من تصرفاتك ...!! هالكلام خطأ أنا مُتأكدة ...!!

جلس جهاد وحط راسه بين إيده وهو يقول بتوتر: لا مو خطأ ...!! إذا خطأ فكِرار راح يكذبه أو على الأقل

بيتجاهله مثل ما يتجاهلنا دايماً ...!!

لف على أنجي وقال بحده تنم عن عمق توتره: لو كان خطأ كان كِرار ما إنقلبته حالته مثل ما تقولي لي ...!!!!

عض على شفته لما حس حاله مُمكن يبكي ..

قاتل تهمة مو قليلة ..

كلام أسامه المُستفز وتصرفات كِرار اللي لأول مره يشوف حدثها تبين إن الموضوع مو بسيط أبداً ..

إن القضية هذه ماهي عاديه ..

وخصوصاً إن كمان أصيل مختفي بعد ما رمى إتهامه هذا ...!!

كُل شيء يأكد إن هالكلام صح بس هو ما بيغاه يكون صح أبداً ..

لازم يكون فيه غلط بالموضوع ...!!

هو محتاج ويقوه لشخص يريحه ويجاوب عن كُل أسئلته ...!!!!

ظلت أنجي تطالعه وهي ندمانه إنها علمته ..

ما كانت تضن إنه بيصدق هالكلام .. تصرفه يخليها تصحى على نفسها ..

كانت تكذب هالكلام حتى تقتع نفسها إنو فعلاً كذب ... فلما جهاد يصدق بالشكل هذا بترجع للواقع اللي يقول إن

نسبة صحة هالكلام تتعدى الـ ٨٠% ...!!

فتحت فمها بتتكلم بس وقفت لما شافت أمها تنزل من الدرج بهدوء تام ..

همست: مام ..؟!
رفع جهاد راسه يطالع بآنجي بعدها لف للجهه المُقابله وفعلاً شاف أمه نازله من الدرج ..
قام وراح لها مُباشرةً حتى وقف قدامها بنص الدرج ..
بلغ ريقه وقال بهدوء وحذر: يمه كِرار .. قتل له أحد ..؟!
إتسعت عيون ملك من الصدمه وإنقشع الهدوء التام اللي كان مسيطر عليها قبل لحضات ..
فاجأها بظهوره قدامها وبسؤاله المُباشر هذا ..
ليه يسأل هالسؤال ..؟!
وش اللي يدريه عن الموضوع أصلاً ..؟!
هز راسه بصدمه وهو يشوف صدمتها ..
مسك إيدها يقول: يمه تكفين جاوبيني ..! قولي لي الصدق ..
ظلت عيونها معلقه فيه وهي تتسأل عن المدى اللي يعرفه جهاد عن هالقصة ..
مو عارفه .. تقول له ولا تكذب هالشيء ..؟!
ودها تكذب بس تخاف يكون أصلاً عزام هو اللي قال له هالكلام ..
وغير كذا تحس حالها ما تقدر تكذب قدام هالولد ..
ما تقدر تكذب قدام ولدها جهاد ..
أخذت نفس عميق وقالت: جهاد مين قال لك هالكلام ..؟!
جهاد: يمه خليك من اللي من قال لي ..!!! تكفين جاوبيني ..
ترددت . المكان والوقت مو مناسبين أبداً لهالشيء ..
تخاف عليه ولدها ... لا عليهم الإثنين ..
عن ردة فعل جهاد لما يدري وعن مصير كِرار لأن جهاد ما بيسكت عن الغلط ..
خايفه كثير ..
طالعت بنظرات الترجي اللي بعيونه لفتره بعدها جاوبته بهدوء: إيه ..
هز راسه بعدم تصديق وهو يسمع لهالطامه اللي كسرت كل شظايا الأمل اللي تشتت بقلبه وفكره ..
كملت ملك بسرعه: بس كان دفاع عن النفس .. كِرار ما يُعتبر قاتل .. دافع عن نفسه يا جهاد فلا تطالع فيه
نظرة إنه قاتل ..
شد جهاد على أسنانه لما حس شفته ترجف والعبره خانفته بحلقه ..
رفع ملك عيونها لورى جهاد تطالع في عزام اللي توه دخل ووراه حلا وكِرار اللي توهم طلعه من المُستشفى ..
رجعت تطالع بجهاد بعدها تركته بنص الدرج ونزلت لهم ..
ضمت كِرار لصدرها وهي تهمس له: الحمد لله على سلامة خروجك حبيبي ..
طالع عزام في جهاد اللي واقف معطيهم ظهره بعدها لف عاليسار شوي يطالع في أنجي اللي جالسه عالكنب
بهدوء وكمان معطيهم ظهرها ..
وش الوضع ..؟!
بعدت الأم عن كِرار وقالت: اللحين إطلع خذ لك دُش ولبس لأن خالك وخالتك بيجوا بعد شوي خلاص ..؟!
تتاوبت حلا تقول: أنا باطلع أنام وأسحب عليهم .. خلاص شفتهم كثير ..
تقدمت بتطلع بس وقفت ولف تطالع بكِرار شوي ..
جت عنده ومسكته من التيشيرت وشدته ..
غضب عنه إنحنى من قوة شدها فطبعته قبله على خده وقالت: تصبح على خير ..
بعدها راحت جري تطالع الدرج لغرفتها وكأنها منحرجه من التصرف اللي تتصرفه تجاه أخوها كِرار لأول مره ..
ظل كِرار على وضعيته منحني لفتره بعدها إعتدل في وقفته وتابعها بنظراته حتى إختفت ..
نزل نظراته بهدوء يطالع في جهاد في حين سأل عزام: صار شيء ..؟!
توترت ملك ولا عرفت وش تقول ..
شوي لف جهاد ونزل من الدرج متقدم ناحيتهم ..
وقف مقابل لأبوه وكِرار ومجاور لأمه ..
طالع بكِرار لفتره بعدها سأل: صحيح إنك قتلت صديق أصيل ..؟!
إتسعت عيون كِرار من الصدمه في حين إنفعل عزام غصب عنه يقول: جهاد شهالكلام ..!!!! من فين سمعته
!!!?
جهاد بهدوء: من أمي ..

إنصدم عزامOLF على ملك اللي بسرعه قالت له: كِرار كمان ولدي ومُستحيل أتكلّم عن موضوعه لو ما كان
جِهَاد قد عرف عن اللي صار من شخص ثاني قبلي!!!!
إنصدم من ردها وإتربط لسانه .. ما قدر يقول أي شيء ..
في حين طالعه جِهَاد يقول: بيه يعني هالكلام صحيح ..؟! كيف وليه ..؟!
طالع بكِرار يقول: ليه قتلتَه ..؟! شنوع الدفاع عن النفس اللي قالتَه أمي ..؟! وليه الموضوع هذا محد يدري
عنه ..؟! كِرار إنت ذبحتَه وهربت صح ..؟!
طالعه كِرار بهدوء فشَد جِهَاد على أسنانه يقول: كِرار تكلم وجاوبني ..!!! إنت فعلاً ذبحتَه وهربت صح ..؟!
تدخل عزام يقول: جِهَاد خلنا نتكلّم على جنب أفضل .. الوقت اللحين مو مناسب مع جِية أخوالك و....
طالع جِهَاد بأبوه يقول: بيه هو صدق ذبحه وهرب صح ..؟! وإنت وأمي تعرفوا وساكتين عنه صح ..؟!
دخل للمكان وذاك الإبتسامه على شفته وهو يقول: تنتظر منهم إجابَه ..؟! متفشلين يقولون لك إيه ..
لف جِهَاد بصدمه ناحية أسامه اللي توه دخل في حين قال عزام بهدوء: أسامه إطلع منها ..
تقدم أسامه منهم يقول: وليه أطلع منها ..؟! هههههههههه من جدكم كنتوا ناويين تخبوا هالموضوع للأبد ..؟!
كنت عارف إن هاليوم بيحي ..
طالع بجِهَاد وكمل: بس كنت أضن إن أصيل هو اللي بيكشف الموضوع مو جِهَاد ..
إبتسم لجِهَاد المصدوم يقول: أبشرِك مو بس مُعَاذ اللي قتله كِرار .. فيه كمان طفله دعسها وهرب تاركها
وراه ميتَه ببحر دمها بنص الشارع ..
صرخ عزام بحده: أسامه ..!!!!
إختفت إبتسامتهOLF يطالع أبوه بهدوء بعدها قال ببرود: بيه إنت غلطان أنا ما قلت شيء غلط .. الغلطان
ي الموضوع هو كِرار مو أنا .. وجه غضبك له مو لي ..
بعدها لف وراح متكي ظهره على جدار يراقب اللي يصير بينهم بدون تدخل ..
غمضت ملك عيونها وهي ما كانت حاسبه حساب هاليوم أبد ..
لفت تطالع بولدها جِهَاد فشافته واقف بمكانه متحجر من شدة صدمته ..
مدت إيدها وحطتها على كتفه تقول: جِهَاد أخوك ما قصد يقتلهم أبد ..!!! بخصوص مُعَاذ فكان دفاع عن النفس
.. ومع توتره اللي صار له ما كان يشوف الطريق قدامه والطفله طلعت بشكل مُفاجئ بوجهه على طريق عام
وصار اللي صار ..!!!
شد جِهَاد على أسنانه ووضح الضعف الشديد بنظراته اللي لفها ناحية كِرار في حين كان كِرار يشيح بوجهه
بكل هدوء ..
ما قدرت رجوله تشيله وجلس على الأرض .. ضغط بإيده على راسه والرؤيه بعيونه صايره مشوشه بسبب
الدموع اللي تملأ عيونه ..
هذا كثير ..
جلست أمه وضمته لصدرها تقول: جِهَاد حبيبي لا .. تكفي لا تضعف كذا .. أخوك ما غلط .. كل اللي صار قضاء
وقدر كان خارج عن إرادة كِرار بالكامل ..
رفع عزام عيونه وطالع في أسامه بحده بعدها تقدم من جِهَاد اللي دافنه ملك وجهه بصدرها وتشد عليها تحاول
توقف رجفته وهي شوي وتبكي معه ..
عزام: جِهَاد ..
ما سمع منه أي رد ..
ظل كِرار على وضعه لفته بعدها لف يطالع في جِهَاد بهدوء لفته مو قليله ..
دق الجرس في هالوقت فعرفوا إن أحد جاء ..
لف عزام يقول: بأعتذر منهم ..
وخرج لبري ..
تنهدت ملك وبعدها همست لجِهَاد: جِهَاد خلاص ..
شد جِهَاد على أسنانه بآلم وهو يهمس: روجي يمه إستقبلهم .. وتكفين إسألني عن مكان أصيل ..
سكتت أمه لفته بعدها تركته وقامت طلعت ورى عزام حتى تتستقبلهم للمدخل الخاص بالرجال ..
ظل جِهَاد جالس في مكانه يأخذ له نفس عميق لما حس نفسه مُمكن يتعب ..
النفس ضاق عليه شوي فوقف ولما لف حتى يروح للسياره لعند أدويته لقي بوجهه كِرار ..
طالعه بعدها مشي وتعداه ..
لف كِرار عليه يقول: جِهَاد ..
وقف جِهَاد وجاوبه بهمس: نعم ..
رفع أسامه حاجبه وهو يطالع كِرار اللي كان متردد فقال أسامه: وشو كمان ..؟! تحاول تبرر جرائمك اللي ما
تُبرر ..؟!

لف كرار يطالعه لفتره بعدها تقدم وخلص طلع لغرفته ..
 إبتسم أسامه وهو يهمس: راح يظل جبان للأبد ..
 لف جهاد وطالع بكرار وهو يطلع ..
 هذه المره الثانيه ينادي إسمه بعدها يبطل ..
 غمض عيونه يحاول يسيطر على الألم اللي يشعر فيه بعدها تقدم وطلع الدرج وري كرار فإندھش أسامه يقول:
 وين رايح هذا ؟؟؟ لكرار ؟؟؟
 شد على أسنانه يقول: راح يظل مُزعج للأخير ..
 وراح للدرج فوقه صوت نداء آنجي له ..
 لف عليها وكان واضح من وجهها إنها كانت تبكي ..
 تكفت تقول: أسامه .. لا تتدخل باللي يصير ..
 ضاقت عيونه يقول: عفواً ؟؟؟
 شدت على أسنانه وصرخت بوجهه: إنت تشابه أيل بحقارتة إذا ما كنت عارف!!! ترمي بالكلام بشكل مباشر
 وتسبب للكل الضيق والحزن!!! بابا ومام كانوا حيشرحوا الموضوع لجهاد بطريقتهم لكن إنت بدل لا تهدي
 الوضع زدت شرار لما جيت طاري الطفله!!! مو هذا كثير يا أسامه!!! كثير على جهاد يسمع كل هذا بيوم
 واحد .. كثير عليّ أنا كمان . كثير على مام وبابا .. كثير على كرار نفسه!!! لمتي بتظل كذا تسبب للكل
 المشاكل!!! خلاص كفايه!!! أترك كرار لوحده .. جهاد إني بهذلتة بما فيه الكفايه لما خطبت البنّت اللي هو
 حابها فخلص عدل أخطائك وشيلها من راسك!!! أسامه كفايه ...
 رفع حاجبه وكلامهما كله على بعضه أزعه ..
 تقدم خطوه منها بيتكلم بس قاطعه دخول رودي تقول: هالآااي ... وين ريكو أتحمد له بالسلامه ؟؟؟
 تعجبت لما شافت الجو بينهم فقالت: امممم .. فيه شيء ؟؟؟
 لف أسامه وطلع من البيت في حين جففت آنجي دموعها بشكل سريع بعدها إبتسمت تقول: هلا رودي .. كرار
 اللحين نايم .. تعب من إرهاق المُستشفى وهي ..
 رودي: خساره ..
 آنجي: تعالي لغرفتي نسولف شوي .. على طاري جت يارا ولا لسي ؟؟؟
 هزت رودي راسها تقول: جاء خالو لوحده بدون خالتو ولا يارا ..
 آنجي: آها .. أجل ياللا نطلع الغرفه .. فيه حاجات إشتريتها قبل أسبوع وبأوريك هيه ..
 رودي بحماس: جد!!! وناسه ..

بغرفة كرار ..
 دخل لغرفته بهدوء بعدها تقدم وجلس على كرسي مكتبته ..
 أسند راسه على إيدّه وهو يتذكر كل اللي صار تحت ..
 ما أمدها يكمل حتى دخل جهاد وراه ..
 لف يشوف مين دخل فتفاجئ لما شاف إنه جهاد ..
 طالعه جهاد لفتره بعدها تقدم وجلس على طرف السرير بالجهة القريبه من مكتب كرار ..
 ظل كرار على نفس وضعيته لاف يطالع في جهاد بينما جهاد يطالع الأرض لفتره وكأنه يحاول يصفي ذهنه
 وتفكيره ويثبت نفسه اللي ثارت من شدة الصدمات اللي جت اليوم ..
 رفع عيونه لكرار يقول بهدوء: لو عندك شيء تبغى تقوله فقله .. بطل تردد ..
 بعدها لف وجهه يتحاشى يطالع بكرار وهو يتمنى إن يكون عنده شيء ينقال فعلاً ..
 أي شيء هو راضي فيه ..
 بس ... ما سمع منه أي حرف ..
 ليه ؟؟؟ لا يكون ما كان ناوي يبرر ؟؟؟
 إذا وشو ؟؟؟
 جاء في هاللمضة همس كرار يقول: ما تعمدت أقتله ..
 طالعه جهاد فشافه أعطاه ظهره وهو يكمل: كان إنسان قدر مثل أصيل .. شاذ .. حيوان بشري أنا بس
 كنت أدافع عن نفسي منه ..
 أنا كنت أدافع عن نفسي
 إتسعت عيون جهاد من الصدمه لما فهم كلامه في حين كمل كرار: بعشوانيه كنت أهاجمه بالقلم فطشت
 دمانه بوجهي ..

قال جملته الأخير بصوت مرتجف وثواني حتى كمل بنفس الهمس: لا إرادياً هربت .. وبنص الطريق طلعت
الطفلة ما لاحظتها فماتت ... إرتباكى زاد وكمآن هربت لما وصلت لأهلي وعرفوا كل شيء ...
طلبوا مني أنسى اللي صار وإن كل شيء يبمر على خير ..
جهاد بعدم تصديق: أمي وأبوي قالوا لك كذا ..!!!!

كمل كرار بنفس الهمس والهدوء: الندم وتآنيب الضمير لاحقتي .. تمنيت إن أهلي وقتها بلّغوا عني بدل لا
يخبوني كذا .. كل واحد يخاف من العقاب على أخطائه .. لقيت نفسي سمعت لهم ولا سلمت نفسي .. مرت فتره
..... ما قدرت أرتاح .. كنت أقنع نفسي بأنني ما غلطت .. بأن مُعَاذ قتلته دفاع عن النفس وما أصير قاتل
بهالحاله كنت أقنع نفسي إن الطفلة ماتت مو بسببي لأنه كان الخط السريع والوقت ليل وحوادث مثل كذا
كثير وما يتعاقب السائق عليها لأن طبيعى السيارات بهالطريق تكون بسرعتها العاليه وإن الخطأ على اللي
يقطع الشارع بدون وجود إشاره بس كنت أحس بالذنب مو عارف ليه وللحين بعد مرور سنوات كمان
مو عارف ليه ..

إختفت صدمة جهاد تدريجياً وهو يطالعه وبعد فتره جاه صوت كرار يكمل: أنا جبان ما جتني الجرؤه على
الأقل أعتذر لأهلها إكتفيت بس بمساعدتهم بما إن حالتهم الماديه صعبه .. كنت أرسل لهم الفلوس بشكل
دائم يمكن يخف الذنب اللي أحسه بصدري بس ما خف ..

كمل جملته الأخير بخفوت تام وبعدها هدي الوضع بينهم لفتره ..
غمض جهاد عيونه بعدها رجّع بجسده لورى حتى إنسح على ظهره وهو يحط ساعده على عيونه ..
اللي سمعه هاليوم مو قليل أبد ..

في يوم بس سمع خبر إن أخوه وتوأمه قاتل لروحين ..
كان هذا صعب عليه .. صعب كثير على نفسيته ..
هو مندهش إن الصرع ما جاه مثل ما يجيه لما ينصعق من هالأمر ..
يمكن لأنه في شهر واحد توالى عليه الأخبار الصادمه لدرجة صار عنده مناعه ..؟!
مو عارف السبب بصراحه ..

أخذ له نفس عميق وصدره يوجعه على حال أخوه ..
قال إن الموضوع له كم سنه ..
معناته كل هذا صار وهو لسي بعمر المراهقه ..
الشخص بمثل ذاك العمر أمه وأبوه المفروض يوجهوه للصح ..
واللي صار على كرار هو العكس ..
على قد ما الموضوع موجه إلا إنه يحس بشيء من الراحة ..
أخوه ... مو قاتل ..

ما قتلهم بشكل مُتعمد أبد ..
شال إيداه عن عيونه ولف راسه عاليه يطلع بكرار اللي لسي على نفس وضعيته ..
ظل يطالعه لفتره وهو يتذكر أول إنطباع أخذ عنه لما قابله ..
جاء بباله إنه شخص هادي لدرجة العلو والغرور وإن التفاهم معه صعب ..
عمره بحياته ما ضن إن كل هذا صار معه ..
شد على أسنانه بقهر من موضوع معاذ هذا اللي مات ..
القذرين أمثاله يستحقوا الموت هم وأعمالهم هذه اللي تهز عرش الرحمن !!!
مو قادر يتصور قوات القلب اللي عندهم حتى يستمروا بمثل هالمعصيه ..
كيف ما يخافوا ..؟!
هالسؤال بينجن لحتى يلاقي له أجابه ..

إعتدل بجلسته وبعد فترة صمت قال: تدري ليه مو قادر تحس بالراحه ..؟!
ما رد عليه كرار فكمل جهاد: هذا بسبب دعاء أم وأب الطفلة عليك بشكل مُستمر ..
لف كرار عليه فكمل جهاد: إذا تدور الراحه فروح لهم وإعترف على اللي صار .. لا تخليه إعتراف هادي بارد
.. لا .. خبرهم عن اللي تحس فيه .. عن ندمك .. عن الضيق والهمل اللي عشت فيه من بعد ما صدمتها .. خبرهم
إنك حاولت تكفر عن هالذنب بإرسال المال لهم .. وضح لهم إنك كنت نادم بشكل كبير كرار أنا حاس إنهم
راح يسامحوك وقتها .. لأنك بكذا خليتهم يرتاحوا أخيراً .. أصعب شيء على الأهل بعد وفاة ابن غالي عليهم
إنهم ما يعرفوا شيء عن اللي تسبب بقتله .. بيعيشوا حياتهم وكان معرفة المتسبب هي أقصى أمنياتهم .. راح
تريهم من هالتفكير ومسألة مسامحتهم لك ترجع لهم .. كرار دامك صادق بكلامك وصلحت كل اللي تقدر عليه
من قبل لحتى تكفر عن ذنبك فالله ما يبتركك .. الله راح يجازيك على حسب نيتك صدقتي ..
إبتسم له يقول: وإذا كنت تبغى أجي معك فأنا حاضر ..

ظل كرار يطالع بجهاد لفتره مو قصيره بعدها أشاح بنظره يطالع بالفراغ لفتره قبل لا يهمس: طيب ..

إبتسم جهاد بعدها وقف يقول: ماشي .. خلنا نخلص من موضوع هالطفله وبعدها لازم تروح تبغ عن اللي صار لك ..

شد على أسنانه بشيء من الحقد وهو يكمل: ولد الخال هذا لازم يأخذ جزاه .. لا تتردد .. حتى لو فتحوا معك القضية الخاصه بمعاد فقول لهم كل اللي صار .. إنت كنت تدافع عن نفسك .. هالشيء صار من سنوات معناته إنت كنت قاصر ..!! ما راح تتعاقب بإذن الله .. لو أحد بيتعاقب

سكت بعدها كل بهمس: فهم أمي وأبوي اللي طلبوا منك ما تعمل شيء وسكروا على الموضوع وأخفوه .. لف كرار عينه بضيق فطالعه جهاد لفتره بعدها قال: كفايه لهنأ يا كرار غطيت على أعمال أمك وأبوك بما فيه الكفايه منعت أبوك من إنه يرفع قضية ضد أمك بعد ما سرقت الأوراق منعت قصي من إنه يلاقي الأدله اللي تدين أمك بعد ما قلت له إنها إنحرفت وإنت في الحقيقه كمان سرقتها .. ظليت ساكت لفتره طويله عن اللي صار بعد ما طلبوا أمك وأبوك هذا الشيء ..

إندهش كرار فقال جهاد بهدوء: لقيت هالأوراق كلها بالشنطه اللي تحت سريرك وقدرت أفهم كل شيء .. ضاقت عيوننه بالأم وهو يكمل: طبيعي الكل يحب أهله .. أنا بنفسي أحاول قد ما أقدر أسامح أمي وأبوي على أعمالهم .. على ترك أبوي لزوجاته وأولاده .. بنفسي شفت عيله كانت معي بنفس الحاره وكانت حالتها صعبه بسبب تخلي الأب عنهم .. لما إكتشفت إن أبوي هو أبوهم وربى تألمت كثير حاولت قد ما أقدر أقتع أخوي بإسامحه مع إني مو مقتنع بهالشيء بس أحاول أقتع نفسي .. صدقتي تعبت كثير وأنا أجبر نفسي أسامحهم .. فعلاً ... قدرت أسامحهم بس ما قدرت أحبهم مثل ما كنت قبل لا أعرف هالمواضيع عنهم .. طالع بكرار وكمل: غلطهم كبير لا تستمر بغطك إنت يا كرار بس لأنك شاييل همهم .. اللي كاتبه اللي بيصير

هدي الوضع لفتره بعدها أخذ جهاد نفس عميق بعدها قال: على العموم أشكرك يا كرار خففت شيء من الألم اللي حسيت فيه بعد ما سمعت الموضوع من أمي وأبوي .. أتمنى تستمر كذا تقول كل شيء بنفسك ولا تتردد ريح اللي حولك قيل لا تريح نفسك ..

إبتسم وكمل: بروح ألف بالشارع لفتره أشم هوا .. جهز نفسك الليله نروح لبيت عيلة الطفله ماشي ..؟!

بعدها لف وخرج ..

فقل الباب وراه وأخذ نفس عميق ..

عقد حواجبه بعدها لف عن يساره بصدمة وهو يشوف أنجي مستنده عالجدار جنب الباب ..

هذه .. ليه هنا ؟!!!

أكيد سمعت كل شيء ..

تلك كثير ولا عرف وش يقول أو بإيش يبدأ ..!!

ظلت آنجي على وقفقتها تطالع الأرض بسرحان بعدها قالت بهمس: ما توقعت مام وبابا يكونوا كذا ما توقعت إن أصيل وصاحبه اللي مات شاذين كذا ما توقعت كل هذا يصير لكرار وأنا مو عارفه .. أنا مصدومه

إندهش لما شاف الدموع بدت تتجمع بعيونها ..

رفعت كفها اليمنى وغطت عيونها وهي تهمس: مو قادره أستوعب ..

طالعها بهدوء ولا قدر يعلق ..

هو بنفسه متضايق وبالقوه تحمل حتى يخفف عن كرار فكيف يخفف على آنجي بعد ..

هو ... يحتاج من يخفف عليه كمان ..

تقدم منها وحط إيدته على كتفها يقول: خليه درس .. المره الجايه لا تحكمي على أحد من ظاهره .. سكت شوي بعدها كمل بهدوء: فلو كنتي أخت لكرار من البدايه لكان إشتكى لك عن اللي صار ووقتها صلحتي شيء وما وصل الموضوع لها الحد آنجي .. إنتي كمان كثير غلطانه .. إهتميتي بنفسك متجاهله معنى إن يكون لك عيله .. عمرك ما فكرتي تغوصي أكثر بأهلك وتعرفي كل واحد وش شخصيته وإيش إهتماماته ..! عايشين ببيت واحد بس ما كاتكم أخوان ..

سكت لفتره بعدها كمل: آنجي إصحي على نفسك .. لا تحاوطي حالك بعالم الموضه والحفلات والروحه والرجعه مع زميلاتك وتغمسي عمرك بالإنترنت والمواقع والفلوس إنتي عندك نعمه يفقدها الكثير .. عندك الأهل فعيشي معهم قد ما تقدر حتى لا يجي اليوم اللي تفقدي فيه أحد وتندمي بعدها ..


ربت على كتفها وكمل: فخلاص هذي حبيبتي .. اللي صار صار .. فكري باللي جاي ..

بعدها تقدم وتركها وراه .. مو قادر يتكلم ويهدي منها أكثر ..

هو يا دوب يشيل حاله بس ..

بعد مرور ساعه ..
 رجعت رودي مع أمها منال للبيت في حين طلع عزام لشغله ..
 في مجلس الرجال ..
 جالسه ملك بهدوء في حين يطالعها أخوها بصدمه مو مستوعب كلامها ..
 هز راسه بالنفي يقول: ملك صاير لك شيء أكيد !!
 ملك: لا .. أتمنى تطلعه من السجن .. أنا راح أكون فاعلة خير وأدفع عنه المال لحتى يطلع بدون لا يعرف ..
 أبو أصيل: إنجيتي !! وإذا لما طلع بَلِّغْ عنك وعن اللي صار !! إذا رجع يطالب بحضانة بنته !! وش
 بتسوي !!؟
 ملك: هو جرب السجن ولا أضنه بيفكر يبلغ حتى يرجع له ثاني .. خلنا نطلعه ونسكر هالسيره ..
 طالعت فيه وكملت: فلا تنسى إن ولده جاء يشتغل عندي لفتره بس لحتى يلاقي أدله تدينني وتطلع أبوه .. جهاد
 عرف عن الموضوع وطلب مني أصحح أخطائي ..
 سكت شوي بعدها كملت: أنا خلاص من ذاك الوقت اللي حدثت فيه حادثة حملي بحلا وأنا ندمانه على اللي صار
 .. كفايه ينتهي الموضوع لحد هنا .. طلعه وخله هو بعد يعيش حياته ..
 ما صدق أبو أصيل الكلام اللي يسمعه من أخته ..
 إيش فيها قلبت بعد ما كانت هي أصلاً اللي طلبت منه المساعدة !!!
 كملت ملك بهدوء: فكر أكثر .. الأمر لو طال فولده ما بيسكت أكثر .. يمكن يقدر بعدها يدينني فعلاً وخصوصاً إن
 الأوراق اللي تدينني مختفيه من فتره طويله ولا أدري فينها .. أنا ما أتخيل أبتعد عن حلا .. ذي بنتي .. أبغى
 أنهي الموضوع على هذا الحد حتى تتسكر السالفه للأبد .. أنا بس بغيت أعطيك خبر لأنني نويت من أمس أدفع
 له حتى يطلع وحببت يكون عندك خلفيه عن اللي بيصير ..
 فتح فمه يتكلم بس بطل .. كان واضح إن أخته مُصره على رايها ..
 أبو أصيل: ماشي .. بس لا تجيني بعدين تطلبي المساعدة لما يفكر ينتقم منك ..
 ملك: ما بينتقم .. أكيد همه يرجع لأهله ويبعد عن المشاكل قد ما يقدر .. إطمئن ..
 أبو أصيل: ماشي ..
 ملك بهدوء: وين أصيل !!؟
 لف عليها يقول: ليه تسألني !!؟
 ما ردت عليه فظل يطالعها أبو أصيل وهو خلاص خمن إنها أكيد سمعت من بناتها اللي صار ..
 أبو أصيل: مو عارف .. بس مصيره يرجع بعد ما قطعت عليه كل بطايقه ..
 ظلت ملك هاديه تفكر ..
 جهاد سأل عن أصيل وهو أصلاً ما يعرفه ولا قد قابله ..
 كرار الشخص اللي قتله هو صديق لأصيل ..
 أصيل كذا مره توعد للقاتل بالإنتقام ..
 ضاقت عيونها بألم ..
 لا يكون بس صيل هو وري الحادثه اللي صارت لكرار وعشان كذا عرف جهاد عن الموضوع !!
 طالعت بأخوها تستفسر وقالت: أصيل وري اللي صار لكرار صح !!؟
 طالعتها أخوها لفتره فتنهد بالأخير يقول: إيه ..
 إتسعت عيونها من الصدمه ..
 معناته أصيل هو اللي أرسل هالشباب لكرار وصلحوا فيه كل هذا !!!
 أصيل !!!!!!!
 مو مصدقه .. مو مستوعبه أبد !!
 قامت تقول بشيء من الإنفعال: كيف أصيل قدر يصلح شيء مثل كذا لولد عمته !!!!! أصيل !! مو قادره
 أصدق إنه ممكن يسويها !!
 هزت راسها ولا إيرادياً بدت تبكي وهي تكرر: ليه يصلح كذا بكرار !! ليه أصيل يسويها !!؟ ما توقعتها منه
 !!!!! دمر ولدي !! كسر له كرامته ونفسيته الله لا يسامحه .. ليه يا أصيل !!!!!
 طالعتها أبو أصيل بهدوء وحزن على حالها ..
 فعلاً اللي سواه أصيل مو شوي ..

حس بالذنب لأنه للحين ما بلغ ..
مو عارف .. يبلغ لا ولا ..؟!
متردد كثير ..
لو بلغ فهذا الشيء راح يفتح القضية من جديد وبيتضرر كِرار كمان ...!!
جداً مُتردد ..



الساعة سبعة بعد المغرب ..
وقّف وسام السياره عند بوابة الفيلا بعدها قال: وصلنا ..
لف ثائر على وري يقول: بتطولين ..؟!
هزت الهنوف راسها بالنفي بعدها نزلت من السياره وراحت للبوابه ودقت الجرس ..
خلاص جايه اليوم تاخذ أغراضها من البيت ..
على الرغم من إنها لسي مُتردده لكن مع هذا لازم تقوي قلبها هالمره وتتصرف وبعدها تتقبل تصرفها هذا ..
إنفتح الباب فدخلت في حين كان ثائر يطالع في الفيلا وهو يهمس في نفسه: "شكلها متزاعله مع نادر صدق ..
رفضت تعلمنا وقالت لما أرجع أقول لكم كل شيء .. نادر صح كان غثيث بس بعدين حبيته .. من زمان ما
شفتة" ..
لف ثائر على وسام يقول: هيه وسام ... شففيه حتى جهاد مختفي هالأيام ..؟!
وسام وهو يقطع الجوال قال بإبتسامه: مو هو أخوك .. إنت المفروض تعرف هذا أكثر مني ..
ثائر بإتزعاج: متقصد تستفزني صح ..؟! إنت قاصد هذا صح ..؟!
ضحك وسام فمِيل ثائر شففته يقول بهمس: إحنا بعد أهله فليه دايم عند أسامه والبقية ..؟!
وسام: إنت تدري إن عنده أخ مريض ..
ثائر: طيب أنا قلت له أبغى أزوره بس سحب علي ...!!
وسام: جهاد ما يسحب .. تلاقية نسي أو الوقت مو مناسب أو إنشغل ..
طالع بثائر وكمل: جهاد على راسه مشاكل تكفي ديريه فلازم تتفهم هالشيء يا ثائر ..
تنهد ثائر وما علق ..
شوي عقد حاجبه ولف يطالع بسياره مرت من جنبهم ..

//


ظلت الهنوف واقفه لفتره عند باب جناحها متردده تدخل ..
هي بس دخلت البيت وقابلت منار قبل شوي هاجت مشاعرها فكيف لو دخلت أكثر وتذكرت كل لحضاتها معاه
!..
زمت على شففتها تمنع إرتجافها بعدها فتحت الباب ودخلت ..
مشيت بإتجاه الغرفه وهي بس تطالع في المكان اللي تخطو فيه ولا رفعت راسها ..
دخلت غرفة النوم وفتحت الدولاب وطلعت شنطه صغيره حطتها على السرير ..
غصب عنها طاحت عيناها على السرير بعدها شوي شوي بدأت ترفع عيونها تطالع في أرجاء الغرفه ..

رجفة البكي بدت تسري بجسدها وهي تسترجع ذكرياتها بهالغرفة ..
هي ... ونادر ... سواليفهم .. لحضاتهم ..
كل شيء قاعد يتمثل قدام عيونها ..
تقوست شفتها وهي تهمس: ليه حياتي ما مشيت بشكل طبيعي ..؟! ليه صار كذا ..؟! كنت فرحانه ومبسوطه
بحياتي معه .. ليه طلع هالمرض اللي خرب كل شيء .. كنت أحبه ..
جلست على ركبته اللي ضعفت وبعدها دفنت وجهها بالسريير تبكي وهي تكمل: وللحين أحبه .. للحين أبغى
أعيش معه .. للحين ما أبغى أي شيء يفرقنا .. بس كيف ..؟! صعب ..
إتسعت عيونها من الدهشه ورفعت راسها تطالع في الباب أول ما سمعته ينفث فأتسعت عيونها من الصدمه
وهي تطالع بنادر اللي كان يطالعها بدهشه وتفاجؤ ..
لفت وجهها بسرعه للجبهه الثانيه وقلبها من داخلها بدأ يوجعها بشكل مضاعف ..
إختفى التفاجؤ من نظراته وطالع بهدوء في الشنطه بعدها لف يطالع في باب الدولاب المفتوح ..
اللحين فهم وش اللي هي تبغاه ..
تقدم كم خطوه حتى صار في نصف الغرفه بعدها قال لها بهدوء: تبغي الطلاق ..؟!
ما سمع لها رد .. كل اللي يشوفه هو ظهرها المرتجف ..
ظل يطالعها لفته بعدها طلع جواله وكتب لفراس رساله ..
* خلاص اسبقني ... بتأخر شوي بعدها بأجي بسيارتي *

تقدم وجلس على طرف السريير ما يفصله عنها أقل من متر ..
نادر بهدوء: لك الحق في طلب كل اللي تبغيه .. أنا كذبت عليك .. تزوجتك وأضن إن ليلة زواجك كانت
رهيبه وماهي بذكري سعيده أبدأ .. بعدها تحملتني مزاجي الغريب وعرفتني تتماشى معه .. لك الكثير من
الإستفسارات ولا سألتني عنها .. إنتي إنسانه عظيمه يا هنوف على الرغم من إنك لسي مراهقه .. خليتينني
أحس بندم شديد إنني ضعيت فتره من حياتك على شيء فارغ يسبب لك الألم وبس ..
شال عيونها عنها وطالع في الفراغ يقول: أضن مر شهرين من زواجنا .. هي فتره قصيره .. إعتبريها فرصه
لإنك تتضجعي وتتعلمي .. على الأقل تخرجي من هالزواج بقايده تستفيدي فيها لمستقبلك ..
بعدها سكت مو قادر يكمل ..
كل اللي يقوله هو خارج قلبه تماماً ..
مو هذا الشيء اللي يبغاه ..
هو ... يبغى يقول عكس هذا كله ..
يبغى يطلب منها تظل معه .. راح يوعدها يعمل اللي يقدر عليه حتى يحافظ على مرضه من التفاقم أكثر ..
راح يذكرها بوعدها له ..
* أوعدينني إنك ما بتندمي على هذا الزواج ..؟! *
* أوعدينني ما تتركيني مهما صار ..؟! *
يبغى يذكرها بإنها وعدته بهالوعود .. وهو حط بقلبه هالأمل بإنها لما تعرف ما بتندم ..
ولا راح تتركه أبدأ ..
بس مو قادر يقول هذا ..
الندم اللي يحس فيه يخليه يقول أشياء ما يبغها أبدأ ..
حاول هالمره يطلب الشيء اللي راح يسعدها ..
وفي الحقيقه مو عارف حتى إن كان ذا الشيء يسعدها ولا لا ..
شهرين بس مرت على زواجهم ... للحين هو ما يعرفها عدل ..
ولا يعرف وين سعادتها بالضبط ..
لذا الإختيار اللي هي إختارته راح يسمع له ..
حتى لو كان قاسي لهالدرجه ..
نادر بهدوء: هنوف إذا تبغي الطلاق فأتمنى تقولي لي هذا بشكل واضح ..
ما سمع منها رد .. جسدها بس يرجف وظهرها له ..
هو عارف بإنها تبكي بصمت ... ومو عارف كيف يواسيها ..
هو سبب ألمها فما يحق له أصلاً يواسيها ..
فعشان كذا ظل على نفس وضعيته صامت ينتظر ردها ..
شهقت غصب عنها وهي تبكي بصمت قد ما تقدر ..
قلبها يوجعها .. الوجع يزيد بشكل جنوني ..
هي تحبه تحبه كثير ..

[illegible]

إختفت إبتسامة نادر تدريجياً بعدها تنهد ولف يطالع في الفراغ ..
 إرتجفت شففتها وهي تهمس: إنت حقير ..
 تفاجأ للحضه بعدها قال بهدوء: أدري ..
 كملت بنفس الهمس المرتجف: تزوجتني وإنت مريض بمثل هالمرض .. عيشتني بأيام ورديه حتى تصدمني
 بالمُستقبل المُظلم .. هذه حقايره منك يا نادر ..
 ظل يطالع في الفراغ بهدوء ولا علق على كلامها ..
 شوي كملت: حبيبتك كثير ..
 ضاقت عيونه بألم وهو يهمس: أسف ..
 لفت بعيونها المليانه دموع تطالع فيه وهو يطالع الفراغ فقالت برجفه: أسفك ما بيفيدني لازم تعوضني ..
 نادر بهدوء: أطلبني اللي تبغيه ..
 رفعت إيدها المرتجفه تمسح دموعها وجسدها كُل ينتفض ..
 هي عارفه إنها إنسانه ضعيفه ..
 ضعيفه كثير من داخل وراح تظل ضعيفه ..
 وجع قلبها سيطر تماماً على عقلها ..
 وحده مثلها في الحب دايم تستعمل قلبها ..
 همست: أوعدني إنك تحافظ على حياتك وتهتم فيها أوعدني أنك تعيشني براحه بدون خوف من فقدانك بأي
 لحضه .. أوعدني ما أفقدك بسرعه ..
 إتسعت عيونه بدهشه ولف عليها فشافها غطت وجهها بإيدها وبكت غصب عنها ..
 ظل يطالعها لفته مو مصدق اللي سمعه بعدها مد إيده وضمها لصدره ..
 ضمها وشد عليها وهو يهمس: أوعدك .. ومثل ما قلت الأعمار بيد الله .. هنوف ... أشكرك كثير ..
 تشبثت فيه وإنفجرت تبكي ..
 مو عارفه إذا كان الخيار اللي أختارته صح ولا غلط ..
 كُل اللي هي عارفته إنها ما بتقدر أبداً تتحمل تعيش بدونه ..
 حتى مع وجود السند بحياتها وإنها مُمكن تتخلى عن نادر إكتشفت إنها لما شافته مره ثانيه تحبه ..
 إكتشفت إنها تحبه حب مختلف عن الحب اللي كانت تضنه ..
 تحبه كشخص .. كرجال ..
 قلبها الضعيف هذا تجاهل التفكير المنطقي و إختاره ..



بصباح اليوم التالي ..
 طلع من المركز بهدوء في حين طلع هو وراه يقول: مشعل يعني بكذا صرت بريء تماماً؟! ..
 مشعل بهدوء: باقي المُحاكمه بعد أسبوعين ..
 حُسام: بس خلاص الشاهد وإعترف بكذبه بعد ما عثمان إعترف بجريمته وأنا وخلاص قلت كُل اللي عندي ..
 معناته أكيد بأطلع منها ..
 فتح مشعل باب السياره وركبها فركب حُسام جنبه ..

حرك السيارة وبعد فتره قال حُسام: طيب مشعل وش بيصير على ملك ..؟! أنا اعترفت ضدها كل اللي أعرفه ...
عثمان إنت تقول ذكر ملك بأقواله .. بتتعاقب صح ..؟!
ضاق عيونه وكمل بشيء من الحقد: لازم تتعاقب .. اللي مثلها خلاص لازم يوقفوا إجرام بحياتهم ويتعاقبوا
...! بتكون نهايتها القصاص صح ..؟! يعني هي أمرت عثمان يقتل .. تصير قاتله صح ..؟! وكمان إذا كنت كنت
صادق وإن مالها شغل بمقتل أمي فجريمة أمرها بقتل أحد كافيه لإنها يا تنسجن لفتره طويله أو تموت صح ..؟!
عقد حاجبه بعدها لف على مشعل لما رد عليه فشافه يسوق بسرحان ..
طالعه حُسام لفتره وهو يقول في نفسه: "شفيه ... له أيام ما يسولف كثير وبس سرحان وكنيب .. ما يرد علي
لما أسأله شفيك .. ما تعودت أشوفه كذا" ..
رجع يطالع قدام .. مرت دقائق والوضع هادي بينهم ..
لف حُسام يطالعه فشافه لسي على نفس وضعه فسأله: مشعل شفيك ..؟!
مثل ما توقع .. ما لقي رد ..
ظل يطالعه وهو متأكد إن سبب هدوئه وضيقته الواضحه من أيام هو لأنه سمع شيء مو كويس ..
بس ... هو اللي عرفه عن مشعل إنه شخص قوي داخلياً ..
مو أي شيء يآثر فيه ..
شكل هالشيء مو بسيط ..
شوي إبتسم يقول: مشعل .. أحسك ..
عقد مشعل حاجبه فكمّل حُسام: ما أعرف وش فيك بس واضح جداً إنه مو عادي ومع هذا متابع أمور قضيتي
وقضية هتتر وملك وكل شيء ..متابعها بشكل جدي وكلي .. أنا لو فيه موضوع مضايقتي كذا أجلس مع نفسي
وأتحدى أقدر أركز على أي شيء .. والله أحسك .. أحس ودي ما أقول ما شاء الله عشان تجيك عين .. لعل
وعسى هالعين تنقلب وأصير أنا مثلك ..
إبتسم مشعل بهدوء بعدها قال: خلك ساكت بس ..
حُسام: بس مليت ..
ما رد عليه مشعل فتنهد حُسام .. بالقوه خلاه يبتسم وباليته إبتسامه واضحه ..
رجع يطالع قدام وبعد دقائق قال مشعل: نسيت أقولك يحيى أرسل لي كرت دعوة زواجه .. كرت لي وكرت
لك ..
حُسام بتفكير: يحيى بيتزوج ..؟! وأخيراً .. لما عرفت عمره توقعت ما في نيته يتزوج أصلاً ..
مشعل: بلغني أقولك هالشيء .. هو زار رعد قبل لا تتوفى ..
تضايق حُسام فكمّل مشعل كلامه: كان وده يوصل هالشيء لماجد نفسه بس حب إنك إنت تبليها له .. رعد
طلبت منه يبلغه إنها خلاص سامحته ..
عقد حُسام حاجبه ولف على مشعل بدهشه يقول: كيف تسامحه ...!!! ذاك النذل الحقير كيف تسامحه ...!!
مشعل بهدوء: للحين تكرهه ..؟! خلاص اللي راح راح ..
حُسام: لا اللي راح ما راح ...!! حقير و...
قاطعه مشعل: رجعت للسب وإضطناع المشاكل ..
إندهش حُسام وقال بآنزعاج: لا مو كذا .. هذا ...
قاطعه مشعل من جديد يقول بهدوء: كل إنسان يغلط ... على الأقل ماجد جالس يصحح غلطه أفضل من ناس
إختاروا يموتوا وهم على نفس الغلط ..
عقد حُسام حاجبه وما فهم عليه فتنهد مشعل وقال: يحيى كان بوده يقولك هالشيء بنفسه بس إنشغل وبلغني
أقولك .. حُسام ماجد خلاص بيحي بعد بكرة يأخذ مايا لعنده .. كلمه بالموضوع هذا ..
شد حُسام على أسنانه وهو مو راضي ..
مو مصدق أصلاً إن أخته سامحته بعد تخليه عنها وعن بنتها بالشكل هذا ...!!
همس بينه وبين نفسه: ليه سامحته ..؟!
مشعل بهدوء: لأن قلبها كبير ... أحسدها عليه ..
طالعه حُسام شوي بعدها سأل: مشعل شفيك ..؟!
وقف مشعل عند الإشارة وهو يهمس: مافي شيء ..
تنهد بعدها لف على حُسام يقول: يمكن تكون عرفت إنه جالس يصحح غلطه .. أو لقيت له مبرر ..
سكت شوي بعدها قال: حُسام .. لو إكتشفت اللحين إن رعد هي اللي لا سمح الله قتلت أمك وظلت مخبيه
هالموضوع عنك طول السنين اللي راحت بتسامحها ..؟!
إندهش حُسام بعدها قال بهجوم: مستحيل ...!!
لف مشعل يطالع للإشارة وهو يهمس: قلت تخيل .. المهم خلاص إنسى ..
خفت الحده من ملامح حُسام وطالع بمشعل لفتره ..

شوي قال: مدري .. بآتردد كثير لأنني كلهم أحبهم .. رغد أختي وكل شيء بالنسبة لي .. كانت مثل العيله لي .. هي ماتت بعد ما إنسجنت سنين بالسجن وكان جزاها الإعدام راح أعتبر إنها أخذت جزاءها وخلص بأسامحها ..

همس مشعل: وهو كمان تعذب مع السرطان ..
عقد حُسام حاجبه فلف مشعل على حُسام وقال: وإذا خالك جواد كان عارف كل هذا ومخبي عنك الموضوع .. إندهش حُسام وتردد كثير قبل لا يقول: ما أقدر أكرهه ..
مشعل: هو دايم معك ويعرف إنك تحب أمك ومجنون لحتى تعرف مين قتلها ومع هذا ساكت ..
حُسام: مدري ... تصرف يقهر بس مُستحيل أكرهه كل هالسنوات وقف بجنبي .. كل ما إحتجته ألاقيه .. هو أحد أفراد عيلتي .. راح أعصب من تصرفه .. أصارخ بوجهه .. أقاطعه يوم يومين بس ما بكرهه وراح أرجع له بعدين يعني ... رغد تُعتبر بنت أخته ... أقدر أتفهم ليه ظل ساكت .. ورغد ذي هي عيلتي أنا .. معناته فكر كمان فيني وفضل يظل الموضوع مدفون للأبد .. كلهم عيلتي .. اللي مات واللي قتلته واللي ظل ساكت .. ما بقدر أكره أحد ..

تردد شوي بعدها طالع بمشعل يقول: مشعل وش تقصد بكلامك خوفنتي؟! ..
حرك مشعل السيارة لما ولعت الإشارة وهمس: مافي شيء ..
ما قدر يمنع حُسام نفسه من القلق فرجع يسأل: إنت ... عرفت اللي قتل أمي صح ..؟! عشان كذا تسأل ..
ما رد عليه فزاد قلق حُسام وهو يقول: اللي قتلها أحد أعرفه صح ..؟! ما بصدقك لو قلت رغد ... و... حتى جواد ما بصدقك .. فمين ..؟! ..

رجع يكرر أسئلته بشيء من الإنفعال: مشعل جاوبني مين اللي قتلها !!! مشعل تكفى تكلم ..
مشعل بهدوء: واحد ما تعرفه ..
حُسام: مستحيل ما أكون أعرفه ..؟! إنت مو ساكت وتسال هالأسئلة الغريبه إلا لأنني أعرفه .. لا تكذب علي ..
لف مشعل عليه يقول بشيء من الحدة: قلت لك ما تعرفه .. واحد مات من سنين طويله .. فيه أحد تعرفه مات من سنين طويله ..!?! لا .. معناته ما تعرفه ..!?!
رجع يطالع لقدام وحُسام يطالعه مندهش من إنفعاله ..
مات من سنين طويله ..؟! مين مُممكن يكون ..؟! ..
طيب دامه ما يعرفه فليه ما يتكلم ..
لحضه .. معناته فعلاً مشعل عرف من قتل أمه ..!
حُسام: طيب ... خبرني مين هو .. مثل ما إنت كنت تبغى تعرف مين هو فأنا كمان كنت أبغى أعرف مين هو ..
المفروض تتفهمني وتجاوب ..
طالعه مشعل شوي بعدها رجع يطالع بالطريق ..
دقايق مرت قبل لا يجاوبه بهدوء: عمي ..
إنصدم حُسام للحضه بس بعدها عقد حاجبه ..
للحضه عباله عمه هو كمان ومعناته أبوه المفروض يكون عارف بس تذكر إن أبو مشعل غير عن أبوه ..
حُسام: عمك ... ولية قتلها ..؟! ..
مشعل: إنتهى الموضوع خلاص ..
عض حُسام على شفته بعدها لف يطالع بالشباك وهو يهمس بحقد: الله لا يسامحه .. حرمني من أمي ..
طالعه مشعل بهدوء بعدها وقف السيارة لما وصلوا للبيت ..
تنهد وقال: حُسام ياللا ننزل ..

ظل حُسام يطالع من الشباك لفتره بعدها لف على مشعل يقول: ولية يقتلها ..؟! أمي في إيش غلطت ...!! مو هي زوجة أخوه ...!! ليه قتلها هالحقير ..!?!
مشعل: ما بتفيد أسئلتك وإنفعالك .. هو خلاص مات بعد معاناهم مع المرض ..
حُسام بحقد: ليتة مات ميتة أبشع من كذا ..
تألم مشعل لهالد عوه .. بنفس الوقت مو قادر يرفضها بداخله ..
فمثل ما هو كان له مثل الأب فذيك هي أمه ..
مو قادر أبداً يسامحه ..


نزل من السيارة فزل حُسام يقول: مشعل ما جاوبتني ليه قتلها !!! تكفى مشعل أبغى أعرف ..
مشعل بهدوء: أسباب سخيفه نظر لها من جانبها هو .. لو نظر لها من جانبها هي بعد كان ما صار اللي صار ..
يكفيك تعرف إن أمي ما غلطت بحقه أبد .. هو اللي كان غلطان ..
قفل باب السيارة واتجه لباب البيت ..
ظل حُسام واقف بمكانه وهو حاس بالآلم والحقد ..
يعني حتى إن أمه ما غلطت ولا غلط صغير ..

ماتت مظلومه بالكامل .. مقهور كثير على موتتها ..
لف ولحق مشعل لداخل البيت ..
حُسام: مشعل طيب مين هو اللي كان يعرف بس ساكت طول هالفترة .. إنت أكيد عرفت عن طريقه صح
!؟.. مين هو ..!
مشعل: ما تعرفه ..
حُسام: مشعل جاوبني ..
جلس مشعل عالكنبه وهو يهمس: مو لازم ..
جلست حُسام جنبه ولما فتح فمه بيتكلم لف عليه مشعل وقاطعه يقول: لأن مالك علاقه فيه .. هو خبي
الموضوع عني مو عنـ..
وقف كلامه بدهشه بعدها إختفت الدهشه تدريجياً من وجهه ..
اللحين فهم ليه لما كان يطلب منه يجي وفيه حُسام كان يرفض ..
ولما كان يطلب منه يوصل حُسام لمكان كان يتحجج ..
كان يتجنب يقابله ... شكله يحس بالذنب تجاهه كمان ..
همس بهدوء: ذاك الغبي مو هو اللي قتلها حتى يحس بالذنب ..
إسترخى وكمل في نفسه: "المفروض يحس بالذنب تجاهي أنا بس لأنه خبي علي .. لكن يحس بالذنب تجاه
حُسام لأن أبوه قتل أمه فهذا كثير " ...
عقد حواجبه شوي بعدها قال: فهمت ..
حُسام: وشو ..!
غمض مشعل عيونه .. اللحين فهم ليه فراس كان يتحجج ..
على حسب كلام ذاك المحامي الخليجي فعزام كان شاكك بأن وحده من زوجاته هي القاتله وظل يحقق وراهم
لفترة ..
معناته سبب تركه لزوجاته هو لأنه للحين يحسب وحده منهم القاتله وعشان كذا ما كان يقدر يروح لهم ..
وسكوت فراس كُمل هالفترة خلت الحقيقه لسي مو باينه وهذا زاد من قسوة عزام وإبتعاده عن أهله ..
بإختصار لو إنه تكلم من أول كان عرف عزام إن ولا وحده منهم القاتله وكان حس بالذنب ورجع لأهله وما
تشتت عيلته بالطريقه هذه ..
غمض عيونه وهمس: هذا كثير يا فراس .. سكوتك دمر عيله كامله الله يهديك ..
حُسام: هيه مين فراس ..!! هو اللي كان يعرف عن عمك بس ساكت صح ..!
طالعه مشعل يقول: إنت للحين هنا ..!
حُسام: مشعل جاوبني ..
طالعه مشعل شوي بعدها قال: إيه ..
سكت شوي بعدها طالع بحُسام يقول: أبوك من بعد موت أمي ما قد زاركم ..!
لف حُسام راسه بضيق يقول: لا .. ولا يهمني الموضوع ..
مشعل بهدوء: مات عمي قبل ست سنوات تقريباً .. أمي قبل ١٢ سنه يمكن ..
تنهد وقال: معناته حضرت عزام تارك أهله يمكن من شيء ١٢ الى ١١ سنه .. إذا كان سبب تركه لأهله هو
عشان أمي فليه ترككم إنتم كمان ..! المفروض إنتم أول من يهتم فيهم ..
حُسام: مشعل ما أحب هالموضوع .. سكره ..
ظل مشعل يطالعه لفته بعدها سأل: حُسام فراس هذا ... بسبب سكوتة أبوك ما عرف الحقيقه وظل كاره
لزوجاته الباقيات ضناً منهم إنهم اللي قتلوها .. لو تكلم كان ما صار سوء الفهم هذا إنت تكرهه .. أقصد
فراس لأن بسببه ...
قاطعه حُسام: ما أعرفه بس ما بأكرهه ..
عقد مشعل حاجبه فكمّل حُسام: أمي ماهي من زوجاته اللي يشك إنهم قتلوها ..! أمي هي اللي ماتت ومع هذا
تركنا ..! وش السبب ..! ماله سبب ..! عرف أو ما عرف .. كان بيتركنا .. فعشان كذا ما بكرهه لأن السبب
مو منه ..
إبتسم مشعل بعدها قال بهدوء: غريبه .. فرحت لأنك ما تكن حقد ضده وأنا بنفسني حاقد على سكوتة ..
رجع يطالع قدام وهو يقول: هذا رايبك ... يس ما أضنه بيكون نفس راي أخوانك الباقيين .. لأن عزام كمان
تركهم بسبب أمهاتهم ..
حُسام بانزعاج: السبب منه هو ...!! ليه يترك عياله بس لأنه يكره زوجاته ..! شدخل عياله ..!! هو الغلطان
الأول والأخير .. الأشخاص اللي فقط يحق لهم يسامحوا فراس أو لا هم زوجاته مو عياله ..!
طالعه مشعل لفته بعدها قال: لهالدرجه تكره أبوك ..!
لف حُسام وجهه بضيق ..

يكرهه أكثر من كذا بكثير .. مهما صار مُستحيل يسامحه ..
همس مشعل: ومع هذا كلامك صح .. عزام ما يحق يترك أولاده لأنه بس شاك إن زوجاته غلطوا ... من مجرد
شك بوحده قام ترك الكل ...!! ما كان بعقله لما قرر هالقرار .. هذا لو كان براسه عقل ..
فعلاً .. لما فكر بالموضوع بشكل عميق لقي إن تفكيره سلبي جداً ...!!
هو شاك بوحده منهم فقام تركهم كلهم ...!! معناته داخلياً متيقن إن إثنين منهم مالهم دخل ...!!
ومع هذا تركهم ...!! من مجرد شك ...!!
مو قادر يلاقي تعليق مُناسب ..
تفكير عقيم جداً ..
قام فقال حُسام: بتروح ...؟!
مشعل: بنام شوي لحد الظهر ..
هز حُسام راسه فقال مشعل: خذك غفوه كمان إنت ..
حُسام: ما معي .. شايل هم موضوع ملك ..
تنهد مشعل وقال: لا تشيل هم أحد .. تحرم نفسك من النوم عشانهم ...؟! ملك من بُكره بأبدأ أحقق بموضوعها ..
إفاداتك وإفادات عثمان راح تورطها كثير .. وراح أحرص إن يوم محاكمتها تكون قريب .. أمرت عثمان بقتل
حميدان .. وبعدها رشت واحد حتى يشهد ضدك .. راح أحاول تأخذ أكبر عقوبه أقدر عليها ..
إبتسم حُسام يقول: يعني أكيد بتروح فيها ...!!
مشعل: مدري .. عثمان يقول إنها هددته وأجبرته عالقتل .. لو أثبت إن كلامه صح فراح يُحكم عليها بالقصاص
.. من جهة ملك لو إنفت هالشيء وقالت إنها بس قالت له وهو أطاعها في الحاله هذه أضن إن حكمها القتل
تعزيراً .. أما عثمان ففي كلا الحالتين راح يتم القصاص منه ..
تنهد وكمل: طبعاً هذا لو ما تنازلوا أهل الميت عن القضية ..
إختفت الإبتسامه من وجه حُسام يقول: لا .. وشو ذي ...!! ملك غنيه بتطلع منها أكيد ..
مشعل: وبدر ...؟!
عقد حُسام حاجبه فقال مشعل: بدر ما تنازل عن رغد حتى لما أغريته بالمال .. يحيى كمان حاول بس ما قدر ..
معناته مو الكل يهتمهم المال وعيلة حميدان ماهي فقيره وله عدة أولاد ... أعتقد إنهم يمكن ما يتنازلوا ..
لف حُسام وجهه بضيق .. خايف تطلع منها ..
تنهد مشعل وحتى يريجه قال: حتى لو تنازلوا فلملك قضايا ثانيه .. لا تنسى الرشوه ..
حُسام: بس هذا شيء بسيط وما بتتعاقب كثير ..
رفع مشعل حاجبه يقول: الرشوه شيء بسيط ...!! يعني ما سمعت بالحديث اللي يقول الراشي والمرتشي في
النار ...!!
عقد حُسام حاجبه يقول: ليه ...؟! العقوبه بتكون كبيره ...؟!
مشعل: الرشوه جريمه مو عاديه إذا مو داري ...!! خلال هاليومين من بعد كلام الشاهد راح أقدر ألاقي أدله
تدينها كحساب البنك اللي حولت منه الفلوس وبكذا تثبت هالجريمه وعقوبتها سجن مده ما تزيد عن عشر
سنوات وغرامه مليون ريال وخصوصاً إن الرشوه هذه تبعثها شهادة زور .. وإنت أكيد عارف شقد شهادة
الزور جريمه مو هينه ...!!
طالعه حُسام لفتره بعدها همس: صحيح كثيره عشر سنوات بس بسببها ماتت رغد .. تمنيت تموت هي بعد
..
مشعل: حبيبي هذا إذا أهل حميدان تنازلوا .. لا تنسى إنهم يمكن ما يتنازلوا .. وغير كذا على حسب كلامك عنها
وعن الأشياء اللي سوتها فأضن إن وحده مثلها عندها جرانم غير ..
حُسام بهمس: إن شاء الله محد يتنازل ..
راح مشعل للباب يقول: على العموم قدامك ساعتين إذا تبغى تنام وشيل ملك من راسك .. راح تأخذ جزاها أكيد
..
بعدها خرج فظل حُسام بمكانه جالس لفتره بعدها قام وراح يريح جسده عالسريير ..

//

وفي الجبهه الثانيه ..
عند مركز الشرطه ..
هالشقراء الطويله خرجت من المركز والإبتسامه على وجهها ..
لبست نظارتها الشمسيه واتجهت مباشرة لسيارتها ..



وعلى سفرة العشاء ..
كانت تاكل الأم بهدوء وهي تطالع بأولادها وهم يسولفوا مع بعض وياخذوا ويعطوا بالكلام ..
حست فيهم .. بالهنوف وحوار بينهم خلاص تقبلوا أبوهم وناويين ياخذوا رقمه من أخوانهم اللي مع الإندونيسيه

كلموها حتى يعرفوا إذا هالشيء يضايقها ولا لا فجوابتهم بلا ..
صحيح مو قادره تسامحه .. وصحيح مو قادره تسامح زوجته ..
بس شدخل الأولاد ..؟! ما تبغى تبني بقلبهم حقد ..
اللي شايله همه هو ثائر .. لا هو قادر يسامح أبوه ولا يسامح زوجته الثانيه ..
ما تبغاه بهالعمر الصغير يكره أبوه ..
ما بتغصبه .. بس بتحاول معاه شوي شوي ..
حاسه إنها مع الوقت راح تخليه يسامحه .. تبغاه يكبر على يد أبوه ..
دام كلام حور والهنوف عنه كذا فهذا يعني إنه أكيد تغير ..
تنهدت .. خلاص الهنوف اللي شكت إنها ممكن تكون متهاوشه مع زوجها رجعت أمس له ..
لكن حور ..؟!!

دام عزام رجع لازم تطلب منه هالشيء ..
هو أبوها وواجب عليه يصلح كذا عشان بنته ..
الشباب الوقح اللي اسمه غازي ... لازم يقاضيه على الإشاعه اللي طلعتها لبنته ..
على الأقل يعاقبه ويرد إعتبار بنته في الحاره ..
هذا هو الشيء الوحيد اللي ممكن تطلبه من عزام لو شافته ..
نيتها تطلب كمان إنها ما تشوفه بس معناته ما بيقدر يجي عشان أولاده وبكذا بتقل شوفتهم لأبوه ..
فعشان كذا بتكتفي بعدم مخاطبته وبس ..
لحتى بس تتزوج حور ويكبر ثائر بعدها بتطلب الطلاق وتكمل حياتها لوحدها ..
بتقدر على هذا ..

صحت من سرحانها على صوت ثائر يناديها فقالت: هلا ..
ثائر: يمه قابل لك عاقبي الهنوف ...!!
تعجبت وقالت: وليش ..؟!
ثائر: يمممممه مو أمس قلت لك ...!!
تنهدت لما تذكرت وقالت: تلقاها نسيت ..

ثائر: وشو نسيت ..؟! تركتني أنا ووسام نزلت ثلاث ساعات بالسياره .. مو على أساس بتاخذ لها بعض الأشياء وتجي ..؟! حتى بغيت أنزل وأدق الجرس بس وسام يقول لي عادي خلها تأخذ راحتها ولا تستعجل عليها ...!! مسكين ما يبغى يحسسها إنه مستعجل أو إننا هم وأشغلناه .. حتى أشغلنا نفسنا نطالع فلم بجوال وسام تخيلي ...!!! لو ما عاندت ونزلت أدق الجرس أسأل عنها كان قعدنا للصباح ...!!
الأم: هههههههههه خلاص شفيك معصب .. خلها تلاقى مسكينه نسيت الله يهديك ..
حور: ههههههههههه هالكلمات الحلوه يا يمه ما تقولها لها وهي موجوده .. حرام تكسر خاطر ..
دق الجرس بهالوقت فقام ثائر يقول: مين بيدق اللحين ..؟!
وراح في حين راقبته الأم بنظراتها وهي تقريباً عارفه مين ممكن يكون ..
شوي جاء ثائر يقول: يمه فراس صديق نادر بيغاك ..!
قامت فقال ثائر بتعجب: بس ليه دقيتي عليه أمس عشان يجي ..؟! مو قادر أفهم .. وش دخله ..?!!

الأم وهي تبس الطرحه على راسها: ما يخصك الموضوع ..
حور: أوووووف بنص الجبهه يا ثائر هههههههههههههههههههه
طالعها باتزعاج في حين راحت الأم لعند الباب ..
فتحت جزء منه تقول: فراس ؟!
فراس: هلا هلا يا خاله .. كيفك ؟!
ظلت ساكنته شوي بعدها قالت: بخصوص الموضوع اللي جيت تعترف فيه لي
بعدها سكتت فتوتر فراس ووده يتكلم يشرح شيء من موقفه بس تراجع ..
هو قال كل اللي بيغاه في زيارته لها .. ما توقع بترد بهالسرعه ..
تنهدت وقالت: فراس .. تفهمت موقفك ... جيت لي وطلبت العفو وشرحت لي كل اللي صار بدون لا تكذب
فراس وصلت لمرحلة ما أبغي فيها أدخل بمشاكل .. ولا أبغي أتعب نفسيتي بأشياء ثانيه .. صحيح سكوتك عن الموضوع خل عزام لفتره طويله بسوء الفهم حقه بس ... من نظري أنا أشوفه غلطان .. وأشوف نفسي كمان غلطانه ... لأن أولاً وأخيراً عزام ما تزوج علي إلا بعد شيء صلحته بوحده مريضه .. وحسيت إن هذا جزائي .. وعزام من قبل حكاية جواهر وهو يجي البيت كزياره بس .. كذا ولا كذا فهو إنسان مهمل وغلطته مالها تبرير .. أنت كمان غلطت

قاطعها فراس: يا خاله أحلف لك إن موضوع عزام كله على بعض عرفت عنه قبل أقل من ست شهور !! ما تخيلت إنه ممكن يكون صلح هالشيء في عيلته بسبب موت جواهر !!! والله لما عرفت بديت أبحث عنكم أتأكد من صحة الشيء اللي سمعته وكُنتم العيله الوحيدة من عيلته اللي عرفتها .. حسيت بذنب كبير وترددت أفتح الموضوع من جديد .. حاولت أساعدكم قد ما أقدر .. وإعترفت لك قبل عن موضوع زواج الهنوف وعن إني الشخص اللي كان يساعد بنتك بالرسائل .. وكمان ...

قاطعتها الأم: فراس فاهمتك .. أعرف إنك غلطت ... صحيح ما عرفت تصلح غلطك بس حاولت تسويه وأنا أقدر لك محاولتك وأشكرك كثير على كل مساعداتك اللي تمنيت لو جيت فيها من باب البيت أفضل ..

لف بنظره ولا تكلم .. على حسب كلامها فهي ما كانت تعرف عن اللي صار مع حور .. صعب وقتها يجي من الباب ويتكلم بموضوع يمكن العيله ما تدري عنه ..

الأم بهدوء: من ناحيتي ... مسامحك والله يبسر لك حياتك ..

غمض فراس عينونه وهو يتنهد بعمق وراحه فعملت: ما أبغاك تفكر بالموضوع أكثر وإنسى اللي صار .. جيئك لوحدها وإعترافك كان كافي ..

فراس: الله يخليك يا خاله .. ما تدري قد إيش أزلتي هم كبير عن صدري .. تسلمين يا خاله ولا أعرف كيف أرد لك جميلك هذا ..

الأم: لا جميل ولا شيء .. الله يكتب الخير للجميع .. روح تيسر الله يحفضك ..

ابتسم وقال: في أمان الله يا خاله ..

فقلت الباب وأسندت بظهرها عليه ..


همست بهدوء: سامحتة .. فسامحنى يا الله على تصرفي تجاه المقعدہ اللى آديتها بشبابي .. سامحنى يا رب ..

ففي ذيك اللحظه كان يبغى يوصل لها هالخير بس مو عارف إن كان أهلها يعرفوا ولا لا ..
الرسايل كانت الطريقه الوحيده ..
ومن هنا بدأ يساعدنا ..
ويتمنى إن مساعداته هذه أفادتهم كثير ..
وكفرت عن شيء من الذنب اللي يحس فيه ..

//

بعد ساعتين ..
البيت هادي والكل نايم تقريباً إلا هي ..
عندها شغله بسيطه مع موقع الجامعه وبتخلصها ..
شوي اضطرت توقف شغلها لما شافت الشاشة تنور باسم *أسامه* ..
إندهشت أول ما قرأت أسمه ..
إتصل ..؟! معقوله يجاوبها على موضوع أمها ..!
إيه أكيد إتصل عشان كذا بس
رفعت عينها تطالع بالساعه ..
كانت قبل نص الليل بدقايق ..
كيف يتصل بمثل هالوقت ..
ترددت ترد ولا لا ..
صارت خايفه بشكل مضاعف من بعد كلام أنجي والهنوف عن أسامه ..
كلامهم يعكس تصرفاته وطريقه كلامهم معهم ..
كان طيب كثير ويساعدنا دايماً ..
بس كلام أنجي والهنوف شككها بالوضع ..
لا مو شككها دام إثنين إتفقوا على نس الكلمه معناته هو فعلاً كذا ..
بس أمها ..
مو عارفه ..
خلاص قررت ترد تسمع على الأقل للي عنده ..
ردت وظلت ساكته فجاءها صوته يقول: هلا هلا طيف .. أخبرك ..؟!
رد بهدوء: شصار على موضوع أمي ..؟!
رفع حاجبه يقول: كذا تردين على الترحيب ..؟!
حست بالرليه من طريقته بالكلام فضحك يقول: لا أمزح .. طيف خلاص قررت أخبرك عن مكانها .. فعلاً
شكله مافي بيننا نصيب ..
إبتسمت غصب عنها تقول: جد ..؟! مشكور أخوي ما قصرت ..
إبتسم: العفو .. طيب .. وين نتقابل حتى أخبرك ..؟!
إختفت إبتسامتها تقول: عفواً ..؟!
أسامه بتعجب: أسأل متى تكوني فاضيه حتى نتقابل وأخبرك عن مكانها .. أو آخذك لها لو بغيتي ..
غصب عنها حست بقلبها يدق من الخوف ..
شفيه فعلاً قلب بطريقته في الكلام ..؟!
أو يمكن لأنه من عيله فري يحسب إن هالوضع إيزي ..؟!
أياً كان حست بالخوف فقالت: لو سمحت .. إرسل عنوانها لرقمي ..
رفع حاجبه يقول: ليه ..؟!
وشو اللي ليه ..؟! كيف ترد عليه ..؟!
وليه تحس إنه شبه نايم وهو يكلمها ..؟!
بلعت ريقها تقول: أسفه أخوي .. ما أقدر أقابلك .. ولا أقدر أطول بالمكالمه أكثر من كذا .. لو سمحت تقدر
ترسله كرساله نصيه ..؟!
أسامه: وليه ..؟!
أسامه: وليه ..؟!

ما ردت عليه .. فابتسم يقول: إذا إنسي تشوفيها ..
 إنصدمت من إنقلابه المفاجئ هذا ...!
 فعلاً كان معهم حق ..
 ليه طيب قلب ..؟! كان طيب معهم ..؟!
 قبل لا تكمل حتى تسألها قال: ها وش تختارين ..؟!
 زمت على شفتها .. وشو اللي وش تختارين ..؟!
 أسامه: هيا ترى بس أبغى أقابلك وأتكلم معك شوي .. كفايه رفضتيني وهذا كثير علي .. أقلها أتمنى لك
 بالنصيب الصالح يا طيف .. كوب قهوه بأحدى الكافيهات ما بيضرك بشيء .. ما أنوي أي شر بالموضوع و...
 همست طيف: راح أقابلها لما الله يريد ..
 وبعدها قفلت الجوال بوجهه ..
 زمت على شفتها بعدها إنسدحت وغطت رأسها بالبطانية ..
 وإنفجرت تبكي بصمت ..
 خذلها .. خذلها كثير ..
 عطاها أمل وأمنيات ونهايتها كان ولا شيء ..
 ليه كذا ..؟! هالشيء أوجعها كثير ..
 بلغت ريقها لما وصل لها مسج ..
 فتحتة فشافته منه وعلى شكل رابط ..
 وشو فيه ..؟! لا يكون لوكيشن بيت أمها ...!!
 بس حروف الرابط ما تتوافق مع مواقع قوقل ..
 إتسعت عيونها من الصدمة لما تذكرت كلام أنجي ..
 * حتى لو كانت مسج صغير فهو أكبر مَهْكَر *
 بلغت ريقها .. لا يكون هذا رابط تهكير ..؟!
 لا .. مُشْكله .. الجوال مليان مُحادثات وروابط وحسابات وغيرها ..
 لو هكره فبيقدر يدمرها ..
 يدمرها ..!!?
 قفلت الشاشة وغصب عنها توقعت إنه فعلاً ناوي يدمرها ..
 قالت لها أنجي إنه إنسان خطر وممكن يدمر اللي ما يمشي على هواه ..
 جاها صوت مسج ثاني ففتحت الشاشة ولقته كاتب / *أرسلت اللوكيشن لعمل الوالده ، وأعتذر عن تماديي
 بالكلام ، أنا من عيله فري وضمنيت الموضوع إيزي * ..
 زمت على شفتها غصب عنها ..
 لأنها وحده فقيره يضنها هبله ما تقدر تفرق بين روابط المواقع وبين الروابط المجهوله ..!
 فتحت الجوال وعملت حظر بعدها غضمت عيونها تتألم على خيبة الأمل اللي جتها ..
 هي من البدايه تناست موضوع أمها ولا فكرت بشيء قد يكون مُستحيل ..
 بس جاء هو وفتح لها هالباب وبعدها اللحين صفعه بوجهها بكُل قوه ..
 كُل اللي قدرت تقوله هو ..
 الله ينتقم منك ..



ومرت الأيام بشكل مُتتالي وسريع ..
 كان ثقيل على البعض وحسوا إنها دهور وخفيفه على البعض لدرجة كأنها يومين ..
 بعد مرور شهرين تقريباً على أحداثنا الأخيرة ..

وبالساعات الأولى من ليلة الثلاثاء هذه ..
واقفه قدام المرايه تطالع بهدوء بفستانها اللي كان من المفترض يصل كالعادع لنص الفخذ لكن نزولاً عند
رغبة أخوها خلته لتحت الزكبه على الأقل ..
تيفاني ماسك مع كسره خفيفه بالجانب وشوز عالي طولها عشر سانتي ..
همست تقول: متى آخر مره عملت تسريحه فخمه مثل كذا ..؟! واه من زمان ..
أعطت نظره أخيره على نفسها وبرضو فيه شيء مو محسبها بالراحه ..
فيه حاجه غلط بس مو عارفتها ..
إنفتح الباب بدفاشه ودخل أخوها يقول: آنجي وبعدين معك ...!!! أختينا كثير ..
رفعت حاجبها ولفت عليه تقول: باقي بدري .. الساعه توها عشر ..
رد عليها بنفاذ صبر: بدري للضيوف ...!!! بس إنتي أخت العريس ...!! فاهمه هالشيء ولا مو فاهمته ...!!
المفروض إنتي أول الواصلين ...!! كلهم بالقصر اللحين ..
مطت شفتها بعدها قالت: جهاد مدري .. فيه شيء غلط .. إنت تحس فيني شيء غلط ..!
طالع بشكلها وقال: إيه .. القستان قصير ..
رفعت حاجبها تقول: اللحين هذا قصير ...!!
رفع حاجبه يقول: لا يسحب على الأرض من طوله .. على العموم هيا ...!!
ترددت شوي بعدها قالت: خايفه شوف ناس جدد ما عمري شفتهم ...! ياخي خلها ببعدين ..
تنهد وقال: لك شهر كل ما أقولك روجي تعرفي عليهم تقولي لا ببعدين .. واللحين زواج واحد منهم .. لازم
تروحي ..
رفع حاجبه يقول بسخريه: بس جديده ذي .. أول مره آنجي تخاف من مقابلة أحد ...!
آنجي: ها ها ظريف ..
إبتسم بعدها إختفت إبتسامته تقول: وبعدين معك ...!! ياللا نروح .. ترى الكل جاهز ..
آنجي بضجر: أوووف طيب طيب ..
وراحت تلبس عباتها وتلف الطرحه على راسها فخرج وهو يقول: لا تنسي تتغطي ..
آنجي بملل: طيب بس فكني ..
نزل جهاد من الدرج وبعدها طلع من القصر ..
إبتسمت تقول بحماس: راكان متى نروح ..؟! متحمسه أقابلهم ...!
طالعها بهدوء .. هالبنات خلال سنين قليله خلاص لازم تتغطي عنهم ..
لأنها ما تعتبر أختهم من الأب ..
معناته خلال سنين قليله راح يضطر لهالشيء ..
لأنه يعلمها حقيقتها ..
أخذ نفس عميق بعدها إبتسم يقول: بس ننتظر آنجي المزعجه ..
تأففت حلا تقول: البنات دايم يأخرونا ..
جهاد بتنهيده: معاك حق .. الله يعيننا عليهم ..
حلا: آمين ..
دفايق حتى جتهم آنجي تقول: ها تأخرت ...؟!
إبتسم جهاد يقول: بس قعدتي عشر دفايق عشان بس تلبسي طرحتك يا آنسه ..
ضحكت تقول: هيا كويس ضنيت حالي طوالت ..
فتح باب السيارة فركبت آنجي جنبه وحلا وري ..
آنجي: لعلمك .. بس بغيت أقولك لو شفت أخوان شخصياتهم ما حبيتها فراح أقولها بوجههم ...! لا تنتظر مني
مُجامله ..
جهاد وهو يحرك السيارة: راح تحببهم إن شاء الله .. بس ما حبيتهم فلا تجاملهم .. كل اللي أبغاك بس تسكري
فمك ..
آنجي بسخريه: بس ...؟! لا قليل ..
جهاد: كويس توقعتك بترفضي ..
ضحكت حلا بعدها قالت: راكان إسرع .. نبغي نوصل بدري ..
جهاد: باقي أمر على خالتي أم تاتر ..
آنجي: أما ...؟! ومين ذي ...?!
تنهد يقول: قلت لك من قبل .. زوجة أبوي الأولى ..
آنجي: آها ..

حلا: وناسه بنقابلهم !!!
آنجي: وذي كم لها أولاد ؟!
رفع جهاد حاجبه يقول: ذي !!!
ميلت شفتها وعدلت كلمتها تقول: وعمتي أم ثائر كم لها ولد ؟!
جهاد: ثلاث .. الهنوف متزوجه وبتجي أكيد مع زوجها .. حور وأخيراً ثائر بنفس عمر حلا .. ومعهم بنت خالتهم ..
إبتسمت آجي تقول: طيف ؟!
جهاد بهمس: ما كان لازم تبتسمي ..
ضحكت ورجعت تطالع بالطريق ..

دقايق ووصلوا للبيت ..
وقف جهاد يقول: بأنزل أناديهم .. آنجي إرجعي وري عشان خالتي تجلس قدام ..
نزلت آنجي تقول بملل: أوكي ..
دقايق حتى ركب جهاد السيارة وجنبه ركب ثائر وقرب أكثر حتى يترك مجال لأمه ..
لف على وري يطالع بحلا بعدها قال: إنتي مين ؟!
حلا: إنت اللي مين ؟!
رفعت آنجي حاجبها على الهبل هذا ..
داخلين سيارة نفس الأخو بعدها يسألوا بعض ..
لف ثائر يطالع بآنجي اللي كانت منزله الطرحه عن وجهها بما إنها داخل السيارة ..
ظل يطالعها لفتره بعدها ظهر الإشمزاز على وجهه وهو يقول: اللي بغت تكسر لآب توب كِرار بكعبها !!!
رفعت حاجبها تقول: إحلف !!!
نزل عيونه يطالع تحت فقال: يووه حتى اللحين لابسك كعب ..
رجع يطالعها يقول: يا رب تطيحين بالعرس ..
واااه شقد يستفزها هذا الشخص ..
حلا: لا آنجي ذي ما عمرها طاحت .. ودي أشوفها صدق بيوم تطيح ..
آنجي بنصف عين: طيب قولني ما شاء الله ..
طالع ثائر بحلا يقول: إسحبي عليها ولا تقولي ما شاء الله .. خليها تتشقلب اليوم ..
حلا بحماس: يعني لما ما أقول ما شاء الله يصير كذا !!!
ثائر: إيه ..
حلا: وناسه وقسم ..
طالعتهم آنجي بعدم تصديق !!!
شفيهم هالبززان اللحين ؟!
جد عقولهم صغيره وبتتجاهلهم ..
تنه جهاد يقول: حلا عيب .. قولني ما شاء الله .. يعني تحبي يصك أختك عين ؟!
حلا: لا بس أبغاها تطيح يعيدن أقول ما شاء الله ..
ثائر: شاطره يا حلا ..
حلا: طيب إنت وش أسمك ؟!
ثائر: محسن ..
ضربه جهاد على راسه فمسك راسه بألم يقزل: أووه إسمي ثائر ..
إنفتح الباب اللي وري فقربت حلا جنب آنجي فدخلت طيف بعدها حور وقفلت الباب وراها ..
طالعتهم آنجي بس كانوا متغطيين وما تعرف أي منهم هي طيف ..
ركبت الأم فحرك جهاد السيارة وهو يقول: كيفك يا خاله ؟!
الأم: الحمد لله بخير .. كيفك إنت ؟!
جهاد : والله تمام وعال العال ..
الأم ترفع صوتها شوي: كيف آنجي وحلا ؟! إن شاء الله بخير ..
حلا: الحمد لله ..
تعجبت آنجي من إنها تعرف إسمها فقالت: بخير ..
لفت الأم على جهاد تقول: مو كاتك تأخرت ؟!
رفع عيونه على المرايه المصوبه ناحية آنجي يقول: وحده أخرتنا ..
تجاهلته آنجي ولا ردت عليه ..

إنحرجت ترف .. يمكن لأنها أول مره تتلقى إهانة ويجي صاحب ها لإهانة ويعتذر ..
أو لأنه بس أم باسم ..
إبتسمت تقول: لا خلاص عاذرتك .. صحيح أزعجني وقسم بكيت بس دامه طلع من وري قبلك لأنك معصبه فأننا عاذرتك .. جيتك هذه على راسي والله ..
إبتسمت أم باسم تقول: سُبْحان من خلنك .. طيبه وخلوقه إسم الله عليك .. ربي يحميكي لأهلك ويزوجك الزوج اللي يسعدك ..
بعدها لفت وراحت فقالت ترف: الزوج اللي يسعدك .. يا شيخه كانت إختصرتي وقلتي إن شاء الله تكوني لأبني بالمُستقبل ..
رفعت حاجبها تقول: وش قلتي يا ست ترف ..
إندهشت ترف ولفت فلفت بوجهها بنان توها نازله من عند غرفة العروسة وشكلها سمعتها ..
وشو ..؟! بتدور عذر ..؟! مو لازم ..
ترف بلا مُبالاه: ما قلت شيء ..
وبعدها راحت ..
تتهدت بنان وقالت: الحرمة جد منخدعه فيها .. تقول عنها طيبه وخلوقه ..؟! ترف طيبه وخلوقه ..!!!! لا حول ولا قوة إلا بالله ..
مشيت ودخلت لعند أمها اللي جلست شوي تسولف مع جارتهم بداخل قاعة العرس ..
همست لها: يمه يحيى ييبغاك فوق .. يقول يبغي يتصور معك لأن أبوي توه طلع عند العروسة يشوفها وما يبطلع مره ثانيه ويحيى وده بصوره معك ومعه ..
هزت راسها بعدها إعتذرت من الحرمة ولحقت بنان اللي لما مرت من عند ترف أشرت لها تجي فطلعت وراها ميلت الهنوف شفتها تقول: يووه توها بتحكييني شسالفه زوجة أبوه الثالثه إلا وجت بنان تاخذها !!.. شهاالحظ ..?
حست بأحد يدقها لفت فشافتها ميرال ..
طالعتها تقول: هلا ميرال .. بغيتي شيء ..
ميرال بصوتها اللطيف الهادي: مافي عصير جزر ..?
الهنوف بانزعاج: لا .. وربّي أرسلت لترف واتس وألحيت عليها تجيب للزواج عصيرات جزر .. رفضت ولما شافت إصراري قالت طيب .. توني أدري إنها كانت تسلك لي ..
ظهرت خيبة الأمل على وجه ميرال مع إنه في بعض الكلمات مو فاهمتها فقالت لها الهنوف: ما عليك .. الليله هذه بس نرجع نسهر أنا وبياك على فيلم وجك عصير جزر ماشي ..?
إبتسمت ميرال برضى بعدها سألت: ليه واقفه ..?
الهنوف بشيء من الفخر: أنا أخت العريس .. يعني لازم أصف أستقبل .. بنان مشغوله رايحه وجايه في حين ترف سحبتها بنان مدري ليه .. آه وكان معهم أمهم .. هههههه تلاقينه اجتماع عائلي ..
هزت ميرال راسها بعدها إبتسمت تهمس: بروح عند أميره ..
الهنوف: باي باي .. لاحقتكم بعد شوي بعس لما تجي الساعه عشره ونص ..
طالعتها ميرال بتعجب وكأنها تسأل شمعنى عشره ونص ..
هزت الهنوف كتفها تقول: مدري ترف تقول كذا .. تقول نستقبلهم لين عشره ونص وبعدين مع نفسهم ..
إبتسمت ميرال بعدها جاهم صوت أود ..
لفت الهنوف لما سمعت صوت يناديها فإبتسمت غصب عنها لما شافت حور ..
سلمت عليها تقول: يا البايخه ليه توكم تجون !!..
حور بهمس: أخرونا خوات جهاد ..
الهنوف: واه نفس ما توقعت أنا وترف ..
لفت على ميرال تقول: ذي ميرال أخت نادر .. حكيتك عنها ..
إبتسمت حور وسلمت عليها فأشرت الهنوف لداخل تقول: حجزت لكم طاولة جنب طاولة عيلة نادر .. تعرفيها أميره صح ..؟! الطاولة اللي جنبها ..
حور وهي تدخل: أوك ..
إبتسمت الهنوف وسلمت على أمها وعلى طيف تقول: والله تأخرتوا .. تدروا إني هنا من الساعه سبعة !!..
طيف: خلصنا تجهيز على الساعه تسعه بس أخوك تأخر علينا ..
بعدها ما جاوبتها لفت تسلم على هالبنات اللي واقفه جنب الهنوف فإبتسمت الهنوف تقول: أخت نادر .. هههههه اللي أقولكم تحب الجزر مثلي ..

سلمت الأم عليها بهالوقت لفت طيف على أنجي اللي لما دخلوا من الباب سلموا عليها وقالت للهنوف: هذه أنجي ... أخت جهاد ..

طالعتها أنجي شوي بعدها همست: أحسها بنت ساذجه ..

إبتسمت تقول: هاااي ماي سستر ..

إبتسمت الهنوف وسلمت عليها ..

لفت أنجي تطالع بميرال شوي بعدها إبتسمت تقول: هالبنات كيوت .. شكلي بأخطبها لجهاد ..

عقدت ميرال حاجبها في حين إندهشت الهنوف: وشو ..؟!

ضحكت أنجي ومشيت لداخل تقول: أمزح .. جهاد ما بيرضي بغير طيف ..

تفاجأت طيف وعلى طول عملت حالها ما سمعت ودخلت لداخل في حين إتسعت عيون الهنوف من الصدمة

ولفت على أمها تقول: سمعتي يا يمه ...!! تقول جهاد بيتزوج طيف ...!!

ظلت الأم مندهشة لفترة بعدها قالت: يمكن تمزح ..

الهنوف: محد يمزح بهالأشياء ...!!

تنهدت الأم تقول: صدقيني تمزح ..

إبتسمت وكملت: ولو كانت ما تمزح فأنا أخيراً ضمنت مستقبلها ..

إبتسمت الهنوف غصب عنها تقول: بأسأل جهاد وأتأكد .. وناسه لو كان صح ...!!!

الأم بصدمه: يا بنت عيب ...!!

أما حلا فكانت واقفة تطالعهم بعدها قالت: أنجي ما تمزح ..

لفوا عليها فكملت: من زمان وهي قابله للبيت كله إن جهاد بيتزوج وحده إسمها طيف ..

طالعت بالهنوف تقول: أنا حلا .. أخت أنجي ..

صحبت الهنوف من دهشتها وإبتسمت تسلم عليها بعدها مشيت حلا وراحت للمكان اللي جالسين فيه أنجي

وطيف وحوور ..

الهنوف بعدم تصديق: سامعه يمه ...!!! جهاد بيتزوج طيف ...!!! أووم الوناسه ..

إبتسمت الأم بهدوء بعدها قالت بشيء من الثقل: قلت لك لا تصدقيهم أكيد يمزحوا .. وين أهل زوجك أسلم

عليهم ...؟!

طالعت الهنوف حولها بس مافي أحد يوقف بدل عنها ..

لفت على ميرال ودقتها حتى تطالعها ..

إبتسمت تقول: خذي أمي لخالتي وأميره والبقية ..

هزت ميرال راسها بعدها دخلت هي والأم لداخل ..

شوي جتها ترف تقول: فاتني شيء ..

الهنوف: شيء مثل وشو ...؟!

ترف: يعني أحد طاح .. مهاوشه .. موقف مُحرج .. شيء زي كذا ..

طالعتها الهنوف بنص عين تقول: ما جاء غير أمي ..

ترف: جد ...؟! طيب جوا معها بنات ملك ...؟!

الهنوف: بنات ملك ...؟!

ترف بملل: أقصد بنات زوجة أبوي الثالثة .. الموضوع يضحك لما أذكر كلمة الثالثة فعشان كذا بأقول ملك

أسرع ..

الهنوف: إيه جوا .. إنتي تعرفي طيف وحوور قابليتهم من زمان .. تلاقيهم جالسين معهم عالطاولة اللي

حجزناها ..

ترف: أوكي ..

ومشيت بتدخل فقالت الهنوف: وين وين ...؟! مليت بمكاني ..

ترف: يا شيخه بقي عشر دقائق .. تحملي ..

بعدها دخلت تقول: واااه ليتني إستغلّيت الهنوف من زمان لحتى تجي مكاني ..

راحت للطاولة حيث كانت الأم توها خلصت من سلامها على أهل نادر وقبل لا تجلس سلمت عليها ترف تقول:

كيفك عمه ...؟!

أم ثائر: الحمد لله بخير .. مبروك زواج أخوك وعساها زوجة الدهر ..

ترف: الله ببارك فيك وأمين إن شاء الله ..

لفت وسلمت على جور وطيف واللي سبق إنها تعرفت عليهم أكثر في الشهرين اللي راحوا بعدها طالعت في

أنجي ..

همست بداخلها: "كنظرة أولى باين إنها مغروره" ..

قامت أنجي لحتى تسلم عليها وهي تقول في نفسها: "أحسها وحده ملسونه مدري ليه" ..

ترف: أهين بأختي ..
آنجي: هلا ..
سلمت عليها بعدها لفت تسلم على حلا ..
رجعت تطالع بآنجي لفته بعدها إبتسمت تقول: منوره أختي ..
آنجي بإبتسامه تجاريها: طبعي ..
رفعت ترف حاجبها .. فعلاً طلعت مغروره ..
ما عليه .. تعاملت مع مغرورين كثير .. بتقدر تتعامل معها ..
ترف: طبعاً بوجودك .. المهم إجلسي شايله هم أحد يصكك بعين ..
بعدها لفت وراحت فميلت آنجي شفتها وجلست تقول في نفسها: "ملسونه فعلاً .. ما عليه أعرف أتعامل مع
اللي مثله" ..
إبتسمت حور تقول: الجو بينكم ... حسيته شوي متوتر ..
طالعتها آنجي بعدها قالت: ما دخلت مزاجها فحبت تستهبل علي .. ما عليه لما أروق لها راح أستهبل بعد ..
حور: هههههههه أخيراً جاء لترف وحده تشبهها ..
طالعتها آنجي بدهشه ..
وشو ذي تشبهها ..؟؟! جنت البنت !!
جت بهالوقت بنان ترحب فيهم .. سلمت على عمتها والبنات بعدها لفت على آنجي وحلا تقول: آنجي وحلا صح
!؟! حكايتي جهاد عنكم كثير .. ما توقعتمك بهاللطافه والجمال ... وربي نورتونا ..
قامت لها آنجي تسلم عليها تقول: تسلمي حبيبتي ..
إنحنت بنان لحلا وسلمت عليها تقول: يا حياتي تجننين .. كم عمرك ..؟؟!
حلا: سادس ..
بنان: قمر وربي .. العمر كله ..
طالعت بآنجي تقول: وقسم نورتي المكان بجيتك آنجي .. تمنيت من أول أشوفك ..
آنجي: منور بوجودك وربي .. تسلمي كثير ..
بنان: أعتذر مشغوله شوي .. بس أفضى راح أجلس أتكلم معكم وناخذ ونعطي بالكلام ..
حور: لا عادي خذي راحتك ..
لفت بنان وراحت فجلست آنجي تقول: البنت طبعيه وراقت لي ..
حلا بملل: طفش .. أبغى راكان ..
آنجي بهمس: بعدين .. خلي الزواج يخلص بعدها بتشوفيه لين تشبعي ..
ميلت حلا شفتها ولا علقت ..

//

عند الرجال ..
ظل حُسام واقف عند بوابة القصر فتنهد مشعل وقال: ما بتدخل ..؟؟!
طالعه حُسام شوي بعدها قال: مدري ..

[illegible]

حُسام: بأقص شعري ..
ضحك مشعل في حين رفع يحيى حاجبه ..
جت مُداخله من ثائر يقول ببرود: سيكون شكلك يضحك وانت أصلع ..
لفوا يطالعوه فقال حُسام بهدوء: أنا حلو بكل حالاتي ..
هز ثائر راسه بتفهم في حين لف حُسام على يحيى يقول: ياللا رايح يحيى ..
يحيى: الله معك ..
راح حُسام في حين ابتسم مشعل وطالع بيحيى يقول: شرايك بالحوار القصير جداً بين أخوان يتقابلوا لأول مره
!؟..
يحيى: ههههههههه حاولت أ منع نفسي لا أضحك .. أعرف حُسام حاد المزاج وبيقلب علي ..
ثائر ببرود: يعني عادي تضحك قدامي !؟..
ضحك يحيى غصب عنه فظهر الإنزعاج على راس ثائر يقول: من أول وقلبي مو مرتاح لك .. ما أحبك يا شيخ
يحيى: ههههههههه خلاص أعتذر أعتذر ..
لف مشعل يقول: على العموم أشوفك على خير ..
يحيى: إن شاء الله .. الله معك ..
راح مشعل وخرج دايركت بعدها لف يسار ويمين يدور حُسام ..
تنهد لما ما شافه فدق عليه ..
من الجبهه الثانيه رد حُسام وهو وقف قدام المغاسل: رت الحمام شوي .. دقائق وراجع لك ..
قفل الجوال بعدها شطف إيديه بالمويه ونشفها بالمناديل ..
طلع من الحمام ولما إتجه لبوابة الخروج صادق بوجهه أنجي وبنان وشكلهم توهم داخلين بيروحوا قسم
الرجال ..
بنان يابتسامه: حُسام !!! أخبارك !؟..
ما رد عليها وظل يطالع بأنجي ..
البننت هذه بنت ملك !؟..
ملك اللي
ظهر الإنزعاج الشديد بوجه أنجي ..
الولد هذا هو الولد الوقح المجنون المختل عتلياً اللي خربط على راسهم أول بخرايبط مالها أول ولا آخر ...!!
والله شقد تكرهه ..
كشرت بوجهه تقول: حقير ..
رفع حاجبه .. وشو حقير هذه !؟..
البننت إنجنت .. أمها الحقيره مو هو ..
شكل عندها إختلال بالعقل .. بيعطيها على قد عقلها ..
حُسام: آها ... شكراً ..
بعدها لف وخرج ..
هالإنثنين قدامهم مشوار طويــــــــــــل لحتى ينسجموا مع بعض ..
طالعتهم بنان بتعجب في حين جت حور تقول: شفيكم للحين واقفين !؟..
بنان: مافي شيء .. ياللا يقول يحيى تعالوا مافي أحد غريب ..
راحوا آنجي وبنان ولحقته حور ووراها أم يحيى وحلا ..
في حين كانوا ترف والهنوف يمشوا على أقل من مهلهم ..
الهنوف بدهشه: أمها إنسجنت !!!..
هزت ترف راسها تقول: يب .. عليها قضايا مالها نهايه !!! رشوه وتحريض على القتل وفساد بشركتها
وأخيراً تستر على جريمه ..
الهنوف بعدم تصديق: يا لطيف !!! ليه أم جهاد كذا !؟..
ترف: مدري عنها .. يقولون نجت من القتل بعد ما أخوها تدخل بالقضيه وقدر يدفع مبالغ خياليه لعيله اللي هي
حرضت على قتله .. والحين مسجوننه لأكثر من عشر سنوات .. مو عارفه كم بالضبط ..
ظهر الألم على وجه الهنوف تقول: مسكين جهاد ..
ميلت ترف فمها تقول: معك حق .. ما تستحق تكون أمه .. وتخلي وشو بعد !؟..
الهنوف: إيش !؟..
ترف: ولدها الكبير إنسجن ..

تنہد جہاد بقول: ما تعرف ترحب ..!؟!

هزت طيف راسها وأول ما قفلت الباب دخل عزام بهدوء للقاعة اللي فاضيه من الكل عداها هي ..

هي .. ما راحت له وتعذرت بطيف .. بس ما كانت تتوقع بيحي هو ..

وش بيصير ..؟! وش عنده كمان ..!؟!

تقدم وجلس على كرسي وطالعها لفته قبل لا يقول: كيفك يا أم حور ..!؟!

نوره بهدوء: بخير ..

طالعها عزام شوي بعدها قال: جاي أطلب منك خدمه ..

طالعته فتنهد يقول: أنا طالع من السجن بكفاله بس عشان أحضر الزواج ..

إتعت عيونها من الصدمه تقول: وكيف إنسجنت ..!؟!؟!

أخذ نفس عميق وقال: تسترت على جريمتي قتل إفتعلها إبنني ومنعته من إنه يبلغ أحد .. راح قبل فتره وإعترف على جرائمه وإفتحت القضية من جديد .. الحمد لله طلع منها بسبب صغر عمره وقتها وغير عن إنه دافع عن نفسه بأداه ما تُعتبر سلاح و..... المُهم أفرج عنه بعد ما إنحجز لفته طويله تحت التحقيق .. وهذا الشيء اللي مريحني .. في المقابل تعاقب شخص دنيء يقرب له وهو اللي تسبب له لكل هالمشاكل ونهايته كانت حد الموت .. وبعدها أدنت أنا وملك لسكوتنا عن موضوع ولدنا .. طلعت بكفاله بس عشان أحظر زواج يحيى وأطلب منك خدمه ..

طالعته بهدوء فقال: هارام .. زوجتي الإندونيسيه الليله راح أطلقها تحت رغبته .. إعترفت لي قبل فتره بإنها كانت تعرف المُجرم وسكتت عنه بسبب الخوف وإنها من شدة خوفها ما سافرت مع إن الأوراق معها .. قالت لي إن جواهر كانت ناويه تعطيها .. صحيح عصبت لأنها كانت تعرف القاتل وسكتت عنه بس .. قرررت أتنازل .. بما إن جواهر كانت ناويه تسفرها .. وبما إنني خلاص ما أبغى أذي عيالي بعد اليوم قررت أسكت وأسمع لطلبها .. طائرتها بكره العصر على بلدها ..

ما علقت على كلامه فتنهد وقال: يحيى خلاص تزوج وإستقل بحياته .. بنان إنسانه مُستقله وصرحت لي إنه فيه دكتور مُزعج على قولتها طلب يقابلني أنا قبل فتره بس بسبب إنشغالي ما حصل وإكتفت بالتلفون وصارحني بإنه ناوي يخطبها .. حتى أخليه على علم خبرته إنني على أبواب مُحاكمه راح أنسجن بعدها وعلمته بكل شيء سكت بعدها قال مافي مُشكله .. أطلبها من يحيى .. واللحين مو عارف شصار على الموضوع .. بس دامه تقبل واقع إنها بنت خدامه سابقاً وبنت سجين فهو بإذن الله كويس .. بقي بس ترف .. وغيرهم هناك أولادي .. جهاد وكرار وأنجي و..... حلا ..

ظل يطالع فيها لفته بعدها قال: أتمنى بغياي تكوني الأم لهم ..

تفاجئت من طلبه فكمل: محد راح أقدر أأمن عنده عيالي غيرك يا نوره .. أطلبك تكوني مثل الأم لهم .. منهم من سافرت أمهم .. ومنهم من قلبه للحين مجروح على سجن أمه .. هذه هي الخدمه اللي أبيغاها منك .. أعرف قلبك كبير .. لو مو كبير كان ما حضرني هالزواج ولا كان إستقبلتهم سابقاً ببيتك .. كلمتهم بالأمس عن رغبتي هذه وخبرتهم إنني راح أخليك تهتمي فيهم وطلبت منهم يرجعوا لك كل ما إحتاجوا لشيء .. وأتمنى تلبي لي هالخدمه

سكت شوي بعدها قال: ما بتكلم عن اللي صار قبل ولا راح أطلب منك تسامحيني لأنني واثق بإنك مو مسامحتني .. ولأمانه للحين شايل بقلبي على اللي صار لعمتي .. فخلينا ننسى كل هذا يا نوره خلاص ..!؟!

طالعته لفته بعدها قالت: مو عشانك ... بس عشانهم راح أوافق ..

إبتسم يقول: طول عمرك أصيله ..

تنهد وقال: واللحين بأقدر أدخل السجن وأنا مطمئن عليهم ..


سكت وكمل بشيء من الألم: على الرغم من إن إثنين منهم للحين مو قادرين يسامحوني .. والثالثه معتبره يحيى هو أبوها مو أنا ..

نوره بهدوء: أشكر الله إن بعضهم سامحوك .. سامحوك لأنهم إفتقدوا وجود الأب وكانوا بحاجته ولقيوا

المسامحه هي خيارهم الوحيد ..

هز راسه بهدوء فهي على حق تماماً ..

غبانه هذا إكتشفه بوقت متأخر ..



إبتسمت وهي تكتب بالدفتر ..
*اليوم هذا ... كان يوم مُميز بطريقه جميله ..
حور .. حبيبة قلبي وأخيراً إنخطبت ..
فرحت لها أكثر من فرحتي لنفسي لو حصل وإنخطب ..
هالبتن طيبه وتستاهل كُل خير ..
وعاد ما بَعَدت كثير عن الهنوف .. ببصبروا يزوروا بعض ..
الله يهنيهم ..
اليوم بالليل ورائنا عزيمة ... ضُحى ويحيى رجعوا من شهر العسل واليوم العشاء ..
الكل راح يحضره .. من زمان عن مثل هالأفراح الجميله ..
حببت بنان وترف كثير بما إننا صرنا نشوف بعض بشكل كبير ومشتاقه لشوفتهم ..
أنجي إنسانه شوي مغروره بس بداخلها هي طيبه مع غرورها زاد شوي .. يمكن بسبب ألمها للي صار لأمها
وأخوها حاولت تقوي نفسها لدرجة إنها تشوف نفسها أكثر من اللازم ..
فاهمتها وعمرى ما راح ألومها ..
وبالنسبه لأخوها أسامه ... فسمعت اللي صار عليه ..
صدمني الموضوع وبالأخير حمدت ربي على إنه ما إستجبت له أو فتحت حتى روابطه المشكوك فيها ..
هو عنده جرائم إلكترونيه كثير .. إختراق جوال هو مثل شربة المويه بالنسبه له ..
الحمد لربي اللي نجاني ثم الشكر لهم .. للي حذروني منه ..
بالنسبه لأمي ..
إستسلمت .. ولا فكرت أبحث عنها بأي مكان ..
أيقنت إنه مافي أم مُمكن تترك بنتها بالشكل هذا .. وأنا متأكده إن أكيد وراها أسبابها ..
يمكن وحده من هالأسباب هي إن الله أخذ أمانته وتوفاها من سنين ..
حاسه إنني راح أعرف هالحقيقه لو كملت أقرأ رواية أبوي بس خايفه ..
مع الأيام أيقنت إنها ماتت أكيد .. خايفه من ردة فعلي لما أقرأ هالحقيقه مكتوبه على الورق ..
راح أبكي .. وربي راح أبكي كثير .. فعشان كذا أجلت قرائتها ..
بما إنني خلاص وصلت لأجمل نقطه في روايتي الحاليه ..
نقطه تنقلب فيها الأدوار وتنكشف فيها الأقنعه ..
فمو كُل واحد قاسي معناته شخص شرير ..
القسوه أحياناً تتجسد بأشخاص ملينه قلوبهم بالضعف الشديد ..
وهذا اللي صار مع عم بطلي المحبوب كاسر ..
العم الشرس اللي أكل حق أولاد أخوه ورماهم بمُلحق قنر ..
اللي كُل ما شاف تصرف غلط من كاسر صرخ بوجهه وهاوشه ..
متحمسه لهالنقطه اللي بيطلع فيها حقيقه إن عمه الكبير القاسي والمُستبد
صلح كُل هذا لمصلحة عيال أخوه المتوفي ..
شخص جبان من داخل يعيش ببيت باسم زوجته وتحت تسلط زوجته التام ..
والفلوس ما أخذها بالقوه إلا لأنه كان يبغى يكبرها ويبني لهم مُستقبل ..
تظاهر بكُل هذا خوف منها إنها تطرده هو ويأهم بالشارع بأي لحضه ..
وهو اللي كان يقدم له الفلوس بين فتره وفتره .. وهو اللي عطاهم الأكل لما طلب كاسر عشان أخته ..
تصرف غلط .. شخصياً أشوفه جُبِن بس أمثاله بمُجتمعنا كثير ..
هالحادثه فعلاً بتقلب موازين كبيره بالروايه اللي وصلت لقرب النهايه ..
شابنا الوسيم اللي يتعقب كاسر من فتره راح يكشف عن حقيقه إنه عمه .. أصغر أعمامه ..

وإن له كمان سر كبير ..
بس محتاره وش أسميه ؟!..
قررت بالنهايه أجمع كم حروف من أسماء أولاد أخوه وأطلع له هالاسم مع إضافة حرف لطيف من عندي ..
الاسم غريب ... بس جميل .. ويناسب شخصيته *

تمت بتاريخ ١ / ١١ / ٢٠١٦ م ..
الساعة ٢:٣٠ am
لهنا نوصل لنهاية الروايه ..
وللأمانه ... تلخبطت علي الأمور .. وضيق الوقت تعبني ..
حاجات نويت إنها تدخل بس مَ قدر الله إنني أكتبها ..
لكن كشكل عام نهايه مرضيه ..
قصة عزام موجوده بمُجتمعنا ..
آباء يعاقبوا الأبناء على أخطاء ما إقترفوها ..
آباء يعاقبوا الزوجات على شكوك إختلقوها ..
آباء أنانيين هم الصبح دايم ... والباقي غلط ..
آباء ما يحسوا بالندم إلا بعد فوات الأوان ..
وهذا اللي إستفاده أب أبطالنا ..
زوجه ماتت .. والثانيه إنسجنت والثالثه سافرت والأخير ما هي مُسامحته ..
عيال .. جزء منهم سامحوه عن طيب خاطر .. والجزء الثاني أجبروا نفسهم يسامحوه لأنه بالنهايه أبوهم ..
والجزء الثالث للحين رفضوا يسامحوه ..
يمكن الأيام تغيرهم .. فأيامنا مليانه بالمد والجزر ..
من جهه ثانيه نال أسامه جزائه .. جلسته كم سنه بالسجن يمكن تغيره ..
الإنسان قابل للتغير في حياته ..
فكرار بدأ يتغير كمان ..
وأصيل تمنيت له عقوبه أجيب تفاصيلها وكان هالشيء أحد التفاصيل اللي ما أسعفني الوقت عليها ..
أتمنى تكون نهايه مُرضيه لكم بما إنني شخصياً مو راضيه عن بعض النقاط اللي بغيت أجيب عنها لكن الله ما أراد ..
وحبيت أذكر بعض الملاحظات ..
يحيى ذكرت ببداية الروايه إنه يعمل كرجل أمن بعدها ما عاد تكلمت عن الموضوع ..
أعتذر فالسبب يرجع لأن فيه مُتابعه جزاها الله خير ذكرتني بإن الشخص اللي من أم غير سعودي لا يمكن له
بأي شكل من الأشكال يدخل القسم الأمني ..
وأخيراً ألف شكر لكم جميعاً على تحمل روايتي ..
كانت روايه صعبه بكثير من أجزائها .. اللي مات واللي تعرض لمواقف أصعب من الموت ..
من ناحية القسوه فهي كانت أقسى من روايتي الأولى ..
وإن شاء الله النهايه تكون ختام مسك ..
أسعدتوني حيل وإعتذر عن أي تقصير حصل ..
وهذا تصميم صغير من مُتابعه اللي يعطيها ألف افيه حبيت يكون هو ختام للروايه ()

..× || the end || ×..